


4343



49
a



Ex Bibliotheca
majori Coll. Rom.
Societ. Jesu

49: 7.6.

14
4
H
5

~~49
a
6.~~
~~48
a
12~~





Coll. Rom.

Logica Soc. Jesu (at. Inscr. D.S.

MARTINI
SMIGLECII SO-
CIETATIS JESV,

S. THEOLOGIÆ

Doct̃oris.

SELECTIS DISPUTATIO-
nibus & questionibus illu-
strata,

Et in duos Tomos distributa,

In qua

QUICQUID IN ARISTOTELICO
ORGANO VEL COGNITV NECESSA-
rium, vel obscuritate perplexum, tam clarè & per-
spicue, quàm solidè ac neruose
pertractatur..

Cum indice Rerum copioso.

AD

Perillustrem ac Magnificum Dominum,
Dñm THOMAM ZAMOYSCIVM, &c.

Cum gratia & privilegio sacrae Casareae Maiestatis..

INGOLSTADII,

Ex Typographico Ederiano apud Elisabetham An-
germariam, viduam.

Anno Domini M. DC. XLIII. +.



PERILLVSTRI
AC MAGNIFICO
DOMINO, DN. THO-
MÆ ZAMOYSCIO MA-
GNI IOANNIS ZAMOYSCII F.

Capitaneo Cnissinensi, &c. &c.

AVTHOR SALVTEM D.



Lus homines inter se officij, ob-
beneficiorum memoriam, an-
studiorum similitudinem susti-
neant, iudicare non ita difficile
est; æquè vtrumq; singillatim è re nata præ-
stare operosum; vtrumque simul arduum.
Ego verò cui ad cognoscendum debitum sa-
tis virium, ad exoluendum animi multum
natura contulit, hoc etiam nomine omnia
tibi summa debeo, qui arduam ad vtrum-
que mihi complanasti viam, vt me quibus-
dam beneficiorum ac similium studiorum
vinculis quasi laxare queam, si planè solue-

*

re nomi

EPISTOLA

re non possim. Debebam memoriam nunquam interituram Patri tuo, cuius non benevolentia tantum, sed beneficentia etiam extitit in me singularis, atque eidem studiorum meorum consecrare fructus, cuius auspiciis literas fidentius tractare cœpi. Quod ut defuisset illud tamen maximum summi viri nomen nostris monumentis præscribi decuit, cuius insignia ædibus prætoris, vrbibus appendi omniū cum ambitione censuerunt. In quem iniurius sim si eius hic virtutem oratione consequi velim, qui se supra humanæ eloquentiæ extulit fastigium, id quod nemo exaggeratè dictum accipiet, qui intelligit vnum cum ea tempestate fuisse, qui potentissimum & in continentibus eductum victoriis Moschorum imperium, Stephani sapientissimi Regis auspicio, non debilitavit tantum sed fregit; cui nunquam satis domita, & ipsi Romanæ potentiæ formidanda Dacia succubuit, qui cum alibi, tum apud Liuvones à Gallia, Germania, Belgica, Suetia, Gothia, Britannia, inopinatis

tro-

DEDICATORIA.

trophæis omnis bellicæ virtutis confessio .
nem expressit, quem Odrysia tyrannis veri-
ta est, Persæ reuerbantur, formidarunt Scy-
thæ, Colchi coluerunt. Quæ omnia magna
& ampla sunt, exercitus variis ex nationibus
cōflatos per remotissimas Moschorum pro-
uincias, itineribus post hominum memori-
am impeditissimis, in summa rerum omni-
um difficultate saluos ducere; munitiones
arte, natura, præsidiorū in propugnandis ar-
cibus, industria, peruicacia, robore nulli se-
cundorum inexpugnabiles occupare, oppu-
gnationes arduas in hyemes nouo inuento
extrahere, in acie ex hoste semper numero su-
periore semper victoriam reportare, in sum-
ma locorum varietate, vt in Liuania, Dacia,
Moschouia, Roxolania videre est, pari vbi-
que prudentia & dexteritate æquè cum Asia-
ticis ac Europæis depugnare: Sed omnes Rei-
publicæ partes & pacis artes cognitæ habe-
re, morem maiorum, leges, iudicia, vectiga-
lia, commoda Reipublicæ constanter de-
fendere; omnem in partem animo excubare,

* 3

pro-

EPISTOLA

prospicere futura, meminisse præterita, nullo metu, nulla spe à Reipub. utilitate, & abilità honestatis regula dimoueri, summis de rebus sententiam pari fide & prudentia possediceret, omnium horarum & negotiorum esse virum, maior est res quàm homines suspicetur, quibus omnibus ita *Ioannes Zamoyseus* excelluit, ut nihil aliud vnquam didicisse videretur, cum tot negotia, tantamque rerum molem sustinuit solus, & tanquam gubernator in naui, sic in illo Reipub. cursu tractauit gubernacula & rectum tenuit clauum. Ita si hæc ab eo priuata in me, publica in patriam fuerunt beneficia; à me istud quaecumque officium esse oportuit ac debuit. Nam studiorum quidem similitudo tanta illa fuit, quantam inter me ab ineunte ætate literis innutritum, & illum apud oratores sine vilius inuidia præclarissimum, apud philosophos sapientissimum, apud Iureconsultos peritissimum, apud multarum linguarum viros expeditissimum, & Academia *Zamoyseensis* fundatorem optimum intercedere necesse.

DEDICATORIA.

neceſſe fuit, noſtrarum ſibi quoque primam
cōmentationū popoſcit partē. At enim eius
ſunt cōditionis huiusmodi lucubrationū a-
pophoreta, vt licet nēſcias quo magis nomi-
ne cuiſiam obſtriētus ſis, candē tamen ope-
ram pluribus debitam titulis citra vitium ei-
dem ferre poſſis. Quod ſi incomparabilem
Heroēm Patrem tuū prius nobis fata rapue-
runt, quam iſtam grati animi ſignificatio-
nem euigilaſſemus, ſequemur in hoc etiam
laudatum veterum morē, qui ſpectatas ma-
iorum ſuorum imagines eo cultu proſequi
conſueuerunt, quem ipsis dum viuebant vir-
tutis cauſa tribuiſſent. Te enim, in quo Pa-
tris virtus tam luculenter elucet, hoc hono-
re maēto, patronum quē ſcribo. Vnde enim
Pater tuus, id eſt à literis tantam amplitudi-
nem orſus eſt, tu ita cōcepſiſti, vt omnium hu-
manarum diſciplinarum tractatione ſenum
expectationem viceris, & cum à te in diſci-
plina militari tyrocinium expectaremus, cō-
trà Scytharum ferociam, veterani numeros
expleſti omnes. Quæ initia quod nobis ma-
gnum

EPIST. DEDICAT.

gnum & Reipublicæ salutare portentunt ornamentum, votis omnibus ad cultum volumus, contendimus, speramus, Vale. Calissij in Collegio Carncouiano Societatis IES V, XV. Augusti M. DC. XVI.

APPROBATIO R.P. PROVINCIALIS.

Ego Stanislaus Gavvronski Societatis Iesu, in Prouincia Polonia Prouincialis, potestate ad id mihi facta à Reuerendo admodum Patre Mutio Vitellescho Preposito nostro Generali, facultatem concedo, et Logica P. Martini Smiglecij eiusdem Societatis, grauium doctorumque hominum iudicio approbata, typis mandetur. In quorum fidem has literas manu nostra subscriptas, Sigilloque nostro munitas dedimus. Calissij die 24. Iunij, Anni M. DC. XVI.

Stanislaus Gavvronskej.

INDEX



INDEX DISPVTATIONVM ET QVÆSTIONVM PRIMA PARTE CONTEN.

TARVM.

DISPVTATIO I.

De Enterationis.

- Quaestio 1. Quid sit ens rationis.* pag. 2
Quaestio 2. An ens rationis consistat in coniunctione impossibili plurium rerum. 9
Quaestio 3. Virum ens rationis sit conceptus aut denominatio extrinseca. 17
Quaestio 4. An & quomodo ens rationis fiat ab intellectu. 25
Quaestio 5. Virum ens rationis tunc fiat quando cognoscitur. 37
Quaestio 6. Virum solum ab intellectu an verò etiam ab aliis potentis ens rationis fieri possit. 48
Quaestio 7. Quidnam sit illud esse obiectiuum quod tribuitur enti rationis. 55
Quaestio 8. Virum Diuinus intellectus cognoscat & faciat ens rationis. 58
Quaestio 9. Per quam operationē intellectus fiat ens rationis. 71
Quaestio 10. Qua sint genera entium rationis. 75
Quaestio 11. An denominationes logicae sint verè entia rationis. 79

DISPVTATIO II.

De Logica in communi.

- Quaest. 1. An obiectum Logicae sint operationes intellectus quae dirigibiles.* 96

**

Quaest.

I N D E X.

<i>Quaestio 2. An enclia rationis sint necessaria ad operationes intellectus dirigendas.</i>	117
<i>Quaestio 3. An ens rationis directivum operationum sit obiectum Logica.</i>	130
<i>Quaestio 4. An Logica sit speculativa vel practica.</i>	140
<i>Quaestio 5. An Logica sit propriè Scientia, vel Ars vel Facultas.</i>	163
<i>Quaestio 6. An Logica Docens & Vtens sint dua Logica specie distincta.</i>	188
<i>Quaestio 7. An Logica sit necessaria simpliciter ad scientias acquirendas.</i>	198

DISPUTATIO III.

De prima operatione intellectus.

<i>Quaestio 1. An omne ens possit à nobis apprehendi.</i>	204
<i>Quaest. 2. An non ens apprehendi possit.</i>	207
<i>Quaestio 3. An in prima operatione sit veritas incompleta.</i>	210
<i>Quaestio 4. An in prima operatione desur falsitas incompleta.</i>	222
<i>Quaestio 5. An prima operatio sit dirigibilis.</i>	233
<i>Quaestio 6. An in prima operatione sit compositio.</i>	234
<i>Quaestio 7. An abstractio sit actus prima operationis intellectus.</i>	237
<i>Quaestio 8. An possit aliquid abstrahere à contradictoriis.</i>	240
<i>Quaestio 9. An abstracta possint predicari de iis à quibus abstrahuntur.</i>	242
<i>Quaestio 10. An abstracta superiora de abstractis inferioribus predicari possint.</i>	251
<i>Quaestio 11. An definitio sit in prima operatione intellectus.</i>	254

Que.

I N D E X.

Questio 12. An detur in prima operatione simplex iudici-
um. 255

DISPUTATIO IV.

De naturis vniuersalibus.

- Questio 1. An dentur natura vniuersales extra singularia exi-*
stentes; seu an dentur Idea Platonica. 266
- Questio 2. An natura in singularibus existentes sint re ipsa vni-*
uersales. 273
- Questio 3. An natura à parte rei habeat unitatem formalem*
distinctam à numerica. 290
- Questio 4. Quomodo vniuersale fiat per intellectum.* 293
- Questio 5. Quæ & qualis sit unitas natura vniuersalis.* 326
- Questio 6. Qualem ordinem ad multa dicat natura vniuer-*
salis. 329
- Questio 7. An omnis natura effici possit ab intellectu vni-*
uersali. 337
- Questio 8. An vniuersalia fiant ab intellectu per notitiam ab-*
stractionis vel comparatiuam. 340

DISPUTATIO V.

De quinque vniuersalibus.

- Questio 1. De genere.* 345
- Questio 2. De specie.* 362
- Questio 3. De indiuiduo & quod sit principium Individuatio-*
nis. 370
- Questio 4. Quomodo Individuum sit unum numero, & de v-*
no solo pradicetur. 380
- Questio 5. Quomodo se habent inter se genus, species, indi-*
uiduum. 386
- Questio 6. De differentiâ relata ad genus.* 391

** 2

Quæ-

I N D E X.

<i>Quaestio 7. De differentia relata ad speciem.</i>	396
<i>Quaestio 8. De differentia qua uniuersalis est.</i>	402
<i>Quaestio 9. De Proprio.</i>	416
<i>Quaestio 10. De Accidente.</i>	430
<i>Quaestio 11. De numero predicabilium.</i>	442

DISPUTATIO VI.

De Equiuocis, Analogis, Vniuocis.

<i>Quaestio 1. De AEquiuocis.</i>	450
<i>Quaestio 2. De Analogis attributionis.</i>	460
<i>Quaestio 3. De Analogis proportionis.</i>	469
<i>Quaestio 4. De uniuocis.</i>	498
<i>Quaestio 5. An ens sit uniuocum respectu omnium entium particularium.</i>	507
<i>Quaestio 6. An eadem ratio possit esse uniuoca & Analoga.</i>	514

DISPUTATIO VII.

De Prædicamentis in communi.

<i>Quaestio 1. An diuisio entis in decem summa genera sit prima, bona, & sufficiens entis diuisio.</i>	518
<i>Quaestio 2. An accidens sit uniuocum respectu omnium accidentium.</i>	520
<i>Quaestio 3. An genera prædicamentorum debeant esse uniuoca.</i>	522
<i>Quaestio 4. An necesse sit prædicamenta distingui ab inuicem ex naturæ rei.</i>	530
<i>Quaestio 5. Quanam ponantur in prædicamentis.</i>	532
<i>Quaestio 6. An res debeant poni in prædicamento, in concreto vel abstracto.</i>	540

DISPV.

I N D E X.

DISPUTATIO VIII.

De Substantia.

<i>Quaestio 1. Quid sit substantia in communi.</i>	543
<i>Quaestio 2. An ratio substantia Deo & creaturæ conveniat vniuoce.</i>	549
<i>Quaestio 3. An ratio substantia sit communis vniuoce omnibus substantiis creatis.</i>	558
<i>Quaestio 4. An Deus sit in predicamento.</i>	563
<i>Quaestio 5. An substantia incorruptibiles ut cæli & Angeli sint in predicamento.</i>	579
<i>Quaestio 6. Quodnam sit supremum genus predicamenti substantia.</i>	— 586
<i>Quaestio 7. De diuisione substantia in primam & secundam.</i>	588
<i>Quaestio 8. De proprietatibus substantia.</i>	592

DISPUTATIO IX.

De Quantitate.

<i>Quaestio 1. An sola quantitas molis sit verè & propriè quantitas.</i>	610
<i>Quaestio 2. De quantitate magnitudinis in quo nam eius essentia consistat.</i>	615
<i>Quaestio 3. An numerus sit ens reale vel rationis.</i>	623
<i>Quaestio 4. An numerus sit vnum per se, vel per aggregationem.</i>	633
<i>Quaestio 5. An numerus sit vera species quantitatis.</i>	640
<i>Quaestio 6. An oratio sit species quantitatis.</i>	652
<i>Quaestio 7. An motus sit species quantitatis.</i>	653
<i>Quaestio 8. An tempus sit vera species quantitatis.</i>	658
<i>Quaestio 9. An locus sit species quantitatis distincta à superficie.</i>	659.

I N D E X.

Quaestio 10. Quotnam sint species quantitatis 661

DISPUTATIO X.

De Relatione.

Quaestio 1. An relatio sit ens reale. 664

Quaestio 2. An relatio sit quid intrinsecum rei relata, an verò sit extrinseca denominatio. 683

Quaestio 3. An relatio sit res distincta à fundamento. 689

Quaestio 4. Qua sint fundamenta relationum. 703

Quaestio 5. In qua consistat propria ratio. relationum tertij modi. 716

Quaestio 6. An in omni re possit fundari relatio. 724

Quaestio 7. Qua sit relatio predicamentalis, & quomodo à transcendentali differat. 735

Quaestio 8. An dentur aliqua relationes essentielles absolutae. 750

Quaestio 9. An terminus relationem terminet ratione absoluti vel relativi. 784

Quaestio 10. An relatio sumat suam essentiam à termino. 792

Quaestio 11. An relatio realis possit terminari ad non ens. 800

Quaestio 12. An ad relationem realem requirantur extrema realiter distincta. 817

Quaestio 13. An essentia relationis solum consistat in esse Ad, & non in esse In. 826

Quaestio 14. An una numero relatio possit terminari ad distinctos numero terminos. 832

Quaestio 15. De proprietatibus Relationis. 835

DISPUTATIO XI.

De Qualitate & sex ultimis predicamentis.

Quaestio

I N D E X.

<i>Quaestio 1. An qualitas sit speciale genus pradicamenti.</i>	346
<i>Quaestio 2. De prima specie qualitatis.</i>	350
<i>Quaestio 3. De tribus aliis speciebus qualitatis.</i>	366
<i>Quaestio 4. De sex ultimis pradicamentis.</i>	368
<i>De Actione.</i>	363
<i>De Passione.</i>	372
<i>De Quando.</i>	377
<i>De Vbi.</i>	380
<i>De Situ.</i>	384
<i>De Habitu.</i>	386



INDEX DISPUTATIONVM ET QVÆSTIONVM PARTIS SECUNDÆ.

DISPUTATIO XII.

De secunda operatione intellectus, seu de
Enunciatione.

<i>Quaestio 1. An voces primo immediatè significant res vel conceptus.</i>	2
<i>Quaestio 2. An voces significant à natura an ex impositione.</i>	7
<i>Quaestio 3. An vocis significatio sumi debeat ex conceptu imponentis vel ex conceptu audientis.</i>	12
<i>Quaestio 4. Quid sit Nomen & Verbum.</i>	15
<i>Quaestio 5. Quid sit Nomen infinitum.</i>	21

QNA-

I N D E X.

<i>Quaestio 6. An verbum in propositione sit tantum copula vel etiam predicatum.</i>	32
<i>Quaestio 7. In quo sit posita ratio formalis enunciationis.</i>	37
<i>Quaestio 8. Qualis veritas sit in secunda operatione intellectus.</i>	45
<i>Quaestio 9. An possit intellectus affirmare vel negare quod scit esse falsum.</i>	52
<i>Quaestio 10. An propositiones de futuro contingenti sint determinatè verae aut falsae.</i>	57
<i>Quaestio 11. An contradictoria possint esse simul verae.</i>	65
<i>Quaestio 12. An inter contradictoria dari possit medium seu an contradictoria possint simul esse falsae.</i>	79
<i>Quaestio 13. Quanam dicenda sint propositiones contrariae.</i>	84
<i>Quaestio 14. An cōtradictoria possunt esse simul verae in eodem instanti temporis propter diversa instantia naturae vel rationis.</i>	98

DISPUTATIO XIII.

De tertia operatione intellectus quae dicitur Discursus.

<i>Quaestio 1. Quid sit discursus, & quae ad eius essentiam requirantur.</i>	97
<i>Quaestio 2. Quid sit illatio & quomodo se habeat ad Discursum.</i>	104
<i>Quaestio 3. An omnis cognitio Discursiva fiat ex praexistenti cognitione.</i>	114
<i>Quaestio 4. Quanam sint necessario praecognoscenda ad inferendam conclusionem.</i>	118
<i>Quaestio 5. Quid sit syllogismus.</i>	125
<i>Quaestio 6. An praemissa causent effectivè conclusionem.</i>	132
<i>Quaestio 7. An conclusio sit de essentia syllogismi.</i>	137
<i>Quaestio 8. An conclusio semper sequatur debiliorem partem.</i>	142

Qua-

I N D E X.

<i>Quaestio 9. An ex falso possit inferri verum.</i>	148
<i>Quaestio 10. An ex impossibili possit inferri necessarium.</i>	154
<i>Quaestio 11. An ex una propositione de necessario, alia de inesse conclusio sequatur de necessario.</i>	160
<i>Quaestio 12. An ex una certa & evidenti, ex altera solum probabili possit inferri certa conclusio.</i>	166
<i>Quaestio 13. An ex una supernaturali & altera naturali sequatur conclusio naturalis.</i>	169
<i>Quaestio 14. An principium illud, Quae sunt eadem unitatis, sunt eadem inter se, sit fundamentum syllogismorum.</i>	172
<i>Quaestio 15. An syllogismus in quo medius terminus est negatiuus sit bonus.</i>	183
<i>Quaestio 16. An dentur aliae species discursus à syllogismo essentialiter distinctae.</i>	187

DISPUTATIO XIV.

De Demonstratione.

<i>Quaestio 1. Quid sit demonstratio.</i>	193
<i>Quaestio 2. An praemissa demonstrationis debeant esse vera.</i>	201
<i>Quaestio 3. An praemissa Demonstrationis debeant esse immediata.</i>	209
<i>Quaestio 4. An praemissa in Demonstratione debeant esse priores & notiores naturae conclusioni.</i>	221
<i>Quaestio 5. An praemissa in demonstratione debeant esse magis id est perfectius nota quam conclusio.</i>	227
<i>Quaestio 6. An & ex quibus causis demonstrationem esse oporteat.</i>	234
<i>Quaestio 7. An causa virtualis sufficiat ad demonstrationem.</i>	245
<i>Quaestio 8. An praemissa in Demonstratione debeant esse necessaria.</i>	251

Quae

I N D E X

<i>Quaestio 9. An demonstratio debeat constare ex iis quae sunt de omni.</i>	266
<i>Quaestio 10. An Demonstratio debeat constare ex iis quae sunt Per se.</i>	272
<i>Quaestio 11. Quomodo se habeat predicatum Per se, ad predicatum de omni, & ad predicatum necessarium.</i>	283
<i>Quaestio 12. An demonstratio constare debeat predicatis universalibus.</i>	290
<i>Quaestio 13. An Demonstratio debeat constare principiis propriis.</i>	297
<i>Quaestio 14. An Demonstrationes Mathematicae sint perfectissimae, & conditiones demonstrationis Potissimae habeant.</i>	300

DISPUTATIO XV.

De speciebus Demonstrationis.

<i>Quaestio 1. An sola Demonstratio Propter quid sit vera & propria Demonstratio.</i>	310
<i>Quaestio 2. An Demonstratio Propter quid & quia distinguantur specie.</i>	319
<i>Quaestio 3. An Demonstratio Potissima sit distincta species Demonstrationis à Demonstratione Propter quid.</i>	323
<i>Quaestio 4. Quod sit medium in Demonstratione potissima.</i>	328
<i>Quaestio 5. De speciebus Demonstrationis Quis.</i>	334
<i>Quaestio 6. An detur Circulus in Demonstrationibus.</i>	339
<i>Quaestio 7. An in Demonstrationibus detur progressus infinitum.</i>	346
<i>Quaestio 8. An Demonstratio uniuersalis sit perfectior Particulari.</i>	352
<i>Quaestio 9. An Demonstratio Affirmativa sit perfectior Negativa.</i>	355
Dispu-	

INDEX. DISPUTATIO XVI.

De Scientia.

<i>Quaestio 1. An homo naturaliter appetat scire.</i>	358
<i>Quaestio 2. An possit in hac vita perfecta alicuius rei scientia haberi.</i>	364
<i>Quaestio 3. An per sensum haberi possit scientia.</i>	379
<i>Quaestio 4. An id de quo habetur scientia sit complexum vel incomplexum.</i>	383
<i>Quaestio 5. An scientia solum sit de ente reali.</i>	390
<i>Quaestio 6. An scientia solum sit de necessariis.</i>	413
<i>Quaestio 7. An de agibilibus & factibilibus à nobis possit esse scientia.</i>	425
<i>Quaestio 8. An scientia solum sit de uniuersalibus.</i>	433
<i>Quaestio 9. An de corruptibilibus possit haberi scientia.</i>	438
<i>Quaestio 10. An veritas sit perfectio essentialis scientiae.</i>	442
<i>Quaestio 11. An scientia possit esse simul cum errore in eodem intellectu.</i>	445
<i>Quaestio 12. De certitudine scientiae, & an stare cum opinione possit.</i>	451
<i>Quaestio 13. De euidencia scientiae.</i>	470
<i>Quaestio 14. An scientia stare possit cum fide Diuina.</i>	475
<i>Quaestio 15. An habitus scientiae in intellectu sint res distinctae à speciebus intelligibilibus.</i>	482
<i>Quaestio 16. An habitus scientiae sit distinctus ab habitu principiorum.</i>	500
<i>Quaestio 17. An quinque tantum sint habitus intellectus enumerati ab Aristotele 6. Ethicorum, Intellectus, Scientia, Sapientia, Prudentia, Ars.</i>	513

DISPUTATIO XVII.

De Scientia Totali.

<i>Quaest. 1. An scientia Totalis sit una simplex qualitas unius simplicis essentiae.</i>	519
---	-----

Qua-

INDEX.

<i>Quaestio 2. An scientia Totalis sit una scientia, & unde sumenda sit hac unitas.</i>	533
<i>Quaestio 3. Quodnam & quale sit obiectum scientia Totalis.</i>	548
<i>Quaestio 4. Quid sit praxis.</i>	558
<i>Quaestio 5. Quid sit cognitio practica.</i>	570
<i>Quaestio 6. An Practicum & Speculativum sint differentia essentialis cognitionis.</i>	588
<i>Quaestio 7. Quomodo scientia Totalis dicatur Speculativa vel Practica.</i>	593
<i>Quaestio 8. An & quomodo una scientia subalternetur alteri.</i>	599

DISPUTATIO XVIII.

De Definitione.

<i>Quaestio 1. Quid sit Definitio.</i>	618
<i>Quaestio 2. An Definitio constare debeat genere & differentia.</i>	622
<i>Quaestio 3. An Definitia explicet ipsum quod quid esse, seu quidditatem rei.</i>	624
<i>Quaestio 4. An omnia definiri possint.</i>	634
<i>Quaestio 5. An accidens necessario definiatur per additamentum.</i>	644
<i>Quaestio 6. An unius rei possint esse multae definitiones essentialis.</i>	658
<i>Quaestio 7. An Definitio necessario competat definito.</i>	654
<i>Quaestio 8. An omnis intellectus definire possit.</i>	658
<i>Quaestio 9. An Definitio sit nobilior Demonstratione.</i>	662

PARS



P A R S P R I M A

L O G I C A E,

M A R T I N I
S M I G L E C I I,

P R O L E G O M E N A,

E T E A, Q V Æ A D P R I M A M


O P E R A T I O N E M I N T E L L E C T V S

dirigendam pertinent, compre-
hendens.

D I S P U T A T I O I.

De ente rationis.

*D*E ente rationis primo loco nobis agen-
dum est, quòd eius cognitio & ab uniuersa
Logica supponatur, & ad disputatio-
nem proximam de obiecto Logico
sit omnino necessa-
ria.



A

Q V Æ.

DISPUTATIO I.
QVÆSTIO PRIMA.

Quid sit ens rationis.



ENTIS rationis naturam duplici viâ inuestigare possumus: primùm ex oppositione cum ente reali: deinde ex modo existendi proprio quem habet in intellectu: Hoc enim nomine Entis rationis intelligimus, quod cum non sit ens reale, in solo intellectu existit: Quod igitur ad priorem viam attinet: dicimus ens rationis enti reali opponi, non quod sit mera negatio entis realis (est enim suo modo ens) sed quod sit tale Ens quod nec existat nec possit existere realiter. Voco autem realem existentiam eam quæ est extra intellectum in re ipsa. Porro vt hoc intelligatur, sciendum est: Ens reale dici reale à reali quæ est extra intellectum existentia, quam si habeat actu dicitur Ens reale actu; si verò solum in potentia, dicitur ens reale potentia, quia potest realiter existere. Sic rosa in hymen non est ens reale actu, quia actu non habet vllam realem existentiam, sed tantum potentia, quia potest realiter produci à suis causis; & realiter existere. Ad rationem igitur entis rationis requiritur, vt nullo modo sit reale, nec actu, nec potentia: tum quia id requirit perfecta oppositio cum ente reali, vt nullo modo realitatem participet: alioqui esset partim ens reale, partim rationis: tum quia sicut ens reale denominatur reale ab existentia reali; ita ens rationis denominatur, rationis, ab existentia rationis: quare quatenus est ens rationis, non reali sed rationis existentia existit: tum, quia si ens rationis posset realiter existere, esset eo ipso ens reale in poten-

Ens reale dicitur reale ab existentia qua est extra intellectum in re ipsa.

Ens rationis cur nullo modo possit esse ens reale.

potentia, cum propriū sit Entis realis posse realiter existere. Denique per Ens rationis intelligimus talem essentiam, cui renugnat realiter existere, & solum conuenit existere in intellectu; Talis autem essentia proculdubio, nec actu, nec potentia est realis.

Hinc autem solui potest illa quæstio. An Ens reale possit fieri Ens rationis: & è conuerso, Ens rationis an fieri possit Ens reale? Posset enim alicui videri id fieri posse: PRIMò. Quia duo isti modi existendi, in re, & in intellectu, sunt quidem diuersi, non tamen ita oppositi vt eidem conuenire non possint. Nam verbi gratia, eadem domus & in re existit, & in mente artificis: imò quæcunque in re existunt, si concipiantur, existunt in intellectu: Cum igitur Ens rationis sit illud, q. existit in intellectu, Ens reale verò existit in re extra intellectum, fieri potest vt Ens rationis fiat Ens reale: quia quod existit in mente, potest etiam in re existere extra mentem, & è conuerso.

An Ens reale possit esse Ens rationis & è contra?

1. ratio dubitandi.

SECUNDO, Rosa in hyeme, in re nihil est quia non existit; sed solum est in intellectu per apprehensionē, ac ex consequenti est Ens rationis: quando verò producitur realiter in æstate, efficitur Ens reale: potest igitur Ens rationis effici Ens reale. Dicendum tamen est nullo modo id fieri posse, vt Ens reale fiat Ens rationis, & è conuerso. Ratio est: Quia nō quidquid in ratione existit, est Ens rationis, sed q. ita in ratione existit, vt extra rationē non possit existere, seu q. habet talem essentiam cui repugnet in re existere, solumq. in ratione existit. Tali autē Enti rationis repugnat esse Ens reale, quia eo ipso quod realiter possit existere, nō esset in sola ratione existens, nec haberet talē Essentiam, cui conueniret in sola ratione existere, & extra rationē non existere, quæ est

Respondetur quæstioni.

A 2

pro-

propria Entis rationis. Quocirca etsi Ens reale possit existere in ratione, quia tamen non ita existit in ratione, ut extra rationem non possit existere, idcirco non existit per modum Entis rationis, sed per modum Entis realis. Entia enim realia ita in ratione existunt, ut possint extra rationem existere: Entia vero rationis ita in ratione existunt, ut extra rationem existere non possint; ut Hircoceruus, Hippocentaurus, & alia Entia impossibilia, quæ a solo intellectu excogitantur, in re autem esse non possunt.

*Ens rationis
differt essentialiter
ab ente
reale.*

Ex quo infero primò. Ens rationis & Ens reale differre essentialiter, neque unquam in unam Essentiam coire posse. Ratio est: quia Ens rationis est talis Essentia, cui repugnat extra intellectum existere: Enti vero reali ex sua essentia competit posse extra intellectum existere: Habent igitur essentias differentes. Deinde Ens rationis ex sua essentia postulat, ut in ratione existat, cum nullam aliam habeat Essendi rationem nisi in intellectu, Entis vero realis essentia id non postulat, ut in ratione existat, sed est illi hoc merè accidentarium: nam etsi nunquam in intellectu existeret nec existeret posset, esset perfectum Ens reale. Est igitur distincta essentia Entis rationis ab essentia Entis realis.

*Sola entia im-
possibilia sunt
entia rationis.*

Inferò secundò. Sola Entia impossibilia esse Entia rationis: quia Ens rationis est illud, quod in re non potest existere: At q̄ in re non potest existere, est impossibile. Ergo Ens rationis est id quod est impossibile. Deinde q̄ potest in re existere, est reale: Ens autem rationis non est reale; non est ergo Ens possibile, sed impossibile. Voco autem impossibile non id q̄ potentia creatæ est impossibile, sed quod uniuersim omni potentia tam creatæ quàm increatæ est impossibile, seu quod per nullam omnino poten-

potentiam fieri potest, eò quòd implicet contradictionem. Nam si solùm potentia creatæ sit impossibile, per potentiam verò Diuinam fieri possit, id & simpliciter est possibile, & verum est Ens reale non rationis, siquidem verè in re potest existere. Quocirca mons aureus non est Ens rationis, quia etsi naturaliter fieri non possit, potest tamen fieri à Deo; & si fiat existet realiter, ad modum aliorum Entium realium: Hircoceruus verò, quia ne per Dei potentiam quidem fieri potest, est Ens rationis; quia solùm in ratione potest existere non autem in re. Nam etsi tam Hircus quàm Ceruus sint secundum se Entia realia; tamen compositio ex Hirco & Ceruo in vnam essentiam, non est realis quin potius realiter impossibilis, eò quòd contradictionem implicet, eandem rem esse Hircum & Ceruum; quia si Hircus sit, non erit Ceruus, si Ceruus, non erit Hircus. Quocirca illa compositio Hirco & Cerui in vnam essentiam erit Ens rationis, quia solùm in mente & cogitatione existit.

Quod si obiicies. Impossibile quàm impossibile non est Ens: definitur enim impossibile id quod non potest esse: atqui Ens rationis est Ens, ergo Ens rationis non est impossibile. *Obiectio.*

Respondendum est. Impossibile aliquid dicitur dupliciter: vel quòd non possit in re existere, vel quod non possit in ratione existere: *Solutio.* Cum igitur dicimus Ens rationis esse impossibile, intelligimus primo modo quod in re est impossibile, nec potest realiter existere: non negamus autem esse possibile, vt existat in ratione; quidquid enim potest concipi à ratione, quantumuis in re sit impossibile, est in ratione possibile, quia potest in ratione existere. Quare etsi impossibile quatenus impossibile sit non Ens; tamen quatenus illud

impossibile potest in ratione existere, sic induit rationem cuiusdam Entis possibilis, in ratione existentis. Et hoc dicimus Ens rationis, quod in re quidem est impossibile, in ratione tamen est possibile, estque Ens in ratione existens.

Quod si dicas. Etiam ratio iudicat impossibilia esse impossibilia. Respondeo. Iudicat esse impossibilia ad existendum in re, non autem ad existendum in intellectu: imò iudicat impossibilia omnia posse ab intellectu cognosci, quod est posse existere in intellectu.

*Satisfactio rationi
dubitandi primi.
Effe in re & in
intellectu quo
modo opponan-
tur.*

Ad primum argumentum, pro oppositâ sententiâ Respondeo, modos essendi in re, & in intellectu, si incommuni sumantur, non esse oppositos & posse eidem rei competere; ac si sumantur, ut proprii Entis realis & rationis, & ut distinguunt Ens reale & Ens rationis, sic sunt omnino oppositi, nec possunt eidem competere: Nam modus essendi Entis rationis est, ita esse in ratione, ut extra rationem non possit existere. Entis verò realis modus essendi est in re extra rationem existere: Hoc autem modus manifestum est oppositos esse, neque eidem simul convenire posse. Deinde Ens rationis ex suâ essentiâ postulat esse in ratione, quod non competit Enti reali cui non essenziale, sed accidentarium est in ratione existere. Quare ad hoc ut aliquid sit Ens rationis, non satis est, quod in ratione existat quocunque modo, sed requiritur ut essentialiter possit in ratione existere, & habeat talem essentiam, cui repugnet extra rationem existere. Ens autem reale solum accidentariè in ratione existit, non enim habet talem essentiam, quæ talem modum existendi necessariò postulet, atque idcirco non potest dici essentialiter Ens rationis.

Ad

Ad secundum respondeo. Rosa in hyeme nihil quidem est reale actu, est tamen aliquid reale potentia, quia potest realiter existere: non igitur est Ens rationis. Nam etsi in hyeme per solam intellectus apprehensionem existit (cū in se non existat) tamen ita per intellectus apprehensionem existit, ut extra eam possit existere; quocirca non habet essentiam propriam Entis rationis, quæ postulat solum in ratione esse, & extra rationem nullo modo esse. Ex quo patet rosam in hyeme existere in ratione per modum Entium realium, non per modum Entium rationis, eorum, inquam, quæ purè & essentialiter sunt Entia rationis.

satisfecunda.

Rosa in hyeme est ens reale potentia.

Quæri etiam potest. An inter Ens reale & Ens rationis detur medium, hoc est an detur aliquid, quod nec sit Ens reale nec Ens rationis.

Dicendum est, sub genere Entis non dari medium inter Ens reale & rationis: hoc est non posse aliquid esse Ens, nisi sit vel reale vel rationis. Quia omne quod extra rationem existit est reale; quod verò in sola ratione existit est rationis, inter hæc autem non datur medium: nā hi modi essendi sunt contradictoriè oppositi, esse extra intellectum, & non esse extra intellectum; inter contradictoria autem non datur medium.

Inter Ens reale & Ens rationis non datur medium.

At obiicies. Ens in voluntate est medium inter Ens reale, & rationis. Nam cum volumus aliquid impossibile, ut si homo velit esse Angelus, aut cū Lucifer voluit esse æqualis Deo, tale Ens nec est reale, quia in re impossibile: nec rationis, quia non in ratione formaliter, sed in voluntate existit. Neque refert quod apprehendatur à ratione: nam ex hoc solum sequitur, quòd non solum habeat in voluntate esse. Illud tamen esse quod habet in voluntate est distinctum formaliter ab illo

illo esse quod habet in ratione. Nam licet realiter idem sit & volitum & cognitum, tamen quâ volitum, non est cognitum, quin quâ volitum ad voluntatem nō ad intellectum refertur.

*Ens impossibile
volitum est ens
rationis quia
quâ ens respicit
intellectum.*

Respondeo. Ens impossibile volitum esse simpliciter Ens rationis non quid medium inter Ens rationis & Ens reale: Nam licet quâ volitum respiciat voluntatē; tamen qua Ens respicit intellectum: siquidem ab intellectu apprehendente illud sub ratione Entis & proponente illud voluntati, habet rationem Entis. Et licet volitum non sit formaliter cognitum; tamen existentia illius voliti non est alia existentia, quàm existentia rationis: existentia enim obiectiva quam habet in voluntate, non est à voluntate sed ab intellectu: intellectus enim est ille, qui apprehendendo proponit obiectum voluntati, & facit illud existere in voluntate.

*Existentiâ ob-
iectivâ entis
rationis.*

Verum non quæcunq; existentia obiectiva sufficit ad Ens rationis. Nam etiâ Entia realia obiectivè existūt in intellectu. Id ergo q. requiritur ad Ens rationis, est. Vt tali existentia obiectivè existat in intellectu, vt præter illam existentiam obiectivam, nullam aliam habeat, aut habere possit: Nam si extra intellectum existere possit, erit Ens reale, cū Ens reale dicatur reale ab eâ quam habet extra intellectum, existentia. Cū ergo Ens rationis distinguatur essentialiter ab Ente reali, debet non posse vllō modo extra intellectum existere, sed à solâ, quam habet per modum obiecti in intellectu, existentia, denominatur Ens. Et hoc est quod dici solet: Ens rationis habere esse solū obiectivè in intellectu, & præter esse obiectivum non habere aliud esse, quod magis infra q. 4. explicabitur.

Quod

Quod si quæras. Quænam sint illa quæ nullum aliud esse habent nisi obiectivum in intellectu: Respondeo esse illa, quæ ab intellectu fieri & excogitari possunt, in re autem existere nullo modo possunt. Qualia sunt omnia Entia impossibilia: nam hæc solum per intellectus fictionem existunt, cum extra intellectum nullam existentiam habeant aut habere possint.

QVÆSTIO II.

An Ens rationis consistat in cōiunctione impossibili plurium rerum.

Videtur enim Ens rationis esse quid simplex & illam *Pro parte no-*
compositionem plurium nõ requirere: Nam om- *gante.*
nium sententiæ relationes & negationes sunt Entia ra- *Argumentum 1.*
tionis; quæ tamen sunt quid simplex, & sine vlla con-
iunctione rerum impossibilem. Deinde Ens ratio- *Argum. 2.*
nis ex fictione intellectus oritur: atqui intellectus habet
vim fingendi, non solum composita, sed etiam simpli-
cia. Ergo non omne Ens rationis compositione requi-
rit. Præterea sequeretur Ens rationis non esse in primâ, *Argum. 3.*
sed tantum in secundâ operatione intellectus: ad secun-
dam enim spectat compositio, primâ verò est simplex
operatio. Denique non solum compositio impossi- *Argum. 4.*
bilis, sed etiâ divisio impossibilis fingi potest ab intellectu,
ut cum distinguimus in Deo attributa, quæ in re diuisa
se nulla ratione possunt; talis verò divisio attributorum
est Ens rationis, cum à parte rei sit impossibilis, & solum
ab intellectu existere fingitur. Non igitur in solâ con-
iunctione impossibili existit essentia Entis rationis.

B

Ex

Pro affirmat.

Ex altera verò parte multi Recentiores tenent Ens rationis consistere in coniunctione per intellectum rerum à parte rei impossibilem: ita ut propria & formalis ratio Entis rationis in coniunctione illà rerum impossibilem sit posita; nullumque simplex, nisi ratione talis coniunctionis sit Ens rationis.

Argum. 1.

Probant verò primò. Quia Ens rationis est id quod fingitur ab intellectu; intellectus autem non dicitur fingere nisi cum aliqua falsò vel impossibilem ratione coniungit: Ergo & Ens rationis in eà coniunctione rerum impossibilem consistit. Pro quo notant intellectum nostrum nihil posse apprehendere, nisi vel reale, vel similitudinem Entis realis. Nam principia apprehensionum sunt species intelligibiles, quæ & à rebus sumuntur, & intellectui repræsentant objecta realia. Quocirca nihil intellectus apprehendit, quod vel non existat realiter, vel non sit similitudo Entis realis, ut inductione in omnibus manifestum est. Quod si aliquando id quod apprehenditur dicitur non esse reale: ideo eo sensu dicitur; quia etsi secundum se sit reale, tamen realiter illi rei non convenit, ut cum pauperem apprehendimus diuitem dicimus fingere: non quòd diuitiæ non sint quid reale, sed quòd illi pauperi re ipsa non conveniant, & ideo dicuntur diuitiæ fictæ. Itaque tota fictionis ratio in eo consistit, quod quæ secundum se sunt realia, falsò vel impossibilem coniunguntur ab intellectu; falsò quidem cum de facto non sunt coniuncta in re licet ea coniungi non repugnet, ut cum fingo montem aureum, asinum volentem; impossibilem autem cum non solum de facto non sunt in re coniuncta, sed & impossibile est illa coniungi, & hoc posteriori modo fingitur Ens rationis. Verbigra-

bi gratia, cum fingo in Deo relationem Domini vel creatoris per modum cuiusdam accidentis, relatio illa accipitur à me, per modum aliarum relationum realium, & talem de ipsa conceptum formo, sicut de aliis relationibus realibus: dicitur tamen hæc relatio fingi; quia fingitur Deo convenire, cum reuera non conveniat, & in hac coniunctione relationis cum Deo (quæ coniunctio in re est impossibilis) posita est fictio. Dicitur igitur illa relatio Ens rationis, non quod secundum se non concipiatur ut realis, sed quòd fictè Deo tribuitur, cum in re illi non conveniat, sed nec convenire possit. Impossibile enim est in Deo esse accidentia. Simili ratione negationem aut privationem dicimus esse Ens rationis; quia etsi in se sit non Ens, ab intellectu tamen nostro concipitur sub similitudine alicuius Entis realis, Verbi gratia, per modum Entis alicuius vacui, nigri, tenebricosi, secundum eam similitudinem, quam in rebus sensibilibus conspeximus; quæ similitudo etsi secundum se sit realis, & in Entibus realibus inveniatur, quia tamen negationi vel privationi realiter non convenit, neque convenire potest, idcirco dicimus negationem ita conceptam, esse Ens rationis, quia illa similitudo Entis realis falsò & impossibiliter coniungitur negationi.

Præterea probari hæc sententia potest alia quoque ratione. Ens rationis non est quodcunque figmentum, sed tale quod impossibile sit & contradictionem implicet re ipsa existere. Porro implicatio contradictionis esse non potest, nisi ubi sunt plura impossibilia; ita ut ex vno sequatur rem esse,

ex alio non posse. Verbigratia, in hac propositione; Asinus est rationalis, implicatur contradictio, quia duo sunt impossibilia, asinus & rationalis, & ex vno sequitur quod asinus sit rationalis, ex altero (quia asinus) quod non sit rationalis: Necessse igitur est: Ens rationis constare ex impossibilibus; ac proinde non esse quid simplex sed compositum, cum res omnino simplex non possit implicare contradictionem; non enim habet in se aliquid, ratione cuius sit, & aliud ratione cuius non sit. Nam secundum vnum & idem, esse & non esse simul non potest: si verò ratione vnus sit, ratione alterius non sit, iam erit non simplex sed compositum ex duobus, quorum vnum fundat vnam partem contradictionis, aliud aliam.

Quod si dicas ex eo sequi Ens rationis esse Ens reale; quia totum quod componitur ex partibus realibus, est reale (totum enim nihil aliud est quam partes vnitæ) si ergo Ens rationis est compositum & ex partibus realibus erit reale.

Respondeo. Vt aliquid sit totum reale, non satis est vt partes reales habeat, sed etiam opus est vt partes illæ realiter sint inter se vnitæ: quod cum desit Enti rationis, non erit idcirco totum reale, sicut, si quis cogitatione solum vniret lateres non faceret murum realem. Ad rationes verò contrarias initio positas sic respondent.

*Respondetur
argumēta par-
tem negantem.*

I.

Ad primam. Licet tam relatio quam negatio sit quid simplex, ea tamen ratione quā dicuntur Entia rationis inuoluiunt conjunctionem aliquā impossibilem. Relatio. n. dicitur Ens rationis, non vt est quid simplex, sed quatenus fictè non realiter alicui conuenit: Negatio

tio quatenus fictè induit rationem Entis realis, & per modum Entis realis concipitur, in quo cernitur pluri-um ficta inter se coniunctio.

Ad secundam. Simplex fingi est impossibile, cum fingere sit plura falsò vel impossibiliter vti dictum est componere.

Ad tertiam. Compositio est duplex, altera ex parte intellectus, quæ sit per actum intellectus affirmantis vel negantis; altera ex parte obiecti, quæ sit per apprehensionem, in obiecto rerum plurium inter se coniunctarum, absque vlla affirmatione & negatione. Prior compositio est propria secundæ operationis intellectus; posterior conuenit etiam primæ operationi. Nam si visu possumus cognoscere in vna imagine plures colores coniunctos: quid ni per intellectum possimus plura inter se coniuncta simul apprehendere? Ex quo patet etiam in prima operatione intellectus posse formari Ens rationis, quia potest apprehendi illa coniunctio impossibilis absque affirmatione atque negatione.

Ad quartam. Etiam diuisio illa, eatenus est Ens rationis, quatenus dicit coniunctionem impossibilem; nam & negationes suo modo coniungi possunt suis subiectis: Cum igitur diuisio attributorum, quæ Deo est impossibilis, tribuatur illi per rationem in illa attributione, seu diuisionis coniunctione cum Deo, aiunt esse fictionem & Ens rationis.

Communis tamen sententia est dari Ens rationis etiam extra compositionem rerum impossibilem, atque adeò dari Ens rationis simplex. Fundamentum est, quia omne quod est in re impossibile & apprehenditur per modum Entis est Ens rationis. at non sola con-

3.
*Nota dupl. com-
posse compositionem.*

*Sententia An-
thoni
Probatur 1.*

*Relatio est 3a
simplex.*

coniunctio, sed etiam aliquod Ens simplex potest esse in re impossibili, & per solam rationem existens; ergo non solum compositum, sed etiam simplex dari potest Ens rationis. Minor probatur: Quia relatio ex communi sententia est quid simplex in sua essentia quam accipit à fundamento & termino. Atqui datur relatio in re impossibilis & per solam rationem existens: Ergo datur aliquid simplex quod sit Ens rationis. Tales sunt relationes omnes, quæ dicuntur rationis, quæ aut fundamento realicarent aut termino. Relatio enim fundata in fundamento non reali vel respiciens terminum non realem, impossibile est ut in re existat, sed solum in ratione, unde necesse est ut sit Ens rationis. Neque verò dici potest relationem esse Ens rationis, propter coniunctionem cum aliquo impossibilem, nempe quod ei tribuatur cui convenire non potest. Nam non hoc solum nomine est Ens rationis, sed etiam quia ex sua simplici essentia est in re impossibilis, & per solam rationem existit. Imò ex hac impossibilitate sequitur illa altera, ita ut ex duplici capite relatio dici possit Ens rationis: tum quia secundum suam essentiam simplicem est in re impossibilis, & in sola ratione existit. Tum quia coniungitur alicui, cui impossibile est in re coniungi, priusque est relationem esse in seipsa impossibilem, tum verò sequitur ex eo eius quoque coniunctionem cum altero esse impossibilem. Et verò sicuti duplex est impossibilitas, alia simplex, proveniens ex simplici rei essentia, alia fundata in coniunctione duorum à parte rei impossibilem, ita duplex est Ens rationis simplex & compositum.

*Impossibilitas
duplex.*

*Ad 1. Affirm.
Partis arg.*

Iam ad id quod prior sententia obiebat primò, simplex fingi non posse. Respondco. Negando. Non enim

enim tūc solum intellectus fingit, cum aliquid alteri vel falso, vel modo in re impossibili tribuit, quæ fictio est secundæ operationis intellectus; sed etiam cū id quod est in re impossibile concipit per modum entis, sine illa compositione, vt accidit in relationibus rationis, quarum simplex essentia est in re impossibilis ob defectum realem fundamenti vel termini, & hæc fictio ad primam intellectus operationem propriè pertinet.

*Intellectus autem
suum fingit cum
aliquid impos-
sibile concipit
per modum entis q
fit sine composi-
tione.*

Dices. Ens rationis concipitur per modum Entis, cū sit non ens, concipi autem non ens per modum Entis, dicit compositionē non Entis cum ente. Cum ergo in omni ente rationis concipiatur non ens per modum entis, consequens est in omni ente rationis esse compositionem impossibilem.

Respondeo. Si in conceptu Entis rationis esset necesse componere non ens cum ente explicite & in actu signato, esset etiam necesse ad ens rationis compositionem interuenire: at quia nulla necessitas est ad concipiendum ens rationis, hæc duo simul iuncta concipere, sed sufficienter concipitur Ens rationis, si concipiatur illud Ens quod reuera in re est impossibile, & non ens, licet tunc non concipiatur esse impossibile & non ens, ideo non est necesse ens rationis esse compositum.

*Non est necesse
componere non
ens cum ente in
actu signato.*

Dices secundò. Non potest concipi Ens rationis nisi sub similitudine aliqua Entis realis; ergo necesse est inueniri coniunctionem similitudinis realis cum Ente rationis. Resp. Similitudinem illam Entis realis sub qua Ens rationis apprehenditur, esse solum medium quoddam ad apprehendendum Ens rationis, non verò ipsum obiectum apprehensum, aut partem obiecti apprehensi. Quare cum ista similitudo non

non

*Similitudo sub
qua Ens ratio-
nis concipitur
non est obiectum
conceptum aut
simplici.*

non ingrediatur obiectum, non facit compositionem obiecti. Sicut in simili cum Angelum incorporeum, per similitudinem corpoream apprehendimus, non apprehendimus angelum esse corporeum, sed sub illa forma corporea intelligimus Angelum incorporeum. Sic igitur & Ens rationis sub forma reali apprehendimus, absque vlla compositione formę realis cum Ente rationis. Deinde admissa tali compositione, adhuc Ens rationis non solum propter compositionem illam cum Ente reali esset Ens rationis, sed etiam ob suam essentiam simplicem sub illa similitudine Entis realis apprehensam. V. G. Relatio rationis ob suam essentiam simplicem quę confurgit ex tali fundamento & termino esset Ens rationis.

Ad 2. Argum.

Quod verò secundo loco pro prima sententia afferebatur, relationem rationis esse in re impossibilem & implicare contradictionem; id soluitur in hunc modum. Relatio enim suā simplici essentia est in re impossibilis. Nec verò necesse est ut id quod implicat contradictionem semper componatur ex duobus quę fundent partes contradictionis, sed sine compositione potest fundari contradictio. Nam si aliquam relationem poni à parte rei implicet contradictionem, ea contradictio potest fundari in suppositione extrinseca relationi. V. G. Si supponatur relatio rationis existere realiter, sequitur eam & esse Ens rationis ob suam essentiam, & nō esse Ens rationis ex suppositione: quia realiter ponitur existere. Addo posse aliquid concipi tanquam impossibile, etsi non concipiatur implicatio contradictionis, sed solum defectus aliquis essentialis, vel si concipiatur, concipietur tanquam quid consequens impossibilitatem absolutam.

QVÆ-

Utrum ens rationis sit conceptus aut denominatio extrinseca.

Cùm Ens rationis sit illud quod existit in intellectu obiectiuè, quidam in eam sententiam discesserunt, ut existimarent Entia rationis nihil aliud esse, quàm conceptus intellectus de rebus. V. G. Hircoceruum esse conceptum de Hirco & Ceruo in vnum coniunctis. 1. Sententia.

Probatur primò. Quia Ens rationis est in mente: Probatur 2.
Ens autem in mente nihil aliud est, quàm conceptus: tum quia conceptus loco rei substituitur in mente, tum quia conceptus est veluti idolum quoddam & imago obiecti in mente: & sicut homo pictus nihil aliud est nisi imago hominis in charta expressa, quæ imago est conceptus. Pingere enim & fingere paria sunt; utroque enim rei similitudo exprimitur.

Denique domus in mente artificis nihil aliud est, nisi idea & similitudo domus: Ergo & ens rationis in mente est similitudo illa, quam sibi format intellectus de ea re quam fingit.

Quod si quis opponat conceptum esse Ens reale, ens autem rationis non esse Ens reale. Responderetur. Ens rationis esse ens reale, sed in mente non extra: Opponiturque enti reali non quod ipsum non sit suo modo reale, sed quod extra mentem non sit reale, sicut alia entia realia quæ ita sunt in mente, ut extra mentem quoque realiter existere possint, hocque sensu verum esse aiunt Entia rationis habere solum obiectiuum esse in intellectu: quia solum tunc sunt, cùm concipiuntur & ex-

C

tra

tra conceptum nullum habent verum esse; ita tamen ut in conceptu habeant verum esse reale, productum realiter ab intellectu.

At inquires. Conceptus est id quo intellectus concipit obiectum, Ens verò rationis est ipsum obiectum. Respondetur. Idem conceptus est quo intellectus concipit rem, & quo res concipitur ab intellectu, sicut eodem calore ignis calefacit lignum & lignum calefit ab igne: diuersitas solum est in modo concipiendi actiue & passiuè, eundem calorem. quare conceptus passiuè acceptus est res ipsa concepta, quæ est obiectum intellectus; actiue autem est ipsa conceptio intellectus.

Prob. 2.

Secundò probatur hæc sententia. Ens rationis est id quod format & fingit intellectus, nihil autem format intellectus, cum rem cognoscit, nisi conceptum, qui est imago & similitudo rei: Ergo Ens rationis est conceptus.

Prob. 3.

Tertiò. Esse Entis rationis est concipi: Ergo Ens rationis est conceptus. Antecedens probatur tum inductione: esse enim Hircoceruum est esse conceptum in intellectu talem, de Hirco & Ceruo: tum quia antequam concipiatur ens rationis; non est: posito autem conceptu nullaque alia re addita, est: Ergo esse Entis rationis est concipi: tum quia omnium sententia Ens rationis est illud, quod habet solum esse obiectiuum in intellectu: atqui esse obiectum quid aliud est quam esse conceptum? Obiici enim intellectui & concipi ab intellectu sunt vnum atque idem; Neque res aliter obii- citur intellectui, nisi quia concipitur.

2. Sententia.
Entis rationis
esse denominationes extrinsecas.
cui.

Secunda sententia est Durandi in 1. d. 19. q. 5. & 6. Entis rationis esse denominationes extrinsecas ab actu in-

intellectus. sicut enim res dicitur visa à visione, quæ est in meo oculo; ita dicitur cognita à cognitione quæ est in intellectu: & prout diuersa fuerit cognitio intellectus, diuerso modo denominabitur res cognita. Dupliciter enim potest res ab intellectu cognosci. Primò secundum eas proprietates, quas habet in re extra intellectū, & hæ denominationes sunt natura sua reales. Secundò, secundum ea quæ illi solūm ex consideratione intellectus competunt, vt esse Hircoceruum, esse genus, vel speciem, & hæ denominationes sunt Entia rationis. *Ra- Probatur.* ratio igitur huius sententiæ est, quia Ens rationis non habet aliud esse, quàm esse cognitum: siquidem tunc solūm est, cū cognoscitur. Atqui esse cognitum, est denominatio à cognitione, quæ est in intellectu: Ergo ens rationis est denominatio extrinsecā.

Confirmatur. Quia naturam aliquam esse genus vel speciem, aut prædicari, vel subiici, vel referri ad multa, nihil aliud est nisi ab intellectu cognosci tali modo, cum istas proprietates non habeat nisi ab intellectu. Simili ratione esse Hircoceruum quid aliud est quàm esse talem de eo cognitionem in intellectu.

Quod si quis obiiciat. Denominationes istas extrinsecas esse reales, quia forma denominans est realis; Ens autem rationis non est reale: quidam respondent eas denominationes non esse reales sed rationis, quia rem non immutant realiter, & sine vlla reali mutatione rei adueniunt: res enim per hoc quod cognoscitur non mutatur intrinsecè. Verūm hæc responsio non valet. Nam denominatio à formâ reali, debet esse realis siue intrinsecè, si sit à formâ intrinsecâ; siue extrinsecè, si sit à formâ extrinsecâ. Neque

verò necesse est omnem formã realem immutare subiectum, nisi sit forma intrinseca. Nam forma extrinseca, cùm non adueniat subiecto intrinsecè, illud etiam in se non immutat: aut si immutare dicenda est, non immutat intrinsecè, sed extrinsecè, sicut dat illi esse non intrinsecum sed extrinsecum. Alij igitur melius respondent. Entia rationis esse quidem realia, sed in mente tantum, non autem extra mentem, vti in prima quoque sententia dicebatur: & in hoc ab aliis Entibus realibus distingui, quod ea extra intellectum quoque sint realia.

Tertia Sententia est Communis & vera; Ens rationis neque esse conceptum, neque denominationem extrinsecam ab actu intellectus, sed obiectum conceptus & denominationis.

*Autem Sententia,
Obiectum conceptum non est conceptum.*

Dico igitur primò. Ens rationis non esse conceptum. Probatur. quia obiectum conceptus, non est conceptus: Atqui Ens rationis est obiectum conceptus. Ergo non est conceptus. Maior probatur inductione: Rosæ, Verbi gratia, conceptus, non est Rosa essentialiter; nam Rosa est substantia; conceptus Rosæ est accidens, rosa habet odorem, saporem, quod conceptui non conuenit. Et ratio est quia conceptus est similitudo & imago obiecti expressa ab intellectu. Ergo non est idem quod obiectum.

Dices. Si Rosa nullum haberet esse à parte rei, sed tantum in intellectu, nihil aliud esset Rosa nisi cōceptus; nunc autem quia habet esse reale in mundo; ratione huius esse realis differt à conceptu. Quare Ens rationis, cùm solum in intellectu habeat esse & nullum à parte rei, non erit nisi merus conceptus.

Respondeo. Rationem nostram vniuersè concludere

dere de omni obiecto, siue existat actu extra intellectū,
siue potentia: nam similitudo rei nunquam est res ipsa;
conceptus est similitudo obiecti: ergo non est obie-
ctum.

Dices obiectum considerari posse, & ut est res quæ-
dam, & ut obiectum, primo modo est quid diuersum à
conceptu, posteriori modo est idem cum conceptu.
quare & Rosa ut res est, differt à conceptu essentialiter,
ut verò est obiectum, nihil aliud est, quàm conceptus:
idem enim est esse obiectum & esse rem conceptam.

Respondeo. Obiectum neque ut res est neque ut ^{similitudo rei}
obiectum, esse idem cum conceptu, quia conceptus est ^{nunquam est res}
similitudo obiecti. Obiectum verò est res ipsa & essen-
tia, cuius similitudo est conceptus: nunquam autem res
est idem quod sua similitudo. Neque verò alia essentia
est rosæ, ut res est, alia ut obiectum est, siquidem rosa se-
cundum suam eandem essentiam est & res & obiectum,
quare si ut res differt essentialiter à conceptu, etiam ut
obiectum est, differt. Cùm verò dicitur rosam conce-
ptam nihil aliud esse quàm conceptum. Respondeo.
Si Rosæ conceptæ nomine intelligatur vera rosæ essen-
tia quæ concipitur, & est obiectum conceptus, sic rosæ ^{Rosæ conceptæ}
non est conceptus, sed obiectum à materia conceptus. ^{nomine duo in-}
Si verò rosæ conceptæ nomine intelligatur similitudo ^{teliguntur.}
illa obiecti expressa in intellectu: sic rosæ concepta non
differt quidem à conceptu, sed similitudini illi non pro-
priè, sed figuratè nomen rosæ tribuitur. Quod etiam
hominis picti exemplo explicari potest. Nam si nomi-
ne hominis picti intelligamus hominem illum viuum,
cuius imago in charta exprimitur: sic homo pictus: non
idem est quod pictura: si verò picturam ipsam figuratè
vocemus hominem pictum, sicut similitudo rei potest



vocari res ipsa; sic erit quidem idem cum pictura, sed nomen hominis non accipitur propriè sed figuratè: pari igitur ratione de Ente rationis dicendum est. Nam. Ens rationis quatenus est obiectum conceptus, non est conceptus, quatenus verò est similitudo per conceptum expressa in intellectu, sic est conceptus: sed tunc non accipitur propriè pro seipso, sed pro sua similitudine, sicut similitudo hominis dicitur homo.

*Estis argu-
mentu.
1. Secundus.*

1.

Quare ad rationes primæ sententiæ respondetur. Ad primum. Ens rationis si sumatur pro obiecto conceptus, est in mente per modum obiecti, non conceptus, si verò sumatur pro similitudine expressa in intellectu, tunc erit idem quod conceptus, sed tunc conceptus Entis rationis, dicitur Ens rationis impropriè, propter similitudinem, sicut pictura hominis dicitur homo.

2.

Ad secundum. Ens rationis non est conceptus formatus ab intellectu, sed id de quo conceptus formatur, quod quia non existit, nisi quando de eo formatur conceptus, idcirco dicitur habere obiectium tantum esse in intellectu.

3.

*Esse entis ra-
tionis est: on-
cipi.*

Ad tertium. Propositio illa; Esse entis rationis est concipi; potest habere duplicem sensum. Primus est ut esse Entis rationis dicatur conceptio, & hic sensus est falsus: non enim conceptio, sed id quod est obiectum conceptionis, seu res illa impossibilis concepta, est Ens rationis. Secundus, ut esse Entis rationis sit concipi, id est, esse obiectum conceptionis, & hic sensus est verus: quia esse entis rationis est esse obiectum in intellectu. Ex quo sequitur Ens rationis non esse quidem conceptum, esse tamen quid existens per conceptum, ita ut alia sit existentia conceptus, alia Entis rationis. Nam existentia conceptus est existentia realis: existit enim conceptus in intellectu tanquam accidens in-

sub-

subiecto. Existencia verò Entis rationis, nō est realis nec subiectiua, sed obiectiua, non. n. ens rationis est accidēs in intellectu inhaerens, sed obiectum intellectus per hoc solum existens, quod ab intellectu cognoscitur. Vnde existencia rationis causatur quodam modo ex conceptu, & est illa existencia intrinseca rei impossibilis concepta facta ab intellectu.

Simili modo explicandum est illud, cū dicitur. *Entis rationis esse obiectum*
 Ens rationis habere solum esse obiectiuium in intellectu. Sensus enim est Ens rationis habere talem essentiam, quæ non nisi tunc existat, quando obicitur intellectui, & modus existendi eius est, tunc existere, cū obicitur, non autem quod essentia eius sit obiecti. Essentia enim entis rationis est illa quæ obicitur, & habet suam existentiam tunc cū obicitur, non verò est ipsum obiecti. quod est denominatio extrinseca à cognitione.

Dico secundò. Ens rationis non esse denominationem extrinsecam ab actu intellectus. Ratio est. Obiectum actus, non est denominatio ab actu: atqui Ens rationis est obiectum actus intellectus: non ergo est denominatio ab actu intellectus. Pro quo notandum est. *Entis rationis nō est denominatio extrinseca.*
 Omne obiectum denominatur quidem ab actu, qui circa illud versatur, aliud tamen est ipsum obiectum, aliud denominatio, V. G. Obiectum visus denominatur visum à visione, quæ circa illud versatur, tamen obiecti huius essentia, non est illa denominatio, sed color vel lux, quæ visui obicitur, illa verò denominatio à visione est accidentalis & extrinseca, non essentialis & intrinseca obiecto viso: simili ergo rationis, Ens rationis est obiectum intellectus, denominaturque ab actu intellectus cognitum hoc vel illo modo:

do: Verùm hæc denominatio illi non est essentialis sed accidentalis, licet sine illa esse non possit: Essentia enim Entis rationis est illa quæ obicitur intellectui, & quæ cognoscitur ab intellectu, nō verò illud esse cognitum, quod non est nisi denominatio quasi superaddita obiecto in sua essentia constituto: quare non negamus denominationes extrinsecas, sed dicimus eas esse accidentarias Enti rationis & non constituere sed supponere potius eius essentiam.

*Ens rationis est
obiectum deno-
minatum.*

Quod verò præter denominationes extrinsecas cedendum sit Ens rationis quod sit obiectum talium denominationum, manifestum est. Nam cū dicitur, Hircoceruum esse quid tali modo cognitum ab intellectu, intelligimus nō solum cognitionem esse de Hircoceruo, sed etiam obiectum talis cognitionis esse rem illam & coniunctionem fictam Hirci & Cerui, quæ res & coniunctio proculdubio est Ens rationis: nam neque cognitio potest esse sine obiecto, neque obiectum talis cognitionis potest esse aliud quàm illa coniunctio impossibilis, neque coniunctio illa obiectiua potest esse quid reale sed rationis: quare in denominationibus istis extrinsecis includitur essentialiter obiectum rationis. neque cognitio rei sub tali modo impossibili, potest denominare rem cognitam nisi supponat in obiecto illum modum impossibilem qui est Ens rationis: omnis enim cognitio supponit obiectum sibi proportionatū.

Eandem conclusionem probant alij, ex eo quod denominatio ista ab actu sit realis: Ens verò rationis non sit quid reale; responderi posset Ens rationis in hoc sensu non esse reale, quod extra intellectum non datur, in rebus, vel quod intrinsece, & in seipso non sit reale, non verò quod in intellectu, & per intrinsecam denominationem non sit reale.

QVÆ-

Q V A E S T I O I V.

*An & quomodo Ens rationis fiat
ab intellectu.*

Certum est Ens rationis nō esse à se sed ab alio; quod *Ens rationis est
ab alio ens.* enim à se est, semper est, cum sibi ipsum sit ratio efficiendi. Ens verò rationis, cum nō semper sit, sed aliquando sit, aliquando non sit, non potest dici esse à se sed ab alio: non est autem ab alio, nisi à ratione; idcirco enim dicitur Ens rationis. Id autem in quæstionem adducitur. An Ens rationis verè & propriè fiat, & quomodo.

Dicendum igitur est. Ens rationis sicut non est Ens *Ens rationis nō
fit propriè sed
similitudinariè.* propriè sed per similitudinem, ita neque propriè fieri sed similitudinariè: quā enim ratione aliquid est Ens, eādē quoq; ratione entis proprietates participat. Cum igitur Ens rationis non sit ens propriè, sed tantum similitudinariè, quatenus per modum entis realis concipitur & cogitatur, idcirco neque propriè fieri aut produci dicitur sed per similitudinem quandam: produci enim est acquirere esse: quod igitur impropriè est, impropriè quoque producitur.

Quod si dicas. Omne Ens vel est factum vel non factum; si non est factum, est Deus, si factum, est propriè factum: propriè enim fieri est ex non esse transire ad esse: cum igitur Ens rationis de non esse ad esse transeat propriè fit, & sicut ante propriè fuit sub non esse; ita postea propriè fit sub esse.

Respondeo. Omne Ens reale sicut propriè est Ens, ita propriè dicitur factum vel non factum: Ens rationis
D autem

autem cum non sit propriè ens, suorum tamen modo Ens, idcirco non propriè, sed suo modo dicitur esse factum; quia suo modo post non esse acquirit esse. Cum enim ante nec verè esset, nec similitudinariè ex non esse transcundo, cœpit esse similitudinariè.

*Modus quo fit
Ens rationis.*

Modus igitur quo fit Ens rationis ab intellectu est iste. Intellectus per actionem realem intelligendi producit in se cognitionem obiecti, quæ cognitio est expressa quædam similitudo obiecti, est quæ qualitas quædam in intellectu producta: hæc porro qualitas, cum sit repræsentatiua obiecti facit obiectum esse præsens intellectui: ex illa enim repræsentatione oritur præsentia obiecti in intellectu. Sicut igitur repræsentare, non est propriè agere in obiectum, cum per eam nihil producat in obiecto, sed est similitudo quædam actionis: ita & existentia illa obiecti ex repræsentatione orta, est effectus impropriè & potius similitudo quædam effectus.

*Præsentia obiecti
in intellectu
aut realis, aut
obiectiua.*

Porro hæc actio productiua Entis rationis dicitur à quibusdam actio intentionalis, quia per eam tendit intellectus in obiectum cognitum. Notandum autem est præsentiam obiecti in intellectu esse duplicem, Alteram realem, qua dicitur præsens ratione suæ similitudinis, quam de ipso format realiter intellectus tunc cum ipsum concipit, nihilque aliud est, quam præsentia illius similitudinis, ratione cuius per extrinsecam denominationem, dicitur præsens obiectum non in seipso, nec in sua reali existentia, sed in similitudine tantum: Alteram obiectiuam, qua dicitur præsens ratione sui hoc est ratione ipsius essentiae obiectæ & repræsentatæ per illam similitudinem; & hæc præsentia si sit rei impossibilis, erit præsentia propria entis rationis. Essentia enim

enim

enim entis rationis in eo posita est, ut concipiatur per modum entis cum à parte rei sit non ens.

Verùm cum hæc præsentia seu existentia obiectiua orta in obiecto ex repræsentatione, sit communis entibus realibus & entibus rationis (vtraque enim repræsentantur in intellectu, & ex repræsentatione acquirunt esse obiectiuum) difficultas est an hoc esse obiectiuum sit ens rationis, vel ens reale. Nam si dicatur esse ens rationis, sequetur omnia obiecta realia, quatenus obiectiua in intellectu existunt, essentia rationis; Quod falsum est: Si verò dicatur hoc esse obiectiuum non esse ens rationis, sequetur Entia rationis ratione sui esse obiectiui, præcisè non esse entia rationis; assignandumque erit aliud esse entium rationis distinctum ab esse obiectiuo. Deinde illud esse obiectiuum si non sit ens rationis, erit necessariò ens reale, cum inter ens rationis & reale non detur medium. At si est reale, quomodo faciet ens reale esse ens rationis? Non enim ens rationis constituitur in esse rationis per aliquid reale.

*Esse obiectiuum
sit ne ens reale
vel rationis?*

Dicendum tamen est dari esse obiectiuum proprium entis rationis, quod Philosophi vocant obiectiuum tantum. Quod sic declaro: Esse obiectiuum est illud, quod obicitur intellectui cognoscendum. Ut homo secundum esse humanum obicitur. Ens ergo rationis quamuis in hoc conueniat cum ente reali, quod vtrumque obicitur intellectui sub ratione aliqua entis, diuersa tamè ratio entis est quæ obicitur in ente rationis, ab illa quæ obicitur in ente reali. nam ens rationis obicitur per modum entis, cum non sit verum ens, ac proinde obicitur per modum entis apparentis tantum & non veri; Ens verò reale obicitur per modum Entis veri.

*Ens rationis
differt ab ente
reale in ratione
esse obiectiui.*

Differentia 1.

*Ens rationis est
Ens apparent,*

Porro Ens apparens, est ens obiectiue tantum, quia solum apparet cum obicitur, cum in re nec sit nec possit esse tale. Sicut & colores apparentes dicuntur, quia solum apparent & non sunt; eo tamen discrimine, quod colores licet tunc non existant quando apparent, possunt tamen produci & existere tales quales apparent. Vnde non sunt entia rationis simpliciter. At Ens rationis nec esse nec produci potest tale quale apparet, cum sit impossibile, sed solum habet apparere per modum entis, cum in re non sit nec possit esse.

*Differentia 1.
Intellectus in
obiecto reali non
facit rationem
entis, in ente
rationis facit.*

Secundò. Deinde cum obicitur ens reale, inuenit intellectus in obiecto rationem entis, non facit, ut cum cognoscit hominem, non facit hominem esse hominè, sed solum repræsentat illum in mente ut iam factum. At cum Ens rationis obicitur, intellectus non inuenit in eo rationem Entis sed facit apprehendendo; ita ut Ens rationis sit ens per apprehensionem, Ens verò reale sit ens non per apprehensionem, sed extra apprehensionem, hoc est tam ante quàm post apprehensionem, immo in ipsa apprehensione, non ideo est ens quia apprehéditur, sed potius ideo apprehenditur quia est ens. Quia igitur Ens rationis per hoc quòd apprehenditur, constituitur in ratione entis, idcirco dicitur ens obiectiuum tantum, quia extra apprehensionem non est ens, & in apprehensione est ens vi apprehensionis tantum non ex se.

*Differentia 3:
Esse entis ra-
tionis essentialiter
est esse ob-
iectiuum; entis
realis acciden-
tialiter.*

Tertiò esse entis rationis est esse essentialiter obiectiuum. Entis verò realis accidentaliter. Nam enti reali per accidens est esse obiectum, est enim ens etsi non obiciatur. Enti verò rationis non est per accidens esse obiectum, siquidem per hoc quòd obicitur & subiicitur apprehensioni est ens. Quia igitur esse entis rationis est essentialiter obiectiuum, ideo est obiectiuum tantum;

tum; quia per solum esse obiectivum constituitur in sua essentia, & in ratione entis.

At dices esse obiectivum est cognosci, cognosci autem est denominari extrinsecè à cognitione. Si igitur Ens rationis essentialiter est obiectum, eius essentia consistet in denominatione extrinseca, à cognitione: quæ denominatio cum sit realis, quia est à forma reali; ipsum quoque ens rationis erit reale in sua essentia. Respondéo. Esse obiectum dicitur duo 1. dicitur illud esse quod est terminus cognitionis, & quod subiicitur cognitioni, & per consequens denominationi illi extrinsecè à cognitione. Secundò dicitur obiectum ut denominatum à cognitione. De essentia ergo entis rationis est ut sit obiectum primo modo & sic eius essentia non consistit in denominatione illa reali & extrinseca à cognitione, sed in essentia obiectivè tantum existente.

Obiectum primo dicitur esse terminus.

Secundo dicitur esse denominatum à cognitione.

Ex quibus patet esse entis rationis triplici de causa dici obiectivum tantum. 1. quia habet esse apparens tantum non verum. 2. quia constituitur in ratione entis per hoc quod obicitur & apprehenditur. 3. quia eius esse est essentialiter obiectivum.

Entis rationis esse est obiectivum. 1. 2. 3.

Patet 2. quomodo ens rationis in esse obiectivo differat ab ente reali. Nam in esse illo obiectivo quod subiicitur illi denominationi, & est essentia ipsa obiecta differt ab ente reali, quia eius esse est obiectivum tantum triplici illa ratione explicata. In esse verò obiectivo quod consistit in denominatione extrinseca à cognitione, non differt ab ente reali, sed eodem modo se habet obiectivè quo ens reale. Vtrumque enim dicitur obici cognitioni ex eo quia cognitio est de illo in intellectu.

Dices. Quomodo denominatio extrinseca cum sit realis, conueniat enti rationis. Resp. Quia est extrinseca & afficit ens rationis solum extrinsecè. Cum enim sit extrinseca non mutat intrinsecam rationem entis rationis: quare cum existentia reali extrinseca ens rationis intrinsecè est non reale sed rationis. Quia realiter non potest existere, sed solum cōcipi à ratione per modum entis.

Secunda difficultas est. An & quomodo produci possit ab intellectu hoc esse obiectiuum entis rationis?

*Dubitationum
Et quomodo
dubitetur per
cognitionem esse
obiectiuum en-
tis rationis.*

Nam vel producit per cognitionem, vel per aliam actionem à cognitione re aut ratione distinctam. Neutrum dici potest. Non primum; Quia omnis cognitio supponit suum obiectum, non facit. Tum quia prius est obiectum esse quàm obici, tum quia obiectum est causa cognitionis dans illi esse, & specificans ipsam; causa autem non potest produci à suo effectu, sed supponitur prior effectu. prius etiam non potest fieri à suo posteriori. Denique cognitionem impossibile est esse ante suum obiectum; qualis enim cognitio sine obiecto. At si faceret obiectum esset ante obiectum; siquidem omnis causa est prior suo effectu. Ergo non potest cognitio facere suum obiectum. Secundum etiam dici non potest, quia si ens rationis fieret per aliam actionem à cognitione distinctam, eius esse non esset obiectiuum. Esse enim obiectiuum est respectu cognitionis obiectiuum. Si autem per actionem à cognitione distinctam fieret, non esset in suo fieri vllius cognitionis obiectum. Propter hæc argumenta quidam ausi sunt negare entia rationis, eò quòd illorum productio sit impossibilis. Verùm isti errant. Nam negari nō potest aliqua ab intellectu fingi, quæ autē finguntur, cognitione

*Figmenta dum
obiciuntur
sunt.*

gnitione finguntur & fiunt. Quare simul sunt & obiecta cognitionis & fiunt. & ita non repugnat obiectum cognoscendo fieri. Tenentur ergo hi autores solvere omnes eas difficultates quæ sunt in ratione dubitandi positæ. Nam cum omne figmentum ut figmentum non sit in sua essentia quid reale, licet reali fictione fingatur: necesse est fateri essentiam cuiusque figmenti non esse realem sed rationis, esseque fictam & falsam in suo esse obiectivo per cognitionem.

Alij Respondent ens rationis fieri non nisi per actionem cognoscitivam, ita ut intellectus cognoscendo faciat, & faciendo cognoscat ens rationis. Addunt verò non esse necesse in omni cognitione supponi obiectum in priori naturæ vel rationis, sed tantum id verum est in illa cognitione quæ causatur ab obiecto. Sicut visio causatur à visibili per speciem in visu productam. Neque enim omnis cognitio habet hanc dependenciam ab obiecto. Multæ enim sunt cognitiones quæ non producantur per species ab obiecto causatas sed aliunde acceptas. Ut patet in cognitione Angelorum quæ fit per species infusas à Deo, non productas ab obiectis. Multa etiam cognoscuntur per species alienas uti de facto cognoscitur ens rationis, per species entium realium. Hinc ergo est ut non omnis cognitio necessario supponat obiectum; proinde ex hoc capite non repugnat, quominus illud possit facere. Cum enim productio obiecti fiat per representationem, sicut potest intellectus non ab obiecto sed aliunde habere vim representandi; ita potest etiā habere vim obiectum producendi in esse representato.

Prior responsio.
Non semper obiectum est prima cognitio.

Neque

Obiectum specificat cognitionem duobus modis.

Neque obstat quod dicitur obiectum specificare cognitionem, ac ex consequenti esse prius cognitione, sicut causa suo effectui. Nam obiectum dupliciter dici potest specificare cognitionem vel effectivè vel terminativè. Effectivè quidè cum producit sui speciem in potentia, & per eam causat sui cognitionem, ut apparet in visu. Terminativè verò, cum se habet solum per modum termini ad quem terminatur cognitio; ad eum modum quo in relationibus terminus nullam habet causalitatem effectivam respectu relationis, sed solum est id in quod desinit talis specie relatio. Quando ergo obiectum specificat effectivè cognitionem, est prius cognitione, sicut causa suo effectui, nec potest per cognitionem produci. At cum specificat solum terminativè absque illa causalitate & influxu in cognitionem, non est necesse ut sit prius cognitione; quia neque terminus relationis est prior relatione, sunt enim relativa simul natura; quod etiam in relationibus divinis manifestum est. Neque verò terminus dicitur dare esse relationi per influxum aliquem in relationem, sed per hoc solum quia relatio est ad ipsum, non quia aliquis influxus sit ab ipso.

Terminus est prior relatione.

Verum contra hanc doctrinam obiici potest; Quod obiectum non solum sit prius cognitione quatenus est cognitionis effectivum, sed etiam quatenus terminativum, hoc est non solum sub ratione causae sed etiam sub ratione obiecti terminantis. Terminus enim prius est secundum suam essentiam in se quam sit terminus alicuius. Prius enim est esse in se, quam esse ad aliud. immo esse terminum alicuius est accidens vel certè proprietas eius rei quae dicitur terminus. Vnde id quod terminatur ad aliquid, necessario supponere debet essentiam eius rei ad quam terminatur. Quod verum est etiam

ciam in terminis relationum, qui secundum suam essentiam absolutam, qua terminant relationes præsupponuntur relationibus: ut in disputatione de relatione docebitur. Relativus verò dicitur esse simul natura si relativè sumantur, non verò si comparentur ad absolutam in quibus fundatur, vel ad quæ terminantur. Quocirca sicut terminus prius est secundum suam essentiam quàm sit terminus, ita & obiectum prius habet suam essentiam, quàm obijciatur. Similiter quod dicitur obiectum ut specificat terminativè, non esse prius cognitione, non videtur verum. Nam specificare aliquid, dicit, rationem causæ: Causa verò sub ea ratione, quæ est causa, prior est effectu.

Alij igitur dicunt Ens rationis per eandem cognitionem fieri & cognosci, habere quæ cognitionem vim, quasi duplicem ratione distinctam. Alteram effectivam alteram cognoscitivam obiecti. Et licet cognoscere & facere sint in re idem actus, ratione tamen distinguuntur; ita ut secundum unam rationem obiectum sit prius aut posterius, secundum aliam sit simul cum cognitione. Potest igitur Ens rationis referri ad cognitionem primò sub ratione obiecti, & secundum hanc considerationem nec est prius, nec posterius cognitione, sed simul. Nam licet alia obiecta quorum esse non est cognosci, sint prius in se quàm sint obiecta cognitionis; tamen in Entibus rationis quorum esse est obijci, id dici non potest; sed simul sunt, & obijciuntur cognitioni. Siquidem esse ipsorum est esse obiectivum, nec eorum essentia potest abstrahi ab esse obiectivo. Secundò potest ens rationis referri ad cognitionem sub ratione effectus ut fit à cognitione, vel sub ratione causæ ut specificat cognitionem; & secundum hanc considera-

Relativa simul sunt natura.

Altera responsio ens rationis per eandem cognitionem fit et cognoscitur.

Ens rationis secundum rationem obiecti nec prius nec posterius est cognitione sed simul.

Ens rationis sub diversaratione prius est cognitione.

E tionem

tionem potest diuerso respectu esse prius & posterius cognitione. prius sub ratione causæ, posterius sub ratione effectus. Neque enim repugnat idem sub diuersa ratione prius esse & posterius eidem. Nam & causæ possunt esse sibi inuicem causæ, vedocetur 2. Phyl.

¶ Dices ipsum esse obiectiū, vt obiectiū, est effectus, ergo sicut effectus est quid posterius cognitione, etiam esse obiectiū erit posterius. R. Si sensus sit esse obiectiū esse idem formaliter quod effici: negandum est antecedens. Si verò solum dicatur esse idem materialiter, conceditur. Verum ad diuersas comparationes sufficit distinctio rationum formalium, & respectus ad diuersa.

Ex qua doctrina colligitur quomodo cognitio sub ratione causæ sit prior ente rationis, sub ratione verò cognitionis sit simul cum ente rationis, tanquam cum suo obiecto: similiter quomodo Ens rationis sub ratione effectus sit posterius cognitione; sub ratione verò obiecti sit simul cum cognitione, vt dictum est. Quod si obiectum induat rationem causæ specificantis, sub hac consideratione specificantis & specificati obiectum rursus erit prius cognitione. Vbi enim considerationibus & respectibus solis agitur, sicut non repugnat rem variè considerari & respicere varia, ita nec repugnat propter varias considerationes esse nunc priorem, nunc posteriorem, nunc simul cum aliquo.

*Quid sit prius
effici an co-
gnoscat*

¶ Quod si quæras, an etiam prius sit effici quàm cognosci; aliqui concedunt; quia inter effici & cognosci est ordo naturæ, vt prius secundum rationem sit rem esse quàm cognosci: alij distinguunt id verum esse in iis in quibus esse à cognosci distinguitur, vt aliud sit esse quàm cognosci: in quibus verò idem est esse quod cognosci,

gnosci, ut accidit in Entibus rationis, & omnibus signis, vnum non est prius altero, sed simul secundum rationem.

Tertia difficultas est circa id quod dictum est, intellectum a ratione representandi causare Ens rationis, ex hoc enim sequeretur, pictorem cum depingit Hircoceruum causare ens rationis, quia pingendo illum representat, representando autem causat, & dicitur esse representatum: hoc autem est contra omnes, quia entia rationis à sola ratione causari dicuntur.

*An ens rationis
pingi possit.*

Respondeo pictorem depingendo Hircoceruum, representare illum menti formaliter quidem per cognitionem Hircocerui, quam intellectus ex pictura in se format, per picturam verò solum tanquam per signum excitans & causans cognitionem: omnis enim representatio est respectu potentis cognoscentis, potentie autem cognoscenti representantur res immediate & formaliter per cognitionem, cum cognitio nihil aliud sit; quam actualis expressio obiecti, & faciat obiectum præsens potentie, quod est representare formaliter: pictura verò seipsa non representat formaliter sed causaliter; quia per modum signi causat in intellectu cognitionem formaliter representantem. Hinc ergo est, quod cum Ens rationis fiat per representationem, necessarium est ut fiat per cognitionem, ita ut cognitioni formaliter tribuenda sit eius effectio, tanquam ei quæ est formalis expressio & representatio obiecti in mente: pictura verò non nisi remote, tanquam causa talis cognitionis seu representationis in mente. Non igitur pictor pingendo Hircoceruum facit immediate Ens rationis, sed pingendo excitat cognitionem Hircocerui, per quam fit Ens rationis, hoc est Hircoceruus ipse menti representatus.

*Pictor pingendo
Hircoceruum
non facit ens
rationis.*

E 2 Dein-

Deinde pictura repræsentat Hircoceruum solum, materialiter quoad externam & materialem compositionem ex Hirco & Ceruo, non quoad essentialem compositionem ex duabus essentiis. Hircoceruus autem, non est ens rationis secundum illam externam compositionem, sic enim est ens possibile, & potest realiter produci à Deo, sed secundum essentialem compositionem. Quocirca pictura cum non repræsentet formaliter Ens rationis, non potest dici quòd faciat Ens rationis. Dices pictura hominis repræsentat simpliciter hominem, etiam si non repræsentet eius essentiam, sed tantum formam corporis: Ergo & pictura Hircocerui simpliciter repræsentabit Hircoceruum, etiam si illud quoad essentiam non repræsentet.

*Discrimen inter
picturam
hominis et Hircocerui.*

Respondeo picturam repræsentare quidem Hircoceruum, sed non sub ea ratione qua ens est rationis; sicut & pictura hominis, non repræsentat hominem immediatè sub ea ratione, qua est rationalis. Est tamen discrimen, quòd figura hominis habet realem cum essentia hominis connexionem, ideoque illa depicta dicitur depingi homo consequenter. At figura Hircocerui nullam habet ex natura rei connexionem cum essentia Hircocerui, & idcirco nec per se, nec consequenter depingitur, illa depicta. Ex quo patet quomodo, cum Hircoceruus pingitur, dici possit pingi Ens rationis: pingitur enim materialiter non formaliter: quia pingitur quidem is Hircoceruus qui est Ens rationis, non tamen sub ea ratione, sub qua est Ens rationis.



QVÆ.

QVÆSTIO V.

*Utrum Ens rationis tunc fiat quando
cognoscitur?*

Prima sententia est dicentium Ens rationis prius fieri
quàm cognoscitur: Nam posito fundamento, sta-
tim inquirunt, consequitur, postea verò apprehenditur.
& cognoscitur. Cum enim cognosco obiectum ali-
quod, V. G. hominem, ex tali cognitione consequitur
necessariò in obiecto cognito relatio rationis, cogniti
ad cognoscentem, idque antequam ab intellectu talis
relatio percipiatur. Ita Scotus in 1. d. 48. & 5. metaph.
quæst. 11. Soncinas 6. met. quæst. 8. Heruzus lib. 1. de
secundis intentionibus Cap. 6, Tromb. 7. Met. q. 8.

Probatur hæc sententia. Primò. Quia omnis re-
latio necessariò consequitur posito fundamento & ter-
mino: Ergo & relatio rationis posito fundamēto & ter-
mino necessariò consequitur: At antequam cognosca-
tur habet fundamentum & terminum: ergo antequam
cognoscatur, consequitur. Minor probatur, quia an-
tequam cognoscatur relatio cogniti ad cognoscentem:
habet sufficiens fundamentum, nempe ipsam cogni-
tionem; Habet etiam terminum nempe cognoscen-
tem: Ergo. Confirmatur. Nam fundamentum est
sufficiens causa relationis, ut patet in relatione reali,
posita verò causa sufficienti, sequitur effectus.

Secundò, Quia prius est obiectum esse quàm co-
gnosci: Ergo & Ens rationis prius erit quàm cognos-
catur.

Tertiò. Quia cum cognoscit intellectus relationē

cogniti, non cognoscitur tanquam à se effectam, sed tanquam inuentam in obiecto; idcirco enim non potest facere ut non sit talis relatio, sed necessitatur ad cognoscendam in obiecto talem relationem, quod signum est relationem illam ex obiecto resultare necessario, non per cognitionem affingi: Neque habet eam libertatem intellectus, ut quam velit relationem effingat, sed necessitatur ad talem relationem cognoscendam, qualem obiectum requirit.

Quarto. Statim postquam cognoscitur obiectum, & antequam apprehendatur relatio cogniti verum est dicere, illud obiectum esse iam cognitum: ergo iam habet relationem cogniti à qua dicitur cognitum antequam apprehendatur talis relatio. Antecedens probatur. Quia impossibile est intellectum cognoscere obiectum, & obiectum non esse cognitum, cum ista sint correlatiua, & sicut ex eo quod cognoscit intellectus obiectum, consequitur relatio cognoscentis in intellectu; ita & ex eo quod obiectum cognoscitur ab intellectu, consequitur relatio cogniti ad cognoscentem ante omnem apprehensionem talis relationis.

Secunda sententia est opposita; Ens rationis rursus solum fieri quando cognoscitur. Ita D. Thomas 1. p. q. 28. a. 1. Caiet. ibid. Fonseca 3. metaph. Cap. 7. q. 6. Sect. 4. & 5.

*Ens rationis
fundamentali-
ter prius est q̃
cognoscatur.*

Dico primo. Ens rationis fundamentaliter prius est quam cognoscatur. Est certa & concessa ab utraque sententia: Utraque enim admittit fundamentum relationis rationis, prius esse quam cognoscatur relatio. Atqui Ens rationis esse ratione fundamenti, est esse fundamentaliter. Ergo prius Ens rationis est fundamen-

damentaliter quàm cognoscatur: & hoc sensu intelligenda est illa distinctio Bonsecæ loco citato. Entia rationis prius convenire rebus quàm existant, quia conveniunt rebus ratione fundamenti, non existunt autem formaliter, nisi cum apprehenduntur.

Dico secundò. Ens rationis formaliter non potest esse nisi cognoscatur: Primò probatur, in iis entibus rationis quæ sine illo fundamento finguntur ab intellectu vt Hircoceruus: Talia enim non alia ratione existunt, nisi quia concipiuntur & finguntur esse: Non enim possunt dici existere, quòd consequantur ad aliquod fundamentum (vt relationes) quia nullum fundamentum habent: solùm ergo existunt per rationem, quia à ratione concipiuntur. Ex quo argumento duo habentur. Alterum est quod aliqua saltem Entia rationis cogitando fiunt; seu per hoc solùm existunt quod cogitantur, ita vt cogitatio rerum impossibilem sit sufficiens ad dandam existentiam obiectivam rebus, quæ est propria existentia entis rationis. Alterum est; Quod si hæc Entia impossibilia sunt Entia rationis, & per modum Entium rationis existunt, per solam apprehensionem intellectus: pari ratione, quodcunque aliud Ens rationis potest existere, eadem existentia obiectivâ & fieri Ens rationis, si apprehendatur ab intellectu: omnia enim Entia rationis conveniunt in vna ratione Entis rationis, & in vno communi modo existendi obiectivè in intellectu.

Probatur secundò. Quia id quod ex natura rei consequitur ad aliud nullo intellectu cogitante; realiter consequitur, & reale est; vt patet inductione in

in omnibus: Hanc enim ob causam relationis reales dicuntur reales; quia ex natura rei consequuntur ad sua fundamenta nullo intellectu cogitante. Omnes etiam effectus ex natura rei procedentes à suis causis sunt reales. Si ergo relationes rationis consequuntur ex natura rei ad sua fundamenta nullo intellectu de ipsis cogitante; tales relationes erunt omnino reales, non rationis.

Quod consequatur ad cognitionem ex natura rei realiter.

Nam si dicas consequi ad actum rationis, hoc est, ad cognitionem, id non tollit difficultatem: Nam si quid consequatur ad cognitionem ex natura rei & ob realem, quam cum cognitione habet coniunctionem, id nullo modo Ens rationis est, sed Ens reale. Ex cognitione enim sequitur relatio cognoscentis ad rem cognitam, quæ secundum omnes realis est: consequuntur etiam habitus in intellectu, qui proculdubio reales sunt. Si verò sequatur aliquid ex cognitione non ex natura rei, sed per rationem seu apprehensionem rationis: quia nimirum cognitio illa est fundamentum, propter quod possit & debeat talis relatio in re cognita concipi: tunc eiusmodi relatio erit Ens rationis, quia per rationem existit. Quare implicare videntur contradictionem, qui aiunt relationes rationis sicut alias relationes reales consequi ad sua fundamenta ex natura rei, hoc est ob vim & naturam realem fundamentorum: hinc enim sequeretur, quod ad eum modum producerentur, quo relationes reales; hoc est realiter consequerentur ad sua fundamenta; non igitur possunt dici Entia rationis. De qua re plura dicentur infra q. 10.

Ratio 3.

Probatur tertio. Quia alioqui nulla ratione poterit explicari quomodo talis relatio antequam apprehendatur sit Ens rationis. Non enim satis est ad rationem.

Entis

Entis rationis, quòd fiat in ratione & à ratione; multa enim realia sunt in ratione & à ratione, vt habitus & actus rationis. Neque satis est quòd consequatur ad actum rationis, nam etiam relationes reales consequuntur ad actum rationis, vt relatio cognoscentis ad cognitum; sed requiritur vt solùm in ratione existat obiectiue. Cùm igitur talis relatio antequam apprehendatur non possit dici existere obiectiue in intellectu, sequitur non posse dici Ens rationis. Minor probatur; Quia id existit obiectiue in intellectu quòd cognoscitur ab intellectu: Obiectum enim intellectus est id quod cognoscitur; cùm ergo dicta relatio, secundum primam sententiam non cognoscatur ab intellectu, non potest dici habere esse obiectiuum, nec existere obiectiue.

Nam quod respondent; cognosci sed indirecè, quia est consequens ad id quod directè cognoscitur, id nullo modo dici potest. Non enim quidquid coniungitur obiecto cognito dicitur cognosci indirecè, sed solùm quod ex ea coniunctione aliquam saltem, licet imperfectam sui cognitionem in mente parit, & aliquo modo in mente exprimitur. Nam si oculus videat pomi colorem, non idcirco indirecè videbit saporem & odorem eiusdem pomi, licet sapor & odor sint coniuncti colori; parum enim refert quod sint coniuncti, cùm nullam sui speciem & cognitionem in mente pariant. Pari igitur ratione, cùm relatio dicta nullam sui cognitionem in mente generet, nullo modo ne indirecè quidem cognosci dicenda est, etià si obiectum ad quod illa sequitur, cognoscatur. Nam si cognosceretur aliquo modo, iam cognoscendo fieret, & non prius fieret quàm cognosceretur vt isti volunt. Dicere verò cognosci indirecè, non quod aliquo modo in se cogno-

*Cōsultatur quòd
rondam respo-
sio.*

*Nō omne quod
obiecto cognito
annexum est,
cognoscitur et-
iam indirecè.*

*Enti rationis nō
cognosci indire-
cè.*

F

scatur,

scatur, sed quod sit coniunctum ei quod cognoscitur: id est dicere non indirectè sed per accidens cognosci; eo modo quo dicitur dulce videri in lacte viso albo, vel cum dicitur musicus ædificare. Porro ex communi sententia esse entis rationis non est aliud quàm esse obiectuum in intellectu; at obiecti est cognosci: ergo ens rationis non potest habere esse, nisi cognoscatur.

*Responsio ad-
verfarium.*

Respondent, esse entis rationis est esse consequens ad esse obiectuum, ita ut virtute illius esse obiectivi existat ens rationis. Relatio enim rationis consequitur ad rem quatenus obiecta est & cognita ab intellectu, & dicitur habere esse obiectuum, quia consequitur ad esse obiectuum, & virtute esse obiectivi existit.

Reiicitur.

*Eni rationis co-
sequitur, sed
per apprehen-
sionem intelle-
ctus.*

Sed hæc responsio refellitur primò, Quia relatio rationis non consequitur ad esse obiectuum nisi per apprehensionem intellectus. Esse enim obiectuum non ita fundat relationem, ut illa existat absque apprehensione intellectus, sed ut possit concipiri ab intellectu. Nam si consequeretur absque apprehensione intellectus, esset verè relatio realis, non rationis. Quid enim illi deesset ad relationem realem? Relatio enim dicitur realis propterea quod ex natura rei consequitur ad suum fundamentum sine ulla apprehensione intellectus. Dices consequi ad tale esse quod non est sufficiens fundare relationem realem, sed tantum rationis. At hæc est petitio principij. Cur enim illud fundamentum, quod ex natura sua causat relationem, non sit reale, & sufficiens ad relationem realem? Similiter cur esse, quod consequitur ex natura rei ad esse obiectuum, non sit reale? quod enim est sufficiens ad hoc ut consequatur ex natura rei aliquid, eo ipso, etiam est sufficiens ad existendum realiter, cum ob eandem causam relationes

nones reales existant realiter, quia consequuntur ex natura rei ad sua fundamenta.

Vnde fundamentum si est sufficiens ad causandam aliquam relationem sine alia ope intellectus, eo ipso est sufficiens ad causandam relationem realem. Nam si dicas nō habere omnia requisita ad causandam relationem realem, habere tamen requisita ad causandam aliquam relationem. Dicam & ego; si sunt omnia requisita ad hoc ut relatio ex natura rei & sine alia ope intellectus consequatur, eo ipso esse omnia requisita ad relationem realem. Quod si non sint omnia requisita ad relationem realem, non erunt etiam omnia requisita ad hoc ut relatio consequatur absq; aliā ope intellectus.

Resoluitur responsio.

Est enim fundamentum relationis duplex. Aliud quod fundat relationē ut absolutē consequatur; aliud quod fundat in ordine ad intellectum, ut possit ab intellectu concipi. Sic natura à parte rei fundat vniuersalitatem, quia fundat, ut possit concipi in ordine ad multa. Illud prius est fundamentum relationis realis; hoc verò relationis rationis, nempe ut concipiatur & sit per rationē, non verò ut consequatur sine ratione.

Nota fundamentum relationis esse duplex.

Alioqui nisi hoc dicatur sequetur ens rationis fieri non à solo intellectu, sed ab aliis quoq; potentiis etiam à brutis. Nam in aliis etiam potentiis est esse obiectiuum, si igitur ad esse obiectiuū ex natura rei consequuntur relationes rationis, consequentur etiam in brutis, hoc autem est contra communem sententiam: non enim dicitur ens rationis, nisi per ordinem ad rationem, quare & illæ relationes quæ consequuntur in brutis ad esse obiectiuum, eatenus sunt rationis, quatenus per rationem solam existunt. Alioqui si nullo modo dependent à ratione, nullo modo erūt Entia rationis, sed entia alterius generis.

Ab absurdum est entia rationis causari à brutis.

*Aliud absurdū
quod esse entis
rationis non ef-
fet obiectum.*

Deinde si ratio rationis solum consequeretur ad esse obiectum, ipsa verò secundum se non obiiceretur intellectui, sequeretur quod esse ipsius formaliter non esset obiectum, sed effectus esse obiectui, siquidem esse relationis per seipsum non obiiceretur, sed solum ex alio quod obiicitur, consequeretur, vnde formaliter loquendo esse entis rationis non esset obiectum, sed distinctum ab esse obiectivo, sicut esse effectus est distinctum ab esse causæ. Hoc autem dici non potest: ens enim rationis, non habet ex se & ab intrinseco rationem entis, est enim ex se non ens, solum igitur ab extrinseco habet rationem entis, quia per modum entis concipitur. Si verò extra conceptum consequeretur, iam esset intrinsecè ens, & fundamentum, causando illud ens rationis, daret illi intrinsecum esse extra apprehensionem existens: & ideo daret esse reale, esse enim reale est, quod extra intellectum est.

*Alia responsio
resolvitur.*

Respondent secundò. Ens rationis habere esse obiectum indirectè, & cognosci indirectè, idque sufficere ad esse entis rationis. Sed contra. Si enim volunt ens rationis aliquomodo secundum se cognosci & innotescere intellectui secundum seipsum, hoc erit directè cognosci: quia erit terminare actum cognitionis: si autem velint, nullo modo innotescere intellectui, tunc ne indirectè quidem cognoscetur. Nam quod nullo modo cognoscitur, ne indirectè quidem cognoscitur. Indirectè enim cognosci supponit cognosci. Nam si dicant consequi ad id quod directè cognoscitur, & coniungi obiecto directè cognito. Contra: hoc est per accidens non indirectè cognosci, ut dictum est, sicut nemo dixerit me in pomo videre indirectè saporem, ex eo quod sapor est coniunctus obiecto viso. Potest quidem

*Non potest dici
ens rationis in-
directè cognos-
ci.*

dem dici sapor per accidens videri; sicut & Musicus dicitur ædificare per accidens: At non potest dici videri indirectè. Quod si dicas esse hîc maiorem rationem: quia relatio continetur in illo esse obiectiuo virtute tanquam in suo fundamento. Contra: hoc est solum cognosci in causa, non in seipso, & secundum esse virtuale quod habet in causa non secundum esse formale q. habet extra causam. Denique est cognosci solum causam: Cognitio autem causæ, non est cognitio indirecta effectus; sed tantum cognitio virtualis.

Ex quo infero relationem rationis habere esse rationis per solam apprehensionem intellectus, seu ut alij loquuntur per actum intellectus non directum sed reflexum: Actum enim directum vocant, quo cognoscitur obiectum fundans relationem rationis. Actum verò reflexum quo cognoscitur ipsa relatio rationis secunda ex tali obiecto directè cognito, cum reflexione quadam in obiectum directè cognitum. Licet enim vtraque cognitio sit directæ: tamen posterior, quia fit cum quadam reflexione in cognitionem præcedentem dicitur reflexa.

Dico tertio. Non prius fieri Ens rationis quam cognoscatur, nec prius cognosci quam fiat, sed cognoscendo produci, & producendo cognosci. Hæc conclusio sequitur ex dictis. Existencia enim entis rationis est existencia obiectiua in intellectu: & existere obiectiue est cognosci. Ergo existencia Entis rationis est cognosci, solumq; ista duo ratione non re distinguuntur. Nam cum ens rationis comparamus ad cognitionem tanquam ad causam; sic concipimus illud per modum effectus, ut verò comparamus illud ad cognitionem, ut cognitio est; sic concipimus illud per modum obiecti, in re verò ista duo sunt vnum quid duplicem habens respectum.

F 3

Ad

*Solutio ad ar-
gumētum 1.
sententia.
Solutio 1*

Ad primum primæ sententiæ respondeo, sicut relationes sunt duplices reales & rationis; ita dupliciter consequuntur ad sua fundamenta. Reales quidem ex natura rei, nullo cogitante intellectu: Rationis autem per rationem, quatenus ratio habet fundamentum in re, ut possit illas concipere. Quare si proportionatè loquamur, semper relatio, suo modo, suæ naturæ conuenienti consequitur ex suo fundamento, hoc est per rationem.

*Solutio 2.
Quæ sunt sola
ratione in in
primū est esse q
cognosci.*

Ad secundum. Quæ fiunt sola cognitione, in iis non prius est esse quàm cognosci, sed vnum & idem. Dices saltem est prius naturā aut prius ratione, Respondeo negando, sicut esse obiectum & cognosci sunt formaliter idem, nec vnum est vllō modo prius altero ne ratione quidem. sed de hoc in præcedenti quæstione plura diximus.

Solutio 3.

Ad tertium. Respondeo. quod intellectus non omninō ad libitum fingat illam relationem, hoc facit fundamentum, non verò facit quod ipsa relatio formaliter ante apprehensionem existat: fundamentum enim est causa quasi cogens intellectum, ut hanc & non illam relationem concipiat, quæ tamen non existit formaliter, nisi tunc cū concipitur.

Sol. 4.

Ad quartum. Obiectum potest denominari cognitum, vel à cognitione reali, quæ est de illo in intellectu, quæ est denominatio extrinseca, vel à relatione cogniti ad cognoscentem, quæ est relatio rationis. Primo igitur modo statim atque cognoscitur obiectum est verè & realiter cognitum, quia verè & realiter habet formam, à qua denominatur cognitum; at posteriori modo non statim denominatur cognitum, hoc est re-
latum

Iatum ad cognoscentem, nisi postquam intellectus inflectendo se apprehenderit obiectum cum tali relatione. Ante omnem verò reflexionem solum fundamentaliter dici potest ea ratione cognitum. Quod verò dicitur, relatiua simul esse natura, si de relationibus ipsis intelligatur, non est verum in relatiuis tertij modi, qualia sunt scientia & scibile, vt infra de relatione dicetur.

Hæc quæ hætenus docuimus manifestè concludunt de ente rationis positiuo, vt sunt relationes & aliæ fictiones: At dubitari potest, an negatio rationis quæ est non Ens quoddam rationis, possit conuenire rei cognitæ, sine apprehensione intellectus, V. G. abstrahie intellectus naturam hominis à singularibus considerando illam absq; singularibus, illa negatio singularium in natura sic concepta an requirat vt apprehendatur, vel possit sine apprehensione conuenire.

An negatio rationis conueniat rei sine apprehensione intellectus.

Dico igitur negationes rationis conuenire rebus cognitis antequam apprehendantur. Voco autem negationes rationis, quæ conueniunt rebus vt conceptis ad differentiam negationum realium quæ conueniunt rebus extra intellectum. Ratio verò nostræ assertionis est, quia est magnum discrimen inter negationes & Entia rationis. Nam Entia rationis cum sint Entia, non possunt habere rationem Entis, nisi à ratione & apprehensione: at negationes cum sint non entia, non debent rationem Entis adipisci à ratione, sed ipsarum esse, est, non esse formæ negatæ, ad quod nihil aliud requiritur, quàm existentia rei negatæ, siue rei existentia apprehendatur siue non.

Discrimen inter Entia rationis & non entia rationis.

Quare negationes quæ negationes absolute conueniunt

niunt rebus conceptis ante omnem apprehensionem, licet, si negationes illæ per modum entis alicuius concipi debeant non possint, quâ tales absque ratione existere, qua etiam ratione dicuntur entia rationis, ut infra patebit, cum de speciebus Entis rationis agemus.

QVÆSTIO VI.

*Utrum solum ab intellectu an verò etiam
ab aliis potentiis Ens rationis fieri possit.*

Ratio dubitandi.

1. **R**atio dubitandi est. Primò. Quia si ens rationis est illud quod solum obiectivum esse habet, esse autem obiectivum non solum est in intellectu, sed & in aliis potentiis: sequitur etiam in aliis potentiis esse Entia rationis. Nam aliæ etiam potentie versantur circa sua obiecta, & tendendo in illa, dant illis esse obiectivum, quemadmodum & intellectus tendendo in suum obiectum, dat illi esse obiectivum.

2. **S**ecundò. Quemadmodum in intellectu compositio rerum impossibile est Ens rationis: ita in voluntate eadem compositio inuenitur, ut cum Lucifer volebat esse similis ac æqualis Deo; vel si quis velit esse Angelus, aut quidpiam aliud impossibile: Ergo in voluntate quoque esse poterit ens rationis. Nam quamvis ens rationis à ratione dicatur, tamen illud ipsum habet quoque esse in voluntate, & non minus ad unam, quam ad aliam potentiam per modum obiecti refertur: nempe utrobique habet esse solum obiectivum, & nullo modo reale,

reale, dieique posset qua ad voluntatem spectat Ens voluntatis. Quod si dicas voluntatem accipere suum obiectum ab intellectu compositum, ita ut illa compositio in qua consistit Ens rationis sit referenda in intellectum non in voluntatem.

Responderi potest primò intellectum componere sub ratione veri, voluntatem sub ratione boni; potest enim duo bona impossibilia incòpossibiliter velle. Secundò, esto, quod intellectus componat, & compositum proponat voluntati illud bonum, negari tamen non potest, quin illud bonum, etiam in voluntate habeat suum esse obiectivum. Nam sicut in intellectu habet suum obiectivum, quia obicitur intellectui, ita & in voluntate habebit suum esse obiectivum, quia obicitur voluntati. Quæ quidem duo esse obiectiva sunt distincta, sicut & potentia sunt distincta.

3.

Tertid. Phantasia quemadmodum habet vim componendi plura obiecta sensibilia ita & fingendi: potest igitur Ens quoque rationis effingere: Patet ea vis Phantasiae cum in somnis, cum monstra varia absurdè confecta Phantasiae apparent; cum in phrenesi & morbis. Potest etiam Phantasia Hircocerum fingere, & montem aureum, & similia, & monachovitulum, quale monstrum Luthero ex Monacho factò Apostata apparuit Fribergæ in Misnia anno 1523.

Denique in sensibus externis idem cernitur. Nam oculus videt in aqua remum fractum, in Iride & collo columbæ colores apparentes, per vitrum artificiosum, videt unam rem simul in pluribus locis; quæ cum non sint Entia realia, dicendum est esse Entia rationis seu entia sensuum, simile argumentum fieri potest de aliis sensibus. Nam infirmo amarum dulce, dulce amarum.

G.

vide-

1. *Sententia.*

videtur. Quidam igitur recentiores propter rationes factas, concedunt Entia rationis etiam in Phantasia & in sensibus: inter quos est Ruuius hoc loco & Suarez disput. vltima met. Sect. 2. n. 18. Quæ sententia est etiam eorum omnium, qui tenent relationes rationis prius resultare ex actibus aliarum potentiarum, quàm cognoscantur, ut esse volitum, imaginatum, visum, quos citauimus præcedenti quæstione pro prima sententia. Alii

2. *Sententia.*

verò communiter negant; in qua sententia sunt omnes illi, qui tenent Entia rationis non resultare antequam cognoscantur. Verum non ita facilè est propriam

3. *Argum. pro illa sententia.*

huius rei rationem afferre. Quidam aiunt: Ens rationis ita esse, in intellectu, ut extra intellectum esse non possit: quæ verò sunt in aliis potentiis, possunt etiam esse in intellectu; non igitur eo ipso sunt Entia rationis. sed hæc ratio nihil concludit. Nam in Ente rationis hoc solum spectatur, quòd habeat solum esse obiectiuum, & nullo modo reale: quare non repugnat Enti rationis esse in multis potentiis obiectiuè, sub diuersis rationibus; dummodo extra potentias illas non sit realiter. Nam certum est, Ens rationis posse voluntati proponi ab intellectu per modum boni, tunc autem existet obiectiuè in voluntate; neque tamen idcirco desinet esse Ens rationis. Deinde existendo in pluribus potentiis, nullam maiorem realitatem acquireret, sed æquè habebit purum esse obiectiuum, & nullo modo reale, ac si in vna tantum potentia existeret: quare non repugnat Enti rationis esse extra intellectum in aliis potentiis: sed tantum repugnat esse extra potentias in rebus. Si enim sic in aliis potentiis, tale prorsus & tantum esse habebit in illis quales in intellectu, nempe esse tantum obiectiuum.

Alij

Alij dicunt solum intellectum posse facere En-
 rationis, quia solus potest fingere non Ens, per modum
 Entis, & solus se potest reflectere supra suos actus, sed
 contra: Nam etiam voluntas potest id quod non est bo-
 num per modum boni appetere, & licet hoc fiat ex in-
 tellectu proponente, tamen negari non potest, quin
 etiam in voluntate sit tale bonum obiectivè. Simili mo-
 do Phantasia non Enti cogitat ut Entia, cum componit
 multa falsa, & absurda. Id verò quod de reflexione di-
 citur, neque verum est, neque necessarium ad Ensratio-
 nis. Non verum, quia & voluntas potest se reflectere
 supra suum actum. V. G. potest amare suum amorem.
 Non necessarium, quia etiam sine reflexione per sim-
 plicem apprehensionem fit Ens rationis. Sicut & in
 Phantasia, fit coniunctio absurda plurium absque ulla
 reflexione, cum ex communi sententia hanc vim refle-
 ctendi se supra suos actus Phantasia non habeat.

Vera igitur ratio sumenda est ex propria natura En-
 tirationis. Ens enim rationis habet duo: Primò; esse
 obiectivum, ratione cuius existit, quasi præsens poten-
 tiæ per modum obiecti. Secundò consistit in coniun-
 ctione rerum impossibilium. Ratione primi non
 potest fieri ab aliis potentiis appetentibus, hoc est à
 voluntate & appetitu sensitivo. Ratione secundi non
 potest fieri ab aliis potentiis cognoscentibus præter-
 quam ab intellectu.

Vera ratio a.
 sententia.

Quocirca sequitur à solo intellectu fieri posse Ens ra-
 tionis, cum nullæ aliæ potètiæ sint nisi appetètes vel co-
 gnoscètes. Quod igitur ab appetentib. potentiis fieri nò
 possit ea ratio est quia appetitivæ potètiæ nò possunt da-
 re esse obiectivum, q. est proprium esse Entis rationis. Neq;
 .n. potentiæ appetètes ipsæ sibi proponunt obiecta, sed ea

Potentia appo-
 tentes non pos-
 sunt facere Ens
 rationis quia
 non possunt da-
 re esse obiecti-
 vum.

accipiunt proposita à potentiis cognoscentibus. V. G. Voluntas non potest ferri in obiectum nisi propositum ab intellectu; quare obiectum voluntatis, non à voluntate habet suam existentiam obiectiuam, sed ab intellectu, qui apprehendendo facit bonum esse præsens voluntati obiectiuè. Non igitur satis est ad præsentiam obiectiuam, quòd potètia tendat ad aliquod obiectum, potest enim tendere in obiectum, non à se sed ab alia potentia propositum; sed requiritur, vt det illi existentiam illam obiectiuam, quod non est nisi propter propositionem potentiae cognoscentis, quæ repræsentando obiectum, facit illud præsens potentiae appetenti.

*Item potentia
cognoscentes
sensitiva.*

*Quia non pos-
sunt coniungi
res incompati-
biles.*

Quod verò potentiae cognoscentes sensitivæ non possint facere Ens rationis, non ea ratio est quæ de appetentibus: nam verè potentiae cognoscentes possunt dare esse obiectiuum, repræsentando obiectum, sed non possunt coniungere res impossibiles. Dupliciter enim res aliquæ sensibiles coniungi possunt. Primò secundum quantitatem & iuxta positionem quandam duorum; & sic potentiae sensitivæ coniungere possunt duo inter se non coniuncta, vt montem aureum & Hircoceruum, secundum externam figuram & quantitatem. Verùm talis coniunctio non facit Ens rationis, quia est coniunctio rerum, quæ licet actu non sint, possunt tamen esse vel naturaliter, vel per Dei potentiam: Ens autem rationis consistit in coniunctione rerum incompatibilium. Secundò possunt coniungi secundum essentiam, vt cum Hircoceruus fingitur ex essentia Hirci & Cerui compositus, & talis coniunctio obiectiua, est verè Ens rationis, quia coniunctio rerum incompatibilium, superat vires & facultatem potentiae sensitivæ. Nam cum ista incompatibilitas sumatur ex essentia

rerum

rerum, essentias autem rerum potentia sensitiva non cognoscit; hinc fit ut excedat vim potentiae sensitivae coniungere impossibilia.

Quare etsi fingere possit & potentia sensitiva, tamen nunquam potest fingere quid impossibile, nam illa unio quantitatum & accidentium, est Deo possibilis, ac ex consequenti realis in potentia; quia potest realiter produci à Deo, quod repugnat enti rationis, solus autem intellectus potest utrumque praestare & dare esse obiectivum Enti rationis representando illud, & faciendo praesens potentiae, & coniungere res impossibiles; res enim sunt impossibiles, ratione essentiarum suarum, quas solus intellectus cognoscit, & ex consequenti solus potest unionem facere ratione essentiae impossibilem.

Porro notandum est, nos hic non negare: exactibus aliarum quoque potentiarum oriri Entia rationis & in iis fundari: nam esse volitum, visum, imaginatum, sunt relationes rationis ortae exactu volendi, videndi, imaginandi; sed dicimus eas relationes non habere esse obiectivum, nec existere obiectivè nisi apprehendantur ab intellectu: Ens enim rationis nisi cognoscatur non existit neque extra cognitionem est.

Ad primam igitur rationem dubitandi respondeo, *Satisfactio dub. 1.*
Duo requiri ad rationem Entis rationis, Primum ut habeat esse obiectivum: secundò ut non possit existere realiter: omnes igitur potentiae cognoscentes possunt dare esse obiectivum; quia possunt facere obiectum sibi praesens per representationem: at nulla potentia cognoscentes praeter intellectum potest fingere Ens impossibile, seu id quod non possit realiter existere. Quocirca solus intellectus potest facere Ens rationis; & quidem

Nulla potentia cognoscentes praeter intellectum potest fingere impossibile.

potentiæ appetentes, non possunt dare esse obiectiui, quia non faciunt obiectum præsens, sed supponunt factum à potentiis cognoscentibus. Potentiæ verò cognoscentes possunt quidem omnes facere obiectum, præsens, per repræsentationem, nulla tamen præter intellectum potest fingere Ens impossibile, quod requiritur ad Ens rationis. Quod verò dicitur alias quoque potentias tendendo in suum obiectum, dare illis esse obiectiuium: id falsum est, si de potentiis appetentibus sit sermo: hæ enim supponunt obiectum suum propositum ab intellectu, vel sensu; non verò ipsæmet faciunt sibi & proponunt obiectum. Neque etiam verum est, intellectum solum tendendo in obiectum, dare illi esse obiectiuium, sed repræsentando illud & exprimendo, quod appetentibus potentiis non conuenit.

Satisfit 2.

Obiectum impossibile non habet esse obiectiuium à voluntate.

Ad secundum. Obiectum impossibile potest quidem obici voluntati, sed non habet esse obiectiui præsens voluntati ab ipsa voluntate, sed ab intellectu apprehendente, & proponente illud voluntati: Quocirca obiectum illud voluntatis, ab intellectu habet vt sit Ens rationis, quia ab intellectu habet esse, & præsentiam obiectiuam. Versari quidem voluntas potest circa bonum impossibile appetendo: quia tamen appetitio voluntatis non facit præsens obiectum voluntati (alioqui non esset opus vt intellectus proponeret obiectum, & posset voluntas ferri in incognitum) ideo non tribuitur voluntati efficientia Entis rationis, sed intellectui qui solus repræsentando facit obiectum præsens potentiæ.

Ad tertium & quartum tam Phantasia quàm sensus possunt quidem facere compositionem falsam, sed non impossibilem, quod requiritur ad Ens rationis, vt
di-

dictum est. Sed obijcies. non omnia entia rationis in conjunctione impossibili consistunt, sed dantur quædam simplicia: Ergo ratio data in solutione quæstionis non est vniuersalis. Respondeo: Entia rationis simplicia sunt res simplices ex naturâ suâ impossibiles; id autem quod est in re impossibile, certum est non cadere sub sensum, cum ea solum sentiri possint, quæ sunt à parte rei; impossibilia autem non existunt à parte rei. Quare talia entia ad solum intellectum pertinebunt, ut sunt relationes impossibiles, quæ à solo intellectu apprehendi possunt.

QVÆSTIO. VII.

Quidnam sit illud esse obiectiuum quod tribuitur Enti rationis.

DVo in Enti rationis considerare possumus. primò essentiam illam impossibilem obiectam intellectui. V. G. Essentiam Hircocerui, vel aliorum quorumcunque impossibilem: Secundò existentiam seu modum existendi illius essentia; qui dicitur modus obiectiuus. Essentia igitur impossibilis per modum essentia concepta est essentia Entis rationis; existentia verò Entis rationis, est illa existentia obiectiua, seu esse obiectiuum. Verum existentia obiectiua adhuc potest esse duplex, altera est extrinseca obiecto, ratione cuius obiectum dicitur existere in intellectu per sui representationem, & conceptum, existit enim obiectiue in intellectu cum representatur & concipitur.: Altera est intrinseca obiecto, cum intellectus in ipso obiecto apprehendit existentiam siue expressè & in actu signato, siue inexpressè & in actu exercito.

Existentia obiectiua alia extrinseca obiecto alia intrinseca.

Prior

*Existētia ob-
iectiua extrin-
seca nō est pro-
pria enti ratio-
ni.*

- Priorigitur existētia obiectiua conuenit quidem Enti rationis; quia sicut alia obiecta per conceptum & repræsentationem intellectus existunt in intellectu obiectiue; ita & Ens rationis. & vniuersè quidquid fingitur ab intellectu per conceptionem & repræsentationem intellectus existit in intellectu, tamen eiusmodi existētia, non est propria existētiā entis rationis. Primò, quia est illi communis cum aliis obiectis realibus, siquidem omnia obiecta, tam realia quàm rationis, hæc existētia existunt in intellectu. Consistit autem hæc existētia in denominatione obiecti extrinseca à conceptu & repræsentatione intellectus. Secundò, Quia existētia propria Entis rationis non est existētia realis, sed est rationis: atqui hæc existētia per conceptum & repræsentationem realem est realis: siquidem denominatio à conceptu & repræsentatione reali, est realis. Restat ergo vt dicamus existētiā obiectiuā propriā Enti rationis esse existētiā quasi fictā & excogitatā ab intellectu in obiecto, esseque obiecto intrinsecā. Sicut enim essentia Entis rationis est facta ab intellectu, ita & existētia: & per hanc existētiā Ens rationis differt ab existētia obiectorum realium. Itaque Ens rationis duplicem habet existētiā obiectiuā in intellectu; alterā communem cum aliis obiectis realibus, quæ est existētia in intellectu per conceptum & repræsentationem, & per denominationem extrinsecā à conceptu & actu intellectus, & secundum hanc existētiā Ens rationis realiter existit in intellectu, sicut & alia obiecta realia, quia realiter obicitur intellectui per realem conceptum, quem habet de illo intellectus: alterā habet sibi propriā, quæ est existētia quasi ficta & formata ab intellectu secundum
quam

quam efformatur Ens illud impossibile existens in intellectu obiectiue. Sumo autem hoc nomen Fictionis late, siue habeat aliquod fundamentum in re siue nulum.

Dicendum igitur est, esse obiectiuum quod est proprium entis rationis est illud esse obiectiuum fictum, vel quasi fictum, hoc est tam essentia quam existentia obiecti ficta, quæ quidem existentia dicitur obiectiua, non solum quia est in obiecto, sed etiam quia solum obiectiue existit: siquidem tunc solum existit cum concipitur & cogitatur & fingitur, seu cum est obiectum actus concipiendi & fingendi. Differt autem hæc existentia obiectiua ab illa alia. Nam hæc est intrinseca obiecto, illa extrinseca; hæc rationis illa realis; hæc propria Entium fictorum, illa communis omnibus obiectis, tam veris quam fictis: Denique hæc causatur quodammodo ab illa, estq; eius effectus.

Ex quibus patet an omne esse obiectiuum sic dicendum Ens rationis. Respondendum enim est negatiue, *Non omne esse obiectiuum est ens rationis.* solum enim obiectiuum fictum est Ens rationis; nam obiecta non ficta, & à sua existentia extra intellectum, quam habent actu vel potentia, dicuntur realia; & ab existentia in intellectu reali per conceptum & representationem; quare rosa in hyeme, vt est in intellectu non est Ens rationis sed reale, reale inquam tum extra intellectum quia potest existere realiter extra intellectum, tum in intellectu, quia realiter existit in

intellectu per conceptum & representationem.

Plura in hanc rem dicta

sunt supra q. 4.



H

QVA.

QVÆSTIO VIII.

Utrum diuinus intellectus cognoscat & faciat Entia rationis.

QUod ad cognitionem Entis rationis attinet, non est dubium Deum cognoscere, & quidem perfectissimè omnia entia rationis. Nihil enim est quod diuinam scientiam latere possit, neque aliquid à Deo ignorari potest quod à nobis non ignoratur. Cognoscit etiam Deus perfectissimè cogitationes nostras, quare & earum objecta; vt plurimum autem objecta cogitationum nostrarum sunt entia rationis, vel saltem cum modis quibusdam rationis. Penetrat etiam totam vim & facultatem intellectus nostri, quæ se ad Entia etiam rationis formanda extendit.

Verùm dupliciter possumus existimare Deum Entia rationis cognoscere. Primò, immediatè nullo respectu habito ad intellectum nostrum imperfectiores concipientem; secundò mediante nostro intellectu; ita vt penetrando vim & facultatem intellectus nostri & conceptus nostros, quibus formamus Entia rationis cognoscat Entia rationis, à nostro imperfecto intellectu cognoscibilia. Prior cognitio dicitur etiam directa, posterior indirecta.

*Deus cognoscit
indirectè entia
rationis.*

Docentigitur communiter Doctores hoc secundo modo cognosci à Deo Entia rationis nimirum in virtute intellectus nostri: quia enim cognoscit perfecte facultatem intellectus nostri, perfecte etiam cognoscit ea omnia ad quæ se extendere potest ea facultas: potest autem se extendere ob imperfectum modum res concipiendi ad concipienda & cognoscenda Entia rationis.

Ratio

Ratio verò propter quam Deus non potest cognoscere entia rationis immediatè & directè, sed tantum ut cognoscibilia ab imperfecto intellectu nostro est hæc; quia cognitio Entium rationis inuoluit in se imperfectum modum cognoscendi, qui in Deum & modum cognoscendi ipsius cadere non potest: magna enim est imperfectio cognitionis cognoscere obiectum aliter, quàm sit: in tali enim modo est virtualis quidam error & deceptio. Porro sic cognoscuntur Entia rationis. Cum enim Ens rationis consistat in coniunctione vel essentia simplici impossibili, & quæ realiter nunquam esse potest; manifestum est quod cognoscere ens rationis, est cognoscere tanquam ens id quod est impossibile, & ex consequenti est cognoscere rem aliter quàm sit, aut esse possit. Talis igitur imperfectio intellectui diuino immediatè tribui non potest, cum ad eius infinitam perfectionem spectet, ut res perfectissimè cognoscat; perfectio enim cognitionis præcipua est conformitas cognitionis cum rebus, nempe ut ita res cognoscantur uti se habent in se.

Sed obiicies primò. Hac ratione sequeretur Deum nullo modo cognoscere ens rationis ne mediatè quidem & indirectè: Nam si cognitio Entis rationis est imperfecta, Deo tribui non potest villo modo, nec mediatè nec immediatè, quia nullo modo Dei cognitio potest dici imperfecta; si verò non sit imperfecta, æquè tribui Deo potest immediatè, sicut tribuitur mediatè.

Respondeo, diuinam cognitionem quâ cognoscit Ens rationis mediatè, esse perfectam, quia cognoscit ens rationis uti verè est. Nā licet Ens rationis simpliciter non conveniat rei, (cum sit quid impossibile) & ideo simpliciter & immediatè illud apprehendere est apprehendere

Diuinæ cognitionis quæ cognoscit mediatè ens rationis non est imperfecta, quia non differtur ex parte.

H 2

aliquid

aliquid non conforme rei, & aliter quàm res sit in seipsa; tamen Enti rationis verè conuenit concipi illo modo imperfecto ab intellectu creato; & hoc concipit intellectus diuinus. Respectu igitur intellectus imperfectè rem concipientis Ens rationis verè conuenit rei, res enim ut substat imperfectæ cognitioni, verè habet se illo modo imperfecto respectu illius cognitionis, licet non habeat se illo modo in seipsa; quare cùm cognoscitur à Deo Ens rationis respectu intellectus imperfecti, verè cognoscitur; quia verè ita se habet respectu talis intellectus: Tunc enim perfectè res cognoscitur, quando cognoscitur ut est. Si verò Deus cognosceret Ens rationis nullo habito respectu ad intellectum imperfectum, verè imperfectè rem cognosceret, & aliter quam sit in seipsa. & ille imperfectus modus resolveretur in solum intellectum diuinum non in alium intellectum imperfectè cognoscentem.

Obicies secundò. Deus etiam imperfecta perfecte cognoscit; imperfectio enim obiecti non redundat in cognitionem, ut si videam claudum, imperfectam rem video, visio tamen mea non idcirco est imperfecta. Ergo etsi ens rationis sit quid imperfectum in genere rerum cognoscibilium, non idcirco tamen diuina cognitio esset imperfecta ipsum cognoscendo.

Imperfectio obiecti quasi in cognitione non redundat in cognitionem imperfectam, immo perfectio vero quæ obiecto conuenit in ordine ad cognitionem, reddit cognitionem perfectam.

Respondeo, duplicem imperfectionem cōsiderari posse in obiecto; alteram quæ illi conuenit ut res quædam est, ut esse claudum, cæcum; alteram quæ illi conuenit in ordine ad cognitionem; talis imperfectio est cum aliter proponitur obiectum cognoscendum quàm sit à parte rei. Prior igitur imperfectio obiecti non reddit cognitionem imperfectam, quia non facit cognitionem non esse conformem rei. Posterior verò reddit

cogni-

cognitionem imperfectam: quia facis cognitionem non esse conformem rei. Si igitur intellectus diuinus ex se cognosceret rem aliter quam sit in seipsa, verè imperfectus esset in cognoscendo: non autem imperfectus si cognoscat rem imperfectam, non suo sed intellectus imperfecti modo, & in ordine ad intellectum imperfecto modo cognoscentem, seu ut cognoscibilem ab intellectu imperfecto.

Obiicies tertio. Omnem cognitionem difformem rei esse imperfectam: atqui diuina cognitio respectu entis rationis est difformis rei: ergo est imperfecta; Respondedo si cognitio aliqua ex se sit difformis rei est necessariò imperfecta; si verò non ex se sit difformis, sed ex eo quod est cognitio alterius cognitionis difformis rei, tunc non in ipsam formaliter, sed in illam aliam cognitionem cognitam referetur illa difformitas, & ex consequenti imperfectio. Diuina igitur cognitio ex se est cõformis suo immediato obiectionempe illi cognitioni creatæ cognoscẽti Ens rationis & ipsi enti rationis ut cognito ab intellectu creato: verum enim est ens rationis illo modo imperfecto concipi ab intellectu creato. Difformitas verò est respectu illius cognitionis cognitæ quam tunc concipit intellectus diuinus, quod potest simili exemplo declarari. Cum enim quis dicit falsum, tanquam ab altero dictum vel dicibile, is non dicit falsum suum, sed falsum alterius dicentis, quin imò is verum dicit, est enim verum illud falsum ab altero dictum esse. Quare & intellectus diuinus cognoscendo intellectum creatum cognoscere Ens rationis imperfectè & difformiter, non est ipse imperfectus & difformis, sed cognitio intellectus creati quam cognoscit est imperfecta & deformis.

Cognitio diuina qua Deus cognoscit mundum non est ex se difformis rei, sed ex eo tantum quia est cognitio cognitionis ex se difformis, ideo non est imperfecta.

Obiicies quartò. Vel intellectus diuinus format conceptum Entis rationis, vel non; si non format, nullo modo illud cognoscit: cognoscere enim est habere conceptum rei: si format, ergo format conceptum imperfectum; quia sicut de falso non potest formari conceptus verus, ita de ficto non potest formari conceptus nisi fictiuus seu fingens, ac proinde imperfectus.

Intellectum diuinum formando conceptum conceptus creati concipitur ens rationis formaliter formatum conceptum entis rationis.

Respondeo. Intellectum diuinum formando conceptum conceptus creati, quo ab intellectu creato concipit Ens rationis, eo ipso formare conceptum Entis rationis, ita vt non sint duo conceptus in Deo ratione distincti, alter quo concipit conceptum creatum, alter quo concipit Ens rationis; sed sicut conceptus creatus Entis rationis, eo ipso formaliter est conceptus Entis rationis: ita conceptus istius conceptus est conceptus formaliter Entis rationis. Nego tamen conceptum diuinum esse in se imperfectum, sed esse conceptum perfectum conceptus imperfecti, seu conceptus fingentis: Neque enim suo conceptu immediatè fingit Ens rationis, sed concipit conceptum fingentem Ens rationis: is enim non fingit qui rem ab alio fictam vel fingibilem concipit, sed is solum qui ex se proprium conceptum habet rei fictæ.

Intellectus ratio propter quam aliquis negans

Quod attinet ad effectiorem Entis rationis difficultas est, an diuinus intellectus ea cognitione qua cognoscit Ens rationis, faciat ens rationis. Quidam enim Recentiores id verentur concedere, quia (inquiunt) ea quæ sunt facta amplius non fiunt: ac diuinus intellectus cognoscit entia rationis vt facta ab intellectu nostro: ergo sua cognitione non facit illa, sed supponit facta & tanquam facta cognoscit. Verùm hæc ratio nullius est momenti, solum enim ex ea sequitur illud Ens rationis quod

quod factum ab intellectu creato, non fieri à Deo, non. *Deum facere*
 verò sequitur aliud illi simile non formari ab intellectu *entis rationis.*
 diuino. Nam intellectus eà est natura, ut rebus etiam
 factis, cum illas concipit & format de illis conceptum,
 det esse obiectiuum nouum & faciat illas obiectiue a-
 pud se existentes; ergo & enti rationis facto potest dare
 nouum esse obiectiuum: Nouum autem esse obiecti-
 uum entis rationis est nouum Ens rationis, siquidem
 eius essentia in puro esse obiectiuo est posita. Deinde
 si meus intellectus cognoscendo Ens rationis ab altero
 factum facit illud de nouo in mente sua formando de
 illo nouum conceptum, & dando illi apud se nouam
 existentiam obiectiuam distinctam ab existentia obie-
 ctiva alterius intellectus; cur hoc idem de intellectu di-
 uino non dicamus? Nihil enim repugnat, Ens rationis
 factum in vno intellectu fieri simile etiam in alio.

Alij igitur & multò melius sentiunt Deum cognitio- *Deum facit ens*
 ne illa indirecta & mediata, qua Ens rationis cognoscit in *rationis.*
 ordine ad intellectum nostrum facere Ens rationis: quia fa-
 cere ens rationis nihil aliud est, quàm dare illi essentiam &
 existentiam obiectiuam per conceptum & representatio-
 nem intellectiuam: atqui Deus Enti rationis à se cognito
 dat in suo intellectu essentiam & existentiam obiectiuam,
 distinctam ab existentia obiectiva, quam ei dat intel-
 lectus creatus; ergo cognitione sua facit Ens rationis.
 Quod etiam confirmatur in hunc modum, quia esse
 obiectiuum quod Ens rationis habet in mente diuina,
 non est illud esse obiectiuum, quod habet in mente
 creata: tum quia antequam intellectus creatus existe-
 ret, ens rationis non habebat esse obiectiuum in vilo intel-
 lectu creato, & tamen habebat esse obiectiuum in intelle-
 ctu

Quod diuino, ergo ista duo esse obiectiua sunt diuersa: tum quia esse obiectiuum Entis rationis prouenit ex conceptu & representatione intellectus: at diuersus conceptus & representatio Entis rationis est in mente diuina, & in mente creata, ergo & diuersa esse obiectiua; vbi autem sunt diuersa esse obiectiua, sunt diuersa Entia rationis, maximè cum ab æterno ante omnem intellectum creatum habuerit Ens rationis suum esse obiectiuum in mente diuina.

*Ens rationis
accipit esse ob-
iectiuum ab in-
tellectu diuino.*

Neque verò refert quod Deus cognoscat Ens rationis factum ab intellectu creato, hoc enim non impedit, quominus fiat noua ratione in intellectu diuino. Nam sicut ab intellectu creato dicitur factum, quia ab eo accipit esse obiectiuum, ita & ab intellectu diuino dicitur noua ratione factum, quia nouum esse obiectiuum ab eo accipit. Deinde sicut cum Deus cognoscit Ens rationis ut ab intellectu nostro cognoscibile, cognoscit illud cognitione distincta à cognitione nostri intellectus, ita cognoscendo illud ut factibile à nostro intellectu, facit illud factione distincta à factione nostri intellectus. Ad hæc vbi aliud est cognoscere aliud facere, ibi cognoscere factum non est facere: ut cum cognoscimus scamnū factum, non facimus illud illa ipsa cognitione, quia hæc efficiëntia est diuersa à cognitione, & ad diuersam potetiam spectat; At vbi facere idem est quod cognoscere, idem etiam erit cognoscere factum, & facere illud factum noua ratione, dando illi nouum esse obiectiuum: siquidem ad hanc factionem nil requiritur nisi noua cognitio. Præterea Ens rationis factum ab intellectu creato, non est factum in intellectu diuino, sed debet à Diuino intellectu fieri, quia intellectus diuinus & creatus, sicut habent distinctas cognitiones, ita & distinctos effe-
ctus

Aut cognitionum, & distincta esse obiectiua à cognitionibus procedentia: Esse enim obiectiuū quod est in intellectu diuino, est longè diuersum ab esse obiectiuo, quod est in intellectu creato. Estque hæc sententia præcipuorum Theologorum S. Thom. 1. p. q. 15. a. 2. ad 3. ubi ait respectus rationis, quibus multiplicantur ideæ, non causari à rebus sed ab intellectu diuino comparante suam essentiam ad res. Vbi non solum vult causari fundamentaliter aut intellectu diuino fundante illas relationes, sed etiam formaliter comparante suam essentiam ad res: Comparatio enim ista non est in Deo nisi per relationem essentiæ ad res, quæ relatio formaliter est Ens rationis. Neque obstat quod S. Thom. alibi vult distinctionem Idearum esse virtualiter in intellectu diuino, actualiter in nostro: hoc enim solum voluit indicare intellectum diuinum distinguere in se ipso ideas vt concipit essentiam suam variis modis limitatis conceptibilem ab intellectu nostro, quod non obstat, quominus intellectus diuinus per comparisonem essentiæ suæ ad varios conceptus creatos causet formaliter relationes rationis in essentia sic concepta. Eadem sententia est expressa Scoti in multis locis, sed præcipue in 1. d. 29. q. vnica ubi docet intellectum diuinum formare & producere relationem rationis comparando essentiam suam ad creaturas & in 1. d. 45. q. vnica, docet, non solum intellectum diuinum, sed & voluntatem causare relationem rationis comparando & referendo suum obiectum ad aliquid, ad quod ex naturâ suâ iam refertur, idem sentiunt Ferar. 1. contra Gentes cap. 54. Henricus in summa. a. 68. q. 1. Caiet. 1. p. q. 15. a. 2. Gillius lib. 2. tract. 6. cap. vltimo, Vasquez etiam licet neget Deum cognoscere Entia rationis, tamen sup-

Sententia S. Thomæ de ente rationis.

Sententia Scoti.

I

posito

posito quod illa cognoscat, ait negari non posse quin faciat 1. p. disp. 118.

Porro fundamentum oppositæ sententiæ iam est solutum. Nam cum dicitur Deum cognoscere Ens rationis iam factum: in primis id non est necessarium: nã ab æterno Deus cognoscit Ens rationis, cum tamen ab æterno à nullo intellectu creato fuerit factum.

*Refoluitur re-
sponfo aduer-
sariorum.*

Dices cognouisse saltem vt factibile. Contra. Factibile non est factum: Deinde Ens rationis ab æterno ex-
ratactu existens in mente Dei: ergo existerat non vt factibile, sed vt factum; cum igitur non fuerit factum ab æterno ab vilo intellectu creato, necesse est dicere esse factum ab intellectu diuino. Sed esto, non possit Deus cognoscere Ens rationis nisi factum; id tamen non impedit, quominus illud denuo faciat. Primò à simili. Si enim ego cognoscã rosam cognitam ab alio, possum illi dare nouũ esse obiectiuum, & nouũ esse cognitũ: Ergo et si Deus cognoscat Ens rationis cognitũ, tamen sua cognitione dat illi diuersum esse cognitũ & diuersum esse obiectiuum, q. est proprium esse Entis rationis. Nam si-
cut aliud est obiecti intellectui diuino, aliud obiecti intel-
lectui creato, ita aliud esse obiectiuũ formaliter respon-
det intellectui diuino, aliud intellectui creato. Secũdò. Quia q. Ens rationis sit factũ in vno intellectu, non im-
pedit quominus aliud simile fiat in alio intellectu. Nam intellectus rem à se fictam, potest iterum atque iterum fingere; Ergo & ab alio fictam potest etiã apud se fingere. Tertiò. Ens rationis fieri est fieri secundum esse obiectiuum; in eo enim consistit Ens rationis: At per cognitionem diuinam fit nouum esse obiectiuum re-
spondens cognitioni diuinæ, quis enim alius præter Deum faceret illud? Ergo fit nouum Ens rationis à

Deo

Deo. Tandem isti videntur existimare, cum Deus cognoscit Ens rationis in ordine ad intellectum creatum, Ens rationis tunc virtute intellectus creati produci & existere, cum tamē intellectus creatus, ut in Deo cognitus nullas partes cognoscendi & faciendi habeat, sed tantum ut est extra Deum: neque illud Ens rationis quod est in mente Dei ullus alius facit, præter Deum.

Repugnat inquit id quod est iam factum, iterum fieri, siquidem eidem non possunt competere simul duæ existentia. At non advertunt discrimen inter actiones intentionales & reales. Nam quod actione reali semel factum est, non potest secundò fieri, quia iam est: ut ignis productus non potest iterum produci, quia iam est productus, neque potest idem habere simul duas existentias. At actione intentionali potest idem obiectum iterum atque iterum fieri in esse obiectivo, id enim quod est visum ab uno, potest simul videri ab alio & acquirere novum esse visum: similiter id quod est cognitum vel volitum ab uno, potest simul ab alio esse cognitum & volitum. Quare quamvis existentia reales non possunt simul plures competere eidem, possunt tamen existentia obiectiva. Cum autem dicimus idem Ens rationis habere duplex esse obiectivum, intelligimus de eodem materialiter: Nam formaliter loquendo illud Ens rationis est duplex habens duplex esse obiectivum, & duplicem existentiam obiectivam; siquidem illa essentia Entis rationis non solum formatur ab intellectu creato, sed etiam ab intellectu divino, & ab utroque habet suam compositionem illam impossibilem quæ proculdubio est Ens rationis, ab utroque etiam habet existentiam obiectivam.

Potest idem obiectum in esse obiectivo fieri iterum atque iterum actione intentionali.

NOTA.

Estque notandum hic discrimen inter objecta realia & rationis. Nam objectis realibus non dat intellectus propriè essentiam obiectiuam, sed tantum existentiam obiectiuam, quia inuenit in obiecto realem essentiam, quæ ex se est talis non ex fictione intellectus, solumque illi dat existere in mente obiectiue: At in Entibus rationis ipse intellectus fingit essentiam componendo res impossibiles inter se, & apprehendendo per modum Entis, id quod est non Ens, & postea dat illi existentiam obiectiuam sicut & Entibus realibus.

Concipere factum an fidei quod facere.

Adiunt etiam concipere factum non est facere. Verum hæc propositio in rigore nihil aliud continet, nisi quod concipere factum, non est facere ea factione qua concipitur esse factum: Illa enim factio est obiectum conceptionis, facere verò est actus concipientis à concipiente elicitus. Ex hoc autem non sequitur, intellectum concipiendo Ens rationis factum, non posse illud facere noua ratione in mente sua componendo & formando iterum eius essentiam, & dando illi rursus existentiam obiectiuam. Imò non potest intellectus vlllo modo concipere Ens rationis factum, nisi fingendo illud, & faciendo iterum in mente sua & formando illius verum idolum & repræsentationem: sicut non possum videre parietem ut visum ab alio, nisi illum parietem visum ipse quoque videam: neque possum concipere Hircoceruum ab altero factum nisi fingam & formem, ipse in mente mea Hircoceruum: quid enim aliud est fingere quàm formare in mente idolum rei impossibilis aut falsæ?

Id verò quod maximè vrget aduersarios est, quod illud Ens rationis factum ab intellectu creato, existit in mente diuina non existentia, quam habet ab intellectu creato,

creato, sed existentia obiectiuâ quam habet ab intellectu diuino: vt patet in Ente rationis existente in mente diuina ab æterno, ante omnem intellectum creatum. Cum ergo dare existentiam obiectiuam Enti rationis, sit facere Ens rationis, Ente autem rationis factio, vel factibile ab intellectu creato Deus ab æterno dedit existentiam in mente sua; consequens est, quod Ens rationis factum vel factibile ab intellectu creato ipse quoque fecerit in mente sua.

Iisdem argumentis refellitur illa alia responsio, cum dicitur non per omnem cognitionem fieri Ens rationis: si enim cognoscatur Ens rationis vt dependens ab alio intellectu, per talem cognitionem aiunt non fieri Ens rationis; sed tantum cognosci factum: Si verò cognoscatur absque dependentia ab alio intellectu, tunc per huiusmodi cognitionem fiet Ens rationis, quæ responsio verbis solum non re differt à priori. Refellitur tamen, quia hæc dependentia Entis rationis ab alio intellectu, sicut non impedit, quo minus illud Ens rationis cognoscatur à Deo cognitione distincta à cognitione intellectus creati; ita non impedit quo minus per illam cognitionem distinctam fiat ab intellectu diuino, & acquirat esse obiectiuum diuinum. Nam licet sit factum in intellectu creato per cognitionem creatam, nondum tamen est factum per intellectum diuinum, neq; acquisiuit esse obiectiuum diuinum, quod est distinctum ab esse obiectiuo creato. Nam si ea quæ realiter sunt facta, & existunt extra intellectum, cum cognoscuntur ab intellectu acquirunt nouum esse obiectiuum in intellectu, hoc est existentiam & præsentiam obiectiuam ex conceptu repræsentante, certè & Ens rationis factum ab intellectu creato, poterit acquirere nouum esse

*Refellitur 2.
adversarium
responsio.*

obiectivum, in intellectu diuino, & noua ratione obiectivâ fieri.

Sed obiicies magis repugnat fieri à Deo Ens rationis quàm cognosci, maior enim imperfectio est facere imperfecta quàm cognoscere imperfecta, & dicere falsum; quàm cognoscere falsum: si igitur Deus immediatè non potest cognoscere Ens rationis, multo minus potest illud immediatè facere; nam si facit, immediatè facit, tum quia nulla alia causa mediante facit (quam enim aliam causam adhibet ad illud faciendum) tum quia ex vi suæ cognitionis quam habet de Ente rationis, facit illud: Ergo immediatè facit.

Facere ens rationis est illud cognoscere.

Respondeo quando idem est cognoscere, quod facere, non est maius quid facere quàm cognoscere, sed vnum & idem; atqui Ens rationis facere, nihil aliud est quàm illud cognoscere, quia per cognitionem fit præsens obiectivè, estque simul & obiectum cognitionis, & effectus: quare cum Deus cognoscat entia rationis, etiam facit illa; nec maior est imperfectio in faciendo quàm in cognoscendo.

Deus mediatè cognoscit & facit ens rationis.

Cùm verò dicitur Deum facere immediatè Entia rationis, cognoscere verò mediatè. Respondeo, quod sicut cognoscit mediatè, ita & facit mediatè in eodem sensu; Dicitur autem cognoscere mediatè, quia inter cognitionem Entis rationis, & intellectum diuinum, mediat cognitio intellectus creati vt cognita, cognoscendo enim intellectum creatum, cognoscit & Entia rationis ab ipso procedentia. Pari ergo ratione facit mediatè, quia inter effectiōem Entium rationis & intellectum diuinum, mediat cognitio intellectus creati, cuius vim totam dum Deus cognoscit, ea cognitione simul & cognoscit & facit Entia rationis ab ipso factibilia.

lia. Quare non dicitur facere mediatè, quasi aliam causam mediam ad efficiendum interponat; suo enim diuino intellectu, & sua diuina cognitione facit Ens rationis; sed quia non facit Ens rationis, nisi cognoscendo intellectum creatum, & sic interponit quodammodo intellectum creatum, non tanquam causam effectiuam, sed tanquam id per ordinem ad quod cognoscit & facit ens rationis.

Obiicies secundò. Facere ens rationis est illud fingere: atqui diuinæ perfectioni repugnat fingere: Ergo & facere Ens rationis. Respondeo fingere propriè est immediatè fingere, quod repugnat diuinæ perfectioni: quia Deus cognoscit res vt sunt, non autem vt non sunt. At mediatè hoc est per ordinem ad intellectum creatum fictionem cognoscere non est propriè fingere, sed est cognoscere rem, vt est cognoscibilis ab intellectu creato fingente. Quanquam si fingere vt hic sumitur, sit formare in mente id quod in re nec est nec esse potest, id non magis Deo repugnat quàm cognoscere.

QVÆSTIO IX.

*Per quam operationem intellectus fiant
Entia rationis.*

Cùm sint tres operationes intellectus nostri: prima consistit in apprehensione simplici, secunda in compositione, per affirmationem & negationem; tertia in vnius ex altero illatione, quaeritur num per omnes has operationes fiant Entia rationis.

Dico

Dico primò. Per primam operationem intellectus fieri Ens rationis. Ratio est. Quia prima operatio est apprehensio simplex: atqui Ens rationis potest simplici actu apprehendi: Ergo & fieri: eius siquidem esse est cognosci & ex consequenti si simplici apprehensione cognosci potest, potest & fieri. Nam si apprehendatur intellectus Hircoceruum, Hircoceruus non erit Ens reale: Ergo erit Ens rationis, ergo sola apprehensio sufficit ad faciendum Ens rationis.

Dices. Ens rationis non est quid simplex sed compositum ex impossibilibus, ergo ad secundam potius operationem, quæ in coniunctione prædicati cum subiecto consistit eius effectio pertinebit. Præterea relationes, quæ communiter censentur Entia rationis, sine comparatione & compositione cum alio intelligi nõ possunt. Propter quod argumentum quidam negarunt entia rationis ad primam operationem spectare.

Respondeo. Compositionem esse duplicem, alteram obiecti, quod est compositum ex pluribus, alteram actus componentis vnum cum alio per affirmationem vel negationem. Prior compositio inuenitur etiam in prima operatione: Possunt enim plura obiecta simul coniuncta per modum vnius simplici ratione repræsentari & apprehendi, absque vlla affirmatione & negatione. Posterior verò est propria secundæ operationis. Si igitur Ens rationis in coniunctione rerum impossibilem consistat, ea coniunctio potest etiam per simplicem apprehensionem in obiecto cogitari, multo verò magis, si sit ens rationis simplex. Potest igitur Ens rationis fieri per simplicem apprehensionem.

Dico secundò. Per secundam & tertiam operationem posse fieri Ens rationis, non tantum materialiter, sed

sed etiam formaliter. Est contra quosdam recentiores qui dicunt secundam & tertiam operationem fundare duntaxat Ens rationis, primam verò illud formaliter, facere apprehendendo vel dando ille esse obiectivum: Nam componendo intellectus prædicatum cum subiecto, a quo illo solum fundat relationem prædicati ad subiectum, subiecti ad prædicatum, quam tamen relationem tunc intellectus non cognoscit, cum prædicat, nec de illa tum cogitat, sed postea facit novum actum simplicis apprehensionis, quo illam concipit, & facit ens rationis. Hæc illi.

Nos autem dicimus & si fortè id in aliquibus actibus, & Entibus rationis verum esse possit, negari tamen non debere vniuersè per secundam operationem fieri Ens rationis. Primò quia si Ens rationis fiat per compositionem rerum impossibilem, vt isti volunt: potest hanc compositionem intellectus facere, non solum apprehendendo, sed etiam affirmando de se res impossibiles, vt si affirmet dari animal ex Hirco & Ceruo compositum: talis enim affirmatio, est vera compositio & effectio coniunctionis impossibilis, ac ex consequenti est effectio Entis rationis, quod in illa compositione consistit: Compositionis enim intellectualis obiectum est res composita, quæ si sit impossibilis est ens rationis.

*In secunda & tertiam operatio-
ne fieri quoque
entia rationis.*

Verum contra hanc rationem instabit aliquis, non videtur enim intellectus posse facere compositionem impossibilem affirmando: quæ enim videt esse impossibilia, non potest ea affirmare; nec potest iudicare esse coniuncta, quorum coniunctionem videt esse impossibilem. V. G. non potest affirmare & iudicare hominem esse lapidem.

K

Respon-

*Intellectus in-
compossibilia
potest coniun-
gere per affir-
mationem vel
negationem.*

Respondeo primò posse intellectum ea quæ verè sunt impossibilia coniungere inter se per affirmationem vel negationem, si ea non putet esse impossibilia, quod satis est ad hoc ut dicatur Ens rationis fieri per secundam operationem intellectus: Illa enim compositio Entium impossibilium verè esset Ens rationis. Deinde dico quod intellectus ea quæ videt esse impossibilia, non potest de se affirmare tanquam vera absolute, potest tamen affirmare tanquam ficta vel ex suppositione vera ad eum modum quo quis potest dicere falsum quod scit esse falsum, fictè illud non verè affirmando. Hoc enim modo de rebus fictis & impossibilibus multa affirmamus affirmatione non absolute vera, sed ficta vel ex suppositione, ut Hircocerum esse animal vel quadrupes. Possunt enim affirmari falsa, ac si essent vera, & fictio non minus cadit in apprehensionem quàm in affirmationem: possuntque impossibilia, tanquam ficta possibile de se affirmari, de qua re infra Disp. 12. quæst. 9.

*Relatio impos-
sibilis affirma-
ta vel illata est
omni rationi.*

Secundò quod ad relationem attinet, etiam potest tam simplici apprehensionis actu fieri, quàm actu composito affirmationis: possum enim affirmare hoc referri ad illud, quæ relatio sic affirmata erit in secunda operatione. Possum etiam simplici ratione apprehendere relationem unius ad alterum, per modum simplicis intuitus, absque affirmatione & negatione, & talis relatio est obiectum primæ operationis. Et sanè quid prohibet relationem rationis per actum prædicandi tribui alicui, ut si dicam, Animal habet relationem prædicati in tali enim propositione, relatio prædicati compositè tribuitur animali, quæ compositio ex parte obiecti non est realis, sed rationis. Idem dici potest

rest de illatione in tertia operatione, cum intellectus infert consequens habere relationem ad antecedens. Talis enim relatio illata, est Ens rationis & solum in intellectu existit. An verò cum sit prædicatio fundetur solum, vel etiam cognoscatur relatio prædicati, dicetur quæstione sequente.

QVÆSTIO X.

Quot sint genera Entium rationis.

Communiter duo genera Entium rationis statuuntur, Alia enim sunt mera figmenta nullum fundamentum in re habentia, vt sunt Hircocerus hippocentaurus, & similia monstra, & hæc entia rationis vagantur per omnia prædicamenta, siquidem in omnibus prædicamentis coniunctiones rerum impossibiles fieri possunt; Alia sunt quæ non sunt mera figmenta, nec ad libitum aut temerè excogitantur, sed habent fundamentum aliquod in re, quod quasi exigat illam fictionem. Quanquam proprie loquendo fingere dicimur ea tantum quæ temerè & absque fundamento excogitamus: quæ verò cum aliquo fundamento & ratione inuenimus, non dicimur fingere nisi latè sumendo nomen fictionis, vt hic sumimus cum ea quæ nec sunt nec esse possunt, dum concipiuntur dicimus fingi: etiam si talis conceptionis sit aliquod fundamentum. Talia sunt entia rationis Logica, quæ tria numerantur, relatio, priuatio, negatio. Ex tota enim vniuersitate Entium rationis, tria hæc Logica sibi usurpauit, quod alia ad operationes intellectus dirigendas non admodum conducant.

*Entia rationis
duplex.*

*Entia rationis
Logica tria.*

Relatio.

Quod igitur attinet ad relationes; intellectus concipit relationes quasdam in rebus, quæ illis re ipsa non conueniunt, sed solum prout ab intellectu certo modo concipiuntur: vt cum concipitur natura vniuersalis apta esse in multis; hæc habitudo naturæ vnius ad multa non conuenit naturæ à parte rei, cum ea à parte rei sit singularis & multiplex non vna, sed per intellectum qui formando vnum conceptum de omnibus naturis singularibus, facit naturam sic conceptam aptam esse in multis: Simili ratione, relatio prædicati & subiecti non conuenit rebus vt sunt in se, sed vt ab intellectu concipiuntur & ordinantur ad inuicem.

*Fundamentū
harum relatio-
num, denomi-
natio obiecti ab
actu immanen-
ti.*

Notandum est primo; fundamentum harum relationum communiter esse denominationes obiecti ab actu immanente, siue rationis siue alterius potentie, vt esse cognitum, volitum, visum. Actus enim transcentes: quia realiter & intrinsecè afficiunt & immutant subiectum: fundant in eo relationem realem ad agens, & sunt causa realium proprietatum, vt ex calefactione ligni cōsequitur relatio realis calefacti ad calefacientem. Actus verò immanens, quia non afficit intrinsecè nec immutat subiectum, nihil illi reale tribuit, quare & relatio quæ in obiecto ex tali actu oritur, erit rationis non realis; Relatio enim sumit suam realitatem à fundamēto, cum quo est idem relater; quia igitur hæc relatio conuenit obiecto intrinsecè, in quo nullum habet fundamentum intrinsecum cui identificetur, sed tantum extrinsecum nempe actum cognitionis, à quo obiectū denominatur extrinsecè cognitum; Ideo non habet unde sit realis, ac proinde necessariò est rationis.

Notandum secundò cognitionem posse fundare relationem, tam realem quàm rationis: realem quidem

in.

in subiecto in quo est intrinsecè: relatio enim cognoscentis ad cognitum est realis. Rationis autem quatenus extrinsecè denominat obiectum cognitum. Extrinsecà enim denominatio sicut non confert rei vllum esse reale intrinsecum: ita neque causat in eo vllas proprietates reales intrinsecas. Quare relationes quæ ex tali denominatione consequuntur in re, sunt rationis non reales.

*Cum relatione
qua consequi-
tur ex denomi-
nationibus ex-
trinsecis non
sunt reales?*

Notandum est etiam. Cùm dicimus has relationes Logicas habere fundamentum in re: non intelligimus habere fundamentum ad hoc vt realiter existant, & realiter consequantur posito fundamento: nam ea est natura Entis rationis, vt non possit existere nisi per apprehensionem intellectus; quare nec relationes rationis posito fundamento statim existent, nisi ab intellectu concipiantur & apprehendantur.

Quod si dicas naturam relationum esse consequi & resultare posito fundamento. Respondeo si relationes sint reales, consequuntur realiter & ex natura rei absque omni actione intellectus: si verò sint rationis consequuntur, sed per rationem modo suæ naturæ proportionato, quia propter fundamentum quod intellectus inuenit, apprehendit illas & concipit ac format. Et hoc sensu dicuntur hæ relationes habere fundamentum, nō vt ex natura rei ad illud consequantur; hoc enim est proprium relationum realium, sed vt consequantur, per conceptionem intellectus.

Quod attinet ad negationes & priuationes eas tunc intellectus facit entia rationis quando eas concipit modo aliquo impossibili. Quod dupliciter fieri potest. Primò si per modum realis formæ concipiantur, vt cùm concipimus tenebras tanquam nigredinem quandam,

*Negationes &
priuationes quo-
modo fiunt en-
tia rationis?*

vacuum per modum cuiusdam spacii quanti, *excitatem* per modum qualitatis & formæ in oculo: talis enim coniunctio negationis cum illis modis & formis retribuitur est res ficta. Secundo. Si negatio illa vel privatio tribuatur ei rei, cui à parte rei non competit nec potest competere, ut si naturæ abstractæ à singularibus tribuatur negatio singularium, vel si in Deo negamus intellectum esse voluntatem, ea negatio à parte rei Deo non competit, cum in Deo omnes perfectiones sit una simplex perfectio, sed convenit ei ut imperfectè & limitatè à nobis concipitur. Nam cum conceptu nostro imperfecto & inadæquato concipimus solum intellectum diuinum non concepta voluntate, intellectum sic conceptum negamus esse voluntatem.

Negatio simplex & privatio differunt.

Porro differt negatio simplex à privatione: quod privatio connotat aptitudinem in subiecto: negatio verò non, V. G. Cæcitas non est quævis negatio visus, sed solum in subiecto apto ad videndum, hoc est, in oculo, ita ut eadem negatio visus in lapide, qui non est aptus ad videndum non sit cæcitas, sed simplex negatio.

Ex quibus omnibus patet tam relationem quam negationem & privationem tunc solum esse Entia rationis, cum coniunguntur aliquo modo impossibili: vel in seipsis cum concipiuntur per modum Entium cum non sint Entia, vel respectu subiecti, cum ei tribuuntur, cui non conveniunt nec convenire possunt, quare si modus impossibilis desit tam negatio quàm relatio, erit suo modo realis.

Iam verò si quæras an Entia rationis habèntia fundamentum in re sint solum illa tria relatio, privatio, negatio, an verò præter illa sint etiam alia. Respondeo, etiam alia.

Ha Entia rationis posse habere fundamentum in re: vt cum concipio Angelum sub specie pulchri iuuenis alaci ad ipsius spirituales perfectiones exprimendas, vel cum concipio immensitatem Dei per modum cuiusdam quantitatis: hæ enim conceptiones habent in re fundamentum nec temere fiunt; verum illa tria vulgo numerantur: vel quia præcipua sunt, vel quia illa tantum Logicæ deferuiunt ad dirigendas operationes intellectus: quanquam aliqui nimis multum laborant in defendendo hoc numero.

QVÆSTIO XI.

*An denominationes Logicæ sint verè
Entia rationis.*

AD maiorem explicationem Entium rationis Logicorum, queri potest, an denominationes Logicæ sint verè entia rationis, & à quo tales denominationes sumantur. Sunt autem denominationes Logicæ denominationes rerum vt cognitarum ab intellectu. Nam quedam denominationes reb. conueniunt extra intellectum ante omnem cognitionem, vt homini esse visibilem, album; quedam vero conueniunt rebus vt cognitæ sunt, seu ex eo, quia tali vel tali modo cognoscuntur ab intellectu: sic conuenit homini esse speciem, esse prædicatum, esse abstractum, & hæ denominationes dicuntur Logicæ, quia à Logica considerantur. Quia enim Logica considerat operationes intellectus, tales autem denominationes ex operationib. intellectus proueniunt; idcirco dicuntur Logicæ denominationes.

*Qua dicuntur
entia rationis
Logica.*

Porro

Porro ab actu intellectus denominari potest obiectum dupliciter; vel absolute, & quasi quoad substantiam, ut cum dicimus obiectum esse cognitum, apprehensum, intellectum; vel sub aliquo certo modo, sub quo cognoscitur: hic autem modus in Logica est duplex, negatiuus & respectiuus: aliqua enim cognoscitur intellectus, cum quadam negatione, ut cum abstrahit, negat, distinguit: abstrahere enim est cognoscere vnum sine alio, aliqua verò cognoscit relatiuè in ordine ad aliud, V. G. sub ratione subiecti, prædicati, antecedentis, consequentis. Hinc igitur denominationes Logicae statuuntur duplices, aliæ negatiuæ, ut esse abstractum, distinctum; aliæ relatiuæ, ut esse prædicatum, subiectum, de his ergo quærimus, an huiusmodi denominationes sint reales, vel rationis, vel partim reales partim rationis.

Dico igitur primò. Denominationes ab actu intellectus absoluto, hoc est non sub aliquo certo modo, sunt reales, & nullo modo Entia rationis ut esse cognitum, esse apprehensum.

Probatur primò. Quia tales denominationes inveniuntur in aliis etiam potentiis in quibus non sunt Entia rationis. Nam esse volitum, esse visum, esse imaginatum, sunt denominationes reales obiecti ab actu volendi, videndi, imaginandi: obiecta enim horum actuum sunt volita, visa, sine villo Ente rationis. Ens enim rationis non existit nisi per apprehensionem intellectus: atqui res est visa & volita sine apprehensione intellectus: ergo sine ente rationis.

*esse cognitum
quid?*

Secundò probatur quia esse cognitum nihil aliud est, quàm esse cognitionem de obiecto: Dicuntur enim res cognosci non quod ipsæ referantur ad cognoscen-

tem

tem, sed quod cognitio terminetur ad illas: quia igitur realiter cognitio est de rebus, ideo realiter res denominantur cognitæ. Quanquam non nego ex tali denominatione sequi ens rationis, V. G. relationem cogniti ad cognoscentem. Sed solum nego denominationes ipsas esse entia rationis.

Dico secundò. Denominationes Logicæ tam negativæ quàm relativæ sunt denominationes extrinsecæ ab actu reali intellectus, sub modo rationis negativo vel relativo, ut esse abstractum, esse prædicatû. Nam quod ad denominationes negativas attinet esse abstractum, V. G. est denominatio ab actu intellectus abstrahentis, hoc est concipientis naturam sine singularibus; ac proinde sub negatione singularium, quæ negatio est modus rationis. Nam cum intellectus concipit naturam non concepta singularitate in tali cognitione duo distinguimus; vnum est, quod talis cognitio terminatur ad naturam; alterum, quod non terminetur ad singularitatem seu quod terminetur ad naturam absque singularitate: ratione primi dicitur cognitio naturæ; ratione secundi dicitur cognitio abstractiva, seu abstractio: abstractio enim ab illa exclusionem alterius obiecti dicitur abstractio.

Cognitio abstractiva intellectus ad quid terminatur.

Porro hæc negatio quam dicit abstractio, potest considerari vel in ipso actu cognitionis, vel in obiecto abstracto. Nam & actus dicitur abstrahens, & obiectum dicitur abstractum: in actu quidem abstrahente, negatio est negatio terminationis actus ad singularitatem; in obiecto verò est negatio singularitatis, ita ut hæc negatio sit quasi obiectum illius negationis, quæ est in actu.

Dices naturam sufficienter denominari abstractam
L. cogni-

cognitione illam abstrahente, & concipiente, non concepta singularitate, in qua denominatione est quædam negatio, sed ad actum ipsum spectans intrinsecè, & solum per denominationem extrinsecam ab actu spectat ad naturam: in hac autem denominatione nulla inuoluitur negatio, quæ sit Ens rationis: Nam illa negatio terminationis actus ad singularia, est negatio realis, quia oritur ex natura actus: actus enim realiter terminatur ad naturam & non ad aliud. Negatio verò quæ est Ens rationis, est in obiecto distincta à negatione quæ est in actu; est enim negatio naturæ conceptæ absque singularibus. Quamuis igitur sine negatione, non possit concipi natura abstracta, potest tamen concipi sine hac secunda negatione, quæ est in obiecto, solum concepta negatione, quæ est in actu: ex quo sequitur posse concipi naturam abstractā sine vlla negatione rationis.

Respondeo, esse quidem duas distinctas negationes, alteram in actu, alteram in obiecto & illam esse realem, hanc rationis; dico tamen non posse denominari obiectum abstractum à prima negatione, nisi simul denominetur à secunda; quia secunda est obiectum primæ; est enim obiectum proportionatum suo actui, & sub ea ratione, sub qua actus tendit in obiectum, obiectum etiam ex parte sua obicitur actui. Quia igitur cognitio abstractiua tendit in obiectum, partim positivè per cognitionem naturæ, partim negativè per cognitionem naturæ non singularis, idcirco & in obiecto duo respondent actui, vnum positivum, aliud negativum. Cognitioni enim ut cognitio est respondet in obiecto natura quæ cognoscitur; ut autem abstractio est, respondet ei natura absque singularitate, ita ut cognitionis abstractiue integrum obiectum sit natu-

Cognitio abstractiua tendit in obiectum partim positivè partim negativè.

tura sine singularitate obiecta. Ex quo patet non posse denominari naturam abstractam, ab actu abstrahente, nisi inuoluatur in hac denominatione negatio singularitatis obiectiua quæ est negatio rationis.

Ad maiorem autem eiusdem rei explicationem, duo possumus distinguere in hac denominatione naturæ abstractæ; primò, quod natura sit abstracta; secundò quòd cognoscatur abstracta: & viroque modo inuoluit modum rationis, hoc est negationem illam, singularitatis obiectiuam. De primo iam dictum est, quia negatio illa obiectiua est obiectum actus abstrahentis ut abstrahens est: actus enim abstrahens, quæ cognitio est, habet pro obiecto naturam cognitam, quæ verò abstrahens est, habet pro obiecto naturam absque singularibus, non quod illa negatio singularium sit obiectum cognitionis, sed quod sit obiectum non cognitionis; actus enim abstrahens dicitur abstrahens propter non cognitionem, ergo & obiectum eius formale est obiectum non cognitionis seu negatio singularium non cognitorum. Quamuis autem negatio illa non cognoscatur: tamen verè est negatio rationis; quia negatio rationis, eget quidè apprehensione intellectus ad hoc ut sit Ens, & habeat rationem Entis; tamen ut sit mera negatio rationis, non eget apprehensione, quia negationis esse, est non esse formæ negatæ.

De secundo verò hoc est de cognitione naturæ abstractæ, dico, quod ut formaliter cognoscatur natura illa esse abstracta, necesse est ut concipiatur formaliter, sub modo illo rationis negativo, quia ratione illi⁹ modi.

& per ordinem ad illum modum est abstracta. Si enim quæras quid sit naturam esse abstractam, defines esse naturam cognitam sine singularibus: in qua definitione non solum continetur negatio terminationis actus ad singularia, sed etiam negatio singularium, quæ est in obiecto, hæc enim est obiectum illius negationis, & illa negatio sine hac non potest intelligi: Nam sicut actus non potest intelligi sine obiecto, ita negatio quæ est in actu, sine negatione respondente illi in obiecto.

Quæ diximus de denominatione obiecti negativa, suo modo intelligi possunt de denominatione obiecti e-latius, ut cum aliquid denominatur prædicatum. Non enim est dubium hanc denominationem esse relativam, quia prædicatum respectu subiecti dicitur prædicatum. Est igitur hæc denominatio ab actu intellectus prædicantis & referentis per prædicationem rem illam ad alteram, quæ relatio & denominatio est extrinseca rei denominatæ.

Dices sufficere ad hæc denominationem actum extrinsecum prædicandi. Actus enim prædicandi est actus referendi; ab actu autem referendi sufficienter res denominatur relata sine alia intrinsecâ relatione. Quod etiam confirmari potest: quia quando intellectus prædicat animal de homine, vel cognoscit relationem illam in animali ad hominem, vel non: si non cognoscit, ergo illa relatio tunc non existet, & sine illa intellectus prædicabit, & referet animal ad hominem, & animal denominabitur tunc prædicatum & relatum, à solo actu extrinseco prædicandi & referendi: si vero cognoscit, id est contra experientiam, quia de tali relatione tunc nil cogitat, cum animal prædicat de homine, & sine tali apprehensione relationis potest animal prædicare de homine.

Re-

Respondeo. Denominari quidem animal prædicatum ab actu prædicandi extrinseco, sed tamen inuoluendo simul relationem, & habitudinem intrinsecam animalis quam habet ad hominem, vt de eo prædicari possit: estque hæc habitudo animalis ad prædicandum, obiectum actus prædicandi: idcirco enim intellectus animal prædicat de homine, quia in illo inuenit habitudinem prædicati: non enim quilibet prædicat de quolibet, quia non in quolibet inuenit habitudinem prædicati. Neque dici potest habitudinem istam realem esse, quia habitudo ista conuenit rei non vt res est, sed vt concepta est; habitudines autem rerum vt conceptarum, sunt rationis, non reales; maximè quod animal, cum nõ sit distinctum realiter ab homine, non potest ad hominem dicere relationem realem; ad relationem enim realem requiritur distinctio realis extremorum. Et quamuis in prædicato inueniri aliquando possit naturalis & realis habitudo ad subiectum, vt in albo respectu cigni; tamen in prædicato, non solum est habitudo realis ad realiter inexistendum subiecto, sed etiam habitudo rationis ad inexistendum per prædicationem, eaque habitudo spectatur in prædicato, vt prædicari & affirmari possit, cuius habitudinis fundamentum quidem est in re, sed ipsa formaliter non existit nisi per rationem.

Iam verò cum quæritur an talis relatio cognoscatur vel non. Respondeo, duo hic esse consideranda: aliud enim est animal prædicari in actu exercito, aliud est cognosci quod sit prædicatum. Potest igitur animal prædicari de homine, non cognita formaliter, & in actu signato relatione prædicationis; necessariò tamen tunc cognoscitur illa relatio in actu exercito, quia reuera ani-

Relationes rationis logicae cognoscuntur vel in actu signato vel in actu exercito.

mal in prædicatione concipitur in ordine ad subiectum, quæ habitudo est verè habitudo prædicati, licet non explicitè concepta sub ratione prædicari, sed in confuso quodāmodo & in genere: Si verò formaliter cognosci debeat animal esse prædicatum, necessario cognoscitur explicitè, relatio illa prædicabilitatis quæ est Ensrationis.

Neque satis est dici prædicatum à prædicatione intellectus, quia prædicatio intellectus fundatur in prædicabilitate obiecti: estque hæc prædicabilitas obiectum actus prædicandi siue formaliter, & in actu signato cognita, siue materialiter & in actu exercito: refert enim intellectus propter referibilitatem obiecti, & prædicat propter prædicabilitatem.

*Denominatio-
nes Logice esse
partim ab actu
intellectus par-
tim à modo ra-
tionis.*

Dico tertio dictas denominationes Logicas esse denominationes, partim ab actu reali intellectus, partim à modis rationis. Hæc conclusio patet ex præcedenti.

Et hæc de Enterationis. An verò Entia rationis sint necessaria rebus Logicis & ad dirigendas operationes intellectus dicetur Disputatione sequenti Quæstione secunda.

EXPLICATIO ALIQVOT DIFFICULTATVM DE ENTI- bus rationis.

AD finem huius disputationis volui mouere aliquot difficultates circa Entia rationis, ad ea quæ docui-
mus explicanda. Prima verò difficultas est de essentia
Entis rationis an ea consistat tota in esse obiectiuo? si e-
nim

nim id concedatur: necesse erit concedere omnia Entia realia, quatenus sunt obiectiue in intellectu, esse Entia rationis. In intellectu enim non habent aliud esse quàm obiectiuum. Nam etsi extra intellectum habeant vel habere possint esse reale; tamen hoc non impedit, quominus habeant in intellectu solùm esse obiectiuum, quod est formale esse Entis rationis. Vnde etiam consequetur: illa & in intellectu esse Entia rationis & extra intellectum Entia realia; si verò non concedatur, Esse obiectiuum sufficere ad Ens rationis; ostendi non poterit, quod aliud esse habeat Ens rationis præter esse obiectiuum. Nam quod dici solet requiri ad Ens rationis, vt extra intellectum nec existat, nec existere possit, etsi id verum sit, tamen hoc difficultatem non soluit. Nam, non esse Ens reale, est mera negatio Entis realis, negatio autem non dat Enti rationis esse, sed non esse. Quare ex tali negatione realitatis Ens rationis non constituitur in ratione Entis, sed potius in ratione non Entis: & ex consequenti verum erit, Ens rationis non constitui in ratione Entis formaliter per aliud esse, præterquam per esse obiectiuum. Neque valet quod responderi potest; Ens rationis constitui, non per quaecunque esse obiectiuum, sed per tale quod secum ferat essentialiter repugnantiam ad existendum à parte rei: ita vt hæc negatio realitatis consequatur essentiã ipsam Entis rationis. Duplici enim ex causa hæc responsio non valet. Primò q, hæc repugnãtia ad realiter existendũ, oritur non ex illo esse obiectiuo, q, est à ratione, & per q, constituitur formaliter Ens rationis, sed ex materia illa per se impossibili. neq; .n. Hircoceruus, idcirco nõ potest existere à parte rei, q, a existit obiectiue in intellectu; sed ex propria ratione Hirci & Cerui quib. ea cõpositio in re repugnat.

Secun-

Secundo quia hæc repugnantia & impossibilitas convenit rei impossibili antequam habeat esse obiectivum in intellectu. Etsi enim nullus intellectus apprehenderet impossibilia, adhuc tamen impossibilia, essent ex se impossibilia. Ex quo patet; impossibilitatem ad existendum, neque constituere formaliter Ens rationis in ratione Entis; neque ex ratione formali Entis rationis consequi.

*Esse obiectivum
in ente rationis
non solum ob-
iicit aliquam
essentiam, sed
etiam illam facit.*

Dicendum tamen est Entis rationis essentiam in tali esse obiectivo consistere, ad quod consequatur repugnantia ad existendum realiter. Pro quo noto: esse obiectivum in ente rationis, non solum obicit essentiam aliquam rationi, sed etiam illam facit atque constituit. Cum enim Ens rationis consistat in essentia ficta, necesse est essentiam entis rationis ita obici intellectui, ut fingatur, & sic ficta obiciatur: in quo apparet discrimen inter esse obiectivum Entium realium, & Entium rationis: quod entium realium essentia, solum obicitur intellectui, non verò per illud esse obiectivum fit, cum per se sit essentia possibilis absque eo quod obiciatur intellectui. Entium verò rationis essentia cum ex natura rei nihil sit, non potest nisi fingendo obici & fieri. Nam si Ens rationis fiat per compositionem e incompossibilium rerum, ea compositio nisi fiat ab intellectu, nusquam est, aut esse potest.

Ex hac autem compositione essentia ficta sequitur repugnantia illius compositi, qua compositum est, ad existendum realiter. Quia verò compositio illa est, formaliter ex esse obiectivo (fingendo enim obicitur intellectui illa compositio) idcirco recte dicimus Ens rationis habere tale esse obiectivum ad quod consequitur repugnantia ad existendum realiter. Quare ad argu-

argumenta opposita respondeo: esse obiectuum, duplex esse potest: alterum, quo fit ipsa essentia obiecti, cum extra illud esse, obiectum non fit: alterum quo non fit essentia obiecti, sed tantum obicitur. Primum esse obiectuum, est proprium Entis rationis, & in eo solo consistit entis rationis essentia. Secundum etiam conuenit Enti reali, verum tale esse obiectuum non sufficit ad constituendum Ens rationis, sed solum illud quo essentia ipsa fit. Vnde non sequitur Entia realia quatenus sunt in ratione esse Entia rationis, non enim habent in ratione tale esse obiectuum, quo ipsorum essentia fiat, cum extra illud esse obiectuum essentia ipsorum ex se sit possibilis.

Esse obiectuum aliud quo fit ipsa essentia obiecti, aliud quo non fit essentia obiecti, sed tantum obicitur, atque per primum entis rationis formaliter constituitur non vero per secundum.

Vnde etiam nolumus repugnantiam ad realiter existendum, constituere essentiam Entis rationis, ut bene probatur in obiectione: sed volumus illud esse obiectuum ad quod consequitur illa repugnantia, constituere Ens rationis, quod non conuenit Enti reali. Cum vero dicitur repugnantiam istam non oriri formaliter ex ipso esse obiectiuo, sed ex materia illius esse obiectiui. Respondeo oriri ex utroque; hoc est tam ex illa compositione, quam etiam ex partibus impossibilibus, quibus ex natura rei illo modo componi repugnat, ac ex consequenti existere. Et quidem ea repugnantia quae sumitur ex natura partium est realis, & prior ipso esse obiectiuo. Quae vero sumitur ex ipsa compositione partium facta ab intellectu, vel etiam ex apprehensione per modum Entis eius quod est non Ens: ea oritur formaliter ex ipso esse obiectiuo. Compositum enim ex impossibilibus ut sic, repugnat realiter existere. Et quia compositum illud, est compositum per fictionem intellectus, quae solum obiectiue in intellectu ha-

M bet

bet esse, ideo rectè dicimus, oriri hanc repugnantiam formaliter ex ipso esse obiectiuo. Hircoceruus enim, si non esset obiectiuè in intellectu, non esset Hircoceruus: id est, non esset compositus ex Hirco & Ceruo (talis enim compositio, non potest fieri nisi ab intellectu) vnde neque habent repugnantiam ad existendum, illo modo composito. Nam illa repugnantia, supponit & fundatur in compositione Hircocerui, estque propriè illius compositi vt compositum est, repugnantia. Nam ex propria ratione Hirco & Cerui repugnat tale compositum fieri, & ex consequenti si fiat ab intellectu immediatè & proximè, oritur repugnantia ipsius compositi quâ compositum est ad existendum à parte rei; ex quo patet has repugnantias esse diuersas. Nam alia est repugnantia totius formaliter accepti, alia partium: illa fundatur in compositione & ex ea oritur, hæc verò fundatur in natura partium.

Secunda difficultas est. An Ens rationis sit quid reale in intellectu. Si enim esse Entis rationis est esse obiectiuum: omne autem esse obiectiuum est reale in intellectu; Sequitur Ens quoque rationis habere esse reale in intellectu. Minor probatur esse enim obiectiuum, est illud quod formatur ab intellectu, format. n. intellectus intra se obiectum exprimendo eius in se similitudinè. Ac obiectum formatum ab intellectu, est quid reale. Ergo esse obiectiuum, est qd reale. Confirmatur primò; quia intelligere est formare in se obiectum modo intelligibili: vt colligitur ex Aristotele 3. de Anima cum docet intellectum possibilem intelligendo fieri omnia, formando in se omnium obiectorum similitudinem; Cum igitur reali-
ter

ter formetur obiectum in intellectu secundum realem similitudinem; consequens est, obiectum in intellectu habere esse reale: ac proinde esse obiectivum, erit esse reale. Confirmatur secundò, quia esse obiectivum, est idem realiter cum conceptu. At conceptus est quid reale, ergo & esse obiectivum. Minor patet: quia conceptus nihil aliud est quam formatio obiecti in intellectu. Sicut igitur omnis actio est idem realiter cum illo termino qui per ipsam fit, ita & conceptus qui est actio obiecti erit idem realiter cum obiecto formato, & obiectum erit idem realiter cum conceptu.

Respondeo. Obiectum in intellectu esse duplex: *Obiectum in intellectu aliud intrinsecum actui intelligendi, aliud extrinsecum.* aliud intrinsecum actui intelligendi seu conceptui, quod est obiectum formatum in intellectu, seu similitudo illa obiectiva, & hoc est quid reale, idem recum conceptu, ut bene probat argumentum: aliud est extrinsecum conceptui, & ab eo realiter distinctum, quod repræsentatur extra intellectum, cum quadam quasi distantia, sicut si res aliqua esset extrinsecus obiecta intellectui; hoc obiectum est merum Ens rationis, quia sola cognitione subsistit. Nam licet intellectus etiam in intelligendis Entibus realibus, tali fictione utatur, tamen in Entibus rationis id quod intellectus fingit, est simpliciter impossibile, ac proinde Ens rationis: in intellectu vero Entium realium; solum secundum quid fingitur cum res non existentes tanquam existentes sibi proponit: simpliciter tamen non fingit; quia essentia rerum illarum est talis ex natura rei non ficta ab intellectu; vnde solum præsentia eius fingitur, non essentia. De qua re pluribus infra Disp. 16. q. 5. & in 3. de Anima. Ex quo patet, Ens rationis ut habet hoc secundum esse obiectivum.

Obiectum extrinsecum, non esse quid reale, uidetur ratione primi, sit reale. Pater etiam esse obiectum in omnibus potestatis tam cognoscituius, quam appetituius, imò etiam in sensibus, esse quid reale, si de esse obiecti in intrinseco sit sermo. Si verò de extrinseco agatur, potest secundum quid non esse reale, si fingatur præsens obiectum, quod reuera non est præsens: vt simpliciter tamen & quoad essentiam, est reale: quia essentia illa quæ obicitur sensui est possibilis in re.

-သုတ္တံ, ငါးပါးတော်စဉ်းတော် မူလ

Tertia difficultas. An Deus directè cognoscat Entia rationis. Hoc enim Gillius noster affirmat. Sunt enim Entia rationis duplicia: alia nullum habent fundamentum vt ita concipiantur, vt sunt monstra Hircoceruus, hippocentaurus: alia habent à parte rei fundamentum vt ita concipi possint. Qualia sunt Entia rationis Logica. Et si igitur priora repugnat à Deo concipi directè; quia diuinus intellectus cum sit perfectissimus, concipit res vti sunt, non vti non sunt; tamen posteriora sine imperfectione vlla, possunt à Deo directè concipi: quia habent ex natura sua fundamentum vt sic concipiantur: & intellectus diuinus, illa hoc modo concipiendo, est conformis obiecto, non difformis. Sine vlla igitur imperfectione potest illa directè concipere. Dices concipere non Ens, per modum Entis; est concipere rem aliter quàm sit, ac proinde non conformiter sed difformiter. At Entia rationis, cum sint non Entia, concipiuntur per modum Entis (affingitur enim illis esse obiectum ratione cuius dicuntur Entia) ergo imperfectè & difformiter concipiuntur. Contra: Quia id solum est verum de Entibus rationis non habentibus fundamentum, quæ cum per modum Entis con-

concipiuntur, aliter concipiuntur quàm illis conveniat, at verum non est de Entibus habentibus fundamentum. Nam licet in re sint non Entia, & non possint esse Entia; tamen habent fundamentum, ut ab intellectu hoc modo concipiantur: ut sub ratione prædicati, subiecti, antecedentis, consequentis. Sic essentia simplex, si continet virtute plures perfectiones habet fundamentum, ut possint in ea plures perfectiones per rationem distinguui, V. G. in homine, animalitas & rationalitas: in Deo infinitæ idæ seu rationes, sub quibus est participabilis essentia divina. Neque dici potest talia Entia habere fundamentum ut concipiantur illo modo ab intellectu imperfecto, & non nisi per ordinem ad intellectum imperfectum ab intellectu perfecto. Cur enim non possint immediate ab intellectu perfecto concipi, eum nulla imperfectio ex hoc oriatur.

Dicendum tamen est, etsi probabilis sit sententia Gillij, & bene defendi possit, probabilior tamen est communis aliorum sententia, repugnare concipi directè ab intellectu divino quævis Entia rationis. Nam etsi quædam habent fundamentum ut illo modo concipiantur sub certis relationibus vel negationibus, quas non habent à parte rei, tamen hoc fundamentum est solum respectu intellectus imperfectè concipientis. Neque enim id novum videri debet ut aliqua res fundamentum habeat, ut secundum aliquam rationem cognoscatur à potentia imperfectè cognoscente, non verò à potentia cognoscente perfectè. Color enim sub ratione visibilis, habet in se fundamentum ut videatur à potentia visiva imperfecta, non verò ut videatur sub illa ratione sensibili ab intellectu, quod hic modus

Nullū enim rationis habet fundamentum & directè cognoscatur à potentia perfectè cognoscente.

videndi sit contra perfectionem intellectus. Porro in materia presenti modus cognoscendi rem sub alia ratione quam illi conveniat à parte rei est modus cognoscendi imperfecte, quia aliter quam sit in seipsa cognoscitur; & licet habeat fundamentum ut illo modo concipiatur, non tamen nisi ab eo intellectu, qui potens est aliter rem concipere quam sit in seipsa; quod non convenit intellectui divino. Quocirca argumentum Gillij ductum ex ratione fundamenti, non est firmum nec univiale, quia solum probat id verum esse, respectu alicuius potentie illo modo potentis concipere, non verò respectu omnis potentie.

Quarta difficultas. Ex quo capite repugnat fieri à Deo Ens rationis. **Respondeo.** De modo quo fiat Ens rationis sunt duæ sententiae. Una dicit fieri consecutiue, antequam apprehendatur. Altera fieri per apprehensionem; in priori ergo sententia nulla omnino repugnantia apparet, quo minus à Deo fieri possit. Ens rationis, etiam immediate. Nam si fieri est consequi: sicut non repugnat Ens rationis consequi ad intellectum diuinum: cum id nihil derogat diuinæ perfectioni: ita nec fieri repugnabit. In altera verò sententia, quam veram esse arbitror, cum Ens rationis fiat per sui cognitionem, eo modo quo repugnat illud cognosci, repugnabit & fieri. Repugnat autem cognosci immediate, non verò mediatè, hoc est mediante cognitione, qua cognoscit intellectus imperfectè cognoscentem: pari ergo ratione etiam fieri repugnabit. Vana enim est illa eiusio cognosci à Deo ut factum. Illud enim quod est in mente Dei, non est ab illo alio intellectu factum in mente Dei, præterquam à Diuino: & cum:

eum Ens rationis non possit fieri nisi per cognitionem, non alia vllius intellectus præterquam diuini cognitione est factum: ita vt vnum è duobus dici oporteat, aut Ens rationis in mente diuina obiectiue existens, non esse factum, aut sola diuina cognitione esse factum. Facere enim Ens rationis est dare illi rationem Entis, cum ex se sit non Ens, hæc autem ratio est ratio Entis apprehensi. sicut ergo non alius intellectus Ens illud rationis in mente diuina apprehendit, nisi diuinus, ita nec alius facit dando illi rationem Entis apprehensi. Quod etiam magis patet in Entibus rationis compositis, vt in Hircoceruo. Talem enim compositionem facit Deus apprehendendo. Facere enim Hircoceruum est componere Hircum cum Ceruo per apprehensionem, hoc facit Deus cum cognoscit Hircoceruum, ergo facit Hircoceruum. Neque refert quod Hircoceruum cognoscat, vt factibilem ab intellectu creato: nam ab intellectu

creato est factibilis in intellectu creato:

in intellectu verò increato non est fa-

ctibilis ab intellectu creato, sed

à solo Dei intellectu.





DISPUTATIO II.

De Logica in communi.

*Natura Logica inuestiganda est, tum ex ob-
iecto, circa quod versatur, tum ex mo-
do, quo se habet ad suum obie-
ctum, & alias scientias.*

QVÆSTIO PRIMA.

*An obiectum Logica sint operationes in-
tellectus quâ dirigibiles?*

*Obiectum scien-
tia est circum
dum cognitionem
scientia versa-
tur.*



Vpponendum in primis est, obiectum scien-
tiæ dici illud, circa cuius cognitionem scien-
tia versatur. Porro alia ratione versatur cir-
ca obiectum materiale, aliâ circa formale:
nam obiectum materiale est quasi subiectum formalis,
& non secundum se cognoscitur, sed ut substat formali,
formale autem secundum se cognoscitur; sicut enim
in visu paries est obiectum materiale visionis, albedo
verò formale, quia non videtur paries quâ paries, sed
quâ albus, ita & de obiecto scientiæ cogitandum est.

Supponendum præterea est in scientiis assignari
obiectum, vnum aliquod genus, ad quod omnia, quæ
tractantur

tractantur in illa scientia referantur: nam in omni scientia sunt plurima obiecta particularia, & essentius & proprietatibus distincta, quia tamen omnia certo quodam ordine ad vnum genus referuntur, vel tanquam species illius, vel tanquam principia, vel partes, vel passiones: idcirco sub vno genere obiecti comprehenduntur. Ex quo patet, cur obiectum scientiæ dicitur obiectum attributionis, quia omnia, quæ in scientia tractantur, debent ad illud obiectum reuocari, aliquo ex dictis modis, & quodam modo illi attribui.

Supponendum tertio, aliter obiectum assignari in scientiis speculatiuis, quàm in practicis, nam in speculatiuis pro obiecto assignatur, genus aliquod, cuius species, principia, partes, proprietates explicantur. Sic Physicæ obiectum est corpus naturale, cuius species sunt, corpus simplex & mistum. principia, materia & Forma: Passiones, Quantitas, Motus, Tempus, Locus. In practicis autem pro obiecto assignatur opus aliquod, circa quod efficiendum vel dirigendum scientia illa versatur. Et quidem si sit opus ab actione distinctum, tunc opus illud externum assignatur pro obiecto. Sic obiectum artis statuariæ est statua; frænifactoriæ frænum, ædificatoriæ domus. Si verò præter actionem non sit aliud opus externum, tunc ipsa actio, quæ dirigitur & perficitur, statuitur pro obiecto scientiæ; vt Musicæ obiectum cantus; artis cytharizandi cytharæ pulsatio: sic philosophiæ moralis obiectum sunt actiones humanæ secundum virtutem agibiles, in his enim actio subit vicem operis; actio enim ipsa est, quæ dirigitur, efformatur, perficitur. Ex harum autem scientiarum numero est etiam Logica. Nam sicut aliæ scientiæ alias actiones hominis efformandas & perficiendas sibi

Obiectum scientiæ practici est opus.

N

sumpse-

sumpserunt; artes quidem actiones externas, scientiæ verò morales, actiones internas voluntatis, ita Logica sumpfit sibi dirigendas ac perficiendas actiones intellectus, ad hunc finem ut recte fiant, & sine vitio ac errore; quocirca tradit varios modos res concipiendi, componendi inter se, definiendi, diuidendi, argumentandi, ex quo fit, ut communiter pro obiecto Logicæ statuantur, tres intellectus operationes, quatenus dirigibiles. Quanquam enim aliqui diuersa verborum forma in assignando obiecto utantur; alij enim instrumentum sciendi, vel cognoscendi, alij Ens rationis, ut instrumentum sciendi, vel ut directiuum operationum intellectus, omnes tamen in re conuenire videntur, quòd Logica in nil aliud incumbat, nisi in directionem operationum intellectus. Pro cuius maiori explicatione.

Dico primò. Obiectum Logicæ proximum non esse res omnes, ut quidam voluerunt, sed actiones nostræ mentis. Ratio est, quia Logica proximè circa actiones mentis occupatur, ut eas dirigat, tradendo modos & formas, definiendi, diuidendi, argumetandi. Remotè tamen potest dici versari circa res omnes; quia enim versatur circa mentis actiones, quæ rebus omnibus applicari possunt, ex consequenti ipsa quoque mediante suo obiecto immediato & proximo, versabitur circa res omnes. Est etiam pars quædam Logicæ, cuius est de rebus omnibus probabiliter ex locis communibus disputare: quo sensu sæpe Aristoteles dixit Logicam æquè ac Metaphysicam de omnibus rebus tractare.

Dico secundò: Non rectè assignari pro obiecto Logicæ vnâ aliquam operationem intellectus, ad quam cæteræ referantur: quare neque Argumentatio, ut
vult

Res omnes remotum duntaxat sunt obiectum Logicæ.

vult Albertus, neque Syllogismus, vt vult Scotus, neque Demonstratio vt Græci volunt, est adæquatum Logicæ obiectum. Ratio est; quia Logica æquè dirigit omnes tres operationes, cum singulæ suos defectus & vitia habeant, & singulari directione indigeant, Ergo æquè omnes ad obiectum Logicæ spectant. Deinde dirigibilitas primò & per se conuenit operationi vt operatio est, non vt est prima, vel secunda, vel tertia, Ergo operatio dirigibilis in communi statuenda est pro obiecto.

Quod si dicas primam & secundam operationem, tertia contineri (tertia enim componitur ex secunda & prima, hoc est ex propositionibus & terminis.) Respondeo, primam & secundam operationem non solum esse dirigibilem in ordine ad tertiam, sed etiam absolutè & secundum se: nam cognitio nostra aliquando sistit in nuda rei apprehensione, vt est cognitio definitiua, vel si apprehendam quid per modum generis vel speciei, per modum vniuersalis vel singularis, non procedendo ad alium discursum. Aliquando in simplici iudicio de re, vt accidit in propositionibus per se notis, vt quòd totum maius sit sua parte, De quolibet verum sit affirmare vel negare. Quare cum tales cognitiones per se sint independentes à tertia operatione, æquè ac tertia operatio spectant ad obiectum Logicæ, & directionem Logicam. Deinde etsi prima & secunda operatio seruiat tertiæ, tamen hoc illi est per accidens: nam etiamsi non esset possibilis operatio tertia, tamen adhuc prima & secunda operatio esset, & dirigi per se posset: habet enim proprios defectus & vitia, & ex consequenti propriam directionem. Terminis etiam simplicibus qui

Prima & secunda operatio non solum est dirigibilis à Logica in ordine ad tertiam sed etiam secundum se.

sumpserunt; artes quidem actiones externas, scientiæ verò morales, actiones internas voluntatis, ita Logica sumpsit sibi dirigendas ac perficiendas actiones intellectus, ad hunc finem ut recte fiant, & sine vitio ac errore; quocirca tradit varios modos res concipiendi, componendi inter se, definiendi, diuidendi, argumentandi, ex quo fit, ut communiter pro obiecto Logicæ statuatur, tres intellectus operationes, quatenus dirigibiles. Quanquam enim aliqui diuersa verborum forma in assignando obiecto utantur; alij enim instrumentum, sciendi, vel cognoscendi, alij Ens rationis, ut instrumentum sciendi, vel ut directiuum operationum intellectus, omnes tamen in re conuenire videntur, quòd Logica in nil aliud incumbat, nisi in directionem operationum intellectus. Pro cuius maiori explicatione.

Dico primò. Obiectum Logicæ proximum non esse res omnes, ut quidam voluerunt, sed actiones nostræ mentis. Ratio est, quia Logica proximè circa actiones mentis occupatur, ut eas dirigat, tradendo modos & formas, definiendi, diuidendi, argumētandi. Remotè tamen potest dici versari circa res omnes; quia enim versatur circa mentis actiones, quæ rebus omnibus applicari possunt, ex consequenti ipsa quoque mediante suo obiecto immediato & proximo, versabitur circa res omnes. Est etiam pars quædam Logicæ, cuius est de rebus omnibus probabiliter ex locis communibus disputare: quo sensu sæpe Aristoteles dixit Logicam æquè ac Metaphysicam de omnibus rebus tractare.

Dico secundò: Non rectè assignari pro obiecto Logicæ vnā aliquā operationem intellectus, ad quam ceteræ referantur: quare neque Argumentatio, vult

Res omnes remotum duntaxat sunt obiectum Logicæ.

vult Albertus, neque Syllogismus, vt vult Scotus, neque Demonstratio vt Græci volunt, est adæquatum Logicæ obiectum. Ratio est; quia Logica æquè dirigit omnes tres operationes, cum singulæ suos defectus & vitia habeant, & singulari directione indigeant, Ergo æquè omnes ad obiectum Logicæ spectant. Deinde dirigibilitas primò & per se conuenit operationi vt operatio est, non vt est prima, vel secunda, vel tertia, Ergo operatio dirigibilis in communi statuenda est pro obiecto.

Quod si dicas primam & secundam operationem, tertiam contineri (tertia enim componitur ex secunda & prima, hoc est ex propositionibus & terminis.) Respondeo; primam & secundam operationem non solum esse dirigibilem in ordine ad tertiam, sed etiam absolute & secundum se: nam cognitio nostra aliuando sistit in nuda rei apprehensione, vt est cognitio definitiua, vel si apprehendam quid per modum generis vel speciei, per modum vniuersalis vel singularis, non procedendo ad alium discursum. Aliquando in simplici iudicio de re, vt accidit in propositionibus per se notis, vt quòd totum maius sit sua parte, De quolibet verum sit affirmare vel negare. Quare cum tales cognitiones per se sint independentes à tertia operatione, æquè ac tertia operatio spectant ad obiectum Logicæ, & directionem Logicam. Et inde etsi prima & secunda operatio seruiat tertiæ, men hoc illi est per accidens: nam etiam si non sit possibilis operatio tertia, tamen adhuc prima & secunda operatio esset, & dirigi per se posset: haberet enim proprios defectus & vitia, & ex consequenti propriam directionem. Terminis etiam simplicibus qui

Prima & secunda operatio non solum est dirigibilis à Logica in ordine ad tertiam sed absolute.

in prima operatione apprehenduntur, per accidens est esse in Syllogismo. nam in Syllogismo spectantur, ut habent rationem maioris, minoris, vel medii termini, extra Syllogismum verò secundum se considerantur, ut sunt apprehensiones rerum, sub talibus rationibus & modis, verbi gratia, sub ratione generis, speciei, vniuersalis, singularis, &c. quæ apprehensiones secundum se sunt independentes à Syllogismo, neque quæ eas facit, necesse est, ut de Syllogismo cogitetur.

Prima & secunda operatio ordinatur ex natura sua ad tertiam.

At inquires. Primam operationem ex natura sua ordinari ad tertiam, cum quia ex se apta est constituere tertiam, cum quia imperfecta ordinantur ad perfectam, partes ad totum. Respondeo, illa propriè ordinari ex natura sua ad alia, quæ naturam habent imperfectam, & sine alio insufficientem ad subsistendum, ut sunt partes substantiales, materia & forma, quæ ex natura sua sunt partes compositi naturalis, & sine illo non subsistunt: at tam prima quàm secunda operatio subsistit sine tertia, ergo per accidens est pars tertiæ, sicut ligna, & lapides per accidens sunt partes domus, quæ ex illis conficitur, cum extra domum subsistant. Habent etiam in suo genere naturam perfectam, ut patet de definitione & propositionibus de se notis. Quod si aliquando apprehensiones sint imperfectæ, illa imperfectio est accidentalis, non essentialis, quia non est omnino clara, & euidens rei apprehensio, quales imperfectiones sunt etiam in ipsa tertia operatione. Maior enim vel minor euidencia non facit discrimen essentialē, sed accidentarium.

Dico tertio. Obiectum Logicæ esse operationes intellectus, quæ dirigibiles. Ita S. Thomas initio Perihermenias. Ocham initio suæ Logicæ. Ægydus 1. poster.

poster. tex. 27. Ratio est: quia cum Logica sit scientia dirigens operationes intellectus, propria materia, circa quā versatur ei ut operationes intellectus: nā & propter eas est inuenta, & nullā aliam materiā habet proximam circa quam versetur, versatur autem circa operationes intellectus non alia ratione nisi eas dirigendo, Ergo sufficienter assignantur pro obiecto Logicæ operationes vt dirigibiles; nam & si multa sint in Logica directiua, non dirigibilia, tamen illa tanquam media directionis ordinantur ad operationes vt dirigantur.

Notandum igitur est primò, nos non assignare pro obiecto tres operationes intellectus, sed in communi operationes intellectus. nam tres operationes sunt species obiecti Logicæ, non autem ipsum obiectum: obiectum enim scientiæ debet assignari genus aliquod, cuius species, principia, proprietates in illa scientia explicetur, tale genus in Logica sunt operationes in communi; nam licet ad tres operationes omnia quæ ab illis pendent, reuocantur; tamen etiam ipsæ habent quid superius ad quod reuocentur, tanquam species ad suum genus, nempe operationes intellectus in communi.

Quod si obiicias, primam operationem non esse dirigibilem, & ex consequenti non ponendam in numero aliarum operationum dirigibilium: est enim prima operatio simplex apprehensio, in simplici autem apprehensione, nec est veritas, nec falsitas, nec proinde nec error, vbi autem error non est, ibi ac directio locum habet. Respondeo, vt concedamus in prima operatione non esse falsitatem, & errorem, de quo disputatione tertia, quæstione quinta dicitur, sunt tamen alia vitia & defectus, qui tolli per directionem Logicam debent. Magnum enim vitium apprehensionis

Prima operatio est obiectus quibusdam sententiis quæ a Logicâ tolluntur.

est confusio, ab hoc autem confuso modo apprehendendi liberat nos Logica, tradendo rectos apprehendendi modos, per modum generis, speciei, &c. applicando singulorum definitiones & regulas.

Notandum est secundò pro formali obiecto assignari dirigibilitatem. Dicit autem dirigibilitas respectum quendam conformitatis ad regulas Logicas, secundum quas recte effici possunt operationes intellectus, ita enim accidit in Logica, sicut in aliquibus artibus, quæ ad efficienda sua opera utuntur formis quibusdam extrinsecis, & quasi exemplaribus operum, ad quæ deinde sua opera accommodant. Sic in arte fusoria efficiuntur formæ quædam ex luto, vel alia materia, in quas infunditur æs vel stannum, ut efficiatur statua vel campana, vel aliud opus rectum. Ita igitur in Logica, cum ob naturalem conditionem intellectus nostri, res obscure & imperfecte concipiamus, scire non possumus, an recte vel non, res cognoverimus, nisi adhibeamus formas quasdam & normas recte apprehendendi, definiendi, diuidendi, argumentandi, secundum quas intellectiones nostras examinamus, & expendimus, ut si sint illis conformes, recte, sin minus, vitiosæ censendæ sint, hæ autem formæ sunt vel præcepta Logica de modis cognoscendi, vel formæ seu ideæ & simulachra operationum, quæ nihil aliud sunt, quam operationes ipsæ in abstracto, abstrahentes ab omni materia particulari, ut sunt formæ Syllogismorum, definitionum, diuisionum.

Duo igitur hic consideranda sunt. Primò rectitudo ipsa intrinseca operationum, quæ est modus quidam earum physicus, secundum quem fiunt ab intellectu, & naturali facultate ipsius. Secundò rectitudo
Logi-

Logica, quæ est illa ipsa rectitudo ut facta iuxta formas & regulas Logicas. Directio verò operationum est conformatio operationum ad normam & regulam Logicam. Rectitudo enim physica operationum, quatenus inducitur per potentiam physicam, hoc est per naturalem facultatem intellectus, & actione physica, à physicis principiis procedente, est considerationis physicae, & dicitur directio physica; quia est proprietas rei physicae, & effectus actionis physicae; eadem verò rectitudo physica quatenus inducitur per præcepta Logica, & ad normam & formam Logicam, est considerationis Logicae, & dicitur directio Logica, ita ut rectitudo physica secundum se sit physicae considerationis, secundum conformitatem verò cum præceptis Logicae, sit considerationis Logicae; eamque conformitatem seu conformationem, designat dirigibilitas, quæ ponitur pro obiecto formali Logicae.

Rectitudo Physica quatenus inducitur in operationes per præcepta logica est Logica considerationis.

Et quidem in iis actionibus quas intellectus noster perfectas efficit, ut sunt iudicia & discursus lumine naturali noti, non eget rectitudine Logica, sed physice tantum facit rectas suas operationes, at in aliis omnibus iudiciis & discursibus, qui non sunt lumine naturali noti, eget directione Logica, seu conformatione actionum suarum cum regulis & formis Logicis. Ex quo patet rectitudinem physicam operationum, solum accidentaliter & extrinsecè dependere à rectitudine Logica.

Potest autem id aliis quoque exemplis illustrari. Idem enim opus potest produci & à natura & ab arte, & quatenus à natura producit, erit naturale & physicum, quatenus ab arte, erit artificiale; ut patet in auro naturali, & arte chymica facto. Aut si Deus infunderet intellectui nostro

nostro lumen aut species perfectas, per quas sine regulis Logicis faceret suas operationes rectas, earum operationes essent eiusdem rationis cum istis, quæ fiunt rectæ ex arte Logica, & tamen essent rectæ solum naturaliter & physice quia in sui effectione non dependerent à formis & regulis Logicæ. Itaque eadem rectitudo operationum est & naturalis & artificialis, naturalis secundum se, artificialis per respectum ad formas, & regulas Logicas. quod idem in omnib. etiam aliis operibus artificialibus accidit, nam omnes artes inducunt in materiam formam aliquam physicam, quæ est accidens secundum se physicum, verbi gratia, figura arcæ vel scamni, verum ea figura dicitur artificialis, quatenus inducitur per principia & regulas artis, quæ denominatio (vt patet) est mera extrinseca.

Rectitudo operationum logicarum adiectiue sumpta dicitur præcepta logica.

Passive vero sumpta dicitur rectitudinem operationum & conformem præceptis logicis.

Notandum est tertio, quid sit rectitudo Logica, & quomodo se habeat ad obiectum Logicæ. Et quidem, in communi definiri potest rectitudo arte facta; rectitudo enim quæ inducitur per artem & præcepta Logica, est rectitudo Logica. Porro si adiectiue sumatur, dicitur præcepta Logica, & formas Logicas operationum quibus diriguntur operationes, si verò passiuè sumatur, dicitur rectitudinem operationum conformem præceptis & formis Logicis, seu vt directam per artem & præcepta Logica. Rectitudo ergo primo modo sumpta non pertinet ad obiectum formale Logicæ, quia præcepta Logica, & formæ operationum habent se extrinsecè ad operationes dirigibiles, per modum enim causæ efficientis efficiunt rectas operationes, vnde sunt causa quædam extrinseca obiecti Logici: si verò sumatur secundum modo, tunc præcepta & formæ Logicæ non pertinent ad obiectum, vt ratio formalis obiecti, vel vt pars

ratio-

rationis formalis, sed vt quid essentialiter connotatum à ratione formali, seu tanquam id per ordinem ad quod sumitur ratio formalis, nam rectitudo operationum, non nisi, vt conformiter fit ad regulas & formas Logicas, est obiectum formale Logicæ, & per hunc respectum ad formam Logicam: per hanc enim connotationem & respectum rectitudo illa fit Logica, nempe quia fit & inducitur per regulas Logicas. Ratio ergo formalis obiecti Logicæ est rectitudo illa operationum intrinseca quatenus est talis per respectum ad regulas Logicas.

Rectitudo passiva non activa sumpta est ratio formalis obiecti Logicæ.

Quod si obiicias, operationes vt subsint regulis Logicis sunt obiectum formale, Ergo regulæ ipsæ sunt ratio formalis obiecti. Respondeo, operationes non subsistere regulis Logicis tanquam rationi formali obiecti, sed tanquam principiis efficientibus directionem. Quod si instes, Logicam considerare formas operationum, nempe formam definitionis, Syllogismi, diuisionis, ergo formæ Logicæ sunt obiecta Logicæ. Respondeo, formas Logicas considerari in Logica, vt instrumentum & media, & causas efficientes directionis obiecti Logici, vnde referuntur ad obiectum Logicæ extrinsecè per modum causæ efficientis.

Operationes non substantiæ formæ seu regulæ logicæ nisi tanquam principia efficiendi.

Ex quibus patet rectitudinem passiuam non actiuam pertinere ad obiectum formale Logicæ, quod etiam indicat ipsum nomen dirigibilitatis, quod significat directionem passiuam, nam actiua directio spectat ad operationes dirigentes, passiuam ad dirigibiles. Obiectum autem Logicæ non sunt operationes dirigentes, sed dirigibiles. Secundo directio actiua in Logica ordinatur ad passiuam, tanquam medium ad finem, causa ad effectum, ratio autem formalis obiecti est illa, ad quam cæ-

O

tera

tera ordinantur, ipsa verò non ordinatur ad alia. Tertiò, in scientiis dirigentibus pro obiecto statui debet id quod dirigitur, non id quod dirigit, ut patet cum inductione, cum ratione; inductio est in omnib. artibus, nam obiectum artis statuariæ, non est forma illa ficta statuar, per quam statua efficitur, neq; alia instrumenta ad statuatam efficiendam, sed statua formabilis per artem; obiectum medicinæ non sunt pharmaca inducentia sanitatem, sed corpus sanabile per artem, &c. Ratio verò est, quia id quod dirigit, ordinatur ad id quod dirigitur per modum causæ efficientis, vel instrumentalis, quocirca ipsum non est obiectum, sed ordinatur ad obiectum; pari ergo ratione in Logica modi & formæ Logicæ sunt id quod dirigit operationes intellectus, non quod dirigitur, non igitur sunt obiectum Logicæ, sed quid ordinatum ad obiectum Logicæ.

Sed obiicies Primò. Operationes intellectus secundum omnem considerationem sunt obiectum Physicæ; ergò nullo modo statui possunt obiectum Logicæ. Antecedens probatur. nam in primis quoad substantiam, sunt entia physica, sunt enim actus animæ rationalis quæ est forma physica. deinde quoad rectitudinem sunt quid physicum, quia rectitudo illa est modus quidam, & accidens physicum operationum: effectio verò operationum est etiam physica, quia fit virtute physica, & naturali intellectus; nam etiam tunc cum sunt ex directione Logica, physicè fiunt ab intellectu, sicut & aliæ operationes non directæ à Logica.

Respondeo, substantiam & rectitudinem, & effectiorem operationum esse physicam secundum se, nihilominus ars & præcepta Logica non sunt principium rectitudinis physicum, sed inuentum ab intellectu, patet hoc in omnibus artefactis. nam in arca non solum.

mate-

*Operationes
Intellectus quo-
modo ad Phy-
sicam spectent.*

materia est physica, sed & forma arcæ, & effectio arcæ, quæ fit per potentiam, & vires physicas artificis, nihilominus ut hæc figura procedit ex principiis & directione artis est artificiatæ, cum hoc modo procedere ab arte, non sit illi naturale, sed ab intellectu excogitatum, & inuentum, & secundum hoc pertinet arca non ad physicam scientiam, sed ad artem fabrilem.

Obiicies Secundò. Potius operationes directæ statuendæ sunt pro obiecto Logicæ, quàm operationes dirigibiles; tum quia operationes dirigibiles ordinantur ad directas, tanquam ad finem, ideo enim diriguntur, ut fiant rectæ, id autem statui debet pro obiecto, ad quod alia reuocantur; tum quia obiectum, debet significari perfecto modo, non imperfecto, operationes autem dirigibiles sunt imperfectæ quoad rectitudinem, rectæ autem sunt perfectæ; tum quia artis ædificatoris obiectum non statuitur domus ædificabilis, sed domus absolutè. Denique operationes rectæ & dirigibiles conueniunt in vna ratione formali, quia sunt tales per regulas & formas Logicas: Ergo utraq; pertinent ad Logicam, quia pertinent ad vnâ rationem formalem obiecti, vel ergo pertinent æquè immediatè, vel vna reducetur ad aliam: si primum, obiectum Logicæ non erunt operationes dirigibiles, sed aliquid superius, completens tam dirigibiles, quàm, directas: si secundum, cum rectæ non reducuntur ad dirigibiles, sed dirigibiles ad directas, statuendæ erunt, pro obiecto Logicæ operationes rectæ.

Respondeo. Cum Logica sit essentialiter habitus directius inuētus propter operationes dirigendas, nō propter directas, rectè statui pro ei⁹ obiecto operationes dirigibiles, nō verò directas. Vnde ad primā probationē dico, operationes dirigibiles ordinari ad rectas, tanquā ad finem.

Operationes dirigibiles ordinantur ad rectas ut ad finem secundum.

*Operationes
dirigibiles ordi-
nantur ad re-
ctam & ad finem
secundarium.*

nem cōsecutivum & secundariū. Logica. n. Docens primò & per se intendit formare & tradere modos dirigēdarum operationum, per quos possint fieri recte, quocirca considerat illas ut fiunt, nō ut factæ sunt rectæ, hoc enim deinde sequitur ut effectus directionis. Ad secundam: obiectum debet significari perfecto modo, quia tamen sit conveniens illi scientiæ; atqui operationes rectæ, non sunt conveniens obiectum Logicæ, sed operationes dirigibiles: quia ut dictū est Logica inventa est ad dirigendas operationes, non ad contemplandas iam directas, nisi consequenter, ut etiam in omnibus artibus accidit. Ad tertiā: etiam obiectum artis ædificatoriæ est domus ædificanda nō domus absolutè. Ad quartā. utraq; operationes pertinent ad obiectum Logicæ, sed dirigibiles primariò, & immediatè, quia propter eas inventa est Logica, recte verò secundariò & consequenter quatenus eadē regulæ & formæ Logicæ, quæ erant in operationibus, cum dirigerentur, spectari etiā possunt in factis iam & directis.

Et ex dictis sequitur pro obiecto Logicæ non assignandas esse operationes, quæ diriguntur, aut quæ sunt iam directæ, sed quæ sunt dirigibiles: quia finis & officium proprium Logicæ est, tradere modos & formas efficiendarum seu dirigendarum operationum, ut per eos dirigi possint, applicare autem actu hos modos & formas operationibus, & uti illis, non est Logicæ docentis, sed utentis. Quocirca obiectum Logicæ docentis non sunt operationes, quæ diriguntur, vel directæ sunt, quia actualis directio ad usum Logicæ, non ad doctrinam spectat, estq; effectus quidam & finis Logicæ secundarius.

*An operationes
rectæ in commu-
ni sint obiectum
Logicæ?*

Sed restat difficultas. An saltem operationes rectæ in communi, abstrahendo à dirigibilibus & directis, à fieri & facto esse, possint statui pro obiecto Logicæ: ita enim
vide:

videtur quibusdam recentioribus. Primò, quia obiectum scientiæ debet esse quid commune omnibus, quæ tractantur in scientia. Atqui in Logica tractatur tam de dirigibilibus, quàm de directis operationibus. Ergo obiectum Logicæ debet vtrumq; comprehendere, & esse veluti genus ad vtrumq;: tales sunt operationes rectæ in communi. Minor patet. quia per easdē regulas, per quas Logicus cognoscit operationem hoc vel illo modo dirigibilem aut dirigendam, cognoscit etiam fuisse bene directam, vtpote conformem iisdem regulis Logicis. Secundò, quia operationes rectæ in communi, vt abstrahunt à dirigibilibus & directis, sunt considerationis Logicæ, siquidem à consideratione Logica, quam participant, dicuntur rectæ. Sicut enim operationes dirigibiles idèò sunt cōsiderationis Logicæ, quia substant reſtitutioni Logicæ, ita & operationes rectæ in communi, quia à reſtitutione Logica dicuntur rectæ, sunt considerationis Logicæ. Porro secundum leges obiecti non genus debet reduci ad speciem tanquam ad obiectum, sed species ad genus, vt author est Aristoteles 1. poster: Ergo non operationes rectæ in communi reduci debent ad dirigibiles tanquam ad obiectum, sed contra dirigibiles ad rectas, sicut species ad genus, pro obiecto enim statuendum est summum aliquod genus scibile habens sub se species. Tertiò explicari & probari id potest exemplo caloris. sicut enim aliud est calorem esse, aliud fieri, aliud factū esse, ita & aliud est operationem esse rectam, aliud dirigibilem, aliud directam; & sicut calor absolute non reducitur ad calorem in fieri, sed contra, ita operatio recta non est reducenda ad dirigibilem, sed è conuerso. Ex quo sequitur operationes dirigibiles esse vnā tantum speciem obiecti Logicæ, non verò totum, & adæquatum obiectum.

*Operationes
dirigibiles ordi-
nantur ad re-
ctas & ad finem
secundarium.*

nem cōsecutiuum & secundariū. Logica. n. Docens primò & per se intendit formare & tradere modos dirigēdarum operationum, per quos possint fieri rectę, quocirca considerat illas vt fiunt, nō vt factę sunt rectę, hoc enim deinde sequitur vt effectus directionis. Ad secundam: obiectum debet significari perfecto modo, quia tamen sit conueniens illi scientiæ; atqui operationes rectę, non sunt conueniens obiectum Logicę, sed operationes dirigibiles: quia vt dictū est Logica inuenta est ad dirigendas operationes, non ad contemplandas iam directas, nisi consequenter, vt etiam in omnibus artibus accidit. Ad terciā: etiam obiectum artis ædificatorię est domus ædificāda nō domus absolutē. Ad quartā. vtreq; operationes pertinent ad obiectum Logicę, sed dirigibiles primariò, & immediatē, quia propter eas inuenta est Logica, rectę verò secundariò & consequēter quaten⁹ eadē regulę & formę Logicę, q̄ erāt in opationib. cūm dirigerentur, spectari etiā possunt in factis iā & directis.

Et ex dictis sequitur pro obiecto Logicę non assignandas esse operationes, quę diriguntur, aut quę sunt iam directę, sed quę sunt dirigibiles: quia finis & officium proprium Logicę est, tradere modos & formas efficiendarum seu dirigendarum operationum, vt per eos dirigi possint, applicare autem actu hos modos & formas operationibus, & vti illis, non est Logicę docentis, sed vtentis. Quocirca obiectum Logicę docentis non sunt operationes, quę diriguntur, vel directę sunt, quia actualis directio ad vsum Logicę, non ad doctrinam spectat, estq; effectus quidam & finis Logicę secundarius.

*An operationes
rectę in cōmun-
no sint obiectū
Logicę?*

Sed restat difficultas. An saltem operationes rectę in communi, abstrahendo à dirigibilibus & directis, à fieri & facto esse, possint statui pro obiecto Logicę: ita enim
vide.

videtur quibusdam recentioribus. Primò, quia obiectum scientiæ debet esse quid commune omnibus, quæ tractantur in scientia. Atqui in Logica tractatur tam de dirigibilibus, quàm de directis operationibus. Ergo obiectum Logicæ debet vtrumq; comprehendere, & esse veluti genus ad vtrumq;: tales sunt operationes rectæ in communi. Minor patet. quia per easdē regulas, per quas Logicus cognoscit operationem hoc vel illo modo dirigibilem aut dirigendam, cognoscit etiam fuisse bene directam, utpote conformem iisdem regulis Logicis. Secundò, quia operationes rectæ in communi, ut abstrahunt à dirigibilibus & directis, sunt considerationis Logicæ, siquidem à consideratione Logica, quam participant, dicuntur rectæ. Sicut enim operationes dirigibiles ideò sunt cōsiderationis Logicæ, quia substant rectitudini Logicæ, ita & operationes rectæ in communi, quia à rectitudine Logica dicuntur rectæ, sunt considerationis Logicæ. Porro secundum leges obiecti non genus debet reduci ad speciem tanquam ad obiectum, sed species ad genus, ut author est Aristoteles 1. poster: Ergo non operationes rectæ in communi reduci debent ad dirigibiles tanquam ad obiectum, sed contra dirigibiles ad rectas, sicut species ad genus, pro obiecto enim statuendum est summum aliquod genus scibile habens sub se species. Tertiò explicari & probari id potest exemplo caloris. sicut enim aliud est calorem esse, aliud fieri, aliud factū esse, ita & aliud est operationem esse rectam, aliud dirigibilem, aliud directam; & sicut calor absolutè non reducitur ad calorem in fieri; sed contra, ita operatio recta non est reducenda ad dirigibilem, sed è conuerso. Ex quo sequitur operationes dirigibiles esse vnā tantum speciem obiecti Logicæ, non verò totum, & adæquatū obiectum.

Habitus directiui obiectum adequatum est dirigibile.

Verum hæc opinio non est admittenda. Primò, quia habitus directiui obiectum adequatum est dirigibile, cum ergo Logica sit habitus obiecti directiuius, eius obiectum adequatum erit dirigibile. Antecedens probò primò inductione. Etenim intellectiui obiectum adequatum est intelligibile, visui visibile, motiui mobile, calefactiui calefactibile. Ergo & directiui dirigibile. Deinde habitus practici obiectum adequatum est agibile vel factibile. Si enim habitus sit actiuus, versatur circa agibile, si factiuus circa factibile, ut passim docet Aristoteles 6. Ethic. cum ergo habitus intellectiuus sit practicus, vel quasi practicus, necesse est eius obiectum adequatum esse dirigibile, & sicut habitus actiui obiectum non est commune agibili & actò, sed agibile tantum, ita & habitus directiui obiectum, non est directum, vel quid commune dirigibili & directo, sed tantum dirigibile. Adhæc habitus denominatur à suo obiecto, practicus à practico obiecto. Atqui obiectum non est practicum nisi ut substat praxi, seu ut est operabile. Ergo omnis habitus practici obiectum est operabile, hoc est agibile vel factibile, quomodo etiam Aristoteles 6. Ethic: & alibi assignat obiecta habitibus practicis, v. g. Agibile, factibile, eligibile. Similiter & fines eorundem habituum assignat actionem vel factionem. Si igitur proportionaliter de Logica est loquendum, assignari illi debet pro obiecto dirigibile, non rectum in communi.

Et sanè cum in omnibus artibus possit considerari & rectitudo in communi, & rectitudo inducibilis, & rectitudo inducta, nusquam tamen Aristoteles aut quispiam alius assignauit arti pro obiecto rectum in communi, sed factibile, quod planè ostendit istorum sententiam,

tiam, esse sententiæ & doctrinæ Aristotelis minùs conformem.

Responderi potest Primò. Praxim esse quidem obiectum formale habitus practici, sed non nisi vt illa praxis rectè vel secus fieri potest: cum igitur secundum re-
ctitudinem tripliciter considerari possit, primò vt rectè fit, secundò vt rectè facta est, tertio absolutè vt recta. hac solùm ratione tertiâ est adequatum obiectum habitus practici, sub aliis verò rationibus particularibus, nempe vt fit, vel vt facta est, est inadæquatum & particulare obiectum eiusdem habitus. Sed hæc responsio & Aristoteli & rationi repugnat. Non enim Aristoteles ignorabat, has tres considerationes, & tamen nusquã assignauit pro obiecto habitus practici rectum in communi, sed tantum agibile vel factibile. Deinde aliud est istas tres considerationes posse fieri absolutè, aliud eas fieri ab habitu operatiuo & practico. Habitus enim operatiuus & practicus pro fine proximo & adequato habet operationem, hoc est actionem vel factionem, non verò considerationem rerum actarum vel factarum. Quocirca ad habitum practicum per se solùm spectat actio vel factio, consideratio verò rerum actarum vel factarum, vel consideratio rectitudinis in communi, non per se, sed consecutiue & reductiue, ac per quandam intentionem spectat ad habitum practicum, vt mox dicam.

Responderi potest secundò. Negando Logicum habitum esse essentialiter directiuum, sed rectum: hoc est, cognoscitiuum rectitudinis Logicæ, siue in ordine ad directionem faciendam, siue post directionem iam factam. Et sanè meo iudicio nihil magis consequenter respondere possunt isti authores pro dicta sententia.

Verum

Verum neq; hæc responsio admitti potest. Primò, quia euerit receptam definitionem Logicæ, quæ est esse habitum directionum operationum intellectus, & cum aliam essentiam isti Logicæ tribuant, quàm communiter tribuatur, fit vt non de eadem Logica loquatur, de qua est controuersia, sed de quadam alia à se conficta. Secundò euerit omnem doctrinam Aristotelis & Peripateticorum de obiecto habituum practicum, omnes enim obiectum habitus practici constituunt agibile vel factibile, non actum aut factum, vel commune actio & factio, agibili & factibili. Tertiò si Logicæ assignandum est obiectum rectum non dirigibile, pari ratione arti & prudentiæ, & omnibus habitibus practicis assignandum esset obiectum rectum abstrahendo ab agibili & factibili, essentq; mutandæ definitiones habituum practicum, neq; definiendi essent Habitus cum vera ratione actiui vel factiui, vt definiuit Aristoteles 6. Ethic: sed habitus recti abstrahendo ab actiuo & factiuo, ita vt in ordine ad rectitudinem in communi, non verò in ordine ad actionem & factionem definiendi essent: quod esset omnia perturbare. Ex quo patet rectitudinem in communi posse quidem abstrahi à directione actiua & passiuâ, non tamen posse assignari pro obiecto habitus practici: non enim rectitudo in communi est obiectum habitus practici, sed rectè agibile vel factibile, neq; habitus practicus considerat, rectitudinem in abstracto, sed practicam, id est, in opere ponendam vel ponibilem.

*Rectitudo in
communis non
potest assignari
pro obiecto Ha-
bitus practici.*

Secunda ratio propter quam admitti non debet hæc sententia est, quia finis & obiectum in practicis coincidunt ex communi sententia. Distinguit enim Aristoteles practicum & speculatiuum, ex fine: speculatiui enim

enim finis est veritas practici opus, seu actio vel factio, qui etiā fines sunt simul obiecta tam speculativi, quā practici. Cū igitur habitus directivus sit practicus, vel quasi practicus, finis eius erit actio vel factio, seu directio operationum, ac ex consequenti directio per modum actionis erit planè formale obiectum habitus directivi, non igitur rectè statuitur obiectum abstrahēs à directione.

Quod si obiicias Aristotelem docere i. magn. moral. c. ult. in habitu activo nō esse alium finem, præter actionem, in factivo verò præter factionem dari alium finem, nempe opus effectum per factionem, vt est domus post ædificationem relicta. Respondeo, habituum factivorum finem non esse efficere nudam factionem, sed opus permanens post factionem, verū illud opus non est finis, nisi mediante factione, & quatenus ex factione sequitur, & sic non repugnat præter factionem dari finem alium à factione distinctum, qui tamen sic factionis effectus, & quatenus ex factione consequitur spectet ad habitum factivum. Quare domus vt domus est finis habitus practici vt factionem consequitur, & est subordinatus factioni, tanquam proximo & principali fini, is enim ex quo alii dependent & consequuntur, dicitur principalis finis. Talis finis artis v.g. ædificandi est ædificatio, in hoc enim consequendo totum laborem & artificium suum ponit, eoq; acquisito consequuntur sine alio nouo artificio & labore artis, alii fines, nempe habitatio, vel lucrum, &c. quanquam Logica cū non relinquat opus post se, non habet talem finem, qui sit à directione distinctus.

Tertia ratio. Quia operationes directæ non sunt per se & primarium obiectum Logicæ, sed reductivæ

*Operationes
rectæ non per se
sed reductivæ
sunt obiectum
& Logica.*

& secundariò. Primò, quia circa operationes directas non habet Logica actû nisi reflexû, quo cognoscit illas operationes rectè à se factas fuisse. Cum igit solus actus directus circa obiectû per se & primariò spectet ad quilibet habitû, actus verò reflexus non nisi per accidens & secundariò, consequens est etiam obiectû actus reflexi per accidens & secundariò spectare ad habitum Logicû, proinde non debere poni vt speciem obiecti Logici, sed vt quid reductiuè se habens ad obiectum. Confirmatur. Quia habitus directus & reflexus sunt distincti specie, cum habeant distincta specie obiecta. nam directi obiectum est res quæ cognoscitur, reflexi obiectum est ipsa cognitio rei. vnde habitus directus per se ipsum & per suos actus non potest reflectere se, sed per alium habitû adiunctum, ac proinde per accidens, vt docetur in libris de Anima. Deinde nulla scientia per se loquendo habet pro obiecto suo seipsam, & actus suos, sed tantû obiecta suorum actuum, Ergo nec ad Logicam per se spectat reflectere se supra suos actus, hoc. n. esset habere seipsam pro obiecto. Quocirca & Aristoteles 1. phys. t. 8. negat scientiam particularem probare posse principia sui obiecti, sed id vel ad alteram scientiam vel ad communem spectare, communem intelligendo Logicâ vel Metaphysicam, quæ habent obiecta vniuersalissima, sub quibus obiecta aliarû scientiarum particulariû cõprehenduntur. Quare scientiis particularib⁹ negat Aristoteles hos actus reflexos. Tertiò, operationes nõ cognoscuntur esse rectè factæ, nisi per ordinem ad directione præcederem. quia. n. domus dũ fieret, rectè & secundû regulas artis fiebat, idcirco etiam postquã facta est dicitur recta, neq; ad id nouo artificio opus est, sed solû extensione artis, quæ est de directione, cum ergo per accidens sit scientiâ extendi & applicari ad opus iam factû, fit vt per accidens etiam

*Nulla scientia
habet pro obic.
se seipsam.*

etiam spectet ad Logicam consideratio operationū directarum, per se verò solum spectet directio ipsarum, in fieri. Nam vt dictum est, cognoscuntur esse rectè factæ, per illam eandem scientiam, quæ est de directione, extensam & applicatam ad opus factum. Quartò, id quod cōsequitur ad aliq. obiectū, nō ponitur per se pro obiecto principali, neq; tanq̃ species illius obiecti, sed reducitur ad obiectū, vt quid cōsequens ad ipsum. Sic proprietates physicæ non statuuntur pro obiecto physicæ, nec enim sunt corpus naturale, aut species illius, sed reducuntur vt proprietates consequentes corpus naturale, cū igitur esse directum consequatur ad directionem, sicut factum esse ad fieri, actio enim est quodammodo causa sui termini, qui per eam fit, operationes directæ non debent poni tanquā obiectum per se Logicæ, sed reduci debent vt quid consequens ad obiectum.

Ad primū argumētum primæ sententiæ Respondeo. Operationes directas nō spectare per se ad obiectū Logicæ, sed consecutiue & reductiue vt dixi, tum quia cōsequuntur ad directionem, tum quia non alia scientia sciuntur præterquam scientia de directione, extensa & ipsis applicata, non ergo possunt spectare tanquam species obiecti, distinctæ enim species obiecti fundant distinctas species scientias, directæ autē operationes sciuntur per eandē scientiam quæ est de dirigibilibus. Cū verò dicitur obiectum scientiæ comprehendere omnia quæ tractantur in illa scientia, distinguendū est de modo cōprehēdendi: quædam enim per se cōprehēduntur, vt sunt species obiecti, de quibus obiectū in Quid prædicatur, quædam verò consecutiue, vt sunt ea quæ consequuntur ad obiectū, nec sunt idem cum ipso, vt sunt affectiones & proprietates obiecti, quo etiam modo

operationes ut directæ, sunt quid consequens ad directionem, & effectus quasi quidam directionis.

Logicæ rectitudinem practicam considerat.

Ad Secundum respondeo. Rectitudinem in communi abstrahentem à fieri & factio esse non esse per se considerationis Logicæ, sed reduciue; quia Logicus non quocumq; modo considerat rectitudinem, sed practicè, vel quasi practicè, hoc est ut factibilem, & inducibilem in operationes, idq; Logicæ commune est cum omnibus habitibus practicis, qui nō habent pro obiecto rectitudinem in communi, sed rectitudinem agibilem vel factibilem. Pertinet igitur rectitudo illa ad Logicā per modum principii constituentis obiectum Logicæ, verè enim rectitudo illa ut subiicitur praxi vel operationi intrat & constituit obiectum formale Logicæ. Dicimus autem rectitudinem in communi abstrahere à fieri & factio esse, non ea abstractione, qua genus abstrahit à speciebus, rectitudo enim in fieri & in factio esse, est una & eadem specie, sed est abstractio rei à modis, ad eum modum quo abstrahimus calorem à fieri & factio esse, non tanquam genus à speciebus, sed tanquam eandem rem à suis modis accidentalibus.

Ad Tertium. Secundum diuersas considerationes potest vnum reduci ad aliud, & illud aliud reduci ad ipsum. Rectitudo ergo si consideretur ut res quædam, & fieri ac factum esse ut modi quidam ipsius, sic fieri & factum esse reducuntur ad rectitudinem, ut modi ad rem cuius sunt modi, si verò consideretur rectitudo in ordine ad obiectum practicum constituendum, sic rectitudo reducitur ad operationes dirigibiles per modum principii formalis illas constituentis in ratione obiecti practici, vel quasi practici, rectitudo enim ut factibilis est obiectum practicum.

Noto

Noto autem, in iis actionibus, in quibus relinqu- *esse fieri distin-*
tur opus aliquod post actionem, distingui esse fieri & fa- *guntur ab effectu*
ctum esse, ut patet in calore, qui habet suum esse, extra *falso.*
fieri & factum esse, & in domo cuius esse manet transa-
cta ædificatione. At in iis actionibus quæ non relin-
quunt opus post se, idem est fieri & esse, quia non sunt,
nisi cum fiunt, & in fieri consistunt: sic esse saltationis
est fieri, tunc enim est cum fit, & quando fieri desinit,
desinit esse; talis etiam est rectitudo operationum, quæ
tunc solum est à parte rei cum fit, sicut & operationes
ipsæ in fieri consistunt, & non sunt nisi dum fiunt.

QVÆSTIO II.

*Entia rationis sint necessaria ad opera-
tiones intellectus dirigendas?*

Quidam recentiores entia rationis à tota Logica o- *Partim negan-*
mnino reiiciunt. Si enim ad Logicam pertineret, *in. Arg. 1.*
id esset propterea, quod ad dirigendas operationes in-
tellectus essent necessaria. At non sunt, inquiunt, ne-
cessaria, imò nec utilia, Ergo non spectant ad Logicam.
Minorem probant Primò, quia nec Aristoteles, nec ve-
teres illi philosophi, qui de rebus Logicis tractarunt, vl-
lam mentionem entium rationis fecerunt; Recentio-
res verò plurimi, post accuratam rei discussionem, ea
exploserunt, & in Logica regulas & præcepta de modis
realibus rectè cognoscendi, non de modis à ratione ex-
cogitatis tradiderunt.

Secundò, quia quæ in Logica tractantur de pro- *Argum. 2.*
prietatibus rerum, quæ rebus conveniunt ab intellectu,
ea non per entia rationis, sed per denominationes ex-

trinsecas, à tali vel tali cognitione, verè & sufficienter explicari possunt, v. gr. esse prædicatum vel subiectum est, denominari ab actu intellectus prædicantis & subiectantis, esse genus vel speciem, est tali vel tali ratione cognosci ab intellectu: quo fit vt non relinquatur locus entibus rationis.

3.

Tertiò. quia entia rationis sunt inepta ad dirigèdas operationes intellectus; non enim ideò operatio est recta, quia habet talia entia rationis, sed ideò habet entia rationis debita operationi rectæ, quia ipsa est recta, idque non solum ex natura rei loquendo, sed etiam quoad nos: nos enim non aliunde cognoscimus, entia rationis rectæ, nisi quia debentur operationi rectæ, & ea postulat operatio recta: prius ergo cognoscimus naturam operationis rectæ, tum inferimus talia entia rationis deberi rectæ operationi, ita vt rectitudo entium rationis, tota pendeat, tam secundum se, quàm secundum nos à rectitudine operationum. quare melius est, vt de rectitudine ipsius operationis secundum se præcepta in Logica dentur, quàm de rectitudine entium rationis.

Quod si quis dicat, sicut rectitudo styli ex rectitudine vmbre cognoscitur, licet rectitudo vmbre cause-tur à rectitudine styli, & pendeat ab illa, ita ex rectitudine entium rationis cognoscitur rectitudo operationis. Contra, nunquam potest explicari rectitudo entium rationis, nisi explicetur prius rectitudo operationis, verbi gratia, recta propositio est illa, non cuius termini habent relationem prædicati & subiecti, sed in qua tribuitur id, quod rei natura postulat; imò illud si dicatur, debet probari per hoc: ideò enim conuenit terminis rectitudo prædicati & subiecti, quia id natu-

rare-

ra rerum ipsarum postulat, quare non potest rectitudo entium rationis adhiberi ad rectitudinem operationum demonstrandam. Neque exemplum styli & umbræ id probat, nam est magnum discrimen inter ens rationis & umbram; in umbra enim rectitudo facilius animaduertitur, cum per planum fundatur, quàm in stylo. At rectitudo entium rationis est obscurior, & probari debet per rectitudinem operationum.

4.

Quartò, tam præcepta Logica, quam operationes ipsæ considerantur in Logica sine vlllo respectu ad entia rationis, verbi gratia, propositio non definitur, quæ rectas habet relationes prædicati & subiecti, sed in qua vnum de altero enuntiatur, ita vt natura rerum postulat. Syllogismus etiam non definitur is, ad quem rectæ relationes, maioris, minoris, & mediij termini consequuntur, sed in quo quibusdam positis, necesse est aliud euenire.

Ex quibus inferunt verum modum dirigendi operationes intellectus esse, quem tradit Boëtius initio Porphyrij à se translatis: Homines primum advertere ceperunt se aliquando errare, aliquando non, idque aduerterunt ex conformitate suorum discursuum, cum experientia rerum sensatarum, & cum consensu aliorum hominum præcipuè prudentiorum. Obseruabant igitur modum quem in suis discursibus tenebant, & quid illis deesset, quos malos comperissent, atque ita notando proprietates boni discursus, & effectus mali, facta est vniuersalis obseruatio modi & proprietatum boni discursus.

Opposita sententia est aliorum, qui dicunt entia rationis omnino necessaria esse reb⁹ Logicis, & ad operationes intellectus dirigendas, quam sententiâ hactenus in scho-

*Entia rationis
sunt necessaria
ad directionem
operationum.*

in scholis fuisse communem testatur Ruuius in quaestione de obiecto Logicae. Pro qua notandum est, eam esse imperfectionem nostri intellectus, ut vix aliquid cognoscamus, nisi sub aliquo modo rationis, hoc est sub aliqua negatione, vel relatione, quæ non nisi per rationem existit, si haberemus cognitionem rerum perfectam, ut Angeli, hoc est adæquatam rebus, ita ut totam rem, & eo modo quo in se est, vno intuitu penetraremus, non essemus ita subditi entibus rationis in cognitione; at quia imperfectè res cognoscimus, hoc est limitatè & inadæquatè, diuidendo vnam rem in multos conceptus, ex hac limitatione conceptuum, prouenit primò, ut res sub certis abstractionibus concipiamus, longè aliter quàm sint in re; quæ enim sunt in re coniuncta, nos per conceptum disiungimus, abstrahendo vnum ab alio, & vnum sine alio considerando, animal, verbi gratia, in homine concipimus, abstrahendo à rationali, licet in re sit idem cum rationali, accidēs secundum se in abstracto cogitamus, nihil cogitando de subiecto. Porro hæc abstractio quamuis, ut se tenet ex parte intellectus, est actio realis intellectus, abstrahentis & considerantis vnum sine alio, tamen ut se tenet ex parte obiecti, est ens rationis: obiectum enim abstractum, dicit negationem & exclusionem eorum à quibus abstrahitur, quæ negatio solum per intellectum rebus conuenit, & idcirco est ens rationis.

Intellectus humanus in 2. & 3. operatione sui conceptus secundum habitudinem rationis.

Sequitur secundò, quòd cum intellectus res sic limitatè conceptas coniungit inter se in secunda vel tertia operatione, concipit illas secundum quasdam habitudines, quas ut sic conceptæ & abstractæ habent, nempe sub habitudine prædicati vel subiecti, generis vel speciei, antecedentis vel consequentis, quæ habitudines cum

cum conueniant rebus, non vt existunt in re, sed vt sunt conceptæ ab intellectu, sunt prouidubio rationis, non reales. verbi gratia, cùm intellectus vult prædicare animal de homine, non temerè id facit, sed propter habitudinem, quam videt in animali sic concepto & abstracto ad hominem, quæ habitudo est generis & prædicati, cùm verò ista habitudo conueniat animali non vt in re existit, sed vt est abstractum per intellectum à singularibus, idcirco non est realis, sed rationis: quæcunque enim conueniunt rei vt est cōcepta ab intellectu, sunt entia rationis. nam quod dicitur ex natura ei conuenire animali, vt possit tribui homini, distinguendum est, animali enim vt concepto per intellectum, non autem absolutè vt est extra intellectum, conuenit vt possit tribui homini, seu ex natura animalis sic concepti & abstracti conuenit ei posse prædicari de homine, quod quid aliud est, quàm animali, vt substantiæ tali modo essendi in intellectu, conuenire vt prædicetur?

Hoc igitur fundamento posito Dico primò. Entia rationis esse rebus Logicis necessaria. necessarium enim est Logicæ scire modos concipiendi, sub quibus res concipit & cognoscit intellectus noster; hoc enim, est præcipuum Logicæ obiectum; atqui intellectus noster ob imperfectam & limitatam suam cognoscendi rationem, nihil ferè cognoscit, nisi sub aliquibus modis rationis, vt dictum est: nam limitatè cognoscendo, partim disiungit, quæ sunt in re coniuncta, partim coniungit res sic disiunctè conceptas per prædicationem & illationem. Vterque autem modus est rationis, prior quidem est abstractio, posterior relatio fundata in re, vt concepta est ab intellectu: necessarium ergo est in Logica cognosci entia rationis, ita vt sine

Necessitas Entium rationis in Logica.

Q

illis

illis nihil præstari in Logica possit. nã & operationes quæ debet dirigì, propter limitatũ earum modũ cognoscendi, non possunt nisi sub certis modis rationis considerari, & media ad illas dirigendas, hoc est, regulæ Logicæ consistunt in explicatione, & definitione horum modorum rationis. Quare cùm tria sint in qualibet scientia, subiectum de quo fit demonstratio, proprietates quæ demonstrantur de subiecto, causa per quam tales proprietates de tali subiecto demonstrantur, hæc omnia in Logica sub certis modis rationis considerantur. verbi gratia, syllogismus consideratur, vt constat ex terminis certo modo abstractis, & certum inter se respectum habentibus, Prædicati, subiecti, maioris, minoris, medij, antecedentis, consequentis. Hi enim respectus cùm sint respectus rerum conceptarum quatenus conceptæ sunt, sunt respectus rationis. Similiter syllogismus consideratur, quòd sit in modis primæ, secundæ, & tertiæ figuræ, quæ omnia inuoluunt etiam modos rationis. Conclusio etiam dicit habitudinem ad præmissas, quæ habitudo cùm sit respectus rerum sub certis modis rationis conceptarum, ad alias res, sub certis iridem modis conceptas, est procul dubio habitudo rationis. Non dico autem conclusionem esse ens rationis (est enim actus realis intellectus concludentis) sed necessariò fieri sub certis modis rationis, sub quibus termini tam secundum se, quàm in ordine ad alios terminos concipiuntur. Denique principia syllogismorum sunt illa duo, Dici de omni, & Dici de nullo, seu principium illud, omne quod prædicatur vel negatur de prædicato, prædicatur vel negatur de omni eo de quo prædicatum illud affirmatur, in quo principio manifestum est considerari modos rationis

præ-

prædicandi & subiiciendi. Idem etiam ostendi potest de aliis operationibus intellectus, ut de definitione, quæ ut tractatur à Logico, debet constare ex genere & differentia, habitudo autem generis & differentia convenit rei, non ut est extra intellectum, sed ut est concepta ab intellectu. In enuntiatione etiam ut à Logico consideratur, debent concipi termini sub ratione prædicabili, subiicibili, & sub ratione copulæ, qui modi sunt entia rationis, cum conveniant rebus, non ut sunt à parte rei, sed ut sunt conceptæ ab intellectu.

Dico secundò. Per entia rationis dirigi operationes intellectus. Ratio est, quia operationes intellectus tunc diriguntur, quando explicatur modus debitus operationum, quo fieri debent, atqui modi operationum nostrarum, sunt modi quidam rationis, nempe varij modi abstrahendi & conferendi res abstractas inter se, ergo dum hi modi rationis explicantur in Logica, diriguntur operationes intellectus. Nam quod dicitur modos istos convenire rebus propter naturam rerum conceptarum, id verum est fundamentaliter, formaliter enim per intellectum conveniunt. Neque verò cum dicimus entia rationis dirigere operationes intellectus, ideo sensu accipimus, ut quicumque conceptualiquod ens rationis, statim eo ipso cognoscat, quæ sit recta operatio, quod prior sententia dicebat, sed quod, cum omnes operationes nostræ fiant cum certis modis rationis, ex dirigi non possunt, nisi cognoscantur & explicentur illi modi rationis; & in hoc consistit tota necessitas entium rationis ad dirigendas operationes.

Dico tertio. Entia rationis ad Logicam pertinent, quatenus dirigunt operationes intellectus, ad alias verò

scientias aliis modis; ad metaphysicam quidem, ut sunt quædam entia, est enim metaphysicæ proprium ens ut ens considerare, ac ex consequenti omnia entia sub ratione entis. Ad Physicam autem ut ab intellectu fieri possunt.

Soluntur argumenta 1. sententia. Veteres Philosophi meminerunt entium rationis.

Porro ex his facile est respondere ad argumenta primæ sententiæ. Ad primum. tam Aristotelem, quàm omnes philosophos veteres, cum de rebus Logicis tractarent, meminisse entium rationis: adhibuerunt enim semper terminos significantes entia rationis, ut Genus, Speciem, Definitionem, Diuisionem, figuras syllogisticas, Prædicatum, subiectum, maiorem, minorem, medium terminum, quæ omnia sunt res conceptæ sub modis rationis. Quod verò ad nomen entis rationis attinet, Aristoteles illud vocat ens in anima, quem sequuntur Græci, Arabes autem, ut Auicenna & Auerroës vocant secundas intentiones. Latini communiter vocant entia rationis. Illi verò recentiores qui entia rationis reiecerunt, non accuratè rem considerârunt: negare enim entia rationis, est negare, intellectum cognoscere res sub his modis: qui solum in intellectu existunt, & à parte rei non conueniunt rebus, sed ut conceptæ sunt ab intellectu, quod negare cum absurdum sit, idcirco non nisi absurdissimè entia rationis negari possunt. Deinde negari non potest præcepta Logica esse de modis abstrahendi, & de rerum sic abstractarum diuersis inter se habitudinibus Prædicati, subiecti, antecedentis, consequentis, &c. quæ esse entia rationis, patet, quia tales modi conueniunt rebus non ut in se sunt, sed ut conceptæ sunt, & ex vario modo concipiendi oriuntur.

Denominatio nec ab intellectu rationis duplici

Ad secundum respondeo. Denominationes ab intellectu rationis esse duplices; aliæ sunt, quæ solum fundant,

non

non autem intrinsecè dicunt modos illos rationis, & tales denominationes fieri possunt sine entibus rationis, verbi gratia, esse rem cognitam, volitam, imaginatam, sufficienter intelligimus per denominationem extrinsecam ab actu cognitionis, volitionis, imaginationis, idq; antequam intelligamus relationem cogniti, voliti, imaginati: Licet enim cognitio fundet relationem cogniti, tamen prius est rem cognosci, quàm dicere relationem ad cognoscentem, imò relatio cogniti nisi fuerit apprehensa ab intellectu, non conveniet obiecto cognito formaliter, sed tantùm fundamentaliter. Aliæ verò sunt denominationes, in quibus intrinsecè continentur modi quidam rationis, convenientes rei cognitæ, siue sint negativi, siue relativi, ut cùm dicitur natura abstrahi, prædicari, subiici: tales igitur denominationes non possunt intelligi sine modis rationis, quia cognitiones à quibus fiunt hæ denominationes, includunt intrinsecè istos modos. Sunt enim hi modi obiecta cognitionum illarum, à quibus fiunt denominationes, & pertinent eo modo ad cognitiones illas, quomodo pertinent specificantia ad actum quem specificant, verbi gratia, denominatur natura abstracta à cognitione, quâ cognosco naturam sine singularibus, huius cognitionis obiectum formale est, modus ille obiectivus naturæ existentis in intellectu sine singularibus. Licet enim natura illa sic cognita possit denominari abstracta per denominationem extrinsecam, à cognitione quâ cognoscitur esse abstracta, tamen quia obiectum huius cognitionis est modus obiectivus existēdi in intellectu sine singularibus, idcirco cùm denominatione extrinseca involuitur simul modus ille rationis: & sic non solum entia rationis per tales denominationes non ex-

cluduntur, sed etiam inferuntur & stabiliontur magis. siquidem ex cognitione inferitur necessariò obiectum talis cognitionis: at modi rationis sunt obiecta talium cogitationum denominantium, ergo ex illis inferuntur necessariò tales modi rationis. Idem est dicendum de denominatione vniuersalis, prædicati, subiecti, quia hæ denominationes fiunt à cognitione, cuius obiectum est vniuersalitas, vel habitudo prædicati, aut subiecti, qui sunt modi rationis; similiter de aliis iuxta ea, quæ dicta sunt in disputatione præcedenti.

*Operationes nō
primæ sunt rectæ
quàm recta sint
entia rationis.*

Ad tertium Respondeo. Rectitudinem operationum pendere ex entibus rationis, siquidem operationes nostræ non fiunt à nobis nisi sub certis modis rationis. Cùm autem dicitur prius operationes esse rectas, quàm sint recta entia rationis, negandum id est, quia non datur operatio recta sine entibus rationis; vt enim dictum est, operationes nostræ non efficiuntur à nobis nisi sub certis modis rationis. Vnde falsum etiam est prius nos cognoscere operationem esse rectam, tum deinde entia rationis esse recta; quia operatio illa in se non est recta, nisi cum modis rationis, quare neq; cognoscitur recta nisi cognoscatur recta cum tali modo rationis, sumitur enim cum modo, non sine modo, cùm dicitur recta.

Quod si dicas, rectitudo regularum Logicarum, profecta est ex operationibus rectis; ideo enim statuerunt Logici definitionem constare debere ex genere & differentia, quia ita inuenerunt inductione in definitionibus rectis; ergo prior est rectitudo operationum, quàm entium rationis dirigentium.

Respondeo, verum quidem esse, regulas Logicas, & entia rationis Logica, accepisse suam primam rectitudinem

tu dinem ex aliquibus operationibus rectis, quarum nimirum rectitudo erat clarissima & indubitata, at illæ quoq; operationes rectæ non erant sine modis rationis. imò in illis clarissimè illi modi rationis apparebant, & idcirco fuerunt regulæ & exempla aliorum. Porro dupliciter nos possumus cognoscere aliquam operationem esse rectam, Primò à priori ex natura operationis, qui enim cognosceret naturam operationum, cognosceret etiam eo ipso, qui modi rationis, & quæ rectitudo illis conveniat. Secundò à posteriori per regulam extrinsecam: quia enim natura operationum nostrarum nobis ignota est. idcirco ad earum rectitudinē utimur præceptis & regulis Logicis. Quamvis igitur si rerum naturas perfectè cognosceremus, prius cognosceremus operationes rectas, quàm aliquam regulam extrinsecam operationum rectam, tamè quia tali modo res non cognoscimus. prius debet nobis esse nota regula aliqua extrinseca, & eius rectitudo, quàm rectitudo ipsarum operationum, siquidem ex rectitudine regulæ devenimus ad rectitudinem operationum. Et sic à priori quidem verum est idcirco tale ens rationis convenire operationi, quia ita eius natura postulat, à posteriori tamè, & quoad nos talis operatio fit à nobis recta cum tali modo rationis, quia talibus entibus rationis & regulis conformatur, & licet ut regulæ Logicæ applicantur operationibus, debet saltē in confuso cognosci natura operationum, non enim cuilibet operationi applicari possunt, tamen rectitudo tota operationis non ex illa confusa cognitione operationis, sed ex regula ipsa applicata operationi sumitur: in regula enim continentur expressè illi modi, qui inesse debent operationi.

Rectitudo operationum duobus modis cognosci potest.

Ad

Præcepta logica de operationibus sunt sub modulatione rationis.

Ad quartum respondeo. Præcepta Logica esse de operationib⁹ sub certo modo rationis factis, v. g. præcepta definitionis sunt de operatione intellectus concipientis genus & differentiam rei definitæ. Et quidē conceptio generis, est conceptio naturæ sub modo abstractio, & sub habitudine generica: conceptio itidem differentia est conceptio gradus specifici & abstracti ab aliis gradibus, qui modi conceptionum proculdubio sunt entia rationis, cum conueniant rebus ut sunt obiectivè in intellectu. Idem dicendum est de Syllogismo, quem Logicus considerat, ut continet terminos & propositiones sub certis habitudinibus Prædicati, subiecti, maioris, minoris, medii. Antecedentis, consequentis. Quare cum dicitur enunciationem definiri, in qua vnum de altero enunciatur, ut natura rei postulat, respondendum est, in tali definitione, etsi non in actu signato, tamē in actu exercito poni modos rationis: vnum enim de altero enunciatur, intellectu vnum concipiente cum habitudine ad alterum subiecti aut prædicati. Similiter in definitione Syllogismi, cum dicitur in quo quibusdam positis aliud sequitur, dicimus includi habitudinem antecedentis & consequentis, quæ cum sit habitudo rerum ut conceptarum, non est habitudo realis sed rationis.

Jam verò cum inferunt ex Boëtio præcepta Logica ex obseruatione & experientia esse nata, nos id non negamus, imò libenter admittimus. vno addito, quòd hæc experientia & obseruatio fuerit circa operationes, cum modis rationis factas, verbi gratia, circa operationem definitiuam, aut Syllogisticam, quæ sine dubio cum modis rationis sit ab intellectu, ut dictum est; & licet primi obseruatores fortè non cogitarent explicite de entibus rationis, tamen reuera & in actu exercito cogitarunt de

de illis modis, qui verè sunt modi non reales, sed rationis.

At obijciunt primò, Ad dirigendas operationes æquius est ponere pro exemplo operationem realem, rectam, quæ sit idea quædam & exemplar cæterarum, ideam, verbi gratia, definitionis, Syllogismi, diuisionis, tunc autem quid opus erit entibus rationis? Quasi verò possit operatio recta, vel fieri vel pro exemplari poni sine modis rationis. imò si quæ debet esse idea & exemplar Syllogismi verbi gratia, vel definitionis, ea perfectissimè debet in se complecti omnes modos rationis, quos Syllogismus requirit, & sine quibus non concipitur, vt ad eam similitudinem omnes alii syllogismi instituantur. ex quo patet, quòd siue dicantur operationes dirigi per præcepta, siue per operationem realem perfectissimam instar ideæ, nunquam excluduntur modi rationis, cum tales modi sint obiecta tam operationum, quàm præceptorum, vt dictum est.

Nulla operatio intellectus potest fieri recta sine modis rationis.

Obijciunt secundò. Potest esse syllogismus rectus sine modis rationis; Ergo potest cognosci rectus sine modis rationis. Antecedens probatur, si enim faciam hunc syllogismum, omnis homo est animal, Petrus est homo, Ergo Petrus est animal; in tali syllogismo faciendo nihil cogito de modis rationis, intellectu autem non cogitante non existunt modi rationis, Ergo potest fieri syllogismus rectus sine modis rationis. Nam, verbi gratia, illæ habitudines Prædicati, subiecti, maioris, minoris, medii, antecedentis, & consequentis, non cogitantur cum fit syllogismus.

Respondeo Primò. Habitudines illæ licet explicitè & in actu signato nō concipiantur dum fit syllogismus, concipiuntur tamen implicitè & in actu exercito, quia

Habitudines rationis cognoscuntur dupliciter.

R

verè

verè vnus terminus in ordine ad alium cognoscitur, secundum quēdam habitudinis modum, id verò satis est, vt operationes nostræ dicantur fieri sub modis rationis: nam tunc cognosci eo modo, quo fiunt nō poterūt, nisi cognoscantur hi modi, sub quibus fiunt in actu exercito.

Respondeo secundò. Etiam si hi modi tunc cū sit syllogismus non existerent, nisi fundamentaliter (quod tamen non concedo) tamē cū de iade ab intellectu in Logica cognoscuntur formaliter, tunc actu existunt per modū entium rationis. Porro necesse est ad cognoscendum modū rectæ operationis, cognoscere modos illos etiam fundamētaliter existētes, quia verè sub illis fit operatio, ita vt accedente postea intellectu; necesse sit tales modos in ea concipi actu; tali enim modo operationes nostræ efficiuntur à nobis, vt non possint ab intellectu cognosci, nisi sub modis rationis, inuenit enim intellectus fundamētum talis cognitionis, & secundū fundamētum illud procedit in cognoscendo.

QVÆSTIO III.

*An ens rationis directiuum operationum,
sit obiectum Logica?*

SUnt duæ celebres sententiæ. Vna veterum dicentium operationes intellectus dirigi per entia rationis, & ex consequēti ens rationis quā directiuum est, esse obiectū formale Logicæ. In hac sententia est D. Thomas cum suis, in 4. metaphysicæ, lectione 4. Altera est recentiorum, dicentium operationes intellectus dirigi per veras operationes reales, & per cognitionem proprietatum realium ipsarū, & modorū, non per entia rationis: Si. n. explicentur proprietates reales recti discursus, quis non videt

videt ad eam formam recti discursus, posse accommodari & dirigi alios nostros discursus, sine vilo auxilio entium rationis? plus enim ad hunc finem faciunt modi reales operationum, quàm non reales & ficti.

Nos verò suppositis iis, quæ quæstione præcedenti de entium rationis necessitate docuimus. Dicimus Primò, Logicam dirigere operationes intellectus tradendo formas & normas rectarum operationum sub modis rationis, verbi gratia, formam rectæ definitionis, recti syllogismi, recti conceptus, generis vel speciei, & similitum. Hæc conclusio est certa, nihil enim aliud in Logica traditur, quàm formæ variæ operationū intellectus, definitionis, diuisionis, argumentationis, &c.

Quod si quæras quid sint istæ formæ? Respondeo esse operationes ipsas reales sub certis modis rationis factas, abstrahentes ab omni determinata materia, verbi gratia, forma definitionis est operatio definitiua, constans genere & differentia, nulli materiæ applicata, forma syllogismi, est operatio intellectus constans ex terminis & propositionibus cum talibus proprietatibus & modis, quales requiruntur ad syllogismū secundum præcepta Logica: hæ igitur formæ cum deinde applicantur operationibus in certa materia, verbi gratia, in materia physica, vel metaphysica, dirigunt operationes. Sunt etiam formæ Logicæ præcepta ipsa seu discrimina de modis variis res concipiendi.

Dico secundò. Formæ Logicæ rectarum operationum includunt necessario modos rationis. Ratio est. Quia formæ operationū sunt proportionatæ ipsis operationibus; at ostensum est, omnem fere cognitionem ab intellectu nostro effici sub modis quibusdam rationis, hoc est, sub variis modis abstractionū, & rerū abstractarū

*Formæ logicæ
necessario em-
cludunt modos
rationis.*

habitudinibus, ergo & formæ operationum, seu cognitionum nostrarum includunt eosdem modos rationis, per modum exemplaris vel regulæ.

Dices. Nihil nos cogitare de entibus rationis cum de rebus discurremus. Respondeo modos istos rationis esse duplices. alii sunt negatiui, vt modi abstractionū, & hi conueniunt cognitioni, & eam afficiunt, etiam si non apprehendantur explicitè, cum illorum esse, sit non esse, vt præcedenti disputatione docuimus. Alii sunt positiui, vt sunt habitudines rerum conceptarum. & de his modis non possumus non cogitare, siue cum de rebus discurremus, & res conceptas inter se variè conferimus: tunc enim in actu exercito habitudinem, quam inter se habent cognoscimus, siue cum nos supra cognitionem nostrā reflectimus, & explicitè omnes habitudines terminorū cognoscimus, vti fit in Logica, tunc enim modi & habitudines istæ, sunt obiectum formale talis cognitionis, vt cum concipio naturam sub modo vniuersali, generico, specifico, prædicabili, subiicibili, &c. Quocirca si Logicæ munus est explicare modos & proprietates nostræ cognitionis, necessariò debet in explicatione modorum rationis versari, quia sub his modis efficitur omnis nostra cognitio; nam quòd hi modi aliis yis saluari nō possint, satis ex præcedenti quæstione apparet.

Obiectum Logica secundum D. Th.

Dico terciò. Probabiliter statuitur à D. Thoma ens rationis directiuum operationū intellectus pro obiecto formali Logicæ. Huius conclusionis probabilitas pendet à duobus. Alterum est ens rationis esse directiuum operationum. alterum, supposito quod sic directiuum spectare ad rationem formalem obiecti. Quod igitur ens rationis sic directiuum patet ex ratione allata, quia cognitiones nostræ, cum fiant sub certis modis

modis rationis, non possunt dirigi, nisi explicatis modis rationis, quod etiam inductione patet. Non enim alia ratione Logica dirigit operationes intellectus nostri, nisi explicando modos & proprietates tam terminorum quàm propositionum. verbi gratia, dirigit operationem definitiuam, explicando ex quolibus terminis constare debeat definitio, hoc est, vt alter habeat rationem generis, alter rationem differentiar, modus autem generis & differentiar sunt modi rationis. Similiter dirigit operationem syllogisticam, explicando ex quot & quolibus terminis ac propositionibus constare debeat. modos quidem & proprietates terminorum, docet esse debere tales, vt vnus habeat rationem maioris termini, alter minoris, tertius medij, deinde vt hi termini certo modo disponantur, quoad prædicationem vniuersalem, vel particularem, affirmatiuam, vel negatiuam: denique vt propositiones ita sint dispositæ, vt duæ habeant rationem antecedentis, tertia consequentis; quæ omnes proprietates cum conueniant rebus vt cognitis, sunt proprietates & modi rationis. Ex quo patet nullo modo negari posse, per entia rationis dirigi operationes intellectus, cum operationes nostræ sicut dependent in esse à modis rationis, ita & cognosci non possint nisi per regulam hos modos explicantem. Neque verò accommodatum est exemplum, de sole cum cognoscitur ex vmbra. Nam Sol ab vmbra non dependet in esse & potest esse sine vmbra, ita vt omnino per accidens vmbra accadat Soli, ob corpus aliquod interpositum prohibens lumen Solis. At operationes intellectus nostri dependent à modis rationis, & sub illis efficiuntur, quare non per accidens, sed per se cognoscuntur sub modis rationis, & per

regulam explicantem modos rationis. Et quidem illi qui negant entia omnia rationis, non ita peccant, cum negant directionem fieri per entia rationis; consequenter enim loquuntur, & omnia saluare conantur per denominationes extrinsecas, licet hoc fieri non posse iam ostendimus.

At qui concedunt entia rationis, negare nullo modo possunt, per ea dirigi operationes nostras, nisi quid sint entia rationis, & qui modi nostræ cognitionis non intelligant. Nec nos mouet cuiusdam recentioris viri docti censura, qui ait errorem Dialecticum esse, entium rationis tractationem Logicæ tribuere, quod Logica entia realia consideret. Quæ enim error vocari potest communis in scholis cum D. Thoma opinio? error, potius est communem opinionem vocare errorem. Neque verò Logica ita considerat operationes reales intellectus nostri, vt eas sub certis modis rationis non consideret, quin potius, cum sub talibus modis efficiantur, non possunt rectè cognosci à Logico, nisi sub his modis cognoscantur.

Quod verò supposito, quòd ens rationis sit directiuum, probabiliter à D. Thoma statuitur pro obiecto formali Logicæ, patet: quia Logica tota in directione operationum consistit, quæ directio cum fiat per certos modos & formas operationum, Logica tota versari videtur in conficiendis talibus modis & formis, vnde probabiliter modi dirigendi statui possunt pro obiecto formali Logicæ, sicut ab aliis modus cognoscendi, vel instrumentum sciendi statuitur. Quia verò hi modi formaliter sunt entia rationis, idcirco à D. Thoma Ens rationis directiuum statuitur pro obiecto Logicæ.

Dico

Dico, directivum, neque enim omne ens rationis vul-
sanctus Thomas obiectum esse Logicæ, sed solum di-
rectivum, hoc enim solum ad Logicam spectat.

Dico quarto. Longè probabilius est ens rationis *Ens rationis
non est ob-
iectum Logica.*
directivum non esse obiectum formale Logicæ, sed
operationes ipsas vt dirigibiles. Quia etsi operationes
sint dirigibiles per entia rationis, tamen ens rationis
non est formaliter reductio ipsa operationum dirigi-
bilibum, sed solum causa efficiens, & medium directio-
nis illarum, causa autem efficiens habet se extrinsecè
ad suum effectum, nec intrat rationem formalem sui
effectus.

Quod si dicas in dirigibilitate includi entia rationis
dirigentia. Respondeo, includi vt quid extrinse-
cum, non vt rationem formalem rei dirigibilis,
quia includuntur vt causæ efficientes reducti-
& directionem operationum dirigibilium. Res e-
nim dirigibilis constituitur in esse dirigibilis formali-
ter & intrinsecè per reducti-
tudinem, effectivè verò &
extrinsecè per causam dirigentem. Non nego tamen
reducti-
tudinem operationum, quatenus Logica est
connotare essentialiter respectum conformitatis ad re-
gulam dirigentem, per hoc enim reductio Logica
distinguitur à reducti-
tudine physica, vt dictum est qua-
stione prima. Deinde cum assignatur obiectum
scientiæ dirigentis, non ponitur pro obiecto id quod di-
rectivum est, sed id quod dirigitur, vt tum inductione,
tum ratione probauim⁹ supra questione prima: At Lo-
gica est scientia dirigens. Ergo eius obiectum nō est ens
rationis quod dirigit, sed id quod dirigitur, nempe
opera-

operationes dirigibiles. Quare etsi opinio S. Thomae in re non multum differt à sententia nostra, quod enim S. Thomas dicit actiue, nos passiuè, quod ille dicit ens rationis directiuum, nos dicimus operationes dirigibiles per entia rationis, tamen in modo loquendo nostra sententia præstat. Quia obiectum scientiæ dirigentis statuendum est, id quod dirigitur, non quod directiuum est. Ex quo patet, quòd etsi non negamus ens rationis pertinere ad obiectum Logicæ, negamus tamen pertinere vt partem, vel rationem formalem obiecti, sed per modum causæ efficientis directionem in obiecto, vt dictum est. Ex quibus patet rationem formalem obiecti Logicæ esse rectitudinem illam realem operationum, vt sit conformiter regulis & entibus rationis Logicis.

At obiciet Primò. Sufficiunt præcepta Logicæ ad directionem, sine modis istis rationis. Respondeo, imò præcepta Logicæ sunt de his modis rationis, sunt enim hi modi obiecta quædam præceptorum Logicæ, quid enim aliud sonant præcepta Logicæ, quàm tales debere esse modos definiendi, diuidendi, argumentandi?

Obiiciet secundò. Directio operationum est realis: Ergo non fit per entia & modos rationis. Antecedens probatur: quia directio est effectio rectorum operationum, non est autem dubium operationes realiter effici rectoras. Respondeo, esse actum realem cognitionis, sed sub modis rationis. Porro hi modi rationis sicut cognosci realiter possunt, ita & realiter possunt dirigere per realem sui cognitionem, dirigendi enim vim realem habent ex cognitione reali, qua cognoscuntur.

Obiiciet tertio. Logica nihil aliud considerat nisi modos directionis operationum, Ergo directiuitas po-
tius

*Directio opera-
tionum realis
sub modis ra-
tionis.*

potius modorum dirigentium quàm dirigibilitas operationum directarum est obiectum Logicæ. Antecedens patet, nihil enim est in Logica nisi modi, definiendi, diuidendi, argumendi, & regulæ quæ sunt in Logica sunt de modis directiuis, nulla verò regula est de dirigibilitate. Nā si dicas regulas esse de modis vt per eos diriguntur operationes, pari ratione dici poterit, esse de modis vt dirigentibus. nam licet ista duo se comitentur necessario, dirigere & dirigi, directiuum & dirigibile, tamen prius Logica considerat modos dirigentes, quàm operationes per eos directas, nam & regula prius debet cognosci in se recta, quàm per eam cognoscatur aliquid rectum, & operationes dirigibiles, non nisi à modis directiuis quibus substant denominantur dirigibiles. Ergo consideratio directiuitatis, cum sit & prior & potior in Logica, prius & potius pertinebit ad obiectum formale Logicæ, quàm dirigibilitas, maximè quia directiuitas est causa dirigibilitatis, & dirigibilitas est effectus ipsius vt dictum est. Vnde pertinebit ad obiectum Logicæ, non per modum obiecti, sed per modum effectus ipsum consequentis. Et sanè vt minimùm hoc sequitur, nō minùs bene statui posse pro obiecto directiuitatem actiuam, quàm dirigibilitatem passiuam, seu modos vt sunt dirigentes actiuè, non minùs quàm operationes, vt per modos passiuè diriguntur.

Respondeo, Logicam dum considerat modos directiuos operationum, considerare etiam operationes, vt per illos modos dirigibiles: neque enim ista differunt, nisi vt actiuum & passiuum, sicut eadem est via Thebis Athenas, & Athenis Thebas. obiectum tamen potius passiuè, quàm actiuè debet poni, quia vt sunt modi actiuè dirigentes, ordinantur ad operationes dirigibiles, tanquam medium ad finem, vnde non sunt obie-

Logica considerans modos directiuos operationum considerat etiam operationes.

S

ctum

Quum ultimum & principale. & licet prius & immediatius considerentur, tamen referuntur ad aliud principale, & ultimum obiectum, à quo Logica denominatur simpliciter. Neq; obstat, quòd operationes dirigibiles sint effectus modorum dirigentium. nam & in omnibus practicis cognitionibus obiectum est effectus cognitionis dirigentis, hoc enim spectat quælibet ars, ut efficiat & formet suum obiectum, ut domum, navem, arcam. Ergo & Logica cum sit dirigens, debet habere pro obiecto suum effectum, quem dirigendo efficit, cùm abest, ut id obstat rationi obiecti. Ex quo patet eadem in re scientiam esse de modis dirigendi, & de operationibus dirigibilibus, & consequenter eandem esse scientiam directivitatis & dirigibilitatis, solumque modo activo & passivo differunt, sed quia illa ad hanc refertur, hæc verò non refertur ad illam, idcirco hanc, non illam vocamus absolute Logicæ obiectum.

Obiicies quartò. Omnes artes conficientes aliqua instrumenta, habent pro obiecto instrumentum quod conficiunt, nō rem cui illud instrumentum servit: nam frænifactoria habet pro obiecto frænium, non equum, frænabilem, ars arma conficiendi habet pro obiecto ipsa arma, non militem armabilem, ergo pari ratione Logica cùm tota sit in conficiendis instrumentis sciendi, habebit pro obiecto ipsa instrumenta sciendi non operationes intellectus, quibus talia instrumenta deferuiunt.

Respondeo, illæ artes quæ nullum aliud opus efficiunt præter instrumenta, non habent aliud obiectum præter instrumenta, quia obiectum artis est opus & effectus artis, si igitur præter instrumenta nullum aliud opus efficiunt, nihil aliud habebunt pro obiecto nisi instrumentum. tales sunt artes enumeratæ in obiectione.

Sunt

*Instrumenta
quarum artium
obiecta?*

Sunt verò aliaꝝ artes quæ præter effectiõnem instrumẽtorum habent aliud opus, ad quod instrumenta illa referuntur, & tunc pro obiecto habebunt nõ instrumenta, sed opus aliud vltimatum, quod per illa instrumenta efficiunt, v. g. ars fusoria conficit instrumenta lutea vel terrea, ad fundendum, & illis instrumẽtis vtitur ad fundendas statuas, campanas, & alia opera similia, obiectum illius non est instrumentum illud terreum, sed statua, vel aliud tale opus, quod illo instrumento efficitur. Ex hoc genere etiam est Logica, quæ non solum conficit instrumenta ad dirigendum, sed etiam efficit ipsas operationes rectas per talia instrumenta; ex cognitione enim Logicæ formaliter fiunt rectæ operationes à Physica & aliis scientiis. Quocirca operationes ipsæ vt dirigibiles, debent statui pro obiecto Logicæ, non verò entia rationis vel instrumenta dirigentia.

Ad fundamentum secundæ sententiæ Respondeo, operationes nostras dirigi explicatis modis & proprietatibus illarum, verum hi modi qui ad directionem faciunt, sunt rationis non reales, suntque illi ipsi, qui in Logica traduntur. Quod verò attinet ad primam sententiam, vti vltro illi concedimus operationes intellectus dirigi per entia rationis, ita negamus inde sequi ens rationis directiuum esse obiectum formale Logicæ, est enim solum causa effectiua obiecti formalis,

hoc est rectitudinis operationum, sub qua operationes Logica considerat: nam etiam entia rationis in ordine ad hanc rectitudinem inducendam considerat.



QVÆSTIO IV.

An Logica sit speculativa vel practica?

*Prima senten-
tia affirmans
Logicam esse
speculativam.*

Sunt quatuor sententię. Aliqui censent Logicam esse speculativam, quęcunq; enim speculativa scientia considerat de suo obiecto, nempe eius essentiã, proprietates, causas, eadem omnia Logica quoque de suo obiecto considerat, v. g. syllogismi essentiã considerat cùm illam definit, & species eius assignat, proprietates verò, cùm ostendit demonstrationem generare scientiam, quòd ex primis & necessariis principiis causisque conclusionis procedat, syllogismum verò topicum generare opinionem, quòd procedat ex probabilibus. Si igitur propter modum considerandi scientia speculativa est speculativa, Logica quoq; dici debet pari ratione speculativa. Neque obstat quòd referatur ad dirigendas operationes intellectus: nam illę demonstrationes quę fiunt Logicę, non dirigunt operationes vllas, sed absolute demonstrant proprietates de syllogismo, sine vllò respectu ad directionem, eo planè modo sicut si syllogismus ad dirigendum non spectaret. non enim per demonstrationem ostenditur modus dirigendi, sed proprietates eius instrumenti, quod ad dirigendum est institutum. Deinde in Logica non demonstrationes aliquarum proprietatum, sed regulę seu dictamina Logica de bonitate syllogismorum & definitionum, dirigunt operationes intellectus. non ergo id obstat quòd minùs Logica dici possit in suis demonstrationibus speculativa. Hęc sententia est Scoti 4. prologi. Scoti & Toleri hic, qui addunt directionem secundariò spectare ad Logicam, primariò verò speculationem.

Alij

Alii censent Logicam esse practicam. Ita Gregor. ^{2. Practicam,}
 q. 3. prolog. a. 1. Occam. q. 11. Prolog: Gabriel ibidem.
 Fonseca 2. metaph: c. 3. q. 2. Ratio est. Quia scientia,
 dirigens aliquas operationes, est practica: Atqui Logi-
 ca tota est in hoc posita, ut tradat modos dirigendarum
 operationum intellectus: Ergo est practica. Nam sicut
 scientia moralis est practica, quia dirigit operationes vo-
 luntatis, & artes omnes sunt practicae, quia dirigunt ope-
 rationes externas; ita & Logica quia dirigit operationes
 intellectus, erit practica. Neque obstat quod consideras
 essentiam & proprietates sui obiecti; tum quia hoc idem
 omnes aliae scientiae & artes practicae faciunt, tum quia
 obiectum practicum ad opus dirigitur, quare & omnis
 cognitio, quae de ipso habetur, dirigetur ad opus, & erit
 practica, tunc enim solum cognitio alicuius obiecti est
 speculativa, cum obiectum illud ad opus non refertur,
 neque etiam dici potest operationes intellectus non esse
 veras praxes; quia quaecumque operationes recte & male
 fieri possunt, sunt verè praxes.

Alii verò dicunt, Logicam esse simul speculativam <sup>3. Et speculati-
 vum & pra-</sup>
 & practicam, speculativam quidem, quatenus obiectum
 suum secundum se considerat, practicam quatenus est
 directiva operationum. quae sententia sicut ex duabus
 prioribus sententiis componitur, ita utriusque rationibus
 comprobatur. Ita Ruuius hoc loco.

Denique alii, neque speculativam neque practicam pro- <sup>4. nec specula-
 tivam nec pra-</sup>
 priè esse censent, sed habitum instrumentarium, cuius
 est cognoscere modos, & instrumenta sciendi. Quae sen-
 tentia nobis verisimilior videtur, & magis doctrinae A-
 ristotelis & Peripateticorum conformis. Licet enim
 Logica sit quodam modo practica, quia ad aliud diri-
 gendum refertur; tamen in hoc à ratione practicae de-

ficit, quòd non veras praxes dirigat, sed intellectiones. Nam sicut finitas non est quævis curvitas, sed nasi, ita praxis, non est quævis actio directa ab intellectu, sed solum opus rerum à cognitione distinctum.

Cognitio practica & cognitio speculativa distinguuntur ex fine.

Pro resolutione Notandum est Primò, cognitionem practicam & speculativam ab Aristotele distingui ex fine: finis enim speculativæ est sola veritas, seu cognitio veri, practicæ verò finis est opus aliquod, ad quod dirigendum scientia illa refertur; si enim cognoscam mundum non esse æternum, sed in tempore factum, talis cognitio est speculativa, quia præter veritatem non habet alium finem, ad quem ex natura sua referatur. Dico, ex natura sua, nam ex intentione scientis potest ad aliquem finem referri, nempe ad lucrum, vel ad oblationem, verum talem finem nõ spectat ex natura sua scientia, diciturq; is finis non scientiæ, sed scientis, quia scientia non ex se ad illum refertur, sed ex intentione scientis. Iam verò si cognoscam formam & rationem edificandi, cantandi, saltandi, talis cognitio erit practica, quia ex natura sua refertur ad opus aliquod, quod per illam fieri debet. Vnde patet, omnem cognitionem practicam esse directivam alicuius operis, patet etiã cognitionem practicam esse quidem immediatè cognitivam veri sicut & speculativam (per omnem enim cognitionem verum aliquod cognoscitur) tamen quia illud verum, quod cognoscitur, refertur ad opus, hoc est, ad aliquid per illam cognitionem agendum vel faciendum, idcirco cognitio illa est practica, nam speculativa sola veritate seu cognitione veri est contenta, neq; ex illa cognitione ulterius tendit ad aliquod opus.

Agens duplex.

Notandum est Secundò, quòd sicut agēs est duplex, aliud naturale, aliud ex cognitione, illud agit per naturã, hoc

hoc per cognitionem, illud producit rem simpliciter vt
existat, hoc verò solum dirigit, vt tali vel tali modo per
rationem applicando fiat, ita & praxis seu operatio est
duplex: Altera est naturalis, quæ respondet agenti natu-
rali, & fit ex determinatione naturali, absq; vlla cogni-
tione, quomodo actiones omnium agentium naturalium
dicuntur praxes, similiter & potentiarum naturalium,
tam vegetatiuarum, quàm sensitiuarum. Altera est huma-
na, quæ respondet agenti ex cognitione, vt est illa, quæ
ex cognitione efficitur; vt cùm quis ex prudentia rectè
operatur, nempe iuste, temperatè, fortiter, vel cùm ex
arte opera artis efficit. Cognitio igitur practica est illa,
quæ versatur circa praxes humanas dirigendas, id est,
circa eas actiones, quas ex directione cognitionis exer-
temus. Duplicem verò cognitionem practicam assignat
Aristoteles 6. Ethic. alteram actiuam per quam agimus
benè & malè, & in agendo dirigimur; alteram factiuam,
per quam facimus aliquid rectè vel secus opere aliquo
externo. primam vocat prudentiam, quia dirigit actio-
nes voluntatis nostræ, defiditq; prudentiam esse habitum
cum vera ratione actiuum, secundam vocat artem, quia
dirigit actiones potentiarum externarum: neq; enim
vllam artem agnouit Aristoteles, nisi eam quæ dirigit a-
liquam actionem externam, vt sunt artes mechanicæ.

Notandum Tertiò. Praxim vt hic sumitur, esse pra-
xim respectu cognitionis, quia nimirum ipsius cogni-
tionis est praxis, & executio quædam, quæ enim cogni-
tione concipimus, opere postea implemus, & opus il-
lud, quo cognitionem exequimur & implemus, dici-
tur praxis. Porro opus quo cognitionem implemus,
quoad substantiam efficitur à suis immediatis potentiis,
è cognitione verò solum accipit modum & directio-
nem, vt tali vel tali modo fiat, sic actus saltandi à poten-

*Praxis hoc loco
est respectu co-
gnitionis.*

tia

tia motiua efficitur quoad substantiam, à cognitione verò & arte habet, vt tali vel tali modo fiat. Itaq; id quod opus illud accipit à cognitione, est solum modus ille rectus, & ratione huius rectitudinis formaliter dicitur praxis cognitionis, quia rectitudo illa mente concepta imprimitur operi, & in eo elucet, & sic in praxim reducitur. Praxim autem Aristoteles diuidit in actionem & factionem, ita vt omnis praxis apud Aristotelem sit vel actio vel factio: Tria enim in agente per cognitionem considerari possunt. Primò cognitio ipsa, quæ est principium, & ratio operandi, secundò actio, tertio factio.

Et quidem tunc cum cognoscimus, non dicimur agere aut facere quicquam, sed cognoscere tantum, ita vt quamdiu intra limites cognitionis versamur, nihil propriè dicamur aut agere, aut facere; quamuis si cognitio illa præscribat quid agendum sit, sit actiua, si verò præscribat quid faciendum sit, sit factiua. Ex cognitione verò cum procedimus ad opus aliquod, exequendo illam cognitionem, dicimur vel agere vel facere; agere quidem, cum vel solum secundum internam quandam rectitudinem operamur, quæ in exteriori aliquo opere non appareat, sicut cum iustè, prudenter, temperatè, fortiter agimus, tota illa rectitudo est in voluntate interna, & opera externa solum denominatione extrinseca à voluntate recta dicuntur recta: vel etiam tunc agere dicimur, cum agendo nihil operis externi relinquimus, quod post actionem maneat, quomodo pulsationem cytharæ actionem non factionem vocat Aristoteles. Facere verò tunc dicimur, cum opus aliquod externum facimus, eiq; rectitudinem mente conceptam imprimimus, & illud post actionem relinquimus, v. g. cum

cum mente concipimus domum, concipiēdo nihil cogitamus aut facimus, sed tantum cognoscimus, cum vero volumus edificare, iam ex cognitione agimus, quia terminos cognitionis egredimur, ad volendum id quod cognoscimus: volumus autem bene vel male, cum propter bonum vel malum finem volumus. Deniq; cum actu & opere externo edificamus, dicimur facere, quia quod mente concipimus ad opus externum deducimus.

Requiritur autē ad factionem, ut post se opus relinquat; Aristoteles enim quoties factionem definit, requirit ad illam, ut opus post se relinquat, ita enim 1. magn. moral. c. ultimo ait, cytharisfactionem esse actionem, non factionem, quia non relinquit post se opus, & 6. ethic. c. 5. probat, prudentiam esse actionem non factionem, quia, inquit, effectus actionis finis diversum quid ab ea est, nempe opus quod post se relinquit, actionis vero finis non est ab ipsa actione distinctus. Non vult igitur aliquid dici factium proprie, nisi quod opus post se relinquat. Hoc etiam sensu 6. ethic. c. 4. dixit, artem omnem circa generationem versari, per generationem enim ita fit res, ut aliquid post generationem maneat. Neq; unquam Aristoteles nomen factionis actioni opposuit, nisi accipiendo nomen factionis, pro ea quæ relinquit opus post se. Quod si dicas, artis nomen ad eas artes, quæ non relinquunt opus post se, extendisse Aristotelem. nam & Dialecticam & Rhetoricam vocat artes 1. Rhet. c. 1. eo quod ad persuadendum referantur, Ergo etiam extendit nomen factionis ad eas, quæ non relinquunt opus post se; nam artem definiuit 6. ethic. c. 4. habitum cum vera ratione factium. Respondeo Primò. Aliud est extendere nomen propter similitudinem, aliud vero illo uti in propria & primaria significatione: artis enim

*Factionis ratio
postulat opus
post se relin-
quere.*

T

nomen

nomen in propria & primaria sua significatione de artibus factiuis & relinquentibus opus dicitur, per extensionem verò dicitur de actiuis etiam artibus, nam artes quas extenso nomine vocat artes, nunquam vocauit factiuas, sed semper actiuas, earumq; actus actiones non factiones.

Cognitio dupliciter practica ex effectu & ex obiecto.

Notandum est quartò. Cognitionem dupliciter dici posse practicam. Primò ex effectu; quia aliquid efficitur, per illam, & illa deducitur ad effectum; secundò ex obiecto quia est de effectione ipsa tanquam de obiecto: primò modo cognitio dicitur practica extrinsecè ab effectu, secundo intrinsecè, primo modo cognitio etiam speculatiua dici potest practica, vt si quis ex speculatiua cognitione figurarum, quam habet ex mathematica, illas depingat vel fabricet, secundo vero modo cognitio speculatiua non potest dici practica, quia non potest simul habere obiectum speculatiuum & practicum, simili modo dupliciter cognitio potest dici directiua. Primò quoad effectum, quia effectus ad illius exemplar & similitudinem fit. Secundò ex obiecto, quia est de directione tanquam de obiecto. Primo modo etiam speculatiua cognitio potest dici directiua, secundo sola practica. Hæc distinctio est valde notanda: multa enim explicat ad rationem cognitionis practicæ pertinentia.

Logica non est practica ex sententiâ Arist.

Dico primò. Secundùm doctrinam & principia Aristotelis, Logicam nullo modo dici posse practicam. Dico secundùm doctrinam Aristotelis: nam si quis fingat sibi nouam doctrinam de practico & speculatiuo, is potest quidem defendere Logicam esse practicam, sed secundùm suam, id est, à se conficta principia, non secundùm principia Aristotelis. non enim idem intelliget, nomi-

nomine cognitionis speculatiuæ & practicæ, quod intellexit Aristoteles, & cum eo Peripatetici omnes. Nostra igitur conclusio probatur tribus argumentis.

Primum argumentum est. De ratione scientiæ practicæ est, ut habeat pro obiecto verum opus, seu praxim. Atqui Logica non habet pro obiecto verum opus, seu veram praxim. Non ergo potest dici verè practica. Maior est certa apud Aristotelem, qui semper pro fine & obiecto assignat scientiæ quidem speculatiuæ veritatem, practicæ verò praxim. 2. metaph. t. 3. 6. met. t. 2. Minor probatur, quia Logica habet pro obiecto cognitionem quam dirigit, cognitio autem non est verum opus, nec vera praxis, solumq; actio à cognitione distincta dicitur vera praxis.

Respondet, cognitionē posse sumi dupliciter. Primo respectu obiecti, ut est cognitio obiecti, & sic potest esse *Cognitio etiam
ut sit recte vel
secus non est
praxis.* speculatio, nō praxis. Secundò respectu suæ causæ efficientis, seu ut fit rectè vel secus, & sic est operatio & vera praxis. Sed hæc responsio repugnat tam doctrinæ Aristotelis, quàm rationi. Nam secundum doctrinā Aristotelis veritas & opus sunt duo contra distincta, ita ut vnum nō sit aliud, siquidē ex ipsis sumit distinctio cognitionis speculatiuæ & practicæ. Cū igitur omnis cognitio quæ cognitio sit veritas, sequitur nullam cognitionem posse dici verum opus & praxim. Nam quod dicitur cognitionem ut fit, induere rationem operis, & veræ praxis, id expressè est contra Aristotelem 6. ethic. c. 3. ubi ait, veritatem esse opus speculatiui intellectus, nō practici, quia fit ab intellectu speculatiuo. Ex quo dicto Aristotelis duo sequuntur. alterum est, veritatē etiam ut fit, non esse tale opus, quod sit finis & obiectū intellectus practici, sed esse opus formaliter intellectus speculatiui, diciq; opus latè,

T 2

non

non pressè, nec vt supponit pro vera praxi. Alterum est, praxim esse opus à veritate distinctum. nam si praxis est illud tantum opus, quod est finis & obiectum intellectus practici, veritas autè etiam vt fit est opus intellectus speculatiui, & finis ac obiectum ipsius, consequens est, vt opus verum, & vera praxis, sit opus distinctum à veritate & cognitione. Repugnat etiam rationi, Quia finis cognitionis speculatiuæ nõ est veritas in abstracto, sed veritas, vt fit ab intellectu, seu ipsa effectio veritatis in intellectu. hoc enim intendit speculatiuus, vt veritatè consequatur, & in se ipso producat, si ergo veritas vt facta, est finis cognitionis speculatiuæ, nullo modo dici potest praxis vera, nisi dicamus finem scientiæ speculatiuæ esse praxim, vt praxis est. Confirmatur. Conclusio demonstratiua vt inferitur ex præmissis, est obiectum scientiæ speculatiuæ, hæc. n. non aliam scientiã intendit, nisi illatã ex præmissis, imò in hoc præcipuè incumbit, vt conclusio inferatur ex præmissis. At inferre est facere, inferri est fieri, ergo conclusio etiam vt fit, non potest dici vera praxis. Vera enim praxis est illa, quæ est finis, & obiectum cognitionis practici non speculatiuæ, at conclusio vt est opus intellectus est finis cognitionis speculatiuæ non practici, ergo non est vera praxis, ita vt ad rationem veræ praxis requiratur, vt sit opus potentie ab intellectu distincte, vti praxim rectè definiuit Scotus. nam si sit opus intellectus, non erit tale opus, quod sit finis & obiectum cognitionis practici. Adhæc cum in cognitione speculatiua alicuius gemmæ efficitur in intellectu cognitio similium gemmarum, nemo negauerit vtramq; cognitionem esse speculatiuam, & non esse veram praxim etiam si fiat, quia fit speculatiuè & eo modo, quo speculatione, vt speculatio est, necesse est fieri.

Dices,

Dices. non omnem cognitionem esse praxim, sed
 eam solum, quæ sit ab aliâ cognitione dictante sic vel sic
 esse operandum. Sed contra, licet de ratione praxis, de
 qua hic loquimur, sit fieri ab aliâ cognitione, & secun-
 dum præscriptum cognitionis, ut patet ex definitione
 praxis; tamen non est necesse, ut fiat à cognitione di-
 ctante sic vel sic operandum, quia sine tali dictamine
 praxis est verè praxis, ut cum quis pingit imaginem ex
 intuitu alterius imaginis, sine alio dictamine intelle-
 ctus, facit veram praxim, vel si quis ex speculatiua con-
 sideratione bonitatis diuinæ, excitetur ad amorem di-
 uinum, vel ex speculatiua cognitione figurarum ma-
 thematicarum fabricet machinas mathematicas, aut ex
 inspectione modelli ædificet domum. hæc enim om-
 nia nemo dubitabit esse vera opera, & veras praxes, et-
 iam si non procedant ab illo dictamine & iudicio practi-
 co. nam etsi aliquando tale dictamen interueniat, ta-
 men neque semper est necessarium, & cum adhibetur,
 non solum respectu illius, sed etiam absolutè respectu
 cognitionis speculatiuæ, quatenus ab ea fit, habet illa
 operatio rationem veræ praxis. Deinde praxis non di-
 citur praxis ab illo dictamine, sed potius illud dictamen
 dicitur practicum à praxi, eò quod circa eam versetur,
 unde supponit praxim ut ab ea denominetur, non verò
 facit illam esse praxim. Sed esto, requiratur tale dicta-
 men ad praxim, tamen si illud dictamen sit de cogni-
 tione seu speculatione, non erit dictamen practicum:
 iudicium enim dictans de inferenda tali vel tali cogni-
 tione ex præmissis, est iudicium speculatiuum, & de es-
 sentia scientiæ demonstratiuæ, eius enim proximus ac-
 tus est inferre tali vel tali modo conclusionem ex præ-
 missis. Si verò sic de alia aliqua operatione à cognitio-

*Cognitio qua
 fit ab aliâ co-
 gnitione nō est
 praxis.*

ne distincta, erit tale dictamen verè practicum, quia erit de vera praxi. ex quo patet secundum doctrinam Aristotelis, cognitionem nullo modo esse praxim, neque ut cognitio est, neque ut sit ab intellectu, neque ut sit ex alia cognitione dirigente.

*Cognitio practica
non habet
finem veritatis.*

Secundum argumentum est. Nulla cognitio practica habet pro fine veritatem, At Logica pro fine ultimo habet veritatem. Ergo non est practica. Minor probatur. Quia idem est finis instrumenti & principalis causæ. Atqui Logica est instrumentum scientiarum, ergo pro fine suo habet finem scientiarum, qui cum sit veritas non opus, Logicæ quoque finis erit veritas non opus. Et quidem eundem esse finem Instrumenti & causæ principalis patet, tum inductione in omnibus instrumentis, idem enim est finis calami & scribentis, securis & secantis. Tum ratione, quia instrumentum concurret cum causa principali ad eandem operationem & effectum, & sub eadem ratione operationis & effectus, Ergo eundem finem habent. Illa enim operatio & effectus, cum fiat ab utroque, est finis utriusque, semperque instrumentum assumitur ad finem principalis agentis consequendum. Esse verò Logicam instrumentum scientiarum, ad finem scientiarum consequendum, qui est veritas rerum scibilium, patet. quia præcepta Logica ad hunc finem iuvant, & assumuntur à scientiis, fitque ut scientia actualis rerum efficiatur & ab habitu scientiarum principaliter, & quoad substantiam, & ab habitu Logicæ instrumentaliter, ac secundum quid.

Dices, Logicam dirigere scientias, non per modum instrumenti, sed per modum causæ principalis, ad eum modum, quo auriga dirigit equos in curru, qui enim non sunt instrumenta aurigæ, etiam si ab eo dirigantur, nec auri-

auriga est instrumentum equorum, etsi equi utantur directione aurigæ, sed utraq; est causa principalis, equi quidem cursus, auriga verò directionis. Respondeo, si directio fiat agendo in causam principalem, & mouendo illam, non fiet per modum instrumenti, sed potius per modum causæ principalis, ut patet in equis ab auriga directis. ac si fiat per aliquid subordinatum causæ principali, & quod applicatur & mouetur à causa principali ad ipsius effectum, illud tale concurret ad directionem per modum instrumenti. Duo enim sunt de ratione veri instrumenti, alterum est, ut adhibeatur ad actionem propriam causæ principalis, alterum ut sit subordinatum causæ principali, & ab ea moueatur & determinetur ad agendum. Ratione primi ignis applicatus ad comburendam domum, non est instrumentum propriè, quia adhibetur ad sibi proprium & connaturalem effectum, non ad effectum causæ principalis, excedentem virtutem propriam instrumenti. Similiter equi non sunt instrumentum aurigæ, quia applicantur non ad actionem aurigæ, sed ad cursum proprium, qui fit ab equis tanquam à causa principali, non instrumentali. calamus verò ex hoc capite est instrumentum scribentis, quia applicatur ad actionem scribentis, quæ principaliter fit à scribente, & à virtute motiua scribentis, ad quam actionem calamus ex se non est sufficiens. Ratione secundæ auriga non est instrumentum equorum in directione, quia non est causa directionis subordinata equis, nec ab illis applicatur ad opus, sed per seipsam concurret, quod est concurrere per modum causæ, vel concausæ principalis. Logica igitur quia concurret ad scientiam rerum, tanquam quoddam subordinatum habitui scientiæ, & ab ea applicatur ad finem, & effectum scientiæ consequendum; idcirco est verum instrumentum habitus scientifici.

Sed

De ratione instrumenti est adhiberi ad actionem propriam causæ principalis & subordinari illi.

*Logica Veritatem
verum sci-
bilium non at-
tingit principa-
liter.*

Sed obijcies. Si Logica pro fine habet veritatem, erit speculativa, illa enim dicitur cognitio speculativa, cuius finis est veritas. Respondeo primò. Si loquamur de veritate rerum scibilium, quam Logica attingit solum instrumentaliter, habitus verò scientiarum principaliter, talis veritas pertinebit ad scientias principaliter, ad Logicam verò tantum secundum quid, tanquam ad instrumentum veritatis, quod non sufficit ad cognitionem speculativam simpliciter, unde ex hoc sequitur solum, Logicam esse secundum quid speculativam, tanquam instrumentum speculationis, non verò tanquam causam principalem. Si verò loquamur de veritate modi sciendi, eam veritatem attingit quidem Logica principaliter, non instrumentaliter, verum quia hæc veritas non est ultimus finis Logicæ, sed relatus ad ultimum, idcirco Logica ipsius respectu non dicitur simpliciter speculativa. quia scientia dicitur simpliciter speculativa ex eo, quod pro fine ultimo habet veritatem, & intendit veritatem, non referendo illam ad aliud. Quod ita verum est, ut ne cognitio quidem practica, & si pro fine immediato habet veritatem, & cognitionem rei factibilis, dicatur speculativa à tali veritate, quia nimirum istam veritatem dirigit ad effectum & opus. An verò Logica dicenda sit magis speculativa, vel practica, dicetur infra.

*Cognitio nec
actio est nec
factio.*

Tertium argumentum. Secundum doctrinam Aristotelis praxis vel est actio, vel factio. At cognitio in qua dirigenda Logica versatur, neque est actio, neque factio, Ergo nullo modo est praxis, & ex consequenti Logica ipsius respectu, non erit verè practica. Maior est certa ex sexto Ethicorum, & sexto metaph. textu 1. & aliis locis, in quibus practica in activam & factivam divi-

diuiditur. Minor probatur: quia cognitionem semper opponit Aristoteles actioni & factioni, veritatem operi, cum illam pro fine speculatiuæ assignat, hanc verò pro fine practicæ.

Respondent Primò. Cognitionem vt sit esse veram actionem, neque enim solas actiones voluntatis Aristoteles vocat actiones, sed omnes eas, quæ non relinquunt post se opus. Nam 1. magn. moral. cap. vltimo, cytharizationem vocat actionem non factionem, ex eo quòd non relinquat post se opus. In 6. verò ethic. cap. 5. prudentiam ait versari non circa omnes actiones, sed tantum in certa materia, hoc est, circa ea quæ humana bona sunt, indicans esse alias actiones, quæ non versantur circa humana bona, hoc est, ea quæ hominem bonum efficiunt. Cum igitur cognitio non relinquat post se opus, erit secundum Aristotelem vera actio.

Sed contra. Inauditum est apud Aristotelem cognitionem dici actionem aut factionem, neque vllum huius rei exemplum apud Aristotelem inuenitur. neque solum cognitionem non vocat actionem Aristoteles, sed eam semper opponit actioni, dum cognitionem seu veritatem pro fine speculatiuæ assignat, actionem autem & factionem ad practicam refert. Quod si cognitio esset actio, confunderentur fines scientiæ speculatiuæ & practicæ, verumq; esset actionem esse quoque finem speculatiuæ, & cognitionem ac veritatem esse finem practicæ.

Arist. cognitionem nūquā vocat actionē aut factionem,

Nam quod dici solet, cognitionem vt sit esse finem practicæ, absolute verò vt cognitio est esse finem speculatiuæ, eam distinctionem esse falsam ex eo apparet, quod etiam speculatiua habet pro fine cognitionem.

V

VS

ut sit, hoc enim est, quod intendit, ut faciat & producat in se cognitionem, & sic idem esset finis speculativæ & practicæ. Denique semper apud Aristotelem ista tria distinguuntur, cognoscere, agere, facere, ita ut cognitio ad intellectum spectet, actio ad omnem potentiam extra intellectum, quæ non relinquit opus post se, factio verò ad omnem potentiam, quæ opus post se relinquit. Quare Aristoteles, etsi præter voluntatis actiones, agnoscat etiam alias, nunquam tamen ullam pro vera actione agnovit, quæ non esset actio potentiae distinctæ ab intellectu, nec actionem intellectus unquam vocavit verè & propriè actionem.

*Cognitio ut sit
non est factio.*

Respondent secundò. Cognitionem ut sit esse verè & propriè factionem. Sed contra Primò, Aristoteles cognitionem nunquam vocavit factionem, sed eam semper factioni opposuit, aliudque est apud Aristotelem facere, aliud cognoscere. Secundò, de ratione factionis secundum Aristotelem est, ut relinquat opus post se, in hoc enim distinguit factionem ab actione 1. magn. moral. ubi de distinctione actionis & factionis ex professo tractat, neque aliud quid potest assignari, quo factio ab actione distinguatur. Nam si dicas factionem esse actionem externam, id etiam in quibusdam actionibus invenitur, ut in cytharisatione, virtutum etiam actiones, non solum internæ, sed & externæ sunt, veræ actiones. Cum igitur cognitio non relinquat post se opus, sequitur non posse dici propriè factionem. Tertiò, idem patet ex communi modo loquendi, cuius in hac re magna est habenda ratio, id. n. voces significant, quod & is qui loquitur, & is qui audit, intelligit, seu ut ait Arist. 1. peri herm. c. 2. quod constituit intellectum dicentis & audientis. Atqui communiter omnes dicunt,

cunt, eum qui solum mentis actionibus occupatur, & nihil sensibile, & quod permaneat molitur, nihil facere & ociosum esse. Ergo nomen actionis non est impositum mentis actionibus, sed externis duntaxat, & iis quæ relinquunt post se opus.

Hinc verò solui possunt argumenta opposita; non enim omnis cognitio dirigens est practica, sed ea solum quæ dirigit opus à cognitione distinctum; solum enim tale opus est vera praxis. At inquires, etiam cognitionem imperatam à voluntate ad aliquem finem honestum esse praxim, quia est actio virtutis, Ergo cognitioni non repugnat esse praxim, ut cum volo speculari ad Dei gloriam. Respondeo, cognitioni ut cognitio est, & intra terminos cognitionis, repugnat esse praxim; ut verò coniungitur actui voluntatis, seu ut est volita, sic conuenit illi esse praxim, sed ex accidenti & extrinsecè, non quatenus est actus cognitionis, sed quatenus est actus voluntatis imperatus. Similiter non omnis cognitio efficiens aliquam actionem, est verè practica, sed solum ea, quæ efficit verum opus & praxim, seu opus à cognitione distinctum. nam efficere cognitionem est cognoscere, non facere, & est opus speculatiui intellectus non practici.

Dico secundò. Logicam secundum doctrinam Aristotelis non esse speculatiuam. Est sententia Aristotelis 1. Topic. cap. 9. ubi problemata Logica, quæ sunt aliorum sciendorum gratia, secerant à speculatiuis & practicis. Sunt autem problemata Logica cognitiones Logicae. Vbi etiam rationem eius indicat, quia de ratione scientiæ speculatiuæ est

Logica non est speculatiua secundum Arist.

non referri aliò, sed sistere in ipsa cognitione, Ergo cum Logica non sistat in cognitione, sed referatur ad dirigendum aliud, non potest dici speculatiua, nos enim regulis Logicis utimur ad rectè discurrendum, definiendum, diuidendum.

Responderi potest, in Logica esse duplicem cognitionem, aliam practicam, quæ refertur ad alias cognitiones dirigendas, quales sunt regulæ Logicæ, & præcepta de modis syllogismorum; aliam speculatiuam, quæ non refertur ad aliquid dirigendum, talis est cognitio essentia & proprietatum rerum Logicarum, per hanc enim cognitionem nulla operatio dirigitur, ac ex consequenti talis cognitio aliò non refertur.

Ethica essentias & proprietates rerum moralium considerat.

Sed contra. Primò hac ratione scientia moralis non esset practica sed speculatiua, contra communem Aristotelis & omnium sententiam: quia scientia moralis essentiam & proprietates rerum moralium inuestigat, & demonstrat per causas; quod etiam expressè docet Aristoteles 2. metaphys. c. 3. cum ait, practicam considerare etiam causas non perse, sed ad aliquid, hoc est, non causas rei conuenientes secundum naturam suam, sed ut est ad aliquid ordinata, & idè non esse propriè scientiam.

Aut igitur resolutio conclusionis in sua principia & causas non arguit scientiam speculatiuam, aut omnis scientia practica erit speculatiua. Deinde 1. metaphys. c. 1. expressè ait Aristoteles artem in hoc distinguì ab experientia. Primò, quod experientia sit singulare, ars vniuersalium: secundò, quod sciù solum quod sit, non propter quid sit, ars verò sciù & causam reddere: Ergo secundum Aristotelem proprium est artis, & scientiæ practicæ, cognoscere operis

operis causam, nec in hac cognitione causæ ars est speculatiua sed practica, si quidem versatur circa factiōē, vt infra mox magis declarabitur. Et 1. Rhet. c. 1. ait, omnes in hoc cōuenire, esse proprium artis causam reddere, & in eo positam esse rationē artis, quod sciat faciēdorum causam reddere, quod non facit experientia. Secundo, cognitio practica est non solum illa, quæ dicitur aliquid faciendum vel non faciendum, sed etiam omnis cognitio rei factibilis, quatenus factibilis est, quare & cognitio essentia rei factibilis, & proprietatū eius secundum Aristotelem est practica: quia cognitio sequitur suum obiectum; si ergo obiectum sit alterius gratia, & ad aliud relatum, etiam essentia & proprietates eius, erit alterius gratia, & ad aliud relata; quare cognoscere tales proprietates, est cognoscere alterius gratia. Quod intelligo de iis proprietatibus, quæ conueniunt rei factibili, vt factibilis est, seu vt substat nostræ operationi: quia quædam proprietates competunt rei secundum suam essentiam absolute, quædam vt factibilis est à nobis: illæ sunt proprietates naturales, & obiectum speculatiuæ cognitionis, hæ sunt proprietates practicae conuenientes rei, vt fit à nobis, & has dico esse obiectum cognitionis practicae. Nam sicut scientiæ speculatiuæ est sui obiecti essentiam, causas, & proprietates speculari, ita & scientiæ practicae est sui obiecti practici essentiam, causas, & proprietates considerare: eo ipso enim quod obiecto practico conueniunt aliquæ proprietates, ad aliud reuertitur vnā cum obiecto, sunt enim proprietates obiecti vt refertur ad aliud. Neq; verò facio differentiam, quam nonnulli faciunt inter obiectū factibile & factum, vtrumq; enim est obiectum practicum, illud vt per nostram operationem fieri potest, hoc vt per nostram opinionem factum est.

*Omni cognitio
rei factibilis est
practica,*

Quod si obiicias posse considerari actum virtutis, ut accidens & qualitas est, quæ consideratio est speculatiua. Ergo res factibilis potest considerari speculatiue. Respondeo, rei factibili quædam conueniunt ex natura rei, ut virtuti esse accidens, & esse qualitatem; hæc enim conueniunt virtuti antequam consideretur factibilis, aut saltem non propterea quod factibilis, quædam verò conueniunt illi ut factibilis est, ut esse conformem vel difformem rationi, esse ad bonum vel malum finem, esse cum talibus circumstantiis, & hæc spectant ad cognitionem practicam, quia res factibilis cum suis omnibus proprietatibus, quæ illi ut talis est competunt, est factibilis, hoc est, subiaccens factioni, & ratione factionis habet illas proprietates.

Responderi potest secundò. Cognitionem Logicam non referri ad aliam cognitionem, nisi per accidens, eo modo, quo & cognitio speculatiua referri potest ad aliud, ut in præcedenti conclusione docuimus. nam cognitio mathematica speculatiua, quæ est de figuris vel de proportionibus quantitarum, vel de numeris, dirigere potest veram praxim mechanicam, & plurimum eam adiuuare: simili ergo ratione Logica cognitio est merè speculatiua de bonitate consequentiæ & syllogismorum, quia secundum se consideratur, non in ordine ad aliquam aliam cognitionem dirigendam: prius enim syllogismus & consequentia est in se bona, tum assumitur ad dirigendos, & regulandos alios discursus, sed per hoc non cessat esse speculatiua, quia accidit illi referri ad aliud, sicut nec vlla scientia speculatiua cum assumitur ad dirigendam aliam actionem, desinit esse speculatiua. & ita sentit Gregorius 4. & 5. prolog. artic. 1. cum ait, Logicam non esse directiuam

non alio modo per.

per modum iudicii practici, dictando, quid & quali modo sit operandum, sed solum cognoscendo bonas consequentias & syllogismos ad quorum similitudinē diriguntur alii discursus, quod est dirigere per modum similitudinis, aut per modum exemplaris.

Sed contra. Logica utroq; modo dirigit, primò per modum iudicii practici dictando hoc & illo modo esse definiendum, argumentandū, quæ iudicia continentur in præceptis, & regulis Logicis, quæ sunt veluti dictamina quædam, & propositiones per se notæ in Logica. Secundò per modum exemplaris proponendo, formam & exemplar bonæ consequentiæ, & boni syllogismi: verum hæc bonitas consequentiæ, si sit naturalis, & ex naturâ discursus proveniēs, cognoscetur speculativè, sicut & quævis alia proprietas naturalis actus intellectus, pertinebitq; ad scientiam physicam, cuius est omnes proprietates rerum physicarum speculari; si verò sit bonitas artificiosa & Logica secundum Logicas regulas, ex terminis habentibus Logicas proprietates, sic erit bonitas rei practicæ, seu rei ut factibilis (est enim syllogismus opus quoddam Logicum arte factum, ex terminis certo modo effectum) cognoscetur cognitione practica, vel certè non speculativa: quare neutro modo cognitio Logica quatenus Logica erit speculativa. Ex quo patet, dari quidem in Logica cognitiones quasdam speculativas operationū intellectus, sed eæ sunt à physica vel metaphysica mutuata, ad explicandas melius operationes, ut principia illa. Quæ sunt eadem vni tertio, sunt eadem inter se; Genus & differentia sunt de essentia rei. Posita causa, ponitur effectus.

*Logica duobus
modis dirigit
operationes.*

Notandum etiam est ad illud testimonium Aristotelis ex 1. Topic. c. 9. & 12. responderi posse, Aristotelem

lem distinguere quidem ibi triplicia problemata, alia ad eligendum, alia ad sciendum tantum, alia ad aliud quid cognoscendum, verum non determinare, quæ sint practica, quæ speculativa. Nam c. 12. priora vocat moralia, secundi generis vocat naturalia, tertii generis rationalia & Logica, quocirca ex hoc testimonio Aristotelis non habetur, problemata tertii generis, nec esse speculativa, nec practica, sed solum nec ad eligendum nec ad purè sciendum spectare. Et sanè hæc esset inter cæteras commodior responsio, nam alia, quæ solent afferri, vix quicquam probabilitatis habent. Verum hæc etiam responsio refellitur. Nam secundum communē expositionem Peripateticorum, problemata speculativa & practica, & neutra, intellexit eo loco Aristoteles. nam sub electione comprehendit omnia, tam agibilia, quàm factibilia (ex parte totum intelligendo) ac ex consequenti omnia practica quæ actione & factione comprehenduntur, alioqui non omnia practica problemata assignasset Aristoteles. Nam præter illa quæ ad eligendum conducunt, darentur alia quæ ad faciendum pertinent. Ne ergo id admittamus, dicendum est, omnia tam agibilia, quàm factibilia sub electione complexum esse, ex parte totum intelligendo, omnia verò speculativa sub secundo genere comprehendit ut patet: restat ergo ut in tertio nec practica nec speculativa comprehenderit. Quod si cognitionem ad actionem aut factionem pertinere putasset, procul dubio eam sub electione comprehendisset. Est & alterum eius rei signum, quia cap. 12. problemata ad sciendum vocat naturalia, & tamen nemo dubitavit etiam mathematica & metaphysica problemata ad idem genus pertinere. Et ita explicat Alexander ibi, & Albertus, Nyphus, Academia Veneta, & alii expositores.

Ex

Ex dictis etiam patet responsio ad fundamentum primæ sententiæ, non enim ratio speculatiuæ cognitionis consistit in resolutione rei in suas proprietates & causas (idem enim commune est utriq; cognitioni, tam speculatiuæ, quàm practicæ) sed in eo, quòd cognitio illa sistat in obiecto, nec ad aliud referatur, siue cognoscat causas obiecti, siue non, ut patet in cognitione primorum principiorum, quæ cognoscuntur speculatiuè, etiam si non resoluantur in causas, & immediatè cognoscuntur, in Logica verò hæc conditio deest; nam Logica versatur circa id, quod ad aliud refertur: modus enim sciendi refertur tum ad id cuius est modus dirigens, tum ad actionem nostram, siquidem est opus artificiosum ab intellectu effectum.

Dico tertio. Logica non est simul speculatiua & practica. Patet ex duabus prioribus conclusionibus, non enim est speculatiua, quia est gratia alterius, refertur enim tum ad effectum artificialem instrumentorum sciendi, tum ad directionem operationum per illa instrumenta: sicut enim vltra prius efficitur instrumentum in se rectum & mensuratum, per illam artificiosam dimensionem & distinctionem partium vltra, tum adhibetur ad alia mensuranda; ita Logica prius conficit instrumenta sciendi, seu exemplaria quædam operationum, artificio Logicæ instructa, tum ea adhibet ad operationes dirigendas. & sicut instrumentum factum ad aliquod opus efficiendum, per se refertur ad illud opus, ut culter ad sciendum, malleus ad tundendum, ita & instrumenta Logica per se, non per accidens referuntur ad dirigendas operationes. Non est etiam Logica practica, quia refertur ad cognitionem non ad opus, & licet conueniat cum practica in modo procedendi, differt ta-

X

men

men in materia, quia non est circa verum opus & praxim.

Deinde dupliciter potest dici Logica simul esse speculatiua & practica: Primò quod sit conflata ex variis habitibus, quorum alii sunt speculatiui, & alii practici, & hoc iam ex dictis refutatum est. Secundò, quòd sit vnus specie habitus virtute continens speculatiuum & practicum, sicut enim lumen solis virtute continet calorem, quia potest illum producere, etsi ipsum non sit actu calidum, ita & Logicæ vnus & idem habitus potest producere aliquos actus speculatiuos, aliquos practicos. Et hoc modo quidam recentiores defendunt Logicam esse simul speculatiuam & practicam, sed non bene, quia licet id possit concedi in habitibus infusis, qui non generantur ex actibus, sed sunt vniuersales ad multos actus per modum potentiarum, tamen in habitibus acquisitis id concedi non debet: hi enim sequuntur naturam, & limitationem actuum ex quibus generantur, neq; actus potest conferre maiorem inclinationem, aut ad alia plura obiecta, quàm ipse habeat, vt infra in disputatione de scientia ostendemus.

Dico quartò. Si alterutrum de Logica affirmandum esset, dicendum potius esset Logicam esse practicam, quàm speculatiuam, quia à practica solùm in ratione quasi materiali differt, in formali autem conuenit vt dictum est, à speculatiuâ verò in formali differt, cum ratio formalis cognitionis speculatiuæ in eo sita est, quòd non referatur ad aliud, sed in ipsâ obiecti veritate sistat. Quod si practica statuenda sit, inter actiuas potius, quàm inter factiuas referenda est, quia circa actiones, non circa factiones versatur, actio enim secundùm Aristotelem est non relinquens opus, factio verò opus post se relinquit.

Dic

*Logica qualis
habitus?*

Dico quintò. Logica propriè est habitus organicus seu instrumentarius, quia instrumenta & modos sciendi omnibus suppeditat, hocq; ipsius est proprium obiectum. Estq; hæc sententia Aristotelis 1. top. cap. 9. vbi Logicam neq; practicam, neq; speculatiuam, sed adminiculantem, & aliarum scientiarum consequendarum gratiâ institutam esse docet; quia enim est gratiâ alterius, non est speculatiua; quia verò illud cuius gratiâ est Logica, non est verè & propriè praxis, idcirco non est propriè practica; quia verò modos & instrumenta sciendi omnibus scientiis suppeditat, est propriè instrumentaria. Est etiam hæc sententia omnium ferè antiquorum Peripateticorum, qui Logicam partim organum & instrumentum philosophiæ ac scientiarum, partim artem artium, & scientiam scientiarum, appellabant, eamq; multi recentiores sequuntur. De quo in sequenti quæstione plura.

QVÆSTIO V.

*An Logica, sit propriè scientia, vel ars,
vel facultas?*

PRIMA sententia affirmat Logicam esse propriè scientiam propter duas rationes. Primò, quia habet veras & proprias demonstrationes, vbi autem sunt demonstrationes, ibi est & scientia, cum scientia sit effectus demonstrationis: multa verò sunt quæ demonstrantur in Logica, vt quòd topicus syllogismus generet opinionem, quia procedit ex probabilib; quòd demonstratio generet scientiam, quia procedit ex veris & primis principiis causisq; conclusionis. Secundo,

X 2

quia

quia nisi Logica sit scientia, nullæ aliæ scientiæ erunt scientiæ, quia omnes aliæ scientiæ pendent à Logica quoad rationem concludendi. duo enim requiruntur ad scientiam, certitudo principiorum, ex quibus inferenda est conclusio, & certitudo consequentiæ: illam habent scientiæ ex natura suorum principiorum, hanc verò habent à Logica: Logica enim tradit modos bonæ consequentiæ. si igitur Logica non sit scientia, sed opinio de bonitate consequentiæ, non habebitur de bonitate consequentiæ certitudo scientiæ, sed probabilitas opinionis, & sic ruerent omnes demonstrationes scientiarum, quia in opinione probabili, tanquam in debili fundamento, non potest fundari demonstratio. Hanc sententiam defendunt Scotus, Toletus, & alii recentiores.

Secunda sententiæ est. Logicam esse artem. Quia omnis doctrina conficiendorum instrumentorum est ars, ut patet inductione in omnibus artibus conficientibus instrumenta. Logica verò docet conficere instrumenta sciendi. Ergo est ars. Neq; potest reddi ratio, cur aliæ artes conficientes instrumenta sint propriæ artes. Logica verò non sit ars. Nam si negatur esse ars, eò quòd nullum opus post se relinquat, hac ratione neque ars cytharam pulsandi, vel canendi esset ars, quia nullum opus post se relinquit. Si verò ars dicatur solum respicere actiones externas, id etiam sustineri non potest, nam etiam in actionibus internis, quemadmodum & in externis, artificium habet locum. Deniq; sicut Grammatica est ars congruè loquendi, Rhetorica est ars ornatè loquendi, ita Dialectica est ars differendi, quam ob causam inter septem artes liberales numeratur.

Tertia

Tertia sententia est, quorundam recentiorum, Logicam simul esse scientiam & artem, nam quatenus demonstrat proprietates de rebus Logicis est scientia, quatenus efficit syllogismos est ars: artis. n. est facere opera. Ita Ruuius hic q. 3. secutus Suarium. vult autem eandem Logicam, vt in vniuersali docet modum, & præcepta faciendi syllogismos, esse scientiam; quia suam conclusionem deducit ex veris principiis & causis: vt verò hac eadem doctrina efficit particulares syllogismos conformiter illi doctrinæ, esse artem.

Quarta sententia est. Logicam esse facultatem. Est autem facultas apud Aristotelem, habit⁹ quo possumus vti in vtramque partem. quam ob causam 1. Rhet. c. 2. Rhetoricam & Dialecticam facultates vocat, quia vtriusque præceptis in vtramque partem vti possumus. Neque verò solum id verum est de Topica, in qua ex locis communibus possumus in vtramque partem disputare, sed etiam de alia Logicæ parte, quæ de formis syllogismorum tractat. talibus enim formis vti possumus in vtramque partem.

Quinta sententia est, nec esse scientiam propriè, nec artem, nec facultatem, sed habitum instrumentariū ab his omnibus distinctum. Ita Themistius, & Græci, & Zabarella lib. 1. de natura Logicæ.

Dico igitur Primò. Logicam non esse propriè scientiam. Ita communiter Peripatetici veteres, vt te. *Logica non est scientia.* statur Zimara in Tabula, verbo, Absurdum est simul, vbi ait secundum Alexandrum, & antiquos Peripateticos Logicam non esse scientiam, sed modum sciendi, quod idem docet D. Thomas opusc. 70. q. de diuisione scientiæ speculatiuæ, art. 1. ad 2. vbi idem confirmat auctoritate Boëtij in Porphyrium dicentis, Logicam non.

tam esse scientiam, quàm instrumentum scientiæ. Quare cùm alibi S. Thomas Logicam vocat scientiam, latè accipit nomen scientiæ, quia scilicet habet modum quandam scientiæ, non verò quòd sit essentialiter scientia.

Probatur primò, autoritate & ratione Aristotelis in 2. metaph. t. 3. vbi ex eo probat metaphysicam esse scientiam veritatis contemplatricem, quia practici, inquit, non considerant causam per se, sed ad aliquid, & pro nunc, seu pro hoc tempore. Cùm igitur de ratione scientiæ sit considerare causam per se passionis, necesse est metaphysicam esse speculatiuam non practicam, alioquin non esset vera scientia. Quo argumento expressè Aristoteles excludit practicas à ratione veræ scientiæ, siquidem scientia debet esse ex causis per se, quales causas non habet practica. Illa enim dicitur causa per se passionis, quæ est causa passionis formaliter vt talis est, ac proinde semper & vbique; vt patet in rationali, quod quia est causa per se risibilitatis, vt risibilitas est, semper & vbique; causat risibilitatem, non in aliquo tantum tempore, nec aliquo tantum respectu, sed quodcumque & ubicumque fuerit risibilitas, causatius est rationalitas. Porro talem causam per se non habent Practici, non enim demonstrant passionem absolutè de subiecto, sed tantum in ordine ad talem vel talem finem, nec afferunt causam passionis, quæ sit causa ipsius absolutè, sed solum in ordine ad talem finem, quod est afferre causam non semper & vbique, sed tantum ad aliquid & pro nunc, ac proinde non est afferre causam per se, verbi gratia, probat Practicus domum habere tales proprietates, ex fine habitationis, ad quem ordinatur. habitatio non est causa istarum proprietatum per se, quia non vt tales sunt, nec semper, nec ubique,

que,

*Practici non
considerant cau-
sam per se.*

que, sed solum in ordine ad talem finem, & eo tempore quo talis finis intenditur: supposito enim tali fine, rectè infertur tales debere esse proprietates domus: at verò tales proprietates non demonstrantur absolute de subiecto per talem causam, quia nec semper, nec ubique, nam vel non sunt in subiecto sublato fine, vel si sunt, ex aliis causis, non ex illo fine conveniunt subiecto, ac proinde non conveniunt per se ratione talis finis. Hæc igitur ratio Aristotelis concludit Logicam non esse verè scientiam, quia licet non sit verè practica, cum non sit de praxi, est tamen similis practicis, & eundem cum illis modum procedendi habet.

Secundò probatur. De ratione scientiæ est, *ut* Scientia est de illis quæ in natura sua habent principium. sit de iis quæ sunt talia secundum naturam, non ex nobis, seu quæ in seipsis, & in sua natura, non in nobis habent principium, ut sint talia, Atqui Logica est de operationibus intellectus dirigibilibus, quæ non sunt tales ex natura rei, sed ex nobis, neque in se ipsis habent principium, ut sint tales, sed in nobis, hoc est, in nostra directione, quæ fit per intellectum, Ergo Logica non est vera scientia. Maior est doctrina Aristotelis in 6. Ethic. cap. 4. ubi ex hoc probat artem non esse scientiam, quæ ars fit de iis, quæ non secundum naturam, sed ex nobis sunt talia, neque habent principium in seipsis, sed in nostra directione, ut sint talia. Vbi requiritur ad scientiam, ut sit de iis quæ secundum naturam sunt talia, & quæ in natura non in nobis habeant principium, ita ut proprium sit scientiæ demonstrare rem esse talem ex natura sua, verbi gratia, domus non habet in seipsa, nec in natura sua principium ut sit talis, hoc enim natura rei non postulat, sed nos per intellectum

naturales
sunt in sua
natura princi-
pium intrinse-
cū.

Et inuenimus **varios** modos edificandi domum, pro-
ut **varios** fines int^{endimus}, propter quos domum adi-
ficamus, & quibus **edificium** accommodamus. Quod
si dicas, etiam res **naturales** habere principium in effi-
ciente, à quo **procedunt**, sed extrinsecum, in natura
principium in efficiente, sed extrinsecum, in natura
autem sua habere principium intrinsecum, opera verò
practica, siue sint artificialia, siue moralia, non habent
vllum principium intrinsecum in natura, sed tantum
extrinsecum in efficiente, seu in intellectu dirigente.
Quare si operationes practicae habeant aliquas proprie-
tates ex natura rei sibi convenientes, illa non ad practi-
cam, sed ad speculatiuam scientiam spectabunt, nempe
ad physicam, cuius est natura operationum, & pro-
prietatum ex natura consequentium inuestigare. Ad
practicam verò solum pertinet, tales proprietates vt
sunt ex directione extrinseca, & regulis intellectus con-
siderare.

Porro rationem huius doctrinae adfert ibidem
Aristoteles; quia quæ sunt secundum naturam talia,
sunt necessaria simpliciter, hoc est, semper & vbique
quod requiritur ad scientiam, non sunt simpliciter necessaria
sed ex nobis sunt talia, non sunt simpliciter necessaria
quia non semper & vbique, sed aliquando, & non nisi
supposito tali fine; vnde ab eis semper & vbique necessaria
contingentia, quia non sunt necessaria secundum quid ex sup-
positione talis finis, vt ex sequenti ratione magis patet
bit. Ex quo infero scientiam esse solum de ente natura-
li, non verò de ente artificiali aut morali, quia solum
ens naturale fundat necessitatem simpliciter, ens verò
artificiale & morale fundat necessitatem secundum quod
tantum.

Tertiò. Deratione scientiæ est, vt sit de iis quæ sunt necessaria simpliciter, non tantum secundum quid. *Scientia est de necessariis simpliciter.* Atqui Logica, cum sit de iis, quæ principium habent, non in natura, sed in nobis, est solum de necessariis secundum quid, non simpliciter. Ergo non est vera scientia. Maior est doctrina Aristotelis in 1. posteriorum. & in 6. Ethic. cap. 3. & 4. vbi in hoc distinguit artem à scientiis, quod scientia sit de necessariis, & æternis, & quæ aliter se habere nunquam possunt, Ars verò est de contingentibus simpliciter, & quæ simpliciter habere se aliter possunt, & solum secundum quid, ex certa suppositione finis sunt necessaria. Neque enim ad rationem scientiæ satis est probare rem per causam, hoc enim modo omnes artes essent scientiæ, nulla enim ars est, quæ non afferat causam suorum operum, vt ait Arist. 1. met. c. 1. vbi docet, artificis proprium esse non solum scire facere opus, sed & reddere causam operis, quos etiam non artifices tantum, sed sapientes artifices vocari ait. Et ibidem in hoc distinguit artem ab experientia, quod illa reddit causam operis, hæc non item. Sed requiritur ad scientiam præterea, vt talem causam afferat, quæ demonstret rem illam; nullo modo, nullo tempore, nulla suppositione, posse se aliter habere, sed semper & vbique esse talem, quod est demonstrare necessitatem simpliciter.

Porro pro maiori explicatione, dupliciter declarari potest hæc necessitas simpliciter ad scientiam requisita. *Primus modus necessitatem simpliciter explicandi.* Primò si dicatur necessarium simpliciter esse illud, quod semper & vbique est necessarium, quomodo hominem esse rationalem & risibilem est necessarium simpliciter, quia semper & vbique, ita vt nunquam sit homo sine rationalitate & risibilitate,

Y

nec

nec potest esse vlla talis suppositio, propter quam homini non conueniat esse risibilem & rationalem. Nec-
 cessarium autem secundum quid illud dicitur, quod nō
 semper & vbique est necessarium, sed solum in certa
 suppositione, sic hominem moueri est necessarium non
 semper & vbique, sed ex suppositione si currat, extra
 quam suppositionem non est necessarium hominem
 moueri, sed contingens. Ad scientiam igitur requiri
 necessitatem simpliciter dicto modo, hoc est, semper
 & vbique, patet ex eo. nam & artes demonstrandi
 quod est necessarium aliquando ex suppositione finis,
 scientiæ verò proprium est, demonstrare necessarium
 semper simpliciter, alioquin scientia ab arte non distin-
 gueretur essentialiter in ratione demonstrandi. Vnde
 & Aristoteles 1. posterior. c. 8. requirit ad demonstra-
 tionē prædicatum de omni, illudq; definit, quod omni
 subiecto & omni tempore conuenit, tale aut prædicatū
 est necessariū simpliciter. Secundò, quia talis necessitas
 requiritur ad scientiam, quæ non stet simul cum con-
 tingentia simpliciter; at necessitas ex suppositione
 stat cum contingentia simpliciter, sublata enim suppo-
 sitione, continget prædicatum non inesse subiecto, Er-
 go ad scientiam non sufficit necessitas ex suppositione,
 sed requiritur necessitas simpliciter.

*Suppositio du-
 plex.*

Quod si obicias, demonstrari in Physica eclipsem
 de luna, quæ tamen non est necessaria nisi ex supposi-
 tione interpositionis terræ inter solem & lunam. Re-
 spondeo, suppositionem aliam esse contingentem, quæ
 contingenter & liberè ponitur, vt si velim currere, ne-
 cessarium est vt mouear, necessarium inquā ex suppo-
 sitione libera cursus. Alteram non contingentem, sed
 neces-

necessariam, quæ ex natura rei & necessario ponitur, talis est interpositio terræ inter solem & lunam, quia tali & tali tempore necessarium est eam poni secundum ordinem & cursum naturalem. Prior ergo suppositio non sufficit ad scientiam, quia stat cum contingentia simpliciter, cum ipsamet suppositio sit contingens. Posterior verò suppositio sufficit ad scientiam, quia excludit contingentiam, Dices. Ecclipsim non esse semper necessariam. Respondeo, esse semper necessariam, non quidem pro semper, sed pro tali tempore, quia tali tempore necessarium est, tam suppositionem poni, quam posita suppositione sequi effectum, vnde semper. & ab æterno verum est ecclipsim futuram ex interpositione terræ. Quod si instes, eodem modo id quod est ex suppositione contingenti, esse necessarium semper pro tali tempore. Respondeo, non esse simpliciter necessarium pro tali tempore, quia nec ipsam suppositionem esse est necessarium simpliciter in tali tempore, sed potius est simpliciter contingens, & secundum quid necessarium, posito enim quod est, necessario est. At id quod ex suppositione necessaria simpliciter pro tali tempore, est necessarium simpliciter pro illo tempore, est necessarium, quia suppositio illa non potest non poni pro illo tempore. Fateor tamen demonstrationem de necessario simpliciter pro certo tempore, esse quidem veram & essentialiter scientiam, non tamen esse perfectissimam, intra latitudinem enim scientiæ datur una perfectior altera, sicut & necessitas simpliciter pro omni tempore, est maior & perfectior necessitas, quam illa quæ est pro aliquo tempore tantum.

*Secundus mo-
dus.*

Secundò potest explicari necessitas simpliciter ex parte causæ. Scientia enim est necessaria, quia est per causam necessariam: Si igitur causa sit necessaria omnimodè, tam ex parte subiecti, quam ex parte passionis, erit necessaria simpliciter, & faciet scientiam esse necessariam simpliciter, quia omnimodè. nam & in Maiori causa coniungetur necessario cum passione, & in Minori eadem causa coniungetur necessario cum subiecto, ex qua coniunctione sequetur conclusio necessaria simpliciter, conclusio enim sequitur ex connexione medij cum extremis, ita ut qualis connexio fuerit medij cum extremis in præmissis, talis sit connexio extremorum inter se in conclusione: si illa fuerit necessaria simpliciter, hæc quoque erit simili modo necessaria; si verò connexio medij cum extremis sit necessaria ex parte passionis non ex parte subiecti, connexio quoque extremorum in conclusione erit necessaria secundum quid, & contingens simpliciter, ut si dicam, omne currens movetur, Petrus currit, Ergo Petrus movetur. Maior est necessaria simpliciter, minor est simpliciter contingens, & solum ex suppositione necessaria, conclusio sequitur simpliciter contingens, & solum secundum quid necessaria. Ut enim rectè Logici docent, conclusio semper sequitur debiliorem partem, & ex maiori necessaria, minori contingente, sequi conclusionem contingentem simpliciter, & solum ex suppositione necessariam. Ex quo patet, requiri ad scientiam necessitatem simpliciter, quia hæc solum excludit contingentiam simpliciter, alia verò non excludit.

Iam

Iam verò, quod in practicis, siue sint artificialia, siue moralia, non sit necessitas simpliciter, sed tantum, secundum quid, & ex suppositione contingenti, patet: quia necessitas rerum practicarum est necessitas ex fine liberè & contingenter intento, quod enim est principium in speculatiuis, hoc est finis in practicis, fine enim constituto, omnia diriguntur ad finem, & ex fine demonstrantur esse talia, vel talia, vt ex fine habitationis, demonstratur domum debere esse talem, ex recto, parietibus, & fundamento constantem, tali modo, vt sit apta ad habitandum. Quæ proprietates cum ex suppositione contingenti conueniant illi ædificio, nõ possunt dici simpliciter necessariae, neq; enim ex contingenti sequitur necessarium.

Neque verò solum proprietates practicae sunt contingentes simpliciter, sed & essentia ipsa subiecti practici, ipsa enim essentia rerum practicarum pendet & constituitur à nobis per ordinem ad aliquem finem à nobis intentum. In artificiatibus quidem fit secundum regulam artis, in moralibus verò secundum regulam prudentiae. Ex quo patet, cum omnes demonstrationes practicae, innitatur essentiae practicae, quæ essentialiter est contingens, non posse esse necessariae simpliciter, quod enim innititur fundamento contingenti, non potest esse necessarium simpliciter, & semper necesse est fieri resolutionem in essentiam subiecti contingentem. Hæc est enim differentia inter cognitionem speculatiuam & practicam, quod illa non facit suum obiectum, sed supponit factum, & solum illud contemplatur, hæc verò facit suum obiectum, verbi gratia, scientia de homine, non facit hominem esse rationalem & risibilem, sed tantum cognoscit, scientia verò de domo facit domum esse domum.

Essentia subiecti practici est contingens simpliciter.

*Necessitas con-
clusionis pra-
ctica non est
omnimoda.*

Adhuc, necessitas conclusionis practica non est omnimoda necessitas, prouenit enim ex vna necessaria & altera contingenti, medium enim in maiori coniungitur necessario cum passione, in minori verò coniungitur contingenter cum subiecto, quæ cōtingentia impedit absolutam necessitatem conclusionis, vt paulò ante deduximus. Quod etiam confirmatur exemplo Logico. Nam sit hæc demonstratio. Omnis syllogismus talem habens dispositionem terminorum & propositionum rectè concludit. Syllogismus in Barbara habet talem dispositionem. Ergo rectè concludit. hîc manifestum est medium necessario coniungi cum passione in Maiori, in minori verò contingenter cum subiecto; nam quod syllogismus ille sit in Barbara, & quòd habeat talem dispositionem, id prouenit non ex natura rei, sed ex intellectu nostro, talem structuram syllogismi faciente, ad finem recti discursus: vnde sequitur conclusionem illatam, non esse necessariam simpliciter, sed ex suppositione, supposito enim quòd intellectus fecerit talem structuram syllogismi, cum tali dispositione, sequitur conclusionem ex eo illatam esse legitimam.

Ex quo infero contra quosdam recentiores, artes vt demonstrat proprietates per causam de suis obiectis, non esse verè scientias. De ratione enim scientiæ est, demonstrare proprietates vt sunt necessariae simpliciter, quæ necessitas non inuenitur in artibus. Vnde Aristoteles artes dicit esse de contingentibus, scientiam de necessariis. 6. ethic. c. 3. & 4. Licet enim ars possit esse de necessariis ex suppositione, tamen necessaria ex suppositione, sunt contingentia simpliciter, scientia autem quia non est de contingentibus simpliciter, idèd dicitur esse

esse absolutè de necessariis, nempe talibus necessariis, quæ contingentiam excludunt.

Quartò probatur Logicam nõ esse scientiam, quia *Logica non habet illas veras demonstrationes.* nullas habet veras demonstrationes, nam vel demonstrat proprietates ex natura operationum provenientes, & hæ demonstrationes sunt veræ, sed sunt physicae non Logicae: ad physicam enim spectat considerare naturam operationum physicarum, & proprietates ex natura consequentes. Talis est demonstratio, quod syllogismus topicus generet opinionem, quia procedit ex probabilibus, demonstratiuus verò generet scientiam, quia procedit ex necessariis. Vel secundò demonstrat proprietates per conformitatem cum regulis Logicis, ut quod aliquis syllogismus rectè concludat, quia est in Barbara, vel quia est in forma: hæ demonstrationes sunt quidè Logicae, sed nõ sunt demonstrationes simpliciter, quia non sunt de necessariis simpliciter, sed solum ex suppositione; neq; ex necessariis simpliciter concludunt, sed ex altera necessaria, altera contingenti simpliciter, & solum secundum quid necessaria, quod Logicae commune est cum omnibus demonstrationibus practicis. Huc verò spectat illa ratio Aristotelis, qua probat practicas non demonstrare per causas per se, sed ad aliquid, & pro nunc.

Ex quibus patet ad rationes primæ sententiæ. Ad primam dico requiri essentialiter ad rationem scientiæ, ut sit de re necessaria simpliciter non contingenti, hoc enim est formale obiectum, quod demonstratur in scientiâ, nempe passionem convenire necessario simpliciter subiecto, qualem necessitatem non demonstrat Logica de suo obiecto.

Ad

*Certitudo de
bonitate conse-
quentia nō ne-
cessario habe-
tur per scien-
tiam.*

Ad secundam Respōdeo, requiri quidem ad scien-
tiam certitudinem de bonitate consequentis, verum ea
certitudo non est necesse, ut habeatur per demonstra-
tionem & scientiam, sed satis est ut habeatur per indu-
ctionem & experientiam, quomodo etiam primorum
principiorum certitudo habetur, quare ex hoc capite
Logicam non est necesse esse scientiam. Facit enim
nos certos de bonitate consequentiæ, per regulas bonæ
consequentiæ, quæ sunt certæ per inductionem & ex-
perientiam, ex qua originem sumpserunt.

Non negauerim tamen Logicam dici posse scien-
tiam, secundum quid, quia procedit modo debito sci-
entiæ, resoluendo effectum in causam: non tamen est
scientia simpliciter, quia non est de re simpliciter ne-
cessaria, sed tantum ex suppositione.

*Logica non est
ars propriè,*

Dico secundò. Logicam non esse propriè artem:
ars enim propriè versatur circa eas actiones, quæ relin-
quunt post se opus, hoc est, circa factiones: Ars enim
est habitus cum vera ratione factiuus, & factionem verè
Aristoteles definit, eam quæ opus post se relinquit 1.
magnor. moral. cap. vltimo, & 6. ethic. c. 5. Aquì Lo-
gica non versatur circa vllas factiones & opera externa,
sed circa internas operationes intellectus quas dirigit.
Non igitur dici potest propriè ars: licet enim modum
quendam artis videatur habere Logica, quod ita verse-
tur circa suum obiectum sicut ars circa suum, tamen nō
habet materiam propriam artis, quæ est opus aliquod
externum. Quod si nomen artis libeat transferre ad o-
pera interna & spiritalia, iam non sumetur nomen Ar-
tis propriè, sed metaphoricè, sicut cum nomina rerum
corporearum transferuntur ad res spirituales, propter
aliquam similitudinem.

Quod

Quod si dicas. Saltem eo modo Logica potest dici ars, quo ars cantandi, saltandi, cytharizandi, quæ sunt artes actiuae, non factiuae. Respondeo. Maiori ratione istæ dicuntur artes, quia versantur circa veram actionem & praxim; ars autem est quid practicum: At Logica versatur circa solam cognitionem, quæ sicut non est vera praxis, ita & habitus qui circa eam versatur, non erit practicus, & consequenter ars: ars enim est habitus practicus. Quare ad fundamentum secundæ sententiæ Respondeo, non omnem doctrinam confidentem instrumenta esse artem, sed tantum illam, quæ versatur circa opera externa. Porro qui Dialecticam inter septem artes liberales posuerunt, spectarunt Dialecticam in voce, & artem recte disputandi & differendi de rebus, quo modo licet dici possit ars latè sumpto vocabulo Artis; ea tamen est prima Dialecticæ consideratio, cum ea primò ad actus internos dirigendos pertineat, non ad disputationem externam.

Dico tertio. Logicam non esse artem & scientiam simul modo explicato in tertia sententia. Dicunt enim hi, præcepta Logica ut deducuntur demonstratiue ex suis principiis, esse scientiam, ut verò efficiunt opera sibi conformia esse artem. Hæc doctrina in multis deficit.

Primò, quia ostendimus secundum doctrinam Aristotelis de re factibili à nobis, non posse esse verè scientiam, etiam si per causas de ea vniuersaliter demonstrantur passionēs; talis est Logica. Ergo neq; in vniuersali neq; in particulari habet rationem scientiæ. Secundò, quia ostendimus secundum Aristotelem artis rationem propriam & essentialē esse, scire causam operis: in hoc enim differt essentialiter ab experientia, quòd experientia scit quòd sit, non propter quid sit, ars verò scit

Z

propter

*Nota discriminē
inter artem cy-
tharizandi ac
similes & Lo-
gicam.*

*Logica non est
simul ars &
scientia.*

propter quid sit, Ergo cum Logica præcepta sua deducit ex suis causis & principiis, exercet in hoc propriam rationem artis, non scientiæ. Tertiò, quia falsum est, artem non versari nisi circa singularia, cum Aristoteles hæc duo requirat ad rationem artis, ut sit de opere in vniuersali, & ut sit per causam, in iisq; duobus distinguit artem ab experientia, quia experientia sit circa singularia, & non sciat causam. Quartò, isti videntur artem distinguere à scientia solum ex effectu: nam cum dicunt præcepta solum ut efficiunt opus sibi conforme, esse artem: peto num velint ab effectu & opere artem denominari artem, an verò arti assignent peculiarem actum cognitionis. Primum dici non potest, quia proprius actus artis est cognitio, est enim habitus intellectus cognoscitiuus, & actus eius proprius est cognitio: omnis enim habitus intellectus inclinat ad cognitionem. Si dicatur secundum: ergo præter opus externum & effectum assignari debet proprius actus Artis, qui non potest alius esse, quam cognitio rei faciendæ, & sic cognitio rei faciendæ, quam isti dicunt esse scientiam, erit proprius & essentialis actus artis, non enim solum ut efficit opus, sed ut dicat de faciendo, est ars: quod dictamen non solum in particulari, sed etiam in vniuersali ad artem spectat, quia idem iudiciū specie est in vniuersali & in particulari, extensione solum differens, non ratione formali iudicii, sicut idem specie homo est in particulari, & in vniuersali. Quintò, isti non videntur distinguere inter artem docentem & utentem, hoc est inter eam, quæ docet esse hoc vel illo modo faciendum, & eam quæ ex tali doctrina facit: eiusdem enim artis est docere faciendum, & doctrina illa uti ad faciendum, hoc enim est ex arte facere,

ex

*Art. docens &
utens*

ex doctrina artis facere. Cum ergo isti doctrinam tribuunt scientiæ, vsum arti, an non manifestè tollunt doctrinam artis, & artem docentem? & sic ex arte facere, erit non ex arte, sed ex scientia facere, quia non ex doctrina & directione artis, sed ex doctrina & directione scientiæ. Sicut enim manualis, qui ex directione artificis operatur, verè non dicitur facere ex arte, licet efficiat opus artis, quia non habet in se artem, & noticiam artis, artifex verò quia scit & ob quam causam faciendam sit, dicitur ex arte facere, ita si ars vt ars nullam habeat propriam noticiam rei faciendæ, sed vtatur scientia, opus illud quod efficit, erit opus non artis, sed scientiæ, quia ex scientia non artis directione procedit. Ex quo patet noticiam illam, ex qua ars efficit opus, esse artis non scientiæ noticiam. Quare hi authores si consequenter loqui velint, vnum ex duobus dicere debent, aut vtramq; Logicam tam docentem quàm efficientem esse scientiam, ita vt si docens est scientia, vtens etiam sit scientia; quia eadem est notitia docens & vtens, & ex scientia docente vtens efficit opus, aut certè si Logicam vtentem volunt esse artem, consequenter Logicam docentem debent dicere artem, quia eadem notitia est docens & vtens. Dicere verò Logicam docentem esse scientiam, vtentem verò artem, non est dicere conuenientia, nam scientia & ars essentialiter differunt in genere cognitionis. Non potest igitur eadem cognitio esse ars & scientia, sed debent esse duæ cognitiones essentialiter distinctæ. Quare cum hæc doctrina horum authorum tam multis nominibus repugnet doctrinæ Aristotelis & rationi, non videtur esse probabilis.

*Logica tantum
secundum unam
sui partem fa-
cultatis.*

Dico quartò. Logicam vniuersè loquendo non esse facultatem, sed solùm vnā eius partem, quæ Topica dicitur. Pro quo notandum est, Logicam seruire omnibus scientiis duplici ratione. Primò tradendo modos & formas generales definiendi, diuidendi, argumentandi. Secundò. Suppeditando generalia media ad disputandum & discurrendum de rebus omnibus, hoc est, indicando locos communes, sedes argumentorum, ex quibus argumenta ad quamcunq; rem probandam erui possunt. Primum illud spectat ad formam argumentandi, secundum verò ad materiam; Quamuis enim singulæ scientiæ habeant singularia media ad suas conclusiones probandas, tamen Logica præbet omnibus scientiis generalia quædam media ex locis communibus desumpta, vt ex loco à genere, à specie, à definitione, à causa, de quibus omnibus certas regulas Logica tradit, in ea sui parte quæ Topica dicitur. Ex quo patet Topicam seruire cæteris scientiis, quoad materiam, præbendo generalem materiam argumentandi de qualibet re, alteram verò Logicæ partem seruire quoad formam; quare etiam de syllogismi topici forma agere nō spectat ad Topicam, sed ad aliam Logicæ partem, quæ in communi de forma syllogistica tractat. eadem enim est forma syllogismi Topici, quæ aliorum omnium syllogismorum, solùm vera topica præbet materiam generalem, & media generalia ad conficiendos syllogismos topicos.

Notandum est secundò. quòd Aristoteles duas facultates recenset 1. Rhet. cap. 2. Rhetoricam & Dialecticam, quia per eas possumus in vtramq; partem affirmantem & negantem dicere & disputare, suadendo & dissuadendo, probando & refellendo, quod manifestum

Num est non conuenire toti Logicæ, sed solum vni parti, quæ Topica dicitur. Nam mediis desumptis ex locis Topicis in vtramq; partem probabiliter vti possumus, & de vtraque parte, tam affirmante, quàm negante probabiliter disputare. Topica enim media vel sunt solum probabilia, vel si aliqua sunt necessaria, Topica illis vtitur nō vt necessariis, sed vt probabilibus. Ex quo responsio patet ad fundamentum tertiæ sententiæ, forma enim syllogismi non est medium ad probandum in vtramque partem.

Dico quintò. Logicam esse habitum instrumentarium. Ita Ammonius præfatione in Prædicamenta. Alexander 1. top. c. 4. & 2. met. t. 1 §. Simplicius præfatione in prædicamenta. Auerroës præfatione in Epitom. metaph. S. Thomas opusc. 70. q. 3. a. 1. ad 2. Albertus tract. 1. in libr. poster. initio, Rigidius initio posteriorum. Zimara in Tabula. verbo, Absurdum. Zabarella de natura Logicæ c. 10. Et probatur 1. ex Aristotele, qui Logicam idcirco inscripsit organum, vt refert Lærtius, & 2. met. t. 1 §. appellat eam modum sciendi, quo scientiæ vtitur ad finem scientiæ consequendum. Denique 1. top. c. 9. ait, ea quæ quærentur in Logica, quæri non propter aliquid quod sit proprium Logicæ, sed tantum vt adiunget ad aliud: ex quo loco infert Alexander ibi, Logicam esse instrumentum. Secundò, quia finis vltimatus & essentialis Logicæ sunt scientiæ seu operationes scientiarum rectæ, ad hunc autem finem Logica concurret instrumentaliter suo artificio, nam principaliter actus scientiarum fiunt ab habitu scientiarum. Ergo Logica est habitus instrumentarius, distinctus essentialiter ab omnibus aliis habitibus, nam alij habitus consequuntur suum finem per suam actionem principalem,

Logica est habitus instrumentarius.

palem, sola Logica consequitur finem suum per actionem verè & propriè instrumentariam. Pro cuius declaratione duo sunt explicanda. Alterum est, An Logica sit verè & propriè instrumentum scientiarum; alterum an hæc sit prima & adequata ratio, propter quam Logica dicitur habitus instrumentarius.

*Quæ sit ratio
propria instru-
menti.*

Quantum ad primum dico, De ratione veri instrumenti esse duo, Primò, vt sit subordinatum causæ principali, & ab ea moueatur vel applicetur ad agendum. Secundò, vt applicetur ad operationem principalis agentis, non suam propriam. Ratione primi, multæ causæ non sunt instrumenta, quæ vel non subordinantur causæ principali, sed æquè principaliter agunt, tanquam concausæ, vt cum duo trahunt nauim; vel subordinantur, sed per accidens, quia nimirum vis actiua illarum causarum talem subordinationem non requirit ex natura sua. sic ignis applicatus ad comburendum, non est verè & propriè instrumentum ad combustionem, quia illa applicatio conuenit illi per accidens, cum non ex vi talis applicationis, sed ex vi sua principali & naturali comburat. Vis enim instrumentaria talis est, vt ex se non prorumpat in actum, nisi moueatur ab agente principali, vt patet in securi, calamo, & aliis. Ratione secundi ea non dicuntur instrumenta, quæ applicantur quidem ab agente, sed ad suum proprium, non ad agentis principalis effectum, cuius signum est, quando effectus ille non excedit virtutem propriam causæ applicatæ: effectus enim principalis agentis debet excedere propriam virtutem instrumenti, alioquin non instrumentaliter, sed principaliter fieret ab ipso. De ratione enim instrumenti est, vt agat virtute principalis causæ, non egeret autem principali

cipali causa, si ex se haberet virtutem sufficientem ad effectum. sic equi non sunt instrumenta aurigæ, quia applicantur quidem ab aurigæ, sed ad actionem propriam ipsorum, nempe ad cursum, qui principaliter & sufficienter fit ab ipsis. Sic in Physica docetur accidentia ad producenda similia accidentia non esse instrumenta substantiæ, ad producendam verò substantiam esse instrumenta, quia nimirum hic effectus, excedit virtutem propriam: illorum, hic non excedit.

Logica igitur cum utramque conditionem instrumenti habeat, erit verè instrumentum scientiarum; nam & ad effectum scientiarum producendum adhibetur, nempe ad efficiendam scientiam actualem, quæ principaliter fit ab ipsis scientiis habitualibus, à Logica verò instrumentaliter tantum, & quoad directionem, & præterea virtus illa directiva Logicæ est per se subordinata habitui scientiæ, quia non potest prodire in actum scientiæ per se, nisi adhibita & applicata scientiæ habitus.

Logica est instrumentum scientiarum.

Dices, hoc modo omnes artes essent instrumenta, ad efficienda opera artis, tradendo modum efficiendi illa opera, & sic omnes artes essent instrumentaria. Respondeo. Negando sequelam. nam artes nulli habitui subordinantur tanquam eius instrumenta, ad ipsius actum producendum, sed soli intellectui: nam potentiis exequutiuis non subordinantur, sed illas potius ordinant & applicant ad finem. At Logica mediante cognitione modi sciendi, est subordinata habitui scientiæ, ipsi que inservit ad finem, & actum ipsius principalem, unde proprium Logicæ est esse instrumentum aliorum habituum.

Quod

*An & quomo-
do Logica con-
currat ad actū
scientiæ.*

Quod si quæras, an Logica concurrat instrumenta-
liter ad actum scientiæ, mediante suo actu, hoc est, me-
diante cognitione præceptorum & modorum sciendi;
an verò immediatè per ipsum habitum, disponendo &
determinando habitualiter scientiam, ad rectum actum
scientiæ, nulla interueniente cognitione actuali præ-
ceptorum Logicæ. Quidam enim hoc secundum affir-
mant, idque ex eo probant, quòd habitus potest esse
principium rectitudinis actuum, quos dirigit, nulla
mediante cognitione, si enim quis contrahat habitum
cantandi, saltandi, pulsandi cytharam, ex habitu ipso de-
terminatur ad rectè cantandum, saltandum, pulsandū,
etiam si actu nullam præceptorum artis considerationē
habeat. Poterit ergo eodem modo & habitus Logicæ
determinare & dirigere habitum scientiæ, nulla medi-
ante cognitione præceptorum Logicæ. Verum nos in
quæstione sexta infra id refellemus: alioquin continge-
ret, ut quis oblitus artis & præceptorum omnium, pos-
set tam bene operari ex habitu artis, sicut alter opera-
tur ex cognitione artis, per obliuionem enim non obli-
tur habitus artis, sed solum actus impeditur, ut velex
eo patet, quod per solam recordationem redit homo
ad priorem facilitatem habitualement. Dicendum ergo
est habitum Logicæ esse quidem instrumentum scien-
tiarum, sed mediante suo actu & cognitione, semper
enim cum ex habitu artis operamur, vel præceptorum
artis recordamur aliquo modo, vel certè operum artis
ante factorum, & ex memoria talium operum facile &
promptè operamur, unde impedita memoria, impedi-
tur & operatio.

Quantum ad secundum, Dicendum est Logicam
esse instrumentariam, non solum quia conficit instru-
menta

*Logica instru-
mentaliter
causat actum
scientiarum.*

instrumenta sciendi, ut plerique sentiunt, sed præcipue quia ipsa seipsa, seu suis regulis ac præceptis est instrumentum scientiarum, causans instrumentaliter actus scientiarum. Nam quod ad instrumentorum confectionem attinet, si hæc instrumenta intelligantur regulæ syllogismorum, definitionum, & aliorum modorum, sciendi, has Logica non conficit, sunt enim confectæ vna cum ipsa Logica à primis inuentoribus Logicæ, solum verò eas ut factas contemplatur, earumq; proprietates ostendit, in quo habet se modo speculatiuo, speculatio enim non facit obiectum, sed factum intuetur, practica verò cognitio pro obiecto habet factionem, sui obiecti, verbi gratia, ars ædificandi facit domum, & eam factionem pro obiecto habet. Si verò per instrumenta sciendi intelligantur simulacra quædam syllogismorum, definitionum, &c. qualia sæpe sunt in terminis nil significantibus, ut in literis alphabeti, Omne A est B. Omne C est A, Ergo omne C est B. talia simulacra & conficiuntur à Logica, & sunt instrumenta sciendi, sicut & in aliis artibus, conficiuntur primò simulacra quædam operum, ex luto aut alia simili materia, ad quorum similitudinem deinde efficiuntur vera opera artis; Sic ars fusoria luteas formas adhibet ad fundendas campanas: sic ars ædificandi utitur modelis pictis vel fictis, ad quorum similitudinem accommodat ædificium: ita & in Logica simulacra quædam & ideæ syllogismorum conficiuntur, ut ad eorum similitudinem fiant veri syllogismi. Quamuis autem id verum sit, tamen hic usus talium simulacrorum non est necessarius ad scientias, & sine illo periti faciunt veros syllogismos, per conformationem ad solas regulas & præcepta Logica; vnde non tam respectu Instrumen-

A a

torum

*Discrimen Lo-
gica & aliarū
Artium.*

torum à se confectorum, quàm (& quidem præcipuè) quia ipsa seipsa & suis præceptis, est instrumentum scientiarum, vocatur Logica habitus instrumentarius. Ex quo apparet discrimen inter Logicam & alias artes, quoad rationem instrumentariam; nam aliæ artes principaliter conficiunt aliqua opera, quæ postea assumuntur ut instrumenta ab aliis artibus, ut ars frenifactoria, pro fine principali habet conficere frena, eaque conficit non instrumentariè, sed principaliter, quia in illis conficiendis nulli⁹ artis est instrumentum, frenis verò confectis utitur postea ars equestris tanquam instrumentis. Logica verò pro fine principali habet efficere actum scientiæ, ad cuius effectiōnem habitus scientiæ concurrat principaliter, & quoad substantiā, Logica verò solum instrumentaliter, & quoad modum. Efficere quidem Logica aliqua simulacra verarum operationum, verum hæc effectio non est finis ultimus Logicæ, sed tantum immediatus, & subordinatus fini principali & ultimo, à quo solo denominatur Logica simpliciter.

*Logica non est
vllus ex 5. ha-
bitibus 6. Eth.*

Dico sextò. Logica non est vllus ex illis quinque habitibus enumeratis ab Aristotele 6. Ethic. Pater id tum inductione, tum ratione, quia eo loco Aristoteles non intendit enumerare oēs habitus, qui sunt in intellectu, sed tantum eos qui semper verum dicunt. unde ex hoc capite excluditur habitus opinionis, inertie, erroris, his enim potest subesse falsum. Secundò solum ibi numerat habitus, qui in suo genere sunt principales, non verò qui sunt instrumenta aliorum habituum, qualis est Logica.

Ratio.

*Logica non est
virtus intelle-
ctiva.*

Dico septimò. Logicam non esse virtutem intellectuale. Virtus enim est dispositio ad perfectum actum & optimum. Ad hoc autem in habitu intellectuali duo requi-

requiruntur; tum vt semper dicat verum (verum enim est obiectum intellectus) tum vt in hoc habeat se per modum causæ principalis, nō instrumenti, circa verum enim optima operatio non est, quæ vel non dicit verum ex sua ratione formali, vt est error, vel si dicat verum, non dicit absolutè, sed vel probabiliter tantum, vt opinio, vel cum suspitione, vt habitus suspitionis, vel aliis modis imperfectis, inter quos est modus instrumentarius dicendi verum.

Dices. Logicam dicere principaliter verum Logicum de modo sic vel sic sciendi. Respondeo, hoc verum, esse finem sed non vltimum Logicæ, habet enim pro fine vltimato & obiecto verum scientiarum, ad quod ipsa concurrat solum instrumentaliter, vt dictum est, nam scientiæ concurrunt principaliter; idcirco huius veri respectu instrumentaliter solum dicit verum, & imperfectè, & sic solum erit instrumentum virtutis non virtus. At dices. etiam aliæ artes cum dicunt hoc vel illo modo faciendum opus, dicunt absolutè verum. Ergo & Logica. Respondeo, Esse disparem rationem, nam aliæ artes non habent aliud verum quod dicant, nisi illud de modo sic vel sic faciendi operis, quia non ordinantur ad aliam cognitionem, & veritatem assequendam. At Logica præter veritatem de modis sciendi habet pro fine vltimato & principali veritatem scientiarum, ad quam ordinatur, & à qua tanquam à fine vltimato præcipue denominatur, cum igitur ad hanc veritatem concurrat solum instrumentaliter, & imperfectè ex parte sua, non poterit ea ratione dici virtus: Virtus enim est dispositio intellectus ad perfectam & optimam

operationem circa verum. At saltem, inquires, posse, Logicam dici virtutē ratione prioris veri de modo sciendi. Respondeo, si hoc verum haberet pro principali & ultimo fine, posset dici virtus intellectualis, sicut & aliz artes; atquia non habet illud pro ultimo fine, sed aliud, ideò ratione ipsius non potest dici virtus.

QVÆSTIO VI.

*An Logica Docens & Vtens sint dua
Logicae speciei distincta?*

*Quid sit Logi-
ca docens?*

Primò explicandum est, quid sit Logica docens & vtens; est enim recepta ea Logicæ distinctio, eamque habet S. Thomas 4. met. lect. 4. & opusc. 70. Scotus & alij cōmuniter. Est igitur Logica docens, quæ tradit præcepta, quibus docetur quid, quomodo faciendum, vtens verò est, quæ ex præceptis efficit opera ipsi conformia, sicut cū artifex ex præceptis artis efficit opera artis. Quocirca actus proprius Logicæ docentis, est doctrina ipsa, & præcepta de faciendo; vtentis verò actus non est doctrina & cognitio in abstracto, sed vsus doctrinæ, seu doctrina & præcepta applicata alicui materiæ, vt cū syllogismus physicus efficitur secundum præcepta & doctrinam Logicam. Itaque dupliciter possumus definire Logicam vtentem: Primò si dicamus esse doctrinam, vt ex ea efficitur aliquid, facta denominatione extrinseca, ab hoc quod per eam efficitur, Secundò si dicamus esse opus ipsum prout efficitur ex doctrina, & substat doctrinæ. Vtraque definitio in idem recidit.

Ex

Ex quo infero Primò. ad actum Logicæ vtentis concurrere, & doctrinam seu præcepta, & operis effecti-
onem, ita vt ex vtroq; constituatur essentialiter actus Lo-
gicæ vtentis. Nam sola præcepta per se non sunt vsus,
sola etiam effectio operis sine præceptis, non est vsus
præceptorum. quare si efficeret opus artis non ex præ-
ceptis artis, sed vel casu, vel ex experientia, vel ex alio
principio, quàm ex arte, si in illo opere efficiendo non
vteretur arte, nec opus illud factum esset ex arte. sic ni-
dus ab hirundine factus non est opus artificiale, sed na-
turale, quia ex natura non ex arte procedit. sic ministri
artificum non faciunt ex arte opera artis, sed ex expe-
rientia, nec habent formaliter vsum artis. Quod dico
propter quosdam, qui dicunt habitum Logicæ vtentis
sine vlla cognitione actuali, efficere sua opera ex habitu
quasi per modum naturæ. Verùm isti errant, nam ha-
bitus Logicæ, est habitus intellectus, omnis autem ha-
bitus intellectus est cognoscitiuus, & perficiens intel-
lectum ad cognoscendum, & in ordine ad obiectum ip-
sius intellectus proprium, & ex consequenti actum,
habet cognitionem, Ergo si aliquid aliud efficit, non
nisi ex cognitione efficit, & mediante cognitione, quia
enim per cognitionem dirigit illum actum, idcirco di-
citur illum efficere.

*An ex Habitum
Artis, sine vlla
cognitione, ef-
ficiantur opera
Artis.*

At inquires. Qui habet habitum alicuius rei facien-
dæ, etiam non cogitans facit rem illam: Ergo immedia-
tè & absq; vlla cognitione. Respondeo, illum qui cõ-
traxit habitum non egere quidem magna reflexione,
semper tamen egere aliqua, etiamsi aliquando insensi-
bili, vel saltè memoria operum ex arte factorum.
Quod patet primò ex experiètia, si enim casu tantisper
obliuiscimur artis, operari non possumus, & tamè mox

cùm deinde recordamur, eadem qua prius facilitate operamur, vt patet in cantu, in pulsatione cytharæ, & similibus; Ergo signum est, quòd ex cognitione actuali ex habitu operamur. Secundò, patet idem ex ratione: quia ille habitus contractus, non est habitus absolute faciendi, sed ex cognitione faciendi, nam ex talibus actibus est genitus, qui ex cognitione processerunt: ergo non potest inclinare ad operandum, nisi ex cognitione; alioqui posset quis oblitus artis, & præceptorum Logices vti Logica. Dico igitur eum qui habitum contraxit, non egere quidem magna reflexione ad regulas artis, egere tamen vt minimum memoria operum artis, & ex ea memoria operum à se factorum operari.

Ad actum Logicæ utentis non sufficit habitus Logica.

Infero secundò. Ad actum Logicæ utentis non sufficere habitum Logicæ, sed requiri alium habitum efficientem aliquod opus, quod opus ab illo quidem habitu fit, quoad substantiam & entitatem, à Logica verò fit quoad directionem, seu quoad conformationem cū præceptis Logicæ, v. g. physicus demonstrat de homine, quòd sit risibilis, quia rationalis, hic discursus quoad substantiam procedit ab habitu physico, quoad directionem ab habitu Logicæ, fit enim conformis præceptis Logicæ de demonstratione. quocirca solus habitus Logicæ non potest dici utens, nisi quatenus coniunctus eum aliquo alio habitu, in cuius actu utitur præceptis Logicis.

Dices. Ergo habitus Logicæ utentis, est compositus ex duobus habitibus. Respondeo, negando: non enim componitur ex utroq; sed connotat alterum habitum, sine cuius concursu non potest habere usum suorum præceptorum: ex se enim habet habitus Logicæ applica-

applicare sua praecepta, ad actum alterius habitus, supposito quòd alter habitus producat suum actum.

His igitur suppositis, quaestio est, an hæ duæ Logicæ docens & utens sint essentialiter distinctæ. Est autem ratio dubitandi duplex: altera ex parte actuum, altera ex parte habituum. Nam ubi sunt actus specie distincti, ibi generantur habitus specie distincti, actus enim sibi similem generant habitum. Atqui actus Logicæ docentis & utens sunt specie distincti, Ergo & habitus. Minor patet ex dictis. Actus enim Logicæ docentis sunt praecepta, utens verò opus praeceptis conforme. De habitibus verò probatur in hunc modum. Nam ubi sunt diuersæ difficultates superandæ, ibi constituendi sunt distincti habitus, siquidem habitus constituuntur ad difficultates superandas, & facilitatem ac promptitudinem potentiae in operando tribuendam: Atqui in exequendis praeceptis Logicæ, est noua difficultas, quàm sit in discendis. Ergo & habitus exequendi praecepta Logicæ, est alius ab habitu docente. Minor probatur, tum quia potest quis scire artem conficiendi syllogismos, & esse iners & inexercitatus in praxi; tum quia potest quis sine arte syllogismos facere ex solo usu: Ergo alia est ars syllogistica, alius usus: tum quia idem cernitur in aliis habitibus, quòd dirigentes habitus ab exequentibus distinguuntur. Nam prudentia est habitus dirigens omnes virtutes, non est autem dubium prudentiam, cum sit in intellectu, distingui ab habitibus virtutum, qui sunt in voluntate. Propter quas rationes plerique sentiunt hos duos habitus, ac ex consequenti Logicas esse specie distinctas.

Alia

*Logica docens
est idem habi-
tus cum Logi-
ca scientia.*

Alii verò ut verius existimant non esse istos habitus specie distinctos, sed habitum docentis Logicæ applicatum rebus esse Logicam utentem, eundem verò habitum auulsum à rebus esse Logicam docentem. certum autem est, eundem specie habitum esse auulsum à rebus & applicatum. Probatur hæc sententia. Quia distincti habitus constituuntur propter distinctas difficultates: Atqui in applicatione & usu præceptorum Logicorum nulla est difficultas ad Logicam spectans, nisi ea, quæ oritur ex ipso artificio præceptorum, Ergo habitus Logicæ utentis non est distinctus ab habitu Logicæ docentis.

*In actu Logica
Scientia tria cō-
sideranda.*

Pro qua re Notandum est in actu Logicæ utentis tria considerari posse: Primò doctrinam & artificio Logicum, v. g. formam illam Syllogisticam. Secundò, materiam cui applicatur illud artificio, quæ potest esse physica aut metaphysica. Tertiò coniunctionem artificii cum materia. Vnde triplex quoq; cogitari potest difficultas in usu Logicæ. Prima quæ provenit ex imperfecta cognitione artis & præceptorum Logicæ, & hæc ad Logicam docentem pertinet: altera quæ provenit ex imperfecta cognitione materiæ physicæ. v. g. vel metaphysicæ, & hæc pertinet ad scientias, quæ circa illas materias versantur: ut enim ars sculpendi aliam habet difficultatem in ligno, aliam in lapide, aliam in marmore, quod istæ materiæ diuersas quoq; secum ferant difficultates, ita Logica aliam habet difficultatem in materia physica, aliam in metaphysica. Tertia difficultas provenit ex materia exequente, idq; tunc, quando executio pertinet ad diuersam potentiam, habentem diuersum actum, & ex consequenti diuersam in actu difficultatem: ut si quis didicerit artem pingendi, vel cantandi

tandi habuit, procul dubio habebit is difficultatem in
vfu & executione artis, etiam si illam optimè norit, quia
executio debet fieri per potentiam, distinctam ab ea
potentia, in qua est ars, distincta autem potentia, sicut
distinctum habet actum, ita & distinctam facilitatem in
actu. Nam ad pingendum v. g. in manu requiritur qui-
dam habitus materialis, similiter & in vocis instrumen-
tis ad cantandum. Si verò potentia executiva non sit
distincta à directiva, sed ipsa potentia dirigens sit etiam
exequens, tunc non erit distincta difficultas in exeque-
do, quàm sit in dirigendo, vel cognoscendo, aut si quæ
sit difficultas, illa referenda erit in materiam; vt cum
intellectus artem Logicam applicat materiæ physicæ.
Quare si nulla sit difficultas, neq; ex parte artis Logicæ,
neq; ex parte materiæ, nulla quoq; erit difficultas in
coniunctione artis cum materia, cum eadem sit poten-
tia dirigens & exequens. Si quis enim apprehendat e-
videnter hominem esse risibilem, ex eo, quia rationalis,
& bene memor sit artis syllogisticæ, nullam habebit dif-
ficultatem in conficiendo Syllogismo physico, propter
evidentiam tam formæ, quàm materiæ; ad hunc enim
modum & in physicis, si materia sit bene disposita ad
formam recipiendam, & agens habeat perfectam virtu-
tem producendi formam, nulla difficultas erit in con-
iungenda forma cum materia.

Ex quo patet, quòd in arte, quam quis novit, bene
exequenda, si sit aliqua difficultas, illa vel in materiam,
vel in potentiam exequentem, quæ sit distincta à diri-
gente, referenda est. Hinc autem respondetur ad fun-
damentum primæ sententiæ: illa enim difficultas, quæ
in vfu præceptorû Logicorum cernitur, potest esse, vel
ex imperfecta noticia præceptorum, & hæc ad docen-

*Difficultas in
arte nota in-
quid referenda.*

Bb

tem

tem Logicam spectat; vel ex materia cui applicantur præcepta, & hæc spectat ad alias scientias, quæ circa illas materias versantur, si verò neutra sit ex dictis difficultatibus, nulla erit difficultas in vñu præceptorum Logicæ.

Vnde ad primam probationem in ratione dubitandi positam, Respondeo, posse quem scire artem conficiendi Syllogismos, & propter inexperienciam pati difficultatem in praxi, sed illa difficultas prouenit ex materia, & pertinebit ad habitum scientiæ, quæ circa illam materiam versatur.

*Habitui Artium
& experientia
distinguntur.*

Ad secundam. Is qui sine arte didicit facere Syllogismos ex vñu, non habet habitum Logicæ, nec docentis, quia artem non didicit, nec vñentis, quia arte non vñitur, sed habet habitum experientiæ, hoc est, experientia acquisitum, qui est distinctus ab habitu Logicæ docentis & vñentis: sicut si quis discat linguam Latinam ex vñu, non ex arte, is habebit habitum loquendi Latinè, non ex arte Grammatices, sed ex experientiâ & obseruatione practicâ, qui habitus est diuersus ab habitu Grammatices. Nam qui ex arte loquitur Latinè, scit regulas & causas loquendi, qui verò ex vñu loquitur, solùm obseruationem & experientiam loquendi habet, nec regulas nouit; nec causam, cur ita sit loquendum, potest reddere.

Ad tertiam. Si executio fiat per distinctam potentiam à dirigente, tunc etiam est distincta difficultas ex parte potentiæ exequentis; at si eadem sit potentia exequens quæ dirigens, tunc nulla erit difficultas ex parte potentiæ exequentis, sed solùm vel ex parte dirigentis, vel ex parte materiæ.

At obiicies. In eadem quoq; potentia posse esse distinctum specie habitum dirigentem & exequentem, v.g. in materia opinionis, & fidei humanæ præscribitur prudens.

prudencia, quando & quid credendum vel opinandum sit, Ergo vniuersè non est verum, quando eadem est potentia dirigens & exequens, habitum dirigentem, ab exequente non distingui specie. Respondeo, dictos habitus versari in distinctis materiis, & distinctas habere facultates, sed ex materiis producetes, in eadem verò materia, & in eadem potentia habitus dirigens & exequens, non distinguuntur specie, ita vt ex hoc solo capite, quòd est habitus exequens, non sit necesse illum distingui specie ab habitu dirigente.

Ad illud verò argumentum, quod in ratione dubitandi ex distinctione specifica actuum infertur distinctio habituum. Respondeo primò. Actum Logicæ vrentis materialiter, & propter identitatem cum actu scientiæ, esse specie distinctum ab actu Logicæ docentis, formaliter verò & per se esse eiusdem speciei: sicut forma arcæ in abstracto, differt ab arcâ marmorea, lignea, aurea, quòd illa non inuoluit materiam, hæc inuoluit; ita Logica docens est abstracta ab omni materia, vtens verò est coniuncta materiæ, hoc est, dicit præcepta in materia physica vel metaphysica, ac proinde coniuncta cum actu scientiæ, forma tamen & artificium Logicum est idem in doctrina & vsu. Quare Syllogismus verbi gratia, physicus, quatenus est physicus, differt specie à Logica docente modum syllogismi faciendi, quatenus verò continet in se artificium Logicum, sic non differt specie ab actu Logicæ docentis, sic enim est conformis præceptis Logicæ; conformia autem quatenus conformia, sunt similia & eiusdem rationis. Ex quo patet, quod actus Logicæ vrentis sit specie distinctus ab actu Logicæ docentis, id ex eo accidere, quòd ad actum Logicæ vrentis concurrat alius habitus

*Actus Logicæ
Docentis & v-
rentis materia-
liter non for-
maliter sunt
distincti.*

specie distinctus, & coniungat ac identifice actum suum cum actu Logicæ vrentis, ita ut ratione illius alterius habitus sic ille actus specie distinctus, non verò ut procedit ab habitu Logicæ vrentis.

*Unus habitus
sub diuersis ra-
tionibus potest
esse physicus &
Logicus.*

Quod si obiicias. Vel ex actu Logicæ vrentis generatur habitus vnus vel duo. Si vnus, is erit specie distinctus ab habitu Logicæ docentis, quia & actus est specie distinctus. Si duo, id est prorsus inauditum, ex vno specie actu generari duos habitus, cum habitus semper sequatur naturam actuum, ex quibus generatur. Respondeo. Sicut actus Logicæ vrentis est simpliciter & quoad substantiam physicus, & solum secundum quid Logicus, hoc est secundum illam dispositionem & formam Logicam, ita & habitus qui ex tali actu generatur, simpliciter & quoad substantiam erit physicus, secundum quid autem erit Logicus, & ita vnus & idem habitus sub diuersa ratione erit physicus & Logicus. Dices hunc habitum distinguere specie ab habitu Logicæ docentis. Respondeo, quatenus physicus est, distinguere specie, non quatenus Logicus, siquidem inclinat ad actum sub eadem omnino ratione, sub qua & habitus Logicæ docentis, nempe secundum illam dispositionem, & formam Logicam. Quod si instes, fore duplicem habitum Logicæ vrentis, alterum qui est idem cum Logica docente, alterum qui distinguitur realiter à Logica docente, cum sit idem cum habitu scientiæ. Respondeo, in eo nullum esse inconueniens, siquidem vsus Logicæ potest provenire aliquando ex mera doctrina Logica, aliquando ab habitu ex ipso vsu artis contracto, maximè cum ad usum non solus habitus Logicus concurrat, sed & physicus; in talibus enim actibus, ad quos concurrunt plures habitus, necesse est id contingere.

Quod

Quod si quæras. An Logica vtens possit dici practica: nam de docente supra negauimus id dici posse. *Cognitio practica dupliciter.* Respondeo, Cognitio dupliciter dici potest practica, Primò ex effectu, quia ex ea & iuxta eam efficitur aliquid: Secundò ex obiecto, quia dicitur & præscribit quid quomodo faciendum. potest verò cognitio esse speculatiua ex obiecto, & practica ex effectu; vt si ex cognitione speculatiua figurarum mathematicarum, efficiam vel fabricem opus mechanicum; potest etiam esse cognitio practica ex obiecto, & non esse practica ex effectu, vt si cognoscam in abstracto ita vel ita esse faciendum, neque tamen de facto faciam, Porro vtraque cognitio dicitur verè & propriè practica in suo genere, si referatur ad veram & propriam praxim, quæ est actus à cognitione distinctus, & secundum cognitionem effectus. Si verò referatur ad actum, qui non sit vera praxis, ex eo quòd non est actus à cognitione distinctus, tunc cognitio illa dicetur latè practica, & propriè dicitur cognitio ad vsum non ad praxim relata. Propter hanc igitur causam, neque Logica docens est propriè practica, ex obiecto, quia non dicitur de faciendo opere à cognitione distincto: neque Logica vtens, quia licet efficiat opus, illud tamen non est à cognitione distinctum, vtraque tamen latè dici potest practica, & quidem actiua potius quàm factiua, quia non versatur circa opera manentia post actionem, quod ad factionem propriam requirit Aristoteles.

Quòd verò hic Ruuius ait, Logicam docentem esse scientiam, vtentem verò artem, satis supra refutatum est.

QVÆSTIO VII.

*An Logica sit necessaria simpliciter ad
scientias acquirendas?*

Est quæstio de Logica arificiali, quæ ex observatione & experientia multiplici est collecta, & in præcepta, atque artem redacta. Præterea quæstio est de necessitate simpliciter, hoc est, an Logica ita sit necessaria, ut sine illa scientiæ nullo modo acquiri possint: nam de necessitate secundum quid seu ad bene esse, nemo dubitat, siquidem manifestum est Logicam multum ad scientias acquirendas conducere.

1. Sententia.

Prima igitur sententia est, Logicam omnino necessariam esse ad scientias acquirendas. Fundamentum est: Quia ad scientiam habendam duo requiruntur: Primò principia aliqua certa, ex quibus deducenda est conclusio. Secundò, certitudo de bono modo illationis: ille enim propriè scit, qui scit se scire, & certus est de bona consequentiâ, seu de bono modo inferendi conclusionem ex præmissis, Atqui modus bonæ consequentiæ & illationis non potest haberi sine Logica, cum hi modi non sint cuius obuij, & non nisi longâ observatione collecti, & in artem redacti, ipsâ quæ experientia docet, eos qui non callent artem Logicam, sapissimè in modo inferendi impingere, & malas consequentiâs pro bonis reputare. Ergo.

Verùm qui hanc sententiam defendunt sunt in duplici differentia. Nam aliqui hanc necessitatem ita amplificant, ut ne minimam quidem scientiam particularem velint obtineri posse sine Logica, quia omnis scientia, inquiunt, est effectus demonstrationis: Atqui de-

mon-

monstrationis leges & præcepta tradit Logica. Non potest igitur sine Logicâ vlla scientia haberi: neque enim satis est demonstrasse, sed etiam opus est, scire, se bene in demonstrando processisse, secundum regulas & leges demonstrationis, quod est Logica.

Alij verò volunt, posse aliquas scientias particulares & demonstrationes sine Logicâ haberi, si sint valde evidentes, faciles cognitu, quales sunt illæ, quæ ex primis principiis lumine naturali notis proximè deducuntur, alias verò conclusiones magis remotas à primis principiis, & quæ non nisi per multas consequentias ex primis principiis deducuntur, sciri non posse sine Logicâ; quare dicunt, nullam scientiam totalem obtineri posse sine Logicâ; quia in scientiâ totali sunt plurimæ conclusiones, remotæ à primis principiis lumine naturali notis. Quæ sententia est Ruuij, Soci, Tolleti.

Altera sententia est opposita, Logicam neque ad 1. Sententia. particulares scientias, neque ad totales esse simpliciter necessariam, sed solum ad bene esse, hoc est ad perfectè & facilius acquirendas. Ita Iauellus, & multi recentiores.

Nostra sententia est, ad eas scientias, quarum perfectam euidentiā habemus, assequendas, Logicam simpliciter non esse necessariā; ad eas verò sciētias quarum perfectā euidentiā non habemus, esse necessariam simpliciter. Ratio vtriusq; est: Quia in quibus scientiis est perfecta euidentiā, ex ipsa euidentiā principiorum & conclusionis, fit perfectum iudiciū de connexionē necessaria cōclusionis cum principiis, ac ex consequenti de bonitate consequentiæ; in quibus verò ea euidentiā imperfecta est, non potest tale iudiciū fieri ex re ipsā, sed ex præceptis Logicæ peti debet. Auctoris sententia.

Pro

*Iudicium ad
scientiam ne-
cessarium, non
pendet necessa-
rio ex præceptis
Logicæ.*

Pro quo notandum est, Quod etsi ad scientiam necessarium sit iudicium de bono modo inferendi, tamen hoc iudicium non pendet necessarò à præceptis Logicæ, sed haberi potest ex euidentiâ ipsâ obiecti; patet id manifestè in demonstrationibus mathematicis, quæ ita sensibiles sunt, ut manibus palpari possint, & propter suam euidentiâ, nullo modo indigent ad suum assensum præceptis Logicæ, sed ex euidenti connexioneterminorum & propositionum, faciunt simul certitudinem de modo inferendi. Cuius rei signum est, quòd nullus vnquam propter defectum Logicæ de illarum certitudine dubitauit, aut dubitare potest. Neque verò refert quod mathematicæ non censeantur perfectæ scientiæ, cum non procedant ex veris causis essendi, sed ex causis cognoscendi, nam etiam si ex hoc capite illis aliquid desideretur, tamen quoad euidentiâ & certitudinem superant omnes scientias, & quoad rem nostram spectat, satis est, quòd earum euidentiâ sit tanta, ut non habeant opus ad certitudinem suarum conclusionum formis & præceptis Logicæ, sed ex euidentiâ ipsâ rei manifestè patet connexio necessariæ conclusionis cum præmissis. Idem dicendum est de aliis quoque demonstrationibus aliarum scientiarum. nam si sint demonstrationes ita euidentes, ut mathematicæ, quales fortè sunt, quæ ex primis principiis luminaturali notis deducuntur, ex non indigebunt præceptis Logicæ, sed ex euidentiâ rei, certitudinem consequentiæ habebunt. Porro ad eas scientias, quas non cum perfectâ euidentiâ acquirimus, Logicam simpliciter esse necessariam manifestum est. quia cum ad scientiam certum iudicium requiratur de bonitate consequentiæ, hoc verò non possit in talibus scientiis haberi

ex euidentiâ obiecti, quæ imperfecta est, necesse est, ut dicamus petendum esse omnino à Logicâ; Quare Logica erit simpliciter necessaria ad tales scientias, tum ad hoc, ut illæ scientiæ habeant rationem scientiæ (sine certitudine enim de bonitate consequentiæ, scientia perfecta haberi non potest) tum ad hoc, ut sine errore eas assequamur: nisi enim formâ syllogisticâ utamur, sæpissimè falsa pro veris amplectemur, uti falsa sæpenumero probabiliora sunt veris; in rebus enim per se obscuris impossibile est, quin sæpe labamur, ut qui in tenebris ambulat, necesse est ut sæpe impingat. Quanquam cum dicimus Logicam simpliciter esse necessariam ad hoc ne erretur in scientiis acquirendis, id non ita intelligi volumus, ut si forma Logica non fuerit adhibita erretur omnino, sed quòd vel erretur, vel sit errandi periculum non adhibita regulâ veritatis, vel ut minimum certò constare non potest, discursum illum, sine errore non esse, si ad normam Logicam probatus non fuerit, ita ut per accidens sit, quòd quis incidat in discursum bonum, non adhibita formâ Logicâ, cum ex modo illo discurrendi constare non possit discursum esse bonum.

Sed obiicitur. Si Logica esset simpliciter necessaria ad alias scientias, esset quoque necessaria ad seipsam: nam si Logica sine Logicâ acquiri potuit, poterunt etiam aliæ scientiæ absque Logicâ acquiri, cum eadem sit necessitas Logicæ ad seipsam, quæ ad alias scientias acquirendas. Ratio enim cur necessaria sit Logica, est, quia sine modis discurrendi, definiendi, diuidendi boni discursus haberi nō possunt; hoc aut æquè ser-

Cc

uit

uit Logicæ ac aliis scientiis, cum igitur absurdum sit dicere, Logicam ad seipsam esse necessariam, pari ratione asserendum non est esse necessariam ad alias scientias. Probatur autem id absurdum esse, tum quia supponeretur Logica ante Logicam, & prius esset Logica, antequam esset inuenta, tum quia vel eadem Logica est ad seipsam necessaria, vel diuersa: si eadem, idem esset ante seipsum; si diuersa, dabitur processus in infinitum, nam ad istam diuersam Logicam, erit alia diuersa Logica necessaria in infinitum.

Logica secundum diuersas partes necessaria ad seipsam.

Responderi solet, Logicam secundum diuersas partes esse necessariam ad seipsam, verbi gratia, præcepta definitionum Logicarum sunt necessaria ad definitionis, syllogismi, demonstrationis, &c. modi etiam argumentandi, sunt necessarij ad alias argumentationes Logicas. Sed contra. non est quæstio de usu modorum iam inuentorum, hi enim modi postquam sunt inuenti, possunt seruire aliis Logicæ partibus; sed quæstio est de primâ inuentione Logicæ, & modorum, an hi modi inuenti sint sine Logicâ, vel ex Logicâ. Summo enim primum modum inuentum, & peto an hic modus sit inuentus ex discursu, vel sine discursu? si ex discursu; ergo non indigebat formâ bene discurrendi, seu formâ syllogisticâ, quod si non indigebat, alij quoque discursus pari ratione non indigebunt. si sine discursu; hoc dici non potest, quia modi Logici non sunt per se lumine naturali noti, sed ex longâ observatione & usu collecti, quod sine discursu fieri non potuit. Verum ad hanc instantiam respondendum est, quod quemadmodum in scientiis aliqui sunt discursus, ita

ex

ex se evidentes, vt nō egeant probatione, aut dire-
ctione Logicā, sed dire-ctiōe sola luminis naturalis, alij verò qui
non sunt ita evidentes, indigent tū probatione, tum di-
rectione Logicā, ita & in ipsā Logicā accidit; quidam .n.
Logici discursus sunt lumine naturali noti, & hi Logicā
non indigent, sed per eos potiùs est inuenta Logica. Sic
regulæ & formæ syllogisticæ inuentæ sunt per principia
illa euidentiā, Dici de omni, Dici de nullo, adiunctā
obseruatione & experienciā in discursibus euidentibus.
Quocirca regulæ Logicæ de syllogismo, quia sunt ex
euidentibus principiis collectæ, non egent aliā Logi-
cā, alij verò discursus Logici minùs euidentes
egent regulā syllogisticā, Et sic Logica
non est inuenta per aliam Logi-
cam, neque est necessaria
ad seipsam.





DISPVATIO III.

De prima operatione intellectus.

Prima intellectus nostri operatio dicitur simplex apprehensio, qua intellectus apprehendendo obiectum simplici ratione, illud in se exprimit & representat per modum simplicis intuitus absque ulla affirmatione, & negatione.

QVÆSTIO PRIMA.

An omne ens possit à nobis apprehendi.



Identur enim multa entia à nobis apprehendi non posse, ut sunt entia spiritualia, rerum internæ essentia & multa accidentia ac virtutes occultæ herbarum, lapidum & cætera quæ sensibus non patent. Ex alterâ verò parte non videtur quidquam esse quod non possit sub aliquâ saltem similitudine rerum quas cognoscimus apprehendi: Nā & spiritualia ex materialibus cognoscimus, & essentias ex accidentibus & causas etiam occultas ex effectibus.

Procius explicatione supponendū est, duobus modis posse à nobis aliquid apprehendi, vel conceptu proprio & secundum suam propriam rationem, ut in se est, vel conceptu alieno hoc est ex aliis rebus desumpto.

Dico

Dico igitur Primò non omne ens secundùm propriam suam rationem potest à nobis apprehendi sed solùm ens sensibile. Patet id primò in ente spiritali cuius proprium conceptum formare non possumus. Neq; enim cadere in mentem nostram potest quid sit Angelus, qualis Dei essentia, cuius rei ea ratio est quòd nostra intellectio dependeat à sensibus vt nihil sit in intellectu quod non prius fuerit in sensu: Oportet enim, inquit Aristoteles, intelligentem phantasmata speculari: quare si quid per se non cadat sub sensum, intellectus quoq; de eo proprium conceptum formare non potest. Secundò idem patet in ente materiali, quod non est secundum se sensibile: vt sunt essentia rerum & accidentia insensibilia: Neq; enim cùm hominem videmus essentiam hominis immediatè videmus, sed tantùm accidentia & mediis accidentibus essentiam tanquam quid sub accidentibus latens. Ex quo infero solùm accidentia sensibilia à nobis immediatè & proprio conceptu apprehendi, quia omnis nostra cognitio fit mediante sensu. Quare cùm sola accidentia sensibus immediatè percipiantur sola etiam immediatè & proprio conceptu apprehendi possunt.

Solum Ens sensibile à nobis potest apprehendi secundum propriam rationem.

Dico secundo omne ens aliqua ratione apprehendi à nobis potest siue conceptu proprio siue alieno. Probatur primò. Quia de omni ente possumus formare cōceptum vel per connotationem effectus quomodo formamus conceptum de causa, quod sit principium effectus; vel per connotationem accidentium, quomodo formamus conceptum de substantia quòd sit quid substantia accidentibus; vel per similitudinem aliarum rerū cognitarum, quomodo formamus cōceptum de Angelo per similitudinem adolescentis volantis, intelligēdo

Omne ens à nobis apprehendi potest.

ex his similitudinibus sensibilibus proprietates eius spirituales; sic etiam Deum cogitamus lucem immensam. Secundo probatur. Quia intellectus noster potest apprehendere Ens quatenus Ens, ergo poterit apprehendere omne Ens; quia in omni Ente inuenitur ratio formæ Entis quæ sit obiectum intellectus. Quæ ratio concludit aliquâ saltem ratione posse quodlibet Ens ab intellectu apprehendi. Sunt autem quædam entia quæ non possunt secundum propriam rationem apprehendi; vel quia excedunt naturalem nostrum modum intelligendi, qui est cum dependentia à sensibus ut sunt omnia insensibilia; vel quia simpliciter excedunt facultatem & proportionem intellectus nostri, ut sunt supernaturalia; ad hæc enim intellectus noster non habet lumen naturale sufficiens etiam si non dependeret à sensibus. Sic divinam essentiam nullus intellectus naturaliter videre potest: tam humanus quam Angelicus, & alia accidentia supernaturalia, ut gratiam & virtutes infusas de quibus Theologi. Ex quibus patet nos de rebus insensibilibus solum connotationum conceptum habere vel per accidentia, vel per effectus, vel per alias similitudines sensibiles qui tamen modus concipiendi sufficit ad hoc ut dicamur verè res cognoscere. Nam verè hominem videmus & si accidentia sola immediate videamus, quia illa accidentia naturaliter hominis essentiam afficiunt; & ei verè sunt coniuncta, ita ut sub illis hominem verè videamus propter naturalem connexionem ipsorum cum substantia.

Quod si dicas in Hostia consecratâ idem planè videmus post & ante consecrationem, cum visio nullo modo per consecrationem mutetur, non videmus autem panis substantiam post consecrationem: ergò nec ante.

ante. Respondeo immediatè idem videmus ante & post consecrationem, mediatè autem non idem: Nam mediatum obiectum est illud quod afficiunt & cui in-
hærent accidentia, quod ante erat substantia panis, post
verò non. Porro mediatum obiectum non attingit
sensus, secundum seipsum, nisi mediantibus acciden-
tibus: vnde stantibus accidentibus discernere nō potest
absentiam vel præsentiam subiecti mediati. Si igitur de
facto subiectum afficitur illis accidentibus (vti natura-
liter accidit) de facto etiam videtur visis accidentibus:
si vero supernaturaliter nullum subiectum afficiatur il-
lis accidentibus, vti in Eucharistia accidit nullum, etiam
subiectum mediantibus illis accidentibus videtur, sed
sensus decipitur.

QVÆSTIO II.

An non Ens apprehendi possit.

Videtur ex vna parte apprehendi posse, cum multos
de non ente discursus faciamus quod fieri sine ap-
prehensione non potest: Ex altera vero parte non vi-
detur. Quidquid enim apprehenditur, sub aliqua En-
tis ratione apprehenditur; non ens autem cum sit nihil,
nullam Entis rationem habet; ergo nō habet vnde pos-
sit apprehendi.

Dico primo. Non ens secundum se à nullo intelle-
ctu siue creato siue increato apprehendi potest. Est
communis & certa S. Thomæ 1. p. q. 14. art. 10. Capr.
in 2. dist. 34. q. 1. art. 3. Egid. in 1. dist. 36. q. 2. Soc. 10.
Metap. q. 15. Niphi. 4. Metap. disp. 1. Iauel. 10. Metap.
q. 10. Ferrar. 1. contra Gentes cap. 71. Quia omne quod
apprehenditur sub aliqua Entis ratione representatur.

Non Ens à nullo intellectu secundum se potest apprehendi.

&

& apprehēditur: at non Ens nullam habet rationem Entis sub qua repræsentari possit: ergo non potest secundum se apprehendi. Maior patet tam inductione in omnibus potentiis cognoscentib⁹ quæ omnes feruntur in aliquod Ens, & nulla potest ferri in non Ens; tum ratione: quia nō Ens nihil in se habet vnde cognosci possit, cum sit ipsum nihil.

Dices non Ens cognosci per non cognitionē Entis, sed contra primo. Aliud est non cognoscere Ens aliud cognoscere non Ent: Nam non cognoscere Ens, est nullum actum cognitionis habere; cognoscere autem non Ens, est habere actum cognitionis qui versatur circa nō Ens; nos autem quærimus de cognitione positiua non Entis. Secundò cognoscere non Ens est habere actum cognitionis de non Ente; ergo non cognoscitur nō Ens per non cognitionem, sed per cognitionem. Tertiò alioqui sequeretur, quòd dum intellectus nihil cogitat de aliquo Ente, diceretur cognoscere non Ens, quod est falsum. Cùm enim nihil cogitamus nihil cognoscimus.

*Modi non Ent
cognoscendi.*

Dico secundò. Non Ens potest duobus modis apprehendi, Primo sub ficta ratione & similitudine Entis: potest enim intellectus noster vnum sub similitudine alterius concipere; ergo & non Ens sub similitudine Entis cuiusdam negatiui: sicut tenebras concipit per modum nigredinis cuiusdam, & priuationem per modum formæ cuiusdam efficientis subiectum. Verùm hæc apprehensio cùm sit ficta non cadit nisi in intellectum imperfectum; neq; est propria non Entis apprehensio, quia est apprehensio per modum Entis. Secundo potest non Ens apprehendi per accidens ex apprehensione Entis. ita D. Thomas 1. p. q. 14. art. 10.

vbi

vbi ait, Deum cognoscere negationes per adæquatam cognitionem rerū realium. Ex eo enim (inquit) quod Deus adæquatè cognoscit quidquid est in homine, & terminum ipsius perfectionis, cognoscit ipsum non esse alia entia realia quæ extra illum sunt. Quod ita explico: Non Ens non potest cognosci ratione sui præcisè, sed ex accidenti ratione Entium causantiū ipsum, ita vt sicut positis omnibus requisitis ad non Ens, dicitur esse non Ens; ita cognitis iisdem, dicitur non Ens cognosci. Concurrunt autem ad non Ens, primo Ens ipsum quod negatur, secundò res aliqua cui dicitur inesse illud non Ens. Quare & ad apprehensionem nō Entis primo debet apprehendi Ens quod negatur. Secundo res aliqua cui debet inesse illa negatio, tum verò Ens sic apprehensum si comparatur ad rem, in cuius adæquata cognitione non continetur per accidens cognoscitur non Ens: sic Deus cognoscit hominem non esse lapidem, cognoscendo totam perfectionem hominis adæquatè & in eo non videndo lapidem: sic & intellectus noster cognoscit tenebras, cognoscendo aërem & lucem, & non videndo in aëre lucem.

Dices hoc est cognoscere non Ens causaliter non autem formaliter, quia est solum cognoscere causas non Entis, non verò ipsum non Ens formaliter. Respondeo non aliter cognosci posse non Ens nisi causaliter dicto modo nam ratione sui formaliter non est cognoscibile.



QVÆSTIO III.

*An in prima operatione sit veritas in-
complexa.*

*Veritas cogni-
tionis, Veritas
Rerum.*

Veritas est duplex, alia rerum, alia cognitionis; dici-
mus enim & res esse veras & cognitionem qua ha-
betur de rebus esse veram. Rerum veritas quæ etiam En-
titatiua dicitur secundum D. Thomam, consistit in cõ-
formitate rei cum sua idea à qua pendet. cùm enim talis
est res qualem requirit idea ipsius, res dicitur vera, cùm
verò difformis est ideæ, dicitur falsa. Et sic res omnes
dicuntur veræ, quia sunt conformes ideæ diuinæ per
quam factæ sunt: res etiam artificiatæ sunt veræ, quia
sunt conformes ideæ artificis. Veritas cognitionis (qua
cognitio dicitur vera) consistit in conformitate cogni-
tionis eum re ipsa; estq; duplex; alia simplex & incom-
plexa, absq; vlla affirmatione & iudicio, alia complexa,
hoc est cum affirmatione vel illatione, quia fit per com-
positionem prædicati cum subiecto, vel consequentis
cum antecedente. Prior veritas est conformitas co-
gnitionis cum obiecto per modum representationis,
ad eum modum quo imago est conformis rei quam re-
præsentat: Posterior verò veritas est conformitas co-
gnitionis cum obiecto, non purè per modum repræ-
sentationis sed per modum dictionis nempe dicendo
aliquid ita esse vt est in re.

*Veritas cogni-
tionis alia sim-
plex alia com-
plexa.*

Certum est igitur in prima operatione intellectus
non dari veritatem complexam; quia in prima opera-
tione solum est simplex apprehensio, quæ fit absq; o-
mni iudicio & assensu vel discursu intellectus ac pro-
inde absq; omni compositione vnius cum altero. Fit
enim apprehensio per puram representationem obiecti:

repræ-

repraesentamus autem tam ea quibus assentimur, quam ea quibus non assentimur, ut cum repraesentamus aliqua falsa & incredibilia sine ullo assensu ea repraesentamus. non enim dicimus rem ita esse vel non esse.

Quod si obiicias. Posse intellectum apprehendere rem ita esse vel non esse: Ergo in tali apprehensione erit veritas complexa. Respondeo in tali apprehensione esse veritatem complexam per modum obiecti cogniti, non vero per modum actus componentis unum cum altero & dicentis ita esse vel non esse: Quare compositio tota est in obiecto, in actu vero est nuda & simplex apprehensio talis compositionis absq; vlla compositione & affirmatione: Intellectus enim composita in compositè apprehendit. Et sicut aliud est apprehendere compositionem, aliud componere & facere compositionem: ita aliud est apprehendere veritatem complexam, aliud dicere & facere. Fit enim veritas complexa in cognitione cum dicitur res ita esse vel non esse. Et sicut possumus apprehendere affirmationem absq; affirmatione hoc est non affirmando ita esse; ita possumus apprehendere veritatem complexam, non dicendo illam, nec iudicando ita esse vel non esse. Porro veritas complexa de qua loquimur debet esse in ipso actu cognitionis non solum in obiecto; quamuis autem in apprehensione sit veritas complexa obiecti per modum simplicis repraesentationis (est enim apprehensio repraesentatio in mente illius veritatis complexae) non tamè est in apprehensione modo complexo sed incomplexo; quia apprehendimus complexa non componendo illa, sed repraesentando ut in se composita.

Dices simplex iudiciu spectare ad primam operationem, quale est iudiciu Angelicum: at in simplici iudicio est veritas complexa. Ergo in prima operatione est veri-

Simplex iudicium non est in prima operatione.

tas complexa. Respondeo negando simplex iudicium pertinere ad primam operationem intellectus nostri: Nam prima operatio nostra consistit in nuda rei apprehensione absq; omni iudicio. Neq; intellectus noster potest formare ullū simplex iudicium de re, sed solum compositum. Nam angelus idē format simplex iudicium, quia sicut vnam speciem habet repræsentantem prædicatum & subiectum, ita vnum actum simplicem format de conuenientiâ prædicati cum subiecto proportionatum speciei, at noster intellectus per diuersas species concipit prædicatum & subiectum, & idcirco necesse est vt compositionem faciat prædicati cum subiecto. Ex quo sequitur ad nullam ex tribus operationibus intellectus nostri pertinere simplex iudicium; neq; ad primam; quia hæc est sine iudicio; neq; ad secundam vel tertiam; quia hæc continent iudicium sed compositum non simplex. Neq; verò necesse est operationes intellectus nostri comprehendere operationes intellectus Angelici sed tantum humani.

Cum igitur certum sit veritatem complexam non esse in prima operatione, tota difficultas est de veritate simplici & incomplexa, a qua sit tribuenda primæ operationi. Et quidem non est quæstio de prima operatione vt Entitas quædam est; sic enim certum est competere illi veritatem entitativam simplicem, quæ omnibus rebus, quæ Entia sunt, competit, & consistit in conformitate cum sua idea, sic enim apprehensio quælibet est vera ex eo quod est conformis in sua Entitate ideæ quæ est in mente Dei talis Entitatis. Est igitur quæstio de veritate non Entitativa sed cognitionis quæ conuenit cognitioni in ordine ad obiectum ratione cuius cognitio dicitur vera vel falsa cognitio obiecti. De qua re sunt duæ sententiæ.

Prima

Prima sententia negat veritatē incomplexam propriè loquendo esse in prima operatione, eo quod veritas cognitionis propriè in compositione & diuisione reperiatur. Ita tenet Vasquez 1. p. disp. 75. cum Caiet. 1. p. q. 16. ad 2. Heruæo quodlibeto 3. ad 2. Durando in 1. disp. 19. q. 15.

Probat^{Pro 1. sententia negante.}ur primo quia Aristoteles expressè negat in prima operatione esse veritatem propter hanc solam rationem, quòd veritas & falsitas non sit extra compositionem & diuisionem: In prima autem operatione nec est compositio, nec diuisio: non igitur veritas. Hanc rationem affert Arist. 1. Periher. c. 1. & 6. Metaph. tex. 8. propè finē, vbi dicit verū vel falsum circa compositionē & diuisionē esse & circa partitionē contradictionis.

Ex quo duo infer^{Argumentum primum.}t. Primò, quod verum & falsum, non sit in rebus sed in mente, quia compositio & diuisio, in qua consistit veritas, non est in rebus sed in mente. Et bonum quidem & malum ait esse in rebus, verum autem & falsum esse solum in mente: Nam res dicitur vera per ordinem ad cognitionem, quia de ea esse potest iudicium verum; bona autem dicitur esse in seipsa, non per ordinem ad cognitionem. Secundò infer^{Argumentum primum.}t, cognitionem simplicem, quæ est circa simplicia, & circa ea, quæ quid sunt, hoc est circa essentiam rerum, non esse in mente, ac ex consequenti non esse veram vel falsam. Vbi per mentem intelligit *Ἀνάλογον* vt in græco habetur, quæ vox apud Aristotelem opinionem & iudicium significat. Hoc igitur posito, aut Aristotelis discursus & ratio nihil valet, aut verum esse debet veritatem cognitionis extra compositionem non esse: Nam si extracōpositionem esse posset, non rectè inferret Aristoteles, in simplici cognitione veritatem non esse, quia non est in ea compositio.

Dd 3

Se.

Argum. 1.

Secundò probatur ratione. Voces cum sine loco conceptum, eodem modo veritas & falsitas conueniunt vocibus sicut & conceptibus: at voces simplices non significant verum vel falsum: ergo nec conceptus simplices qui respondent vocibus simplicibus dicunt verum vel falsum. Minor pater. Nam cum dico homo, non dixi verum vel falsum donec adiungam aliquid esse vel non esse, verbi gratia, quod homo sit albus vel bipes, & hæc ratio est Aristotelis 1. Perihér. cap. 1.

Argum. 3.

Tertiò in prima operatione non est falsitas incomplexa: ergo nec veritas incomplexa. Consequentia patet; quia contraria versantur circa idem subiectum, & idem est subiectum capax vtriusque contrarij. Antecedens asseritur ab Aristotele 9. Metaph. tex. vlt. ubi concedit aliquomodo veritatem simplicem in simplici apprehensione nullo verò modo concedit falsitatem simplicem, sed loco falsitatis esse ignorantiam obiecti & non assecutionem obiecti.

Dicunt autem hi autores in primâ operatione inueniri impropiam quandam veritatem: nam propriè veritas in compositione vel diuisione consistit, quæ non est in prima operatione. Quare apprehensionem esse veram solùm est attingere obiectum, non attingere autem non est esse falsam, sed ignorare. Idquæ aiunt esse ex mente Aristotelis 9. Metaph. tex. vlt. qui in hunc modum id explicat. Nam clarum est quod attingere non est dicere verum propriè sed quodammodo impropiè.

2. Sententia.

Secunda sententia concedit in prima operatione veritatem incomplexam esse verè & propriè. Ita Capreol.

preol. in 1. disputat. 19. quæst. 3. Aegidius. Quodlib. 49. 7. Sonci. 6. Metaph. q. 17. Ferrari: 1. contra Gentes cap. 59. Conimb. 1. Perihel. Et reuera est S. Thomæ 1. part. quæst. 16. artic. 2. & quæst. 17. art. 3. vbi docet cognitionem simplicem esse veram vel falsam respectu obiecti propter conformitatem cum illo, licet intellectus non cognoscat, nec dicat illam conformitatem & veritatem affirmando ita esse vel non esse; hoc enim sine compositione fieri non potest.

Vt autem quid differat inter primam & secundam sententiam appareat, sciendum est neutram sententiam negare cognitionem simplicem posse esse conformem suo obiecto; id enim clarissimum est, sed negat prima sententia hanc conformitatem cognitionis cum obiecto esse propriè veritatem ex eo quia non est cognita; Nam licet cognitio sit conformis obiecto, tamen ipsa conformitas non cognoscitur nec formatur in mente eius conceptus per apprehensionem. Vnde non est propria cognitionis veritas, illa enim propria est cognitionis veritas quæ cognoscitur & formatur per cognitionem; talis enim veritas cognitioni vt cognitio est competit; nam conformitas non cognita competit æque cognitioni ac alij cuique rei repræsentantiam, dicimus enim imaginem esse conformem rei, cuius est imago, neque tamen talis conformitas est veritas cognitionis. Conformitas vero cognita est propria cognitionis & extra cognitionem non inuenitur. Non cognoscitur autem veritas nisi eum cognoscitur rem ita esse vel non esse quod non potest fieri sine iudicio & compositione. Secunda verò sententia affirmat conformitatē illam cognitionis cū obiecto esse veritatē propriè etiam si nō cognoscatur.

Nam

Nota.

Nam veritas Entitativa est propriè veritas etiam si non cognoscatur; non igitur ad veritatem propriè conceptam requiritur ut cognoscatur, sed satis est ut conveniat cognitioni, quæ refertur ad obiectum. Nam si dicas non requiri quidem ad veritatem in genere ut cognoscatur, requiri tamen ad veritatem cognitionis. Respondetur. Etiam ad veritatem cognitionis sufficit ut cognitioni sua veritas competat respectu obiecti, comodo quo veritas Entitativa competit omnibus Entibus etiam si non cognoscatur. : Non solum enim veritas cognitionis est illa quæ cognoscitur, sed etiam illa quæ cognitioni in ordine ad obiectum competit licet non cognoscatur. talis enim conformitas cum obiecto non est veritas Entitativa; hæc enim sumitur ex conformitate cum idea, neque etiam est alterius generis veritas. Ergo necessariò est referenda ad veritatem cognitionis. Et hæc sententia nobis quoque probatur.

Datur in 1. operatione Veritas simplex ea que propriè dicitur.

Dicendum igitur est dari in prima operatione veritatem incomplexam eamque esse propriè veritatem. Probatur primo ex Aristotele 3. de Ani. tex. 26. ubi comparans affirmationem cum simplici intellectione ait, affirmationem posse esse aliquando veram aliquando falsam, at simplicem intellectionem (qualem dicitur esse intellectionem ipsius quid est seu essentia) esse semper veram etiam si (inquit) non dicat quidpiam de quopiam, quod etiam confirmat exemplo visus qui respectu proprii obiecti semper est verus; semper enim visus attingit proprium obiectum lumen vel colorem, nec in eo decipitur, si verò sit intellectio cum compositione non semper erit vera. Cum igitur Aristoteles expressè doceat intellectionem simplicem etiam si non dicat quidpiam de quopiam esse veram, dubium non est

Ari-

Aristotelem non requisivisse ad veritatem cognitionis compositionem alicuius cum aliquo, sed tantum conformitatem cognitionis cum obiecto.

Respondet Vasquez Aristotelem non dicere intellectiōem simplicem esse veram veritate propria, sed solum habere se instar veri, quod ait se colligere ex ipso Aristotele 9. Metaph. tex. ult. vbi postquam proposuit quæstionem quomodo in simplicibus inveniatur verū & falsum esse & non esse; cū enim inquit in simplicibus non sit compositio & divisio, nec verum aut falsum similiter illis inerit. respondet igitur ad quæstionem. An quemadmodum neque verum est idem in his, ita neque ipsum esse hoc est in simplicibus, sicut non est eadem ratio veritatis quæ est in compositis, ita neq; esse eodem modo convenit simplicibus quo compositis. Nam in simplici cognitione attingere & dicere obiectum est verum, non attingere vero est ignorare non decipi, & sicut inquit non est idem dicere quod affirmare (nam etiam sine affirmatione dicimus) ita nō eadem est veritas affirmationis & simplicis dictionis.

Sed contra. Aristoteles 9. Metaph. solum dicit esse aliam rationem veritatis in simplicibus, quā in compositis non verò esse impropriad, sunt enim hæc valde diversa, nec vnum sequitur ex alio. Non enim quia alia est ratio veritatis, idcō est impropria; potest enim esse vtroque propria, sicut alia est species animalis in homine, & in bruto, & tamen in vtroque propria, quia vtrumque est species animalis: pari ergo ratione alia est ratio specifica veritatis in affirmatione, alia in simplici cognitione, attamen quia conveniunt in vna ratione generica veritatis, hoc est in conformitate cum

Responsio Vasquez refellitur.

Et

obie-

obiecto, ita ut sint duæ species veritatis, veritas simplex, & veritas composita, idcirco utraq; veritas est propriè veritas. Neque Aristoteles oppositum vel leuiter insinuat, sed tantum docet non esse eiusdem rationis veritatem in utroque.

Quod etiam ex eo confirmo, quia ibidem Aristoteles, falsitatem non esse propriè in simplici cognitione, nisi secundum accidens: Veritatem autem simpliciter concedit esse non secundum accidens: Ergo propriè vult esse veritatem in simplici cognitione; ideo autem falsitatem non concedit, quia falsitas est in cognitione, non in non cognitione; non attingere autem est non cognoscere, non est igitur falso cognoscere.

Veritas cognitionis quid?

Secundo probatur ratione. Veritas cognitionis est cõformitas cognitionis cū re: atqui cõformitas cognitionis cum obiecto potest esse simplex absque omni affirmatione & negatione: Ergo & veritas erit simplex. Minor probatur. quia aliæ veritates sunt cõformitates simplices & incomplexæ: ergo & cõformitas cognitionis potest esse simplex & incomplexa. Patet id primo in veritate Entitativa: est enim res unaquæque conformis suæ ideæ, absque vlla affirmatione intellectus; remota enim omni operatione intellectus res sunt veræ Entitativè; aurū verum aurū, homo verus homo. Secundo in signis tam naturalibus, quàm ex impositione, quæ conformantur rebus quas significant, absque vlla affirmatione vel negatione. Fumus enim verè significat ignem, ut effectus causam, nomen cuiusque rei est verū nomen illius rei, & verè rem illam significat: imago est verè imago eius quæ representat. Ergo etiā similiter conceptus simplex erit verus conceptus: ei cui

cui est conformis seipso non per aliquam affirmationem vel negationem. Cum enim possit cognitio dupliciter conformari rei. Primo per representationem, quia cognitio talis est in representando qualis est res in essendo. Secundo, per affirmationem quia affirmatur esse conformis, non sequitur si non est conformis per affirmationem quod non possit esse conformis per representationem.

Respondet Vasquez. Nullam rem dici veram siue Entitatiuè, siue significatiuè, siue representatiuè nisi in ordine ad compositionem vel diuisionem veram, siue in ordine ad affirmationem vel negationem veram, quod ille vocat veritatem quoad effectum quia efficit iudicium verum: sicut enim medicina dicitur sana, quia efficit sanitatem; ita & res dicitur vera, quia efficit & fundat iudicium verum: quare & veritatem Entitatiuam quæ est veritas in essendo, & significatiuam quæ est veritas in significando, & representatiuam quæ est veritas in representando, eatenus ait esse veritatem; quia fundat veritatem intellectus: hoc est quia cum veritate potest de illa affirmari, quod sit, vel quod significet, vel quod representetur.

Responsio Vasquez.

Reluctatio.

Sed contra, res non solum sunt veræ in essendo & in representando, propter conformitatem quam habent ex intellectu dicente illas esse conformes: Sed etiam, propter conformitatem fundatam in naturali earum similitudine cum illis ad quæ referuntur: & sicut in similitudine non pendent ab intellectu, ita nec in conformitate, ac ex consequenti neque in veritate simplici, habent ergo suam veritatem simplicem absq;

Ec 2

ordi

ordine ad intellectum. Respondet secundo. esse quidem veritatem in simplici cognitione sed improprie. Contra cui conuenit proprie conformitas conuenit etiam proprie veritas; at cognitioni simplici proprie conuenit conformitas cum obiecto: ergo conuenit etiam proprie veritas.

*Intelligē-
de Veritate
natā seu cō-
ā.*

Ad primum primæ sententiæ Respondeo. Aristotelem loqui de veritate formata, & dicta ab intellectu quia hæc veritas est peculiaris & propria intellectus, & in compositione ac diuisione consistit: nam veritas simplex, non est propria intellectus sed communis intellectui cum sensu, imo & aliquomodo cum omni imagine representante; veritas vero complexa est propria intellectus, quia solus intellectus format, asserit, dicit; veritatem iudicando ita esse vel non esse. Vult igitur Aristoteles veritatem propriam intellectus esse illam quam format & dicit intellectus; non potest autem formare & dicere veritatem, nisi componendo vel diuidendo, affirmando vel negando. Vnde talem veritatem ait extra compositionem non esse, hoc autem non obstat, aliam veritatem concedit simplici cognitioni, qualis etiam in sensu inuenitur, sed hanc ait esse alterius rationis ab ea quam format, & facit intellectus dicendo ita esse vel non esse. Quare rectè probat Aristoteles in simplici apprehensione non esse veritatem quia non est compositio & diuisio: si enim loqueretur indifferēter de veritate quacumq; non rectè probaret, cum extra compositionem detur veritas; at quia loquitur de veritate facta & dicta ab intellectu rectè infert, quia talis veritas extra cognitionem non inuenitur.

Ad

Ad secundum sicut conceptus dupliciter dici potest verus, vel quia dicit verum vel quia est conformis rei, etsi hanc conformitatem non dicat, nec asserat, ita & vox duplici ratione potest dici vera, vel quia dicit veritatem, vel quia est conformis in significâdo, rei quam significat: sic hoc nomen homo dicimus esse veram vocem, & verum nomen hominis, quæ veritas illi ex institutione competit. Vox igitur simplex non est vera ex hoc capite, quod dicat verum vel falsum quia hoc nec conceptui simplici competit, sed dicitur vera significatione quia verè significat id ad quod significandum est imposita.

Ad Tertium respondet Ægyd. Quodlib. 4. q. 7. veritatem simplicis apprehensionis non habere contrarium propter specialem rationem, & naturam simplicis apprehensionis, quæ si attingat obiectum dicitur vera; si non attingat, non dicitur falsa, sed non cognoscens obiectum: falsitas enim consistit, in cognitione non in non cognitione obiecti. sed hæc ex sequenti quæstione patebunt. Solum restat obiectio Caietani soluenda quia iterum in simplici apprehensione veritatem posse esse apprehensam, vt cum veritatem alicuius propositionis apprehendit intellectus. Ergo tunc veritas apprehensa æquè erit in apprehensione, sicut veritas iudicata in iudicio. Respondeo veritatem apprehensam, non esse veritatem assertam ab intellectu: Nam apprehendendo veritatem neq; verum asserit, neq; negat, nec dicit verum nec falsum, neq; hanc veritatem facit, sed tantum cognoscit & intuetur in obiecto quasi factam. Deniq; exprimit illam in se per modum representationis, non per modum assertionis. illud est veritatē cognoscere quodammodo materialiter, tanquā rem sibi pro-

*Vox dupliciter
dicitur vera.*

*Intellectus ap-
prehendēdo ve-
ritatem non as-
sert verum.*

positam non tanquā assertam; hoc verò est cognoscere formaliter tanquam à se assertam. primo modo veritas cognoscitur imperfectè non per modum veritatis quia non assertitur ita esse, secundo modo perfectè & per modum veritatis.

QVÆSTIO IV.

*An in prima operatione detur falsitas
incomplexa.*

Certum est non esse in prima operatione falsitatem complexam, sicut neq; est veritas complexa. Sed difficultas est, an quemadmodum datur veritas incomplexa in prima operatione, ita detur eodem modo falsitas incomplexa, videtur enim dari debere: nam falsitas cognitionis consistit in difformitate cognitionis cum obiecto: at prima operatio potest esse difformis obiecto. Ergo potest esse falsa. Neq; dici potest fore tunc falsum non per se, sed per accidens: quia sicut cognitio est vera per se non per accidens, quando est conformis obiecto; ita etiam est per se non per accidens falsa quando est difformis obiecto. Et sicut affirmatio est falsa propter difformitatem cum obiecto; ita & simplex apprehensio.

Ex altera verò parte multigraves autores inter quos sunt nostri Conimb: in cap. 1. Perihēr. negant falsitatem esse in simplici apprehensione nisi per accidens. Fundamentum ipsorum est doctrina Aristotelis 9. Metaph. tex. 22. vbi in simplici cognitione concedit veritatem incomplexam; negat autem falsitatem deceptionemq; in simplici enim cognitione ait propriè esse ignorantiam non falsitatem. Vbi etiam hanc eius rei assignat

assignat rationem. Nam cum intellectus simpliciter & sine affirmatione cognoscit rem aliquam, vel illam attingit, vel non: si attingit est conformis obiecto ac proinde verus; si non attingit ignorat obiectum, & non illud sed aliud cognoscit, ut si cognoscit hominem animal irrationale, non hominem sed brutum pro homine cognoscit, neq; hominem falsò cognoscit sed ignorat. Neq; potest exponi Aristoteles quod loquatur de falsitate complexa: Nam sicut loquitur de veritate incomplexa simplicis cognitionis, ita & de falsitate incomplexa. Dicunt igitur hi autores cum Aristotele in simplici cognitione inueniri falsitatem solum per accidens, non per se. Quæ res quia difficilis est variè variis explicatur.

Primò igitur quidam aiunt falsitatem non esse in primâ operatione, quia in eâ non dicit intellectus rem esse vel non esse, quod ad falsitatem requiritur. Sed isti solum probant falsitatem complexam non esse in primâ operatione non verò incomplexam. Nam sicut veritas incomplexa inuenitur in primâ operatione propter solam conformitatem cognitionis cum obiecto, etiamsi intellectus non dicat rem esse vel non esse; ita potest inueniri & falsitas incomplexa, propter solam difformitatem cognitionis cum obiecto, etiamsi intellectus non dicat rem esse vel non esse.

Secundò igitur aiunt Conimbricenses: simplicem apprehensionem respectu obiecti repræsentati semper esse veram; respectu verò obiecti non repræsentati posse esse falsam: quocirca non per se sed per accidens esse falsam; quia non est falsa respectu obiecti repræsentati sed respectu obiecti non repræsentati: Pro cuius explanatione sciendum est, primam operationem referri

ad

*Primus modus
explicandi falsi-
tatem in prin-
cipio operationis*

Secundus

ad suum obiectum per modum repræsentationis: consistit enim apprehensio in solâ repræsentatione obiecti abq; vlllo iudicio: quare & conformitas ipsius vel difformitas cum obiecto est per modum repræsentationis. Repræsentatio autem si referatur ad id obiectum quod repræsentatur, & quoad ea quæ repræsentantur, semper est vera & conformis obiecto repræsentato; repræsentans enim & repræsentatum sibi respondent. Quod si est dissimilitudo aliqua & difformitas inter ista, ea solum erit in iis quæ non repræsentantur: Verbi gratia, imago Cæsaris repræsentat Cæsarem in colorib⁹ & formâ exteriori, non in essentiâ, quocirca est conformis Cæsari in formâ exteriori, difformis in essentiâ. Et vniuersè loquēdo. Imago in eo in quo est imago, est conformis ei cuius est imago, repræsentare enim & repræsentari sunt correlatiua, & sibi respondentia. Cùm igitur conceptus & apprehensio sit imago repræsentans obiectum, erit obiecto conformis, in illis omnibus quæ in eo repræsentantur, & sic nunquam erit obiecto difformis nisi sub eâ ratione quâ obiectum illud non est repræsentatum. verbi gratia cum concipio aurichalcum esse aurum, obiectum huius conceptus repræsentatum est aurum, quia aurum concipitur, & huic obiecto est conformis ille conceptus, vt verò refertur ad aurichalcum quod est obiectum non repræsentatum per conceptum auri, sic conceptus ille auri non est conformis auri chalcoco sed id est per accidens. quia aurichalcum per hunc conceptum non repræsentatur: si enim repræsentaretur esset ei conformis.

Verùm. hic modus explicandi & si ingeniosus sit non videtur tamen sufficiens. Primò; Quia apprehensio non solum respectu obiecti non repræsentati potest esse.

esse difformis, sed etiam respectu obiecti representati. Nam quando vnum obiectum apprehenditur pro alio, tunc est difformitas conceptus respectu obiecti non representati, quatenus obiectum representatum coniungitur obiecto non representato, cui non conuenit, sicut cum auri conceptus terminatur ad aurichalcum; Quando verò obiecta difformia simul apprehenduntur & coniunguntur, tum conceptus erit difformis obiecto apprehenso & representato, vt si concipiam hominem esse quadrupedem, vel irrationalem: Non igitur hic modus est sufficiens ad negandam vniuersaliter falsitatem in prima operatione. Secundò. Veritas representationis per se sumitur ex conformitate cū obiecto vt est in re ipsa: si enim aliter sit in re ipsa quàm representatur, representatio erit simpliciter falsa: sic representatio asini volantis est falsa, quia licet conceptus asini volantis sit conformis asino volanti, qui est obiectū immediatum: quia tamen non est conformis asino à parte rei qui est obiectū vltimatū, idcirco talis conceptus simpliciter non est conformis rei: obiectum enim immediatum refertur per conceptum ad obiectum vltimatum, & idcirco debet illi esse conforme. Quia igitur simplex apprehensio per se, & ratione representationis potest esse difformis obiecto vltimato, idè per se non per accidens conuenit illi difformitas, & ex consequenti falsitas. Quod etiam à simili explicatur in secunda operatione. Nam cum affirmo hominem esse quadrupedem, talis affirmatio est quidem conformis obiecto immediato, nempe homini quadrupedi affirmato, quia tamen non est conformis homini à parte rei simpliciter & per se non vero per accidens est falsa. Nam quod respondent veritatem apprehensionis sumi ex conformitate cognitionis cum obiecto vt representato. Veritatem verò iudicii ex conformitate

formitate cognitionis cum re ipsa ut existente, hoc non satisfacit. Nam etiā in representando debet esse cognitio conformis ei obiecto ad quod terminatur: ac obiectum ad quod terminatur representatio non solum est immediatum sed & ultimatū, illud ut Quo, hoc ut Quod: Ergo & conformitas eius sumenda est per ordinem tam ad immediatum, quā ad ultimatū obiectum, cum alterum sine altero non sit adæquatum obiectum representationis, alioqui non erit perfecta conformitas, si solum respectu vnius sumatur. Ex quo patet utramq; conformitatem respectu vtriusq; obiecti convenire per se non per accidens representationi, cum ad utramq; per se & necessario terminetur, & ex utroq; constituatur vnum adæquatum obiectum representationis, vnum ut Quo aliud ut Quod.

Tertium.

Tertius modus dicendi est apprehensionem prout apprehensio est, semper esse veram & conformem rei, & nunquam falsam nisi per accidens. Pro quo sciendū est apprehensionem cum sit representatio quædam obiecti in intellectu, terminari ad obiectum ut representabile est, representari autem possunt non solum vera, sed etiam falsa; non minus enim representatur intellectui asinus volans quā asinus quadrupes.

Quod si dicas hanc apprehensionem asini volantis esse falsam, quia non est conformis asino à parte rei. Respondeo in ordine quidem ad iudicium & affirmationem, esse falsam & difformem, quia non potest de tali obiecto ea ratione representato fieri iudicium verū sed falsum, tamen in ordine ad representationem, est verū, & conforme rei. Nam etiam falsum verissimè representatur ut falsum, licet nō possit cum veritate affirmari, imò falsum non potest verius representari, quā si representetur ut falsum, nam si ut verum representaretur non representaretur ut falsum. Quod etiam explicari

& aliter potest: nam obiectū quo modo concipi potest; potest & representari, conceptus enim est representatio obiecti; atqui obiectum est conceptibile non solum secundum ea quæ illi à parte rei insunt, sed etiam secundum ea quæ illi insunt per ordinem ad intellectum concipientem: Ergo etiam secundū vtrūq; potest representari; & quidem verè quia vtrūq; suo modo illi convenit, prius quidem absolute, & ex natura rei, hoc verò respectuè respectu intellectus concipientis. Et licet hæc representatio si referatur ad naturam rei secundum se, sit falsa, quia difformis naturæ rei; si tamen referatur ad obiectum ut est conceptibile ab intellectu, sic est cōformis obiecto ut fingitur ab intellectu.

Sed & hic modus habet difficultatem. Primò; Quia hoc modo etiā in secunda operatione nō esset per se falsitas, sed tātūm per accidens: quia sicut obiectū est per se representabile representatione illa ficta, ita est affirmabile affirmatione ficta: si ergo representatio illa rei falsæ, & fictæ sufficit ad veritatē representationis, etiā affirmatio ficta sufficeret ad veritatē affirmationis, & solū diceretur per accidēs falsa respectu rei secundum se acceptæ, sicut & representatio rei est secundū se difformis. Cum igitur nō possit dici omnē affirmationē esse verā, sequitur nō posse etiā dici omnē apprehensionē esse veram.

Secundo aliud est apprehensionem esse conformem illi obiecto ficto sub ea ratione qua fictum est, aliud esse conformē absolute ut est à parte rei. Nam priori modo apprehensio est cōformis obiecto ficto: quia fictū quaten⁹ fictū est vere fictū, quare & apprehensio rei fictæ, est verè; nō fictè cōformis rei fictæ: absolute verò apprehensio rei fictæ nō est conformis obiecto ut est in re, quia sub ea ratione apprehendit quæ naturæ obiecti repugnat: quare apprehensio rei falsæ, per se non per accidens est falsa.

¶ Ff 2

¶ Tercio

Tertiò ad veritatem repræsentationis requiritur, conformitas cum obiecto, nō solū sub ea ratione, sub qua repræsentatur, sed etiā vt tali modo repræsentatur, vt ratio sub qua repræsentatur, cōueniat obiecto à parte rei: Nam si repræsentetur secundum ea quæ illi non conueniunt à parte rei, poterit quidem repræsentari, sed non verè: Sicut enim falsum potest quidem affirmari ab intellectu, verè tamé affirmari non potest; quia id quod affirmatur, verè non competit rei: ita si falsum repræsentetur, poterit quidem repræsentari, sed falsò, non verè, quia id quod repræsentatur, rei non competit. Quocirca vt concedamus obiecto conuenire vt repræsentari possit, negandum tamen est eidem conuenire vt verè repræsentari possit, sub illa ratione falsa; sicut conuenit quidem rei falsæ vt affirmari possit (alioqui non posset illam intellectus affirmare si non esset affirmabilis) non tamen vt verè affirmari possit, quia intellectus non potest illam cum veritate affirmare, propter difformitatem cum re.

Quartò, quidquid est vere repræsentabile, est etiam verè affirmabile: Nam repræsentatio illa conformis rei resolui potest in affirmationem: atqui non omne obiectū est verè affirmabile. Ergo neq; verè repræsentabile.

Quartus modus dicendi est, in rei purè simplicis apprehensione non esse per se falsitatem; quia si apprehensio illa non est conformis alicui rei: ideo non est conformis, quia non est illius rei, sed alterius apprehensio: Et quia per accidens est apprehensioni quod alicui alteri tribuatur, ideo per accidens est falsitas in tali apprehensione. Si verò apprehensio sit rei cōpositæ, potest in ea esse falsitas per se; quia ratione illius cōpositionis obiecti potest apprehensio esse difformis obiecto. Insinuat id Ca-

ietanus

ietanus 1. p. q. 3. art. 5. Pro quo notandū est ex Aristotele 9. Metaph. cap. vlt. veritatem fundari in esse, falsum in non esse, sicut ergo esse est duplex, aliud per compositionem quando esse est componi, & componi est esse, sic esse albi est esse in subiecto. Aliud est esse simplex citra ullam compositionem, quomodo simplicia dicuntur esse, eorum enim esse non est componi, sed simpliciter esse. Ita & verum est duplex, vnum est verum compositum consistens in compositione rerum quæ sunt inter se compositæ, illique oppositum falsum est diuisio eorum quæ sunt compositæ. Aliud est verum simplex quod sit citra ullam compositionem tam obiecti, quàm actus componentis, & tunc veritas cognitionis est attingere ipsum esse, falsitas autem non attingere seu ignorare.

Quæ quidem veritas simplex est propriè veritas: quia per cognitionem attingitur res vti est, falsitas autem simplex illi opposita non est propriè falsitas, sed ignorantia. Falsitas enim cognitionis propriè sumitur respectu obiecti cogniti, neque enim tunc res falsò cognoscitur, quando non cognoscitur: sed quando cognoscitur aliter quàm sit; quare non cognoscere rem, non est falsò cognoscere, sed nullo modo cognoscere nec verè, nec falsè.

Vnde patet discrimen inter veritatem simplicem, & falsitatem simplicem. Nam veritas simplex, quia sumitur respectu obiecti apprehensi; quod attingitur vti est, Ideò dicitur propriè veritas. Falsitas verò simplex non sumitur respectu obiecti apprehensi, sed non apprehensi; & ideo non est propriè falsitas vti dictum est.

Porro licet simplicium apprehensio per se non sit

ff 3

pro-

propriè falsa; per accidens tamen potest esse falsa; quando illa simplex apprehensio tribuitur alteri, cuius non est apprehensio; ut si apprehensio auri tribuatur aurichalco, sicut enim per accidens est illam tribui alteri obiecto, ita etiam per accidens est esse illi obiecto difformem, & eius respectu falsam. Porro verum compositum potest dici compositum, vel ex parte actus componentis per affirmationem vel negationem vnum cum altero, vel ex parte obiecti tantum, quando obiectum compositum apprehenditur, licet per actum non fiat compositio affirmatiua vel negatiua: sed tantum fit simplex apprehensio compositionis, vel rei compositae. Secundum hanc igitur doctrinam Aristoteles

In apprehensione rei simplicis nunquam falsitas est per se.

Dico igitur primò, Si apprehensio sit rei simplicis sine vlla compositione plurium ex parte obiecti, non potest in tali apprehensione esse per se & propriè falsitas, sed veritas tantum. Et hoc solum voluit Aristoteles 9. Metaph. Ratio est; quia veritas cognitionis est conformitas eius cum re. Res autem simplex est id quod est citrà omnem compositionem: ergo & veritas simplex cognitionis erit, quando citrà omnem compositionem res ita attingetur, uti est. Si igitur attingitur per cognitionem uti est, cognitio illa erit per se vera & conformis rei: quia erit apprehensiva rei uti est, si verò non attingatur secundum suum esse, non erit per se cognitio falsa; quia cognitio non dicitur falsa propriè, nisi respectu obiecti apprehensi, nempe cum aliquid cognoscit, sed aliter quam sit. Hic verò cognitio comparatur cum obiecto non apprehenso; ergo non potest eius respectu dici propriè falsa;

fa; non attingere enim non est falso cognoscere, sed nullo modo cognoscere, nec verè nec falsè.

Dico secundo, apprehensio rei simplicis potest esse per accidens falsa, quatenus refertur ad obiectum, ab ipsa non apprehensum. Ita Aristoteles loco citato, & Ratio est, quia in compositione potest inueniri falsitas; at hæc relatio apprehensionis ad aliud obiectum non apprehensum per ipsam, est compositio quadam apprehensionis, & rei apprehensæ cum obiecto non apprehenso. Ergo in ea relatione potest esse falsitas. Verum quia per accidens est apprehensio ni referri ad obiectum non apprehensum: per se enim & ex ratione formali apprehensionis refertur ad obiectum apprehensum, idcirco & falsitas secunda ex tali relatione per accidens conueniet apprehensioni simplici.

In apprehensione rei simplicis potest esse falsitas per accidens.

Dico tertio, si apprehensio sit rei compositæ vel compositionis ipsius, potest in ea esse per se falsitas: quia obiectum ratione compositionis illius potest non esse conforme rei ut est in se: Ergo & apprehensio illius compositionis non erit conformis rei ut est in se, ac proinde erit falsa. Dices talem apprehensionem non esse illius rei cui falsò tribuitur, ac proinde eius respectu non potest dici falsa. Resp. compositum potest apprehendi secundum vnâ partem verè, secundum alteram falsò, ut cum apprehendo hominem volantem verè hominem apprehendo, sed ut volantem falsò. vnde negari non potest hanc apprehensionem

In apprehensione rei compositæ potest esse falsitas per se.

esse

esse illius obiecti apprehensionem, at requiritur ad hoc ut eius respectu apprehensio dicatur falsa: semper enim in obiecto falso vnum verè apprehenditur aliud non. Confirmatur: quod cognitioni conuenit ex ratione formali ipsius, conuenit illi per se, sed talis falsitas conuenit huic cognitioni ex ratione formali talis cognitionis: Ergo conuenit illi per se.

Ex dictis patet quomodo verum sit quod ait Aristoteles supra, in conceptu definitiuo non dari falsitatem, per se, quia est conceptus rei simplicis, hoc est, essentia. Videtur enim definitio esse quid compositum ex genere, & differentia duplicem quæ falsitatem posse includere, alteram cum partes definitionis falso inter se conueniunt, ut animal insensituum; alteram cum definitio tribuitur alteri definito cui non conuenit, ut si dicā, equum esse animal rationale. Respondet Fonseca in locum citatum definitionem obiectiuam esse simplicem; quia duobus conceptibus adæquatis concipitur, vna res simplex. Verum si loquatur de simplicitate opposita compositioni rationis, sic essentia in se quidem simplex est, in ordine tamen ad conceptum est multiplex, & composita ab intellectu concipitur quæ compositio sufficit ad falsitatem. Dicit tamen potest essentiam ut essentiam consistere in indiuisibili, vnde secundum illam indiuisibilem rationem si attingitur conceptu definitiuo, verè concipitur; si non attingitur, non illa sed aliud quiddam concipitur, ipsa verò ignoratur, sicut & quoduis aliud simplex: Potest tamen per accidens inesse falsitas definitioni, sicut & cuius apprehensioni simplici.

QVÆSTIO V.

An prima operatio sit dirigibilis.

Quidam negant esse dirigibilem, quia non est capax Prima operatio per se dirigibilis est. erroris & falsitatis. Alij concedunt esse dirigibilem, quia est capax multorum defectuum, non tamen falsitatis. Nos utraque ratione dicimus dirigibilem. Primò. Quia subiaceret multis defectibus, ut confuſioni, & aliis modis indebitis apprehendendi, quibus defectibus, occurritur per varias definitiones, & explicationes terminorum. Secundò: Quia licet non sit capax falsitatis complexæ, est tamen capax incomplexæ, quam diximus per se inesse in prima operatione. Et quidem, cum hæc falsitas ex apprehensione obiecti compositi oriatur; Logica tradit debitos modos, vnum sub alio, vel vnum cum alio aptè apprehendendi, nempe si alterum alteri non repugnet sed conueniat, ad quod faciunt regulæ oppositionum. faciunt etiam regulæ de terminis pertinentibus, quorum vnus alterum infert, vel tollit, & aliæ regulæ Logicæ de subordinatione terminorum. Sic in definitione aptè apprehenditur genus cum differentia vel proprio, idque per regulas generis & differentię: Non rectè verò apprehenditur animal non sensitium, quia vnum repugnat alteri. Et quamuis hæc repugnantia possit ostendi Physicè, tamen in Logica ostenditur Logicè per regulas Logicas. Quare qui negant primam operationem directione egerè ob falsitatem, exponendi sunt quod ista non sit sola causa propter quam operatio directione indigeat, sunt enim alij etiam defectus: at si negant vnā ex causis esse falsitatem, quæ vitari possit, vel debeat in apprehensione

Gg

ne

ne per regulas Logicæ, non sunt admittendi: Magnum enim vitium apprehensionis est, falsò & difformiter res apprehendere, quod vitium Logica tollit, vt dictum est, docendo qui termini, & quomodo secum iungi possint, qui non. Ex qua doctrina non solum secundæ operatio dirigitur in affirmatione & negatione, sed etiam prima in debita, & conformi rebus apprehensione.

QVÆSTIO VI.

An in prima operatione sit compositio.

PRima operatio dicitur simplex apprehensio ad excludendam compositionem. Quæ autem sit compositio quam excludit prima operatio explicandum est. Duplex igitur compositio considerari potest; altera ex parte actus quæ fit per affirmationem vel negationem: affirmatio enim est compositio rei cum re, facta ab intellectu, negatio est diuisio rei à re, ita vt idcirco Aristoteles secundam operationem, in qua est affirmatio & negatio vocauerit compositionem & diuisionem, Altera est ex parte obiecti, cum obiectum compositum ex multis cognoscitur: vt cum plura simul cognoscuntur tanquam coniuncta, siue vnum sub alio, siue in alio siue cum alio, vt subiectum cum accidente, vel etiam cum ipsa coniunctio apprehenditur.

*Compositio ex
parte actus non
est in 1. oper.*

Dico igitur primò. Compositio ex parte actus, quæ fit per affirmationem vel negationem non est in prima operatione intellectus. Ratio est; Quia prima operatio

tio est nuda apprehensio, apprehensio autem nihil affirmat aut negat, ita ut etiam ipsam affirmationem & negationem possit apprehendere intellectus sine vlla affirmatione & negatione: Ergo in prima operatione non est compositio per affirmationem & negationem. Deinde affirmatio & negatio est essentia secundæ operationis: cum ergo prima operatio distinguatur essentialiter à secunda, sequitur non habere vllam in se affirmationem aut negationem.

Quod si obieciēs: non omnem apprehensionem esse simplicem ex parte actus; nam cum plura simul apprehendimus concurrūt ad eam apprehensionem plures conceptus vniti, sicut cum plures res videmus simul per plures species distinctas, habemus vnā visionem conflaram ex multis quasi partialibus visionibus. Respondeo, apprehensionem dici actum simplicem quia non fit modo compositiuo, neque enim apprehendere est componere vnum cum alio, sed solum rem percipere siue ea sit simplex, siue composita: aggregatio verò plurium conceptuum in vnum, non facit compositionem substantialem, neque vnum actum quoad substantiam, sed tantum dicit existentiam plurium actuum simul.

Dico secundò. Compositio ex parte obiecti potest inueniri in prima operatione. Ratio est: Quia non solum res simplices apprehendimus, sed & compositas: Nam & ipsam compositionē per modū obiecti apprehendere possumus, & propositionem integrā, atque etiā integrum syllogismum representando illum menti per modum simplicis intuitus. Idcirco autem res compositas simplici ratione apprehendere dicimur, quia nihil de illis affirmamus aut negamus: compositio enim intellectualis fit affirmatione aut negatione.

Gg 2 icium

Compositio obiecti in prima potest esse in 1. oper.

iectum dupliciter dici potest compositum, primò realiter cum ex rebus diuersis constat: secundo in ordine ad intellectum, cum vna res substat pluribus conceptibus: Nam rem alioqui simplicem & in se indiuisam possumus pluribus conceptibus inadæquatis apprehendere. Vt cum hominem apprehendimus per conceptum animalis, & rationalis coniunctos, quod ex imperfecto modo nostro concipiendi prouenit; quia si rem simplicem pleno & adæquato conceptu conciperemus, vnum tantum de illa formaremus conceptum: at quia rem vnā inadæquatè concipimus, hinc est vt plures debeamus formare conceptus, vt ea planè & adæquatè cognoscamus, resque illa vt substat pluribus conceptibus plurium rationem habet, estque quodammodo virtute multiplex, quia multa in se continet quæ plurius conceptuum materia esse possunt.

Dices talem apprehensionem esse falsam, quia non est conformis rei; res enim in se non est composita & tamen compositè ab intellectu apprehenditur. Respondeo non esse falsam, quia etsi res in se sit simplex, in ordine tamen ad intellectum, hoc est, vt substat conceptibus intellectus est composita; quia est apta pluribus inadæquatis conceptibus concipi: quare hoc modo apprehensio erit conformis rei, non vt res est, sed vt conceptibilis est diuersis conceptibus cum fundamēto in re. Sed obiicies. Intellectus apprehendendo compositionem in obiecto, format in se compositionem illam: Ergo componit: Nam facere compositionē quid aliud est quàm componere? Respondeo intellectum apprehendendo formare in se solum idolum quoddam & imaginem illius compositionis obiecti, hoc autem solum

solum est facere compositionem in actu signato, non in actu exercito: Nam facere formam, & representationem compositionis, non est componere in actu exercito, quia non est tribuere vnum alteri; deinde apprehendere compositionem est solum percipere compositionem quasi factam non autem facere, sicut apprehendere affirmationem non est facere.

Quod si quæras, an cum composita ab intellectu apprehenduntur apprehendantur vno simplici conceptu, vel pluribus simul coniunctis. Respondeo non vno sed pluribus; quia quæ per diuersas species apprehenduntur diuersis quoque conceptibus apprehenduntur, species enim sunt principia effectiua conceptuum & diuersæ species diuersos efficient conceptus: atqui cum plura simul apprehenduntur, singula habent suas proprias & distinctas species in intellectu: Ergo necesse est ut plures conceptus apprehendantur.

*Intellectus vno
conceptu an plu-
ribus apprehen-
das composita?*

QVÆSTIO VII.

An abstractio sit actus primæ operationis intellectus.

Abstractio est separatio quædam vnius ab altero, quæ cum mente fit dicitur abstractio intellectus: Porro nihil abstrahitur ab altero, nisi quod fuit ante illi coniunctum; non enim ea separantur à se quæ nunquam fuerunt coniuncta: hinc Petrus non dicitur abstrahi à Paulo licet consideretur sine Paulo, quia non fuit vnquam coniunctus Paulo. Fit autem abstractio per cognitionem, qua cognoscitur vnum non cognito alio. Ex quo patet abstractionem formaliter esse actum primæ operationis intellectus. Ratio est, quia sic sim-

*Abstractio est
actus primæ
operationis.*

plici apprehensione, sine vlla affirmatione & negatione: nam cum consideratur vnum non considerato alio, dicitur abstrahi ab illo: considerari autem vnum sine alio potest per simplicem apprehensionem vnius sine alio, absq; vlla affirmatione & negatione. Vnde est illud axioma receptum apud Philosophos abstrahetium non est mendacium: Vbi enim nulla est affirmatio & negatio, ibi nullum est mendacium. Ex quo patet abstractionem distingui à negatione quæ fit in secunda operatione intellectus: Nam sicut aliud est non includere aliud excludere, ita aliud abstrahere aliud negare: abstrahendo enim solum non includimus aliud, negando verò excludimus positivè.

*Abstractio an
& quomodo
conformis rei?*

At inquires. Abstractionem non esse conformem rei, res enim inter se coniunctæ à parte rei per abstractionem seiunguntur. Respondeo; ea quæ sunt in re coniuncta possunt in conceptibus non esse coniuncta, si vnum non includatur in conceptu alterius, & vnum concipiatur non concepto altero: sic in re animal & rationale sunt vnum & idem, vna realis essentia, in conceptibus tamen sunt distincta, quare abstractio est conformis rei, non secundum modum quo existit à parte rei, sed secundum modum quo se habet ad intellectum. Ad hæc negatio quæ est in abstractione est non consideratio, seu negatio considerationis: illa verò quæ est in secunda operatione est negatio rei.

Quod si quæras an id quod abstrahitur ab alio possit de illo cum veritate negari; talis enim negatio videtur nullo modo esse conformis rei, quia dicere ea quæ sunt in re coniuncta, non esse coniuncta est dicere falsum. Nihilominus dico dupliciter aliquid posse negari de

ridere, vel vt res illa existit à parterei, vel vt substantiali conceptui intellectus. Primo modo negare de re quod est in re est falsum, secundo verò modo potest esse verum: quia licet illud in re existat non tamen existit in re vt sic vel sic concepta: Nam eadem res vt est concepta vno conceptu, non est illa ipsa vt concipitur alio conceptu. Sic in Deo intellectus & voluntas sunt idem, & si conciperemus ista adæquatè, vt sunt in Deo, non possemus negare intellectum de voluntate, sed conciperemus intellectum esse voluntatem, at quia inadæquatè ista concipimus, nempe intellectum tantum sub ratione intellectus, & voluntatem sub ratione voluntatis, idè negamus intellectum sic conceptum à nobis esse voluntatem, cum in conceptu intellectus, non includatur conceptus voluntatis. Idem dicendū est de conceptu animalis, & rationalis, qui secundum rem sunt idem, mente tantum distinguuntur. Vnde & secundum rem verum est, animal esse idem quod rationale: & secundum conceptum negari potest esse idem, quia alius est conceptus animalis, alius hominis, & vnus conceptus in alio non includitur.

Ex quo patet, fundamentum, abstractionis, partim esse in re, partim in intellectu: In re est distinctio duorum coniunctorum vel actualis vel virtualis; Actualis vt cum accidens abstrahimus à subiecto, à quo re ipsa distinguitur; virtualis vt cum animalitatem in homine abstrahimus à rationalitate, quæ licet in homine sint vnum & idem actu, virtualiter tamen & in potentia distinguuntur, cuius signum est, quod in aliis rebus vnum inuenitur sine alio; animalitas enim in boue inuenitur sine rationalitate: In intellectu autem, fundamentum abstractionis est inadæquata

*Fundamentum
abstractionis
partim in re
partim in intellectu.*

æquata rei conceptio; quia intellectus ob suam imperfectionem, non format statim plenum & adæquatum conceptum de re. formando autem conceptum inadæquatum, cognoscit rem sub vna tantum ratione non sub altera, & sic dicitur vnā rem abstrahere ab altera. Porro sicut sunt variz coniunctiones rerum, ita & modi abstractionum varii: aliquid enim abstrahitur ab altero, vel vt accidens à subiecto vt cū albedo abstrahitur à pariete, & secundum se consideratur non considerato pariete, vel vt forma ab eo cuius est forma; vel vt vniuersale à singulari, vel vt accidens ab alio accidente cui est coniunctum, vnde albedo in pomo abstrahitur à sapore; vel vt id quo est ab eo quod est, sic humanitas abstrahitur ab homine, albedo ab albo, homo enim est humanitate, album albedine. Ad hoc autem vt aliquid ab altero abstrahi possit, sufficit distinctio illorum secundum conceptum confusum aut distinctum, quomodo & definitum à definitione explicitè concepta, & res à sua differentia explicitè concepta abstrahi potest. Quot enim res concipimus quarum differentiam explicitam ignoramus?

QVÆSTIO VIII.

An possit aliquid abstrahere à contradictoriis.

Nihil potest in re abstrahere à contradictoriis.

Dico primo in re nihil potest abstrahere à contradictoriis; quia in re non potest esse nisi coniunctū alteri contradictoriōrū; de qualibet enim re necesse est alterum contradictorium affirmari vel negari. Estq; hoc primum principium lumine naturali notum, quod si negetur tollentur omnes scientiæ, quia omnīū scientiarum

tarum principia per hoc principium probantur, Quodlibet est vel non est, ita vt tam impossibile sit rem esse simul & non esse, quàm impossibile est vt neq; sit neq; nō sit, sed necesse est vt vel sit vel non sit.

Dico secundo. Intellectus in sua cognitione potest ^{In cognitione} abstrahere ab vtroq; contradictoriis. Ratio est: Quia ^{potest.} potest intellectus cognoscere aliquod obiectū neutrum contradictoriorum, in illo formaliter & expresse considerando, licet verè in re alterum contradictorium illi conueniat. Ergo in tali consideratione abstrahet formaliter ab vtroq; contradictorio quia neutrum considerabit: Vt cū considerat hominem præcisè vt homo est non considerat illum vt album, neq; vt non album, licet in re homo ille consideratus necessariò sit albus, vel non albus..

Dices ergo de eadem cognitione negabuntur duo ^{Lex Contradictoriorum.} cōtradiçtoria, quod est contra legem contradictoriorū. Respondeo legem contradictoriorū esse, vt quoad existentiam non possint contradictoria de eodem simul affirmari & negari, non verò quoad considerationē, quod non possint simul considerari, aut simul nō considerari: Manifestum enim est posse simul ab intellectu considerari duo contradictoria, & posse simul non considerari, licet quoad rem & existentiam necesse est in id quod consideratur ab intellectu alterum contradictoriorum cadere. Verbigratia, hominem consideratū ab intellectu necesse est vel esse album vel non album licet neutrum ab intellectu in homine consideretur. Quod etiā ex eo patet, quod & si esse album & nō esse album sint contradictoria, tamen considerari vt album, & considerari vt non album non sunt contradictoria, sed diuersa & quæ simul stare possunt; nam quæ sunt contradictoria habēt

H h

fe.

se ut affirmatio & negatio; at considerare album & considerare non album non se habet ut affirmatio & negatio, quia utrumq; est affirmatio: Ergo ista non sunt contradictoria: Essent autem contradictoria considerare album & non considerare album, quia tunc haberent se ut affirmatio & negatio. Summa ergo rei est; quia hæc abstractio fit per non considerationem, intellectus autem potest neutrum contradictoriorum considerare, potest ergo in illa cognitione abstrahere ab utroq; contradictorio.

QVÆSTIO IX.

An abstracta possint prædicari de iis à quibus abstrahuntur.

Ratio dubitandi est. Quia abstractio est negatio quedam unius de altero; prædicatio autem fit per conjunctionem unius cum altero: Ergo abstractio videtur tolli per prædicationem. Nam si dicas abstractionem fieri non per veram negationem, sed solum per non considerationem. Esto, at omnis prædicatio fit per considerationem unius cum altero, prædicatum enim consideratur in subiecto, & subiectum sub prædicato. Ex altera autem parte certum est uniuersalia verè prædicari de particularibus ut genus de specie & individuo: uniuersalia autem sunt abstracta; ergo abstracta verè prædicantur de iis à quibus abstrahuntur.

Abstracta triplia.

Pro resolutione notandum est. Abstracta esse triplia. Quædam sunt quæ nullo modo in sua significatione inuoluunt ea à quibus abstrahuntur, ut cum albedo abstrahitur à pariete, albedo nullo modo inuoluit parietem:

rietem : Alia sunt quæ inuoluunt ea à quibus abstrahuntur, quoad rem significatam non quoad modum significandi, vt albedo respectu albi, & omnia abstracta respectu suorum concretorum; idem enim significant abstractū & concretum, albedo & album, sed non eodē modo; nam abstractum per modum formæ, concretū per modum per se stantis. Deniq; alia sunt quæ inuoluunt ea à quibus abstrahuntur, tam quoad rem significatam, quam quoad modum significandi, vt homo respectu Petri, & vniuersale respectu singularis: homo enim in confuso significat quemcunq; hominem singularem, & vniuersale omnia sua inferiora.

Dico igitur primò. Abstracta prioris generis non prædicantur vllō modo de iis à quibus abstrahuntur, Albedo verbi gratia de pariete: non enim rectè dicitur paries est albedo. Ratio est: quia omnis prædicatio fundatur in aliqua identitate prædicati cum subiecto, siue materiali siue formali: In omni enim prædicato dicitur hoc esse hoc, hoc autem nihil aliud est, quàm subiectum esse idem cum eo quod significatur per prædicatum. Cùm igitur abstracta primi generis, non sint idem cum iis à quibus abstrahuntur, non possunt de iis prædicari.

Abstracta quæ in sua significatione nullo modo inuoluunt ea à quibus abstrahuntur nō prædicantur de illis.

Dico secundò. Abstracta secundi generis simpliciter, & absolutè non prædicantur de suis concretis, cum hæc sit falsa prædicatio; Homo est humanitas; Album est albedo. Pro quo notandum est; quod cùm prædicatio fundetur in identitate prædicati & subiecti, talia autem abstracta quoad rem significatam sunt eadem cum concretis, quia idem significatur nomine abstracto & concreto, videtur propter hanc identitatem vera esse prædicatio abstracti de concreto, licet sit inde-

Abstracta quæ quoad modum significandi nō inuoluunt ea à quibus abstrahuntur nō prædicantur de illis.

bita, quia modus significandi prædicati non congruit subiecto; nam subiectum significat illam rem per modum per se stantis & ut Quod, prædicatum verò per modum formæ & ut Quo. necesse est autem prædicatum convenire cum subiecto in modo communi essendi ut sit proportio. Et ita sentit Durand. in 1. distinct. 24. q. ultima.

Oppositum tamé sentit Ruuius in q. 5. Proœmiali: Primò, quia pars in abstracto non prædicatur de toto, non enim dicimus, Homo est manus aut caput; At abstractum significat per modum partis, concretum per modum totius; abstractum enim est pars quædam concreti: Ergo non potest prædicari de concreto, neq; sufficientidentitas utriusq;: Nam & pars est eadem cum toto & tamen non prædicatur de toto. Secundo ad hoc ut vnum non sit aliud sufficit ut modus essendi vnius sit oppositus modo essendi alterius: nam ratione horum modorum ita sibi opponuntur ut vnum non possit dici aliud. At concretum & abstractum habent modos essendi oppositos, concretum quidem modum per se stantis ut Quod: abstractum verò modum formæ efficientis & ut Quo. Ergo abstractum non potest dici de concreto, nec vnum potest esse aliud.

Dices hos modos essendi esse accidentales, eadem enim natura nunc abstractè nunc concretè concipi potest. Accidentalia autém non mutant essentiam prædicationis. Respódeo, hos modos esse quidém accidentarios naturæ in genere rei, at in ordine prædicationum esse essentielles. Patet id manifestè. Nam eadem res si sumatur per modum partis & in abstracto non potest prædicari de toto, non enim dicimus homo est manus: si verò concipiatur per modum totius & in concreto potest

est prædicari: dicimus enim hominem esse manuatum seu habentem manum. Et ratio est. Quia prædicatum sub eo modo essendi debet concipi sub quo conuenit subiecto: at sub esse abstracto non conuenit subiecto, sed sub esse concreto, nõ enim manus abstracta conuenit homini sed coniuncta. manus autem homini coniuncta denominat hominem manuatum seu habentem manum quæ denominatio est concreta. Eadem ex causa non dicimus homo est albedo sed albus. Quare pari ratione nõ poterit dici homo est humanitas, vel album est albedo. Dices præterea non esse necesse prædicatũ conuenire cum subiecto in modo essendi, nam subiectũ potest esse substantia Prædicatum accidens; accidens autem & substantia habent diuersos modos essendi. Respondeo. Non omnes modos essendi diuersos repugnare prædicationi sicut repugnat modus essendi abstractus & concretus ob rationem dictam quia abstractio facit prædicatum esse per modum partis, partem autem prædicari de toto repugnat.

Dico tertio. Abstracta tertij generis verè prædicari de iis à quibus abstrahuntur. sic definitio prædicatur de definito & vniuersale de suis inferioribus. Probatur primo. quia etiam pars sumpta in concreto & per modum totius prædicatur de toto: cum ergo hæc abstracta sint etiam concreta, superiora enim à concretis inferioribus abstrahuntur per modum concretorum; poterunt ipsa quoque prædicari. Secundo. quia in tali prædicatione est identitas prædicati cum subiecto, & modus essendi prædicati conueniens subiecto, quia prædicatum non nisi in concreto sumptum conuenit subiecto vti dictum est. Ergo est bona prædicatio. Tertio. quia hæc prædicatio est eiusdem de seipso secundum ra-

tionem superiorem & inferiorem concepto. Quod verò in ratione dubitandi obiciebatur abstractionem opponi prædicationi id non obstat. Nam etiam cæcitas opponitur visioni, vita morti, diuisio indiuisiōi & tamen ista oppositio non impedit prædicationem. Rectè enim dicimus cæcum fieri videntem & videre. mortuū vivere, indiuisum diuidi. Similiter ergo rectè dicimus abstractum prædicari. quia abstractum assumitur ad prædicationem. Verū sicut cæcus eo ipso quod videt definit esse cæcus & mortuus eo quod viuit definit esse mortuus, & indiuisum eo ipso quod diuiditur, definit esse indiuisum: ita abstractum eo ipso quod per prædicationem coniungitur subiecto definit esse abstractum, siquidem per abiunctionem à subiecto abstractum efficitur abstractū, coniunctio autem cum subiecto est contraria abiunctioni. Et ita tenet Scotus q. 9. & 12. in Porphyrium asserens per prædicationem tolli rationem vniuersalis. quia vbi est coniunctio cum singularibus nō habet locum abstractio. at in prædicatione sic coniunctio naturæ cum singulari, ergo in tali prædicatione non habet locum abstractio, sed natura, eo ipso quod per prædicationem coniungitur subiectis definit esse abstracta & sic coniuncta.

Oppositum tenent Conimbricenses, in præfationem Porphyrij q. 6. a. 4. nempe. Naturam posse prædicari de suo singulari, salua sua præcisione & abstractione intrinseca. Nam illa coniunctio quæ fit per prædicationem aduenit naturæ extrinsecè, nec tollit ipsius intrinsecam abstractionem quam habet ex intrinseca ratione conceptus, quo repræsentatur sine omni singularitate. Quod ita explicant. Formæ inquit intellectus conceptum naturæ humanæ præcisæ ab omnibus infc-

inferioribus, deinde efficiat alium conceptum Petri: nemo dubitat posse intellectum adiuncta copula prædicare naturā sic conceptā de Petro: in qua prædicatione sicut manet eadem representatio conceptus, ita & eadem abstractio. Non enim per illum conceptum representatur natura ut coniuncta, sed ut abstracta. Idque verū est siue isti conceptus sint re distincti, siue ratione.

Verū ista non vrgent. Nam illa coniunctio per affirmationem licet conueniat naturæ extrinsecè; tamen tollit ab ea abstractionem, & facit ut non sit abstracta à singularibus sed coniuncta. Quod declaro primum exemplo simili. Nam licet paries v.g. ex sua intrinseca & essentiali ratione non sit albus: & nisi illi extrinsecus adueniret albedo nunquam esset albus, tamen cum illi aduenit albedo extrinsecus, verè efficitur albus, & non manet non albus. licet ex sua intrinseca ratione non sit albus. Ut enim aliquid non sit album, debet nullo modo siue intrinsecè siue extrinsecè coniungi albedini, & illud non esse album tollitur æquè per extrinsecam coniunctionem albedinis, sicut si ab intrinseco proveniret. Pari ergo ratione licet natura ex vi illi⁹ conceptus quo concipiebatur secundum se absque singularibus: non sit coniuncta singularibus: tamen ex vi alterius conceptus quo affirmatur de Petro, efficitur. verè coniuncta singulari, & perdit illud non esse coniunctū seu esse abstractū. Secundo ratione. Quia licet prim⁹ cōceptus ille si solitariè sumatur, representet naturā abstractā quia nō representat ut coniunctā; tamē adiuncto secundo cōceptu affirmāte, efficitur vna cōpleta representatio naturæ, ut cōiunctæ singulari, ita ut q, nō representabatur in primo cōceptu representetur in secūdo. Nā p primū representatur natura ut natura, hoc est quoad sua essen-

essentialia: per secundum verò coniunctio naturæ cum singulari. Et quia utraque representatio in eandem naturam cadit ideo natura illa simpliciter habet esse coniunctum non abstractum.

Confirmatur. Quia natura erat abstracta per non representationem singularium. cum igitur accedit representatio coniunctionis cum singularibus non poterit dici amplius abstracta. Nam si dicas manere adhuc id, quod natura ex vi primi conceptus non sit coniuncta, ac proinde abstracta. Respondeo. Non sufficere id ad hoc ut dicatur simpliciter abstracta seu non coniuncta. Nam est simpliciter coniuncta, licet ea coniunctio non sit vi primi illius conceptus sed secundi. Sicut paries simpliciter est albus & nullo modo non albus licet non extrinseca ratione sit albus. Nam cum dicitur paries ex ratione intrinseca parietis, non esse albus, non negatur albedo sed modus habendi albedinem ab intrinseco. quocirca per albedinem extrinsecam aduenientem tollitur omnis negatio albedinis, solumque relinquitur negatio modi habendi albedinem ab intrinseco. Ita & hic per coniunctionem aduenientem tollitur omnis negatio coniunctionis & solum relinquitur negatio modi habendi illam coniunctionem ab intrinseco, & sic tollitur abstractio quæ in negatione coniunctionis naturæ cum singulari est posita.

Dices. Primum conceptum naturæ non mutari quoad representationem. Cum enim representatio in conceptu sequatur ad essentiam ipsius (sua siquidem essentia representat) non posset mutari in representando, nisi mutaretur in essentia. Cum igitur non mutetur in essentia, sed idem numero perseverat ante & post prædicationem, sequitur quod nec mutetur quoad

ad

ad repræsentationem. Sicut igitur ante repræsentabat naturam abstractam ita & in prædicatione. Respondeo. Repræsentationem conceptus esse duplicem; positivam & negativam. Positivè conceptus repræsentat naturam sub ratione naturæ quia est naturæ similitudo & imago. Negativè verò repræsentat abstractionem, non repræsentando singularia. Prior ergo repræsentatio mutari non potest nisi mutetur essentia conceptus: posterior verò potest mutari salva essentia conceptus. Quia enim oritur ex non repræsentatione singularium: ideo tollitur accedente repræsentatione singularium: & sic idem conceptus ex abstracto, fit non abstractus, sed coniunctus.

Sed instabis. inde sequi vniuersale formaliter acceptum non prædicari. quia in prædicatione desinit esse vniuersale. Respondeo. Dupliciter aliquid prædicari potest. Primo. In sensu composito, quando manens tale, prædicatur; & sic vniuersale quoad naturam prædicatur. quia manet quoad naturam & essentialia omnia nec natura tollitur per prædicationem, sed & ponitur & affirmatur. Secundo. In sensu diuiso. Quando ante prædicationem fuit tale, per prædicationem verò desinit esse tale, v. g. cum dico; id quod diuiditur in partes est hæc numero quantitas. non manet eadem numero quantitas cum diuiditur, dicitur tamē eadem numero quātitas diuidi, quia illa numero quantitas fuit assumpta ad diuisionē. Et sic vniuersale prædicatur, quāuis per prædicationem desinit esse vniuersale.

Est & aliud argumentum Scoti pro hac doctrina eiusmodi, quod vniuersalitas non conuenit naturæ nisi in suppositione simplici. In prædicatione autem est suppositio absoluta vel personalis. Ergo in prædi-

li

catio-

dicatione non conuenit naturæ vniuersalitas ac proinde nec abstractio.

Respondent Conimbricenses. Non solum in suppositione simplici, sed etiam in suppositione absoluta & personali conuenire vniuersalitatē, dummodo inquit sit representatio præcisa.

At fateor me nō capere, quomodo id sit verū. Nam vniuersalitas ita conuenit naturæ vt non possit conuenire inferiorib. ipsius seu singularibus. Nō enim si homo sit vniuersalis inferiora quoque hominis nempe Petrus & Pauluserunt vniuersalia. Quare in tali statu necessario conuenit naturæ vniuersalitas, vt excludantur omninō inferiora, quod est conuenire in suppositione simplici. Nam in suppositione personali non excluduntur inferiora sed includuntur. Terminus enim tunc supponit personaliter cum supponit pro suo mediato significato, hoc est, pro suis inferioribus. Ex quo manifestum est argumentum Scoti validum esse, nec illa solutione infirmari.

Porro necessariam esse abstractionem ad prædicationem ex eo ostenditur: quia alioqui prædicationes esset identica. Animal enim in re idem omnino est quod homo, & quod rationale; quare nisi per rationem abstraheretur ab homine & rationali, idem significaret quod homo & prædicaretur de seipso.



Q V Æ S T I O X.

An abstracta superiora de abstractis inferioribus prædicari possint.

S Vpponendum est abstracta superiora siue generica siue specifica esse vel substantiarum vel accidentium & de vtrisque est difficultas. v. g. An hæc sit vera: humanitas, est animalitas; albedo est color.

Quod attinet ad abstracta substantiarum, negat hoc loco Ruuius, posse prædicari. Caietan. de Ente & essentia. Ferrar. primo contragentes cap. 18.

Fundamentū est quia talia abstracta sunt & significantur per modum partis, pars autē de parte non prædicatur vt caput de pede. Nam quod concreta generica de speciebus prædicantur id inde prouenit quia significantur per modum totius, & vnum in suo significato complectitur aliud. Et licet animal, verbi gratia, quoad id quod expressè significat sit pars hominis, tamen non significat illud per modum partis, sed per modum totius per se stantis ratione cuius modi significandi complectitur hominem in potentia & inconfuso. Animalitas verò significat per modum partis, & ideo de altera parte, hoc est, de humanitate non potest prædicari. Vnde inferunt animalitatem non esse genus respectu humanitatis, sed partem & principiū Quo generis, nec humanitatē esse speciē animalitatis, sed partē & principiū Quo speciei. De ratione

li 2

enim

enim generis est ut significet per modum totius non per modum partis alioqui non complecteretur in suo significato speciem, nec ex consequenti de ea prædicari poterit. Confirmatur; quia ideo abstracta non prædicantur de concretis licet illis identificantur quia sunt partes & per modum partis significantur. Ergo & ob eandem rationem non prædicantur de abstractis inferioribus; quia pars nec de toto nec de parte prædicari potest.

Sententia Auctorum.

Hæc sententia vera est. oppositum tamen sentit Sotus qui inquit ad prædicationem sufficere identitatem prædicati cum subiecto. Hic autem abstractum superius est idem cum abstracto inferiori cum sit de essentia ipsius. Verum hæc ratio supra iam refutata est, tum quia nec pars de toto, nec pars de parte potest prædicari etsi habeant identitatem inter se. tum quia non satis est identitas in re, nisi etiam significetur voce. nam si non significetur parum facit ad prædicationem & omnino tantum quantum si non esset.

At obiici potest. Abstractum superius cum sit de essentia inferioris potest prædicari de illo, vel ergo prædicabitur in abstracto & sic habetur intentum vel in concreto & sic esset mala prædicatio. non enim concreta prædicantur de abstractis sicut nec abstracta de concretis ut patet inductione.

Respondeo. quod est de essentia alicuius, potest quidem prædicari de illo sed non quomodocunque. Nam animalitas est de essentia hominis & abstractum de essentia concreti, neque tamen potest prædicari de illo quamdiu significatur in abstracto. Ut igitur prædicetur debet modo conuenienti prædicationi significari hoc est in concreto, sic rectè dicitur homo est habens anima-

animalitatem; non autem homo est animalitas. Quia abstractum ut dictum est ineptum est ad prædicationem. Significat enim formam quasi abiunctam à subiecto & in se stantem, in qua significatione non inuoluit identitatem cum subiecto, quod ad prædicationem requiritur. Quocirca abstractum superius potest quidem essentialiter prædicari de abstracto inferiori sed non nisi significatum per modum concreti. v. g. dici potest humanitas est habens animalitatem, vel constat animalitate, non verò est animalitas.

Quando verò obiicitur concreta non posse prædicari de abstractis. Respondeo. Id esse verum quando abstracta non supponunt pro concretis. v. g. non dicimus humanitas est homo, vel albedo est album. At si abstractum supponat pro concreto potest prædicari de illo concretum tanquam de concreto, concreto inquã, non secundum vocem sed suppositionem. Sic rectè dicam albedo est habens albedineitatem licet nō possit dici ipsa albedineitas. Et humanitas est verè habens animalitatem licet non sit ipsa animalitas.

An Concreta possint prædicari de Abstractis.

Quod attinet ad abstracta accidentium, communis sententia est ea prædicari posse de abstractis inferioribus ut albedo est color. Rationem affert Ruuius quia formæ accidentales licet sint abstractæ physicè respectu subiecti, eo quòd concipiuntur per se sine subiecto: tamen sunt concreta quædam metaphysica respectu suorum abstractorum. Habent enim rationes superiores & inferiores respectu quarum sunt quædam tota & concreta. Et sic tanquam concreta, non tanquam abstracta prædicantur. Deinde ad prædicationem satis est, ut prædicatum contineat ex modo significandi subiectum saltem in potentia sic enim hoc erit hoc: At ab-

facta accidentium continent in potentia sua inferiora propter identitatem cum illis & communem modum significandi. Ergo ex eò verè quod abstracta accidentium prædicantur de suis inferioribus rectè inferitur abstracta quoq; substantialia posse & debere prædicari de suis inferioribus propter paritatem rationis.

QVÆSTIO XI.

An definitio sit in prima operatione intellectus.

Videtur enim definitio ad secundam operationem spectare, non enim potest sine affirmatione fieri. Nam definitio non habet rationem definitionis nisi coniungatur cum definito: Omnis enim definitio respectu definiti est definitio; ita ut si consideretur animal rationale in abstracto, non respectu hominis, non haberet rationem definitionis, quia nullius rei essentiam explicaret. Porro coniunctio definitionis cum definito non videtur posse fieri nisi per affirmationem. Quid enim est aliud affirmatio quàm coniunctio prædicati cum subiecto.

Dicendum tamen est definitionem per se ad primam operationem pertinere, & per accidens ad secundam, quia per simplicem apprehensionem potest considerari definitum sub sua definitione, sicut omne obiectum materiale potest considerari sub sua ratione formali, absq; vlla affirmatione per modum simplicis cuiusdam intuitus: quare per accidens est definitioni sic apprehensæ affirmari de definito, quia sine illa affirmatione habet suam essentiam per simplicem apprehensionem.

hensionem. Deinde definitio apprehensa est pura definitio, affirmata autem est simul definitio & propositio: unde sicut illi per accidens est esse propositionem, ita & affirmari.

QVÆSTIO XII.

An detur in prima operatione simplex iudicium.

Quidam recentiores affirmant; licet dicant illud esse imperfectum, virtuale, implicitum. Ita Suarius. 1. Metaph. disp. 8. sect. 4. Dandinus 3. de Anima digr. 31. videtur etiam Ruuii de vniuersalibus q. 6. in fine. Quanquam is vocat virtuale iudicium, quod est solum fundamentaliter iudicium, & potest fundare iudicium formale, in quo expressè dicitur ita esse vel non esse. Communis sententia est iudicium verè & propriè, & essentialiter non esse in apprehensione sed in compositione tantum & illatione. Quæ sententia est Aristotelis 1. Peribet. cap. 1. vbi in prima operatione & extra compositionem negat dici esse vel non esse rem, in qua ratio essentialis iudicii posita est. Aristotelem sequitur S. Thomas 1. p. q. 16. art. 2. & alii Peripatetici.

Dicendum igitur est in prima operatione non esse propriè & essentialiter iudicium simplex nisi Metaphoricè & similitudinariè. Probatur. Primò ex definitione iudicii. Quia ratio essentialis iudicii in hoc est posita, quod dicat ita esse vel non esse: atqui hoc non est in prima operatione seu in apprehensione. Ergo in prima operatione non est iudicium simplex. Maior patet ex defini-

definitione, & communi notione iudicii: Non enim tunc iudicamus quando apprehendimus id quod est, sed quando rem ita esse vel non esse dicimus, & hoc solo ablato aufertur ratio iudicii. Quare dicere iudicium esse aliquid aliud, est fingere nouam notionem iudicii, & non est uti nominib⁹ secundum impositam sibi significationem. Minor probatur. Quia in apprehensione, & si apprehendamus id quod est: non dicimus tamen rem esse vel nō esse, ut docet Aristoteles 1. cap. *Periher.* Hircocerus, inquit, nihil significat verum vel falsum, nisi addatur esse vel non esse. Ergo ex se hircocerus apprehensus non dicit esse vel non esse; & ex consequēti apprehensio hircocerui, non includit rationem formalem iudicii, quæ consistit in esse vel non esse. Deinde quia apprehensio est indifferens ad esse rei apprehensæ & non esse; apprehendimus enim non solum ea quæ sunt à parte rei ita ut apprehendantur, sed etiam ea quæ non sunt ita à parte rei, sicut ergo apprehensio abstrahit ab esse & non esse; ita etiam abstrahit à ratione formali iudicii, tam simplicis quàm compositi, tam expliciti quàm impliciti.

2. Secundo probatur ex absurdo: sequeretur enim nos non posse apprehendere propositionem falsam sine mendacio. Probatur: quia mendacium est quando id dicimus, cuius oppositum in mente credimus. Atqui cum apprehendimus rem falsam, semper habemus iudicium contrarium, quo credimus illud quod apprehendimus esse falsum: ergo in tali apprehensione mentimur. At hoc dici non potest. Cum enim apprehendimus Deum non esse nō dicimur mentiri, solum ex eo quod apprehendendo non dicimus ita esse vel non esse, & ex consequenti non iudicamus. Et sanè nullus unquam

quam sanæ mentis dixerit, me cum apprehendo Deum non esse, iudicare Deum non esse; alioqui ipsa apprehensione essem Hæreticus. Cur enim affirmando Deum non esse, sim Hæreticus, & in apprehensione iudicando Deum non esse, non sim Hæreticus? Si quidem utrobique iudico Deum non esse. Etenim affirmatio idè est Hæretica quia in ea iudico Deum non esse, ita ut si auferatur per impossibile, aut per imaginationem hoc iudicium ab affirmatione, illa affirmatio non esset Hæretica. Quocirca cum sit contra communem notionem de apprehensione quod contineat rationem iudicii, isti qui ita loquuntur, contra communem notionem & impositionem verbis utuntur, & fingunt novas impositiones nominum.

Tertiò si prima operatio diceret essentialiter iudicium, æquè esset veritas & falsitas in prima operatione sicut in secunda: Nam in secunda idè est veritas & falsitas, quia in ea inuenitur iudicium de re quod sit vel non sit ut patet ex 1. cap. Perihier. si ergo in prima quoque operatione reperiretur tale iudicium, quod res sit vel non sit, æquè in prima ac in secunda operatione esset veritas vel falsitas. Nam parum refert, quod hoc iudicium sit simplex, cum etiam in Angelis sit iudicium simplex, & tamen in eo per se est veritas æquè ut in nostro composito iudicio: Nam iudicium compositum non idè quia compositum, sed quia iudicium dicens, esse vel non esse, est verum vel falsum; alioqui si quia compositum esset verum, iudicium simplex in Angelo non esset verum. Quocirca siue per compositionem siue sine compositione fiat iudicium, dummodo dicat esse vel non esse semper erit per se verum aut falsum.

Kk

sum.

3.

sum. Hoc autem est contra doctrinam Aristotelis qui
1. Perihier. ex professo ostendit extra compositionem
non esse veritatem.

4.

Quartò, si in prima operatione esset iudicium sim-
plex, esset compositio virtualis licet non actualis hoc est
talis, tanta, quanta est in Angelo cuius iudicium æqui-
uale iudicio nostro composito: At hoc est absurdum:
Ergo. Maior patet: quia iudicium simplex sine compo-
sitione continet ea omnia, quæ iudicium compositum
continet cum compositione; & idè dicitur virtute &
æquiuale iudicio composito: Nam quod nos distinctis
conceptibus dicimus ita esse vel non esse, hoc in iudi-
cio simplici vno conceptu dicitur ita esse vel non esse:
si igitur apprehensio nostra est simplex iudicium, æqui-
ualeret iudicio composito, & contineret sine compo-
sitione totum id quod continet iudicium compositum.
Duo enim continet iudicium compositum: Alterum
est quod dicat ita esse vel non esse, quæ est ratio forma-
lis iudicii vt iudicium est: Alterum est modus ille com-
positiuius cum componendo dicitur ita esse vel nō esse:
In simplici ergo iudicio est primum in quo consistit es-
sentia iudicii (alioqui non esset essentialiter iudicium)
solum autem deest secundum, quod tamè ad essentiam
iudicii non spectat: virtute tamen est compositio, quia
continet in se omnia quæ possunt esse materia compo-
sitionis: eadem enim illa quæ simplici ratione iudican-
tur, composito quoq; modo iudicari possunt. Ex quo
etiam patet istud primæ apprehensionis iudicium fore
tale & tantum, quale & quantum est iudicium Angeli-
cum: quid enim illi ad essentiam iudicii deest? cum di-
cat rem ita esse vel non esse, quo plus nihil dicit suo iu-
dicio Angelus.

Quintò

Quintò sequetur iudiciū apprehensiuum esse perfectius iudicio compositiuo & illatiuo: quia quidquid perfectionis est iudicii, ad rationem iudicii spectans, hoc totum est in iudicio simplici, solum deest illi imperfectio illa compositiua. Vnde iudiciū simplex est perfectius composito: si ergo apprehensio est iudiciū simplex, sequitur quod sit perfectius in ratione iudicii iudicio compositiuo.

Respondent primo, iudiciū apprehensiuum esse imperfectum quid in genere iudicii. Contra, si iudicio apprehensiuo deest aliqua condicio essentialis iudicii, non erit imperfectum iudiciū, sed nullum iudiciū: sine essentia enim iudicii non potest esse iudiciū: neque enim vlla res est talis sine essentia tali, nec homo est homo essentialiter, nisi per essentiam hominis; nec aurum est essentialiter aurum nisi per essentiam auri: si verò habet totam essentiam iudicii, non est imperfectum iudiciū, sed perfectum essentialiter. Porro satis est ad argumentum ostendere omnem perfectionem essentialē iudicii inesse apprehensioni debere, si dici debet iudiciū essentialiter, & non tantum, similitudine quadam. Quanquam nec quæ conditio accidentalē iudicii desit apprehensioni, supposito quod essentia iudicii non desit, potest ab illis bene explicari.

Respondent secundo alii iudiciū apprehensiuum esse virtuale tantum quoddam iudiciū ac proinde imperfectum. Contra: Viruale dicitur dupliciter; vel quod opponitur actuali, & significat idem quod potentiale, quomodo semen laetitia dicitur virtute laetitia, id est potentia non actu; vel quod opponitur formali,

mali, quomodo anima rationalis est virtute sensitiva, & vegetativa, quia simplici ratione comprehendit totam perfectionem sensitivam & vegetativam, non sub illa formali limitatione & distinctione, quam habet sola vegetativa & sola sensitiva. Iam igitur peto quo sensu dicunt iudicium apprehensivum esse virtuale? An quia est iudicium solum in potentia? at hoc nec dicunt, nec dicere possunt: Ex ipsorum enim sententia, hoc simplex iudicium est actu iudicium & fit actu à potentia apprehensiva. Visus v. g. actu dicit album esse album. An quia est iudicium actu sed virtualiter nō formaliter? At peto in primis in quo constituunt istum actum formalem iudicii, ut opponitur virtuali? num in compositione? at hoc est dicere, iudicium apprehensivum esse virtute compositum, non virtute iudicium, quia ratione formali iudicii ut iudicium est non caret, sed solum caret ratione formali compositi iudicii: Ex hoc autem non sequitur esse iudicium imperfectum, sed perfectum: quia simplex in eodem genere perfectius est composito: siquidem quod compositum cum imperfectione continet, simplex continet sine imperfectione. Num dicent consistere in ratione formali iudicii ut iudicium est? At ex hoc sequeretur iudicium apprehensivum non esse essentialiter iudicium: quia ratio formalis iudicii est ratio essentialis iudicii; id ergo quod non habet in se rationem formalem iudicii non est essentialiter iudicium; solum igitur erit potentia iudicium: quia est potentia ad actum primum & ad rationem essentialem iudicii.

Continere virtute quid?

Deinde dupliciter dicitur aliquid virtute continere aliud: primò quoad essentiam, quia eandem essentiam alio modo eminentiori in se continet, quomodo

modo anima rationalis sensitiuam continet virtute: secundo quoad effectum, quatenus idem præstare potest quod res altera præstat. Sic sol continet calorem virtute, quia præstat idem quod calor: nam æquè calefacit sicut si esset calidus. Cum igitur dicunt iudicium apprehensiuum esse virtute iudicium, si intelligant priori modo; concedere debent esse perfectius iudicium, iudicio cōpositiuo: quod enim illo modo virtute cōtinet aliud est illo perfectius, quia & ipsum, & aliud quid continet; sic in prima causa Deo continentur virtute omnes res creatæ, & in causa æquiuoca continetur effectus. Si verò intelligant posteriori modo, etiam ex hoc capite deberet esse perfectius iudicium: quod enim hoc modo continet virtute aliud, semper est illo perfectius, quia non solum id præstare potest quod aliud, sed etiam id quod aliud præstare nō potest: sic lumen solis est perfectius calore, quia nō solum calefacit quod est propriū caloris, sed etiam illuminat quod calor præstare nō potest. Respondent tertiò iudicium apprehensiuum esse simplex quoddam iudicium ideoque imperfectum. At contra: Ostensum est simplicitatē non derogare perfectioni iudicij sed eam potius augere: quia id dicit sine imperfectione quod compositum dicit cum imperfectione; alioqui iudicium Angeli esset imperfectius nostro, quia illud est simplex nostrum compositum. Similiter cum dicunt implicitē esse iudicium, peto quid sit esse implicitum iudicium? si enim intelligunt non esse explicatum distinctis conceptibus: & tunc idem erit esse explicitum iudicium, quod esse compositum: sicut autem non esse compositum, non derogat quidquam perfectioni essentiali iudicij, ut patet in Angelo; ita nec esse implicitum: si verò implicitum intelligunt cōfusum, tunc cum cōfusio ex representatione oriatur, so-

*Simplicitas nō
derogat perfe-
ctioni iudicij.*

lum in representatione confusa erit confusum & implicitum; in representatione autem evidenti & clara, non erit confusum, ac proinde non implicitum, sed explicitum.

Obijciunt primò Apprehensionem tripliciter considerari posse: primò ut est representatio obiecti, sic dicitur apprehensio: secundò ut est adhesio obiecto, sic dicitur assensus. Tercio ut est cognitio obiecti representati, sic dicitur iudicium, quia cognoscendo iudicat intellectus esse tale quale cognoscit, estque hoc iudicium de essentia cognitionis ut cognitio est: Quanquam hæ tres considerationes non nisi ratione inter se distinguuntur.

Respondeo. falsum esse in omni apprehensione cognosci & iudicari obiectum esse tale quale representatur & apprehenditur ut probatum est tot argumentis; sed solum cognoscitur tale absque vlla assertionem quod sit tale, ac proinde non esse locum iudicio in apprehensione. Pro quo noto. Dupliciter potest cognosci obiectum esse tale: primò apprehendendo istam compositionem album esse album; & hoc esse potest in prima operatione, in qua compositio obiecti, sine compositione ex parte actus cognoscitur, quia scilicet per actum non tribuitur obiecto: Sicut enim apprehendere affirmationem non est affirmare, apprehendere illationem non est inferre: ita apprehendere affirmationem obiectum esse tale, non est iudicare esse tale.

*Iudicium sine
scientia esse non
potest.*

Quod vel ex eo patet, quia cum apprehendo astra esse paria, possum nescire esse paria, ergo non iudico esse paria, quia iudicium non potest esse sine scientia. Secundo potest cognosci obiectum esse tale,

iudic

iudicando seu tribuendo illi quod sit tale, siue id fiat per compositionem duorum conceptuum, vt sit in affirmatione, siue per vnum conceptum simplicem, vt sit in iudicio Angelico; Et tale iudicium non potest esse in prima operatione, in qua solum est simplex apprehensio obiecti talis, quæ stat simul cum ignorantia, quod res sit talis. Vt enim tale in nobis iudicium fiat, requirit reflexionem quandam, & compositionem conceptuum, sicut & in propositione identica, cum dicimus Petrum esse Petrum, non possumus tale iudicium formare nisi bis concipiendo Petrum, tam ex parte subiecti, quam ex parte prædicati.

Ex quo patet ad rationem iudicij non satis esse ex parte obiecti cognoscere rem ita esse, hoc enim est solum iudicium per modum obiecti apprehendere, non verò est exercere iudicium dicendo ita esse vel non esse; sicut nec habere affirmationem pro obiecto est exercere iudicium affirmatiuum: requiritur ergo vt ex parte actus dicatur ita esse vel non esse. Quod recte explicari ait Fonseca per modum indicationis dicendo Est ita: prius vero illud ait explicari per modum infinitiuium Esse ita. Cum enim apprehendo esse ita, apprehendo iudicium vel iudicij obiectum, non formo ipsum iudicium: at cum dico Est ita, formo ipsum iudicium. Porro parum refert, quod in apprehensione obiectum sit tale quale apprehenditur; nam hoc vel non cognoscitur per apprehensionem, vel si cognoscitur, cognoscitur simplici representatione sine iudicio.

Obii.

*In brutis non
est iudicium.*

Obiiciunt secundò, ouis cùm videt lupum, iudicat inimicum & ideo fugit: oculus etiam videndo album, iudicat esse album. Respondeo. ouem nullo modo iudicare lupum esse inimicum, sed solum apprehendere, ex qua apprehensione sequitur naturali instinctu, non ex determinatione iudicij fuga. sicut & cætera determinationes animalium non procedūt ex iudicio & penetratione obiecti, sed ex determinatione & instinctu naturali. Oculus nullo modo iudicat albū esse albū, sed tantum apprehendit & repræsentat illud, non progrediendo ad iudicium, quod sine compositione, & attributione vnius ad alterum esse non posset.

*Iudicij simili-
tudo in brutis.*

Obiiciunt tercio. Quemlibet sensum iudicare de suo obiecto & discernere illud ab alienis obiectis, visus v. g. de colore iudicat, & discernit eū à sono. Respondeo, istam discretionem fieri nō per iudicium sensus sed per apprehensionem: quia hoc non illud apprehendit: quanquam nos cùm sensibus vtimur, immiscemus nostrum iudicium rationis quod per accidens ad sensum pertinet. Dicitur etiam sensus iudicare, similitudine quadam iudicij: quia ita fertur in suum obiectum, ac si illud iudicaret esse tale, quo etiam modo dicimus hircines ita conficere suos nidulos, ac si iudicium haberent, cùm tamen certum sit eas iudicio & ratione carere, sed naturali impetu & determinatione facere quod faciunt.



DI-

DISPVATIO IV.

DE NATVRIS VNIVER-

SALIBVS.

*Uniuerſale in communi dicitur, vnum quid
reſpiciens multa: Vt enim particulare reſpe-
ctu vnius, ſic uniuerſale reſpectu multorum
dicitur. Duo igitur ad rationem uniuerſalis
requiruntur, unitas & reſpectus ad multa.
Si ſint ſolum multa, non erit uniuerſale, ſed
multitudo & collectio; ſi verò ſit aliquid v-
num, ſed non reſpiciat multa, erit particula-
re non uniuerſale. Cùm autem vari poſſint
eſſe hi reſpectus in variis rationibus fundati,
varia quoq; erũt uniuerſaliũ genera: Aliud
enim eſt uniuerſale in cauſando, quod vnum
cùm ſit, multa cauſare poteſt; aliud in repre-
ſentando, quod multa repreſentare poteſt; a-
liud in ſignificãdo; aliud in recipiẽdo. Id verò,
quod ad noſtrũ propoſitũ ſpectat, eſt uniuer-
ſale in eſſendo & in predicando. Hoc aut eſt,
natura vna apta eſſe in multis, & predicari*

*Ad uniuerſalis
rationẽ quid
requiratur.*

Ll

de

de multis. De hoc igitur vniuersali querimus, an detur, seu an dētur tales naturæ, quæ sint verè communes multis particularibus, ita ut existant in illis, & de illis prædicentur. Fuit autem semper celebris in Scholis hæc cōtrouersia, quæ inde ortū habuit. Obseruabāt enim Philosophi res in aliquo sibi esse similes, in alio dissimiles, & illud in quo sunt sibi similes, eadem ratione inueniri in omnibus. Hinc ergo querere cœperunt, an sint in reb. natura aliqua, cōmunes quæ eadē omnib. conueniāt: & in particulari, an hæ naturæ ipsæ extra singularia existant vel in singularibus, tū an per intellectum efficiantur vniuersales.

QVÆSTIO PRIMA.

*An dentur natura vniuersales extra singularia existentes, seu an dentur Idea
Platonica?*



Lato essentias rerum seu species per se existere docuit, easq; Ideas appellauit, q. essent veluti exemplaria naturarum particulariū. V. g. hominis essentiam in cōmuni aiebat per se existere, eamq; ἀνὴν ἀνθρώπου, hoc est, ipsissimum hominem appellabat; q. particulares homines non absolute homines, sed hi homines essēt. Porro statuebat has rerū essen-

essentias immutabiles, ingenerabiles, incorruptibiles, & ternas. Hanc sententiã Platonĩ tribuit passim Aristoteles, eamq; accuratè refellit. 1. Met. à tex. 25. & 7. Met. à tex. 44. & 1. Ethicorũ c. 6. Quamvis aut̃ D. Aug. lib. 83. Quæstionũ, q. 46. Plotinus, Iamblicus, Philoponus, Simplicius & alij Platonici nõ pauci censent Platonẽ posuisse Ideas rerum in mente Dei, non verò extra Deum existentes, falsoq; oppositũ ei ab Aristotele affingi; tamen maior est Aristotelis in hoc authoritas, quàm ut id in dubium reuocari possit. Nam & Platonem viginti annis docentem audiuit, & eius sensum omniũ optimè affectus est, & 1. Eth. c. 6. ingenuè fatetur se veritatis causa etiã amicos (Platonem intelligens) deserere: denique nimis impudens fuisset, si præceptorẽ suum in re grauissima & omnibus Platonis auditoribus nota, calumniari voluisset. Deinde ea sententia Platonis, manifestè perspicitur ex Dialogo quem Parmenidem inscripsit, vbi expressè docet Ideas non esse notiones, sed notionum obiecta, neque in animis existere, sed tanquam exemplaria in natura consistere. Accedit quod Plato tria posuit rerum æterna principia; Deum, Ideam, & materiam. At si Idea existeret in monte Dei, non esset distinctum ab ipso Deo principium. Denique id ex rationibus Platonis, quas Aristoteles locis citatis diligenter refellit, patet, quæ Ideas non in mente diuina, sed in re existentes supponunt.

Porrò duas potissimùm ob causas Ideas dicto modo posuit Plato; primò propter scientias; deinde propter generationes rerũ. Sic enim discurrebat, Scientia cum sit necessãria & immutabilis, debet habere obiectũ necessariũ & immutabile. Singularia aut̃ omnia cõtingentia sũt & mutabilia. Ergo extra singularia dari debet nature

*Quib. de causis
Plato finxit
Ideas.*

vniversales necessariae & immutabiles, vt de illis haberi possit scientia; alioqui de non ente esset scientia, quod absurdum est. Deinde sublati omnibus hominibus particularibus, adhuc de homine in communi datur scientia; est enim semper verum hominem esse animal rationale: Existit ergo homo in communi, de quo id verè affirmatur: siquidem ideò ita affirmatur: quia ita res habet. Præterea essentiae rerum sunt æternæ; semper enim erat verum dicere hominem esse animal rationale: atqui in singularibus non sunt æternæ, cum singularia generentur & corrumpantur: Ergo sunt æternæ extra singularia.

Simili ratione discurrebat de generationibus rerum. Necesse est, inquit, simile generari à simili: Atqui multa generantur à causis particularibus dissimilibus, vt quæ ex putri generantur: Necesse est igitur causam vniuersalem statuere, quæ suam similitudinem rebus generatis inprimat. Deinde videmus omnia singularia participare naturam vno eodemque modo: sicut igitur formæ ceræ impressæ, quia sunt vniformes, reducuntur in vnā formam sigilli à qua proueniunt: ita vniformitas naturarū singularium reducenda est in vnā naturam & Ideam communem, cuius participatione naturæ singulares vniformiter se habeant.

Opposita sententia est Aristotelis locis citatis, quem Peripatetici omnes sequuntur; species & essentias rerum non existere separatas, nec extra singularia: quocirca primo posteriorum textu 35. vocat Ideas *neglecta*, hoc est, præcentus cytharæ dorum inordinatos & dissonantes, vel vt alij exponunt monstra; Quæ sententia verissima est & tenenda.

Dico

Dico igitur primò Ideas Platonicas propter scientias nullo modo necessarias esse. Quia falsum est Ideas esse obiecta scientiarum. Nam in primis in cognoscendis rerum essentiis nullus expertus est se aliquam Ideam aut essentiam separatam respexisse; Concipiēdo enim hominem, non concipimus aliquid extra omnes homines existens, sed naturam hominis in hominibus existentem.

*Idea propter
scientiam non
sunt necessa-
ria.*

Quod si quis dicat, concipi hominem in communi abstractum à singularibus. Respondeo. Hominem in singularibus existentem posse sine singularitate cognosci, & hoc est esse abstractū à singularibus, cognosci non cognita singularitate: non igitur licet ex tali modo abstractè cognoscendi inferre id q. cognoscitur re ipsa separatū esse; sed solū mente & cogitatione separari. Deinde concipiēdo vniuersalia, concipimus essentias rerum: At essentiae rerum non possunt esse separatæ à rebus. Ergo nec vniuersalia: Nihil enim tam intimum rei est, ac sua essentia & nihil à re minus separari potest, quam ipsius essentia: est enim quælibet res idem quod sua essentia: idem autè à seipso separari impossibile est. Tertiò. Nulla est ratio, cur intellectus non possit concipere essentiam in singularibus existentem, an quia singularis est? at Ideæ quoq; singulares sunt: quia quicquid in mundo existit, singulare est, & hoc numero: An quia sensibilis? at quod ad intellectum nostrum attinet, plus eum iuvat singulare sensibile, quàm insensibile; intellectio enim nostra pender à sensu, & quæ sunt magis sensibilia, magis etiam ab intellectu percipiuntur; insensibilia verò eo ipso, quod insensibilia sunt, difficillimè intelliguntur.

*Homo in singu-
laribus existēs
potest cognosci
sine singulari-
tate.*

Quod si dicas Ideas esse necessarias, vt illis tanquam

Ll 3 exem-

*Intellectus no-
ster habet in se
species intelli-
gibiles acceptas
a sensibus.*

exemplaribus utatur intellectus ad concipiendas rerum essentias, id etiam dici non potest. Nam intellectus noster habet in se species intelligibiles acceptas à sensibus, quæ sunt veluti exemplaria rerum intelligendarum: hac enim solum de causa intellectus noster dependet à sensibus, ut ab illis species & imagines rerum intelligendarum accipiat: Si igitur haberet Ideas perfectissimas, quibus in cognoscendo uteretur, non esset opus ut à sensibus dependeret.

Deinde, Ideæ sunt exemplaria insensibilia, & quæ nullo sensu percipiuntur, natura verò intellectus nostri est, ut egeat exemplaribus sensibilibus, & nihil possit cognoscere, nisi quod prius fuerit in sensu: Ergo Ideas non potest cognoscere. Deniq; nullus vnquam expertus est in intelligenda re aliqua se conuersum fuisse ad aliquam Ideam per se existentem, sed potius in res sensibiles, ex quibus omnis nostra cognitio oritur. Deniq; si ita res se haberet; nunquam posset intellectus nisi verum cognoscere, quod Ideæ, quæ sunt verissimæ rerum formæ determinarent semper intellectum, ad cognoscendum verum, & impedirent à cognitione falsi: qui enim veri perfectissimam Ideam habet, eamq; intuetur, impossibile est ut aberraret à vero: atqui res ipsa loquitur nos in cognoscendis rebus & cœcutire & errare frequenter: Ergo signum est nos non uti Ideis.

*Obiectum sci-
entia quomodo
immutabile?*

Ad primam Platonis rationem Respondeo. Scientiam habere obiectum immutabile; verum non dici immutabile propter aliquam existentiam realem perpetuam in mundo; sed propter necessariam connexionem prædicati cum subiecto; ita ut quoties concipitur subiectum necesse sit concipi prædicatum: prædicata enim quæ scientia considerat, vel sunt essentialia, vel

ex

ex essentialibus profluentia; vtraque autem necesse est concipi si concipiatur subiectum. Ad hoc autem ut concipio subiecto concipiantur talia prædicata, non est necessaria realis eorum existentia: nam concipimus nihil esse nihil (eaq; propositio est sempiternæ veritatis) & tamen nihil non existit in rerum naturâ: concipimus etiam Hircoceruum esse ex Hirco & ceruo compositum, etiam si Hircocervus non existat.

Ad id verò quod dicitur de non ente non dari scientiam. Respondeo. Non requiri ad scientiam ut res actu existat, sed ut repræsentetur: Nam etiam si res nunquam actu existerent, si tamen sufficienter repræsentarentur in intellectu per species intelligibiles, ex perfecta earum repræsentatione in intellectu, sequetur perfecta earum cognitio. Illius verò propositionis, de non Ente non est scientia, duplex potest esse sensus: alter est, ut per non ens intelligatur falsum. Quomodo Aristoteles 1. Posterior. textu 5. dixit; Non ens non potest sciri, hoc est falsum & id quod rei non convenit sciri non potest: alter est ut intelligatur de non ente, quod non est verè ens, nec actu nec potentia: qualia sunt entia rationis & entia ficta ac impossibilia. Eiusmodi enim cum non habeant veram existentiam, nec veras proprietates, vere sibi convenientes, neque veras causas sciri perfectè non possunt, nisi scientia quadam Analogica & similitudinaria.

Ad secundam rationem Platonis, Respondeo, sublati omnibus hominibus, adhuc verum est, hominem esse animal rationale; non propter aliquam hominis in mundo existentiam, sed quia prædicatum continetur in subiecto, ita ut quodcumq; apprehendatur subiectum, necesse sit apprehendi & prædicatum, quod sine existentia in mundo existit, ut cum nihil dicimus esse nihil.

A ter.

*Essentia rerum
non sunt æter-
na quoad exi-
stentiam.*

Ad tertiam Respondeo. Essentias rerum esse quo-
ad existentiam æternas, falsum est, & in Philosophia,
& in fide: Nihil enim præter Deum æternum est, &
omnia in tempore creata sunt. Essentiæ etiam cum
ponantur abstractæ ab existentia, neq; ab æterno, ne-
que in tempore existere possunt: nihil enim existere
potest sine existēcia, sicut nihil dicitur album sine albe-
dine. Quod verò quidam dicunt essentias non in se
sed in suis causis æternas esse, hoc non est essentias esse
actu æternas sed potentia; siquidem in potentia suarum
causarum continentur & ab eis produci possunt. Quan-
quam hæc æternitas in causis, non solis essentiis rerum
conuenit, sed & omnibus omnino Entibus possibilibus,
tam necessariis, quàm contingentibus, nihilque cogi-
tari potest in mundo, quod hac ratione non sit æter-
num.

*Essentia rerum
quomodo æter-
na?*

Sunt igitur & dicuntur essentiæ rerum æternæ in
ordine solùm ad intellectum; qui potest semper de illis
formare propositiones, quas dicimus sempiternæ veri-
tatis. Porro harum propositionum fundamentum,
non est existentia sed continentia prædicati in subiecto,
ita ut in conceptu subiecti, contineatur prædicatum,
ut supra dictum est. Patet autem ad id non requiri ex-
istentiam realem; quia tales propositiones possunt etiã
fieri de iis quæ existere nō possunt; ut cū dicitur nihil
esse nihil, item de impossibilibus, ut cū dicitur Hirco-
ceruum esse ex Hirco & ceruo compositum; Hæ enim
propositiones sunt sempiternæ veritatis, licet sint de
rebus, quæ non existunt nec existere possunt.

*Idea non sunt
necessaria pro-
pter generatio-
nem.*

Dico secundò. Ideas Platonicas propter generatio-
nes rerum non esse necessarias: Ut enim rectè probat
Aristoteles 1. Metaph. textu 32. nullum agens agit ad
Ideas

Ideas respiciens: Nam si sic agens per intellectum, non agnoscit tales Ideas. Agens verò naturale, multo minus Ideis indiget, cum per naturam non per Ideas operetur. Si verò dicatur Ideas etiam non cognitās determinare agentia ad productionem suorum effectuum, id etiam gratis asseritur, cum agentia naturalia habeant naturales intrinsecas formas, ad quarum exemplar producūt suos effectus, vt leo habet in se formam leonis, ad cuius similitudinem generat leonem; non igitur Ideæ ad id sunt necessariæ. Quod si aliqui effectus à dissimili agente producantur; vt cum ex putri aliqua generantur; non idcirco ad Ideas necessariò recurrendum est. Tales enim effectus vel à causis secundis consecutiue ad inductionem sufficientium dispositionum generantur, vel si id excedat virtutem causarum secundarum, suppletur generatio à causa prima, quæ adest semper causis secundis, in his quæ facultatem naturalem causarum secundarum excedunt, vt patet in creatione animæ rationalis positis dispositionibus in corpore.

Deinde si ad generationes rerum concurrunt Ideæ, necesse est illas coniungi omnibus agentibus ad suas actiones: nam exemplar nisi sit vel cognitum vel realiter coniunctum agenti, non potest determinare agens ad producendum effectum. Cum igitur agentia sint vbique, necesse erit Ideas esse vbique, & quidem omnes; quia omne agens potest esse in quouis loco, nisi fortè vel agens querere debeat Ideam, vel idea debeat accurrere ad agens, cum inducitionem; unde Idea verbi gratia leonis deberet esse extensa per totum mundum, & esse tanta quantus mundus, vt præsto esse possit omnibus agentibus in toto mundo, imò &

extra mundum; nam & ibi possunt per Dei potentiam noua agentia collocari.

Ex dictis autem, solui possunt rationes Platonis, nam effectus causarum secundarum, sufficienter tum in causas secundas, tum in causam primam reducuntur, ut dictum est, ut præterea alias causas, fingere non sit opus'.

*Idea Platonica
impossibiles.*

Dico tertio. Ideas Platonicas esse impossibiles, & implicare contradictionem. Nam si ponantur essentiae existentes sine singularitate, id manifestè est impossibile, cum omne quod existit, singulare sit; est enim hoc numero, distinctum ab alio: si verò ponantur singulares; eo ipso non erunt vniuersales, nec poterunt prædicari de multis: nam singulare de vno solo prædicatur.

*Idea non essent
vniuersales.*

Dico quarto. Ideæ Platonice etiam si darentur non essent vniuersales in essendo. Primò: Quia essent singulares in essendo; omne enim quod existit, singulare est, singulari autem repugnat esse vniuersale in essendo, cum singulare vni soli, vniuersale multis competat. Secundò. Vniuersalia sunt essentiae rerum: at nulla essentia potest esse extra res; cum nihil sit ica in-
timum rebus quam ipsa earum essentia: Ergo illæ essentiae extra res existentes, non erunt vniuersales'. Tertiò. Vel Ideæ sunt ipsæ rerum essentiae, vel sunt tantum exemplaria essentiarum: si primum, rectè infero Aristoteles septimo Metaph. omnes substantias esse vnā substantiam, quia est vna earum essentia & Idea: at quis non videt omnes substantias realiter esse distinctas, & quidē omnibus suæ essentiae gradibus? simili ratione sequeretur omnes homines esse realiter vnum hominem Idealem: si secundum, eo ipso non erunt vniuersales

sales in essendo, sed in representando vel in causando. Quartò vniuersalia sunt apta prædicari de singularibus: at si existant realiter extra singularia non prædicari sed negari debent de singularibus; quia distinguuntur realiter à singularibus, distincta autem de se affirmari essentialiter non possunt.

QVÆSTIO II.

*Annatura in singularibus existentes sint
reipsa vniuersales.*

SVNT tres sententiæ. Prima asserit naturam ante omnem operationem intellectus esse reipsa vniuersalem, & vnã in multis, vnã, inquam, vnitatem essentiali. Quod ita explicant. Vnitas est indiuisio entis. Est autem indiuisio duplex: alia numerica per differentias numericas, alia essentialis, per differentias essentielles. Cùm igitur natura in Petro & Paulo non sit diuisa essentialiter per differentias essentielles, erit vna essentialiter; ac ex consequenti erit reipsa vniuersalis: quia vna in multis, ita vt vtrumque sit, & naturas à parte rei esse multas numero, & esse vnã speciem, propter virtutem essentialem omnium illarum naturarum. Hanc sententiam tueretur Ioannes Montorius, tribuitur etiam Scoto & ad mentem Scoti defenditur ab Antonio Andrea.

Secunda sententia asserit naturam ante operationem intellectus, non esse quidem actu vnã in multis, sed vt est prior sua singularitate, sic illi conuenit & veritas, &

Mm 2

indiffe-

indifferentia ad multa. Ita Socinas 7. Metaph. quæst. 40. Fonseca 5. Met. cap. 78. quæst. 3. Ratio est. Quia natura in Petro, ut est prior singularitate & contractione ad hoc Individuum, est ex se indifferens & indeterminata ad omnia Individua: & quia à parte rei prior est sua singularitate: idcirco à parte rei est vniuersalis: habet enim & unitatem & aptitudinem ad multa, quæ duo constituunt naturam vniuersalem.

Tertia sententia. Negat naturam à parte rei villo modo esse vniuersalem & indifferentem ad singularia, quæ sententia est cõmunis Peripateticorum. Ratio est: quia in re nec est vna in multis, nec apta esse in multis ut mox probabitur: Ergo in re non est vniuersalis; vniuersale enim est vnum quid aptum esse in multis.

*Natura in singularibus non
fuit à parte rei
vniuersalis.*

Dico igitur primò. Naturæ in singularibus existentes non sunt à parte rei vna essentia, nec à parte rei habet unitatem essentialem. Explico. Natura humana Petri, & natura humana Pauli, à parte rei ita sunt diuersæ naturæ, ut non solum sint diuersæ numero, sed etiam nullam omnino realem unitatem & identificationem essentialem inter se habeant. Probatur primò: Quia tota entitas Petri secundum omnes essentia suæ gradus, est actu diuisa & separata, à tota entitate Pauli & omnibus eius gradibus, ita ut hæc non sit illa, & gradus huius non sit gradus illius: atque sunt actu diuisa, non sunt vnum re totâ suâ entitate sed multa. Ergo natura Petri & Pauli non erit vnare natura sed multæ. Neque potest dici esse multas naturas numero, vnâ verò essentialiter. Nam in re tota entitas & numerica & essentialis est diuisa actu & separata ab altera; quæ verò sunt re à se diuisa, non sunt eadem re. Cùm idem à seipso diuersum esse

essenon possit. Confirmatur, quæ sunt eadem substantia, sunt à se inseparabilia propter substantiæ identitatem: vt patet etiam in diuinis personis. At indiuidua vnius speciei sunt à se separabilia, ita, vt vnum non sit in alio, nec vbi est vnum, ibi est & aliud. Ergo non habent in re vnã eandemque substantiam. At inquires sic idem numero Corpus positum per Dei potentiam, in multis locis, differt à seipso locis & spatiis, essentia tamē non differt; sed est vnum & idem: ita natura humana in Petro & Paulo, differt quidem numero, essentiā tamen non differt. Respondeo. Illam eiusdem in pluribus locis existentiam esse supernaturalem, nos autem agimus hīc de naturali existentia in pluribus.

Respondeo secundò. Esse dispārem rationem. Nā existentia vnius naturæ in diuersis Indiuiduis est per identitatem substantiāle cum illis. Quia ergo indiuidua sunt inter se diuersa substantiāliter, idcirco repugnat esse vnā eorū substantiam, & identificari inter se substantiāliter. Ex quo patet naturam in diuersis indiuiduis existere necessariò cum diuersitate substantiāli: vt sicut Petrus non est substantiāliter Paulus: ita natura Petri non est substantiāliter natura Pauli: singulare enim à singulari, tota sua substantia differt: & idcirco non potest duorum singularem esse eadem substantia. At si idem corpus ponatur in pluribus locis non est necesse, vt sit à se diuisum substantiā & Entitate, sed loco tantum: & ideo salua vnitāte substantiæ & Entitatis potest esse in pluribus locis: natura verò cū sit diuisa Entitate in Petro & Paulo propter diuersam singularitatem, cuius proprium est diuidere vnum ab altero substantiāliter, non potest esse eadem secundū Entitatem in vtroque.

Nota diffinitatem inter existentiam vnius naturæ in multis indiuiduis. & existentiam vnius corporis in multis locis.

Mm 3

Vnde

Vnde sumitur, Secunda ratio conclusionis, vna enim & eadem natura non potest simul identificari & non identificari eidem. At natura quæ est in Petro tota identificatur Petro & non identificatur Paulo, quia est diuisa à Paulo (quod autem identificatur alicui non est ab eo diuisum sed maximè vnitum, quia idem) Ergo non potest esse eadem in Paulo; alioquin deberet esse diuisa à Paulo, & esse indiuisa à Paulo quod est impossibile. Confirmatur. Quia natura Petri est idem quod Petrus. Ergo si natura Pauli esset eadem cum natura Petri, esset & ipsa idem quod Petrus. Hinc ergo sequeretur Paulum esse Petrum.

Natura vniuersalis idem identificatur singularibus.

Quod autem necesse sit naturam vniuersalem identificari singularibus: patet. Primò. Quia natura vniuersalis est essentia singularium, nihil autem magis est idem cum re quàm sua essentia: quia res per suam essentiam est id quod est. Vnde essentia prædicatur in quid de essentia singulari: id autem quod prædicatur in quid de re est idem cum re. Secundò. Quia essentia non potest distinguere naturam rei à sua singularitate. Nam quod distinguitur à sua singularitate, ut distinguitur non est singulare: sicut paries quia distinguitur sua substantia ab albedine, non est albus secundum substantiam formaliter. At natura in re existens, non potest non esse singularis, quia ipsa illa Entitas qua distingueretur, à singularitate, necessariò est singularis & hæc numero: ita ut demonstrari & circumscribi possit. Ergo natura à parte rei non potest vilo modo distinguere à singularitate, sed necessariò identificatur singularitati. Quod etiam confirmant Nominales hoc argumento. Quia, omnis

omnis res quæ cum alia re facit numerum, est vna in se numero; numerus enim conficitur ex vnitatibus. Atqui natura si distinguitur re à singularitate, facit cum singularitate numerum binarium: essent enim duæ res natura & singularitas: Ergo natura sic distincta esset vna numero & sine singularitate esset vna numero quod implicat contradictionem.

Tertiò probatur, Conclusio. Si vna natura esset in multis Indiuiduis, esset simul hæc & non hæc, vna numero, & multiplex numero: nam in Petro esset hæc, in Paulo non esset hæc, sed alia: Atqui eadem res non potest dici simul hæc & non hæc, vna numero & non vna numero, cum ista sint contradictoria: Ergo non potest esse eadem natura in multis indiuiduis. Dices id non repugnare respectu diuersorum. Contra: quia in absolutis repugnat, quod semel est tale vt respectu alterius non sit tale; sic albedo quia absolute & non per respectum ad aliquid est albedo, ideo non potest esse albedo respectu vnius, & non albedo respectu alterius. Solum verò in iis quæ respectiue dicuntur talia, potest esse aliquid tale respectu vnius, & non tale respectu alterius. Singularitas igitur cum sit quid absolutum non respectiuum, non potest res dici singularis & hæc numero respectu vnius, & non esse hæc numero respectu alterius. Confirmatur. Natura quæ est in Petro ita est Petri, vt non sit Pauli; & in Paulo ita est Pauli, vt non sit Petri; siquidem Petrus & Paulus totis suis naturis à se distinguuntur & separantur, ergo non potest esse eadem natura Petri & Pauli.

*Absolutum
natura.*

Quartò.

Quartò. Vni & eidem naturæ easdem operationes conuenire necesse est: operationes enim à natura proficiuntur. At operationes naturæ Petri non conueniunt naturæ Pauli. Potest enim natura Petri producere aliquem actum virtutis vel vicij quem natura Pauli non producit. Ergo non est eadem natura in Petro & Paulo.

*Corpori existi-
ti in pluribus
locis cur & ea-
dem & diuer-
sa prædicata
conueniant.*

Dices. Corpori existenti in pluribus locis, non conueniunt eadē prædicata. Nā in vno loco potest sedere, in alio ambulare: ergo pari ratione possunt eidem naturæ in pluribus indiuiduis existenti, non conuenire eadem prædicata. Respondeo. Negando consequentiam. Nam corpus existens in pluribus locis, quia habet eandem naturam in omnibus iis locis, habet etiam eadē prædicata naturā concernentia: Quia verò habet diuersa loca ideo habet & diuersa prædicata locum concernentia: potestque in vno loco sedere in alio ambulare, quia ista locum concernunt. Pari igitur ratione si natura eadem existat, in pluribus indiuiduis habebit eadem omnino prædicata in illis naturam concernentia, qualia sunt actus virtutis vel vicij; quia à natura proficiuntur. Deinde quia natura est vnum & idem cum suo indiuiduo, ideo quod indiuiduo competit non potest naturæ non competere.

Quare si eadem natura, sit etiam in altero indiuiduo, competent illi proprietates prioris indiuidui, ac corpus non est idem cum loco: vnde quæ illi ratione vnus loci competunt, possunt non competere in altero loco existenti, quia ista sequuntur locum non naturam.

Possent autem quis contra hæc nostra argumenta, opponere; valens ea vbi est identitas adæquata, non
autem

autem vbi est identitas non adæquata. Exemplo diuinæ naturæ, quæ cadē est tribus personis, sed in adæquata singulis, & ideo non sequitur tres personas esse eandem inter se. Verum hæc oppositio nihil contra nos facit: Nam illa identitas naturæ cum tribus absque identitate eorum inter se, est *Myfterium supernaturale*, quod ratio nullo modo capit, sed fide sola credit, prouenitque ex infinita Dei perfectione tam mirabilis, & rationem excedens modus essendi. At hic nihil est rationem excedens, nihil supernaturale, nihil infinitum: quare ex illo ad hoc non licet argumentari. Deinde stando in exemplo diuinæ naturæ cum tribus, sequitur quod diuina natura sit illa tria, & quod illa tria sint vna natura diuina & vnus Deus. Hæc autem dici non possunt, de natura existente in Petro & Paulo: nempe quod natura in Petro existens sit Paulus, & quod Petrus & Paulus sit realiter vnus homo. Non igitur obstat præsenticonclusioni diuinæ naturæ exemplum.

Identitas naturæ cum tribus absque eorum identitate inter se est supernaturale mysterium.

Iam verò ad fundamentum primæ sententiæ quidam recentiores respondent, concedendo naturam à parte rei esse vnā essentialiter, quia est indiuisa essentialiter. Hanc tamen vnitatem non esse simpliciter, sed secundum quid: quia natura simpliciter est diuisa in multis & solum secundum quid, id est, essentialiter est indiuisa, quia Petrus & Paulus à parte rei non sunt diuisi differentiis essentialibus sicut est diuisus Petrus à Bucefalo. Verum hæc responsio nullo modo est vera. I. Si natura ex parte rei est vna secundum quid in multis, dabitur à parte rei natura vniuersalis, nam illa ratione qua statuitur vna essentialiter, est vna in multis; quod sufficit ad rationem vniuersalis. Non erit igitur vniuersale nihil à parte rei vt vult Aristor. 1.

Opinio Recentiorum.

Natura non est à parte rei vna essentialiter secundum quid.

Na

de

Quartò. Vni & eidem naturæ easdem operationes conuenire necesse est: operationes enim à natura profiscuntur. At operationes naturæ Petri non conueniunt naturæ Pauli. Potest enim natura Petri producere aliquem actum virtutis vel vitij quem natura Pauli non producit. Ergo non est eadem natura in Petro & Paulo.

*Corpori existi-
ti in pluribus
locis cur & ea-
dem & diuer-
sa prædicata
conueniant.*

Dices. Corpori existenti in pluribus locis, non conueniunt eadē prædicata. Nā in vno loco potest sedere, in alio ambulare: ergo pari ratione possunt eidem naturæ in pluribus indiuiduis existenti, non conuenire eadem prædicata. Respondeo. Negando consequentiam. Nam corpus existens in pluribus locis, quia habet eandem naturam in omnibus iis locis, habet etiam eadē prædicata naturā concernentia: Quia verò habet diuersa loca ideo habet & diuersa prædicata locum concernentia: potestque in vno loco sedere in alio ambulare, quia ista locum concernunt. Pari igitur ratione si natura eadem existat, in pluribus indiuiduis habebit eadem omnino prædicata in illis naturam concernentia, qualia sunt actus virtutis vel vitij; quia à natura profiscuntur. Deinde quia natura est vnum & idem cum suo indiuiduo, ideo quod indiuiduo competit non potest naturæ non competere.

Quare si eadem natura, sic etiam in altero indiuiduo, competent illi proprietates prioris indiuidui, at corpus non est idem cum loco: vnde quæ illi ratione vnus loci competunt, possunt non competere in altero loco existenti, quia ista sequuntur locum non naturam.

Possent autem quis contra hæc nostra argumenta opponere; valere ea ubi est identitas adæquata, non autem

autem vbi est identitas non adæquata. Exemplo diuinæ naturæ, quæ cadē est tribus personis, sed in adæquata singulis, & idcirco non sequitur tres personas esse eandem inter se. Verum hæc oppositio nihil contra nos facit: Nam illa identitas naturæ cum tribus absque identitate eorum inter se, est Mysterium supernaturale, quod ratio nullo modo capit, sed fide sola credit, provenitque ex infinita Dei perfectione tam mirabilis, & rationem excedens modus essendi. At hic nihil est rationem excedens, nihil supernaturale, nihil infinitum: quare ex illo ad hoc non licet argumentari. Deinde stando in exemplo diuinæ naturæ cum tribus, sequitur quod diuina natura sit illa tria, & quod illa tria sint vna natura diuina & vnus Deus. Hæc autem dici non possunt, de natura existente in Petro & Paulo: nempe quod natura in Petro existens sit Paulus, & quod Petrus & Paulus sit realiter vnus homo. Non igitur obstat præsentī conclusionī diuinæ naturæ exemplum.

Identitas naturæ cum tribus absque eorum identitate inter se est supernaturale mysterium.

Iam verò ad fundamentum primæ sententiæ quidam recentiores respondent, concedendo naturam à parte rei esse vnā essentialiter, quia est indiuisa essentialiter. Hanc tamen vnitatem non esse simpliciter, sed secundum quid: quia natura simpliciter est diuisa in multis & solum secundum quid, id est, essentialiter est indiuisa, quia Petrus & Paulus à parte rei non sunt diuisi differentiis essentialibus sicut est diuisus Petrus à Bucefalo. Verum hæc responsio nullo modo est vera. I. Si natura ex parte rei est vna secundum quid in multis, dabitur à parte rei natura vniuersalis, nam illa ratione qua statuitur vna essentialiter, est vna in multis; quod sufficit ad rationem vniuersalis. Non erit igitur vniuersale nihil à parte rei vt vult Aristor. 1.

Opinio Recentiorum.

Natura non est à parte rei simpliciter essentialiter secundum quid.

Nn de

de anima t. 8. Animal inquit vniuersale, aut nihil est aut posterius. Quomodo enim erit nihil, si à parte rei est vnum & in multis. Neque etiam erit posterius re ipsa, sed simul cum re ipsa.

Respondent. Naturam vniuersalem debere esse vnā simpliciter non secundum quid tantum; in hoc enim sensu de vniuersali quærimus.

*Quid est vñ
in multis est v
niuersale.*

Sed contra. Negari non potest, quod secundum eam rationem, secundum quam aliquid est, vnum in multis, sit etiam vniuersale: cum hæc sit definitio vniuersalis. Ergo quamuis sit vnum secundum quid in multis, non potest negari secundum illam vnā rationem esse vniuersale. Neque enim secundum illam rationem erit quid singulare, cum de ratione singularis sit esse in vno non in multis, vt patet ex definitione indiuidui.

Deinde cū de vniuersali quæritur, an sit vñ in multis, quæstio est de vnitatem solū essentiali; hæc enim sola vnitatem & non alia competit vniuersali, vt vniuersale est, si ergo hæc vnitatem sit à parte rei; sequitur totam vnitatem requisitam ad vniuersale esse à parte rei. Vnitatem enim essentialis est, illa quæ constituit naturam vniuersalem: nam aliæ vnitates præsertim numerica non conueniunt vniuersali, vt vniuersale est, quia vniuersale abstrahit ab omnibus indiuiduis & omni esse numerico, vnde constituitur in esse vniuersali per solam vnitatem essentialis, abstrahentem ab omni vnitatem numerica.

*Vnitatem essen
tialis si datur
est vnitatem sim
pliciter.*

Ex quo etiam infero istam vnitatem essentialis quam isti vocant secundum quid, si datur à parte rei, esse vnitatem simpliciter in genere vnitatis essentialis, licet nō sit vnitatem simpliciter in genere vnitatis absolute. Nā ad rationem

nem vnitatis essentialis, nihil illi deest, cum omni modo sit indivisa essentialiter, nec ullus modus indiuisiōis essentialis illi desit: q̄ autem omnimodè est vnum in aliquo genere, est simpliciter non secundum quid vnum in illo genere. Quamuis autem in genere vnitatis in communi, vnitās essentialis non sit omnimoda vnitās: tamen ad vnitatem vniuersalis non requiritur alia vnitās nisi essentialis; quare si hæc adsit, aderit omnimoda vnitās requisita ad vniuersalem. Nam præter vnitatem essentialē, non est alia vnitās nisi numerica, at vnitās numerica non requiritur ad vniuersalem, cum vniuersale fiat per abstractionem, naturæ ab omni esse numerico, ergo nulla alia vnitās requiritur ad vniuersalem nisi essentialis, & ea sola cum aduenit naturæ facit eam vnā & indiuisā simpliciter in genere vnitatis essentialis; vnde & intellectus concipiēdo naturam solum vt vnā essentialiter, facit illā vnā simpliciter.

Si à parte rei naturæ essent vnum essentialiter, sequeretur ea omnia absurda, quæ sequuntur ex sententiâ dicentiu dari naturam vniuersalem à parte rei: nam secundum illam vnitatem, natura esset vna, & eadē in pluribus locis quantūvis distantibus, neq; posset corrūpi, aut generari, quia maneret eadem in aliis indiuiduis: esset etiam vnum indiuiduum realiter consubstantialē alteri, & realialiqua indiuisiōe indiuisum & indistans ab altero. Ad hæc natura illa & vnitās ipsi⁹ esset omnino singularis, quia quicquid est à parte rei, singulare est; sicut ergo repugnat naturaliter, rem aliquā eandem numero esse in plurib. subiectis simul, præsertim distantibus: ita repugnaret talem naturā esse vnā realiter & numero

2.

*Absurda ex
vitate natura
in pluribus.*

N^o 2

in

in pluribus & distantibus subiectis. Adhuc singulare quâ singulare repugnat esse vniuersale, cum de ratione vniuersalis sit abstrahi à singularibus: hæc autem natura quatenus est à parte rei vna, est singularis, vt ostensum est, & secundum suam rationem singularem est in multis: ergo singulare quâ singulare est, esset vniuersale.

3. A parte rei naturæ in Petro & Paulo habent duas diuisas vnitates essentialis, ergo non sunt vnum vna vnitatem essentiali; sub illa enim ratione, sub qua sunt duo, non sunt vnum, at in genere essentialis vnitatis sunt duo: nam & Petrus in seipso est indiuisus essentialiter, & Paulus similiter, & vterque diuisus ab altero. ergo non habent vnâ vnitatem essentialem sed duas.

4. Quarto. Denique omnis vnitas à parte rei est singularis & numerica: nihil enim à parte rei existit nisi singulare; ergo si vnitas essentialis existit à parte rei, erit numerica & singularis. At vnitas numerica est vnitas simpliciter, cum inuoluat in se omnes superiores vnitates, quod enim est vnum numero, est etiam vnum specie & genere, ergo hæc vnitas essentialis, non esset secundum quid, vt isti volunt, sed simpliciter vnitas.

*Duplex ad diffi-
cultatem, Re-
sponso.*

Est igitur alia duplex responsio ad fundamentum primæ sententiæ. Prima est. Naturam in Petro & Paulo non esse vnâ essentialiter, quia non est vna per vnâ aliquam vnitatem & indiuisiōem essentialē, quod requiritur ad vnū ens absolutè, sed duas habet vnitates & indiuisiōes essentialis similes, ita vt propter similitudinem verum sit Petrum & Paulum à parte rei non differre essentialiter, non verò esse vnum essentialiter.

Pro

Pro quo notandum est, vnitatem esse entis indiui-
 sionem, ita vt ad vnitatem supponatur necessariò ens, *Vnitatis est in-*
 in quo sit illa indiuisio, si enim indiuisio alicuius entis *diuisio entis, &*
 tribuatur alicui sine illo ente: nò erit vnitas illius entis, vt *supponit ens.*
 si indiuisio quantitatiua tribuatur alicui sine quantitate,
 non faceret vnum quantitatiuè: Nam Angelus dicitur
 indiuisus quantitatiuè, hoc est in partes quantas, neque
 tamè dicitur propriè vnus quantitatiuè, quia non habet
 quantitatem secundum quam sit vnus quantitatiuè, vni-
 tas enim quantitatiua, est vnitas & indiuisio secundum
 quantitatem. Hinc autem infero, quod cum in Petro
 & Paulo non supponatur ens, sed entia, indiuisio quoq;
 illis conueniens non erit absolutè indiuisio & vnitas,
 sed indiuisiones & vnitates. Necesse est enim vnitatem
 multiplicari, secundum multiplicationem entis, cum
 vnitas nò distinguatur ab ente & omne ens ferat secum
 suam vnitatem. Cum igitur in Petro & Paulo à parte rei
 non sit natura sed naturæ; indiuisiōem quoq; harum
 naturarum, non esse absolutè indiuisiōem & vnitatē,
 sed indiuisiōes & vnitates. Porro res absolutè dicitur
 vna non à pluribus indiuisiōibus & vnitatibus, sed ab
 vna indiuisiōe & vnitatē. Esse autem plures indiui-
 siones pater, nam alia indiuisio est, qua hæc natura non
 diuiditur essentialiter ab illa; alia qua illa non diuiditur
 ab ista: prior in priori natura quasi subiectatur, poste-
 rior in posteriori; vnde hæ naturæ non sunt indiuisæ v-
 na communi indiuisiōe, sed duabus propriis, simili-
 bus tamen, & ideo absq; diuersitate essentiali. Quare *Non sequitur;*
 ad argumentum primæ sententiæ dicendum est, non *ea qua non dif-*
 omnia quæ non differunt essentialiter, esse vnum essen- *ferunt essentia-*
 tialiter, possunt enim aliqua non differre essentialiter, *liter esse idem*
 eò quod singula habent similem naturam & vnitatem *essentialiter.*

Na 3 essen-

essentialem, non verò quod habeant vnā communem vtriq; vnitatem essentia.

*Ad vnitatem
sequitur, in
diuisio tam
quoad modum
quam quoad
substantiam.*

Altera responsio est, non sufficere ad vnitatem, modum indiuisiōis, sed requiri ipsam indiuisiōem quoad substantiam. Si igitur natura sit diuisa quoad substantiam; non potest dici indiuisa, etiamsi modum indiuisiōis habeat. Patet id innumeris exemplis. Angelus enim non diuiditur modo quantitatiuo ab alio Angelo, non tamen illi Angeli sunt vnum quantitatiue, similiter equus non diuiditur à leone ratione, non tamen idcirco equus & leo sunt vnum rationalitate. Ratio autem est: quia modus rei non facit rem, ergo nec modus indiuisiōis facit indiuisiōem, neq; negato solo modo diuisiōis, negatur necessariò ipsa substantia diuisiōis: potest enim esse diuisio, quoad substantiam, licet non sit modus diuisiōis. In proposito igitur cum dicitur Petrum & Paulum non diuidi essentialiter, solum negatur modus diuisiōis essentialis, non verò ipsa substantia diuisiōis, seu diuisio essentialis; verè enim in naturā Petri & Pauli est diuisio essentialis, solumque ille modus diuisiōis essentialis non est. Porro ad hoc vt aliquid absolutè dicatur vnum, requiritur vt sit indiuisum quoad substantiam, & habeat talem modum indiuisiōis. Ad substantiam autem indiuisiōis requiritur vt nulla sit diuisio: diuisio enim tollit substantiam indiuisiōis, etiamsi non tollat omnem modum indiuisiōis.

*Explicatur ex-
emplo sensus.*

Est verò exemplum accommodatum in cecitate, quæ definitur esse priuatio visus: dupliciter enim potest negari visus 1. quoad substantiam, si nulla visio exerceri possit. 2. quoad modum tantum, vt si sit visio quoad substantiam sed non acuta, non clara, non in di-
stans.

flans. Sicut ergo oculus non dicitur cæcus absolute ex eo quia non videt acutè, aut rem distantem, dum modo habeat visionem quoad substantiam, solumq; dicitur cæcus, si visionem quoad substantiam exercere non possit; ita & essentia, non dicitur indiuisa & vna, si solum hoc vel illo modo diuisionis careat, sed si diuisione quoad substantiam careat; non enim à modo indiuisiōis, sed à substantia indiuisiōis, dicitur res vna; à modo verò indiuisiōis solum dicitur taliter vna. Et sicut differentia non facit speciem nisi supponat genus, ita & modus indiuisiōis nō facit speciem indiuisiōis & vnitatis, nisi supponat indiuisiōem, quæ adiuncto modo erit talis indiuisio. Non poterit autē supponere indiuisiōem, si ad sit aliqua diuisio. Diuisio enim & indiuisio in communi opponuntur. Quare cum in natura Petri & Pauli sit diuisio simpliciter; non poterit ratione solius modi indiuisiōis dici vna essentialiter.

Dico secundo. Natura à parte rei non est prior suā singularitate nec ex consequenti est à parte rei indifferens ad singularitatem. Est contra secundam sententiam, & probatur; Nam quod est à parte rei prius altero; est à parte rei distinctum ab altero. Non potest enim prioritas in cōmuni intelligi sine distinctione; nec prioritas in re sine distinctione in re, idem enim à seipso nō distinguitur sed ab altero; ab eo enim distinguitur cui non est idem aliquo modo, sibi autem est idem, atque ita à seipso distingui non potest, sed tantum ab altero, & ex consequenti prius seipso esse non potest sed altero. Cum igitur natura à parte rei non sit distincta ex natura rei à singularitate; non potest dici à parte rei prior singularitate. Quod autem non sit distincta à parte rei à singularitate, patet: quia omnis distinctio à parte rei est inter

*Natura à parte
rei non est prior
singularitate.*

inter duo, secundum distinctas rationes existentiae. Porro quæ à parte rei existunt sunt singularia, ergo & illæ rationes distinctæ essent singulares. At quomodo id quod est distinctum à singularitate est singulare? hoc enim esset esse singulare sine singularitate. Nam si dicas esse singulare extrinsecè per coniunctionem cum singularitate; Contra: id dici non potest quia natura secundum esse intrinsecum existit prior singularitate, ergo secundum illud esse intrinsecum debet esse quid singulare. Omne enim quod existit, secundum hoc quod existit, singulare est.

*Natura quo-
modo prior sin-
gularitate?*

Ex quo infero prioritatem illam naturæ, respectu singularitatis, esse solum per rationem, cum fundamento tamen in re; quia enim singularitas non est de essentia naturæ, potest concipi natura sine singularitate: & quia natura supponitur à singularitate non è contra; Ideo potest concipi ut prior. Dices si singularitas à parte rei supponit naturam, natura erit à parte rei prior; si verò non supponit, non potest fundare prioritatem in ratione. Respondeo. Singularitatem à parte rei non supponere naturam formaliter loquendo, quia suppositio ista non potest esse sine distinctione, singularitas autem non est à parte rei distincta, sed idem cū ipsa. Quare talis suppositio, est solum formaliter in ratione, à parte verò rei est solum virtualiter, quia res est talis ut si concipiatur duplici distincto conceptu, natura erit prior, singularitas posterior. Quomodo in Deo dicimus virtualiter vnum attributum esse causam alterius; quia licet in se vi sint idem: tamen si distinctis conceptibus concipiantur, vnum habebit proportionem causæ respectu alterius. Hoc igitur modo licet natura à parte rei propter identitatem cum singularitate non sit prior singu-

singularitate: tamen si per rationem distinguatur ab illa, erit prior; ita ut nihil illi desit ad prioritatem nisi distinctio, nec quicquam obstat prioritati nisi identificatio cum singularitate; alioquin natura ex se talis est, ut, si distinguatur, sit prior singularitate.

Infero secundo. Naturam à parte rei non esse indifferentem ad singularitatem: cum quia hæc indifferentia fundatur in prioritate, sicut ergo à parte rei natura non est prior singularitate, ita nec est à parte rei indifferens ad illam: Tum quia sicut prioritas, ita & indifferentia non est sine distinctione; quare ubi non est in re distinctio inter aliqua, ibi non potest esse realis indifferentia vnus ad alterum; idem enim non dicitur indifferens ad seipsum sed ad alium. Cum ergo natura in re non sit distincta à singularitate; non erit in re indifferens ad singularitatem. Deinde si esset in re indifferens ad suam singularitatem, eadem ratione esset indifferens ad omnem singularitatem, & sic posset in re determinari per aliam singularitatem, quod est impossibile, non enim potest fieri etiam per Dei potentiam, ut hæc numero natura, fiat alia numero, & Petrus fiat Paulus, singularitas enim distinguit substantialiter vnum individuum ab altero, & facit vnum non esse idem quod aliud. Præterea quod ex natura rei conuenit essentiæ, conuenit etiam omnibus indiuiduis ipsam participantibus: naturam enim sequuntur suæ proprietates necessariae, & natura conuenit indiuiduis cum omnibus suis proprietatibus, ita, ut per naturam demonstrentur conuenire indiuiduis. Atqui hæc potentia & indifferentia ad multa singularia non conuenit, immo repugnat indiuiduis, ergo neq; potest conuenire naturæ realiter. Nam quod

Natura à parte rei non est indifferens ad singularitatem.

O o

respon-

responderi solet, hanc proprietatem naturæ convenire
 vñ est prior singularitate, & ideo non communicari sin-
 gularibus: esset potius inferendum talem proprietatem
 non convenire naturæ realiter, quia necesse est omnes
 proprietates reales naturæ, vñ cum natura quam ne-
 cessariò consequuntur, communicare singularibus.

QVÆSTIO III.

*An natura à parte rei habeat unitatem for-
 malem distinctam à numerica.*

*Unitas forma-
 lis quatuorplex
 hic!*

VNitas formalis est illa quæ convenit essentia sub ra-
 tione formali essentia, seu secundum sua prædica-
 ta essentialia: potest enim duplex unitas considerari
 in essentia, alia quæ oritur ex essentia ut essentia est
 formaliter, alia quæ oritur ex essentia, ut est abstracta
 & præcisa à singularibus, & convenit essentia ratio-
 ne illius abstractionis & præcisionis. Prior illa dicitur
 unitas formalis, quia convenit essentia formaliter, ut
 essentia est; Dicitur etiam essentialis, quia est secun-
 dum rationem essentia. Posterior verò dicitur unitas
 præcisionis & differt à priori, quia fundatur non in
 essentia absolute, sed in præcissione essentia. Potest e-
 nim aliquid esse unum si præscindatur à multis, quod
 per se non est unum sed multiplex, quomodo natura
 universalis in re non est una sed multiplex, si tamen
 abstrahatur à multis, hoc est à differentiis multipli-
 cantibus illam, efficitur una, propter illam præcissi-
 onem, quia sic præcisa non habet, quod illam multipli-
 cet. Vnde hæc unitas est accidentalis essentia, quia
 fundatur in præcissione quæ est accidentalis essentia,
 & facit

& facit essentiam esse indiuisam numericè, hoc est indiuisam in plura numero, estque hæc vnitas propria vniuersalis, vniuersale enim non solum est vnum formaliter, sed etiam est vnum per præcisionem à multis.

Non est igitur quæstio, an natura à parte rei habeat vnitatem formalem, essentia enim non datur sine sua vnitatem, cum igitur à parte rei detur essentia formaliter consequens est, dari quoque à parte rei vnitatem formalem, quæ necessariò consequitur ad essentiam formaliter, vt essentia est. Tota igitur quæstio est. An hæc vnitas formalis sit à parte rei distincta à numerica. An verò hæc distinctio sit solum per rationem: possunt enim aliqua duo esse à parte rei, & tamen non esse distincta à parte rei, vt patet, in animali & rationali, quæ sunt à parte rei idem, & sola ratione distinguuntur.

Est igitur prima sententia Scoti in 2. distinct. 3. Has vnitates esse ex natura rei distinctas, sicut & essentia distinguitur ex natura rei à singularitate. Fortè tamé Scotus per distinctionem ex natura rei intelligit illam quæ habet fundamentum in re, licet compleatur per rationem, & dicitur ab aliis distinctio rationis rationatæ.

Secunda sententia negat hanc vnitatem esse distinctam à parte rei ab vnitatem numericam, sicut nec essentia à parte rei distinguitur à singularitate. Ita S. Thomas opusculo 55. de vniuersalibus. Albertus de Prædic. quæst. 6. & communiter alii. 1. Quia vnitas formalis est vnitas essentia sub ratione formali essentia: at essentia non distinguitur à parte rei à singularitate, ergo nec vnitas essentia ab vnitatem singulari & numerica. 2. Quicquid est in re est singulare, ergo si vnitas formalis est in re,

Vnitas formalis non est à parte rei distincta à numerica.

est incommensurable singularis: non erit igitur distincta à singularitate, quia quod distinguitur à parte existit in illo esse distincto; & cum omne quod existit, secundum quod existit sit singulare, sequitur unitatem formalem, ut distinctam à singularitate, esse singularem quod est absurdum, nihil enim est singulare nisi includendo singularitatem.

Verum dupliciter potest intelligi dari unitatem formalem à parte rei, vel in singulis individuis singularem & propriam cuiq; individuo, vel communem multis individuis, ita ut Petrus v. g. non solum sit à parte rei unus homo formaliter, sed etiam sit unus cum Paulo formaliter. In hac ergo questione dicimus solum, primam unitatem à parte rei dari non secundam. Nam in precedenti questione ostendimus unitatem formalem multorum, nullo modo dari à parterei, cum à parte rei essentia Petri & Pauli non sit indiuisa & vna, sed diuisa & multiplex; unde sequitur unitatem multorum esse unitatem secundum rationem tantum.

*Similitudo in
quod fundatur?*

Sed obiicitur primò fundamentum realis relationis est reale. ac unitas duorum in essentia, est fundamentum relationis realis, ergo & ipsa est realis. Respōdeo. Similitudinem fundari non in vna sed in duplici unitate formali duorum entium, quorum vnumquodque est, vnum in se formaliter secundum illam essentiam. Nam in unitate communi non relatio similitudinis sed identitatis fundatur. Alii respondent fundari in unitate communi fundamentaliter accepta, seu in fundamento unitatis communis, idem enim est fundamentum unitatis communis & similitudinis, nempe duarum naturarum, quarum vnaquæq; in seipsa est vna formaliter: hinc etiam sequitur illas duas naturas posse per abstractionem effici

effici vnum formaliter, & posse vnam comparari cum altera secundum relationem similitudinis. Vnde hæc responsio reuocatur ad primam.

Obiicitur secundò. Vniuocum significat naturam vnam in multis, alioquin non differret ab æquiuoco, si significaret plures naturas. Ergo hæc vox Homo significat naturam vnam formaliter in multis. R. Vniuocum significare naturam vnam formaliter; sed quæ sit vna per rationem & abstractionem, non verò quæ sit vna à parte rei; vnde & Aristot. definiuit vniuoca, quorum ratio substantiæ non substantia est eadem, ratio enim conceptum significat.

Vniuocū quomodo vnam naturā significat.

QVÆSTIO IV.

Quomodo vniuersale fiat per intellectum.

Cum certum sit dari vniuersale; & dari non posse à parte rei extra intellectum, necesse est dari per intellectum, hoc est, per conceptionem intellectus, & hoc in præsentī quæstione proponitur. Porro dari vniuersale, seu naturam communem multis, quocunque tandem modo existat, certum esse debet.

Dari vniuersale probatur.

Primò. Ex significatione vocum communium, quæ significant naturam, non hanc vel illam determinatè, sed indeterminatam & communem multis, & in qua multa conueniunt. Natura enim sic significata non potest dici singularis, quia natura singularis vni tantum conuenit non multis, nec singularia conueniunt in vnâ naturâ singulari, alioquin multa singularia essent vnum

I.

Oo 3

singula-

essentialem, non verò quod habeant vnā communem vtriq; vnitatem essentiae.

*Ad vnitatem
requiritur, in-
diuisio tam
quoad modum
quā quoad
substantiam.*

Altera responsio est, non sufficere ad vnitatem, modum indiuisiōis, sed requiri ipsam indiuisiōem quoad substantiam. Si igitur natura sit diuisa quoad substantiam; non potest dici indiuisa, etiamsi modum indiuisiōis habeat. Patet id innumeris exemplis. Angelus enim non diuiditur modo quantitatiue ab alio Angelo, non tamen illi Angeli sunt vnum quantitatiue, similiter equus non diuiditur à leone rationalitate, non tamen idcirco equus & leo sunt vnum rationalitate. Ratio autem est: quia modus rei non facit rem, ergo nec modus indiuisiōis facit indiuisiōem, neq; negato solo modo diuisiōis, negatur necessariò ipsa substantia diuisiōis: potest enim esse diuisio, quoad substantiam, licet non sit modus diuisiōis. In proposito igitur cum dicitur Petrum & Paulum non diuidi essentialiter, solum negatur modus diuisiōis essentialis, non verò ipsa substantia diuisiōis, seu diuisio essentialis; verè enim in naturā Petri & Pauli est diuisio essentialis, solumque ille modus diuisiōis essentialis non est. Porro ad hoc vt aliquid absolutè dicatur vnum, requiritur vt sit indiuisum quoad substantiam, & habeat talem modum indiuisiōis. Ad substantiam autem indiuisiōis requiritur vt nulla sit diuisio: diuisio enim tollit substantiam indiuisiōis, etiamsi non tollat omnem modum indiuisiōis.

*Explicatur ex-
emplo simili.*

Est verò exemplum accommodatum in cæcitate, quæ definitur esse priuatio visus: dupliciter enim potest negari visus 1. quoad substantiam, si nulla visio exerceri possit. 2. quoad modum tantum, vt si sit visio quoad substantiam sed non acuta, non clara, non in di-
stans.

flans. Sicut ergo oculus non dicitur cæcus absolute ex eo quia non videt acutè, aut rem distantem, dum modo habeat visionem quoad substantiam, solumq; dicitur cæcus, si visionem quoad substantiam exercere non possit; ita & essentia, non dicitur indiuisa & vna, si solum hoc vel illo modo diuisionis careat, sed si diuisione quoad substantiam careat; non enim à modo indiuisiōis, sed à substantia indiuisiōis, dicitur res vna; à modo verò indiuisiōis solum dicitur taliter vna. Et sicut differentia non facit speciem nisi supponat genus, ita & modus indiuisiōis nō facit speciem indiuisiōis & vnitatis, nisi supponat indiuisiōem, quæ adiuncto modo erit talis indiuisio. Non poterit autē supponere indiuisiōem, si adsit aliqua diuisio. Diuisio enim & indiuisio in communi opponuntur. Quare cum in natura Petri & Pauli sit diuisio simpliciter; non poterit ratio- ne solius modi indiuisiōis dici vna essentialiter.

Dico secundo. Natura à parte rei non est prior sua singularitate nec ex consequenti est à parte rei indifferens ad singularitatem. Est contra secundam sententiam, & probatur; Nam quod est à parte rei prius altero; est à parte rei distinctum ab altero. Non potest enim prioritas in cōmuni intelligi sine distinctione; nec prioritas in re sine distinctione in re, idem enim à seipso nō distinguitur sed ab altero; ab eo enim distinguitur cui non est idem aliquo modo, sibi autem est idem, atque ita à seipso distingui non potest, sed tantum ab altero, & ex consequenti prius seipso esse non potest sed altero. Cum igitur natura à parte rei non sit distincta ex natura rei à singularitate; non potest dici à parte rei prior singularitate. Quod autem non sit distincta à parte rei à singularitate, patet: quia omnis distinctio à parte rei est inter

Natura à parte rei non est prior singularitate.

inter duo, secundum distinctas rationes existentiae. Porro quæ à parte rei existunt sunt singularia, ergo & illæ rationes distinctæ essent singulares. At quomodo id quod est distinctum à singularitate est singulare? hoc enim esset esse singulare sine singularitate. Nam si dicas esse singulare extrinsecè per coniunctionem cum singularitate; Contra: id dici non potest quia natura secundum esse intrinsecum existit prior singularitate, ergo secundum illud esse intrinsecum debet esse quid singulare. Omne enim quod existit, secundum hoc quod existit, singulare est.

*Natura quo-
modo prior sin-
gularitate?*

Ex quo infero prioritatem illam naturæ, respectu singularitatis, esse solum per rationem, cum fundamento tamen in re; quia enim singularitas non est de essentia naturæ, potest concipi natura sine singularitate: & quia natura supponitur à singularitate non è contra; Ideo potest concipi ut prior. Dices si singularitas à parte rei supponit naturam, natura erit à parte rei prior; si verò non supponit, non potest fundare prioritatem in ratione. Respondeo. Singularitatem à parte rei non supponere naturam formaliter loquendo, quia suppositio ista non potest esse sine distinctione, singularitas autem non est à parte rei distincta, sed idem cum ipsa. Quare talis suppositio, est solum formaliter in ratione, à parte verò rei est solum virtualiter, quia res est talis ut si concepiatur duplici distincto conceptu, natura erit prior, singularitas posterior. Quomodo in Deo dicimus virtualiter unum attributum esse causam alterius: quia licet in se vi sint idem: tamen si distinctis conceptibus concipiantur, unum habebit proportionem causæ respectu alterius. Hoc igitur modo licet natura à parte rei propter identitatem cum singularitate non sit prior singu-

singularitate: tamen si per rationem distinguatur ab illa, erit prior; ita vt nihil illi desit ad prioritatem nisi distinctio, nec quicquam obstat prioritati nisi identificatio cum singularitate; alioquin natura ex se talis est, vt, si distinguatur, sit prior singularitate.

Infero secundo. Naturam à parte rei non esse indifferentem ad singularitatem: tum quia hæc indifferentia fundatur in prioritate, sicut ergo à parte rei natura non est prior singularitate, ita nec est à parte rei indifferens ad illam: Tum quia sicut prioritas, ita & indifferentia non est sine distinctione; quare vbi non est in re distinctio inter aliqua, ibi non potest esse realis indifferentia vnus ad alterum; idem enim non dicitur indifferens ad seipsum sed ad alium. Cum ergo natura in re non sit distincta à singularitate; non erit in re indifferens ad singularitatem. Deinde si esset in re indifferens ad suam singularitatem, eadem ratione esset indifferens ad omnem singularitatem, & sic posset in re determinari per aliam singularitatem, quod est impossibile; non enim potest fieri etiam per Dei potentiam, vt hæc numero natura, fiat alia numero, & Petrus fiat Paulus, singularitas enim distinguit substantialiter vnum indiuiduum ab altero, & facit vnum non esse idem quod aliud. Præterea quod ex natura rei conuenit essentiæ, conuenit etiam omnibus indiuiduis ipsam participantibus: naturam enim sequuntur suæ proprietates necessariae, & natura conuenit indiuiduis cum omnibus suis proprietatibus, ita, vt per naturam demonstrentur conuenire indiuiduis. Atqui hæc potentia & indifferentia ad multa singularia non conuenit, immo repugnat indiuiduis; ergo neq; potest conuenire naturæ realiter. Nam quod

Natura à parte rei non est indifferens ad singularitatem.

responderi solet, hanc proprietatem naturæ convenire
 vñ est prior singularitate, & ideo non communicari sin-
 gularibus: esset potius inferendum talem proprietatem
 non convenire naturæ realiter, quia necesse est omnes
 proprietates reales naturæ, vñ cum natura quam ne-
 cessariò consequuntur, communicare singularibus.

QVÆSTIO III.

*An natura à parte rei habeat unitatem for-
 malem distinctam à numerica.*

*Unitas forma-
 lis quoduplex
 hic?*

VNitas formalis est illa quæ convenit essentiæ sub ra-
 tione formali essentiæ, seu secundum sua prædica-
 ta essentialia: potest enim duplex unitas considerari
 in essentiâ, alia quæ oritur ex essentiâ ut essentiâ est
 formaliter, alia quæ oritur ex essentiâ, ut est abstracta
 & præcisa à singularibus, & convenit essentiæ ratio-
 ne illius abstractionis & præcisionis. Prior illa dicitur
 unitas formalis, quia convenit essentiæ formaliter, ut
 essentiâ est; Dicitur etiam essentialis, quia est secun-
 dum rationem essentiæ. Posterior verò dicitur unitas
 præcisionis & differt à priori, quia fundatur non in
 essentiâ absolutè, sed in præcissione essentiæ. Potest e-
 nim aliquid esse vñ si præscindatur à multis, quod
 per se non est vñ sed multiplex, quomodo natura
 vniuersalis in re non est vñ sed multiplex, si tamen
 abstrahatur à multis, hoc est à differentiis multipli-
 cantibus illam, efficitur vñ propter illam præcisio-
 nem, quia sic præcisa non habet, quod illam multipli-
 cet. Vnde hæc unitas est accidentalis essentiæ, quia
 fundatur in præcissione quæ est accidentalis essentiæ.
 & facit

& facit essentiam esse indiuisam numericè, hoc est indiuisam in plura numero, estque hæc vnitas propria vniuersalis, vniuersale enim non solum est vnum formaliter, sed etiam est vnum per præcisionem à multis.

Non est igitur quæstio, an natura à parte rei habeat vnitatem formalem, essentia enim non datur sine sua vnitatem, cum igitur à parte rei detur essentia formaliter consequens est, dari quoque à parte rei vnitatem formalem, quæ necessariò consequitur ad essentiam formaliter, vt essentia est. Tota igitur quæstio est. An hæc vnitas formalis sit à parte rei distincta à numerica. An verò hæc distinctio sit solum per rationem: possunt enim aliqua duo esse à parte rei, & tamen non esse distincta à parte rei, vt patet, in animali & rationali, quæ sunt à parte rei idem, & sola ratione distinguuntur.

Est igitur prima sententia Scoti in 2. distinct. 3. Has vnitates esse ex natura rei distinctas, sicut & essentia distinguitur ex natura rei à singularitate. Fortè tamé Scotus per distinctionem ex natura rei intelligit illam quæ habet fundamētum in re, licet compleatur per rationem, & dicitur ab aliis distinctio rationis rationatæ.

Secunda sententia negat hanc vnitatem esse distinctam à parte rei ab vnitatem numericam, sicut nec essentia à parte rei distinguitur à singularitate, Ita S. Thomas opusculo 55. de vniuersalibus. Albertus de Prædic. quæst. 6. & communiter alii. 1. Quia vnitas formalis est vnitas essentia sub ratione formali essentia: at essentia non distinguitur à parte rei à singularitate, ergo nec vnitas essentia ab vnitatem singulari & numerica. 2. Quicquid est in re est singulare, ergo si vnitas formalis est in re,

Vnitas formalis non est à parte rei distincta à numerica.

*Rei à singula-
ritate.*

erit intrinsecè singularis: non erit igitur distincta à singularitate, quia quod distinguitur à parte existit in illo esse distincto; & cum omne quod existit, secundum quod existit sit singulare, sequitur vnitatem formalem, ut distinctam à singularitate, esse singularem quod est absurdum, nihil enim est singulare nisi includendo singularitatem.

Verùm dupliciter potest intelligi dari vnitatem formalem à parte rei, vel in singulis indiuiduis singularem & propriam cuiq; indiuiduo, vel communem multis indiuiduis, ita ut Petrus v. g. non solum sit à parte rei vnus homo formaliter, sed etiam sit vnus cum Paulo formaliter. In hac ergo quæstione dicimus solum, primam vnitatem à parte rei dari non secundam. Nam in præcedenti quæstione ostendimus vnitatem formalem multorum, nullo modo dari à parterei, cum à parterei essentia Petri & Pauli non sit indiuisa & vna, sed diuisa & multiplex; vnde sequitur vnitatem multorum esse vnitatem secundum rationem tantum.

*Similitudo in
quo fundatur?*

Sed obiicitur primò fundamētum realis relationis est reale. ac vnitas duorum in essentia, est fundamentum relationis realis, ergo & ipsa est realis. Respōdeo. Similitudinem fundari non in vna sed in duplici vnitatem formali duorum entium, quorum vnumquodque est, vnum in se formaliter secundum illam essentiam. Nam in vnitatem communi non relatio similitudinis sed identitatis fundatur. Alii respondent fundari in vnitatem communi fundamentaliter accepta, seu in fundamento vnitatis communis, idem enim est fundamentum vnitatis communis & similitudinis, nempe duæ naturæ, quarum vnaquæq; in seipsa est vna formaliter: hinc enim sequitur illas duas naturas posse per abstractionem effici

effici vnum formaliter, & posse vnam comparari cum altera secundum relationem similitudinis. Vnde hæc responsio reuocatur ad primam.

Obiicitur secundò. Vniuocum significat naturam vnam in multis, alioquin non differret ab æquiuoco, si significaret plures naturas. Ergo hæc vox Homo significat naturam vnam formaliter in multis. R. Vniuocum significare naturam vnam formaliter; sed quæ sit vna per rationem & abstractionem, non verò quæ sit vna à parte rei; vnde & Aristot. definiuit vniuoca, quorum ratio substantiæ non substantia est eadem, ratio enim conceptum significat.

Vniuocū quomodo vnam naturā significat.

QVÆSTIO IV.

Quomodo vniuersale fiat per intellectum.

Cum certum sit dari vniuersale; & dari non posse à parte rei extra intellectum, necesse est dari per intellectum, hoc est, per conceptionem intellectus, & hoc in præsentī quæstione proponitur. Porro dari vniuersale, seu naturam communem multis, quocunque tandem modo existat, certum esse debet.

Dari vniuersale probatur.

Primò. Ex significatione vocum communium, quæ significant naturam; non hanc vel illam determinatè, sed indeterminatam & communem multis, & in qua multa conueniunt. Natura enim sic significata non potest dici singularis, quia natura singularis vni tantum conuenit non multis, nec singularia conueniunt in vna naturâ singulari, alioquin multa singularia essent vnum

I.

Oo 3 singu-

singulare. Ergo hæc natura debet esse expers singularitatis, ac proinde vniuersalis.

2. Secundò. ex conceptu naturæ, potest enim natura concipi absque omni singularitate, & determinatione ad hoc vel illud indiuiduū. Obiectum igitur huius conceptus nō erit singulare, quia in eo singularitas non obicitur intellectui. Ergo erit abstractum à singularitate, ac proinde vniuersale, natura enim abstracta est indifferens ad singularia, ac proinde vniuersalis. Dices dari medium inter naturam vniuersalem & singularem, nēpe naturam secundum se & sua essentialia acceptam; in hac enim consideratione naturæ, nec singularitas nec vniuersalitas inuoluitur, sed sola essentialia, inter quæ vniuersalitas & singularitas nō numerātur, cum vtraque sit extra conceptum essentię. R. Naturam secundum se non esse quidem vniuersalem essentialiter, sed esse vniuersalem consequenter, quia vniuersalitas consequitur necessariò ad naturam abstractam. Vnde necesse est omnem naturam esse aut vniuersalem aut singularem, consecutiue, licet essentialiter abstrahat natura ab vtroque.

Natura secundum se an vniuersalis.

3. Tertiò. Scientia non est de singularibus, sed de vniuersalibus quia proprietates in scientia non demonstrantur primò de singulari subiecto, sed de vniuersali: ita vtrumque & formale subiectum sit vniuersale non singulare; Nam v. g. risibilitas conuenit Petro, non vt hic homo est, alioquin nulli alteri homini conueniret; sed absolute vt homo est, abstrahens ab hoc, vel illo homine, & quia conuenit, primò homini, vt homo est, idcirco conuenit omnibus particularibus hominibus, qui omnes in hoc conueniunt quod homines sunt; ergo homo in communi est quid commune multis, & nisi hoc

Scientia nō est de singularibus sed de vniuersalibus.

hoc concedatur, tollentur omnes scientiæ; de ratione enim est scientiæ, demonstrare proprietatem, de primo suo subiecto; ita vt si de alio demonstraretur, non erit scientiæ rei, vti est, quod sæpe inculcat Aristoteles. Cum igitur necesse sit dari vniuersalia; de modo quo fiant ab intellectu, sunt tres sententiæ.

Prima sententia est Nominalium, vniuersale esse conceptum formatum de rebus in mente existentē, & vniiformiter multis conuenientem; Talis enim conceptus est vniuersalis, non solum in repræsentando, quia sub vna ratione repræsentat omnes naturas; sed etiam in prædicando; habet autem prædicari de illis, quia supponit pro illis: signa enim solent accipi suppositiuè, vt pro rebus supponunt. Ita Gabriel in 1. distin. 2. Quæst. 8. Ochan in sua Logica c. 4. 5. & 6. Albertus de Saxonia Quæst. 3. in Porphyrium. Probat. Quia cum natura secundū se non possit effici vniuersalis; necesse est vt conceptus naturæ sit vniuersalis: nõ datur enim natura nisi vel vt est à parte rei, vel vt est concepta. Quod autem natura vt natura non possit reddi vniuersalis. probant. Primo quia id quod est singulare non potest effici vniuersale, alioquin ipsum indiuiduum posset effici vniuersale. at natura à parte rei est singularis intrinsecè: nihil enim in re existit nisi singulare & determinatum. ad hic & nunc. ergo natura à parte rei existens, nullo modo potest effici vniuersalis, sed solus naturæ conceptus potest esse vniuersalis.

Secundo. Nulla res potest esse simul singularis & vniuersalis; expers singularitatis & habens singularitatem, hæc & non hæc, cum ergo natura in re sit singularis non potest eadem effici simul vniuersalis. Alioquin simul esset hæc & nõ hæc, quæ sunt contradictoria.

Tertio

*Vniuersale esse
conceptum sen-
suum nomina-
les.*

Tertio ex natura communi multis sequuntur multa absurda: nam Petrus & Paulus essent idem in illa natura communi: & ex consequenti essent idem inter se (cùm tamen sint diuisi inter se non idem) quæ enim eadem sunt vni tertio, sunt eadem inter se. Sequeretur etiam duo indiuisa quantumuis distantia & à se diuisa, esse indiuisa & idètificata in natura communi, & esse eiùsdem indiuisæ substantiæ, & esse ex consequenti consubstantialia. Adhæc eadem natura in vno produceretur in alio destrueretur, quæ omnia sunt impossibilia. Neque potest dici ista esse impossibilia à parte rei, per intellectum verò esse possibilia; nam ista non solum esse sed etiam concipi talia est absurdum: plura enim concipere esse vnum, in eo in quo sunt plura, est conceptus difformis rei, tali enim conceptu omnia monstrantur concipiuntur & finguntur, vt cum ex pluribus speciebus formatur vna species, ex hirco & ceruo vnus hircocerus.

Opinio quorundam recentiorum.

Secunda sententia est quorundam Recentiorum, dicentium vniuersale, non esse naturam vnā & indiuisā in multis, nec expertem omnis singularitatis, sed esse naturam singularem, indeterminatè tamen conceptam & sub vna communi ratione definitiua; ita vt secundum eandem definitionem & conceptum formalem, sic communis multis, etsi in se sit singularis. Vnde tria dicit hæc sententia. Primo naturā vniuersalem esse singularem indeterminatè, Secundo non esse vnā naturam, sed multas singulares, Tertio vniuersale esse vnum secundum conceptum formalem & definitiuum; non verò secundum conceptum obiectiuum, qui in se respondeat conceptui formali.

Quan-

Quantum ad primum probatur, naturam etiam ut conceptam esse necessario singularem, & per consequens non posse concipi naturam verè vniuersalem, hoc est, non singularem, & expertem omnis singularitatis. Nam quantumuis dicatur natura abstrahi à singularitate: per abstractionem tamen illam nunquam desinet esse singularis, V. G. natura hominis in abstracto concepta, est quid certum & determinatum hoc & non aliud, & distinctum quid ab alià naturà conceptā. *Di-* *Natura abstra-*
ta abstrahi a
singularitate.
ces esse hanc essentialiter non numericè. Contrà, Quia
id quod naturam facit esse hanc, est differentia numeri-
ca: ideo enim dicitur Hæcceitas, quia eius effectus for-
malis est facere naturam esse hanc. si ergo natura est hæc
essentialiter, erit hæc singulariter & numericè, quia
hæcceitas est differentia singularis & numerica. Dein-
de sicut Petrus est hic homo numero, quia non est alter
homo, sed distinctus homo ab omni alio homine: ita
& essentia abstracta, si ita sit hæc ut distinguatur ab om-
ni alià, erit hæc numero essentia. Ad hæc essentia ho-
minis abstracta & essentia bouis abstracta, sunt duæ es-
sentie numero, non enim solum specie, sed & numero
distinguuntur, duo enim ut duo distinguuntur nume-
ro, quia per numerum formaliter sunt duo. Dices
has naturas esse duas secundum speciem, non
secundum individuum. Sed contra: quæ sunt duo
secundum numerum sunt duo individua: duo, in-
quam, secundum rationem indiuidualem: propria
enim differentia indiuiduorum est numerica. Un-
de Aristotel. vnitatem vel multiplicitem secundum
numerum solis indiuiduis tribuit, & pro eodem ac-
cipit esse vnum numero & esse vnum indiuiduo, ut
cum ait quædam esse vnum genere, aut specie, quæ-
dam

Pp

dam vnum secundum numerum, nec ullibi vnitatem, aut distinctionem specificam vocat numericam, nisi concomitanter, quatenus numerica coniungitur cum specificâ, neque nos aliam definitionem dare possumus vnitatis individualis, nisi quod sit vnitâs secundum numerum. Quare si duæ species sint duæ secundum numerum, erunt duæ individualiter.

Ex quo patet naturam abstractam necessariò esse singularem & hanc numero, tum quia est ita determinata natura, vt sit distincta ab omni alia, & secundum talem determinationem concipitur; Tum quia est numero distincta ab aliâ; tum quia est obiectum determinatum cognitionis, cognitio enim determinata non potest ferri in incertum, sed in certum quid ac determinatum, hoc non aliud, ita vt hæc singularis cognitio sit huius obiecti singularis, sicut cognitio in communi est obiecti in communi.

*Quomodo natura abstracta
tur à singularitate.*

Quod si dicas posse naturam non considerari sub singularitate. R. Expressè & determinatè posse, confusè verò & indeterminatè non posse; seu non posse cōsiderari sine singularitate aliquo modo concepta, posse tamen sine singularitate determinata & expressa, ita vt in actu exercito semper id quod consideratur ab intellectu, sit intrinsecè singulare. Dices hanc singularitatem non conuenire naturæ vt natura est, sed vt obiectum est, & per eam non effici naturam in esse naturæ singularem, sed tantum in esse obiecti. Contra, quia natura in esse naturæ, vt est prior esse obiectiuo, est hæc numero natura, vt iisdem argumentis probari potest. ergo non solum in esse obiectiuo sed in esse naturæ est singularis, in illo, inquâ, esse, q. substat esse obiectiuo, & quod in re respondet cōceptui formali. Deinde nō potest esse hoc obiectū, nisi sit hæc entitas obiecta. Quo-

Quoad secundum. Vniuersale dicere plures naturas singulares indeterminatè (V. G. homo in communi dicit quemuis hominem singularem indeterminatè) sic ostenditur: quia hæc indeterminatio sufficit ut homo dicatur quid commune multis, & de illis prædicetur. Dices si omnes & singulos homines significat, falsam fore prædicationem: sensus enim erit hunc hominem esse omnes homines. R. Si homo significaret oēs collectiue, hoc est, collectionē omniū hominū, non posset prædicari de singulis. Nullus. n. homo, est omnis homo; At quia significat oēs distributiue, potest de singulis in sensu accommodato prædicari: nam etiam æqui uocum V. G. canis multos canes specie diuersos significat, & tamen de singulis secundum conuenientem ipsis significationem prædicatur, Sequitur autem hoc secundum dictum ex primo, si enim vniuersale significat naturam singularem, & nō significat vnā determinatā, sequitur quod significet plures indeterminatè tamen.

Quoad tertium. Vniuersale non esse vnum obiectiue, hoc est vnā naturā obiectā, patet ex dictis, quia non obiciuntur nisi plures naturæ similes, nec possunt obici si sit singularitate, ut ostensum est. Solum igitur est vnum vnitatē cōceptus formalis, seu vnitatē definitionis. Quia de ratione vniuersalis non est ut sit vnā natura in multis, sed ut secundū vnā rationē & secundū eandem definitionem prædicetur de multis. In quo vniuersale differt ab æqui uoco: nam æqui uocū ita plura significat, ut de illis secundū vnā rationem & definitionē non prædicetur sed secundū diuersas: vniuersale verò cum sit vni uocū debet secundū eandem rationem & definitionem prædicari de multis, quod habet per denominationem extrinsecam à conceptu formali &

definitiuo. Itaque esse vnum specie nihil aliud erit, quàm habere vnā definitionem & vnum conceptum formalem in intellectu. huic verò vni conceptui formali non respondet in re, natura vna vnitāte naturæ intrinsecā, sed plures naturæ similes fundantes propter similitudinem, vnum conceptum formalem in mente. Concedi verò potest conceptum obiectiuum esse vnum per ordinem ad conceptum formalem, & vnitāte extrinsecā conceptus formalis, non vnitāte intrinsecā naturæ.

Tertia sententia est communis Peripateticorum, vniuersale esse naturam abstractam per intellectum ab omni singularitate, & est consequenti ex se aptam inesse multis & dici de multis: ita D. Thomas opusc. 55. & 56. Scot. in 2. dist. 3. quos alij sequuntur.

*Vniuersale non
est conceptus
sed res obiecta
conceptui.*

Dico primò. Vniuersale non est conceptus in mente existens, sed res huic conceptui obiecta, est contra primā sententiam. Probatur autem 1. Quia Arist. docet vniuersalia nō esse præter res, sed ipsam rerum essentiā, nam 1. poster. text. 25. ait vniuersale non esse præter multa, nec esse nisi vnum de multis, & tex. 39. non esse aliquid præter singularia, vbi etiam ait esse naturam quandam, in entibus talem, hoc est vniuersalem, vt Trianguli naturam vltra particulares Triangulos, & numeri naturam vltra numeros singulares. Si igitur Arist. idcirco affirmat vniuersale nō esse præter singularia, quia dicit naturā singulariū: non poterit vniuersale dici conceptus formalis, quia hic est præter singularia, & realiter à singularibus diuisus: singularia enim sūt extra intellectum, conceptus verò formalis est subiectiue in intellectu. Est igitur præter res, quia extra res; est præter multa, quia extra multa: & præter singularia quia

quia extra singularia; non est etiam natura quædam in entibus sed cōceptus, distinctus à naturis entium. Idem Aristot. docet in cap. de substantia, genera & species esse secundas substantias: atqui cōceptus formalis est accidens non substantia; non igitur genera & species sunt cōceptus formalis, sed ea natura in re quæ obicitur cōceptui formali.

Secundò. Aristoteles docet vniuersalia prædicari de rebus in quid & essentialiter, vt patet ex definitione vniuersalis, & ex definitionibus Generis & Speciei: at nisi vniuersalia sint naturæ rerum, non possunt dici de rebus essentialiter & in quid, ergo necesse est vniuersalia esse naturas, quæ sunt obiecta cōceptuum formalium. Non enim dicitur de rebus essentialiter, nisi quod est in rebus essentialiter.

Tertiò. Cōceptus formalis est solum vniuersalis *Conceptus formalis non est vniuersalis in essendo.* in representando, non verò in essendo, aut in prædicando. Nam quod dicitur, cōceptum esse signum; suppositiuum, quia supponitur & accipitur pro re: hoc ipsum indicat dari rem aliquam significatam per cōceptum, pro qua supponit cōceptus, quæ sit vniuersalis: nam si cōceptus non prædicatur de rebus, nisi quatenus supponit pro rebus, ergo res ipsæ per voces & cōceptus significatæ prædicantur, quatenus vocibus & cōceptibus exprimuntur.

Quartò. Scientiæ sunt de vniuersalibus vt passim docet Aristot. in 1. Posterior. text. 11. & 39. quia proprietates demonstrantur de vniuersalibus tanquam de subiecto primo: atqui proprietates nō demonstrantur de cōceptibus sed de naturis rerum quibus insunt: ergo vniuersalia sunt naturæ rerum non cōceptus.

Conceptus formalis in mente existens respondet in re conceptui obiectiuo.

Quintò. Conceptus formalis in mente existens habet sibi respondentem in re conceptum obiectiuum: nam si nihil illi respondeat in obiecto, non obiectum concipietur, sed aliquid aliud: Si verò illi respondeat aliquid in obiecto: dabitur præter conceptum formalem etiam conceptus obiectiuus vniuersalis: Conceptus enim formalis est imago & representatio conceptus obiectiuus: id enim quod in re representatur per conceptum formalem, dicitur conceptus obiectiuus. Vnde si conceptus formalis est imago naturæ dabitur in obiecto natura representata. Dices non est necesse naturam sub vna ratione representatam, esse vnā in re, actu, sed tantum potentia & fundamentaliter: satis enim est obiectum esse potentia tale, quale concipitur actu ab intellectu. R. Conceptui formali sub vna ratione representanti; respondere in obiecto rem vnā, quæ non realiter sed obiectiue sit vna: hoc est, in ordine ad talem representationem, seu vt substat tali representationi. Vnde potest esse in re multiplex, in seipsa, representatiue tamen vna. Potest enim aliquid rei conuenire respectiue, q̃ illi non conuenit secundum seipsam. v.g. Quantitas palmaris secundum seipsam non est maior vel minor, respectu tamen maioris, dicitur minor, respectu minoris dicitur maior. Quare pari ratione natura representata secundum seipsam, prout est in rebus, non est vna sed multiplex; respectiue tamē seu respectu representationis est vna, quia sub vna ratione representatur. Quod verò hæc vnitatis facit naturam intrinsecè vnā in illo esse representato, non tantum extrinsecè, patebit ex sequentibus conclusionibus.

Quod est per se singulare non potest efficere vniuersale.

Vnde ad primum primæ sententiæ respondetur; id quod est per se non per aliud singulare, non potest efficere vniuersale. Arqui natura à parte rei non est per se &

ex

ex ratione sua formali singularis, sed per identitatem realem cum singularitate, non igitur ei repugnat posse concipi absq; singularitate, & ex consequenti potest esse vniuersale. Individuum verò quia per se & ex ratione sua formali non ex identificatione cum altero est singulare, non potest villo modo effici vniuersale.

Ad secundam. Naturam in eodem statu repugnat esse simul vniuersalem & singularem, quia hæc duo respectu eiusdem inuoluunt contradictoria. Vniuersale enim est sine singularitate, singulare verò cum singularitate. Quare si natura sumatur in statu quem habet à parte rei, non potest simul esse à parte rei vniuersalis & singularis. Similiter si sumatur in statu quem habet in intellectu obiectiue, non potest simul obijci cum singularitate & sine singularitate. At si in diuerso statu sumatur, potest eadem natura simul esse & in rebus singularis & in intellectu obiectiue vniuersalis. Nam sicut eidem rei secundum diuersa tempora, vel loca, vel respectus, contradictoria possunt competere, ita & secundum diuersos status.

Ad tertiam. Patebit ex quarta conclusione: illa enim absurda sequerentur, si natura ut est in singularibus actu, esset vniuersalis, non autem dicimus, naturam ut abstractam à singularibus, non ut existentem in singularibus esse vniuersalem, & ratione aptitudinis ad essendum in multis, non ratione actualis existentiae in multis.

Dico 2. Intellectus potest naturā abstrahere ab omni singularitate; hæc conclusio est contra secundā sententiam, & probatur primo ex Aristotele, qui 1. Posterior. text. 39. ait, Dari naturam in entib⁹ talem, quæ sit præter particulares & singulares naturas, ut Trianguli naturam esse

Natura quomodo vniuersalis & singularis.

Natura potest abstrahi ab omni singularitate.

esse naturam præter quosdā particulares Triangulos, & numeri naturam, præter quosdā particulares numeros. Atqui natura præter singulares naturas est abstracta à singularibus. Ergo secundum Aristotelem datur præter naturas singulares natura abstracta à singularibus.

*Sensus singula-
ria intellectu
vniuersalia co-
gnoscit.*

Idem Aristoteles in pluribus locis docet sensum in hoc differre ab intellectu, quod ille semper sit singularium, nec vnquam nisi singularia cognoscat hic & nunc: intellectus autem cognoscit vniuersalia, abstrahendo ab hic & nunc, quæ differentia nulla est, si vniuersale dicatur esse singulare indeterminatè. Nam etiam sensus cognoscit singulare indeterminatè, ob distantiam vel aliam imperfectam applicationem obiecti. Tunc enim non potest discernere, an hoc vel illud determinatè sit quod videt: potest etiam brutum apprehendere singulare indeterminatè, & in communi, vt cum equus appetit auenam non hanc vel illam determinatè appetit, sed quamcunq; auenam singularem.

*Rationibus
probatur.*

1.

Secundo probatur rationibus. Prima sumitur ex convenientia rerum inter se, id enim in quo res conueniunt, potest abstrahi ab eo in quo differunt. At videmus res conuenire in natura magis vel minus, quasdā in natura generica tantum quasdam verò in natura specificas; in singularitate verò res penitus differre, singularitas enim diuidit vnā ab alia, quia enim Petrus est hic homo, ideo non est ille alius homo, ergo potest & natura generica abstrahi à speciebus, & natura specifica ab indiuiduis, quia differentia est extra conceptū convenientiæ.

2.

Secunda ratio sumitur ex scientiis quæ demonstrant passionem de vniuersali, tanquā primo & per se subiecto passionum; atqui non demonstrant de natura singulari
in

in communi, quia proprietates naturæ, non conueniunt naturæ vt singulari, neq; ratione singularitatis, sed secundum se vt natura est. Ergo datur natura secundum se abstracta ab omni singularitate, quia natura etiam si in ea nulla concipiatur singularitas, erit subiectum & causa sufficiens suarum passionum.

Tertia. Sumitur ex distinctione singularitatis à natura; id enim quod non est de essentia alicuius, non pertinet ad conceptum essentialē illius; & potest res illa concipi sine illo; At singularitas non est de essentia naturæ, quia natura prior est omni singularitate, prius enim est esse naturam quam hanc naturam: & potest aliquid cum altero conuenire in natura, & non conuenire in singularitate: Ergo potest concipi natura sine singularitate. Et confirmatur, quia si singularitas esset de essentia naturæ, non posset vna natura specifica habere plura indiuidua: quia non magis hæc quam illa singularitas esset de essentia ipsius; ergo aut omnes singularitates simul; haberet de essentia, quod est impossibile, aut si vnā tantum, non posset habere nisi vnū indiuiduum. Ad hæc si natura habet plura indiuidua, est ex se indifferens ad illa, quod autem est indifferens ad aliquid, potest concipi sine illo.

3.

Singularitas non est de essentia naturæ.

Verum contra hanc conclusionem tria obijci possunt. Primum est, quod obijcit secunda sententia, quod natura etiam abstracta, sit vna numero & singularis, non igitur potest abstrahi à singularitate. Respondetur naturam abstractam esse hanc & singularem, non singularitate reali, sed obiectiua & intentionali, quod etiam expresse concedit D. Thomas Opusc. 56. cum ait; dictum illud Boëtii, Omne quod est, vnum numero est.

Natura abstracta quasi singularitate, singularis.

Qq

verifi-

verificari quoque in natura vniuersali, quæ est vna numero secundum intentionem; hoc est, vna in ratione obiecti, & secundum existentiam obiectiuam, non secundum existentiam realem: Existencia enim vel est rerum singularitas, vel quid coniunctum necessariò cum singularitate. Ad illam verò instantiam secundæ sententiæ, quod natura illa, quæ subsistat esset obiectiuo in ratione natura sit hæc numero. Respondetur non esse hanc numero nisi respectu, hoc est respectu intellectus: Concipitur enim vt in seipsa intrinsecè carens singularitate: Verum hæc ratio sic concepta est quid determinatum in genere obiecti respectu intellectus concipientis. Licet in genere rei in seipsa sit indeterminata ad omnem singularitatem realem.

Obiici potest 2. Si natura potest abstrahi à singularitate, posset per Dei potentiam produci absque singularitate. Deus enim potest producere quidquid non implicat contradictionem; naturam autem abstrahi à singularitate non implicat contradictionem. Ergo & produci abstractam: Deinde quicquid intellectus potest concipere, Deus potest facere, cum eadem appareat implicatio in vno quæ in altero. Cum igitur certum sit Deum non posse producere naturam abstractam à singularitate, consequens est neque intellectum, id concipere sine implicatione contradictionis.

*Non quicquid
concepitur po-
test effici rea-
liter.*

Respondetur negando sequelam. Est enim maior ratio de effectiōe reali, quam de effectiōe intentionali; nam ens rationis potest produci ab intellectu intentionaliter, non tamen potest produci à Deo realiter; & ratio est, quia productio realis terminatur ad existentiam realem, quæ repugnat naturæ entis rationis; quia

quia eo ipso esset ens reale non rationis. Productio verò intentionalis terminatur ad existentiam intentionalem, quæ est conueniens naturæ entis rationis: Simili ergo modo implicat aliquid realiter existere in mundo, & nō esse aliquid determinatum hoc vel illud: Ideirco implicat etiam contradictionem produci realiter aliquid non singulare: quod enim producitur existit realiter, quod autem realiter existit, est singulare, cum sit quid determinatum & distinctum ab omni alio. Hæc autem implicatio non est in conceptione intellectus: nam hæc non terminatur ad existentiam realem, sed tantum obiectiuam, vnde potest aliquid concipi absq; omni singularitate in genere rei, & habere solum singularitatem obiectiuam, quæ etiam rebus impossibilibus conuenire potest; ex quo patet posse aliquid implicare contradictionem respectu productionis, non autem respectu cognitionis, quia sicut produci & cognosci non sunt idem, ita potest aliquid repugnare vni & non alteri. Dices etiam si non sint idem, esse tamen similia & proportionalia. Respondeo. Non habere omnem similitudinem & proportionem, posseq; aliquid repugnare vni ex propria eius ratione quod non repugnet alteri. Patet etiam sensum illius propositionis non esse, vt quidquid possit cognosci absolute possit etiam fieri à Deo: nam etiam impossibilia cognoscuntur quæ tamen fieri non possunt. Dices cognosci impossibilia sed cum implicatione contradictionis. Respondeo, cum implicatione contradictionis ad fieri non ad cognosci. Sensus igitur verus est, quidquid potest cognosci tanquam factibile potest fieri à Deo.

definitiuo. Itaque esse vnum specie nihil aliud erit, quàm habere vnā definitionem & vnum conceptum formalem in intellectu. huic verò vni conceptui formali non respondet in re, natura vna vnitāte naturæ intrinsecā, sed plures naturæ similes fundantes propter similitudinem, vnum conceptum formalem in mente. Concedi verò potest conceptum obiectiuum esse vnum per ordinem ad conceptum formalem, & vnitāte extrinsecā conceptus formalis, non vnitāte intrinsecā naturæ.

Tertia sententia est communis Peripateticorum, vniuersale esse naturam abstractam per intellectum ab omni singularitate, & est consequenti ex se aptam inesse multis & dici de multis: ita D. Thomas opusc. 55. & 56. Scot. in 2. dist. 3. quos alij sequuntur.

*Vniuersale non
est conceptus
sed res obiecta
conceptui.*

Dico primò. Vniuersale non est conceptus in mente existens, sed res huic conceptui obiecta, est contra primā sententiam. Probatur autem 1. Quia Arist. docet vniuersalia nō esse præter res, sed ipsam rerum essentiā, nam 1. poster. text. 25. ait vniuersale non esse præter multa, nec esse nisi vnum de multis, & rex. 39. non esse aliquid præter singularia, vbi etiam ait esse naturam quandam, in entibus talem, hoc est vniuersalem, vt Trianguli naturam ultra particulares Triangulos, & numeri naturam ultra numeros singulares. Si igitur Arist. idcirco affirmat vniuersale nō esse præter singularia, quia dicit naturā singulārū: non poterit vniuersale dici conceptus formalis, quia hic est præter singularia, & realiter à singularibus diuisus: singularia enim sūt extra intellectum, conceptus verò formalis est subiectiuè in intellectu. Est igitur præter res, quia extra res; est præter multa, quia extra multa: & præter singularia quia

quia extra singularia; non est etiam natura quædam in entibus sed cōceptus, distinctus à naturis entium. Idem Aristot. docet in cap. de substantia, genera & species esse secundas substantias; atqui cōceptus formalis est accidens non substantia; non igitur genera & species sunt cōceptus formalis, sed ea natura in re quæ obicitur cōceptui formali.

Secundò. Aristoteles docet vniuersalia prædicari de rebus in quid & essentialiter, vt patet ex definitione vniuersalis, & ex definitionibus Generis & Speciei: at nisi vniuersalia sint naturæ rerum, non possunt dici de rebus essentialiter & in quid, ergo necesse est vniuersalia esse naturas, quæ sunt obiecta cōceptuum formalium. Non enim dicitur de rebus essentialiter, nisi quod est in rebus essentialiter.

Tertiò. Cōceptus formalis est solum vniuersalis in representando, non verò in essendo, aut in prædicando. Nam quod dicitur, cōceptum esse signum; suppositiuum, quia supponitur & accipitur pro re: hoc ipsum indicat dari rem aliquam significatam per cōceptum, pro qua supponit cōceptus, quæ sit vniuersalis: nam si cōceptus non prædicatur de rebus, nisi quatenus supponit pro rebus, ergo res ipsæ per voces & cōceptus significatæ prædicantur, quatenus vocibus & cōceptibus exprimuntur.

Quartò. Scientiæ sunt de vniuersalibus vt passim docet Aristot. in 1. Posterior. text. 11. & 39. quia proprietates demonstrantur de vniuersalibus tanquam de subiecto primo: atqui proprietates nō demonstrantur de cōceptibus sed de naturis rerum quibus insunt: ergo vniuersalia sunt naturæ rerum non cōceptus.

*Conceptus formalis in mente
existens respondet in re conceptui
obiectiuo.*

Quintò. Conceptus formalis in mente existens habet sibi respondentem in re conceptum obiectiuum: nam si nihil illi respondeat in obiecto, non obiectum concipitur, sed aliquid aliud: Si verò illi respondeat aliquid in obiecto: dabitur præter conceptum formalem etiam conceptus obiectiuus vniuersalis: Conceptus enim formalis est imago & representatio conceptus obiectiuus: id enim quod in re representatur per conceptum formalem, dicitur conceptus obiectiuus. Vnde si conceptus formalis est imago naturæ dabitur in obiecto natura representata. Dices non est necesse naturam sub vna ratione representatam, esse vnam in re, actu, sed tantum potentia & fundamentaliter: satis enim est obiectum esse potentia tale, quale concipitur actu ab intellectu. R. Conceptui formali sub vna ratione representanti; respondere in obiecto rem vnam, quæ non realiter sed obiectiue sit vna: hoc est, in ordine ad talem representationem, seu vt substat tali representationi. Vnde potest esse in re multiplex, in seipsa, representatiue tamen vna. Potest enim aliquid rei conuenire respectiue, q̃ illi non conuenit secundum seipsam. v.g. Quantitas palmaris secundum seipsam non est maior vel minor, respectu tamen maioris, dicitur minor, respectu minoris dicitur maior. Quare pari ratione natura representata secundum seipsam, prout est in rebus, non est vna sed multiplex; respectiue tamẽ seu respectu representationis est vna, quia sub vna ratione representatur. Quod verò hæc vnititas facit naturam intrinsecè vnam in illo esse representato, non tantum extrinsecè, patebit ex sequentibus conclusionibus.

*Quod est per se
singulare, non
potest efficere
vniuersale.*

Vnde ad primum primæ sententiæ respondetur; id quod est per se non per aliud singulare, non potest effici vniuersale. Atqui natura à parte rei non est per se &

ex

ex ratione sua formali singularis, sed per identitatem realem cum singularitate, non igitur ei repugnat posse concipi absq; singularitate, & ex consequenti potest esse vniuersale. Individuum verò quia per se & ex ratione sua formali non ex identificatione cum altero est singulare, non potest vilo modo effici vniuersale.

Ad secundam. Naturam in eodem statu repugnat esse simul vniuersalem & singularem, quia hæc duo respectu eiusdem inuoluunt contradictoria. Vniuersale enim est sine singularitate, singulare verò cum singularitate. Quare si natura sumatur in statu quem habet à parte rei, non potest simul esse à parte rei vniuersalis & singularis. Similiter si sumatur in statu quem habet in intellectu obiectiuè, non potest simul obijci cum singularitate & sine singularitate. At si in diuerso statu sumatur, potest eadem natura simul esse & in rebus singularis & in intellectu obiectiuè vniuersalis. Nam sicut eidem rei secundum diuersa tempora, vel loca, vel respectus, contradictoria possunt competere, ita & secundum diuersos status.

Natura quomodo vniuersalis & singularis.

Ad tertiam. Patebit ex quarta conclusione: illa enim absurda sequerentur, si natura vt est in singularibus actu, esset vniuersalis, non autem dicimus, naturam vt abstractam à singularibus, non vt existentem in singularibus esse vniuersalem, & ratione aptitudinis ad essendum in multis, non ratione actualis existentiae in multis.

Dico 2. Intellectus potest naturā abstrahere ab omni singularitate; hæc conclusio est contra secundā sententiam, & probatur primo ex Aristotele, qui 1. Posterior. text. 39. ait, Dari naturam in entib⁹ talem, quæ sit præter particulares & singulares naturas, vt Trianguli naturam esse

Natura potest abstrahi ab omni singularitate.

in communi, quia proprietates naturæ, non conueniunt naturæ vt singulari, neq; ratione singularitatis, sed secundum se vt natura est. Ergo datur natura secundum se abstracta ab omni singularitate, quia natura etiam si in ea nulla concipiatur singularitas, erit subiectum & causa sufficiens suarum passionum.

Tertia. Sumitur ex distinctione singularitatis à natura; id enim quod non est de essentia alicuius, non pertinet ad conceptum essentialem illius, & potest res illa concipi sine illo; At singularitas non est de essentia naturæ, quia natura prior est omni singularitate, prius enim est esse naturam quam hanc naturam: & potest aliquid cum altero conuenire in natura, & non conuenire in singularitate: Ergo potest concipi natura sine singularitate. Et confirmatur, quia si singularitas esset de essentia naturæ, non posset vna natura specifica habere plura indiuidua: quia non magis hæc quam illa singularitas esset de essentia ipsius; ergo aut omnes singularitates simul, haberet de essentia, quod est impossibile, aut si vnâ tantum, non posset habere nisi vnû indiuiduum. Ad hæc si natura habet plura indiuidua, est ex se indifferens ad illa, quod autem est indifferens ad aliquid, potest concipi sine illo.

3.
Singularitas non est de essentia naturæ.

Verum contra hanc conclusionem tria obici possunt: Primum est, quod obicit secunda sententia, quod natura etiam abstracta, sit vna numero & singularis, non igitur potest abstrahi à singularitate. Respondetur naturam abstractam esse hanc & singularem, non singularitate reali, sed obiectiua & intentionali, quod etiam expresse concedit D. Thomas Opusc. 56. cum ait; dictum illud Boëtij, Omne quod est, vnum numero est.

Natura abstracta quasi singularitate, singularis.

Qq

verifi-

verificari quoq; in natura vniuersali, quæ est vna numero secundum intentionem: hoc est, vna in ratione obiecti, & secundum existentiam obiectiuam, non secundum existentiam realem: Existencia enim vel est rerum singularitas, vel quid coniunctum necessariò cum singularitate. Ad illam verò instantiam secundæ sententiæ, quod natura illa, quæ substat esset obiectiuo in ratione natura sit hæc numero. Respondetur non esse hanc numero nisi respectiue, hoc est respectu intellectus: Concipitur enim vt in seipsa intrinsecè carens singularitate: Verùm hæc ratio sic concepta est quid determinatum in genere obiecti respectu intellectus concipientis. Licet in genere rei in seipsa sit indeterminata ad omnem singularitatem realem.

Obiici potest 2. Si natura potest abstrahi à singularitate, posset per Dei potentiam produci absq; singularitate. Deus enim potest producere quidquid non implicat contradictionem; naturam autem abstrahi à singularitate non implicat contradictionem. Ergo & produci abstractam: Deinde quicquid intellectus potest concipere, Deus potest facere, cum eadem appareat implicatio in vno quæ in altero. Cum igitur certum sit Deum non posse producere naturam abstractam à singularitate, consequens est neq; intellectum, id concipere sine implicatione contradictionis.

*Non quicquid
concepitur po-
test efficari rea-
liter.*

Respondetur negando sequelam. Est enim maior ratio de effectiōe reali, quam de effectiōe intentionali; nam ens rationis potest produci ab intellectu intentionaliter, non tamen potest produci à Deo realiter; & ratio est, quia productio realis terminatur ad existentiam realem, quæ repugnat naturæ entis rationis;
quia

quia eo ipso esset ens reale non rationis'. Productio
verò intentionalis terminatur ad existentiam inten-
tionalem, quæ est conueniens naturæ entis rationis':
Simili ergo modo implicat aliquid realiter existere in
mundo, & nō esse aliquid determinatum hoc vel illud:
Idcirco implicat etiam contradictionem produci rea-
liter aliquid non singulare: quod enim producitur exi-
stiter realiter, quod autem realiter existit, est singulare,
cū sit quid determinatum & distinctum ab omni alio.
Hæc autem implicatio non est in conceptione intelle-
ctus: nam hæc non terminatur ad existentiam realem,
sed tantum obiectiuam, vnde potest aliquid concipi
absq; omni singularitate in genere rei, & habere so-
lū singularitatem obiectiuam, quæ etiam rebus im-
possibilibus conuenire potest; ex quo patet posse ali-
quid implicare contradictionem respectu productio-
nis, non autem respectu cognitionis, quia sicut pro-
duci & cognosci non sunt idem, ita potest aliquid repu-
gnare vni & non alteri. Dices etiam si non sint idem,
esse tamen similia & proportionalia. Respondeo.
Non habere omnem similitudinem & proportionem,
posseq; aliquid repugnare vni ex propria eius ratione
quod non repugnet alteri. Patet etiam sensum illius
propositionis non esse, vt quidquid possit cognosci ab-
solutè possit etiam fieri à Deo: nam etiam impossi-
bilia cognoscuntur quæ tamen fieri non possunt. Dices
cognosci impossibilia sed cum implicatione contradi-
ctionis. Respondeo, cum implicatione contradi-
ctionis ad fieri non ad cognosci. Sensus igitur verus est,
quidquid potest cognosci tanquam factibile potest fie-
ri à Deo.

Qq 2

Quod

*Cur implicet
vniuersale pro-
ducere realiter?*

Quod si quæras vnde repugnet vniuersale fieri & produci realiter à Deo. R. Quia productio terminatur ad existentiam, omne autem quod existit, singulare est; sicut ergo implicat existere & non esse singulare, ita implicat vniuersale existere, vniuersale enim non est singulare. Dices ex hoc capite solum sequitur repugnare existere vniuersale, quod sit abstractum à singularibus, non tamen repugnabit existere, vniuersale genericum abstractum ab esse specifico. R. i. illud non fore vniuersale genericum sed singulare genericum, ac proinde non fore verum genus, genus enim vt genus, est vniuersale per abstractionem tam ab indiuiduis quam à speciebus, ita vt si desit alterum non sit genus, sed vtraque abstractio conuenit essentialiter generi, & est complementum essentialiale illius: nam in abstractione ab indiuiduis conuenit in specie, & per eam constituitur in ratione vniuersalis in communi; quatenus vniuersale opponitur singulari. Per talem verò abstractionem, hoc est à rationibus specificis, differt à specie & constituitur in ratione propria generis.

Singulare genericum repugnat existere à parte rei sine rationibus specificis.

Secundò dico etiam repugnare singulare genericum à parte rei existere sine rationibus specificis, quia nihil potest existere nisi sit determinatum in essentia. v. g. figura non posset existere nisi sit vel curva vel recta; numerus nisi sit par vel impar; animal nisi sit rationale, vel irrationale. Id enim quod existit est ens determinatum, entis autem determinatio pendet ab essentia & existentia, quare nisi sit determinata essentia & existentia, non existit. Dices id verum esse naturaliter, non verò quòd implicet contradictionem. R. Implicare contradictionem respectu existentia: nam eo ipso quod subiicitur existentia, debet esse quid determinatum in essen-

in essentia: omne enim quod existit, determinatū quid-
dam esse necesse est hic & nunc, alioquin esset simul &
indeterminatum ex suppositione & determinatum,
quia existit, quæ sunt contradictoria. Nam si istes non
repugnare indeterminatum existere: nam materia ex se
est indeterminata ad omnes formas & subiectum ad ac-
cidentia. R. Id quod est indeterminatum quoad ef-
fentiam, non habens determinatam essentiam, non ha-
bet per quid determinatè existat, & sic determinatum
ens. & ideo tale implicat existere, quia quod existit, est
determinatum ens. Posita verò determinatione in ra-
tione entis, non implicat esse quoad alia determina-
tum: nam hæc indeterminatio non tollit determina-
tionem entis, illa verò tollit.

*Indetermina-
tum existere an
repugnet?*

Tertio. Obiici potest. Nihil potest abstrahi à suis
essentialibus; per essentialia enim est quod est, ac essen-
tia quælibet est essentialiter singularis; ergo non potest
abstrahi à singularitate; minor probatur. 1. Quia quæ-
libet essentia necessario est singularis & hæc numero, ita
ut ne per Dei quidem potentiam possit effici aliud sin-
gulare & aliud numero; at quod est necessarium vel est
essentiale vel consequens ad essentiam; ergo & singula-
ritas hoc modo erit essentialis, siue formaliter siue con-
secutiue, quia etiam hoc secundo modo habebit in ef-
fentia intrinsecam determinationem ad singularitatē.
Sic enim & essentiam Divinam dicimus essentialiter
singularem, quia est ex se non ab alio singularis, & ex se
determinata ad singularitatem, cum licens per essen-
tiam non ens ab alio. Secundò. Quia quod non est vlllo
modo distinctum ab alio, est idem essentialiter cum
illo; indivisio enim essentialis est vnitas; at essentia à
parte rei nullo modo distinguitur ex natura rei à sin-

Qq 3

gula-

gularitate (solum enim per rationem distinguitur) ergo à parterei est vnum & idem essentialiter cum illa.

*Singularitas
essentialis na-
tura.*

Respondeo. Negando minorem, alioquin sequeretur omnia indiuidua differre essentialiter nec posse esse plura indiuidua eiusdem speciei, quia vnum quodque haberet suam essentiam, essentialiter determinatam ad diuersam singularitatē. Propter quod & S. Thomas singulos Angelos censuit differre specie, quia habent essentias determinatas essentialiter ad diuersas singularitates; essentia enim quæ fundant diuersas proprietates, sunt diuersæ. Ad primam probationem respondeo; id quod conuenit alicui necessariò ex suppositione, non est necesse ut sit essentialē, vel ex essentia fluens; sed solum id quod conuenit necessariò absolute & secundum suam essentiam. Porro esse singularem conuenit essentia necessariò, non absolute ut essentia est; sed ut existit, ad hoc enim ut existat, necessariò debet esse singularis, vniuersalia enim non existunt. Absolute verò sicut non est necessarium ut existat, quia non ex se sed ab alio existit: ita non est necessarium ut sit singularis, sed solum ex suppositione existentia. Quod si dicas saltem sequi singularitatem esse essentialē existentia. Respondeo, Negando, singularitas enim rei actualis non est existentia, sed quid consequens existentia ut suo loco docebimus. Deinde singularitas conuenit etiam essentia non solum existentia.

*Singularitas
cum essentia
quemodo vna.*

Ad secundam respondeo. Dupliciter posse aliquid dici vnum, vel identicè tantum, vel etiam formaliter: identicè sunt vnum, quæ in re quidem non distinguuntur; fundant tamen distinctos conceptus formales, quibus distingui possunt, sic animalitas & rationalitas, in homine sunt vnum identicè tantum quia in re non distinguuntur, possunt tamen distinctis con-

cepti-

ceptibus formalibus concipi. Vnde etiam ista sunt vnum in tertio, quod ex illis constituitur vnum. V. G. animalitas & rationalitas est vnus homo, hoc est vnus res quæ dicitur homo. Formaliter verò dicuntur vnū, quæ non solum in re entitatibus nō distinguuntur, sed etiam non fundant conceptus distinctos; sic definitio est, idē formaliter cum definito, quia conceptus formalis definitionis est conceptus definiti. Singularitas ergo cum essentia est vnum identicē tantum, non verò formaliter; quia fundant distinctos conceptus formales propter quos vnum non est de essentia alterius, id enim propriè dicitur de essentia alicuius, quod est de conceptu formali illius.

Dico tertio. Natura abstracta per intellectum ab omni singularitate, est vna & indiuisa simpliciter, ita S. Thomas supra, & communiter omnes Peripatetici; qui hunc vnicum modum assignant quo natura vniuersalis efficiatur vna nempe per abstractionem à differentiis diuisantibus & multiplicantibus illam. Duo igitur ostendenda sunt, & quod iste modus sit sufficiens ad dādam naturæ vnitatē simpliciter & omnimodam, secundum quam natura nullo modo sit in se intrinsecè diuisa; & quod præter illum non sit alius modus.

Natura abstracta à singularitate est vna simpliciter.

Primum sic ostendo, nam vnitasecundum Arist. est entis indiuisio. Eo enim ipso q, aliquid non diuiditur secundum aliquam rationē, est vnum in illā ratione. Et sic per diuisionem tollitur vnitasecundum aliquam rationē, ita per indiuisiōnem inducitur. Pater id in quantitate, quæ sola diuisione definit esse vna quantitas & fit multiplex, cum verò rursum sit indiuisa, fit etiam vna. Porro natura diuiditur dupliciter, specificè per differentiam specificam, & numericè per differentiam numericā: differentia specifica facit naturam aliam specie & essentialiter, numerica verò

Vnitasecundum Arist. est indiuisio.

Diuisio multiplex.

facit

Per differentiam natura est alia substantialiter. facit naturam aliam secundum numerum tantum; Ita tamen ut utraque faciat naturam aliam substantialiter, & negari possit, una esse substantialiter altera: Cuius ratio hæc est; quia natura cum suis differentiis specificis & numericis, est idem substantialiter, & sic ab illis accipit & constitutionem substantialem intrinsecam, & diuisionem substantialem. Dices, quantitas non est idem cum materia, & tamen materia diuisa, quantitatiue, est diuisa substantialiter. R. Formaliter loquendo quantitas solum dat diuisionem quantitatiuam & accidentalem: quia tam ipsa est accidens, quam partes eius: consequentiue tamen dat etiam diuisionem substantialem; quia enim materia est extensa per quantitatem, ideo sequitur quantitatem in diuisione; & diuiditur substantialiter ad diuisionem accidentalem quantitatis; ita ut sint duæ diuisiones, altera quantitatis, altera substantiæ, & duo termini diuisionum, quantitas & substantia. Sunt tamen hæ diuisiones sibi subordinatæ ut una posita ponatur altera.

Natura per abstractionem fit solum indiuisa.

Ex qua doctrina sequuntur illa duo quæ sumpsi-
mus probanda. Primū est, quod si nulla adsit differen-
tia, diuidens & multiplicans naturam, hoc est nec speci-
fica, nec numerica; natura erit intrinsecè & substantia-
liter indiuisa; ac proinde una simpliciter. Non potest
enim dici diuisa; si nihil sit quod illam diuidat & multi-
plicet; ac nihil eam potest diuidere nisi differentia spe-
cifica vel numerica; ergo si neutra adsit, natura erit
neutro modo diuisa, ac proinde omnimodo indiuisa.
Cum igitur per abstractionem, natura abstrahatur à dif-
ferentiis specificis vel numericis, consequens est per ab-
stractionem effici naturam unam & indiuisam intrin-
secè & simpliciter. Nam sicut si natura realiter spoliare-

tur.

ur, omnibus differentiis diuidentibus & multiplican-
tibus illam, tam specificis quàm numericis, esset verè &
realiter vna: ita cum per abstractionem consideratur,
natura absque omni differentia; erit secundum consi-
derationem vna & indiuisa.

Alterum est non esse alium modum indiuisiōis &
vnitatis naturæ, quia non est alius modus diuisionis nisi
per differentiam specificam aut numericam; ergo nec
alius modus indiuisiōis nisi per abstractionem à differ-
rentia numerica vel specifica. Quare qui talem abstra-
ctionem negant verè fieri posse, negant consequenter
naturam vniuersalem esse, & verè vniuersalem: De tali
enim vnitatis hic quærimus quæ faciat naturam nō sin-
gularem, seu in esse illo non singulari vnā; ac talis vni-
tas non est nisi per abstractionem à differentiis singula-
ribus; Ergo si negetur talis abstractio, verè negabitur
vera vnitatis vniuersalis; nam illa vnitatis quam ponit se-
cunda sententia per denominationem extrinsecam ab
vnitate conceptus formalis & definitiui; est vnitatis re-
rum singularium; singularia enim sunt naturis diuisa, &
solum definitione & conceptu formali, sunt vnum: vni-
uersale autem in essendo est quid non singulare, vnde
eius propria vnitatis est illa quæ conuenit naturæ non sin-
gulari, ac proinde abstractæ à singularibus.

Modus vnitatis non est alius nisi per abstractionem à differentiis.

Natura abstracta ab vno indiuiduo abstracta ab omnibus indiuiduis.

Dices per abstractionem effici quidem, naturā in se
vnā, sed nō effici vnā respectu omnium indiuiduo-
rum. R. Cum natura abstrahitur ab vno indiuiduo; nō
abstrahitur solum à differentia vnius indiuidui, sed à dif-
ferentiis omnium indiuiduorum; quia consideratur sine
differentiis quorumcunq; indiuiduorum; quo fit vt sic ab-
strahatur vna pro omnibus indiuiduis eo prorsus modo,
ac ita ab omnibus & singulis singillatim abstraheretur.

R. Neque

Neq; enim ad hanc abstractionem opus est cognoscere singula individua & differentias ipsorum: sed sufficit non considerare in natura vllas differentias quorumcunque individuum. Quocirca per abstractionem natura efficitur vna natura omnium individuum; siquidem non est altera & altera, quia abstrahit à differentiis numericis facientibus illam alteram.

Natura abstracta ab omnibus individuis est eadem cum natura abstracta ab aliis.

Dices naturam abstractam à Petro non esse naturam abstractam à Paulo. R. Immo verò esse vnam & eandem naturam: quia quæ nullo modo differunt sunt vnum, at istæ naturæ nullo modo differunt, quia non habent per quid differant; sunt enim abstractæ à suis differentiis numericis, per quas formaliter differunt. Sunt igitur vna & eadem natura; alioqui si est altera & altera, nondum est abstracta à differentiis numericis facientibus eam alteram. Verum quidem est in Petro & Paulo esse alteram & alteram, quia identificatur differentiis individuis Petri & Pauli: at abstracta ab his differentiis desinit esse altera & altera, ac ex consequenti fit vna & indivisa: sublata enim causa diuersitatis, tollitur & effectus, & impossibile est esse alterum si non adsit id quod facit alterum.

Instantia de Natura in quo tantum induit duo existente.

Dices si natura non possit habere nisi vnum individuum. V. G. natura Michaëlis quæ secundum D. Thomam non potest esse nisi in individuo. Talis natura per abstractionem non erit natura vna multorum. Resp. id esse ex accidenti, quia non dantur illius naturæ plura individua; at si darentur, natura illa per abstractionem illam, quantum est ex se, esset vna natura omnium individuum; esset enim indifferens ad omnia individua; neq; enim tunc maiori abstractione opus esset, ad hoc vt esset vna respectu omnium individuum. Secundo. Respondet alij, ad hoc vt natura per abstractionem efficiat-

ficiatur vna natura omniū indiuiduorum, debet esse natura communicabilis & multiplicabilis; ita vt eadē abstractio in natura communicabili sufficiat ad vnitatem communem multis; in natura verò incommunicabili non sufficit. Verū hæ responsiones coincidunt in vñ.

Dico quartò. Intellectus per abstractionem facit naturam verè vniuersalem, duo enim sunt de ratione vniuersalis, vnitatis & ordo ad multa; atque per abstractionem natura fit, & vna & indifferens ad multa, ac proinde apta esse in multis; Ergo per abstractionem sufficienter intellectus facit naturam vniuersalem. Minor probatur. per abstractionem enim tollitur omnis diuisio naturæ per differentias; sublati enim differentiis diuidentibus, remanet natura indiuisa & vna. Similiter posita abstractione, sequitur ordo & aptitudo naturæ ad essendum in multis; licet enim hanc aptitudinem habeat natura à parte rei; quia re vera est in multis; tamen nō habet à parte rei aptitudinem, per modū vnius, & cum indiuisiōe sui, essendi in multis: est enim à parte rei in multis sed diuisa non vna; per abstractionem verò habet, vt sit apta esse vna in multis: vnde hæ aptitudo nō est realis sed rationis, quia est fundata in abstractione, quæ fit per rationem.

Dices hanc aptitudinē ad multa non consequi naturā abstractam nisi apprehendatur, cum enim sit ens rationis, non existit nisi apprehendatur; quare præter abstractionē requiratur alia actio intellectus ad faciendā naturam vniuersalē. R. Hanc aptitudinē esse non repugnantiam ad multa; non repugnantiam autem cum formaliter non sit ens, sed non ens, non habet opus vt apprehendatur, apprehensio enim solum requiritur ad ens rationis, & per apprehensionem habet rationē entis, negationes

Intellectus per abstractionem facit vera vniuersalem.

Non repugnantia nō habet opus vt apprehendatur.

R. 2

autem

autem cum non sint entia, sed esse illarum sit non esse; non egent apprehensione sed conueniunt absolutè posito fundamento.

Natura per potentiam ad multa constituitur actum vniuersalem.

Sed obijcies si natura constituitur vniuersalis per aptitudinem ad essendum in multis, erit solum potentia non actu vniuersalis: aptitudo enim dicit potentiam. R. per illam potentiam & aptitudinem ad multa naturam constitui actu vniuersalem; quia illa potentia conuenit illi actu, & sufficit ad vniuersalitatem supposita vnitatem naturæ. Nam etiam potentia potest rei competere actu. Sic potentia animæ, sunt potentia respectu actuum & obiectorum; respectu verò subiecti quod reddunt actu potens sunt verè actus. Pari ergo ratione ordo potentialis ad multa, est quidem potentialis respectu actualis inexistentiæ; tamen respectu subiecti seu naturæ, est actualis; quia est actus naturæ, & facit naturam actu potentem & aptam ad multa. Distingui enim debet actus primus ab actu secundo; actus primi sunt potentia à quibus procedunt operationes; actus verò secundi sunt operationes. Per potentiam ergo ad multa, natura est vniuersalis in actu primo: per actualementem autem inexistentiæ est in actu secundo: Constituitur autem vniuersale per actum primum non per secundum, vti & cæteræ res.

Natura est actus in multis non est vniuersalis.

Dico quintò. Natura tam vt existit actu in multis, quam vt consideratur actu esse in multis, non est simpliciter vna & vniuersalis, sed solum vt est abstracta à multis; Explico. Magnū est, discrimen inter naturā abstractā à multis, & existentē actu in multis: nam abstracta per abstractionē denudatur ab omnib. differentiis ipsam diuidentib; vnde remanet omnimodo indiuisa, & simpliciter vna; quia non habet per quod diuidatur. Vnde etiam ex consequenti habet cum vnitatem & indiuisiōnem

apti-

aptitudinem & indifferentiam ad multa, per quod cō-
pletur in ratione vniuersalis. Etenim sic abstracta non
est magis huius quam illius individui, neq; est magis
determinata ad vnum quam ad alterum.

At cū consideratur esse actū in multis, considera-
tur vt identificata multis; ac proinde vt diuisa in multis;
vnde non potest in tali statu considerari vt indiuisa, sed
potius vt diuisa; & ex consequenti non potest esse vni-
uersalis, quia sine vnitatem non est vniuersalitas. Nam
sicut per abstractionem à multis fit indiuisa; ita per con-
iunctionem in multis, fit diuisa, & perdit vnitatem &
indiuisiōem, quam habuit ex abstractione. Exem-
plum est in quantitate: hæc enim antequam diuidatur
in multa, manet vna & indiuisa quantitas, & habet apti-
tudinē vt diuidatur. Quando verò actū diuiditur,
perdit indiuisiōem & vnitatem, & ex vna quantitate
fiunt multe quantitates. Pari ergo ratione natura an-
te omnem diuisiōem, per differentias singulares, à
quibus abstrahit, est indiuisa & vna, & habet cum vnita-
te & indiuisiōe, aptitudinem tum ad essendum in mul-
tis, tum vt diuidatur in multa: vnde in statu abstra-
ctionis nihil illi deest ad vniuersalitatem. Cum verò con-
sideratur in multis: eo ipso consideratur vt multiplicata
& diuisa, siquidem est in multis per identificationem
cum multis, ex qua identificatione habet multiplicari &
diuidi. Quod enim identificatur multis, fit multiplex,
vnde natura in hoc statu non potest dici indiuisa & vna
simpliciter, ac proinde nec vniuersalis.

*Natura in mul-
tis est diuisa &
multiplex.*

At obiciēs, potest natura simul esse vna & multi-
plex, vna per abstractionem, multiplex prout est in
multis. R. In diuerso statu posse ista simul competere
eidem naturæ, nam prout est in intellectu, est abstracta

*Natura in di-
uerso statu vna
& multiplex.*

& vna, prout est in re, est multiplex non vna: At in eodem statu nō possunt ista duo simul conuenire naturæ, cum sint contraria & vnum tollat aliud, verbi gratia, natura vt est in intellectu obiectiuè nō potest simul esse abstracta à multis, & coniuncta cum multis; nec per abstractionem indiuisa, per coniunctionem diuisa: abstractio enim, cum est, tollit coniunctionem, & coniunctio abstractionem, neq; possibile est eandem naturam, per intellectum simul coniungi & non coniungi, abstrahi & non abstrahi, ynde cum hi actus fiunt ab intellectu, non fiunt simul sed successiuè. Similiter à parte rei non potest natura simul esse realiter diuisa in multis, & realiter indiuisa. Cum igitur de ratione vniuersalis sit, vt naturæ in eodem statu conueniat vnitas & ordo ad multa: ordo autem actualis inexistentiæ in multis non potest conuenire naturæ in eodem statu in quo natura est vna, hoc est in statu abstractionis, per intellectum: sequitur hunc ordinem non posse constituere naturam vniuersalem. Nam si sit realis inexistencia in multis, conuenit naturæ in alio statu, quem habet extra intellectum à parte rei, & conuenit naturæ diuisæ non indiuisæ. Si verò sit existentia in multis per considerationem intellectus, ea consideratio pugnat directe cum abstractione: abstractio enim est consideratio sine multis, hæc verò est consideratio cum multis. Coniungiautem & seiungi à multis per considerationem, sunt contraria. ex quo patet naturam non fieri vniuersalem, nisi per aptitudinem ad multa, quia hic solum ordo ad multa conuenit naturæ abstractæ, & salua eius abstractione & vnitatē. Alius verò ille ordo actualis inexistentiæ in multis, destruit, cum abstractionem naturæ, tum vnitatem. Et procul dubio hæc est sententia

Non potest simul natura esse abstracta à multis & coniuncta multis.

tia Aristotelis & Peripateticorum, qui omnes docent, naturam fieri vniuersalem per abstractionem à multis, non per coniunctionem cum multis, ac proinde, cum ordinem ad multa tribuunt vniuersali, illum solum tribuunt, qui conuenit naturæ, vt est abstracta à multis, non verò vt est coniuncta multis; talis autem ordo est aptitudinalis, non actualis: nam ordo actualis tollit & abstractionem & vnitatem naturæ, quæ in abstractione fundatur: ordo autem qui tollit vnitatem vniuersalis tollit essentiam vniuersalis; quod autem tollit essentiam, non constituit essentiam, & hæc est à priori ratio huius sententiæ & nostræ conclusionis.

Potest autem eadem conclusio confirmari aliis quoque efficacibus argumentis. 1. Si natura in Petro & Paulo esset vna siue in re siue per intellectum, sequeretur Petrum & Paulum esse vnum & indiuisum substantialiter, & esse consubstantialem alteri; at hoc est falsum, quia Petrus & Paulus habent naturas diuisas, quarum vna non est altera: ergo non possunt concipi habere naturam indiuisam. Diuisum enim, quæ diuisum non potest concipi indiuisum & vnum: at natura quatenus est in Petro est diuisa, non potest igitur concipi indiuisa: sed si concipitur indiuisa, concipitur vt abstrahit à Petro & Paulo, & est extra Petrum & Paulum per abstractionem. Dices Petrum & Paulum non esse vnum à parte rei sed per intellectum. Contra, ne intellectus quidem potest concipere vnum quatenus est multiplex; at natura vt est in Petro & Paulo est multiplex, ergo vt est in Petro & Paulo, non potest concipi vt vna.

*Alia variones.
Multæ sūt mul-
tæ essent vnum.*

Secun-

2. *Universalis est
sunt monstra..* Secundo. Quando intellectus res diuisas concipit
vt vnum quid & indiuisum, dicitur facere monstrum,
vt patet in hircoceruo, ex duabus enim essentiis diuer-
sis hirci & cerui, facit vnā essentiam hircocerui: atqui
similiter duæ naturæ Petri & Pauli sunt in re diuersæ,
ita vt vna non sit altera, ergo si illas concipit esse vnā
naturam & essentiam, facit monstrum, quia duo diuer-
sa substantialiter facit vnā substantiam. Etenim cum
intellectus fingit hircoceruum, non mutat à parte rei
naturam Hirci & Cerui, sed tantam mutat obiectivè,
concipiendo rem ex hircō & ceruō compositam, ea que-
ratione dicitur fingere monstrum.

Dices: tunc fingi monstrum quando vniuntur in
vnum res incompatibiles. Contra, sicut vnio duarum
specierum in vnā speciem est impossibilis, ita & vnio
duarum substantiarum in vnā substantiam est impos-
sibilis; naturæ autem in Petro & Paulo quatenus sunt
in Petro & Paulo, sunt duæ substantiæ diuersæ: Ergo
illarum vnio in vnā substantiam manente illarum di-
uisione, est impossibilis, ac proinde verè monstrum.

3. *Estet homo a-
lium quàm re-
metasit.* Tertio. Si natura vt est in Petro & Paulo fieret v-
na per intellectum, sequeretur Petrum aliū esse ho-
minem factum per intellectum, quam re vera sit à par-
te rei: nam à parte rei Petrus est homo non identifica-
tus Paulo, per intellectum verò fieret homo identifica-
tus Paulo, ac proinde alius homo: nam homo identifi-
catus Petro, per illam identificationem, cum differen-
tia substantiali Petri, constituitur alius homo substan-
tialiter.

Deinde natura identificata substantialiter alicui, est
diuersa substantialiter à natura non identificata, quia
in sua substantia continet id cui identificatur, quod na-
tura

tura non identificata non continet. Vnde fieret ut per conceptum intellectus, quo concipit naturam identificatam Petro & Paulo, esse vnā; Petro accederet noua substantia, quam ante non habebat. Nam ante habebat substantiam nulli alteri substantiæ identificatam; per conceptum verò habet suam substantiam identificatam substantiæ Pauli, & factam substantiam Pauli.

*Prædicatur
nona substan-
tia de Petro.*

Similiter cum Petrum concipit esse vnum animal cum boue, faceret hoc conceptu Petrum acquirere substantiam bouis; & esse idem substantialiter cum boue & habere substantiam bouinā; quæ omnia sunt manifestè absurda. Ex quibus patet naturam Petri & Pauli non posse effici per intellectum vnā, ut est in Petro & Paulo, sed tantum ut est abstracta à differentiis Petri & Pauli, ac proinde solum ut abstracta est, esse vniuersalem; non verò ut est vel concipitur existens in indiuiduis.

*Petrum per præ-
dicat. nem ac-
quirere sub-
stantiā bouis.*

Sed obiicies, verissimè dicitur naturam vniuersalem esse vnā in multis; ita enim & Aristoteles & omnes loquuntur, ergo ut existit in multis est vna & vniuersalis. Respondeo, naturam dici quidem vnā in multis sed materialiter non formaliter, non enim quatenus est in multis est vna, quia ut est in multis est multiplex & diuisa; neque quatenus est vna, est in multis, quia est vna per abstractionem à multis: quatenus autem abstrahitur à multis, non est in multis, sed extra multa. Solū vigetur materialiter est verum, illam quæ est in multis; prout abstrahitur à multis esse vnā; & illam quæ per abstractionem à multis est vna, esse quoque in multis: ita tamen ut essendo in multis desinat esse abstracta & vna.

*Natura vni-
uersalis quæ-
modo est vna
in multis.*

Ss.

Deinde.

Deinde natura existens in multis est vna, sed fundamentaliter tantum & in potentia, quia habet fundamentum ut possit per abstractionem concipi & fieri vna. Deniq; est vna in multis sed vnitate extrinseca, non intrinseca: nam intrinsecè est diuisa & multiplex in multis: extrinsecè verò per denominationem à conceptui formali est vna secundum definitionem, quia omnibus illis naturis, vna definitio naturæ competit.

Quoniam hæ omnes vnitates non sufficiunt ad vnitatem vniuersalis. Nam vniuersale debet esse vnum formaliter, quatenus habet ordinem ad multa, debet etiam esse vnum non fundamentaliter & in potentia, sed in actu. Deniq; debet esse vnum intrinsecè non extrinsecè, quia si sit intrinsecè diuisum nõ erit vna natura sed plures naturæ singulares; de ratione autem vniuersalis in essendo est esse naturam non singularem & indifferentem ad omnia singularia.

*Soluntur argumenta in contrarium.
Primum.*

Ex dictis facile soluntur argumenta quibus naturæ vniuersales impugnantur. Primum est: Intellectus non potest efficere naturam ad id aptam quod ei repugnat, verbi gratia, non potest efficere naturam hominis aptam ad rudendum, nec naturam asini aptam ad ridendum, quia hæ proprietates his naturis repugnant, nec potest intellectus mutare naturas rerum, nec facere, ut quod secundum naturam repugnat, non repugnet. Atqui naturæ quæ est in Petro repugnat omnis alia singularitas, præter singularitatem Petri; ergo non potest intellectus facere naturam illam aptam & indifferentem ad omnem singularitatem. Minor patet, id enim maximè repugnat naturæ, quod ei ne per Deum quidem potentiam potest conuenire: ut ne per Deum qui.

quidem potentiam potest natura Petri esse natura alteriusquam Petri, neq; alia substantialiter quam sit, neq; Petrus potest effici Paulus, ergo naturæ Petri repugnat omnis alia singularitas.

Solvitur; naturæ quæ est in Petro repugnare omnem aliam singularitatem, non per se & ex ratione formalis naturæ, sed ex accidenti, propter identificationem, cum differentia individuali Petri, quare solum ex suppositione talis identificationis, non potest illi advenire nova singularitas. Quia igitur per abstractionem, tolli potest hæc identificatio, & potest concipi natura absq; hac identificatione, ideo potest etiam concipi absq; repugnantia ad omnem aliam singularitatem.

Natura quæ est in Petro quomodo repugnat omni alia singularitati.

Secundum est. Qualibet natura ex sua essentia est singularis, omni enim alio ablato & relicta sola natura, erit natura illa indivisa in se, & divisa à quocunq; alio, quod est esse unam numero & singularem, ergo non potest per intellectum abstrahi à singularitate. Resp. Naturam non ex sua essentia formaliter esse singularem, sed ex identitate cum differentia singulari. Quare sicut potest abstrahi à differentia, ita & à singularitate. Porro etsi cum concipitur natura abstracta ab omni existentia & singularitate, quam habet in rebus; concipitur, ut universalis: quia tamen sic concepta habet existentiam obiectivam & intentionalem, ideo habet etiam singularitatem quandam obiectivam, ratione cuius est una obiectivè, & in illo esse obiectivo indivisa in se, & divisa à quocunq; alio. Verum hæc singularitas obiectiva, non impedit abstractionem à singularitate reali.

Secundum.

Natura singularis est non ex sua essentia sed ex identitate cum singularitate.

Tertium. Natura abstracta vel est eadem cum natura singulari vel diversa, non eadem, quia natura identifica-

Tertium.

tificata

ificata substantiæ Petri differt substantialiter à natura non identificata. Et sicut natura Petri, quia est identificata substantiæ Petri, differt substantialiter à natura Pauli, quæ est identificata substantiæ Pauli: Ita & hic propter identificationem substantialem, differt substantialiter à natura non identificata. Non est etiam diuersa, quia illa ipsa quæ est identificata, concipitur non identificata, alioqui hic homo non esset homo, nec essentia abstraheretur à Petro sed potius non essentia.

*Natura abstracta
ita quomodo e-
adem cum sin-
gulari & non
eadem.*

Soluatur; Naturam Petri sumptam formaliter vti natura est, & secundum rationem formalem naturæ, esse eandem cum natura abstracta, non esse verò eandem, si sumatur cum identificatione cum Petro. Eadem enim formaliter natura est, quæ concipitur sub identificatione & sine identificatione.

Quartum.

Quartum. Si vna esset natura multorum, sequeretur illa multa non esse à se naturis diuisa, sed esse sibi identificata: essent etiam omnes propositiones essentielles falsæ; falsum enim est Petrum esse hominem, identificatum Paulo, aut esse animal identificatum boui. Respondeo. Hæc & similia rectè probant nostram quintam conclusionem: non enim dicimus naturam esse vnā in Petro & Paulo existentem sed abstractam à Petro & Paulo.

Quintum.

Quintum. Si natura per abstractionem efficeretur vniuersalis, sequeretur naturam leonum vti per imaginem pictam repræsentatur in abstracto, esse naturam vniuersalem, & sic per picturam fieret vniuersale. Nam sicut natura per conceptum formalem repræsentata indeterminatè, fit per talem repræsentationem vniuersalis. Ita & natura leonis repræsentata indeterminatè

nate

natè in abstracto per imaginem pictam, fit vniuersalis: non enim representatur per imaginem hic vel ille leo determinatè, sed leo absolutè. Neque dici potest leonis essentiam non representari in imagine picta, sed accidentia: nam etiam in conceptu formali nō representatur essentia secundum se, sed vt substantia accidentibus. Deinde illa ipsa accidentia leonis representantur in abstracto vt in vniuersali, ergo saltem illa accidentia, vt sic representata, erunt vniuersalia in essendo. Quod si dicas imaginem leonis esse vniuersalem tantum in representando, quia omnes leones representat, non autem in essendo, quia non est essentia omnium leonum. Contra. nos non loquimur de imagine representatè, quam certum est esse vniuersalem in representando non in essendo, sicut & conceptus formalis qui est imago quædam in mente; non est vniuersalis nisi in representando: sed loquimur de re representata, quæ quia representatur in abstracto (sicut & natura in intellectu) debet esse vniuersalis in essendo: natura enim abstracta à singularibus est vniuersalis in essendo.

Pictura singulare indeterminatum representat non vniuersale.

Soluitur. Natura representata per imaginem pictam, representatur tanquam singularis indeterminatè, non verò tanquam vniuersalis & abstracta ab omni singularitate: hoc enim modo representatur solum in intellectu, & ideo solum ex representatione intellectuali est vniuersalis; non verò ex representatione picturæ. Representatio enim imaginis pictæ, fundatur in eius similitudine cum leonibus veris; ac dubium non est, similitudinem illam esse rei singularis, & terminari ad rem singularem, licet sub ratione singulari indeterminata: intellectus verò abstrahit naturam ab omni singularitate. vnde intellectus non pictor facit naturam vniuersalem.

QVÆSTIO V.

*Quæ & qualis sit unitas naturæ vni-
uersalis.*

*Natura vni-
uersalis neces-
saria vna.*

Dico primò. Naturam vniuersalem necessariò esse vnam, Patet id ex definitione vniuersalis, quod est vnum respectu multorum; non enim multa in multis, sed vnum in multis dicitur vniuersale. Quare non sufficit ad rationem vniuersalis ordo & multa, sed requiritur ordo vnius ad multa. Vt si sit ordo multorum ad multa non facit rem esse vniuersalem: nam naturæ à parte rei sunt multæ in multis, neque tamè idcirco sunt vniuersales. Hanc vnitatem expressit Aristot. definiens vniuersale esse id, quod est aptum esse in multis, vel dici de multis in singulari non in plurali.

*Natura vni-
uersalis vna
intrinsecè.*

Dico secundò. Naturam vniuersalem esse vnam, obiectiuè & intrinsecè, non verò solum per denominationem extrinsecam ab vnitatem conceptus formalis. Ratio est quia est vna per abstractionem ab omnibus differentiis singularibus, & per carentiam eorum omnium quæ illam diuidere possint: ergo est intrinsecè vna & indiuisa, quia nihil habet per quod intrinsecè diuidatur; & sicut si natura realiter existeret sine differentiis indiuidualibus, esset intrinsecè vna & indiuisa, ita & intellectu, cum fuerit spoliata per abstractionem omnibus differentiis illam diuidentibus, erit intrinsecè vna. Deinde si natura esset intrinsecè diuisa & multiplex per differentias & solum extrinsecè secundum conceptum vna, essent plures naturæ singulares similes, secundum vnam rationem & definitionem conceptæ, nõ autem esset natura non singularis, quod requiritur ad
ratio-

rationem vniuersalis in essendo. Vnde etiā sequeretur naturam esse vniuersalem extrinsecè, & secundum esse extrinsecum quod habet in mente, intrinsecè autem nō esse vniuersalem, sed multas singulares.

Dico tertio. Vnitatem naturæ vniuersalis esse vnitatem communem, secundum quam natura non solum in seipsa est vna, sed etiam est vna respectu multorū, quæ dicitur vnitas communicatis. Explico. Natura tripliciter potest considerari. 1. secundum se & sua prædicata essentialia. 2. vt est natura huius indiuidui particularis. 3. vt est natura communis omnibus indiuiduis. In hoc triplici statu triplex quoque conuenit vnitas naturæ.

Nam natura secundum se, est vna vnitate formali seu essentiali; & abstrahit ab vnitate vniuersali & particulari; quia natura secundum se tantum dicitur sua essentialia, & vnitatem in essentialibus, & quia nec vniuersalitas nec particularitas est de essentialia naturæ, ideo natura secundum se sicut abstrahit ab vniuersalitate & particularitate, ita & ab vnitate vniuersali & particulari, verumque est quod sanctus Thomas, & communiter Doctores dicunt, naturam secundum se nec esse vniuersalem, nec particularem, sed tantum naturam sub ratione naturæ. Quod si dicas naturam secundum se necessario esse abstractam à singularibus; eo enim ipso quod secundum se consideratur, non consideratur vt est in singularibus: natura autem abstracta à singularibus est vniuersalis. Respond. Naturam secundum se esse vniuersalem consecutiue, quia consequitur ad eam vniuersalitas, non verò formaliter, quia in sua ratione formali non includit vniuersalitatem, vniuersalitas enim non est de essentialia naturæ.

Si

*Natura & eni-
sit in singula-
ribus.*

*Natura & eni-
sit in intello-
ctu.*

*Vnitas formalis
& vniuersalis
differt.*

*Natura vni-
uersalis est vna
vniuoca.*

*Analogum nō
est vniuersale
simpliciter.*

Si verò consideretur natura vt est particularis huius-
vel illius indiuidui, sic est vna vnitate numericā & sin-
gulari, quam habet à differentiā numericā, per quam
constituitur in ratione indiuiduali. Denique si natura
consideretur vt est communis omnibus indiuiduis, sic
illi conuenit vnitas communitatis, quam acquirit natu-
ra per abstractionem: per abstractionem enim redditur
indifferēs ad multa, & communis multis. Differt au-
tem hæc vnitas ab vnitate formali, quia vnitas formalis
est vnitas naturæ, vt natura est; vnitas verò communis
conuenit naturæ, vt abstracta est: quare vnitas commu-
nis, includit vnitatem formalem, & addit illi respectum
ad multa, ita vt natura, quæ est in se vna formaliter, sit
etiam vna formaliter respectu multorum. Quare eadem
est vnitas formalis & vnitas communis, fit enim com-
munis, cum sumitur respectu multorum.

Dico quartò. Natura vniuersalis est vna vniuocè.
Ratio est; quia est vna per abstractionem à differentiis
singularibus. At natura quæ præscindi potest à diffe-
rentiis singularibus, est vniuoca; quia non habet per
quid diuersificetur, cum tota diuersificatio naturæ sit à
differentiis. Ex quo patet, analogum non esse verè &
propriè vniuersale: quia non potest perfectè præscindi
à differentiis inferiorum sed solum sicut confusum ab
expresso, vt suo loco dicetur. Quocirca & Aristoteles
3. Metaph. tex. 10. negat ens esse genus, quia non potest
præscindi perfectè à differentiis: inuoluitur enim in
suis differentiis. & 4. Metaph. c. 2. ait ens non esse vni-
uocum sed analogum, nec significare vnā naturam
sed tantum ab vno vel ad vnum. In 5. etiam Metaph. tex.
12. distinguit vnum analogicè ab vno genere vel specie,
alia, inquit, numero, alia specie, alia genere, alia analo-
gia.

gia, vnum sunt, ibique hæc omnia distinctis definitionibus definit, additque ea quæ vnum sunt analogiâ, non omnia esse vnum generum. In primo verò poster. text. 25. oportet inquit: vniuersale aliquid vnum & idem esse in pluribus non æquiucè: Vbi nomine æquiucoci more solito etiam analogia comprehendit. Nihilominus latè sumendo nomen generis & speciei, potest ob similitudinem quandam nomen generis & speciei analogis quoque applicari. Et sic Arist. 4. Met. t. 2. eni assignat species & specierum species..

QVÆSTIO VI.

Qualem ordinem ad multa dicat natura vniuersalis?

Aristoteles in definitione vniuersalis, ordinem ad multa exponit per aptitudinem ad essendum in multis & prædicandum in multis 7. Metaph. tex. 45. hoc inquit, dicitur vniuersale, quod pluribus naturâ aptum inesse, & 1. Peri. c. 5. Dico autem vniuersale, quod in pluribus prædicari natum est. Nam etiam si 1. de part. c. 4. dicat vniuersale esse id quod inest multis & 1. poster. tex. 26. ait esse vnum in pluribus: tamen non ait esse actum in pluribus, sed exponendus est secundum aptitudinem, ut seipsum exponit in definitionibus vniuersalis, quas ex professo tradidit.

Dico igitur 1. de ratione vniuersalis esse ordinem ad multa, ita ut nullum detur vniuersale absolutum, sed tantum respectiuum. Est contra quosdam recentiores, qui distinguunt vniuersale in absolutum & relatiuum, ita ut vtrumque sit formaliter vniuersale. Absolutum dicunt esse

T

natu-

*Ordo ad multa
est de ratione
vniuersalis.*

*opinio afferens
vniuersale ab-
solutum.*

naturam abstractam, ad quam consequitur vnitas & aptitudo ad multa, tanquam proprietates: essentiam vero vniuersalem consistere in illa constitutione naturæ, secundum quam est in se disposita proximè vt referatur ad multa, quare antequam referatur ad multa; esse vniuersalem. Quod explicant primò similitudine individui. Individuum enim seu singulare opponitur vniuersali, sicut ergo individuum constituitur in ratione individuali per differentiam individualem, ad quam consequitur vnitas individualis & aptitudo ad prædicandum de vno solo; ita, vt, vnitas & aptitudo non constituat rationem formalem individui, sed consequenter ad rationem individui; ita & vniuersale, prius constituitur per abstractionem in ratione vniuersalis, tum consequuntur vnitas & aptitudo ad multa per modum proprietatum. Secundò. Exemplo Idearum: si enim Idæ Platonice quæ secundum Platonem sunt naturæ vniuersales, essent actu subsistentes, essent procul dubio vniuersalia absoluta.

Refellitur.

Verum hi Autores, si loquuntur de vniuersali fundamentaliter, verum dicunt: natura enim absoluta est fundamentum vniuersalitatis. At si loquantur de vniuersali formaliter, non sunt admittendi.

I.

*Absolutū vni-
uersale Arist.
non agnouit.*

Primò. Quia Aristoteles nullum aliud vniuersale agnouit nisi respectiuum, siquidem illud definit per ordinem ad multa. Vocat quidem sæpe naturas absolutas vniuersalia, vt cum ait de vniuersalibus esse scientiam; de naturis enim absolutis, non de vniuersalitate est scientia: Tamen naturas absolutas idcirco vocat vniuersalia, quia sunt communes & dicunt ordinem ad multa. Tum, quia secundum definitionem vniuersalis à se traditam vocat eas vniuersales; Tum, quia

quia cum probat aliquid esse vniuersale, probat ex ordine ad multa, vt 7. Metaph. t. 45. hoc enim, inquit, dicitur vniuersale quod pluribus naturâ aptum est inesse.

Secundò. Ratione, quia nihil dicitur vniuersale nisi respectu multorum. Qualemcumque enim dispositionem res in se habeat, nisi cognoscatur in ordine ad multa, non cognoscetur, vt vniuersalis. Nam etiam de naturâ illa absoluta si quærat, quare sit vniuersalis, non aliter responderi poterit, nisi quia est apta esse in multis. Neque dici potest hanc rationem esse à posteriori, à priori enim nulla aliâ dari potest. Nam si dicas naturam illam absolutam, quia est abstracta, esse formaliter vniuersalem, & per abstractionem constitui in ratione formali vniuersalis absoluti: contra; quia abstractio solum facit formaliter naturam non singularem, non verò posituè vniuersalem: abstrahi enim est concipi sine singularitate, & effectus formalis ipsius adæquatus, est facere naturam non singularem. Porro vniuersalitas non est formaliter negatio singularitatis, hoc enim hucusque nullus asseruit, cum sit contra communem notionem de vniuersali.

Tertio. Nulla est ratio, propter quam natura absoluta dici debeat vniuersalis formaliter, secundum esse absolutum. An quia denominatur vniuersalis? at hæc denominatio non fit nisi ab vniuersalitate respectiua, eo modo quo subiectum denominatur à forma accidentali, verbi gratia, Paries denominatur albus ab albedine, similis à similitudine. An quia est talis in se, vti ei ordo ad multa necessario cõpetat; at hoc est esse fundamentum vniuersalitatis. Fundamentum enim relationis est illud ad quod necessario consequitur relatio.

2.

Vniuersale nō dicitur nisi respectu multorum.

Natura quare vniuersalis.

Abstractio formaliter facit naturam non singularem.

3.

Natura absoluta est solum fundamentum vniuersalitatis.

T t 2

V. G.

V. G. albedo ita afficit subiectum, vt ei necessario competat similitudo: num igitur propterea albedo dici debet similitudo formaliter, aut similitudo absoluta? num etiam similitudo formaliter distingui debet in absolutā & relatiuam? An non eo ipso, quod aliquid est dispositio ad aliquam formam, dici non potest ipsa forma, sed quid disponens ad formam. Quocirca & abstractio cum sit dispositio ad vniuersalitatem, non poterit dici vniuersalitas formaliter, sed tantum fundamentaliter.

Neq; obstat illa similitudo indiuidui: indiuidui. n. ratio est absoluta; vniuersalis verò ratio est respectiua; opponiturque indiuiduum vniuersali sicut absolutum respectiuo. Vnde non sequitur, si absolutum constitutur in suo esse per differentiam absolutam; etiam respectiuum per differentiam absolutam constitui debere. Id enim ratio oppositionis non exposcit, sed tantum, vt per differentiam oppositam constitutur: differentia autem respectiua est opposita differentiæ absolutæ. Deinde per abstractionem vniuersale solum opponitur singulari, vt non singulare singulari. Quæ oppositio non est formaliter in vniuersalitate, sed in non singularitate, In vniuersalitate autem opponetur singulari, quatenus vniuersale respicit multa, singulare verò respicit vnum tantum. Quod verò ad Ideas attinet, eæ si essent, secundum esse absolutum, essent vniuersales, fundamentaliter; secundum verò ordinem ad multa, essent vniuersales formaliter; ex quibus patet illud vniuersale absolutum tantum esse fundamentaliter vniuersale, & ita prorsus se habere ad vniuersalitatem, sicut albedo se habet ad similitudinem vti dictum est.

Dico

Dico secundò. Non quivis ordo ad multa, sed solum is qui fundatus est in vnitatem naturæ, constituit naturam vniuersalem: non enim ordo multorum ad multa, sed vnius ad multa est vniuersalis. Vnde Aristot. passim vocat vniuersale vnum in multis. Vnitas autem in qua fundatur ordo vniuersalis, est vnitas communis orta ex abstractione, vt patet ex præcedenti quaestione. Porro vnitas naturæ ita requiritur ad hunc ordinem, vt necessariò similesse debeat cum ordine. Cum enim sit fundamentum ordinis vniuersalis, sublato fundamento non potest esse ordo; quare necesse est vt vnum manens vnum dicat ordinem ad multa. Quod dico propter quædam prædicata, quæ conueniunt subiectis, non in sensu composito, sed diuiso; vt cum dicimus cæcum videre; cæcus enim manens cæcus non videt, sed videndo desinit esse cæcus. Non ita in vniuersali dicimus, vnum habere ordinem ad multa, necesse enim est, vt vnum manens vnum, dicat ordinem ad multa; quia vnitas vt dictum est, est fundamentum ordinis; quare ordo manere non potest, nisi maneat ipsius fundamentum, quod est vnitas cum abstractione: requiriturq; vt vnum quatenus vnum dicat ordinem ad multa.

Quivis ordo ad multa constituit naturam vniuersalem?

Vnum refertur ad multum manens vnum.

Dico tertio. Ordo ad multa non actualis, sed aptitudinalis, constituit rationem vniuersalem: nam ordo actualis in existentia, tollit & destruit rationem propriam vniuersalem, quæ in abstractione & vnitatem consistit, vt quaest. 4. declaratum. Deinde ordo aptitudinalis conuenit naturæ abstractæ & indiuisæ; actualis verò conuenit, naturæ contractæ & diuisæ; ac proinde naturæ non vniuersali.

Ordo ad multa aptitudinalis est de ratione vniuersali.

*Terminus or-
dini quinetur-
salu.*

Dico quartò. Terminus, quem hic ordo respicit, est esse in multis, & dici de multis, est enim aptitudo ad essendum & prædicandum de multis. Sunt autem hi termini sibi subordinati, dici enim sequitur ad esse, & dici de multis ad esse in multis. Porro explicandū est, quid sit esse in multis, & quomodo distinguatur à dici de multis.

*Natura est in
multis per idē-
titem.*

Quantum ad primum. Naturam esse in multis est esse per identitatem in illis. Neq; enim natura à parte rei distinguitur ab inferioribus, ut suprà ostensum est: neq; res distingui potest à suâ essentiâ, cum per essentiam sit, id quod est, ut in eo in quo distingueretur ab essentia, nō esset essentialiter talis. Ex quo infero, naturā ita esse in multis, ut fiat multa, & multiplicetur substantia- liter in illis. Quod enim est idem cum multis, quatenus multa sunt, necessariò est multiplex, quia eius substantia, est multorum, cum quibus est idem substantialiter. Deinde, esse in multis, est diuidi in multa: quia enim natura idem cum multis, multa autem ut multa sunt à se diuisa, sequitur, quod esse in multis, sit diuidi in multa. Fit autem hæc diuisio per differentias, siue specificas, siue numericas: quæ cum identificentur naturæ, faciunt eam substantialiter diuisam & differen- tem. Ex quo sequitur naturam eò ipso quod est in mul- tis, esse diuisam substantialiter, & amittere omnem in- diuisionem, sicut & quantitas, cum actu diuiditur, desi- nit esse vna. Nam licet quantitas sit vna, cum sit diui- sio, quia nisi esset vna non posset diuidi, & necesse sit præsupponi vnitatem quantitatis, ut ab ea incipiat di- uisio: tamen in ipsa diuisione definit esse vna.

*Naturam esse
in multis est
diuidi & mul-
tiplicari.*

Quantum ad secundum. Quidam pro eodem ha- bent, naturam esse in multis, & dici de multis: non enim

enim inquit est in multis nisi per prædicationem. Nam licet sine prædicatione sit in multis multiplex, tamen non potest esse vna in multis, nisi per prædicationem, vel in ordine ad prædicationem. Oppositum tamen verius est ista duo esse formaliter distincta; nam natura est in multis, per identitatem, & per contractionem per differentias specificas, vel numericas: in identificatione autem, & contractione non inuoluitur prædicatio: prædicatio enim consistit in affirmatione vnius de altero.

Naturam esse in multis non esse prædicari de multis.

Quod si quæras. An vniuersale manens abstractum & vniuersale, prædicetur de multis. Respondeo, præsupponitur quidem vniuersale formaliter, prædicatio-
pi, & est id quod assumitur ad prædicationem: per actum
tamen prædicationis contrahitur ad subiectum. Ac pro-
inde fit ex abstracto contractum, ex vniuersali particu-
lare. Nam sicut natura humana, cum actu est in Petro,
fit singularis: ita cum tribuitur Petro, restringitur ad
singularitatem Petri. Vnde terminus homo secundum
se quidem est vniuersalis, tamen per prædicationem,
coniunctus cum Petro, fit singularis, ita vt ipsum præ-
dicari sit singularizari.

Vniuersale ex actu prædicationis fit particulare.

Dico quintò. Ordo ad multa seu aptitudo illa naturæ vniuersalis non est quid reale sed rationis. Ratio est quia ordo vniuersalis fundatur in vnitatem naturæ vniuersalis: est enim ordo vnius ad multa, seu ordo cum vnitatem & indiuisiōem naturæ ad essendum in multis: atqui vnitatem naturæ vniuersalis, non est quid reale sed rationis: ergo nec ordo in ea fundatus, neque enim ens rationis potest fundare ens reale, hoc enim excedit virtutem ipsius, fundare & causare maius

Ordo natura vniuersalis ad multa non est realis;

maius & perfectius ens quam sit ipsum. Vnde patet, quod licet ordo multorum ad multa, seu ordo naturæ diuisa sit quid reale, & inueniatur à parte rei: tamen ordo vnius ad multa cum vnitatis & indiuisiōe naturæ, non est quid reale sed rationis.

Aptitudo natura vniuersalis non est quid positium.

Dico sexto. Aptitudo naturæ vniuersalis non est quid positium, sed negatio repugnantiae. Est contra quosdam, qui dicunt, hanc aptitudinem esse relationem ad multa, relatio autem est quid positium: Nos verò dicimus, relationem illam esse quid consequens naturam vniuersalem per modum proprietatis, non autem constituere formaliter rationem vniuersalis. Ratio est, quia per solam aptitudinem negatiuam; hoc est, per non repugnantiam intelligitur sufficienter natura esse apta in multis; quia non habet repugnantiam ad essendum in multis, & quia hæc aptitudo est prior aptitudine positua, cum sit fundamentum ipsius, ideo potius aptitudo negatiua quam positua constituit rationem formalem vniuersalis.

Etiā negatio potest concipi respectu multorum.

At inquit non possē concipi aptitudinem ad multa nisi relatiuē; hoc est respectu multorum, relatio autem est quid positium. Respōdeo etiā negationem possē concipi: respectu multorum: si illa negatio, sit negatio multorum: tunc autem concipitur relatiuē, nō per positiuam relationem ad multa, sed per negationē relationis ad multa. Non repugnantia enim ad multa est negatio relationis repugnantiae ad multa. Vnde includit relationem negatam non affirmatam.

Dices, talem esse aptitudinem naturæ, qualem facit intellectus; at intellectus dum concipit naturam aptam ad multa, concipit illam cum relatione positua ad multa. Ergo aptitudo naturæ est positua.

Resp. Vtroq;

Vtroq; modo concipi aptitudinem naturæ ab intellectu tam positiuè quàm negatiuè: sed primo modo concipi aptitudinem accidentalem, & consequentem ad naturam vniuersalem, secundo vero modo essentialem, & constituentem rationem formalem vniuersalem.

Aptitudo natura concipitur tam positiuè quàm negatiuè.

Ex quibus patet, omnia tria, quæ concurrunt ad constituendum vniuersale, esse negatiua. Nam abstractio dicit negationem singularium. Vnitas naturæ, dicit negationem diuisionis. Ordo ad multa dicit non repugnantiam ad multa. Cum qua triplici negatione sufficienter concipitur natura esse vniuersalis.

QVÆSTIO VII.

An omnis natura possit effici ab intellectu vniuersalis?

HÆc quæstio ex dictis resolui potest. Cum enim natura fiat vniuersalis per abstractionem: illa solum natura effici non poterit vniuersalis, quæ abstrahi à singularitate non potest. Talis est natura Diuina quæ cum essentialiter sit singularis, non potest secundum essentialitatem perfectè concipi nisi concipiatur singularis. Potest quidem in confuso concipi non concepta singularitate expresse, sicut & Analogum confuse conceptum abstrahit ab expressis rationibus analogorum: ac si perfectè concipiatur secundum essentialitatem rationem & secundum ea omnia quæ illi essentialiter conueniunt, non potest concipi sine singularitate, quæ est de essentialitate Diuinæ naturæ.

Natura diuina non potest effici vniuersalis.

Vb

Dices

maius & perfectius ens quam sit ipsum. Vnde patet quod licet ordo multorum ad multa, seu ordo naturæ diuisæ sit quid reale, & inueniatur à parte rei; tamen ordo vnius ad multa cum vnitæte & indiuisiōe naturæ, non est quid reale sed rationis.

Aptitudo natura vniuersalis non est quid positium.

Dico, sexto. Aptitudo naturæ vniuersalis non est quid positium, sed negatio repugantiæ. Est contra quosdam, qui dicunt, hanc aptitudinem esse relationem ad multa, relatio autem est quid positium: Nos verò dicimus, relationem illam esse quid consequens naturam vniuersalem per modum proprietatis, non autem constituere formaliter rationem vniuersalis. Ratio est, quia per solam aptitudinem negatiuam; hoc est, per non repugnantiam intelligitur sufficienter natura esse apta in multis; quia non habet repugnantiam ad essendum in multis, & quia hæc aptitudo est prior aptitudine positiua, cum sit fundamentum ipsius, ideo potius aptitudo negatiua quam positiua constituit rationem formalem vniuersalis.

Etiā negatio potest concipi respectu multorum.

At inquires non posse concipi aptitudinem ad multa nisi relatiuè; hoc est respectu multorum, relatio autem est quid positium. Respōdeo etiam negationem posse concipi respectu multorum: si illa negatio, sit negatio multorum: tunc autem concipitur relatiuè, nō per positiuam relationem ad multa, sed per negationē relationis ad multa. Non repugnantia enim ad multa est negatio relationis repugantiæ ad multa. Vnde includit relationem negatam non affirmatam.

Dices, talem esse aptitudinem naturæ, qualem facit intellectus; at intellectus dum concipit naturam aptam ad multa, concipit illam cum relatione positiua ad multa. Ergo aptitudo naturæ est positiua.

Vtroq;

Vtroq; modo concipi aptitudinem naturæ ab intellectu tam positiuè quàm negatiuè: sed primo modo concipi aptitudinem accidentalem; & consequentem ad naturam vniuersalis, secundo vero modo essentialem, & constituentem rationem formalem vniuersalis.

Aptitudo natura concipitur tam positiuè quàm negatiuè.

Ex quibus patet, omnia tria, quæ concurrunt ad constituendum vniuersale, esse negatiua. Nam abstractio dicit negationem singularium. Vnitas naturæ, dicit negationem diuisionis. Ordo ad multa dicit non repugnantiam ad multa. Cum qua triplici negatione sufficienter concipitur natura esse vniuersalis.

QVÆSTIO VII.

An omnis natura possit effici ab intellectu vniuersalis?

Hæc quæstio ex dictis resolui potest. Cum enim natura fiat vniuersalis per abstractionem: illa solum natura effici non poterit vniuersalis, quæ abstrahi à singularitate non potest. Talis est natura Diuina quæ cum essentialiter sit singularis, non potest secundum essentiam perfectè concipi nisi concipiatur singularis. Potest quidem in confuso concipi non concepta singularitate expresse, sicut & Analogum confuse conceptum abstrahit ab expressis rationibus analogatorum: at si perfectè concipiatur secundum essentiam rationem & secundum ea omnia quæ illi essentialiter conueniunt, non potest concipi sine singularitate, quæ est de essentia Diuinæ naturæ.

Natura diuina non potest effici vniuersalis.

Vu

Dices

*Duplex modus
concupiendi di-
uina attribu-
ta.*

Dices posse in Deo vnum attributum concipi & præscindi ab altero, vt intellectum à voluntate ergo poterit etiam natura Diuina concipi sine singularitate. Respondeo. Attributa Diuina dupliciter posse concipi sine singularitate vel secundum rationem transcendentalem communem Deo & creaturis & abstrahentem ab esse creato; vel secundum rationem esse Diuini quam habent in Deo. Primo ergò modo potest vnum attributum concipi sine alio, sed tunc concipietur secundum illud esse specificum Diuinum, secundum quod est in Deo. Nam esse Diuinum est esse per essentiam. Ita vt intellectus Diuinus per suam essentiam sit voluntas, & alia omnia attributa: & vnum quodq; attributum sit de essentia omnium, & omnia de essentia vnius, hoc enim requirit ratio entis per essentiam vt ex ratione sua formali sit omnia. Alioqui si non ex se sit omnia, erit omnia ab alio. Quocirca natura Diuina si concipiat ut Diuina, non potest sine singularitate concipi, nisi secundum rationem naturæ transcendentalem vt abstrahit à creata & increata. Vel secundum analogiam ad creaturas in quibus natura & singularitas sunt distincta.

Quod si instes animal in homine licet sit idem cum rationali posse tamen abstrahi à rationali: Ergo & hic. Respondeo esse disparem rationem. Nam animal in homine est idem cum rationali solum materialiter non formaliter: nam animal ex ratione sua formali non est rationale, nec inuoluit in suo conceptu formali rationalitatem. & ideo potest abstrahi secundum suam rationem formalem à rationali.

Ac

At in Deo propter peculiarem rationem entis per
essentiam, quælibet perfectio ex ratione suâ formali vè-
dicat sibi omnes: & ideo non potest ab illis abstrahi, vn-
de animal quasi ex accidenti determinatur ad rationale
cum non ex se sed ab alio sit rationale, quod de diuinis
perfectionibus dici non potest. Ex quo formatur talis
ratio: id enim quod abstrahitur est ex se indifferens ad
id à quo abstrahitur. At natura & omnis perfectio Di-
uina non est ex se indifferens sed potius ex se determi-
nata ad omnem aliam perfectionem Diuinam. Ergo
non potest abstrahi ab aliis perfectionibus, ac proinde
nec à singularitate. Illa enim indeterminatio repugnat
enti per essentiam.

Quia verò omnis alia natura præter diuinam po-
test abstrahi à singularitate. Ideo omnis alia natura
potest reddi vniuersalis saltem per non repugnantiam
Logicam seu per non implicationem contradictionis.
Neque enim singularitas est de essentia vllius naturæ crea-
tæ cum nulla natura creata sit ens per essentiam, nec ex
se sed ab alio sit singularis. Sicut & aliorum prædica-
torum essentialium coniunctio in creaturis non est ex
se sed ab alio. Et idcirco non repugnat naturam crea-
tam abstrahi à singularitate.

Dices ad vniuersalitatem non sufficere abstractionem.
Nam si sit natura non habens nisi vnum indiui-
duum (vt in Angelis censet D. Thomas) Talis natura
abstracta ab illo vno singulari non esset apta esse in plu-
ribus sed in vno tantum ac proinde non posset effici v-
niuersalis. Respondeo. Per abstractionem ab vno sin-
gulari naturam effici abstractam ab omni singularitate.

V u 2

Siqui-

*Cur una perfe-
ctio Dei nō pos-
sit abstrahi ab
aliâ.*

*Omnis natura
creata potest
effici vniuersa-
lis.*

siquidem concipitur absq; omni singularitate, & ex cō-
sequenti esse indifferentem ex se, ad omnia singularia,
quæ esse vel concipi possunt: quia ex se non magis est
huius quam illius singularis. Quod si naturaliter non
possit esse nisi in vno individuo: potest tamen super-
naturaliter, cū id non implicet contradictionem,
quod satis est ad hoc vt possit concipi per intellectum,
indifferens & vniuersalis.

QVÆSTIO VIII.

*An vniuersalia fiant ab intellectu per no-
titiā abstractiuā vel com-
paratiuā.*

Sensus quæstionis est, an vniuersale tunc fiat, cū
natura abstrahitur à singularibus & secundum se sine
singularibus cognoscitur, an cū comparatur cum sin-
gularibus & ad ea refertur ab intellectu.

Prima sententia, asserit naturam fieri vniuersalem
absq; vlla notitia tam abstractiua quam comparatiua,
per solam repræsentationem speciei intelligibilis: Prius
enim quam cognoscat intellectus naturam habet illius
naturæ speciem intelligibilem, qua tanquam simili-
tudine vtitur ad cognoscendam naturam. Porro ista
species repræsentat naturam absq; singularitate; ergo
ante omnem notitiā natura vt repræsentata in abstra-

*Natura non fit
vniuersalis per
solam speciem
intelligibilem.*

cto per speciem intelligibilem, est vniuersalis. Ita sen-
tit Caietanus de Ente cap. 4. Sotus hīc quæstione ter-
tia. Verū hęc sententia, reicitur propter duo:

Primò

Primò quia species intelligibilis non repræsentat formaliter sed effectiue, non enim est veluti Idea & imago quam respiciat intellectus, sed est veluti semen quoddam cognitionis efficiens cognitionem & repræsentationem intellectiuiam: Quare cum species non repræsentet actu obiectum, sed solum causet cognitionem actu repræsentantem obiectum; ex consequenti neque naturam vniuersalem repræsentabit actu nisi virtualiter & effectiue. Secundò, quia species intelligibilis quæ antecedit omnem notitiam intellectus producit ex phâta smate & est species rei singularis, sicut & phantasma ad cuius similitudinem formatur: ergo non repræsentat naturam vniuersalem vel singularem.

1.

Secunda sententia asserit fieri vniuersale per notitiam comparatiuam. Ratio est quia de essentia vniuersalis est ordo ad multa: at ordo ad multa cum sit ens rationis non existit nisi per operationem intellectus, ergo de essentia vniuersalis est vt concipiatur in ordine ad multa; quod est concipi comparatiue. ita Sontinas 10. Metaph. quæstione 15. & multi recentiores.

2.

Tertia sententia asserit vniuersale fieri per notitiam abstractiuam. Ratio est quia naturæ abstractæ per intellectum, conueniunt omnia requisita ad essentiam vniuersalis; nempe vnitas & aptitudo ad multa. Et quidem aliqui negant relationem ad multa esse de essentia vniuersalis, sed tantum triplicem illam negationem supra explicatam: alij verò concedunt, sed dicunt consequi abstractionem sine alia apprehensione & comparatione intellectus, cum natura relationis postulet vt

3.

Vu 3 con-

consequatur posito fundamento & termino. In hac sententia sunt Scotus, Durandus, Fonseca & pleriq; recentiores.

*Ordo posituum
ad multa non
est de essentia
vniuersali.*

Dico primo. Non est de essentia vniuersalis ordo posituius ad multa, sed sufficit negatiuus. Positiuum dico relationem posituiam ad multa: Negatiuum vero non repugnantiam ad multa. Ratio autem Conclusionis est quia cum sola non repugnantia ad multa sufficienter intelligitur natura vniuersalis, vt supra explicatum est. Ergo ordo posituius ad multa non pertinet ad essentiam vniuersalis, sed solum est proprietas consequens essentiam.

*Vniuersale fit
per notitiā ab-
stractiuam, co-
gnoscitur per
comparatiuā.*

Dico secundo, vniuersale fit quidē per notitiā abstractiuam verū non cognoscitur nisi per comparatiuā. Pro quo noto, aliud esse naturam fieri vniuersalem aliud cognosci vniuersalem. Fit enim natura vniuersalis cum habet illam triplicem negationem Abstractionis, vnitatis, & non repugnantiae: hac enim triplici negatione posita nihil deest ad essentiam vniuersalis. Porro hanc triplicem negationem conuenire naturae absq; vlla comparatione cum singularib. & absque eo quod illae negationes cognoscātur ab intellectu inde patet: quia etsi Ens rationis non possit existere nisi cognoscatur ab intellectu (eius enim esse est cognosci) tamen negatio rationis conuenit rei etiam si non cognoscatur. Vt enim disputatione prima docuimus esse negationis, est non esse formae negatae; ad non esse autem rei, non est opus apprehensione intellectus; sed sola non existentia rei negatae,

gata; Negationes enim non sunt Entia, sed non Entia. Vnde sequitur, etiamsi intellectus non cognoscat naturam in ordine ad multa; tamen per illam triplicem negationem, natura vere habet se ad multa. Patet etiam quod cum noticia comparatiua sit cognitio naturæ in ordine ad singularia, possit autem sine tali cognitione effici natura vniuersalis, sequitur absque noticia comparatiua fieri vniuersalem.

Quod autem non possit cognosci natura vniuersalis nisi per noticiam comparatiuam, patet. Quia de essentia vniuersalis est habere se ad multa siue negatiue per non repugnantiam, siue positiue per relationem. Ergo non potest intellectus cognoscere vniuersale vtrouis modo, nisi in ordine ad multa quod est comparative cognoscere.

Porro fundamentum Scoti quo tenet vniuersale fieri per noticiam abstractiuam eo quod relatio ad multa consequatur ad naturam abstractam, tanquam ad suum fundamentum sine alia cognitione intellectus. Hoc inquam iam est à nobis refutatum supra disputatione prima. Hoc enim est proprium relationum realium, naturaliter & sine vlla operatione intellectus consequi, posito fundamento & termino. At relatio rationis consequitur per rationem apprehendentem talem relationem. hic enim modus est proportionatus naturæ Entis rationis, ut per rationem existat, non ut ex natura rei consequatur.

Non consequitur relatio rationis, nisi per rationem apprehendentem.

Sed quæres, an per noticiam abstractiuam, intellectus saltem indirectè cognoscat vniuersalitatē. quidā enim plus

An indirectè cognoscatur vniuersalitas.

plus equo vrgent hunc modum loquendi, qui tamen in rigore non est ver⁹. Nam ex eo quod cognitio terminatur ad naturam nec directè nec indirectè terminatur ad ea quæ sunt coniuncta naturæ. Nam quod indirectè cognoscitur, aliquo modo cognoscitur, & aliquam sui habet speciem intelligibilem in intellectu, aliquam etiam expressionem & representationem in actû cognitionis: alioquin si nullo modo cognoscitur, ne indirectè quidem cognoscitur. Cognosci autem non potest nisi per speciem aut representationem aliquam in mente. Deinde cognoscere naturam secundum se & suam essentiam, est cognoscere illam abstractam ab omnibus aliis illi coniunctis: Ergo, & ab vniuersalitate & à singularitate: Ergo natura in tali cognitione, neque cognoscitur vniuersalis neque singularis, ne indirectè quidem; quia in tali cognitione nullo modo representantur singularia.

•••••



DI-



DISPUTATIO V.

De quinque Vniuersalibus.

Uniuersalia in particulari numerantur quinque, Genus, Species, Differentia, Proprium, & Accidens: de quibus sigillatim agendum est, tum eorum numerus & sufficientia ostendenda.

QVÆSTIO PRIMA.

De Genere.



Enus accipitur pro eo quod est generationis alicuius principium & origo; quare & Philosophi appellarunt Genus id, ex quo quasi generantur species. Est autem triplex Genus apud Philosophos Logicum, Physicum, Metaphysicum.

Logicum Genus est id quod prædicatur de speciebus in quid: Physicum Genus, est materia ex qua generantur variae formæ, & varia composita: Metaphysicum Genus est grad⁹ superior contrahibilis, per diuersas differentias essentielles. Nobis hoc loco agendū est de genere Logico, prout dicit ordinē prædicationis ad species, q^{uod} etiam i. Top. c. 4. definitur ab Aristotele, esse id quod prædicatur de pluribus differentibus specie in eo quod quid est.

Genus Logicū

Physicum.

Metaphysicū.

Xx

Circa

*Quid definitur
in Definitione
Generis.*

Circa quam definitionē quæri potest primo, Quid nam sit illud, quod definitur hac definitione, naturæ realis, an secunda intentio Generis? an utrumque? Videtur enim natura non definiri; id enim definitur cuius essentia definitione explicatur; at nullius naturæ realis essentia hac definitione explicatur, sed solum proprietas quædam, nempe prædicabilitas: Ergo non definitur natura. Secundam etiam intentionem non definiri inde patet; id enim definitur quod prædicatur de speciebus in quid, at secunda intentio generis non prædicatur de speciebus in quid, quia species essent generis, & secunda intentio generis esset species, quod falsum est: Ergo. Utrumque etiam non definiri, ex eo probatur, quod duplicem non unam definitionem esse oporteret: duo enim Entia sicut duas habent essentias, ita & duas definitiones. Deniq; non potest dici naturam definiri, quatenus substat secundæ intentioni; quia definitio debet essentialiter convenire suo definito; at definitio hoc modo accepta, non essentialiter, sed accidentaliter, conveniret naturæ; quia illa secunda intentio prædicabilitatis est accidens naturæ; Ergo. Neque dici potest naturæ, ut natura est, convenire definitionem, dictam accidentaliter, ut verò substat secundæ intentioni, convenire essentialiter. Nam sicut ipsa secunda intentio est accidens naturæ, ita & definitio secundæ intentioni conveniens, erit accidens naturæ.

Dicendum tamen est, definiri in hac definitione naturam prout substat secundæ intentioni. Id enim definitur quod prædicatur: at natura est illa quæ prædicatur: Ergo natura definitur: Verum cum natura hic non definiatur secundum suam essentiam realem, sed secundum essentiam secundæ intentionis,

nis,

nis, (non enim naturæ, sed secundæ intentionis essentia definitione explicatur) ideoque dicimus naturam definiri, ut subsistat secundæ intentioni: ut autem explicemus, quomodo, cum in hac definitione essentia secundæ intentionis explicetur, definitio naturæ tribuatur.

Notandum est, aliter definiri Accidentia quam substantias. Nam substantiæ cum non referantur ad aliud, sed per se subsistant, earum quoque definitio non potest ulli alteri tribui, sed illis solis. At Accidentia ex sua essentia referuntur ad subiectum, eorum enim esse est inesse: quare & definitio accidentium non solis accidentibus conuenit, sed & subiectis eorum: diuersa tamen ratione, nam accidentibus essentialiter, subiectis denominatiue; accidentibus formaliter, subiectis materialiter, ut subsistant talibus accidentibus: accidentibus immediatè, subiectis verò mediâtè. Sic cum definitio album esse disgregatiuum, visus, definitio corpus, non secundum naturam corporis, sed secundum naturam albedinis, eaque definitio albedini essentialiter, formaliter, immediatè conuenit; corpori verò denominatiue, materialiter, mediâtè. Pari ergo ratione cum hic definitur, natura, ut subsistat secundæ intentioni Generis, eadem definitio essentialiter, formaliter, immediatè, conuenit secundæ intentioni Generis, denominatiue verò, materialiter, mediâtè, conuenit naturæ, tanquam subiecto secundæ intentionis. Quocirca cum Caietanus vrgat, definitionem conuenire essentialiter definito, verum id est, de definito formali, non de definito materiali.

Diuerſa definitio substantiæ & accidentium.

Definitio materialiter & formaliter.

..Xx. 2

Nam

Nam subiectum sicut est subiectum Accidentis, ita est etiam subiectum definitionis accidentis, & sicut est subiectum definiti, ita est subiectum & definitionis. Et sicut definitum formale accidentaliter competit suo subiecto, ita & eius definitio.

Ex quo infero primò, Falsam esse sententiam Caietani dicentis naturam hic non definiri villo modo, sed secundam intentionē in concreto: tum quia id definitur quod prædicatur in quid, at secunda intentio etiā in concreto sumpta non prædicatur in quid de homine & equo sed natura: Ergo natura suo modo definitur, tum quia accidentia, si sumantur in concreto, necessario inuoluunt subiectum, vt patet inductione; album enim significat id quod est affectum albedine: Concretum enim accidentis significatur per modum cuiusdam subsistentis: at accidens subsistentiam non habet: nisi à subiecto: Ergo in suo modo significandi concreto inuoluit subiectum.

Sed obiicies, Secunda intentio nullo modo prædicatur de speciebus; Ergo nullo modo definitur. Respondet in prædicatione duo distingui possunt, res prædicata, & ratio formalis prædicandi. Res prædicata est natura; Ratio verò formalis prædicandi est secunda intentio. Natura igitur definitur, vt res prædicata; secunda verò intentio, vt ratio formalis prædicandi. Neque necessarium est, vt id quod formaliter definitur, prædicetur, sed satis est, vt sit ratio formalis prædicationis: quia in definitione explicatur ratio formalis prædicationis.

Porro notandum est. duplicem rationem formalem hic distingui posse, vnā rationem formalem naturæ vt natura est, alteram rationem formalem naturæ, vt substat secundæ intentioni. Et si .n. natura sit quid materiale respectu secundæ intentionis; tamen etiam

*Ratio formalis
duplex, Natura
est secunda
intentioni.*

in

in seipsa habet suam rationem formalem, per quam formaliter est talis natura, & per quam formaliter conuenit speciebus. Ratio verò formalis secundæ intentionis, est illa prædicabilitas, vel genereitas, quæ est ratio formalis generis. Dupliciter igitur possumus dicere, Animal, v.g. prædicari formaliter de homine: Primò formalitate animalis, secundò formalitate generis. Nam animal ratione suæ formalis naturæ tribuitur speciebus, & ratione suæ prædicabilitatis, habet formaliter prædicari de specie. Vtrobq; quidem modo formaliter, sed non eadem formalitate. Quare diuerso respectu, & diuersa formalitate, natura vt natura, & vt genus, prædicatur formaliter, habetq; duplex Quo; Quo naturæ, & Quo secundæ intentionis. Quare si quærat, quo formaliter genus prædicetur de speciebus; responderi debet, si de Quo naturæ quærat, prædicabitur sua natura formaliter: Si verò de Quo vniuersalitatis, prædicabitur vniuersalitate formaliter.

Secundò quæri potest. Quodnam sit Genus in hac Definitione. Quidam negant in hac definitione esse vllum genus: aiunt enim accidentia definiri per subiectum loco generis, vt cum definitur album, esse corpus disgregatiuum visus. At reuera negandum non est, accidentia vtroq; modo definiri posse, tam per subiectum, quam per genus: Nam etiam ab Accidente potest abstrahi ratio communis generica, quæ posita in definitione accidentis vna cum differentia specifica, constituet definitionem accidentis; vt si definiam album, esse quoddam coloratum disgregans visum. Pari ergo ratione definitio Generis hoc loco explicari potest. Primò per subiectum, hoc est naturam aptam prædicari de multis; Secundò per Genus, quod est prædicabile.

Quod sit Genus in Definitione Generis.

Duplex modus definiendi Accidentis.

in communi: Genus enim est prædicabile de speciebus; sicut species est prædicabilis de Individuis, omnesq; species prædicabilium conueniunt in vno genere prædicabilis in communi.

Verùm contra hæc Obiici potest. Primò: Genus non datur genus; alioquin procederemus in infinitum: Ergo generis definitio non datur per Genus.

Secundò. Si genus definitur per Genus, idem definitur per seipsum: Nam Genus, esset & definitum, & pars definitionis Generis.

Tertiò. Quod constat ex Genere & differentia, est species: at si Genus definitur per Genus & differentiam, constabit Genere & differentia: Ergo genus erit species.

Quartò. Genus comprehendit sub se omnia genera; quia de omnibus Generibus in quid prædicatur: Ergo supra se nullum habet Genus, per quod definiri possit, & quod de illo prædicetur.

Quintò. Definitum non ponitur in sui definitione: at hic omne genus definitur: Ergo nullum genus est, quod possit poni in hac definitione.

*Genus accipi
potest primo &
secundo inten-
tionaliter.*

Pro solutione. Notandum est. Genus dupliciter accipi posse. Primò, pro secunda intentione Generis, quæ est prædicabilitas de speciebus: Secundò, pro ea re cui conuenit secunda intentio Generis, quæ est natura aliqua, cui conuenit prædicari de speciebus. Secunda intentio dicitur Genus essentialiter & formaliter, quia est ratio formalis generis. Natura verò, dicitur genus denominatiue, & materialiter; quia denominatur Genus à secunda intentione Generis.

Notandum est secundò. Ipsam secundam intentionem Generis, constare ex genere & differentia: Genus.

trius eius est prædicabilitas, differentia verò talis modus prædicationis. Vnde patet Generis Genus non esse secundam intentionem generis; sed aliam quandam secundam intentionem diversam essentialiter à secunda intentione Generis, ita tamen ut illi sicut & aliis naturis conveniat accidentaliter secunda intentio Generis. Ex hac igitur duplici generis acceptione tolluntur omnes æquivocationes & solvuntur argumenta opposita.

Ad Primum Respondeo. Genus ut est secunda intentio; non definitur per secundam intentionem generis, sed per aliam secundam intentionem, cui convenit accidentaliter secunda intentio Generis; definitur enim per prædicabile, cui convenit accidentaliter secunda intentio generis. Prædicabile enim est genus quoddam. Hoc autem modo Generis dari genus non est absurdum; quia hoc nihil aliud est, quam secundam intentionem generis, constare aliquo communi, per modum generis, & aliquo particulari, per modum differentie: Sic enim aliis naturis convenit constare gradu generico, & specifico; ita & secundæ intentioni Generis hoc idem convenit. Quare genus essentialiter acceptum, definitur per aliquid, quod est Genus denominativè. Neq; ex hoc sequitur dari processum in infinitum in generibus: quia in gradibus genericis pervenitur ad summum, qui supra se alium non habet superiorem, ut est gradus generis generalissimi: Et licet & generi generalissimo tribuatur secunda intentio generis; tamen & illa secunda intentio non habet infinitos gradus genericos, sed habet unum supremum gradum essentialem, quo non est alius superior.

Idem

Idem & de aliis secundis intentionibus dicendum, quas in infinitum possumus plures & plures assignere, semper tamen assignabimus singularum intentionum supremum genus essentialiter.

Ad secundum. Non sequitur idem definiri per seipsum, quia Genus, quod est secunda intentio definitur per aliam rem quæ non est secunda intentio Generis, sed denominatur Genus à secunda intentione generis, quæ illi accidentaliter convenit; definitur enim Genus per prædicabile: Prædicabile autem non est secunda intentio Generis, sed ab ea essentialiter distincta; convenit tamen ei accidentaliter secunda intentio generis, sicut enim animali convenit accidentaliter, secunda intentio generis, ita & Prædicabili convenit eadem secunda intentio respectu quinque prædicabilium.

Ad tertium. Secunda intentio Generis diverso respectu dicitur Genus & Species: Nam ut est secunda intentio Generis dicitur genus essentialiter; Ut autem hæc secunda intentio constat ex gradu generico & specifico, dicitur species denominatiue & accidentaliter.

Ad quartum. Genus essentialiter acceptum continet sub se omnia genera, quibus secunda intentio generis essentialiter competit; continet autem tanquam species suas essentielles. Idem verò genus essentialiter acceptum, continetur sub genere denominatiue accepto, hoc est sub secunda intentione (prædicabilis) quæ non est genus essentialiter, sed denominatiue, & est pars essentialis constituens genus essentialiter. Et sic secundum diversam rationem genus continetur sub genere, & continet alia Genera.

Ad quintum. Secunda intentio Generis est definitum, in cuius definitione loco generis non secunda intentione

tentio generis, sed prædicabile ponitur: quod alio sensu dicitur genus, quàm secunda intentio generis, nempe denominative tantùm non essentialiter. Quare non sequitur idem poni in sua definitione.

Tertiò quæri potest. An genus ut genus solùm de speciebus prædicetur? Quidam enim censent nò minus prædicari de speciebus, quàm de Individuis. Primò: Quia hæc prædicatio, Hic homo est animal, & hoc animal est animal, non est speciei aut ullius alterius prædicabilis: ergo est generis. Secundò: Quia in definitione generis dicitur, quòd genus prædicetur de differentibus specie: at etiam Individua possunt differe specie; ut hic homo, & hic equus. Ergo etiam de Individuis prædicatur. Tertiò. Prædicari sequitur ad inesse: at Genus non minùs inest speciebus quàm Individuis; non minùs enim verùm est, Petrum esse animal, quàm hominem esse animal. Ergo non minus prædicatur de speciebus, quàm de Individuis.

Alii tamen, & veriùs censent Genus ut Genus prædicari de specie solùm, & proprium correlatiuum generis esse speciem. Primò: Quia genus solùm respectu specierum dicitur genus, non respectu Individuorum: si enim sub animali non continerentur species, sed tantùm Individua, verè animal non diceretur genus illorum Individuorum, sed species; quia de illis prædicaretur, tanquam solo numero differentibus, quod est proprium speciei. Secundò; Quia si per ordinem ad individua genus diceretur genus, sequeretur omnem speciem esse formaliter genus. Nam si ordo ad individua, seu prædicatio de solo numero differentibus est formaliter generica, sequitur speciem esse formaliter genus, quia formaliter constituitur per ordinem ad la-

Y y

diuidua,

Propria prædicatio Generis est de specibus.

1.

2.

3. diuidua, qui ordo formaliter est genericus. Tertiò: quia genus vt genus est vniuersale quoddam; at alia vniuersalitas est respectu speciei differentium, alia respectu eorum, quæ solo numero differunt: Ergo vel genus erit duplex vniuersale, vel hæc secunda vniuersalitas non spectabit ad genus, sed ad speciem.

Responderi potest, quòd licet tam Genus quam species prædicentur de solo numero differentibus, tamen non eodem modo. Nam genus prædicatur per modum generis, & modo sibi conuenienti, species autem per modum speciei conuenientis; species enim prædicatur de Indiuiduis, vt tota natura ipsorum, Genus autem vt pars naturæ. Sed contra; hic modus partis vel totius non traditur in definitione Generis & speciei; sed solum modus prædicationis in quid de pluribus vel specie, vel numero differentibus. Deinde licet res quæ prædicatur sit diuersa; tamen modus & forma prædicationis, quæ constituit genus in ratione formali generis, non est diuersa: Res enim ad prædicationem habet se tantum materialiter, formaliter verò in ratione prædicabilis constituitur per modum prædicandi talem vel talem in quid vel quale. Quare sicut diuersitas subiecti non variat formam; eadem enim albedo potest esse in diuersis subiectis: ita & hic ex diuersitate rei quæ prædicatur, non variatur forma prædicationis: quare non erit alia formaliter prædicatio de pluribus numero differentibus in Quid, tam cum pars naturæ prædicatur, quam cum tota natura prædicatur.

*Prædicatio de
Indiuiduis pro-
pria Speciei.*

Dices. Cuius ergo erit ista prædicatio, cum Genus prædicatur de Indiuiduis. Respondeo. Prædicatione de Indiuiduis quatenus solo numero differunt esse prædicationem propriam speciei, vt patet ex definitione speciei.

speciei: quare si genus prædicetur hoc modo de Indiuiduis, prædicabitur ad modum speciei, & vt species. Et ita communiter Recētioreſ ſentiunt.

At inquires. Animal reſpectu huius & illius animalis non eſt ſpecies; quia animal, vt animal, in nulla ſpecie animalis eſt. Reſpondeo. Species poteſt conſiderari dupliciter, vel quoad naturam, vel quoad prædicabilitatem. Animal igitur priori modo non eſt ſpecies; quia non eſt natura conſtans genere & differentia ſpecifica; poſteriori verè modo, hoc eſt quoad prædicationem, eſt ſpecies, quia prædicatur per modum ſpeciei. Ex his patet Reſponſio ad primum argumentum prioris ſententiæ.

Ad ſecundum verò. Prædicationem de Indiuiduis quatenus ſpecie differunt eſſe prædicationem propriam Generis non ſpeciei: quod patet primò; Quia ſpecies non prædicatur, niſi de ſolo numero differentibus; vt patet ex definitione ſpeciei. Quod ſi Indiuidua ſunt differentia ſpecie, tunc prædicari de talibus Indiuiduis non ſpectat ad vnā aliquā ſpeciem, ſed ad diuerſas. Secundò, In Indiuiduis ſpecie differentibus inuenitur ratio formalis propria, ſub qua genus prædicatur; Genus enim prædicatur de ſuis inferioribus quatenus ſpecie differunt. At hæc ratio formalis inuenitur in Indiuiduis ſpecie differentibus. Ergo de illis propriè & formaliter genus prædicatur vt genus: tunc enim ſumuntur Indiuidua, non vt Indiuidua ſunt ſed vt ſpecie differentia ſunt; alioquin abſtrahendo à diuerſitate ſpecifica ipſorum, prædicatione generis de Indiuiduis erit per modum ſpeciei, vt dictum eſt.

Ad tertium. Genus per modū generis ineſt Indiuiduis vt differentibus ſpecie: mediante verò ſpecie, ineſt etiam differentibus numero, ſed hoc illi per accidens

Yy 2

conue-

*Prædicatione de
Indiuiduis ſpe-
cie differentibus,
propria
Generis.*

conueni ratione speciei: quia enim inest speciei, & species inest indiuiduis, idcirco & genus inest indiuiduis, non vt genus præcisè, sed vt genus factum species'.

Quarto quæri potest, An genus prædicetur de speciebus per modum partis vel per modum totius? Genus est pars essentialis speciei; quia species componitur essentialiter ex genere & differentia, & est totum quoddam vniuersale & potèntiale respectu specierum: Nam & sua vniuersalitate cõplectitur omnes species; quia omnib⁹ inest & de omnib⁹ prædicatur. Et præterea potentia est idem quod singulæ species: Animal enim actu est animal; sed potentia est tam rationale quam irrationale. Quæritur ergo, vtro modo genus prædicetur de speciebus, an per modum partis, vel per modum totius? Videtur enim neutro modo posse prædicari. Nam quod ad primum attinet, nulla pars in quid prædicat de suo toto, non enim rectè dicitur homo est manus, vel pes, vel anima. Ergo nec genus per modum partis essentialis potest prædicari in quid de specie: pars enim si sumatur in abstracto, certum est eam non posse prædicari de toto, vt homo est manus: si verò sumatur in concreto, prædicatur quidem sed denominatiuè non in quid, vt homo est manu prædictus, seu manuatus'.

Quod etiam attinet ad alteram partem, videtur ad prædicationem generis de specie nihil facere, quod genus sit totum quoddam vniuersale vel potèntiale respectu speciei: quia genus prædicatur vt est natura & essentia speciei: ad hoc autem parum facit, quod genus sit totum quoddam vniuersale vel potèntiale. Deinde materia habet se etiam vniuersaliter & potèntialiter, ad omnes formas, & ad omnia composita naturalia, & tamen de illis non prædicatur in quid: Ergo ista ratio totius

vni-

vniuersalis & potentialis nihil facit ad prædicationem in quid. Denique sicut pars non potest prædicari in quid de toto, ita neque totum potest prædicari in quid de parte. Ergo genus, nec vt est pars, nec vt est totum, potest prædicari de specie. Nam si dicatur prædicari vt totum, respiciet speciem vt partem: totum autem de parte prædicari non potest.

Pro solutione Notandum est. In prædicatione generis duo considerari; rem & modum. Res igitur prædicata, est natura generica; Modus verò est duplex, alter quo res illa significatur in concreto per modum totius per se subsistētis, alter quo significatur per modum potentialis vel vniuersalis. Animal, v. g. significat primo totum quoddam per se subsistens, secundo significat etiam per modum potentialis, quia animal licet actu & expressè non significet nisi animal, tamen potentia est id, quod homo & brutum. Ex primo igitur modo significandi habet genus quod in quid prædicetur: proprium enim est substantiæ in quid prædicari. Nam substantiæ eo quod per se subsistūt sunt Quid, accidentia verò quod non in se subsistunt, sed aliud efficiunt, prædicantur in quale, vt qualitates alterius. Quod ita verum est, vt etiam accidentia quando concipiuntur, per modum per se subsistentium, prædicentur in Quid, sicut & substantiæ, vt patet in abstractis accidentium, vt albedo est color. Quia verò Genus significatur etiam in concreto, concretum autem est totum quoddam; ideo prædicatur de specie, tanquam totum superius de toto inferiori. non verò per modum partis.

Ex altero verò modo, qui est modus potentialis, habet genus simpliciter prædicari de specie. Quod ita explico. Ad prædicationem requiritur identitas præ-

*Genus Et Totum
quoddam præ-
dicatur in
Quid.*

*Vt totum potest
tate prædica-
tur de specie.*

dicati & subiecti; non enim potest affirmari aliquid de aliquo, nisi sit cum eo idem aliquo modo, hoc est, siue formaliter; (quo modo definitio & definitum sunt idem) siue materialiter, (quo modo subiectum & accidens in concreto sunt idem,) ut cum dico Homo est albus: Homo enim & album non sunt idem formaliter, alia enim est ratio formalis albi, alia hominis, sed sunt idem materialiter; quia illa res, quæ est homo, est etiam alba.

*Genus cõinet
speciem nõ actu
sed potentia.*

Porro materiale significatum potest significari dupliciter. Primò actu quodam confuso, secundò potentia tantum. Actu confuso Accidens significat subiectum: Nam album, verbi gratia, significat actu non solum albedinem, sed & rem illam cui convenit albedo: Quia ad utrumque significandum est impossibile nomen albi, nempe ad significandum subiectum sub albedine; verum albedinem significat expresse & distinctè, subiectum verò inexpressè & confuse, actu tamen quia subiectum in confuso pertinet ad adualem significationem albi, ita ut sine illo non possit concipi significatio albi: Potentiâ verò genus significat speciem; quia animal, verbi gratia, verè est id potentia, quod est species actu. Estque discrimen inter significationem albi, & significationem animalis: Nam album quia actu significat subiectum in confuso, idcirco non potest predicari de aliquo nisi predicetur de illo subiectum in confuso: Nihil enim dicitur album, nisi quia est quiddam affectum albedine; quare si albedo existeret non afficiens aliquod subiectum, vel habens se per modum subiecti, verè non posset dici propriè album, sed albedo, quod signum est, in significato

ficato albi contineri actu subiectum, licet actu confuso;
Animal verò, quia actu nullo modo inuoluit speciem,
ideo cum prædicatur, non prædicatur actu vlllo modo
species, quasi in eo contenta, non enim cum dicimus
hominem esse animal, dicimus hominem esse actu ali-
quam speciem animalis, sicut cum de aliquo dicimus
quod sit album, dicimus de eo quod sit actu subiectum
albedinis. Hinc igitur patet ad prædicationem re-
quiri, vt prædictum sit idem quod subiectum siue
formaliter, siue materialiter; & materialiter, siue
actu, siue potentia. Quare & genus vt prædicatur,
de specie debet esse idem cum ea: non est autem idem
formaliter vt patet, neque materialiter actu, vt dictum
est; debet ergo esse idem materialiter potentia; quia
nimirum potentia est id quod species est actu. Ex quo
patet quomodo genus dicatur totum potentiale, &
vniuersale: Nam dicitur totum quia significatur
in concreto. Concreta enim sunt tota quædam, si-
gnificantur enim vt habentia naturam. Dicitur ve-
rò totum potentiale ad differentiam totius actualis:
Nam totum actuale, nempe species dicit omnes suas
partes actu, nempe genus & differentiam. Totum
verò potentiale dicit quidem rationem genericam ac-
tu, at specificam dicit potentia tantum. Animal,
verbi gratia, dicit habens animalitatem; habens au-
tem animalitatem, est potentia rationale vel irratio-
nale. Quatenus verò hoc totum potentiale, non est
respectu vnius tantum speciei, sed respectu omnium:
dicitur totum vniuersale.

Quod si quæras, an species sint partes huius totius po-
tentialis & vniuersalis? Respondeo propriè loquendo esse

*An species sint
partes genericæ.*

tota

tota particularia respectu totius vniuersalis, & tota actua-
lia respectu totius potentialis; non verò sunt propriæ
partes, quia non sunt vt quòd, sed vt quòd. Cum adiecto
tamen dicentur partes potentiales; id est potentia con-
tentæ, item partes subiectiuæ, hoc est, partialia subie-
cta, prædicationis generis: non enim vna species, est
totalis, & adæquatum subiectum prædicationis gene-
ris, sed inadæquatum & partialis.

Dicendum igitur est, genus prædicari de specie:
nam licet pars in abstracto non possit prædicari de toto:
potest tamen in concreto. Potest autem sumi in concre-
to, vel denominatiuè, & accidentaliter vt manuatum,
vel capitatum, & sic prædicabitur de toto denominati-
uè, hoc est, in quale, non in quid: vel substantialiter
per modum substantiæ per se subsistentis, & hoc modo
potest prædicari in quid: nam hoc modo etiam accidē-
tia concepta, & tanquam per se subsistentia prædican-
tur in quid, vt albedo est color, & hoc modo genus in
concreto concipitur, vnde potest prædicari in quid de
specie. Dicitur autem totum potentiale & vniuersale
respectu specierum: quia suam potentiam & vniuersali-
tatem, non explet in vna specie, sed eam extendit ad
omnes species.

Dices. Omne totum debet habere partes in se: spe-
cies autem non sunt in genere tanquam partes ipsius:
non ergo potest dici genus totum respectu specierum.
Respondet, partes potentiales, esse in toto non actu,
sed potentia: Licet ergo genus non constituatur ex spe-
ciebus actu contentis; Constituitur tamen ex speciebus
potentiâ, quia est potentia ad omnes species: & quam-
uis species sint in se totæ quædam particularia: tamen
respo-

respectu generis habent se veluti partes vniuersalitatis eius subiectæ, cum genus latius pateat quam species.

Quod si obiicias. Ergo cum prædicatur animal de homine, prædicabuntur omnes species in potentia, quæ prædicatio esset falsa: non enim homo est brutum in potentia. Respondeo. Animal prædicari de homine, ut est potentia homo, de bruto ut est potentia brutum, & de singulis speciebus, ut est potentia ad illas. Non igitur prædicantur omnes species in potentia de homine, sicut & nomen multa significans, siue Æquiuocum, siue Analogum, cum de singulis prædicatur, non prædicatur cum omnibus suis significatis de singulis, sed solum secundum convenientes ipsi rationes, ut cum dico substantia est Ens, Accidens est Ens, Ens significat quidem multa, cum tamen determinatur ad substantiam, significat solum Ens substantiale, cum ad Accidens, Ens accidentale.

At inquires. Saltem in hac propositione, Homo est animal, sensuserit, Homo est homo potètia, quia animal significat hominem in potentia. Respondeo, si animal significaret hominem in potentia, formaliter, & expressè, & quasi in actu signato, sequeretur talis prædicatio; at non significat hoc modo, sed tantum in actu exercito; quia significat animal, quod verè est in potètia homo. Istud verò esse in potentia hominem, non est quid distinctum ab animali, sed est esse animal, quod est potètia homo. Quare ad summum potest concedi, quod de homine prædicatur materialiter Homo in potentia; quia prædicatur animal quod est potentia homo.

Quare ad primam rationem dubitandi Respondeo. Naturam quidem prædicari, sed id quod præ-

Zz

dica-

dicatur debere esse idem cum subiecto, ad quod requiritur, ut genus saltem potentia sit idem quod species; quod est esse totum potentiale. Nam ut sit totum vniuersale non requiritur ad prædicationem simpliciter, sed tantum ad prædicationem vniuersalem de omnibus speciebus: si enim genus esset in vna sola specie, non esset totum vniuersale, & tamen prædicaretur de illa in Quid.

Ad secundum. Esse discrimen inter materiam, & genus. Nam materia est in potentia, ut pars & per modum partis significatur (est enim materia nomen partis) at genus est in potentia ut totum, & per modum totius significatur enim in concreto, & est totum id potentia, quod species est actu. Vnde fit, ut genus prædicetur, ut totum de specie, materia vero non possit prædicari, quia est pars, & per modum partis significatur.

Ad tertium Respondeo. Genus prædicari de specie ut totum potentiale, de toto actuali, & ut totum vniuersale, de toto particulari: Quare cum species ita sint partes Generis, ut simul sint etiam tota quædam, potest de illis prædicari Genus.

QVÆSTIO II.

De Specie.

Species cum sit medium quid inter genus & individua, duplicem habet respectum, alterum ad Genus cui subiicitur, alterum ad individua, de quibus prædicatur. Hinc ergo est, quod dupliciter à Porphyrio definiatur secundum duplicem dictum respectum

Num. Nam respectu generis definitur esse id quod subiicitur generi, seu de quo genus in Quid prædicatur; subiicitur enim generi species, tam in essendo, quam in prædicando. Nam genus & inest speciei, & prædicatur de specie: suntque duæ istæ subiicitibiles distinctæ. Quare species, ut subiicitur generi in essendo definitur à Porphyrio, esse id quod subiicitur generi, ut verò subiicitur in prædicando, definitur, esse id de quo genus prædicatur in Quid.

Quod si dicas. Etiam individua subiici generi, tam in essendo quam in prædicando. Responderi solet, speciem subiici generi immediatè, individua mediatè. Sed contra: Nam id verum esse videtur de individuis specificis, non verò de genericis. Nam hic homo subiicitur animali mediante homine, at hoc animal immediatè subiicitur generi: Nam hoc animal præcisè in ratione animalis acceptum nullo alio mediante est animal, ita ut etiamsi non intelligatur animal determinatum ad hominem, aut quamcunque aliam speciem, intelligeretur hoc animal esse animal: quare illa mediatio speciei per accidens se habere videtur ad istam rem.

Respondeo igitur. Individua specifica subiici generi, mediante specie: Individua verò generica subiici immediatè generi, sed tunc genus habet se respectu illorum, non per modum generis, sed per modum speciei, ut præcedenti quæstione explicatum est. Hæc de specie in ordine ad genus.

Porro. In ordine ad individua, definitur species, esse id quod prædicatur de pluribus solo numero differentibus in Quid, quæ definitio ex quæstione præcedenti explicata manet. Difficultas autem est primo. An uterque hic respectus, tam ad genus quam ad individua, sit essen-

trialis speciei: si enim id concedatur, sequitur speciem duplicem habere essentiam, secundum duplicem respectum sibi essentialem; cum tamen una res, vnam habeat essentiam, & species una & eadem est quæ subiicitur generi, & prædicatur de indiuiduis.

*Respectum speciei
essentiam ad ge-
nus quæ ad
indiuidua esse
essentialem.*

Dicendum tamen est utrumque respectum esse essentialem speciei secundo intentionaliter acceptæ (nam ut sumitur pro natura, neuter respectus est illi essentialis) Probatur primò: Quia species est quid medium inter genus & indiuidua; medium autem, utrumque extremum æquè respicit. Secundò; species aliquando dicitur species propter solum respectum ad genus, aliquando propter solum respectum ad indiuidua: Ergo in alterutro respectu saluatur essentia speciei. Dantur enim aliquæ species quæ solum sunt prædicabiles, & non subiicibiles, verbi gratia, rationalitas prædicatur de hac & illa rationalitate, nulli tamen generi subest, cum sit quid simplex non compositum ex genere & differentia. Similiter cum prædicatur summum genus de suo indiuiduo generico, verbi gratia, hæc quantitas, est quantitas, prædicatur per modum speciei; neque tamen ulli generi subiicitur; cum ipsa sit summum genus, ut suppono. Dantur etiam aliquæ species, quæ per solum respectum ad genus sunt species, non autem per prædicationem, ut sunt species subalternæ, quæ respectu superiorum sunt veræ species, respectu autem inferiorum sunt genera. Animal, verbi gratia, respectu viuentis est species, respectu verò hominis & bruti est genus, idem dici potest de illis speciebus, quæ non possunt habere plura indiuidua nisi vnum, ut est species solis, Phœnicis, aut species Angeli, quæ secundum

D.Tho.

D. Thomam in vno tantum indiuiduo existit. Et quamuis hæc opinio D. Thomæ aliis non probeatur, tamen vt minimum hoc ostendit; quod si aliqua natura non posset esse nisi in vno indiuiduo, esset verè species ex genere & differentia constans, non tamen esset species per prædicationem de pluribus numero differentibus; nisi fortè quis dicere vellet, etiam illam prædicationem de vno indiuiduo esse speciei, quia eadem planè ratione de illo vno indiuiduo prædicaretur, sicut prædicaretur si plura haberet indiuidua, quod etiam si dici posset, non tamen hic loquimur de specie, vt prædicatur vniuersaliter.

Sed obiicies. Hinc sequi speciem esse quid æquiuocum respectu speciei prædicabilis & subiicibilis. Respondeo, secundam intentionem speciei esse æquiuocam respectu harum duarum intentionum, licet natura realis speciei sit vniuoca respectu indiuiduorum.

Ad rationem dubitandi. Respondeo. Speciem secundum diuersos respectus dicere duas distinctas secundas intentiones, & ex consequenti duplicem essentiam, sub eodem speciei nomine; quia vtraq; secunda intentio conuenit naturæ specificæ ab indiuiduis abstractæ. Cum verò dicitur, vnā rem, vnā habere essentiam, id verum est de vna re; at speciei secunda intentio est duplex; ergo duplex & essentia. Ex quibus patet speciem prædicabilem & subiicibilem esse vnum tantum materialiter, nimirum in vna natura specifica fundata, formaliter verò esse duplicem, propter duplicem respectum, ad genus & indiuidua.

Secunda difficultas. An ordo ad genus sit magis essentialis speciei, quàm ordo ad Indiuidua. Respondeo *Ordo ad Genus magis essentialis speciei* affirmatiuè. Patet id, vel ex eo ipso nomine speciei;

species enim generis est species, non indiuidui; reddit enim genus pulchrum & speciosum addita differentia; ipsa etiam in sua natura specifica constituitur contrahendo ad se genus per differentiam. Quare prior & potior est eius respectus ad genus, quàm ad indiuiduum. Quod si dicas: Essentiam non recipere magis & minus; non enim dicimus vnum hominem magis hominem, quàm alium, nec vnum calorem magis calorem: Ergo neq; species subiicibilis magis est species, quam prædicabilis. Respondeo. Essentiam non recipere in se magis & minus, si tamen referatur ad aliquod nomen, potest sub illo nomine significari magis vna essentia quàm alia. sic hoc loco dicimus nomine speciei magis significari subiicibilem quàm prædicabilem.

Tertia difficultas. An species vt refertur ad genus secundum rationem subiicibilis, sit vniuersalis. Ratio dubitandi est; quia species, vt refertur ad genus, non est quid singulare; ergo est vniuersalis. Ex altera verò parte, de ratione vniuersalis est respicere multa: species autem vt respicit genus non respicit multa, sed vnum: Ergo respectu generis non est vniuersalis.

Dicendum est. Speciem ex eo quod subiicibilis est, seu ex eo quod respicit genus non esse vniuersalem. Ratio est: quia respectus ad genus, est respectus ad vnũ, non ad multa; vniuersale autem respicit multa.

Dices. Etsi ex hoc quod species subiicitur generi, non sit vniuersalis formaliter, est tamen vniuersalis causaliter; quia illa subiectio est causa vt species sit vniuersalis. Respondeo. Nec id quidem concedendum est, quia causa vniuersalitatis, propriè est abstractio naturæ à singularibus; cum non repugnantia ad multa. Quare nõ ex respectu ad genus, sed ex abstractione oritur in natura vniuersalitas. Nam etsi natura abstracta nullum haberet

haberet genus (vt cum summa genera prædicantur de suis indiuiduis genericis) adhuc ex sola abstractione oriretur perfecta speciei vniuersalitas. Nihiligitur facit ad vniuersalitatem relatio speciei ad genus. Similiratione si species respiceret genus, & non posset esse nisi in vno indiuiduo, non esset vniuersalis per ordinem ad genus.

Dices. Saltem necesse est speciem quæ subiicitur, generi esse vniuersalem, ex quocunq; capite procedat vniuersalitas; repugnat enim speciei esse singulare; quod enim singulare est, indiuiduum est, non species.

Respondeo: ne id quidem necesse est: Nam si species sit in vno tantum indiuiduo, talis species, neq; erit vniuersalis, quia non erit apta esse in multis, neq; singularis, quia est abstracta à singularitate: habebit ergo se medio modo inter vniuersale, & singulare, eritq; natura abstracta, neq; singularis neq; vniuersalis. Ex quo patet ad rationem dabitandi. Quanquã si sumatur species in actu signato, non est negandum, speciem etiam quã subiicibilis est, posse esse vniuersalem: Species enim quã subiicibilis, si referatur ad particulares species vt subiicibiles sunt, v.g. respectu speciei humanæ, bouinæ, &c. sic est vniuersalis, secundum illud esse subiicibile. Subiicibile enim in communi est vniuersale respectu huius & illius subiicibilis: si verò consideretur respectu generis, sic semper se habet particulariter ad genus, nõ vniuersaliter; nam vni subiici, non est multis subiici.

Quarta difficultas, An genus possit conseruari in vna specie, & species in vno indiuiduo? Tria in Genere, & specie considerari possunt. Primò perfectio essentialis ipsorum: Secundò, perfectio quam accipit genus à speciebus, species ab indiuiduis. Tertiò. Vniuersa-

uersalitas quam genus habet per ordinem ad species: species per ordinem ad individua. Secundum has omnes considerationes queritur, an genus possit conseruari in vna specie, species in vno individuo.

Dico primò. Quoad essentiam tam genus in vna specie, quam species in vno individuo conseruari potest, quia integra essentia generis est in vna specie, & speciei in vno individuo.

Dico secundò. Sive perfectione quam genus accipit à speciebus loquamur, non potest genus conseruari, in vna specie; species autè potest, quoad hoc conseruari in vno individuo. Ratio primi est; quia genus à diuersis speciebus acquirit diuersam perfectionem essentialem, propter diuersas differentias essentielles, per quas contrahitur: Ergo non tantam habet perfectionem, specificam, in vna specie, quantam in multis, atq; ita non conseruatur, quoad omnem perfectionem specificam in vna specie.

Ratio secundi est: quia species cum sit essentialiter completa & perfecta, non acquirit perfectionem essentialem, maiorem ab indiuiduis, sed tantum habet esse hanc numero: Ergo totam perfectionem suam essentialem quam habet in multis indiuiduis; habet & in vno, esse enim hoc vel illud numero, non facit ad perfectionem maiorem.

De perfectione verò accidentali, quæ in proprietatibus accidentariis consistit, distinguendum est; Nam ea potest esse duplex; altera specifica, quæ necessariò consequitur, naturam speciei, vt sunt potentia animæ; altera indiuidualis, quæ per accidens in hoc vel illo indiuiduo, conuenit speciei, vt sunt habitus scientiarum & virtutum. Priorem igitur perfectionem accidentalem,

tem, totam habet species in vno indiuiduo: quia ea necessariò fluit ab essentia speciei: at posteriore potest non habere totam in vno indiuiduo, verbi gratia; natura humana non habet omnes artes & scientias in vno indiuiduo, omnes enim omnia sciunt; nullus verò omnia.

At dices, vna ex perfectionibus speciei debitis est generare sibi simile, hæc autem perfectio; non potest in animalibus haberi in vno indiuiduo; cum distinctio sexus ad generationem requiratur: Ergo species non quoad omnem suam perfectionem specificam potest conservari in vno indiuiduo. Respondet. Perfectionem generatiuam quæ debetur animali; consistere totam in potentia generatiua, quæ est animali intrinseca, non in actu generandi, qui est animali extrinsecus. Quamuis ergo ad actum generandi requiratur sexus distinctio, tamen ad perfectionem potentia generatiua non requiritur; siquidem tota perfectio generatiua in actu primo est æquæ in vno ac in altero sexu, de quo Galenus 14. de vsu partium: Dico igitur totam perfectionem generatiuam in actu primo posse conservari in vno indiuiduo, licet ad actum secundum plura indiuidua requirantur. Et quia species non est in se perfectior quando prodit in actum secundum sibi extrinsecum, quam cum non prodit; idèò nulla perfectio intrinseca speciei deest in vno indiuiduo existenti, etiam si in illo indiuiduo non possit prodire in actum secundum; quia hæc impotentia; non est ex defectu potentia requisita in natura, sed ex defectu requisitorum ex parte operis & mediorum: sicut non ideo est imperfectus artifex; quia ob defectum instrumentorum non potest efficere opus, sed solum si ob defectum artis non possit.

AAA.

Dico.

Dico tertio. Quoad vniuersalitatem tam genus in vna specie, quàm species in vno individuo conseruari potest, dum modo alia species & alia individua sint possibilia. Ratio est; quia natura abstracta à singularibus, habens non repugnantiam ad multa, est verè vniuersalis, siue actu existat in multis, siue non: sufficit enim ad vniuersalitatem aptitudo ad existendum in multis, vt supra probatum est. Ex quo patet naturam esse vniuersalem, etiamsi in nullo actu existat, & conseruare totam rationem generis & speciei quoad vniuersalitatem, etiamsi in nullo actu existat.

QVÆSTIO III.

De Individuo & quod sit principium indivisionis.

IN primis explicandum est cur Individuum sic dicatur: Individuum igitur ab indivisione dicitur Individuū, quasi indivisibile in multa. Omnis enim divisio terminatur ad multa, ex vnoque diuiso fiunt multa. Dicitur ergo Individuū, quia est indivisibile in multa: in quo differt à genere & specie; nam genus diuiditur in species, animal enim diuiditur in multa animalia species distincta: species item diuiditur in multa individua, vt homo in multos homines singulares; individuum autem non est amplius diuisibile in multa; quia hic homo, verbi gratia, non potest diuidi in multos homines; quia hic homo est vnus solus & distinctus ab omnibus aliis hominibus. Porro non repugnat individuo esse in multis, siue per identitatem, siue per vniionem: sed so-

lum

*Individuum
an sit in mul-
tis.*

¶

lum repugnat diuidi in multa, & multiplicari: sic natura diuina indiuidua est in tribus personis per identitatem, sed citra diuisionem & multiplicationem: Nam non aliſ Deus eſt Pater, aliſ Filius, aliſ Spiritus ſanctus, ſed tres ſunt vnus Deus, & natura diuina in tribus: ſimiliter ſi eadem numero natura humana eſſet in multis per vnionem hypſtaticam, ſicut de ſacto eſt in Chriſto, verè eſſet indiuidua, & illæ multæ perſonæ eſſent vnus homo numero, non multi homines: quia exiſtentia illa in multis, eſſet ſine diuiſione naturæ & multiplicatione, diuiſio enim eſt multiplicatio. Quocirca illa ſolū multitudo repugnat indiuiduo quæ tollit eius indiuiſionem, & facit eſſe diuiſum & multiplex, atq; adeo non vnū indiuiduum ſed multa. qualis diuiſio cū ſit impoſſibilis, ideo indiuiduum dicitur. indiuiduum, hoc eſt indiuiſibile, quod non ſit poſſibile illud diuidi in multa entia.

Dices. Ergo cum aqua diuiditur in plures aquas, non maneret eadem numero aqua quæ prius. Reſpondeo. Non manere quoad rationem vnus totius: nam ante erat aqua, vnū totum conſtans omnibus illis aquis tanquam partibus, poſt diuiſionem verò non eſt illud totum ſed aliud.

Secundo explicandum eſt. Quid ſit illud à quo formaliter dicitur res Indiuidua & ſingularis? Porphyrius in cap. de ſpecie definiit Indiuiduum quod ex talibus proprietatibus conſtat, quarum collectio nunquam in alio erit, ita vt tamen ſingulæ proprietates ſeorſim poſſint aliis conuenire, tamen ſimul & collectiue ſumptæ;

Principium indiuiduationis quod?

Aaa. 2.

vni

vni tantum indiuiduo competunt: nunquam enim vnum indiuiduum habet omnes easdem proprietates, quas habet alterum.

*Non collectio
proprietatum.*

Verum hæc opinio Porphyrii refellitur. Nam collectio proprietatum, est tantum signum non vero ratio formalis indiuidui. Primò. Quia indiuiduum est quid substantiale formaliter: cum enim dicimus Petrum nō esse Paulum; hoc, non esse illud, dicimus vnā rem substantialem non esse alteram: atqui proprietates seu accidentia, non sunt quid substantiale; Ergo non constituunt rationem formalem indiuidui. Secundò substantia omnibus accidentibus, & sola substantia remanente erit adhuc illa substantia indiuidua, & vna numero. Tertiò, si cogitemus poni à Deo omnia accidentia vnius indiuidui, in altero indiuiduo, remanebit vtrumq; distinctum numero indiuiduum sicut & ante: Nam neque illud quod est spoliatum, suis omnibus accidentibus, desinet esse indiuiduum; neq; illud in quod sunt translata alterius indiuidui accidentia, erit aliud indiuiduum. Quocirca Porphyrii illa definitio est solum à posteriori ex signo indicante indiuiduum, non verò quod constituat rationem formalem indiuidui.

*An differentia
indiuidualis?*

Alii dicunt. Indiuiduum, dici indiuiduum formaliter à differentia indiuiduali, contrahente essentiam, ad rationem singularem. Sicut enim differentia specifica contrahit genus ad speciem, ita differentia indiuidualis contrahit speciem ad indiuiduum: & sicut differentia specifica, dat esse tale specie: ita differentia indiuidualis dat esse hoc numero: Deinde Indiuiduum à specie differt, in aliquo substantiali. Nam Petrus plus in substantia dicit quàm homo; ergo dicit nouum gradum

gradum substantialem præter speciem. Hæc sententia est Scoti, quem multi ex Thomistis sequuntur. Verùm Scotus hanc differentiam vult ex natura rei distingui ab essentia, alij verò dicunt sola ratione distingui.

Sed in hac sententia, duo displicent. Primum est quod differentia individualis statuitur distincta ab essentia ex natura rei, nam distinctio in re, non potest esse nisi inter duo in re existentia, quorum vnum non est aliud, ac ex consequenti inter duo singularia; quæ enim à parte rei ita se habent, vt vnum non sit aliud, illa sunt singularia; cum singularitatis proprius sit effectus, rem facere hanc; & non aliam. Si igitur essentia distinguitur ex natura rei à singularitate, erit illa essentia singularis ante singularitatem; & quatenus distinguitur à singularitate: & sic illa singularitas distincta ab illa essentia, non faciet illam singularem, sed supponet singularem, vt à se distinctam.

Differentia individualis non est distincta ex natura rei ab essentia.

Secundum est quod singularitas statuitur peculiaris quidam naturæ gradus ab aliis, siue re siue ratione distinctus. Hoc enim dici non potest: nam omnis naturæ gradus constituit essentiam in ratione essentiali tanquam pars quædam essentia: & ex consequenti distinguit naturam essentialiter ab aliis. A ratio individualis, neque constituit naturam in ratione essentiali naturæ, neque facit illam distingui essentialiter ab aliis naturis indiuiduis, ergo non potest dici naturæ gradus. Quid enim est naturæ gradus, nisi pars quædam Metaphysica naturæ? Ex pluribus enim gradibus, tanquam ex partibus constituitur natura Metaphysicè. Cum igitur indiuidua habeant totam essentiam eiusdem rationis, non possunt dici constitui & differre per aliquem naturæ gradum. Porro indiuidua non differre essentialiter,

Non est peculiaris natura gradus.

Indiuidua non differunt essentialiter.

est communis sententia omnium Peripateticorum cum Aristotele doцентium individua solo numero differre; solo autem numero differre, non est essentialiter differre, sed numero tantum essentia, Vnde speciem definiunt, quæ prædicatur, in quid, de solo numero differentibus.

Et ratio est, quia nos colligimus aliqua differre essentialiter, ex distinctis essentialiter operationibus, aut proprietatibus; distincti enim naturæ gradus, ferunt secum distinctas specie operationes, & proprietates. Atqui videmus individua esse similis prorsus perfectionis essentialis, & eiusdem essentia operationes ac proprietates habere, ut patet in duabus albedinibus vel duobus coloribus; patet etiam in duabus hirundinibus. Omnes enim hirundines eandem naturaliter artem habent, niduli fabricandi; similiter omnes araneæ eandem rationem texendi telam; omnes Philomelæ, eundem modum cantandi. Quod si aliquando est aliqua diuersitas in indiuiduis, ea non prouenit ex ratione indiuiduali, sed aliunde & ex accidenti. Nempe ratione alicuius dispositionis materialis, quæ est accidentalis illi indiuiduo. Manente enim eodem indiuiduo, potest mutari illa dispositio materialis, & accedere, vel recedere: corpore enim existente melius disposito, fiunt meliores operationes sensuum & mentis. Vnde rectè ait Aristoteles. Si oculus senis poneretur in oculo Iuuenis senem quæ bene visum sicut Iuuenem.

Idem quoque Arist. 3. met. c. 11. docet, Inter species posse dari prius & posterius, melius & deterius, propter diuersitatem differentiarum essentialium: At in indiuiduis vnum nec est prius nec melius alio, quia nimirum nullam habet diuersitatem essentialem. Quod si indiuidua con-

stituerentur per diuersos naturæ gradus: procul dubio differrent essentialiter. Differentia enim in gradib. naturæ est essentialis. Ad hæc nemo dixerit existentiam, aut subsistentiam esse naturæ gradum: quia hæc non constituunt essentialiam in ratione essentiali. Ergo nec differentia indiuidualis eadem ex causa potest dici naturæ gradus. Denique idem conuincitur ex conuenientia essentiali indiuiduorum & differentia eorum. Indiuiduorum enim differentia non potest esse essentialis, quia in tota essentia conueniunt indiuidua, ita vt nihil essentia sit in vno, quod non sit simile in altero: erit ergo distincta à differentia essentiali, & solum erit numerica, faciens differre secundum numerum. Cum enim plura indiuidua non sint vnum numero, debeant habere differentias, quæ faciant illa numero differre. Cum verò id in quo res conueniunt, non sit idem formaliter cum eo, in quo differunt: differentia quoque numerica erit formaliter secundum rationem distincta, ab omni differentia essentiali, tam generica, quam specifica. Vnde etiam patet hanc differentiam non esse naturæ gradum, quia in natura, & in omni natura seu essentia gradu conueniunt indiuidua, non conueniunt autem in esse numerico; quia alius numero homo est Petrus, alius Paulus. At hæc essentia sub ratione essentia concepta, non magis est huius quam illius indiuidui. Ergo vt sit huius indiuidui debet determinari per differentiam ab essentia distinctam, quæ ipsam non in ratione essentiali, sed in numerica constituat.

Alij dicunt. Differentiam numericam, esse ipsam existentiam; cum quia extra essentiam nihil aliud est com-

*Existentiâ esse
differentiam
individualem
quidam opi-
nantur.*

complens rationem Entis nisi existentia; cum quia existentia ex se faciat id; quod facit differentia in diuidualis. Nam existentia ex se est quid determinatum ad hic, & nunc. quare facit essentiam cui aduenit determinatè hanc, & quia non potest dari existentia nisi singularis; ideo naturam cui identificatur, facit esse hanc, & singularem.

Quod si obiicies primo. Individua non solum existentia, sed etiam essentia differre. non enim solum existentia vnius individui, non est existentia alterius individui, sed etiam essentia vnius, non est essentia alterius. Ergo differentia diuidualis non est existentia sola; sed vel vtrumque simul, vel quid comune vtrique. Respondent: differre quidè essentia vnius individui ab essentia alterius; sed ratione existentie formaliter, & propter identitatem realem cum existentia: abstrahendo verò ab existentia, nullo modo hæ essentie differunt; quia in ratione puræ essentie conueniunt non differunt. Pura enim essentia, nihil in se continet, nisi esse alia. At in essentialibus conueniunt cum sint eiusdem speciei; Ergo in ratione essentie non differunt. Non potest igitur in ratione puræ essentie vna negari de altera. Quod si materia licet sit res diuersa à quantitate, quia tamen subiicitur quantitati, diuiditur substantialiter ad diuisionem quantitatis. Multò magis essentia quæ est idem realiter cum existentia diuidetur ad diuisionem existentie; vt sit alia & alia numero essentia, per aliam & aliam existentiam. Quod enim identificatur diuersis, necesse est fieri in se diuersum, iuxta modum diuersitatis eorum quibus identificatur.

Obiicies secundo, essentia seipsa nullo alio addito est.

est vna numero, quia est in ratione essentiae indiuisa in se, & diuisa ab omni alio. Ergo se ipsa non per aliquam differentiam indiuidualem superadditam est singularis: quia seipsa fundat indiuisiōem; & vnitatem numericam: id verò quod fundat vnitatem numericam, est singulare. Respondeo, essentiam sub ratione essentiae non esse singularem, quia sub ratione essentiae praecise nō magis est haec, quàm illa vel illa; nec magis huius quàm alterius indiuidui: Mediante tamen existentia, quam habet in intellectu, cū consideratur sic abstracta, est singularis in illo esse abstracto. Verū hęc singularitas, cum sit intentionalis, nil obest vniuersalitati reali, nec impedit quominus natura sic abstracta ab omni singularitate reali.

Obiicies tertio: Existentiam posse concipi & in communi, & in particulari: Ergo ipsa existentia eget alia differentia indiuiduali. Respondeo. Etiam, singularitatem posse considerari tam in communi quàm in particulari. Neque tamen idcirco singularitas eget altera singularitate, sed ipsa secundū se essentialiter est singularis, quia est ipsa essentia singularitatis; Alia verò ab ipsa denominatiuè dicuntur singularia, sicut ab albedine, alba; eo tamen discrimine, quod subiectum non identificatur albedini, essentia verò identificatur singularitati. Pari ergo ratione existentia potest concipi in communi & in particulari, non quod alia sit existentia communis alia particularis, sed quod eadem existentia, potest & determinatè & indeterminatè concipi, expressè & confusè. Nam in particulari concipitur determinatè & expressè; in communi verò indeterminatè & confusè: Quare

Bbb

existent-

existentis non eget aliâ singularitate, quia seipsa essentialiter est singularis: essentia vero propter identitatem cum ipsa, dicitur singularis.

Differentia individualis non est essentia.

Verum huic sententiæ obstat. Primò, quia sicut essentia, ita existentia rerum, conveniunt inter se in rationibus genericis vel specificis, differunt in rationibus individualibus. Certum enim est existentias hominum inter se magis convenire quàm existentias hominum & equorum, siquidem existentia est actus proportionatus essentia, & sicut essentia conveniunt inter se specificè, ita & existentia. Vnde necessariò danda sunt aliquæ differentia individuales existentiarum, per quas numericè differant.

Secundò, In quantitate ante divisionem, est una specie, & numero existentia, quâ tota illa quantitas existit, per divisionem verò oriuntur diuersa numero existentia, idque per solam novorum terminorum existentia acquisitionem; ita ut si illæ partes iterum uniuntur fiat una numero existentia. Cum ergo numero differant hæc existentia non per ipsius existentia, sed solum terminorum existentia productionem: facile apparet, non existentiam ipsam, sed terminos existentia esse differentiam individualement, & numericam.

Tertiò. Quia essentia abstracta ab existentia potest intelligi hæc numero in ratione essentia. Essentia enim etiam non existens, est hæc numero; & quatenus hæc numero, est indifferens ad existendum, & non existendum. Et quamvis ab existentia habeat hoc esse numericum existens, tamen in ratione essentia non est hæc numero per existentiam.

Dices

Dices in re non est nisi essentia & existentia, cum ergo differentia numerica non sit essentialis, non potest esse aliud quam existentia. Respondeo, essentiam non solum habere sua prædicata essentialia, sed etiam, suos modos & terminos essentialia, quorum vnus est differentia individualis.

Dicendum igitur est. Differentiam numericam esse distinctam ratione tam ab existentia quam ab essentia, esseque terminum vtriusque, quo vna essentialis vel existentia diuiditur & determinatur ab altera numericè. Patet id exemplo quantitatis quæ per solam diuisionem acquirit duplex esse numericum, cum ante diuisionem esset vna numero. non acquirit autem aliud per diuisionem nisi nouos terminos suæ Entitatis, quocirca ratione nouorum terminorum fit multiplex numero. Neque Aristoteles aliter explicuit distinctionem individualement rerum materialium, nisi per numerum qui ex diuisione quantitatis oritur: & quamuis diuisio quantitativa non sit formaliter diuisio substantiarum individualis, tamen proportionaliter loquendo, sicut quantitas acquirendo per diuisionem novos terminos, acquirit nouum esse numericum, absque alia mutatione suæ essentia & existentia, ita & essentia quæuis ex nouis terminis suæ Entitatis, quibus diuiditur, ab alia Entitate simili, acquirit nouum esse numericum.

Sed de his plura in Metaphysicis.



QVÆSTIO IV.

Quomodo individuum sit unum numero, & de uno solo pradicetur.

Vnitas numerica est proprietas.

QUod ad unitatem numericam attinet. Dico primo, esse vnum numero, non est ratio formalis individui, sed proprietas consequens rationem formalem. Ratio est, quia vnitas est proprietas consequens ad rationem Entis. Ergo & vnitas numerica individui est consequens ad rationem Entis individualis: vnitas enim est indivisio Entis. Quocirca necessario fundatur in Ente, cui⁹ sit indivisio; cum verò sit distincta vnitas, in distincta quoque ratione Entis necesse est, ut fundetur.

Dico secundo. Vnitas numerica fundatur in diuisione essentiae secundum numerum. Pro quo. Notandum est numerum oriri ex diuisione, quando enim vnum diuiditur in multa fit numerus, ut cum quantitas diuiditur, sunt multe quantitates. Porro non possunt res concipi diuise, nisi habeant in se diuidentia, & determinantia: impossibile enim est esse effectum formalem sine forma. Atqui esse diuisum, est effectus quidam formalis. Ergo debet oriri ab aliqua forma dante hunc effectum formalem: quod etiam patet in quantitate diuisa, partes enim per diuisionem acquirunt terminos, per quos formaliter diuiduntur, & quos ante non habebant in continuatione. Proportionaliter ergo loquendo, essentia diuidi potest tam essentialiter, quam numericè. Primo modo diuiditur per differentias essentielles & specificas, posteriori verò, per differentias numericas.

Dici-

Dicitur verò differentia numerica quia diuidit essentiam nō essentialiter sed secundum numerum tantum, & facit essentiam aliam numero. Sicut termini quantitatis diuidentes quantitatem faciunt plures numero quantitates. Porro hæc differentia numerica cum faciat indiuidua esse diuersa substantialiter, erit substantialis: per istam enim vnum indiuiduum substantialiter non est aliud. Quia substantia vnius, non est substantia alterius. Vnde hic numerus quo indiuidua differunt, est substantialis.

Differentia numerica quid?

Est substantialis.

Ex quo soluitur illa obiectio, quod numerus sit accidens rerum: indiuidua autem, non accidentibus sed substantiâ suâ differunt; vnum enim substantialiter nō est aliud. Dicendum enim est, numerum qui fundatur in aliquo accidente, esse accidentalem rerum, nec pertinere ad constitutionem indiuidualem rerum: accidentia enim non constituunt sed supponunt subiectum indiuiduum iam constitutum in ratione indiuiduali: non possunt enim existere nisi in re singulari. Talis est numerus quantitatus qui ratione quantitatis conuenit rebus, sicut enim quantitas est accidens rerum, ita & numerus qui ex eius diuisione oritur, numerus verò qui fundatur in ipsâ substantia rei, non est accidentalis, sed substantialis: quia constat ex vnitatibus substantialibus, quæ sunt idem cum substantia rei, solumq; ei addunt indiuidionem.

Obiicitur secundo. Numerus secundum Arist. in 4. physio. pendet ab anima; si enim non esset anima numerans, aut numerare potens, nullus esset numerus, nec numeratus, nec numerabilis. At vnitatis indiuidui non pendet ab anima, quia conuenit rei nullo cogitante intellectui. Ergo non est vnitatis numerica. Respondeo.

Bbb 3

Nume-

Numerus potest sumi & materialiter pro rebus quæ numerantur, & formaliter, pro ipso esse numerabili vel numerato. Numerus igitur formaliter acceptus pendet ab anima, similiter & unitates ut numerantur, materialiter verò non pendet ab anima, & hoc sensu unitates individuales dicuntur numericæ, quia sunt tales quales in numero adhibentur, in numero autem non spectatur differentia essentialis unitatum, sed tantum ut una non sit altera.

Obiicies tertio. Unitas secundum numerum convenit non solum individuo, sed etiam generi & speciei: Ergo non rectè explicatur differentia individualis, per unitatem numericam. Antecedens patet: quia sicut numeramus individua, ita numeramus species & genera, dicimusque esse duas species & duo genera. Respondetur, etiam species & genera, quatenus existunt in intellectu abstracta, sunt singularia, & individua quædam obiectiva & intentionalia, & sic tanquam individuis intentionalibus convenit illis esse plura numero, ut præcedenti disputatione dictum est.

Sed contra. Sicut in rebus dantur individua generica & specifica, ita & in intellectu v.g. natura humana à diuersis intellectibus concepta, sunt duæ numero tantum, natura verò humana & bouina concepta, sunt duæ numero & specie.

Dicendum est igitur, esse unum numero, tantum convenit solis individuis, speciebus verò convenit esse unum numero, sed non tantum; quia sunt etiam unum specie.

Quantum ad secundum. Videtur individuum non prædicari de vno solo, ut hic asserit in definitione individui Porphyrius. Primò, quia individuum in communi est individuum: at in communi prædicatur de omnibus individuis: quia omnia individua conveniunt in ratione commu-

Species & Genera in intellectu singularia.

Individuum non de vno solo prædicatur.

communi indiuidui. Ergo indiuiduū de pluribus prædicatur. Secundo indiuiduum vagum (vt quidā homo) dicitur de omnibus indiuiduis, omnes enim homines particulares, sunt quidam homines. Tertio. Ratio formalis & definitio indiuidui competit omnibus indiuiduis. Ergo & ipsum definitum.

Dico 1. Indiuiduum in communi, & indeterminatè acceptum prædicatur de omnibus indiuiduis, non quidem vniuocè sed analogicè. quod prædicetur patet. quia dicit rationem formalem omnib⁹ indiuiduis competentem: omnia enim indiuidua conueniunt in ratione formali indiuidui: quo etiam modo indiuiduum vagum prædicatur, quia dicit indiuiduum in communi, ex se enim nō magis dicit hoc, quàm illud indiuiduum. Quod si obijcias, cum dico quendam hominem esse occisum, vel pugnasse; vnum certum hominem designo. Resp. Aliud est indiuiduū ex se determinatè significare; aliud restringi in propositione ad suppositionem determinatam. Indiuiduum igitur vagum ex se & ex modo suo significandi, non significat determinatum indiuiduum, & ideo ex se dici potest de omnib⁹ indiuiduis: in propositione tamen restringi potest ad suppositionem determinatam, si tale prædicatū illi tribuatur, quod non nisi sub illa restrictione illi conueniat.

Quod verò non prædicetur vniuocè sed analogicè. *Indiuiduum non est genericum.* Probat, quia à differentiis qua differentie sunt, non potest quid vniuocum abstrahi, ergo neq; à differentiis indiuidualib⁹ poterit abstrahi vniuoca ratio indiuidui, antecedens patet, cum inductione in omnibus differentiis genericis & specificis; cum ratione, quia differentia est id quo res differunt, non id in quo conueniunt. Nam si in aliquo conuenirent, in aliquo differrent: iam illud in quo conueniunt nō esset differentia, quia in illo

non

non differrent, v.g. non statuitur pro-differentia hominis & equi, animal rationale: quia in animali conueniunt, in rationali differunt. solum igitur id statuitur pro differentia in quo res illæ non conueniunt. Vnde differentia non potest diuidi in rationem genericam, vniuocam & specificam, sed debet esse simpliciter simplex, & indiuisibilis in plura ratione distincta, & confirmatur: quia sicut à rationali & irrationali, quæ sunt specificæ differentia hominis & bruti, nihil vniuocum abstrahi potest, ita nec à differentiis indiuidualibus. Nam illud, quod abstrahitur, vel pertinet ad differentiam indiuidualem vel non, si pertinet, ergo faciet vt in eo indiuidua differant. Non igitur in eo conueniunt; quod est contra suppositionem. si verò non pertinet: Ergo non constituit rationem formalem differentia.

Quod si dicas, per differentiam indiuidualem genericè acceptam conuenire indiuidua; differre verò per eandem specificè acceptam. Contra: Hinc sequitur indiuidua non totà differentia indiuiduali differre, sed aliqua eius parte, & sic non tota illa res erit differentia, sed vna eius pars; quia illa ratio generica, cum non faciat differre non pertinebit ad rationem differentia. Vnde etiam sequitur non esse genus differentia; quia, genus pertinet ad rationem formalem eius cuius est genus, & constituit rem essentialiter; quod quia non conuenit huic generi differentia, idcirco tale genus non datur nec potest abstrahi à differentia. Quanquam negandum non est, Indiuiduum secundo intentionaliter acceptum prædicari vniuocè. Secunda enim intentio Indiuidui, omnibus Indiuiduis vniuocè competit, non enim magis vni quàm alteri. & Definitio debet vniuocè omnibus Definitis competere. Quomodo etiam omnia

nia Analoga & Æquivoca sunt vniuoce Analoga & Æquivoca.

Quod verò indiuiduum in communi realiter acceptum prædicetur non æquivocè sed analogicè, patet, quia omnia indiuidua habent inter se proportionem quandam & similitudinem in ratione indiuiduali, propter quod potest ab illis abstrahi vnus acceptus proportionalis & analogicus indiuidui in communi.

Dico secundo, indiuiduum in particulari & determinatè sumptum de vno solo prædicatur, quia vnam rem numero significat, distinctam ab omnibus aliis, & hoc modo intelligenda est definitio indiuidui à Porphyrio data.

Obiici verò potest, quod indiuiduum nullo modo possit prædicari. Nam neq; de alio à se distincto; quia nullum habet inferius; neq; de seipso; quia talis prædicatio est inepta; prædicatū enim debet distingui à subiecto; ac idem non distinguitur à seipso: ergo neq; prædicatur. Deinde quòd Porphyrius ait: Indiuiduum de vno solo particulari prædicari; id etiam speciei vnum indiuiduum habenti competit, sol enim de vno tantum solè prædicatur. Respondeo ad primum: Possè indiuiduum de seipso prædicari; quia idem potest duobus conceptibus concipi ab intellectu, & quatenus vno conceptu concipitur, potest de seipso alio conceptu conceptu prædicari, ad prædicationem enim sufficit distinctio conceptuum. Et quamuis idem non habeat in re, per quod possit à seipso distingui; habet tamen in intellectu, nempe duplicem sui conceptum; neq; talis prædicatio vana est; nam & hoc scire conuenit, quomodo idem distincto conceptu cōceptum, habeat se ad seipsum.

Ad secundum Rēspōdeo: Et si illis quoq; competit de vno predicari; nam & differentia de vna specie, & species de vno individuo (si plura non habeat) predicatur; tamen predicari, de vno solo eoq; singulari, nulli nisi individuo competit. Nam & differentia predicatur, tam de specie quàm de individuo speciei, atq; etiam de suis inferioribus. Species verò habens vnum tantum individuum, potest predicari de pluribus possibilibus. Quod si plura non sint possibilia; adhuc tamen non de vno solo particulari predicatur, sed de se ipsa; & de vno individuo: individuum autem non nisi de seipso predicari potest. Deinde proprium individui est solum de vno numero predicari.

Q V Æ S T I O V.

Quomodo se habent inter se Genus, Species, Individuum?

Possunt hæc tria inter se conferri, 1. quoad illationem, 2. quoad identitatem & diuersitatem, 3. quoad predicationem.

Quantum ad primū Difficultas est: an vnum ex alio necessariò inferatur. Potest autem hæc illatio esse vel affirmatiua vel negatiua: potest etiam vel ex superiori inferri, vel ex inferiori superius inferri.

Dico primo. Ex genere non inferitur determinatè vlla species; sed tantum indeterminatè hæc vel illa. Ratio est. Quia genus non est determinatum ad vnam speciem, sed ad omnes ex æquo se habet: ergo non potest ex eo vna determinate inferri. Vt si animal sit, non est necesse esse hominem; potest enim esse aliud aliquod

quod animal, quia tamen genus non est extra species; nec vniuersalia existunt extra singularia; ideo si datur genus, necesse est dari aliquam speciem, in qua genus existat sed indeterminatè, vel hanc vel illam. Idem dicendum est de specie respectu individui. Quanquã si species non habeat naturaliter nisi vnum individuũ, tunc ex specie infertur determinatè illud individuũ, vt ex sole, hic sol: verũ hoc oritur ex peculiari ratione illius speciei.

Dico secundo. Negato genere negatur omnes species & individua illius generis: quia cum genus sit de essentia suorum inferiorum, inferiora nec esse nec intelligi sine genere possunt; quia sine suis essentialibus nihil aut esse aut intelligi potest. Quocirca à quo auferatur genus, auferuntur & omnes species illius generis; de quo negatur animal, negantur & omnes species animalis: de quo negatur Ens, negatur tam substantia, quàm accidens. Idem dicendum est de specie respectu individuorum. Nam sicut species sine genere, ita individuũ sine specie esse non potest.

Dico tertio. Ex inferiori infertur necessariò superius, ex individuo species, ex specie genus. Ratio est; quia superius est de essentia inferioris: ergo posito inferiore, necesse est poni superius, posito homine ponitur animal: & posito Petro ponitur homo; quare verum est dicere, homo est, ergo animal est, Petrus est; Ergo homo est.

Dico quarto. Negato inferiori non negatur superius, nisi omnia inferiora simul negentur. Ratio est, quia superiora sunt latius patentia inferioribus. Ergo sublato vno inferiori, potest remanere adhuc superius in aliis; sublata specie vna, potest genus esse in alia specie,

CCC 2

&

& sublato vno indiuiduo, potest species esse in alio indiuiduo. Quia tamen genera non existunt extra suas species, nec species extra indiuidua, idcirco negatis omnibus speciebus, negatur genus, & negatis omnibus indiuiduis, negatur species. Excipio tamen speciem, quæ naturaliter vnum tantum habet indiuiduum, illo enim vno negato, negatur tota species: quia extra illud indiuiduum non existit, & illud vnum est quodammodo vice omnium.

Quantum ad secundum. Dico primo. Ex diuersitate superiorum sequitur diuersitas inferiorum, non è contra, ita vt si sint diuersa genera, sint etiam diuersæ species, & si sint diuersæ species, sint etiam diuersa indiuidua, non è contra. Ita Aristoteles in Antepredicamentum cum ait, diuersorum generum, & non subalternarum positorum diuersas esse species & differentias, v. g. substantia & quantitas sunt diuersa genera, & non subalternatè posita, quia neutrum est sub altero: species etiam substantiæ erunt diuersæ à speciebus quantitatis. Si vero sint genera subalterna, vnum superius aliud inferius, tunc differentia superioris esse possunt differentiæ inferioris: vt differentia corporis, erunt differentiæ viuentis & animalis. Ratio autem est, quia genus est de essentia speciei; Ergo diuersitas generum, facit diuersitatem essentialem in speciebus. Differentiæ etiam sequuntur suum genus, vt actus potentiam: quare vbi diuersa genera, ibi quoq; diuersæ sunt differentiæ, nec possunt vnius generis differentiæ conuenire alteri. At inquires. Potest vna res poni in diuersis predicamentis. Respondeo secundum diuersas rationes formales: vt homo v. g. secundum substantiam in genere substantiæ; secundum

secundum quantitatem in genere quantitatis; & sic sub diuersis generibus habebit diuersas species, & diuersas rationes numericas. Quod verò è contra ex diuersitate inferiorum non sequitur diuersitas superiorum, res est manifesta: quia sub vno genere sunt diuersae species, & sub vna specie diuersa indiuidua.

Dico secundo, Ex identitate inferiorum sequitur identitas superiorum, non è contra. Ratio primi est, quia superiora sunt de essentia inferiorum: Ergo ex identitate inferiorum, sequitur identitas superiorum; quare quae sunt eadem specie, sunt eadem genere, & quae sunt eadem numero, sunt eadem specie. Ratio secundi est, quia ex minori vnitatem non inferitur maior; vnitatem autem genericam, minor est quàm specifica, & hæc minor quàm numerica: quia illae vnitates sunt in parte, hæc in toto. Deinde quae sunt vnum genere, possunt esse diuersa specie, & quae sunt vnum specie possunt esse diuersa numero; inferiora enim addunt ad superiora, id quò esse diuersa possunt.

Quantum ad tertium. Difficultas est; an quaecunque prædicantur de superioribus necesse sit, vt de inferioribus quoque prædicentur; multa enim videmus prædicari de genere, quae non possunt prædicari de specie. Nam de animali dicitur quod sit genus; de homine enim id dici non potest. Ex altera verò parte, primum principium in Logica est, in quo fundantur omnes figurae syllogismorum. Quidquid prædicatur de prædicato, prædicatur & de subiecto: Ergo quidquid prædicatur de superiori, prædicatur & de subiecto superioris.

Dicendum tamen est, prædicata esse duplicia, scilicet ^{Prædicata realia,} realia, alia intentionalia. Prædicato igitur realia quæ-

Ccc 3. cun-

cunque dicuntur de superiori dicuntur etiam de inferiori: quia superiora continentur in inferioribus realiter: Ergo quaecunque realiter conveniunt superioribus, conveniunt etiam inferioribus realiter ratione superiorum, cum quibus habent realem connexionem, idque eâ vniuersalitate & ratione quâ conveniunt superioribus, ut si de superiori dicatur aliquid vel vniuersaliter, vel particulariter necessâriò vel contingenter, eodẽ quoque modo dicetur de inferiori, & in hoc fundantur omnes figuræ syllogismorum.

Intentionalia.

Prædicata vero intentionalia, quæ dicuntur de superiori, non dicuntur de inferiori: ut de animali dicitur, quod sit genus; de homine quod sit species, hæc tamen de inferioribus non dicuntur. Ratio est, quia talia prædicata conveniunt naturis, non ut naturæ sunt, sed ut abstracta sunt, & certum modum essendi obiectivum habent in intellectu, hic autem modus non transit cum natura ad inferiora, cum non ratione naturæ conveniat, sed merè extrinsecè ab intellectu. Deinde talia prædicata conveniunt subiectis propter aliquem peculiarem modum ipsorum, qui non transit ab alia inferiora. Verbi gratia, animali convenit esse genus, ut est abstractum à speciebus, quod non convenit homini & aliis inferioribus.



QVÆ

QVÆSTIO VI.

De differentia relata ad Genus.

Differentia potest referri tum ad genus, quod diuidit & contrahit; tum ad speciem quam constituit; tum ad subiecta speciei; de quibus ratione speciei prædicatur. In hac quæstione de prima tantum comparatione agemus.

Dico igitur primo. Differentia dicitur diuidere genus; quia addita generi secernit illud ab aliis speciebus: Animal enim cōtractum per rationalitatē, est aliud animal ab animali irrationali. Et licet in intellectu sit vnus cōceptus animalis rationalis & irrationalis; tamē in re aliud est animal rationale, aliud irrationale. Animal enim rationale in re totā suā Entitate diuisum est ab animali irrationali; ita vt vnum non sit aliud, & negari vnum de alio possit. Quia enim identificatur diuersis differentiis, idcirco ipsum quoque debet esse diuersum. Porro differentia est diuisiva generis non nisi per ordinē ad intellectum. Nam diuisio ista, supponit vnitatem generis, non diuiditur etiam nisi id, quod est vnum, genus autem est vnum per intellectum concipientem: quare & diuisio illius est per ordinem ad intellectum: quamuis enim res diuidens est verē realis; tamen id quod diuidendum est, non existit nisi per intellectum; vnde nec diuisio illi competit nisi per intellectum, Enti enim non reali nihil potest reale conuenire.

Dico

Dico secundo. Differentia continetur in genere potentiâ tantum. Hæc conclusio patet ex dictis de toto potenciali quæstione prima: non enim potest contineri actu in genere; quia alioquin cum genus prædicatur de specie oēs differentia cōtentæ actu in genere prædicaretur de specie. Deinde ut argumētatur Arist. 6. Top. cap. 2. in omni definitione nugatio admitteretur, & bis idem diceretur. Nam si in animali continetur actu rationalitas; cum definitur homo esse animal rationale, bis poneretur rationale in definitione semel expressè, & iterum ut actu contentum in animali. Imò sequeretur sufficiens definitionem tradere per solum genus dicendo hominem esse animal; si quidem in animali actu continetur rationale. Ex quo patet nec actu confuso, nec actu distincto, seu explicito, contineri differentiam in genere: quia quod continetur, siue actu confuso siue distincto, continetur secundum suam substantiam: at differentia non potest secundum suam substantiam contineri in genere, ut probant argumenta adducta; Ergo nec actu distincto, nec actu confuso continetur. Restat ergo ut dicamus differentiam contineri in genere solum in potentia; comparatur enim ad genus sicut actus ad potentiam, & forma ad materiam.

Dico tertio. Nec genus de differentia, nec differentia de genere prædicari formaliter potest, sed materialiter tantum. Ita Arist. 6. Top. c. 2. Loc. 31. cuius rei hæc rationem assignat. Si enim differentia diceretur de genere, cum genus de omnibus speciebus prædicatur, differentia quoque vnâ cum genere de omnibus speciebus prædicaretur. Si verò genus diceretur essentialiter de differentia; omnis differentia esset species, quia species nihil est aliud; quàm multa animalia genus & differentia si-

tia simul. Addit præterea, & hoc absurdum, q. multa animalia de homine prædicarentur, vnum q. est loco generis, aliud q. includitur in differentia essentiali, si de differentia essentiali prædicatur essentialiter genus. Et hoc argumento sæpe vitur Aristoteles ad probandum, Ens non esse genus, maximè 3. metaph. tex. 1. o. quia, inquit, genus non potest prædicari de differentia; Ens autem de omni differentia cuiusque rei prædicatur: non potest igitur esse genus. Et ratio est: quia genus non est idem quod differentia; vt patet ex vniuersalitate distincta, & ex distinctis proprietatibus: ergo debet dicere distinctam rationem à differentia, quæ per conceptum potest negari; Vt patet in animali, & rationali. Et hæc est vna ex præcipuis regulis ad dignoscendum verum genus; si enim prædicatur de differentia, non potest esse verum genus, quomodo multa quæ putantur esse genera nõ erunt genera: Generi. n. & differentia debent respondere in re ipsa distinctæ rationes per intellectum conceptibiles, quarum vna negari possit de altera.

*Genus de dif.
ferentia non
prædicatur.*

Dixi materialiter genus de differentia; differentiam de genere posse prædicari, propter duo. Primò: quia genus vt plurimum est in re idem cum differentia, vt animal est in re idem cum rationali. Secundò: propter modum significandi, quia genus significat per modum totius potentialis, vt idem est potentia q. species, & differentia: animal, v. g. significat quidquid est animal, siue rationale, siue irrationale, ita vt vtrumq; potentia contineat: Cum igitur sit idem potentia cum differentia, potest de ea prædicari; Posita enim identitate prædicati & subiecti, potest esse prædicatio.

Ddd

Dico

Itaque. Differentia est ex se nobilior genere.
 Thomas parte prima quæstione 75. art. 7.
 secundum. Ratio est: quia actus ex se est nobilior
 potentia eiusdem generis: ac differentia est actus es-
 sentialis generis, & genus est potentia ad essentialem
 determinationem: ergo differentia ex se est nobilior
 genere.

Porro cum dico differentiam esse actum essentia-
 lem generis; intelligo de essentia generis specifica, ut
 constituitur in certa specie: alioqui si sumatur genus
 præcisum à specie, differentia est extra rationem gene-
 ris, & ab ipso essentialiter distinguitur.

Ex duplici ca-
 pite.

Notandum autem est. Ex duplici capite posse ori-
 ri hanc maiorem nobilitatē differentiarum. Primò, si dif-
 ferentia illa pertineat ad nobiliorem gradum entis: sic
 in homine rationale est nobilius sensitivum, quia eleuat
 sensitivum ultra suum gradum, ad gradum nobiliorem in-
 tellectualem. Et sic non est dubium differentiam esse
 nobiliorem genere. Verum hæc nobilitas non omni
 differentiarum competit, quia non omnis differentia est
 altioris gradus: imò communiter differentiarum sunt eius-
 dem gradus cum genere, & perficiunt genus intra eun-
 dem gradum, ut differentiarum brutorum omnes sunt in-
 tra gradum sensitivum, & perficiunt genus conferen-
 do illi perfectionem sensitivam. Secundò, nobilitas
 differentiarum oritur ex propria & essentiali ratione differē-
 tiarum; differentia enim est actus essentialis generis: actus
 autem est nobilior potentia, ut patet in forma respectu
 materiæ, actus enim perficit & determinat, potentia
 perficitur, & est quid indeterminatum. Et hæc nobi-
 litas omni differentiarum competit, siue sit intra eundem
 gradum cum genere, siue sit altioris gradus.

Dices,

Dices, Hac ratione accidens est nobilius substantia: quia est actus substantia. Respondeo. Actum quoad entitatem nobiliorem esse potentia per se loquendo, si sint eiusdem generis: quia in quolibet genere nobilius est habere se per modum actus, quàm per modum potentia; actus enim perfectionem arguit; potentia imperfectionem: at accidens est actus diuersi generis à substantia; quare non mirum est, quòd superetur à substantia: quia substantia est res alterius & nobilioris generis quàm accidens. At si actus & potentia sint in eodem genere substantia, actus substantialis erit nobilior potentia substantiali, vt patet in forma substantiali, quæ est actus materiæ nobilior ipsa.

*Actus au par.
tia nobilior.*

Sed obiicies. Quædam animalia sunt imperfectissima in suis rationibus specificis, & pluribus sensibus destituta: saltem ergo in his differentia specifica non erit nobilior quàm generica. Respondeo. Etiam in his perfectiorem esse differentiam specificam genericam: quia etsi respectu aliarum differentiarum specificarum sit imperfectior, tamen respectu generis est perfectior; quia habet se per modum actus determinantis & perficientis, genus autem per modum potentia determinabilis & perfectibilis. Et idem est in formis Physicis; nulla enim forma Physica est tam imperfecta vti non sit perfectior materia. Quod si vrgeas ex operationibus cognosci essentias: atqui in multis speciebus operationes, v. g. sensitiua sunt imperfectissimæ: ergo & differentia specifica. Respondeo, In talibus differentiam specificam esse imperfectissimam, ita tamen, vt cum sua imperfectione sit perfectior genere.

QVÆSTIO VII.

De differentia relata ad speciem.

Differentia respectu speciei duo munera habet: constituere speciem in tali specie & eam distinguere ab aliis speciebus. Difficultas autem est primò: An eadem differentia sit constituens & distinguens. Videtur enim species constitui per aliquid positivum, distinguui autem formaliter per negationem: Quia enim species est quid positivum, ideo & differentia ipsam constituens debet esse positiva: distinctio verò est quid negativum, quare & differentia distinguens erit negativa: distinguui enim vnum ab alio, est vnum non esse aliud: hominem, v. g. distinguui à leone, est non esse leonem, quæ est mera negatio.

*Differentia cō-
stituens & di-
stinguens.*

Dicendum tamen est. Omnem differentiam constituentem esse etiam distinguentem. Ratio est: quia omne ens ex se ipso habet quòd non sit aliud, ac ex consequenti, quòd distinguatur ab alio: quia enim est id quòd est, idèò non est aliud, sed distinguitur ab alio: Si enim quæras cur homo non sit equus, respondebitur, quia est homo: ergo eadem differentia quæ constituit rem in suo esse facit illam distinctam ab altera.

Confirmatur. Quia vnitatis est propria passio entis: at vnitatis dicitur indiuisiōem entis in se, & diuisiōem ab omni alio: Ergo ens sicut se ipso est vnū, ita se ipso indiuisum est in se, & diuisum ab altero: quare quòd est principium constitutivum entis, est etiam distinctivum eius ab aliis: Deinde patet id inductione in omnibus rebus, quæ per suas differentias constitutivas distinguuntur ab aliis. Quia enim res sunt tales in essentia, idèò

ideò distinguuntur ab aliis, quæ non sunt tales, sic homo per rationalitatem, per quam constituitur in esse hominis, distinguitur à brutis.

At inquires. Constituire & distinguere sunt duo actus distincti. Respondeo. Esse quidem duos actus distinctos, sed ab eodem principio essentiali procedentes, & à se dependentes: Quia enim res constituitur in tali esse, distinguitur eo ipso ab aliis nō habentibus tale esse. Neque refert quòd distinctio sit negatio: Nam huius negationis est causa differentia constituens: quia enim rem constituit talem, ideò facit illam non esse aliam, & ideò vocatur differentia distinguens; quia est causa & fundamentum distinctionis.

Dico secundo. Omnem differentiam distinguentem esse quoque constituentem. Ratio est: quia distinctio est formaliter negatio; rem enim distingui ab alia est non esse aliam: atqui omnis negatio fundatur in aliqua affirmatione, propterea enim quod affirmatur aliquid de re, oppositum de eadem re negatur: Neque enim temerè negatio conuenit rei, sed propter aliquam causam & fundamentum quod affirmatur de illa: ergo & distinctio conuenit rei propter aliquam affirmationem, quæ sit causa distinctionis: quæ affirmatio est distinctionis differentia constituens rem & ex consequenti distinguens; ideo enim quia res est talis, distinguitur ab altera non tali. Ex quo patet aliud esse distinctionem, aliud differentiam distinguentem: distinctio est negatio, differentia vero distinguens est differentia causans distinctionem & negationem: ac proinde est quid positivum causans negationem. Patet etiam nihil posse distinguere rem vnam ab alia nisi constituat illam: quia enim constituit rem talem, ideò distinguit illam à non talibus.

Ddd 3

Dico

Dico tertio. Eandem differentiam esse constitutivam & distinctivam. Patet ex dictis. Hinc est aliud Axioma receptum in Philosophia; Idem esse principium constituens rem, & distinguens ab omnibus aliis.

Quod si dicas, res etiam distinguui per accidentia. Respondeo: Distinguui per accidentia, sed nec primò nec essentialiter, per differentiam verò specificam distinguuntur primò & essentialiter, sicut enim prior est essentia accidentibus, ita distinctio essentialis prior est distinctione accidentali.

Secunda Difficultas. An negatio possit esse differentia essentialis alicuius entis: videntur enim aliqua entia constitui per negationes, quia sine iis intelligi nullo modo possunt. Sic vnum constituitur per indivisionem; infinitum per negationem finis; vacuum per negationem corporis replentis; Genus etiam dividitur per oppositas differentias, quarum una est affirmativa, altera negativa, ut animal per rationale vel irrationale; ergo & constituitur in specie per eandem.

*Negatio nō est
Differentia
essentia.*

Dicendum tamen est negationem non posse esse differentiam essentialē ullius entis. Ita Aristotelis Primo de partibus animalium cap. 30. Et ratio est: quia differentia entis, constituit ens in ratione entis: at negatio cum sit non ens, constituit rationem non entis: ergo negatio non est differentia entis; per negationem enim res non dicitur esse, sed potius non esse.

*Per negationes
explicatur ef-
fentia.*

Notandum autem est. Negationes à nobis adhiberi ad explicanda aliqua entia, duplici ex causa. Primò, ut per illas negationes indicentur veræ differentiae, ex quibus tales negationes oriuntur; omnia enim negatio

tio fundatur in aliqua affirmatione, & propter aliquam affirmationem rei competit: quo fit ut cum veras essentias rerum ignoremus, eas per negationem explicemus. Sic concipimus brutum esse animal irrationale; non, quod negatio rationalitatis sit essentia bruti, sed quod id ad quod sequitur talis negatio, sit essentia bruti: sic etiam concipimus Deum immensum, infinitum; non, quod immensitas & infinitas sit merè negatio in Deo mensuræ & finis; sed quod per has negationes indicetur ea Dei perfectio, ratione cuius Deus non subiaceat ulli mensuræ aut fini.

Secundò: propterea negationes adhibemus, quod aliqua entia non sunt pura entia, sed partim entia, partim non entia, ex ente & non ente conflata: Licet igitur quatenus entia sunt, negatione non constituuntur, tamen quatenus entia non sunt, negatione constituuntur. Sic vacuum, est locus non repletus corpore, quatenus locus, est ens, quatenus verò habet negationem corporis repletus; est non ens: sic etiam vnum definitur esse ens indivisum; hoc est, ens cum negatione diuisionis. Ex quo patet ad rationem dubitandi.

Tertia difficultas; An differentiarum ultimarum sint simpliciter simplices? Ea autem dicuntur simpliciter simplicia, quæ non possunt resolui in plures rationes & conceptus, eo quod simplicissimam perfectionem dicant. Porphyrius igitur in capite de differentia negat dari differentias ultimas simplices, sed differentiam ultimam, ait, esse plures communes differentias coniunctas. v. g. homo definitur esse animal rationale mortale: quia rationale, conuenit cum Angelis, quia mortale cum brutis: utraque verò hæc differentia coniuncta, constituit
secun-

secundum ipsam propriam & specificam hominis differentiam. Et ob hanc causam definiuit Porphyrius differentiam, esse id quod predicatur de pluribus differentibus specie in quale quid; quæ definitio totis differentis genericis competit: nam specificas differentias non alias agnoscebat, nisi ex Genericis vna coniunctis constantes.

*Differentia est
quid simplex.*

Sed hæc opinio est falsa; Nam si datur gradus genericus, seu differentia simplex generica, cur non dari debeat etiam gradus specificus simplex? Nam cum ex operationibus colligimus rerum essentias; quemadmodum enim inuenimus operationes in rebus communes cum aliis, ita & operationes proprias: & sicut ex illis colligimus gradum genericum communem, ita ex illis colligere debemus gradum specificum proprium. Nam quod dicitur rationale esse commune homini cum Angelis falsum est; Rationale enim, est intellectuum cum discursu; quod Angelis non conuenit.

Supposita igitur opinione communi & verâ, dari differentias ultimas specificas & simplices, difficultas est, an hæ differentiæ sint ita simplices, vt sint indiuisibiles in plures rationes & conceptus; Res enim simplices sunt indiuisibiles, quia non sunt compositi ex partibus. Si igitur ita sunt indiuisibiles, vt non solum re, sed etiam ratione diuidi non possint, erunt simpliciter simplices.

*Quid sit simplex
placiter simplex.*

Notandum igitur est. Res in mundo esse duplices: quasdam esse simplices à parte rei, id est non compositas ex rebus diuersis, ita tamen vt virtualiter includant multiplicem perfectionem, quæ multis conceptibus inæquatis in re illa concipi & distingui potest. Sic in anima rationali, quæ est simplex res, distinguitur perfectio sensitua & intellectua per rationem & conceptum.

Simplex res potest virtute multa continere.

Quæ

Quæ duo, licet in anima nostra sint vnæ res, in aliis tamen diuiduntur: Nam in bruto est sensitiuum sine rationali; in Angelo intellectiuium sine sensitiuo: Quædam verò sunt ita simplices, vt dicant vnicam tantum perfectionem, quæ nec virtute sit multiplex, nec in plures conceptus diuidi possit: & hæ dicuntur simpliciter simplices.

Est ergo quædam opinio, quæ ait, res quæ non dicunt nisi vnicam perfectionem, differentiam quoque specificam habere simpliciter simplicem: Talis est differentia corporum simplicium, hoc est Elementorum, in quibus non cernitur nisi simplex vna perfectio: Talis etiam est differentia vltima accidentium, vt albedinis; Quantitatis, quæ sunt simplicissima quædam entia; Alias verò res quæ multiplicem perfectionem in simplici entitate includunt, non habere inquit simpliciter simplicem differentiam specificam, sed resolubilem in multas, quasi partiales differentias. Quia sicut essentialium rerum constat multis gradibus diuersarum, perfectionum, ita & differentia specifica talis essentialis, constat differentiis specificis omnium illarum perfectionum: singulæ enim illæ perfectiones habent suam specificationem propriam intra suum gradum: & sic omnes specificationes omnium illarum perfectionum simul acceptæ, constituunt vnâ perfectam & adæquatam differentiam specificam illius rei: verbi gratia, in homine distinguitur perfectio sensitiua, vegetatiua, rationalis, quæ perfectiones singulæ habent suam intrinsecam specificationem in proprio gradu; est enim homo sensitiuus non solum in communi, sed etiam specificè, tali & tali ratione sensitiua, & similiter de aliis: ex

Opinio de simplicitate differentiarum.

Ecc

omni-

*Differentia ge-
neris nobilior.*

Dico quartò. Differentia est ex se nobilior genere. Ita Diuus Thomas parte prima quæstione 75. art. 7. ad secundum. Ratio est: quia actus ex se est nobilior potentiâ eiusdem generis: ac differentia est actus essentialis generis, & genus est potentia ad essentialem determinationem: ergo differentia ex se est nobilior genere.

Porro cum dico differentiam esse actum essentialem generis; intelligo de essentia generis specifica, ut constituitur in certa specie: alioqui si sumatur genus præcisum à specie, differentia est extra rationem generis, & ab ipso essentialiter distinguitur. *

*Ex duplici ca-
pite.*

Notandum autem est. Ex duplici capite posse oriri hanc maiorem nobilitatē differentiæ. Primò, si differentia illa pertineat ad nobiliorem gradum entis: sic in homine rationale est nobilius sensituum, quia eleuat sensitivum ultra suum gradum, ad gradum nobiliorem intellectualem. Et sic non est dubium differentiam esse nobiliorem genere. Verum hæc nobilitas non omni differentiæ competit, quia non omnis differentia est altioris gradus: imò communiter differentiæ sunt eiusdem gradus cum genere, & perficiunt genus intra eundem gradum, ut differentiæ brutorum omnes sunt intra gradum sensitivum, & perficiunt genus conferendo illi perfectionem sensitivam. Secundò, nobilitas differentiæ oritur ex propria & essentiali ratione differentiæ: differentia enim est actus essentialis generis: actus autem est nobilior potentia, ut patet in forma respectu materiæ, actus enim perficit & determinat, potentia perficitur, & est quid indeterminatum. Et hæc nobilitas omni differentiæ competit, siue sit intra eundem gradum cum genere, siue sit altioris gradus.

Dices,

Dices, Hac ratione accidens est nobilius substantia: quia est actus substantiæ. Respondeo. Actum quoad entitatem nobiliorem esse potentia per se loquendo, si sint eiusdem generis: quia in quolibet genere nobilius est habere se per modum actus, quàm per modum potentiæ; actus enim perfectionem arguit; potentia imperfectionem: at accidens est actus diversi generis à substantia; quare non mirum est, quòd superetur à substantia: quia substantia est res alterius & nobilioris generis quàm accidens. At si actus & potentia sint in eodem genere substantiæ, actus substantialis erit nobilior potentia substantiali, ut patet in forma substantiali, quæ est actus materiæ nobilior ipsa.

*Actus au pot.
ita nobilior.*

Sed obiicies. Quædam animalia sunt imperfectissima in suis rationibus specificis, & pluribus sensibus destituta: saltem ergo in his differentia specifica non erit nobilior quàm generica. Respondeo. Etiam in his perfectiorem esse differentiam specificam genericam: quia etsi respectu aliarum differentiarum specificarum sit imperfectior, tamen respectu generis est perfectior; quia habet se per modum actus determinantis & perfectientis, genus autem per modum potentiæ determinabilis & perfectibilis. Et idem est in formis Physicis; nulla enim forma Physica est tam imperfecta ut non sit perfectior materiæ. Quod si vrgeas ex operationibus cognosci essentias: atqui in multis speciebus operationes, v.g. sensitiuæ sunt imperfectissimæ: ergo & differentia specifica. Respondeo. In talibus differentiam specificam esse imperfectissimam, ita ta-

men, ut cum sua imperfectione sit perfectior genere.

QVÆSTIO VII.

De differentia relata ad speciem.

Differentia respectu speciei duo munera habet: constituere speciem in tali specie & eam distinguere ab aliis speciebus. Difficultas autem est primò: An eadem differentia sit constituens & distinguens. Videtur enim species constitui per aliquid positivum, distinguui autem formaliter per negationem: Quia enim species est quid positivum, ideo & differentia ipsam constituens debet esse positiva: distinctio verò est quid negativum, quare & differentia distinguens erit negativa: distinguui enim unum ab alio, est unum non esse aliud: hominem, v. g. distinguui à leone, est non esse leonem, quæ est mera negatio.

*Differentia cō-
stituens & di-
stinguens.*

Dicendum tamen est. Omnem differentiam constituentem esse etiam distinguentem. Ratio est: quia omne ens ex se ipso habet quòd non sit aliud, ac ex consequenti, quod distinguatur ab alio: quia enim est id quod est, ideo non est aliud, sed distinguitur ab alio: Si enim quæras cur homo non sit equus, respondebitur, quia est homo: ergo eadem differentia quæ constituit rem in suo esse facit illam distinctam ab altera.

Confirmatur. Quia unitas est propria passio entis: ac unitas dicit indiuisionem entis in se, & diuisionem ab omni alio: Ergo ens sicut se ipso est unū, ita se ipso indiuisum est in se, & diuisum ab altero: quare quod est principium constitutum entis, est etiam distinctum eius ab aliis: Deinde patet id inductione in omnibus rebus, quæ per suas differentias constitutivas distinguuntur ab aliis. Quia enim res sunt tales in essentia, ideo

ideò distinguuntur ab aliis, quæ non sunt tales, sic homo per rationalitatem, per quam constituitur in esse hominis, distinguitur à brutis.

At inquires. Constituire & distinguere sunt duo actus distincti. Respondeo. Esse quidem duos actus distinctos, sed ab eodem principio essentiali procedentes, & à se dependentes: Quia enim res constituitur in tali esse, distinguitur eo ipso ab aliis nō habentibus tale esse. Neque refert quòd distinctio sit negatio: Nam huius negationis est causa differentia constituens: quia enim rem constituit talem, ideò facit illam non esse aliam, & ideò vocatur differentia distinguens; quia est causa & fundamentum distinctionis.

Dico secundo. Omnem differentiam distinguentem esse quoque constituentem. Ratio est: quia distinctio est formaliter negatio; rem enim distinguere ab alia est non esse aliam; atqui omnis negatio fundatur in aliqua affirmatione, propterea enim quod affirmatur aliquid de re, oppositum de eadem re negatur: Neque enim temerè negatio convenit rei, sed propter aliquam causam & fundamentum quod affirmatur de illa; ergo & distinctio convenit rei propter aliquam affirmationem, quæ sit causa distinctionis: quæ affirmatio est distinctionis differentia constituens rem & ex consequenti distinguens; ideo enim quia res est talis, distinguitur ab altera non tali. Ex quo patet aliud esse distinctionē, aliud differentiam distinguentem: distinctio est negatio, differentia vero distinguens est differentia causans distinctionem & negationem: ac proinde est quid positivum causans negationem. Patet etiam nihil posse distinguere rem vnam ab alia nisi constituat illam: quia enim constituit rem talem, ideò distinguit illam à non talibus.

Ddd 3

Dico

Dico terriò. Eandem differentiam esse constitutivam & distinctivam. Patet ex dictis. Hinc est aliud Axioma receptum in Philosophia; Idem esse principium constituens rem, & distinguens ab omnibus aliis.

Quod si dicas, res etiam distingui per accidentia. Respondeo: Distingui per accidentia, sed nec primò nec essentialiter, per differentiam verò specificam distinguuntur primò & essentialiter, sicut enim prior est essentia accidentibus, ita distinctio essentialis prior est distinctione accidentali.

Secunda Difficultas. An negatio possit esse differentia essentialis alicuius entis: videntur enim aliqua entia constitui per negationes, quia sine iis intelligi nullo modo possunt. Sic vnum constituitur per individuationem; infinitum per negationem finis; vacuum per negationem corporis replentis; Genus etiam dividitur per oppositas differentias, quarum vna est affirmativa, altera negativa, ut animal per rationale vel irrationale; ergo & constituitur in specie per easdem.

*Negatio nō est
Differentia
entis.*

Dicendum tamen est negationem non posse esse differentiam essentialē vllius entis. Ita Aristotel. Primo de partibus animalium cap. 30. Erratio est: quia differentia entis, constituit ens in ratione entis: at negatio cum sit non ens, constituit rationem non entis: ergo negatio non est differentia entis; per negationem enim res non dicitur esse, sed potius non esse.

*Per negationes
explicatur es-
sentia.*

Notandum autem est. Negationes à nobis adhiberi ad explicanda aliqua entia, duplici ex causa. Primò, ut per illas negationes indicentur veræ differentiae, ex quibus tales negationes oriuntur; omnis enim negatio

tio fundatur in aliqua affirmatione, & propter aliquam affirmationem rei competit: quo fit ut cum veras essentias rerum ignoremus, eas per negationem explicemus. Sic concipimus brutum esse animal irrationale; non, quòd negatio rationalitatis sit essentia bruci, sed quòd id ad quod sequitur talis negatio, sit essentia bruti: sic etiam concipimus Deum immensum, infinitum; non, quod immensitas & infinitas sit merè negatio in Deo mensuræ & finis; sed quod per has negationes indicetur ea Dei perfectio, ratione cuius Deus non subiaceat ulli mensuræ aut fini.

Secundò: propterea negationes adhibemus, quod aliqua entia non sunt pura entia, sed partim entia, partim non entia, ex ente & non ente conflata: Licet igitur quatenus entia sunt, negatione non constituuntur, tamen quatenus entia non sunt, negatione constituuntur. Sic vacuum, est locus non repletus corpore, quatenus locus, est ens, quatenus verò habet negationem corporis repletus; est non ens: sic etiam vnum definitur esse ens indivisum; hoc est, ens cum negatione diuisionis. Ex quo patet ad rationem dubitandi.

Tertia difficultas; An differentiarum ultimarum sint simpliciter simplices? Ea autem dicuntur simpliciter simplicia, quæ non possunt resolui in plures rationes & conceptus, eo quod simplicissimam perfectionem dicant. Porphyrius igitur in capite de differentia negat dari differentias ultimas simplices, sed differentiam ultimam, ait, esse plures communes differentias coniunctas. v. g. homo definitur esse animal rationale mortale: quæ rationale, conuenit cum Angelis, quæ mortale cum brutis: utraque verò hæc differentia coniuncta, constituit

secun-

secundum ipsum propriam & specificam hominis differentiam. Et ob hanc causam definiuit Porphyrius differentiam, esse id quod prædicatur de pluribus differentiis specie in quale quid; quæ definitio solis differentiis genericis competit: nam specificas differentias non alias agnoscebat, nisi ex Genericis vnâ coniunctis constantes.

*Differentia est
quæ simplex.*

Sed hæc opinio est falsa; Nam si datur gradus genericus, seu differentia simplex generica, cur non dari debeat etiam gradus specificus simplex? Nam cum ex operationibus colligimus rerum essentias; quemadmodum enim inuenimus operationes in rebus communes cum aliis, ita & operationes proprias: & sicut ex illis colligimus gradum genericum communem, ita ex illis colligere debemus gradum specificum proprium. Nam quod dicitur rationale esse commune homini cum Angelis falsum est; Rationale enim, est intellectiuium cum discursu; quod Angelis non conuenit.

*Quid sit simplex
res virtute
multiplex.*

Supposita igitur opinione communi & verâ, dari differentias vltimas specificas & simplices, difficultas est, an hæ differentie sint ita simplices, vt sint indiuisibiles in plures rationes & conceptus; Res enim simplices sunt indiuisibiles, quia non sunt compositæ ex partibus. Si igitur ita sunt indiuisibiles, vt non solum re, sed etiam ratione diuidi non possint, erunt simpliciter simplices.

*Simplex res potest
virtute
multiplex
constitui.*

Notandum igitur est. Res in mundo esse duplices: quasdam esse simplices à parte rei, id est non compositas ex rebus diuersis, ita tamen vt virtualiter includant multiplicem perfectionem, quæ multis conceptibus in adæquatis in re illa concipi & distingui potest. Sic in anima rationali, quæ est simplex res, distinguitur perfectio sensitiua & intellectiua per rationem & conceptum.

Quæ

Quæ duo, licet in anima nostra sint vnæ res, in aliis tamen diuiduntur: Nam in bruto est sensitium sine rationali; in Angelo intellectuum sine sensitio: Quædam verò sunt ita simplices, vt dicant vnica tantum perfectionem, quæ nec virtute sit multiplex, nec in plures conceptus diuidi possit: & hæ dicuntur simpliciter simplices.

Est ergo quædam opinio, quæ ait, res quæ non dicunt nisi vnica perfectionem, differentiam quoque specificam habere simpliciter simplicem: Talis est differentia corporum simplicium, hoc est Elementorum, in quibus non cernitur nisi simplex vna perfectio: Talis etiam est differentia vltima accidentium, vt albedinis; Quantitatis, quæ sunt simplicissima quædam entia; Alias verò res quæ multiplicem perfectionem in simplici entitate includunt, non habere inquit simpliciter simplicem differentiam specificam, sed resolubilem in multas, quasi partiales differentias. Quia sicut essentialium rerum constat multis gradibus diuersarum, perfectionum, ita & differentia specifica talis essentialis, constat differentiis specificis omnium illarum perfectionum: singulæ enim illæ perfectiones habent suam specificationem propriam intra suum gradum: & sic omnes specificationes omnium illarum perfectionum simul acceptæ, constituunt vnica perfectam & adæquatam differentiam specificam illius rei: verbi gratia, in homine distinguitur perfectio sensitua, vegetatiua, rationalis, quæ perfectiones singulæ habent suam intrinsecam specificationem in proprio gradu; est enim homo sensitius non solum in communi, sed etiam specificè, tali & tali ratione sensitua, & similiter de aliis: ex

*Opinio de simpliciter diff.
rentiarum.*

Ecc

omni-

omnibus igitur rationibus specificis singulorum graduum componitur differentia specifica hominis.

An gradus inferior sit Differentia superiorum.

Dices. Gradum inferiorem esse differentiam specificam superioris; ut rationale sensitiui. Sed contra. Primò: Quia æquè omnes gradus sunt specifici in suo genere: ergo vnus non est differentia specifica alterius; alioquin non magis rationale esset differentia sensitiui, quàm sensitiuum rationalis, quia vterque gradus in suo genere est æquè specificus, & æquè inter se coniunguntur in vna entitate. Secundò: Quia rationale non dat sensitiuo esse tale sensitiuum, intra genus sensitiui, sed dat tale esse intellectuale, extra genus sensitiuum: ergo sensitiuum in suo genere habet distinctam specificationem à rationali. Tertiò: Rationale est differentia sub genere intellectuivo, & habet suum proprium genus, quod cōtrahit, nempe intellectuivum: ergo non est differentia generis sensitiui; alioquin duo absurda sequerentur. Primò. quòd vna differentia esset duorum diuersorum generum, nempe rationale esset differentia generis sensitiui, & intellectuui; quod est contra Aristotelem in Antepredicamentis, qui ait diuersorum generum, & nō subalternatim positorum, diuersas esse differentias. Secundò: Quòd vnum genus haberet in eodem duas differentias specificas ultimas, verbi gratia, sensitiuum haberet differentiam specificam sensitiui talis, & intellectuui talis.

Neque verò dici potest, Intellectiuum esse Genus subordinatum sensitiuo; id enim falsum esse ex eo patet: quod si Intellectiuum subordinaretur ex natura sua sensitiuo, omne intellectiuum esset sensitiuum: Omne enim quod est sub aliquo genere participat rationem illius

illius generis: Et sic Angelus cum sit sub genere intellectiuo participaret rationem sensitui: quod cum falsum sit, falsum quoque erit Intellectiuum esse genus subordinatum generi sensitiuo. Si autem dicatur subordinari per accidens, non ex natura: talis subordinationo non est vera, quia subordinari non est per accidens, sed ex natura sua esse sub alio: nam in simplici concursu in vnum, non magis esset vnū sub alio, quàm aliud sub ipso, nec magis vnum subordinaretur alteri, quàm alterum ipsi.

Quod si quis obiciat, ex communi sententia, rationale esse differentiam animalis. Respondet hæc opinio esse differentiam extrinsecam, non intrinsecam, quia est alterius generis, non intra idem genus. Habet autem rationem differentiae propter coniunctionem in vna essentia cum sensitiuo; maximè cum sensitium habeat se respectu illius per modum generis. Duo enim generi conueniunt. Primò, latius patere quàm speciem; Secundò, supponi à specie & differentia. Porro his duobus modis habet se animal respectu rationalis; & idcirco animal habet rationem generis, rationale differentiae. Non est autem rationale differentia intrinseca animalis. Primò; quia animal habet suam propriam intrinsecam differentiam sensitivam, quam haberet si non esse coniunctum rationali. Secundò: Quia sensitium contrahitur per rationale, non vt est indeterminatum in esse sensitiuo, sed vt est determinatum ad tale esse sensitium, ac proinde non contrahitur per rationale, vt sensitium in genere, sed vt sensitium in specie.

*An rationale
sit Differentia
Animalis.*

Ex qua doctrina declaratur Primò, Quomodo in vna differentia possint esse plures speci-

Ecc 2

fica

sicæ differentia; absolutè enim est vna tantum differentia specifica cuiuscunque rei; sicut est vna essentia. Verùm sicut in essentia distinguuntur multæ perfectiones quasi parciales, ita in vna differentia specifica vnius essentia distinguuntur multæ quasi partes vnius differentia totalis.

Secundò declaratur; quomodo idem potest essentialiter esse in pluribus speciebus. Absolutè enim sicut vna est essentia rei, ita & vna species; Quia tamen in vna essentia sunt multi gradus & perfectiones diuersorum generum, idè in diuersis gradibus, intellectus distinguit diuersas quasi essentias, & species parciales, quæ sunt species illorum graduum, quæ tamen omnes conueniunt in vnam essentiam & speciem totalem illius rei: Sic homo dicitur esse in duplici genere rerum: nempe in genere rerum corporearum, & spiritualium; quia vtrumque gradum & corporeum & spirituale in se continet: in gradu corporeo conuenit cum brutis, in gradu spirituali cum Angelis. Sed hæc duo genera & species ipsorum sola ratione distinguuntur; in re autem vna est realis species & essentia hominis, continens essentiam corpoream & spiritualem. Idem dicendum est de materia & forma in composito Physico; vtraque enim habet suam propriam specificationem, & tamen vtraque constituit vnam essentiam corporis.

Vera & communis sententia de simplicitate Differentiarum.

Verùm hæc opinio bene mouet difficultatem, sed non bene illam soluit. Nam primò repugnat omnium Philosophorum sententia, qui docet, rationale esse differentiam animalis, per quam contrahitur ad speciem hominis. Secundò: quia licet singuli gradus habeant specificationem propriam sui generis, quam haberent si non

si non essent coniuncti cum aliis gradibus; (quod & in materia videmus, in qua est gradus corporis distinctus à gradibus formæ, & non est quid genericum, sed specificum in genere corporis) tamen quia hi gradus in una essentia uniuntur, & identificantur, habent aliam specificationem, quam haberent separati, eamque specificationem accipiunt à gradibus sibi coniunctis, maxime quia illi gradus secundum eam rationem coniunguntur, ut unus respectu alterius habere possit rationem generis, alter rationem differentiae. Duo enim requiruntur ad rationem generis, ut supponatur à differentia, & sit quid commune & latius patens quàm differentia; utrumque autem habet sensitivum respectu rationalis, ut patet. Idque verum est, non solum si sumatur sensitivum in abstracto & in communi, sed etiam si sumatur specificè, ut tale sensitivum: Nam in tali entitate sensitivum, etiam specificè acceptum, est capax ulteriori perfectionis specificæ, quæ sit perfectio verè specificatale entitatis simplicis.

Vnde ad fundamentum huius opinionis. Respondeo, Etsi gradus singuli si secundum se sumantur habeant specificationem propriam; tamen ut sunt in tali essentia in qua identificatur aliis perfectionibus habent aptitudinem ad aliam ulteriorem specificationem, in ordine ad esse talis entitatis. Verbi gratia, animal, licet ex se habeat suam specificationem in esse sensitivo, tamen in esse hominis, nondum habet specificationem & differentiam, per quam sit homo. quare in ordine ad essentiam hominis, habet se per modum generis, licet si per se poneretur haberet suam intrinsicam specificationem: Similiter in ordine ad illam essentiam, intellectualem subordinatur sensitivo, licet ab-

solutè possit esse intellectuum sine sensitivo. Et licet rationale dicatur differentia quædam extrinseca in ordinè, ad illam entitatem continentem multos gradus, seu ut est in tali specie, nempe humana. Hinc ergo patet differentiam specificam non esse compositam ex multis differentiis genericis, neque ex multis specificis, sed esse differentiam simpliciter simplicem, irrefolubilem in plures conceptus.

Quarta difficultas. An compositio ex genere & differentia sit realis? Ut aliqua compositio sit realis duo requirunt. Primò: Ut extrema quæ componuntur, sint realia. Secundò: Ut sint ex natura rei distincta; non componuntur enim nisi distincta; nam quæ non sunt distincta, sunt vnum, non compositione, sed identitate. Porro genus & differentia possunt comparari inter se, vel ut sunt abstracta per intellectum, vel ut in re existunt: ut cum comparamus gradum genericum singularem, cum gradu differentie singulari, hanc animalitatem cum hanc rationalitatem; & in hoc secundo sensu est questio: An compositio ex gradu generico singulari, & differentia itidem singulari sit realis; Nam illa compositio graduum abstractorum, certum est quod fiat per intellectum.

Prima igitur est sententia Scoti dicentis, omnem compositionem ex genere & differentia esse realem; quia isti duo gradus ante omnem intellectum ex natura rei distinguuntur. Nam ante omnem intellectum in gradu generico res conveniunt, in gradu specifico differunt; idem verò quatenus idem non potest esse ratio convenientie & differentie.

Secunda

Secunda sententia est communis D. Thomæ & Nominalium, Gradum genericum & differentiarum sola ratione distingui, & ex consequenti sola ratione componi: cum quia sumuntur ab eadem re, v.gr. ab eadem numero forma sumitur gradus animalis, & rationalis: cum quia nulla est necessitas hos gradus realiter inter se distinguendi.

Neque valet ratio Scoti in prima sententia allata; Nam id quod est ita vnum, vt non nisi vnâ perfectionem in se contineat, non potest esse principium conuenientiarum & differentiarum: si verò ita sit vnum, vt multas perfectiones in se simpliciter contineat, tale vnum potest esse principium conuenientiarum & differentiarum, si quidem ita est vnum, vt sit virtute multiplex. Quare etsi gradus genericus, & gradus differentiarum, in re sit vna simplex entitas, potest tamen esse ratio conuenientiarum, & disconuenientiarum, quia est virtute multiplex. Deinde conuenientia potest esse vel adæquata vel inadæquata: si igitur aliqua conueniant adæquate in aliqua entitate, hoc est totaliter & perfecte, non possunt illa eadem entitate differre, si quidem omni ratione in illa entitate conuenirent: at quæ conueniunt in aliqua entitate inadæquate, hoc est non totaliter nec perfecte, possunt eadem entitate differre: quia in illa entitate nec omnino cōueniunt, nec omnino differunt, sed partim conueniunt, partim differunt, sub vna ratione conueniunt, sub altera differunt.

Idem potest esse principium conuenientiarum & differentiarum.



QVÆ

QVÆSTIO VIII.

De differentia qua vniuersalis est.

Differentia prædicatur primò de suis inferioribus, vt rationale de hoc & illo rationali; Secundo prædicatur de specie, quam constituit essentialiter, vt cùm dico hominem esse rationalem; tertio de subiectis speciei, vt cùm dico hunc vel illum hominem esse rationalem.

*Differentia re-
spectu inferioru
species.*

Quantum ad primam prædicationem, ea conuenit differentiæ, non vt differentia est, sed vt species quædam est: Est enim species respectu horum inferiorum, & prædicatur de iis per modum speciei: Prædicari enim de pluribus solo numero differentibus in quid, est solum speciei. Porro hæc vniuersalitas facit differentiam esse vniuersalem in essendo; quia facit eam abstractam à singularibus, quod requiritur ad vniuersale in essendo; quare per alias vniuersalitates non est vniuersalis in essendo; sed solum per istam.

*An respectu
speciei sit vni-
uersalis?*

Quantum ad secundam, Difficultas est, an differentia vt prædicatur de specie, sit vniuersalis? Nam licet tam differentia sit vniuersalis, quàm species, tamen prædicatio differentiæ de specie non videtur esse vniuersalis, quia est prædicatio de vno; prædicatio verò vniuersalis est de multis. Quidam igitur dicunt, prædicationem de vno communi multis, esse prædicationem vniuersalem; quia illud ita est vnum, vt simul sit commune multis; quare prædicationem differentiæ de specie esse vniuersalem, quia species est communis multis.

Alij tamen negant, hanc prædicationem esse dicendam

dam vniuersalem; vniuersale enim non dicitur respectu vnius sed multorum: at species, vt species, est vna natura, neque sub sua ratione specifica potest esse multiplex: ergo prædicatio vt terminatur ad speciem, quâ species est, non est prædicatio de multis, & ex consequenti non est prædicatio vniuersalis. Neq; refert quòd species sit communis multis, nam illa multa non sunt species, sed indiuidua, & prædicatio de illis est longè diuersa, ab ea prædicatione quæ est de specie: Ergo illa multa non faciunt eam prædicationem quæ est de specie, esse vniuersalem: quia illam non extendunt, nec faciunt maiorem: Nam etsi differentia ex eo quod prædicatur de specie, prædicatur etiam de subiectis speciei, tamen hæc prædicatio est distincta ab illa, ac proinde illam in suo genere non facit ampliorem, nec amplius extensam, quàm ad vnum: sicut nec vna quantitas fit maior per distinctam à se quantitatem. Quare per accidens est ad prædicationem differentie de specie, quòd species sit vel non sit communis multis, tum ob dictam rationem: tum quia ita prædicatur de specie, sicut prædicaretur, si species non esset communis multis, sed in vno tantum indiuiduo existeret.

Ex quo infero, differentiam, vt respicit speciem, non esse vniuersalem. Nam etsi ex alio capite sit vniuersalis nempe quia est abstracta à suis singularibus, tamen hoc solo respectu quo refertur ad speciem, & de ea dicitur, non est vniuersalis. Ergo inquires, vt refertur ad speciem est singularis. Respondendo negando consequentiam: nam inter vniuersale & singulariter datur medium, nempe natura abstracta respiciens

*Datur medium
inter vniuersale
& singulare.*

Fff

vnum

vnũ tantum; talis enim natura quatenus est abstracta, conuenit cum vniuersali, quatenus respicit vnũ tantum, conuenit cum singulari. Et sicut si daretur natura, vnũ tantum habens indiuiduum, talis natura abstracta, nec esset singularis nec vniuersalis, sed esset quid medium, ita & hic: Dici tamen posset particularis, particulare enim in prædicando est quod de vno tantum prædicatur, siue illud sit singulare siue vniuersale. Singulare verò proprie dicitur quod de vno singulari dicitur.

Singulare de vno et q. singulari dicitur.

Propria vniuersalitate differētia.

Quantum ad tertiam prædicationem, certum est differentię propriam vniuersalitatem esse respectu subiectorum speciei. Nam vt prædicatur de specie, sic non prædicatur vniuersaliter; vt verò prædicatur de suis inferioribus, sic prædicatur quidem vniuersaliter, sed vt species de indiuiduis, non verò vt differentia; non enim distinguitur in ea prædicatione à specie: vt verò prædicatur de subiectis speciei; sic habet prædicationem, & vniuersalem, & distinctam à prædicatione aliorum prædicabilium.

Differentia de pluribus mediata prædicatur.

Porrò hæc prædicatio de subiectis speciei; non est immediata, sed mediata. Quod potest dupliciter explicari. Primò, vt mediante specie, prædicetur de indiuiduis speciei; Petrus enim est rationalis, quia est homo. & quia homo dicitur vniuersaliter de suis indiuiduis, idè & rationale dicitur de omnibus hominis indiuiduis. Secundò vt mediancibus suis propriis indiuiduis, dicatur de indiuiduis speciei. Nam rationale habet sua propria indiuidua, hoc & illud rationale: quatenus ergo dicitur de hoc

&

& illo rationali, dicitur etiam de hoc & illo homine: quia hic homo est hoc rationale. Prior illa mediatio est ex parte subiecti, posterior ex parte prædicati.

Notandum verò est, differentiam non esse primò vniuersalem, propter indifferentiam ad indiuidua subiecta speciei, sed propter abstractionem à propriis indiuiduis; differentia enim est primò vniuersalis, quatenus est extra singularia: hoc verò assequitur per abstractionem à singularibus; ex hac enim abstractione fit indifferens ad sua singularia. Deinde verò differentia sic abstracta conuenit speciei, & mediante specie, conuenit omnibus indiuiduis speciei, quæ vniuersalitas consequitur ad illam primam; nisi enim differentia abstraheretur à suis singularibus, non posset vniuersaliter prædicari de indiuiduis speciei, non enim hoc rationale, sed rationale in communi prædicatur vniuersaliter de Petro & Paulo, &c.

Differentia Gen. de sit vniuersalis in essendo.

Est autem difficultas. An differentia generica & specifica, sint duo distincta vniuersalia sicut genus & species. Nam genus & species per hoc constituentur distincta vniuersalia, quod genus prædicatur de pluribus differentibus specie, species autem de pluribus differentibus numero: ac etiam differentia generica prædicatur de pluribus differentibus specie, differentia verò specifica de pluribus differentibus numero: ergo hæ differentiæ constituunt distincta vniuersalia, aut certè genus & species non erunt distincta vniuersalia.

An differentia constituat duo prædicabilia.

Ad hanc difficultatem. Quidam dicunt, genus non solum prædicari de pluribus differentibus specie, sed.

Primæ responsio.

sed etiam per modum partis essentialis, genus enim est pars essentialis speciei: Species autem prædicatur de pluribus per modum totius essentialis; quia est tota essentia suorum inferiorum, & hic modus prædicandi per modum partis, & totius, facit genus speciemque esse distincta prædicabilia. Neque refert quod in definitione generis non ponatur hic modus prædicandi per modum partis; etsi enim non ponatur explicitè, ponitur tamen implicitè: Nam id quod prædicatur in quid de pluribus differentibus specie, non potest esse nisi pars essentialis speciei.

Porro hoc discrimen, non inuenitur in differentia generica & specifica; quia utraque prædicatur per modum partis essentialis; utraq; enim differentia est pars: & idcirco maior est ratio, ut genus & species sint distincta prædicabilia: quàm differentia generica & specifica.

Refellitur.

I.

Sed hic modus non videtur sufficiens, Primò: Prædicari per modum totius vel partis non facit vniuersalitatem distinctam, alioqui pari ratione accidens genericum prædicatur de subiecto per modum partis accidentalis; accidens verò specificum prædicatur de subiecto per modum totius accidentalis: quia accidens specificum est totum respectu accidentis generici, & accidens genericum est pars essentialis accidentis specifici, ut color albedinis, & tamen utraque prædicatio spectat ad idem quintum prædicabile; ut cum dico, hic & ille homo est coloratus, hic & ille homo est albus, utraque prædicatio est accidentis quinti prædicabilis, licet in illa prædicetur genus accidentis, in hac species, in illa pars, in hac totum.

Secun-

Secundò: Etiam in ratione totius & partis, est par in utrisque ratio. Nam sicut genus est pars essentialis speciei, ita differentia generica est pars essentialis differentiae specificae in concreto acceptae: Sicut enim animal continetur in homine essentialiter, ita sensitivum quod est differentia generica, continetur essentialiter in rationali, alioqui non prædicaretur de illo; id enim, quod est rationale, est etiam sensitivum, non accidentaliter, sed essentialiter. Simili ratione conveniunt in ratione totius: nam sicut genus significatur per modum totius substantialis, ita differentia generica significatur per modum totius accidentalis; concretum enim accidentale est totum quoddam. Eadem paritas apparet si conferatur species cum differentia specifica in concreto: Nam sicut Species est totum essentialiale constans genere & differentia, ita differentia specifica in concreto sumpta, constat essentialiter differentia generica materialiter significata, & differentia specifica formaliter significata, quod satis est ad rationem totius essentialis.

Tertiò: Magis facit ad distinguendas prædicationes discrimen eorum de quibus fit prædicatio: nempe quod prædicatio fiat de differentibus specie, vel de differentibus numero, quàm discrimen totius & partis. Nam sicut in relationibus distinctio sumitur ex distinctis terminis ad quos; ita & in prædicatione sumi potest distinctio ex distinctis terminis, de quibus fit prædicatio: Si ergo illud discrimen non sufficit ad distinguenda prædicabilia, multo minus hoc sufficiet.

Alii dicunt. Genus ex eo esse distinctum prædicabile à Specie, quod genus prædicetur de speciebus, quod non est in differentia generica, quæ non prædicatur de Specie, sed de Genere. Sed contra. De quo

2.

3.

Altera Resp.

so.

Respondetur.

cumq; prædicatur genus in quid, differentia quoque generica prædicatur in Quale: at genus prædicatur de speciebus & specie differentibus: ergo & differentia generica.

At inquires. Genus immediatè prædicatur de suis speciebus: differentia verò generica mediante genere. Contra. Etiam differentia specifica prædicatur de individuis mediante specie, & tamen hoc non obstat, quominus differentia sit distinctum prædicabile per hanc, inquam, mediatam prædicationem. Quare mediata & immediata prædicatio, non variat rationem prædicabilis; eundem enim modum prædicandi habet differentia, si prædicaretur immediatè, de individuis, quem modò habet, cum prædicatur mediante specie.

*Sententia
Austhoris.*

Nos igitur aliam huius rei rationem afferemus. Omnem relationem distingui specie ex distinctis specie terminis, quos respicit: Quia igitur genus & species habent suæ prædicationis distinctos specie terminos immediatos, quos respiciunt, (genus enim pro immediato termino habet speciem: Species autem individua) idcirco meritò distinguuntur in ratione prædicandi. quod non accidit in differentia generica, & specifica: Differentia enim tam generica quàm specifica, pro immediato termino suæ prædicationis, habent speciem quam constituunt, siue subalternam siue ipsamam; Generica enim differentia dicitur immediatè de genere subalterno, quatenus illud genus est species subalterna, si quidem ut species, constituitur per differentiam, non ut genus; speciei enim est constare genere & differentia. Specifica verò differentia dicitur de specie
infima,

infima, vnde vtraq; differentia mediante sua specie,
 siue subalternâ, siue infimâ, dicitur de subiectis speciei,
 sub ratione illius speciei. Quia igitur non habent hæ
 differentie distinctos formales terminos immediatos
 suæ prædicationis; vtraque enim de specie, vt species
 est, prædicatur & sub ratione speciei de subiectis spe-
 ciei, idcirco hæ differentie non sunt distincta prædi-
 cabilia: quia sicut in ratione speciei non distinguitur
 essentialiter species subalternâ à specie infimâ; ita neq;
 prædicatio de specie subalternâ distinguetur essentiali-
 ter à prædicatione de specie infimâ. Ex quo patet
 in differentia duos illos modos prædicandi de differen-
 tibus specie, & de differentibus numero, non facere
 distincta prædicabilia; quia duo illi modi continentur
 sub vno, quatenus differentia de vtrisque sub ratione
 speciei prædicatur, hoc est quatenus continent in se
 speciem: Alioqui genus summum & medium essent
 distincta prædicabilia: quia illud prædicatur de di-
 stinctis genere, hoc verò de differentibus specie. Pro-
 pterea verò negamus esse distincta prædicabilia, quia
 verumque prædicatur sub eadem ratione formali, hoc
 est, quatenus illa multa sunt distincta specie siue
 subalternâ (quæ etiam est genus sub-
 alternum) siue infimâ.



QVÆ-

*De Proprio.**Proprium requirit duo.*

DE proprio primum illud explicandum est, quodnam proprium sit quantum prædicabile, & quomodo ab accidente, quod est quantum prædicabile, distinguatur. Dico igitur. Ad proprium quod est quantum prædicabile duo requiri. Primum, ut sit extra essentiam rei; alioquin non differret à differentia. Idcirco Aristoteles Topic. cap. 4. definit Proprium, Esse id quod non indicat quid est esse rei, soli autem inest, & conuersim prædicatur. Secundò, ut sit simpliciter, & omni ratione proprium. Quod secundum Porphyrium est id, quod & omni & soli & semper conuenit, quod etiam dicitur Proprium quarto modo; in illud enim omnes modi proprii concurrunt. Secundum Aristotelem verò est id, quod soli inest, & conuersim prædicatur; Quidquid enim est conuertibile cum re, omni, soli, & semper conuenit: Nam si non omni, vel non soli, vel non semper conueniret non conuerteretur; ut patet in tribus prioribus modis proprii.

Discrimè Proprii & Accidentis.

Ex quo infero Proprium distinguui ab Accidente, tanquam Accidentis Proprium à nō Proprio, ita ut quod vel non omni, vel non soli, vel non semper conuenit, ad Accidentis, ut est Quantum prædicabile referendum sit. Id ita esse colligitur ex vltima definitione Accidentis à Porphyrio data; Ait enim Accidentis esse id quod cum non sit genus, nec species, nec differentia, nec Proprium, semper autem est in subiecto subsistens. Vbi ad rationem Accidentis, quod est quantum prædicabile duo requirit, tum ut non sit proprium Accidentis, tum

ut

ut semper inest subiecto, hoc est ut nunquam extra subiectum existat. Colligitur item ex definitione Proprii tradita ab Aristor. 1. Top. cap. 4. Nam si proprium est illud, quod conuersim prædicatur de re, pertinent ad quantum prædicabile, non propria rei accidentia, vel non omni ratione propria. Non sunt autem omni ratione propria, quæ vel non omni, vel non soli, vel non semper conueniunt: quæ verò omni & soli, & semper conueniunt, sunt omni ratione propria, & conuersim de re dicuntur. Hac igitur doctrina fundamentò posita explicari faciliè possunt difficultates, circa hæc duo prædicabilia.

Primà difficultas. An omne proprium accidens sit necessarium. Respondeo: Affirmatiuè, quòd enim omni & soli & semper inest, non temerè, nec contingenter inest, sed habet suam existentiam causam necessariam in subiecto; quæ enim non necessariò insunt, contingit illa vel non semper inesse, vel non omni, vel non soli, Quanquam hæc necessitas potest esse duplex: Altera ex parte subiecti, quando subiectum necessariò requirit tale accidens, & habet in se causam propter quam sine tali accidente, esse non possit. Sic homo quia est rationalis, necessariò risibilis est: ignis ex natura sua necessariò est calidus; Altera ex parte accidentis, quando accidens necessariò requirit tale subiectum, ut non possit esse in alio subiecto, nisi in tali, ut esse bipedem, non potest conuenire nisi animali, esse simum, nisi naso. Proprium igitur utroque modo debet esse necessarium, tam ex parte subiecti, quàm ex parte accidentis, quatenus enim omni & semper conuenit, est necessarium ex parte subiecti, quia subiectum non potest esse sine illo: quatenus verò soli illi subiecto

Proprium necessario conuenit rei.

Necessitas duplex.

Ex parte subiecti.

Ex parte prædicati.

Ggg

conue-

conuenit, est necessarium ex parte accidentis, quia accidens non potest esse sine tali subiecto. sic risibile est necessarium respectu hominis, quia nec homo sine risibili nec risibile sine homine esse potest.

An omne accidens necessarium sit proprium.

Secunda Difficultas. An omne Accidens necessarium sit Proprium? Respondeo. Si sit necessarium vi troque modo, tam ex parte subiecti, quam ex parte prædicati, erit Proprium. Nam quatenus est necessarium ex parte subiecti, conueniet omni & semper, quatenus verò necessarium est ex parte prædicati, conueniet soli; & sic erit proprium quarto modo omni, soli, & semper competens. Si verò sit necessarium, sed non ex utraque parte, sed vel ex parte subiecti tantum, vel tantum ex parte prædicati, non erit accidens proprium: quarti prædicabilis; quia non omni, soli, & semper conueniet, nec conuersim de re dicitur, quod requiritur ad rationem proprii; ut est quartum prædicabile. Quare esse Musicum, vel Grammaticum, est accidens hominis necessarium ex parte prædicati, non tamen est proprium; quia non est necessarium ex parte subiecti: esse verò bipedem est necessarium homini ex parte subiecti; quia tamen non est necessarium ex parte prædicati, non erit proprium quarti prædicabilis.

Ex quo patet primò. Accidens quod est quintum prædicabile, posse esse necessarium, vel ex parte subiecti tantum, vel ex parte prædicati tantum. Accidens verò quarti prædicabilis, debet esse necessarium vi troque modo, tam ex parte subiecti, quam ex parte prædicati. Quod sic probatur: quia illud accidens, quod non est vi troque modo necessarium, non pertinet ad proprium; quia non conuenit omni, soli, & semper, ut dictum est; Ergo vel ad nullum aliud prædicabile.

dicabile pertinebit, vel pertinere debebit ad quintum prædicabile. Deinde ostendimus accidens à proprio differe tanquam non proprium à proprio accidente. Potest autem non proprium accidens necessariò rei inesse, vel ex parte subiecti, ut calor igni necessariò inest, cum tamen commune sit illi accidens cum aëre, Lux etiam soli & igni inest cum tamen neutri sit proprium, sed commune: Vel ex parte prædicati, ut si- mum inest naso, Grammaticum homini, quæ non sunt propria accidentia, cum nec omni nec semper insint.

Quod si dicas. Accidens quintum prædicabile, debet posse abesse & adesse præter subiecti corruptionem: quod autem potest abesse à subiecto, non conuenit illi necessariò; necessarium enim est, quod non potest non inesse. Respondeo, illam definitionem, Accidentis, non intelligi de separatione reali Accidentis à subiecto, sed de separatione per intellectum, ut questione sequenti docebitur. Quare potest esse accidens realiter inseparabile à subiecto, & necessariò conuenire subiecto, & tamen per intellectum erit separabile, & poterit abesse à subiecto salua subiecti essentia: quia etsi intellectus concipiat subiectum sine illo accidente, non sequetur destructio essentialis subiecti.

Pater secundò. Proprium non distinguitur in hoc ab Accidente, quod proprium necessariò prædicatur, accidens contingenter: nam etiam accideps potest prædicari necessariò, vel necessitate subiecti, vel necessitate prædicati. Differunt igitur quod vnum prædicatur ut accidens proprium & conuertibile, aliud verò ut accidens, non proprium & non conuertibile. Quæ

*Accidens potest
prædicari ne-
cessariò.*

Ggg 2

re omne

re omne proprium est accidens necessarium; quantum verò prædicabile est accidens aliquando necessarium, aliquando contingens.

Non omne accidens manat ab essentia subiecti: est proprium.

Tertia difficultas. An omne accidens fluens ab essentia subiecti sit proprium; Quibusdam enim id videtur, eo quòd nihil magis sit proprium rei, quàm quod ab eius essentia fluat.

Dicendum tamen est. Omne quidem proprium, manare quodammodo ab essentia subiecti, non tamen quidquid manat, ab essentia subiecti, est proprium conuertibile, cum subiecto. Ratio primi est: quia quod vni soli & semper conuenit, habet aliquam causam in subiecto, ad quam necessariò consequatur. Ratio secundi est: Quia potest aliquod accidens manare à diuersis specie subiectis, quatenus diuersa sunt, vt patet primò inductione. Calor enim & ab essentia ignis oritur, & ab essentia aëris, & ab essentia liquorum mixtorum: hæc autè omnia non conueniunt in aliqua comuni essentia, à qua fluat calor. Deinde quia emanatio accidentis à subiecto, fit per efficientiam quandam subiecti: atqui idem effectus potest effici à diuersis efficientibus specie, quatenus diuersa sunt, vt calor à calore, & à lumine: Ergo etiam idem accidens potest manare à diuersis specie subiectis, quatenus diuersa sunt: Tale autem accidens non erit proprium, sed commune illis subiectis diuersis.

Prima Responsio refellitur.

Responderi potest, Proprietates esse duplices, alias quæ consequuntur ad rationem aliquam genericam; vt sensitiuum ad rationem animalis; alias quæ consequuntur ad rationem specificam; vt risibile ad rationem hominis: Illæ sunt propriæ generis, hæ propriæ speciei. Quando igitur Proprietas vna manat à diuersis specie

specie subiectis, censenda est ad rationem genericam, communem vtrique subiecto pertinere, & esse proprietas generis, vtrique communis, siue illud genus sit nominatum, siue innominatum, & sic illud accidens manans à subiecto illo generico erit accidens proprium illius generis & conuertibile cum illo. Sed contra, quia probatum est accidentia quædam manare à diuersis subiectis, quæ diuersa sunt, & quibus non est communis aliquis gradus essentialis, à quo emanent. Neque enim ad talem emanationem necessaria est communis essentia, Nam si ut causæ efficientes diuersæ, sine illa conuenientia essentiali, possunt producere eundem effectum specie, ita & diuersa subiecta specie sine illa conuenientia essentiali, possunt ex se producere eandem specie proprietatem. Quæ verò ratio substantiæ est communis igni & aëri, ad quam consequatur calor? Vel soli & igni, ut ad eam consequatur lux? Vel quid est commune calori & lumini, ad quod consequatur vis calefactiua?

Dices. Istas proprietates oriri quidem à rationibus specificis diuersorum subiectorum, sed diuerso modo & secundum diuersum gradum, v. g. lux in gradu valde intenso est solis propria: ab igne verò oritur in gradu minus intenso. Sed contra. Primò: Potest eadem qualitas in gradu æquè intenso oriri à diuersis specie subiectis, ut calor summus ab igne & aëre. Neque dubium est, hæc accidentia consequi ad rationem specificam ignis & aëris. Secundò: Ea accidentia quæ oriuntur à diuersis subiectis in gradu non æquè intenso, secundum omnes suos gradus emanant ab illis subiectis, non solum secundum illum gradum intensum; Ergo adhuc verum erit, idem accidens, quoad gradum re-

*Altera responsio
refertur.*

missum saltem, posse emanare à diuersis specie subiectis, & sic tale accidens emanans non erit accidens proprium, quoad illos gradus remissos.

Quod si quæras, tale accidens fluens à diuersis specie subiectis, ad quod prædicabile, referendum sit? Respondeo. Si fluat à diuersis subiectis, secundum quod illa subiecta conueniunt in aliquo gradu communis essentiali; tunc eiusmodi accidens erit proprium quarto modo illius gradus essentialis; & ad quartum prædicabile referendum erit: Si verò fluat à diuersis subiectis, quæ diuersa sunt, tunc pertinebit ad quintum prædicabile: omne enim accidens quod non est proprium quarto modo, pertinebit ad quintum prædicabile: hoc autem est tale: Ergo.

Quarta difficultas. An proprium possit adesse & abesse præter subiecti corruptionem: videtur enim non posse, cum hæc sit definitio Accidentis, vt possit adesse & abesse præter subiecti corruptionem; alioquin proprium non esset distinctum ab accidente, si ei competit definitio accidentis. Ex altera verò parte Proprium quarto modo videtur id conuenire posse. Nam & ipsa per Dei potentiam potest auferri à subiecto, & per intellectum potest de eo negari salua subiecti essentiali. Verbi gratia, summus calor in igne, si statuitur omni, soli & semper conuenire, potest tam per Dei potentiam quam per intellectum separari ab igne; negato enim calore, intellectus concipit integram ignis essentiam: Quantitas etiam omni materię semper & soli conuenit, ab ea tamen in Eucharistia separatur; à quantitate etiam separatur de facto extensio ad locum, quæ est illi propria quarto modo. Denique figura est proprietas quantitatis, quæ

Proprium potest à subiecto separari.

qua tamen potest ab ea separari, vel re ipsa, vel ut minimum mente. Si enim esset quantitas vnde quaeque infinita, nullam haberet figuram (repugnat enim infinito finem & terminum habere: figura autem est terminus quantitatis) & tamen in quantitate infinita saluatur essentia quantitatis. Quod si infinita quantitas non sit possibilis; saltem intellectu non repugnat concipere essentiam quantitatis sine figura. Idem etiam probatur ratione. Nam ratio accidentis proprii, consistit in eo solum, quod omni, soli & semper competat: atqui haec ratio saluatur, siue proprium sit separabile, siue inseparabile a subiecto: Ergo non repugnat proprio posse abesse & adesse praeter subiecti corruptionem. Neque obstat quod illa sit definitio accidentis. Nam in illa definitione definitur accidens, quod non sit proprium, & cum non sit proprium, possit adesse & abesse praeter subiecti corruptionem, ut in altera definitione Porphyrij expressè dicitur.

Pro solutione notandum est. Proprium esse duplex. *Proprium Physicum.* Physicum & Metaphysicum. Physicum est qualitas realiter distincta a subiecto, omni, soli & semper competens: Metaphysicum verò est non distinctum, ab essentia rei, nisi sola connotatione, *Metaphysicū.* alicuius, vel negationis, vel respectus, vel termini, aut subiecti extrinseci; quomodo passionēs entis dicuntur entis proprietates Metaphysicae, quia dicunt ipsum ens cum aliqua negatione, vel respectu. Vnum, verbi gratia, dicit ens ut indiuisum; verum, dicit ens ut conforme ideae; Bonum dicit ens, ut conforme appetitui. Tales

Tales etiam proprietates sunt, quædam essentialia aptitudines rerum, quæ nihil aliud dicunt, quàm essentialiam, cum non repugnantia ad aliquid, talis est aptitudo materiæ ad omnes formas recipiendas, quæ nihil aliud est, quàm essentia materiæ cum non repugnantia ad omnes formas.

Proprium physicum potest adesse & abesse.

Dico igitur primò. Proprium Physicum potest adesse & abesse præter subiecti corruptionem, tam realiter per Dei potentiam, quàm per intellectum negantem tale proprium de subiecto, salva essentia subiecti; non tamen idcirco proprium erit accidens quia ti prædicabilis: neque ei definitio accidentis competet: Hæc conclusio quoad priorem partem probatur sufficienter in ratione dubitandi: Duo enim ex natura rei distincta Deus potest à se separare; denegando enim alteri suum influxum, sicut illud desinat esse altero remanente: Quæ verò Deus re separare potest, intellectus etiam poterit separare mente, salva alterius essentia.

Quod ad posteriorem verò partem attinet; quidā distinguunt: Quia proprium Physicum si sumatur secundum suam entitatem Physicam & actualem, sic potest adesse & abesse præter subiecti corruptionem; si verò sumatur secundum suam aptitudinem, sic nō potest abesse præter subiecti corruptionem.

Sed contra. Proprium Physicum ut abstrahit ab illa aptitudine, & sumitur secundum suam entitatem actualem Physicam, est verè proprium, omni, soli, & semper competens: at sub illa ratione abstracta potest abesse præter subiecti corruptionem: Ergo proprium sub ea ratione sub qua est proprium, potest abesse præter subiecti corruptionem; Quomodo igitur definitio accidentis illi non conueniet? Deinde ut minimum,

seque-

queretur proprio æquè ex natura rei convenire posse abesse præter subiecti corruptionem, sicut convenit accidenti, & sic in hoc, esset eadem natura accidentis & proprii. Ad hæc etiam accidens commune quoad aptitudinem non potest abesse sine subiecti corruptione, ut patet de calore, & luce, respectu ignis, quæ licet sint communia igni cum aliis rebus, & possint alicui ab igne separari; tamen quoad aptitudinē non possunt; semper enim ignis est aptus natura sua esse calidus, & lucidus: ergo in hoc par esset ratio accidentis proprii, & communis.

Præterea cum dicitur proprium secundum aptitudinem, vel intelligitur de aptitudine ipsius proprii intrinseca, vel de aptitudine subiecti extrinseca: si primum; sicut proprium quoad entitatem, potest abesse, ita & quoad omnem aptitudinem quæ consequitur entitatem; re enim pereunte pereunt & omnes eius aptitudines actuales: si secundum; tunc illa aptitudo subiecti; est distincta proprietas à proprio Physico: Ergo proprium Physicum, ut distinguitur à proprio Metaphysico, semper potest abesse, cum quoad rem, tum quoad aptitudinem.

Dicendum igitur est, Proprium Physicum, quæ Physicum est posse abesse præter subiecti corruptionem; neque tamen idcirco definitio accidentis illi conveniet, quia in definitione accidentis, ante omnia intelligitur, quod cum non sit proprium; possit abesse & adesse præter subiecti corruptionem; Ita enim intelligendum esse Porphyrius expressè docuit, cum definit Accidens, quod non est genus, species, differentia, Proprium, semper autem est in subiecto. Quare et si pars definitionis Accidentis com-

Definitio accidentis an conveniat proprio.

Hhh

perat

petat Proprio, quia tamen altera pars non competit, Proprium non erit Accidens quinti prædicabilis.

*Proprium Me-
taphysicum nō
potest abesse*

Dico secundò. Proprium Metaphysicum quod est proprium quarto modo, non potest abesse à subiecto, nec per Dei potentiam, nec per intellectum negantem. Explico. Proprium Metaphysicum est illud; quod dicit essentiam cum aliqua cōnotatione: hæc autem connotatio, si est necessaria, facit proprium quarto modo, ut patet in passionibus entis, si verò sit contingens, non erit proprium quarto modo, quia non semper conveniet subiecto. Sic informatio non semper convenit Formæ.

Hoc igitur posito, probatur conclusio, nempe proprium Metaphysicum, si sit proprium quarto modo, nō posse abesse. Nam nec potest abesse, ut dicit essentiam, ut per se patet, neque ut dicit connotationem; quia hæc consequitur necessariò ad essentiam, & illam negare esset negare essentiam. At instabis, etiam proprium Physicum fuit ab essentia, & tamen auferri & negari potest, ergo & connotatio poterit auferri, quâ ablata auferetur, & proprietas sub ratione proprietatis, quia essentia non habet proprietatis rationem, nisi sub illa connotatione. Respondeo. Proprium Physicum auferri posse à subiecto, quia est res distincta à subiecto; at connotatio cum non sit res distincta ab essentia, nec ad hoc ut consequatur aliud quid requirat præter essentiam, non potest auferri manente essentia. Sicut propter eandem causam relatio non potest auferri manente fundamento & termino, quia non est res distincta à fundamento; nec aliud quid requirit ad suam essentiam præter fundamentum & terminum. Similiter, neque priuatio, aut negatio consequens necessariò

fariò aliquam naturam potest auferri manente illa natura, vt, v. g. cæcitas auferri non potest manente eadem dispositione reali, nec negatio hincibilitatis à rationalitate.

Iam verò si quæras, An omnes aptitudines Metaphysicæ sint propriæ suis subiectis; videntur enim aliquæ esse communes, vt aptitudo ad calorem in essentia ignis, & in essentia aëris, & aptitudo ad lucem, in essentia solis, & ignis. Dicendum tamen est, has aptitudines nunquam esse communes, sed semper esse proprias quarto modo suis subiectis: quia sunt essentia ipsorum subiectorum postulantium talia connotata. Quare in distinctis essentiis specie, erunt etiam aptitudines essentielles distinctæ specie, & ex consequenti propria quarto modo ipsis subiectis: verbi gratia; aptitudo essentialis ad calorem, alia est in igne, alia in aëre: quia in igne est essentia ignis, sub ratione propria ignis requirens calorem; in aëre verò est essentia aëris ex se requirens calorem; & sic aptitudo ignis erit propria igni, omni soli, & semper conueniens; aptitudo verò aëris, erit propria aëri omni, soli & semper.

Omnes aptitudines Metaphysicæ, sunt propria quarto modo.

Quinta difficultas. Quis modus prædicandi Proprio, quâ proprium est, conueniat, vt est Quartum prædicabile. Quidam aiunt proprium modum prædicandi quarti prædicabilis, esse prædicari in quale accidentale necessarium; volunt enim proprium in hoc distingui ab accidente; quod accidens prædicetur in quale contingéter, propriū verò in quale necessariū. Sed hæc opinio refellitur; Primò: Quia etiam accidens potest prædicari in quale necessarium, vt in secunda

Modus prædicandi Proprii quæ?

H h h 2

diffi-

difficultate docuimus. Sic lux prædicatur de igne necessario, & tamen est accidens commune igni cum sole & aliis lucidis. Secundò: Quia in definitione proprii hic modus prædicandi necessario, non exprimitur formaliter: Ergo non pertinet ad rationem formalem proprii, nec ad prædicationem formalem proprii ut Proprium est; Solum enim in definitione Proprii dicitur, quod omni, soli, & semper competat, seu quod conuersim dicitur de re.

Atinquires. Id quod omni, & soli, competit, & q. conuertitur cum re, necessario illi competit. Respondeo, Verum id esse, quia ad naturam Proprii consequitur, ut necessitò prædicetur: ratio tamen formalis Proprii, non consistit in illa necessitate, sed in illo modo propriè se habèdi respectu subiecti, qui modus est, omni, & soli, & semper competere, & conuerti cum subiecto.

Dico igitur modum prædicandi proprii quarti prædicabilis esse prædicari per modum accidentis proprii, seu accidentis conuertibilis, seu omni, & soli, & semper conuenientis; isq; modus formaliter spectatur in prædicatione proprii, & cum indicauit tam Porphyrius, quàm Aristoteles in definitione Proprii. Ille verò modus primæ sententiæ nec in definitione proprii habetur, nec continetur in ratione formali proprii, sed solum consequitur ad rationem formalem proprii, sicut risibilitas consequitur ad rationalitatem; esse enim proprium, nõ est necessario rei conuenire, sed soli, omni, & semper. Porro in hoc modo prædicandi differt proprium à cæteris prædicabilibus. Nam prima tria non prædicantur per modum accidentis, quintum verò prædicatur per modum accidentis, sed non proprii; quartum verò prædicatur per modum accidentis proprii.

Sexta

Sexta difficultas. An proprium prius prædicetur de specie, quàm de indiuiduis? Porphyrius hoc loco distinguit Proprium ab accidente, inter alia in. hoc; quod primum prius de specie dicatur, tanquam de suo *Proprium prius conuenit speciei, tum indiuiduis.* primo & immediato subiecto, deinde verò ratione speciei de indiuiduis; vt risibile prius de homine dicitur, rum ratione hominis, de hoc & illo homine particulari. Nam proprium, respectu speciei, dicitur proprium, quia omni speciei, soli & semper conuenit, & in specie habet causam adæquatam, ad quam consequitur: Accidens verò primò dicitur de indiuiduis, deinde de specie. v. g. homo dicitur albus, quia hic homo est albus, non verò hic homo dicitur albus, quia homo in communi est albus: Nam si homini ex ratione communi hominis competeret esse album, omni homini esse cò- peteret album: quia omnes homines participant illam communem rationem hominis. Posset tamen dari instantia de accidentibus quibusdam non propriis, fluentibus tamen ab essentia, vt calor & lux fluit ab essentia ignis, & ex consequenti conuenit igni, vt ignis est, non vt hic ignis. neque idèò ignis est calidus, quia hic ignis est calidus, sed potius idèò hic ignis est calidus, quia ignis ex natura sua est calidus. Quare dicendum est, talia accidentia excipi ab illa communi regula. Discrimen verò à Porphyrio allatum in hunc modum accommodari potest: quòd id proprio per se competat, vt speciei primò conueniat, & ratione speciei indiuiduis; accidens autem etsi aliquando primò speciei competere possit, id tamen ei per se primò non competit ex ratione communi accidentis, sed ob specialem rationem talis accidentis; si enim conueniret ex ratione communi accidentis, conueniret omni accidenti.

Hhh 3

Ex

*Vniuersalis
propri.*

Ex dictis patet. Proprium non esse vniuersale respectu speciei, sed duplicialia ratione. Primò respectu subiectorum speciei, ad eum modum quo de differentia dicebamus. Secundò: respectu suorum inferiorum: & quidem ratione secundi habet esse vniuersale simpliciter, hoc est, abstractum à singularibus; ratione verò primi, solum habet esse distinctum prædicabile ab aliis.

QVÆSTIO X.

De Accidente.

*Accidens non
proprium con-
stituit quintum
prædicabile.*

Accidens ut est quintum prædicabile, non comprehendit omne accidens, sed solum accidens non proprium quarto modo, & non conuertibile cum subiecto. Dicitur autem Accidens non proprium, si vel non omni competat, ut homini esse Grammaticum, vel omni, sed non soli, ut esse bipedem; vel omni, soli, sed non semper, ut canescere. Duo itaque sunt hic habenda ante oculos.

Primum est. Omne accidens non proprium pertinere ad quintum prædicabile. Nam cum non possit pertinere ad quartum; aut ad nullum pertinebit, aut ad quintum prædicabile pertinere necesse est; nullum enim aliud prædicabile est pro accidentibus præter hæc duo.

*In Definitione
Accidentis ob-
seruandum.*

Alterum est. quod in omni definitione accidentis, quum prædicabilis, intelligendum est expressè vel tacitè quod non sit proprium, & quod cum non sit proprium, definitio accidentis illi competat. Paret id primò ex definitione accidentis, tum à Porphyrio,

tum

tum ab Aristotele data. Nam Porphyrius ita definit
accidens. Quod cum non sit proprium inest autem rei:
ita ut cum eadem restrictione, alias quoque accidentis
definitiones velit intelligi. Aristoteles etiam 1. Topic.
cap. 4. ait: Accidens esse id, quod neque definitio est,
neque proprium, neque genus, inest autem rei. Secundò:
Quia ea quæ ponuntur in definitione accidentis, Pro-
prio etiam possunt competere, v. g. adesse & abesse præ-
ter subiecti corruptionem; ut præcedenti quæstione
docuimus. Neque verò alia ratione hæ definitiones
sunt propriæ quinti prædicabilis, nisi quod intelligun-
tur cum hac restrictione; ita ut id accidens quod non
est proprium & potest adesse vel abesse præter subiecti
corruptionem sit accidens quinti prædicabilis. Dein-
de in hoc solo differunt quartum & quintum prædi-
cabile, quòd illud sit accidens proprium, hoc non pro-
prium: Ergo in definitione quinti prædicabilis semper
subintelligendum est accidens non proprium.

Sunt autem duæ difficultates de Accidente expli-
canda. Prima difficultas est, quomodo sit intelligen-
dum accidens posse abesse & adesse præter subiecti cor-
ruptionem: Si enim realiter intelligitur accidens posse
abesse præter subiecti corruptionem; in primis id fal-
sum est, quod omne accidens possit realiter à subiecto
abesse; Quædam enim sunt accidentia realiter insepa-
rabilia, ut nigredo à coruo & Æthiope, & alia quæ ex
essentia subiectorum fluunt, ut lux à sole & igne. Quod
si dicas per Dei potentiam separari posse. Contra. Esto
verum id sit: at in definitione non ponitur id quod con-
uenit rei supernaturaliter, sed quod naturaliter & secun-
dum eius propriam essentiam illi conuenit: Hæc autem
sepa-

*Quomodo Ae-
cidens potest
abesse.*

Non realiter.

separatio quæ fit per absolutam Dei potentiam, est supernaturalis omnino accidenti. Neque credibile est Porphyrium in definitione accidentis de absoluta Dei potentia cogitasse.

Deinde quædam accidentia sunt, quæ separari quidem realiter à suis subiectis possunt, non tamen præter subiectorum corruptionem: sublatis enim dispositionibus ad conseruationem formæ necessariis rem perire necesse est, vt sublatis accidentibus propriis igni, necesse est ignem perire. Neque alius modus naturalis est res destruendi, nisi per destructionem accidentium priorum. Præterea dantur quædam accidentia, quæ non possunt adesse præter subiecti corruptionem, vt morbus letalis, & Mors; hæc enim cum adsunt corrumpunt subiectum.

Non per intellectum.

Si verò intelligatur accidens posse abesse non realiter, sed per intellectum, id quoque videtur dici non posse. Nam vel id fieret per simplicem abstractionem, quâ conciperet intellectus subiectum, non concepto accidente, vel per negationem negando accidens de subiecto: at neutrum dici potest: Non primum; quia sola abstractio, non facit accidens abesse à subiecto, quot enim res abstrahimus, quas tamen idcirco non dicimus abesse à re, à qua abstrahuntur? vt cum abstraho colorem à sapore in pomo, propter abstractionem non dicitur color abesse à pomo: Non secundum; quia talis negatio esset falsa; non enim esset conformis rei; negare enim de coruo nigredinem, cum coruus à parte rei sit niger, falsum est.

Pro solutione notandum est. Duo dici in definitione accidentis, & quòd possit abesse, & quòd talis absentia accidat præter subiecti corruptionem. Vnde de tali

tali absentia est quaestio, quæ fiat sine corruptione subiecti. Tota igitur difficultas ad duo puncta reuocatur. Primum est: An accidens debeat posse abesse realiter, vel tantum per intellectum. Secundum est: quid intelligendum est per corruptionem subiecti, & quomodo accidens præter subiecti corruptionem possit abesse.

Dico igitur Primò: Etsi non repugnat naturæ accidentis quinti prædicabilis, posse realiter abesse à subiecto, tamen definitio accidentis à Porphyrio data, non est intelligenda de absentia reali. Prima pars conclusionis probatur: quia omne accidens quinti prædicabilis vel ex parte subiecti, vel ex parte prædicati, non necessario conuenit subiecto: quod autem non necessario conuenit alicui, naturâ suâ est separabile ab illo, & potest ab illo abesse: Ergo omne accidens naturâ suâ potest abesse à subiecto, ita ut quâuis actu non separetur, naturæ tamen eius talis separatio non repugnat. Maior patet ex præcedenti quaestione. Solum enim accidens proprium quarto modo est necessarium utraque ratione, tam ex parte subiecti, quàm ex parte prædicati: Accidens verò quinti prædicabilis non necessario conuenit, vel ex parte subiecti, quia subiectum non requirit tale accidens, nempe quod soli, sed nõ omni competere, v.g. esse Grammaticum homini; vel ex parte prædicati, si accidens non necessario requirat tale subiectum, ut lux nõ necessario requirit ignem; potest enim esse extra ignem, licet ignis necessario requirat lucem.

Quidam addunt, non solum non repugnare naturæ accidentis separari à subiecto, sed etiam omne accidens actu separari posse naturaliter à subiecto, saltem secundum aliquem gradum, vel aliquem modum separationis.

*Definitio non
intelligitur de
absentia reali.*

*Omne accidens
est aliquo mo-
do ex natura
sua, separabile.*

rationis. Cum enim in quolibet gradu minimo sit tota essentia accidentis, si secundum aliquem gradum accidens est separabile, absolute accidens est separabile. Aiunt ergo omne accidens, etiam quod dicitur inseparabile, habere in subiecto causam aliquam accidentalem, & variabilem: v. g. nigredo in coruo, habet certam mixtionem, quæ cum variari possit, ipsa quoque nigredo variari poterit. Vt enim Albertus Magnus docet, si oua coruorum certo modo inficiantur, pullos albos procreabunt; quin etiam de facto in Moschouia dantur corui albi, & passerres, & lepores, & vrsi; apud nos etiam corui de facto variantur in nigredine: nam nec omnes sunt æquæ nigri, neque quouis tempore æqualem habent nigredinem. Aiunt verò accidentia quædam dici inseparabilia; vel quia ex toto non separantur; vel quia difficillimè separantur, eo quod habeant causam fixam in subiecto.

Quæ accidentia naturaliter separantur.

Verum quod hi authores dicunt de separatione reali omnis accidentis, verum esse potest in accidentibus non fluentibus ab essentia. Nam hæc sola habent causam variabilem in subiecto. Si verò de accidentibus fluentibus ab essentia loquamur, distinguendum est: Nam vel habent contrarium, ut calor & siccitas fluens ab essentia ignis, habet contrarium frigus & humiditatem, tunc talia corrumpi possunt, & ex consequenti possunt abesse à subiectis: vel nullum habent contrarium, ut lux in sole & igne, & hæc nullo modo possunt abesse à subiecto: quia & causam habent inuariabilem in subiecto, & impediri à contrario non possunt. Nostra igitur conclusio intelligitur, non de separatione actuali, sed de non repugnancia naturali ad separationem. Cuius etiam hoc indicium est, quod cum idem accidens inueniatur quoque in alio subiecto, videtur naturam suam posse ab illo abesse.

Secun-

Secunda verò pars conclusionis probatur, Quia *ut* Quidam non
separantur sine
reali corruptione
a subiecto. in ratione dubitandi deductum est, etsi accidentibus
quinti prædicabilis non repugnet abesse à subiecto rea-
liter: quibusdam tamen repugnat abesse præter subiecti
corruptionem: qualia sunt accidentia à quibus pendet
conseruatio subiecti. Nam quod dicitur, per Dei po-
tentiam, salua substantia subiecti, quodlibet accidens
posse separari à subiecto, hoc & supernaturale est, &
ad naturam accidentis quæ definitur non pertinet.

Deinde cum Porphyrius accidens quod definitur
posse abesse, diuidat in separabile & in inseparabile, ad-
mittit aliquod accidens re separari posse, aliquod non
posse. Et tamen utrique accidenti conuenit illa defi-
nitio, quod possit abesse præter subiecti corruptionem:
Ergo non est intelligenda de absentia reali: quia talis
absentia accidenti inseparabili non conuenit. Dices.
Accidenti inseparabili conuenit realiter abesse à subie-
cto, non quoad actualem separationem, sed quoad non
repugnantiam. Contra: quia definitio intelligitur de
absentia, quæ possit esse sine subiecti corruptione: ac
quibusdam accidentibus repugnat naturaliter posse ab-
esse realiter sine subiecti corruptione. Ergo non de ab-
sentia reali definitio intelligitur.

Dico secundò. In definitione accidentis, cum di-
citur accidens posse abesse præter subiecti corruptio-
nem, intelligendum est de separatione accidentis à
subiecto per intellectum, quæ separatio dicitur fieri
præter subiecti corruptionem, quia fit salua subiecti De Separatione
per intellectum
intelligenda
Definitio. essentia, ita ut propter talem separationem non se-
quatur mutari aut destrui essentiam subiecti. Hunc
sensum definitionis ipsemet Porphyrius docet, cum

eam sic explicat. Potest enim, inquit, intelligi & coruus albus, & Æthiops abiiciens colorem, præter subiecti corruptionem; Hoc enim modo bene explicatur natura accidentis: quod intellectus non solum possit abstrahere quoduis accidens à subiecto, sed etiam negare illud de subiecto, salva essentia subiecti; imò & contrarium accidens potest de subiecto affirmare, neq; tamen ex eo sequetur vlla essentialis subiecti destructio: Potest enim non solum negare nigredinem de coruo, sed etiam affirmare albedinem de eodem, neque tamen ex tali affirmatione & negatione sequetur vlla mutatio aut destructio essentiae corui.

*De corruptione
subiecti quoad
essentiam.*

Pro quo notandum est. Quædam accidentia non posse separari à subiecto sine essentiae subiecti destructione. In hoc genere sunt illæ aptitudines, & habitudines rerum essentielles: v.g. risibilitas, vt dicitur in intrinsicam hominis habitudinem ad ridendum, est talis proprietas, vt non possit negari de homine, nisi negetur rationalitas. quia homo propter rationalitatem est aptus ad ridendum: Negare igitur aptitudinem ad ridendum, est negare rationalitatem, & est tollere essentiam hominis. Quædam verò accidentia, ita conveniunt subiectis, vt si vel actu auferantur à subiectis, vel per intellectum negentur de subiectis, nulla sequatur destructio essentiae, neque propter talem ablationem vel negationem res illa debet amittere suam essentiam, talia sunt accidentia quinti prædicabilis.

Quod si obiicias. Dantur accidentia quinti prædicabilis, quæ fluunt ab essentia suorum subiectorum: at talia accidentia non possunt negari de subiectis, salva subiectorum essentia: Ergo non omne accidens potest negari de subiecto, salva subiecti essentia. Minor probatur:

batur: quia qui negat effectum de causa, negat causam
 esse causam, & tollit ab illa rationem & essentiam cau-
 sae: Ergo & qui negat de essentia accidentia fluentia,
 ab ipsa, tollit ab ipsa rationem & essentiam causa. Re-
 spondeo. Accidentia fluentia ab essentia si sumantur.
 Physicè, ut dicunt entitatem distinctam à subiecto, pos-
 sunt negari de subiecto, salva subiecti essentia: quia
 subiecti essentia non tollitur quòd a se careat illis acci-
 dentibus. Nam si per Dei potentiam auferantur à sub-
 iecto, integram suam essentiam retinebit subiectum:
 Si verò sumantur quoad aptitudinem, sic negari non
 possunt salva subiecti essentia, cum subiectum seipso
 & sua essentia sit aptum ad talia accidentia. Verùm hæc
 aptitudines ad quartum non ad quintum prædicabile
 spectant, ut præcedenti quæstione docuimus.

*Accidentia fluunt
 ab essentia po-
 test abesse sine
 corruptione
 subiecti.*

Ex quibus omnibus patet sensum definitionis esse,
 quod accidens possit abesse à subiecto, siue re ipsa, siue
 per intellectum, sine subiecti corruptione essentiali.
 Nam si de corruptione quoad existentiam sit sermo,
 dantur accidentia, quæ non possunt adesse vel abesse à
 subiecto sine subiecti corruptione quoad existentiam:
 ut morbus lethalis, vltima dispositio ad formam con-
 trariam; Mors.

*Sensus defini-
 tionis.*

Patet etiam solutio argumentorum in ratione du-
 bitandi propositorum, vltimo excepto, in quo dice-
 batur, negationem accidentis de subiecto esse falsam.
 Respondetur enim: si absolute tale accidens negare-
 tur de subiecto, & contrarium accidens affirmaretur,
 esset falsa affirmatio & negatio: quia non esset confor-
 mis rei: at quia hæc negatio & affirmatio non fit abso-
 lute, sed tantum in ordine ad corruptionem subiecti,
 idque ex suppositione, idcirco non est falsa. Verum

*Negatio acci-
 dentis quomo-
 do intelligenda.*

enim est, si coruus nō esset niger sed albus, nihil id repugnaret essentię corui, nec mutaretur idcirco eius essentia. Sæpē enim supponimus aliquid falsi, ut cognoscamus quid, tali falso posito, sequatur, vel non sequatur. Sicut cū Aristoteles quærir: an dato altero mundo, terra huius mundi moueretur ad terram alterius mundi; Item an dato vacuū possit in eo fieri motus leuium vel grauium. Similiter ergo hic dicimus: si intelligatur accidens abesse à subiecto, non sequi vllam essentia mutationē, vel destructionem in subiecto, quod verum est, & si verum etiam erit posse accidens abesse à subiecto, non absolute, sed quod præter subiecti corruptionem possit abesse, seu si abesset, non sequeretur corruptio subiecti quoad essentiam.

Dices. Mors non potest adesse viuenti, sine viuētis corruptione, quoad essentiam. Nam essentia viuētis, consistit in coniunctione animę & corporis; at mors dissoluit hanc coniunctionem, cū sit priuatio animæ in corpore: Ergo mors destruit essentiam. Respondeo. Essentiam in ratione essentia destrui, est amittere aliud quod prædicatum essentiale, ut si homo non esset rationalis, vel sensitivus: Quoad existentiam verò destruitur, cū dissoluitur vnio animæ cum corpore, quod fit per mortem; Mors enim non mutat prædicata essentialia hominis, sed facit ea non existere. Porro mors non est accidens aliquod posituum, sed priuatiuum in priuatione vitæ consistens, estquē subiectiue in corpore seu materia licet toti composito tribuatur denominatiue; à parte enim totum denominari potest; Totus enim homo denominatur mortu⁹, ratione corporis priuati vitæ; sicut totus denominatur cæcus ratione oculi priuati visu.

Mors non destruit essentiam sed existentiam subiecti.

Secun-

Secunda difficultas. Quis sit modus prædicandi proprius Accidentis ut est quantum Prædicabile. Communiter dici solet. Proprium modum quinti prædicabilis esse, prædicari in quale accidentale contingenter: Quod tamen vniuersè non est verum. Primo quia accidentia multa sunt quinti prædicabilis, quæ non prædicantur in quale, sed aliis modis diuersis. Docet id expressè Porphyrius, agens de differentiis generis & accidentis. Ait enim accidentia prædicari in quale aliquid est, vel quomodo se habeat vnumquodque. qualis enim est Æthiops? interrogatus, dices, niger: & quomodo se Socrates habeat? dices, quod sedet, vel ambulat. Quibus verbis ostendit Porphyrius, accidentia non solum in quale, sed aliis etiam modis prædicari. Nam qualitas prædicatur in quale, quantitas in quantum, Relatio, actio, passio, situs, vbi, Quando, habere, non in quale, sed aliis modis sibi convenientibus prædicantur; & tamen non est dubium ista omnia esse accidentia quinti prædicabilis: Si enim quis quærat, qualis est Petrus? non rectè responderetur, est in agro, vel calefit, aut ambulat. Ad hæc stando in doctrina Aristotelis & Porphyrij dubitari non potest, quantum prædicabile completi omnia accidentia non propria & non conuertibilia cum subiecto: accidens autem non proprium & non conuertibile completitur non ea solum accidentia, quæ prædicantur in quale, per modum qualitatum, sed etiam quæ aliis modis dicuntur secundum varias formas interrogationum, ad quas non in quale, sed aliis modis convenientibus responderetur, ut cum dico corpus esse magnum vel paruum, Petrum esse Filium Ioannis, ignem calefacere, domum ardere, Petrum sedere,

Prædicari in quale accidentale contingens non est proprius modus accidentis.

Non solum in quale prædicantur accidentia.

dere, esse viginti annorum, esse in agro, &c. hz enim prædicationes non sunt in quale, sed aliis modis.

Non unus accidens prædicatur contingenter.

Secundò: Falsum etiam est, omne accidens quinti prædicabilis, prædicari contingenter. Dantur enim aliquæ accidentia, non propria, sed communis, & ideo ad quintum prædicabile spectantia, quæ tamen sunt necessaria ex parte subiecti, quia fluunt ab eius essentia, vt lux solis & ignis, de quibus questione præcedenti actum est.

Modus proprius prædicandi accidentis.

Dicendum igitur est. Modum proprium quinti prædicabilis esse, prædicari per modum accidentis, non proprii seu non conuertibilis; hoc enim formaliter spectatur in quinto prædicabili, quod sit accidens subiecti non proprium, & non conuertibile, & in hoc differt à quarto prædicabili: quod quartum prædicabile sit proprium & conuertibile accidens, quintum non item. Et idem patet ex definitionibus horum duorum prædicabilium. Certum est enim quartum prædicabile completi sola accidentia propria; reliqua verò omnia non propria pertinere ad quintum prædicabile, cum præter hæc duo, non sit aliud prædicabile pro accidentibus.

At inquires. Modus quinti prædicabilis, quo conuenit subiecto, est positivus, non negativus: at non esse proprium, & non esse conuertibile, sunt negationes: Ergo non constituunt modum proprium quinti prædicabilis.

Respondeo. Quod cum omnis negatio fundetur in aliqua affirmatione, per negationes solemus designare illud positivum, in quo fundetur: quare & per has negationes designatur modus existentie accidentis positivus, fundans dictas negationes.

Ex

Ex quibus patet, ad modum prædicandi quinti prædicabilis per se non requiri, vt prædicetur in quale, & cōtingenter, sed potest prædicari tam in quale, quam secundum alias formas interrogationum: potest etiam prædicari tam necessarîo quàm contingenter, vt dictum est.

Porro notanda est hoc loco quædam vsitata accidentis distinctio: Distingui enim solet accidens in *Phy- sicum* & *Logicum*: *Phy- sicum* est illud quod *Physicè* & *realiter* distinguitur à subiecto, & illi inhæret, vt albedo in cygno: *Logicum* verò, est omne id q. est extra essentiam rei, & potest abesse & adesse salua rei essentia, siue sit *realiter* distinctum à re, siue per intellectum, siue si- de genere accidentis, siue de genere substantiæ, dum- modo concipiatur non pertinere ad rei essentiam, & esse quid quasi extrinsecum essentia. Sic modi & proprietates substantiales dicuntur accidentia *Logica*, non quod inhæreant per modum accidentium, sed quod sint extra conceptum essentia, quo etiam modo differentia respectu generis dici potest accidens *Logicum*: quia non pertinet ad essentiam generis. *Phy- sicum* igitur accidens est essentialiter accidens, cuius esse est inesse; *Logicum* verò est solùm respectiue accidens: quia respectu talis subiecti, habet se vt accidens, licet in sua essentia non sit accidens, sed possit esse quid substantia-

Accidens Phy- sicum.

Logicum.

Logicum acci- dens est solum respectiue acci- dens.

le: Quamuis non negamus idem posse esse & *Phy- sicum* & *Logicum* accidens, ita vt duplici ratione sit accidens, & *Logicè* & *Physicè*.



Kkk

QVÆ

QVÆSTIO XI.

De numero prædicabilium.

Communiter quinque prædicabilia numerantur. qui numerus variis modis impugnari potest. Primum enim videntur esse pauciora. Vniuersalia enim videntur esse tantum duo: Ergo & prædicabilia. Consequentia patet: quia vniuersale & prædicabile conuertuntur: Ergo quot vniuersalia, tot prædicabilia. Esse autem duo tantum vniuersalia probatur: quia vniuersale fit per abstractionem à singularibus, opponitur enim vniuersale singulari: at abstractio à singularibus, est tantum duplex; vna à singularibus specificis, seu solo numero differentibus; quæ abstractio est speciei altera à singularibus genericis specie differentibus; quæ abstractio est generis. Neque præter has duas abstractions datur vlla alia abstractio à singularibus. Dantur quidem abstractions à subiectis, sed hæ non faciunt naturam vniuersalem in essendo: nam etiam singulare potest abstrahi à subiecto manens singulare: Ergo duo tantum erunt vniuersalia.

Duo vniuersalia in essendo ob duplicem abstractionem.

Sola abstractio à singularibus facit vniuersale in essendo.

Secundò: Quia videntur esse plura quam quinque. Nam hæc quinque Prædicabilia prædicantur vel in quid, vel quale: at multa alia sunt quæ neutro dictorum modorum prædicantur, sed habent alios prædicandi modos. V. g. in propter quid, in quis, & quomodo. Si enim quæras, propter quid sit Eclipsis solis? Diceretur, propter interpositionem lunæ inter nos & solem. Quis est iste? Rex, vel consul. Quomodo se habet?

Bene

Bene vel male. Quid agit? legit, docet, ambulat. Deinde modi substantiales, ut esse subsistens, existens, esse suppositum vel personam, non reuocantur. ad hæc quinque: cum nec sint essentielles, nec accidentales.

Tertiò: quia ista diuisio Prædicabilium in quinque, non est per differentias essentielles, sed per accidentales; Differentiæ autem accidentales, sicut varietate esse possunt, ita diuisio per differentias accidentales potest esse varia & multiplex: & æquè potest prædicabile diuidi in quinque, sicut in decem secundum varias considerationes.

Dices. Naturis quidem, ut naturæ sunt, per accidens esse prædicari, hoc vel illo modo; at naturis, ut prædicabiles sunt, hos modos quinque prædicandi esse essentielles. Contra. quia multi sunt alij modi prædicandi, ab his distincti, qui æquè conueniant naturæ prædicabili sicut & isti, ut prædicari in quantum, in quale, in ad aliquid, & aliis modis aliorum prædicamentorum. Ex quo patet. Hanc diuisionem prædicabilium in quinque esse ad libitum factam, nam ex natura rei loquendo alia fieri potuit.

Communis tamen & recepta tot sæculis sententia est, quinque tantum esse Prædicabilia, à qua temerè non est recedendum; sunt enim quinque prædicandi modi, ad quos omnes alij sufficienter reuocantur.

Pro cuius pleniori explicatione notandum est primo. Hanc diuisionem sumi partim ex rebus quæ prædicantur, partim ex modis prædicandi. Id enim, quod prædicatur, vel est essenziale, vel accidentale;

Kkk 2 Essen-

Essentialia sunt tria, Genus, Species, Differentia; Accidentalialia sunt duo, Proprium accidens, & non proprium: His autem quinque rebus conveniunt quinque modi prædicandi. Generi in quid de speciebus, speciei in quid de individuis; Differentiæ in quale essentiali; Proprio, modo accidentali convertibiliter; Accidenti non convertibiliter. Quod si quæras, quare isti potius modi ex tanto numero modorum delecti sint, ad constituende, & distinguenda prædicabilia; Responderi potest. Prædicabilia esse inventa propter scientias, ut per ea dirigamur in scientiis, quoad prædicationes: ex omnibus autem modis prædicandi, isti quinque sunt maximè vsitati, & maximè conducunt ad scientias; in scientiis autem potissimum attenditur, an aliquid prædicetur essentialiter, vel accidentaliter in quid vel in quale. Quare & si potuerunt prædicabilia dividi secundum alios modos prædicandi, hæc tamen divisio secundum hos quinque modos fuit maximè accommodata, maximè cum alij modi prædicandi ad hos reuocari possint. Deinde hi quinque modi prædicandi, nascuntur ex naturis quinque illarum rerum, quæ solæ ad prædicandum adhibentur; naturæ enim generis convenit prædicari in quid, &c.

*Vniuersale in
essendo & in
prædicando non
idem.*

Notandum est secundò: Vniuersale in essendo, & vniuersale in prædicando, partim esse idem, partim non. Sunt idem; quia omne vniuersale in essendo, est etiam vniuersale in prædicando: non sunt autem idem: quia non omne vniuersale in prædicando, est etiam vniuersale in essendo. Nam vniuersale in essendo, constituitur per abstractionem à singularibus, seu per modum essendi non singularem, cum indifferentia ad omnia singularia;

gularia; Opponitur enim vniuersale in essendo, singulari in essendo. At vniuersale in prædicando constituitur, per modum prædicandi vniuersalem. Vnde vniuersale in essendo, dicitur vniuersale in essendo solum respectu singularium, à quibus est abstractum: vniuersale autem in prædicando, dicitur non solum respectu suorum singularium, sed etiã respectu aliorum, quibus vniuersaliter conuenire potest. Verbi gratia, si accidens abstrahatur à suis singularibus, non solum prædicari potest de suis singularibus, sed etiam de subiectis suorum singularium, in quibus existit. Et tamen non respectu subiectorum est vniuersale in essendo, sed respectu singularium, quia per abstractionem à singularibus formaliter habet esse vniuersale in essendo: cum vero inexistit multis subiectis, fit vniuersale in inexistendo, nõ verò absolute in essendo: nam vniuersale in essendo, est vniuersale habens essentiam communem multis singularibus. Hincigitur est, quod non sint tot species vniuersales in essendo, quot in prædicando.

Dicoigitur Primò. Vniuersalia in essendo esse duotantum Genus & Speciem, ad quæ consequitur quinque modi vniuersaliter prædicandi. Explico. Omnia quinque vniuersalia sunt vniuersalia in essendo, quia, sunt naturæ abstractæ à singularibus. Verum non sunt vniuersalia in essendo, quinque modis, sed tantum duobus: vel per modum generis, vel per modum speciei: Verbi gratia, risibile est vniuersale in essendo in quantum est abstractum à suis singularibus ab hoc & illo risibili, quæ abstractio cum sit speciei, vniuersalitas etiam erit speciei. Est verò vniuersale in prædicando, non solum respectu suorum singularium, sed etiam respectu subiectorum, quorum est proprium accidens, & re-

*Vniuersalia in
essendo sunt
duo tantum.*

speciū quorū non est vniuersale in essendo. Probat-
tur ergo conclusio: quia vniuersale in essendo est natu-
ra abstracta à singularibus, indifferens ad omnia singu-
laria: atqui non dantur nisi duæ abstractiones à singu-
laribus, vna generis, quæ est abstractio à singularibus
differentibus specie, alia speciei, quæ est abstractio à sin-
gularibus differentiibus solo numero: Ergo non dan-
tur nisi duo vniuersalia in essendo, Genus & Species.

Quare tria reliqua Prædicabilia, Differentia, Pro-
priū & Accidens, sunt quidem vniuersalia in essendo,
sed non nisi vt habent abstractionem generis vel spe-
ciei; sunt enim respectu suorum singularium vel species
vel generis. Posita autem hac vniuersalitate in essendo
(quæ est vniuersalitas essentia abstractæ communis mul-
tis singularibus) conuenit illis alia vniuersalitas in in-
existendo, ita vt non solum sint naturæ vniuersales in
essentia, sed etiam in inexistencia: quia inexistunt vni-
uersaliter in subiectis, & ex consequenti, prædicantur
vniuersaliter de illis. Verū hęc vniuersalitas inexisten-
tiæ & prædicationis, non facit formaliter vniuersalia in
essendo, sed supponit iam esse facta per abstractionem
à singularibus, solum autem facit illa esse vniuersalia in
inexistendo, & in prædicando. Pater id, si cogitemus
vnum numero accidens existere in pluribus subiectis,
non esset vniuersale in essendo, quia esset in se singula-
re, & modum in se singularem haberet: sed solum ef-
fet vniuersale in inexistendo. Similiter igitur cum v-
niuersale in essendo existit in pluribus subiectis, non,
propter illam inexistenciam vniuersalem in subiectis
est vniuersale in essendo, sed propter abstractionem à
suis singularibus specificam, vel genericam.

*Accidens singu-
lare commune
pluribus sub-
iectis.*

Ex

Ex quo patet Differentiam, Proprium & Accidens esse vniuersalia in essendo, quatenus sunt genera & species, vt verò de suis subiectis prædicantur sunt vniuersalia in inexistendo. Patet etiam quomodo vniuersalia in essendo sint tantum duo, in prædicando verò sint quinque. Modi enim prædicandi, non solum fundantur in modis abstractè & absque singularitate essendi, sed etiam in modis inexistendi in alio vniuersaliter. Esti igitur duo sint tantum modi essendi abstractè & nõ singulariter; tamè præter illos sunt alii tres modi inexistendi in alio vniuersaliter, qui fundant modos prædicandi vniuersaliter.

Vnde patet solutio illius argumenti, Prædicari sequitur ad inesse: sunt quinque modi prædicandi vniuersales: ergo quinque modi essendi vniuersales. Dicimus enim esse quinque modos essendi vniuersales, sed ita, vt duo sint modi essendi in se, abstractè & non singulariter, qui constituunt vniuersale in essendo; tres alii sint modi existendi in alio, qui constituunt tria vniuersalia in inexistendo, omnes autem quinque modi constituunt quinque vniuersalia in prædicando. Et hoc etiam probat prima ratio dubitandi.

Dico secundò. Vniuersalia in prædicando esse quinque: quia quinque sunt modi prædicandi vniuersales, vt dictum est, qui partim fundantur in modis in se essendi, partim in modis in alio inexistendi vniuersaliter.

*Vniuersalia in
prædicando
quinque*

At obijciat. Aristor. 1. Top. cap. 4. quatuor tantum prædicata ponit. Genus, Definitionem, Proprium, & Accidens: in prædicamentis verò ponit decem genera prædicamentorum: ergo non est maior ratio cur prædicabilia ponantur quinque, quàm vel quatuor, vel decem.

Respon-

Respondeo. Secundum diuersas considerationes diuersas posse fieri definitiones eorum quæ prædicantur. In Top. igitur Aristoteles agit de prædicatis, quæ probantur per Syllogismū Topicum de specie: quare speciem inter prædicata non ponit; cū illam velit esse subiectum. In definitione autem differentiam complexus est.

*Definitio non
est vnum ex
Prædicabili-
bus.*

Quod si quæras. cur definitio inter prædicabilia non ponatur? Respondeo. In prædicabilibus poni solum prædicata incomplexa. definitio autem est quid complexum ex duobus terminis, Genere & Differentia. Quod si instes. Idem significat species quod definitio: at species est vnum prædicabile, ergo & definitio. Respondeo: Speciem esse vnum terminum, & per modum vnius termini significari incomplexè, definitionem autem duos continere terminos, & per modum duorum terminorum significari complexè.

*Inter Speciem
& Definitionem
discrimen.*

*Prædicamenta
decem.*

Quod verò ad prædicamenta attinet: in his præcipue spectatur diuersitas naturarum generica, & ex consequenti diuersus modus afficiendi & prædicandi, qui ex illa diuersitate reali naturarum sequitur. Vnde secundum diuersitatem naturarū ponuntur decem prædicamenta: At in prædicabilibus primò & præcipue spectatur modus formalis prædicandi, secundum quem quinque prædicabilia statuuntur.

Ad primam rationem dubitandi pater; probat enim primam conclusionem nostram.

Ad secundam. Omnes illos modos decem; quibus Genera prædicamentorum prædicantur, contineri secundum aliam considerationem in quinque modis Prædicabilium. Nam quod dicitur non omne accidens prædicari in quale, id verum est; sed neque nos adstrin-


adstringimus duo vltima prædicabilia accidentis , ad prædicationem in quale, sed ad prædicationem accidentalem, vel non conuertibili modo.

Quod verò ad modos substantiales attinet: eos etiam si sint conuertibiles, ad proprium reducimus, si non conuertibiles ad accidens: licet enim physice non sint accidentia, cum ad genus substantiæ spectent, Logice tamen sunt accidentia, cum sint extra essentiam substantiæ.

Ad Tertiam. Concedimus vltro hanc diuisionem non esse per differentias essentielles, sed per accidentales. Nam & naturæ quæ prædicatur, accidentarium est prædicari: & prædicabili quæ vniuersale est in prædicando, accidentarium est conuertibiliter vel non conuertibiliter prædicari. Nam proprium est conuertibile respectu speciei: est autem vniuersale respectu indiuiduorum. Vnde conuertibilitas respectu vniuersalitatis habet se per accidens, idem patet in accidentibus.

Quamuis verò hæc diuisio fiat per differentias accidentales, est tamen exacta & sufficiens, vt deductum est.





DISPUTATIO VI.

*De Equiuocis, Analogis, Uni-
uocis.*

QVÆSTIO PRIMA.

De Equiuocis.

*Æquiuoca
quid sint.*



Æquiuoca definit Aristoteles, quorum nomē commune est, & secundum nomen ratio substantiæ diuersa. Duo igitur sunt de ratione Æquiuocorum, & nomen commune, & secundum nomen ratio substantiæ diuersa; si enim sit ratio substantiæ diuersa sine nomine communi, non erit Æquiuocatio: ut, Homo, & lapis habent rationem substantiæ diuersam, non tamen sunt Æquiuoca: quia non communi nomine significantur. Si verò sit nomen commune, & ratio substantiæ diuersa, sed non secundum nomen illud commune, non erit etiam Æquiuocatio: sic homo, & equus, licet communi nomine animalis significantur, & habent rationem substantiæ diuersam (sunt enim specie diuersa) non tamen sunt Æquiuoca, quia non habent diuersam rationem substantiæ, ut nomine animalis, significantur, sed ut diuersis nominibus hominis, & equi significantur.

*Æquiuocum
nomen cur di-
stinet commune.*

Porro nomen Æquiuocum est commune, non quod aliquid commune significet, sed quod ipsum sit commune:

mune: quia est impositum nomen commune ad res diuersas significandas. Quare voce canis, verbi gratia, immediate significatur, canis latrabilis, canis celestis, canis marinus; non verò aliquid commune omnibus his canibus.

Quod si dicas audita voce canis, concipi in animo quiddam commune omnibus canibus nempe habens essentiam canis? Respondeo Primò, nomen canis non esse impositum ad conceptum communem significandum, sed ad tres canes particulares. Secundò, Cum talem conceptum formo, conceptus ille est quidem vnus ex parte intellectus concipientis, sicut & vox vna est ex parte dicentis; non tamen est vnus conceptus ex parte rei significatæ, quia & essentia canis non est vna, sed diuersa in tribus canibus. Quare sicut vox æquiuoca est communis æquiuocè omnibus æquiuocatis, quoad rem significatam, ita & conceptus iste est communis æquiuocè; quia non secundum vnā, sed secundum diuersas rationes illis conuenit. Nam cum audita voce canis, concipio aliquid in communi significatum voce canis; talis conceptus est solum vocis significantis aliquid, non verò rei alicuius significatæ. Quare sicut vox est communis æquiuocè, ita & talis conceptus vocis erit communis æquiuocè; ac ex consequenti non erit vnus ex parte rei significatæ, sed ex parte rei significantis.

*Canis nomen
ad quid sit
impositum.*

Est autem difficultas Prima: An æquiuoca definiti possint? Ea enim desinuntur, quæ habent vnā essentiam vnā plures essentia pluribus definitionibus definiuntur.

*Æquiuoca pos-
sunt defini.*

L. II.

aiuntur

niuntur: atqui æquiuoca non significant vnā essentia, sed multas, Canis v.g. significat marinum, coelestem, terrenum: Ergo non videtur posse definiri. Dicendum tamen est Æquiuocum dupliciter sumi posse: Primò secundum rationem formalem æquiuoci, quæ ratio cum sit vna, potest vna definitione explicari: Secundò vt supponit pro æquiuocatis, v.g. Canis, vt significat coelestem, marinum, terrenum, & sic cum res diuersas significet, vna definitione definiri non potest. Primò igitur modo æquiuocum, cum dicat vnā rationem formalem æquiuoci, eo respectu non est æquiuocum, sed vniuocum; quia æquiuocum rationem formalem æquiuoci, dicit eandem in omnibus nominibus æquiuocis; omnia enim nomina æquiuoca, vniuocè sunt æquiuoca, & eadem ratione se habent ad rationem formalem æquiuoci; licet respectu rerum significatarum æquiuocè, hoc est diuersa ratione se habent; Canis enim & lupus sunt vniuocè æquiuoca; quia ratio formalis æquiuoci eadem ratione illis conuenit, & respectu rerum significatarum habent se æquiuocè: quia secundum diuersam rationem lupus significat animal terrenum, & piscem. Porro alii terminis, alii idem explicant; dicunt enim æquiuocum in actu signato definiri posse, non in actu exercito, hoc est; vt significat rationem formalem æquiuocationis, non vt eam exercet in suis significatis.

*Res vel Voces
sunt æquiuocæ.*

Secunda Difficultas. An res, vel voces sint æquiuocæ? Respondeo. Neque res secundum se, neque voces secundum se, dici æquiuocas, sed res vt vocæ communi significantur, & voces vt diuersas res significant. Res dicuntur æquiuocè passiuè; quia æqui-

æquiuocè significantur, hoc est secundum idem nomē,
& non secundum eandē rationē: Voces verò dicuntur æ-
quiuocè actiue, quia æquiuocè significant. Logici vocāt,
res, *Æquiuoca* æquiuocata, voces æquiuoca æquiuocā-
tia. Ratio horū est. Quia eadē res, vt vna voce signifi-
cantur, sunt vniuoca, vt alia æquiuoca. Similiter ea-
dem vox respectu aliquarum rerum esse potest æqui-
uoca: respectu aliarum vniuoca: Ergo non ex solis re-
bus, nec ex solis vocibus oritur æquiuocatio, sed ex re-
bus in ordine ad voces, & ex vocibus in ordine ad res.
V.g. canis marinus, & terrenus, vt voce canis signifi-
cantur sunt æquiuoca; vt verò significantur voce animalis,
sunt vniuoca. Similiter vox canis, vt significat animal
domesticum, est vniuoca respectu omnium canum do-
mesticorum, vt verò significat celestem, marinum, &
terrenum canem est æquiuoca.

Tertia difficultas. An dentur conceptus æquiuo-
ci. Videntur enim dari: quia sicut datur vox ex impo-
sitione, diuersa significans, ita datur ratio concepta, res
diuersas significans ex representatione, quatenus res
conceptu representata, diuersa est in vno & in altero.
Sic conceptus essentia, conuenit æquiuocè substantia,
& accidenti: quia essentia substantia, & accidentis
sunt diuersæ; substantia enim, vt substantia, est essen-
tia, & accidens, quā accidens est essentia; sicut ergo ra-
tio propria substantia, & ratio propria accidentis sunt
diuersæ, ita & essentia eorum sunt diuersæ. Porro ad
rationem *Æquiuoci*, non satis est diuersas res signifi-
care, sed requiritur, vt ista significatio, fiat vno communi
nomine. Quod quidem in voce æquiuoca facile est
explicare: quia vni voci ex impositione conueniunt
multæ significationes, in conceptu verò est aliquanto

*Æquiuoci co-
ceptus dentur-
ne?*

*Conceptus
sest dici
duplex.*

difficilius; non enim conceptus significat ex impossi-
ne, sed ex representatione.

Dupliciter igitur conceptus dici potest vnus: vel ex
parte concipientis, quia est vnus actus intellectus con-
cipientis; vel ex parte rei conceptæ, quia sub vna ratio-
ne res concipitur, & representatur: conceptus igitur
æquiuocus non satis est, vt sit vnus ex parte concipien-
tis: Nam si vno conceptu concipiantur res diuersæ
sub diuersis rationibus, talis conceptus non erit æqui-
uocus; quia respectu obiecti nullo modo est vnus, sed
multiplex, & continet diuersas rationes conceptas di-
uersis rebus accommodatas, non sub vna ratione. Et
sicut res diuersas diuersis vocibus significare, non est æ-
quiuocè res significare; vt cum hominem, & leonem,
hominis & leonis vocibus significamus, ita cum diuer-
sas res sub diuersis rationibus concipimus, non conci-
pimus æquiuocè, quia non vno formaliter conceptu,
sed multiplici; concipimus; conceptus enim vnus
rei, à conceptu alterius rei ratione & formaliter di-
stinguitur, licet materialiter in re sit idem. Vt igitur
conceptus sit æquiuocus, debet esse aliquo mo-
do vnus, & sub vna ratione representare multa. Non
potest autem esse vnus essentialiter, nec vnā ratio-
nem essentialiter representare; quis sic esset conce-
ptus vniuocus: debet ergo esse vnus secundum quid;
propter aliquam imperfectam conuenientiam, res
diuersas sub vna ratione representans; diuersa enim,
quæ diuersa sunt, non possunt sub vna ratione ap-
prehendi. Quod si sub vna ratione apprehendun-
tur, id fit propter aliquam conuenientiam, quam
habent inter se; quæ enim inter se conueniunt ali-

quo

§ III.

quo modo, possunt sub vna ratione apprehendi. Conceptus igitur æquivocus ex parte rerum conceptarum est, & vnus, & multiplex: multiplex essentialiter, quia diuersas essentias repræsentat; vnus verò secundum quid, quia eas repræsentat secundum conuenientiam imperfectam, quam habent, vel secundum proportionem, inter se; vel secundum attributionem, ad vnum tertium. Sic conceptus essentia, significat essentiam substantiæ, & accidentis, quæ essentia, sunt simpliciter diuersæ essentia, habent tamen conuenientiam in ratione essentia proportionatam: quia singula suo modo sunt essentia.

Porro vox æquivoca potest significare diuersas essentias dupliciter. Primò, expressè sub propriis earum rationibus distinctis, vt vox canis est imposita ad significandas tres essentias canum, sub expressis ipsorum rationibus. Secundò confusè & indeterminatè sine expressione rationum propriarum; sic vox ens significat substantiam, & accidens, sed in confuso, sine expressione propriarum rationum substantiæ & accidentis. Cùm enim concipimus ens, non concipimus, expressè substantiam vel accidens; licet reuera Ens illud non sit nisi substantia vel accidens, & sic confusè in ratione entis concipimus substantiam & accidens. De conceptu igitur æquivoco loquendo, non possumus in illo distinguere duplicem hunc modum æquivocationis, sed tantum vnum, nempe posteriorem, ita vt conceptus æquivocus sit ille, qui in confuso & sub vna ratione confusa, multa repræsentat. Nam si multa concipiatur non in cōfuso, sed expressè sub propriis diuersis

*Æquivoca vox
significat diuersas
essentias
dupliciter.*

uersis rationibus, non concipientur sub vna ratione, nec vno formaliter conceptu; at ostensum est requiri ad æquiuocationem conceptus, vnum formaliter conceptum, diuersis sub vna ratione representantem.

*Æquiuocus
purè conceptus
non datur, sed
solum per mo-
dum Analogi.*

Dicendum igitur est, non dari conceptum purè æquiuocum, sed solum æquiuocum, per modum Analogi. Quia non datur æquiuocatio nisi respectu vnius formaliter conceptus, & respectu vnius rationis conceptæ: at purè æquiuoca non possunt sub vna ratione concipi ab intellectu, (nisi secundum vocem) quia nullam habent in re convenientiam inter se, per quam fundant vnam rationem, conceptibilem, Imò neque analogi possunt conuenire in conceptu analogo, nisi confusè concepta. Nam si expressè concipiantur sub suis propriis rationibus, concipientur sub diuersis rationibus, non sub vna: sine vna autem ratione concepta, quæ æquiuocè conueniat multis, non potest esse æquiuocatio.

*Conceptus vniuoci & analogi
differunt.*

Ex quo patet discrimen conceptus vniuoci, & analogi. Conceptus enim vniuocus, est conceptus vnius rationis, eodem modo convenientis multis; conceptus verò Analogus, est conceptus vnius rationis, quæ non eadem essentiali ratione conuenit multis, sed tantum secundum convenientiam imperfectam, proportionis, vel attributionis: vnde in conceptu analogo est eadem proportio & attributio non eadem ratio significata: in conceptu verò vniuoco, est eadem essentia rationis significata in omnibus. Quanquam nõ nego conceptum vocis æquiuocæ esse purè æquiuocum, sed nego conceptum rei æquiuocæ esse posse æquiuocum purè, sed tantum analogum.

Quarta

Quarta difficultas. An analoga sint æquiuoca. *Analoga sunt-
ne æquiuoca?*
 Respondeo. affirmatiuè: quia diuersas essentias sub
 vno nomine significant. Pro quo noto. *Æquiuoca sunt
duplicita.*
 esse duplicia: quædam res omninò diuersas, & inter se
 nullo modo secundùm illud nomen convenientes, si-
 gnificant: vt canis, tres illos canes; & hæc sunt purè
 æquiuoca: alia verò significant res quidem diuersas,
 quoad essentiam, aliquam tamen convenientiam inter
 se habentes secundùm illud nomen, & hæc sunt quidem
 essentialiter æquiuoca, quia diuersas essentias vno no-
 mine significat; non sunt tamen purè æquiuoca: quia,
 significant illas essentias diuersas, cum aliqua conveni-
 entia imperfecta, & sic non cum omnimoda diuersi-
 tate, sed cum aliqua vnitate, & hæc æquiuoca dicun-
 tur analoga. Dicuntur etiam æquiuoca à consilio, sicut
 illa priora dicuntur æquiuoca à casu. Nam illa quod
 sint imposita ad diuersas res significandas, casu factum
 est nulla in rebus ipsis existente ratione, vt vno no-
 mine vocarentur; hæc verò ad diuersas res significan-
 das sunt imposita, non omninò temerè, nec casu, sed
 propter convenientiam in illis rebus existentem, & id-
 eò dicuntur æquiuoca à consilio, quasi consilio & ratio-
 ne imposita ad significandum.

Porro convenientia rerum diuersarum essentiali-
 ter, est duplex: vel secundùm proportionem, quia
*Conuenientia
rerum diuersa-
rum essentiali-
ter est duplex.*
 nimirum, habent inter se proportionem, vt tali
 nomine significantur; sic substantia & accidens, vt no-
 mine entis significantur, diuersas quidem habent essen-
 tias; tamen cum proportionem quadam essentialium in-
 ter se: quia sicut substantia suo modo habet essentiam
 existentem; ita & accidens suo modo: sic sub nomi-
 ne principij, fons, cor, sol, dicunt diuersas essentias;

M m m

quia

uerſis rationibus, non concipientur ſub vna ratione, nec vno formaliter conceptu; at oſtenſum eſt requiri ad æquiocationem conceptus, vnum formaliter conceptum, diuerſa ſub vna ratione repræſentantem.

*Æquiocum
purè conceptum
non datur, ſed
ſolum per mo-
dum Analogi.*

Dicendum igitur eſt, non dari conceptum purè æquiocum, ſed ſolum æquiocum; per modum Analogi. Quia non datur æquiocatio niſi reſpectu vnius formaliter conceptus, & reſpectu vnius rationis conceptæ: at purè æquioca non poſſunt ſub vna ratione concipi ab intellectu, (niſi ſecundum vocem) quia nullam habent in re convenientiam inter ſe, per quam fundant vnam rationem, conceptibilem; Imò neque analogi poſſunt conuenire in conceptu analogo, niſi coſuſe concepta. Nam ſi expreſſè concipiantur ſub ſuis propriis rationibus, concipientur ſub diuerſis rationibus, non ſub vna: ſine vna autem ratione concepta, quæ æquiocè conueniat multis, non poteſt eſſe æquiocatio.

*Conceptus vni-
uoci & Ana-
logi diſcrimen.*

Ex quo patet diſcrimen conceptus vniuoci, & analogi. Conceptus enim vniuocus, eſt conceptus vnius rationis, eodem modo convenientis multis; conceptus verò Analogus, eſt conceptus vnius rationis, quæ non eadem eſſentiali ratione conuenit multis, ſed tantum ſecundum convenientiam imperſectam, proportionis, vel attributionis: vnde in conceptu analogo eſt eadem proportio & attributio non eadem ratio ſignificata: in conceptu verò vniuoco, eſt eadem eſſentia rationis ſignificata in omnibus. Quanquam nõ nego conceptum vocis æquiocæ eſſe purè æquiocum, ſed nego conceptum rei æquiocæ eſſe poſſe æquiocum purè, ſed tantum analogum.

Quarta

Quarta difficultas. An analogia sint æquiuoca. *Analogia sint-
ne æquiuoca?*
 Respondeo. affirmatiuè: quia diuersas essentias sub
 vno nomine significant. Pro quo noto. Æquiuoca
 esse duplicia: quædam res omninò diuersas, & inter se
 nullo modo secundùm illud nomen convenientes, si-
 gnificant: vt canis, tres illos canes; & hæc sunt purè
 æquiuoca: alia verò significant res quidem diuersas,
 quoad essentiam, aliquam tamen convenientiam inter
 se habentes secundùm illud nomen, & hæc sunt quidem
 essentialiter æquiuoca, quia diuersas essentias vno no-
 mine significant; non sunt tamen purè æquiuoca: quia
 significant illas essentias diuersas, cum aliqua conueni-
 entia imperfecta, & sic non cum omnimoda diuersi-
 tate, sed cum aliqua vnitate, & hæc æquiuoca dicun-
 tur analogia. Dicuntur etiam æquiuoca à consilio, sicut
 illa priora dicuntur æquiuoca à casu. Nam illa quod
 sint imposita ad diuersas res significandas, casu factum
 est nulla in rebus ipsis existente ratione, vt vno no-
 mine vocarentur; hæc verò ad diuersas res significan-
 das sunt imposita, non omninò temerè, nec casu, sed
 propter convenientiam in illis rebus existentem, & id-
 eò dicuntur æquiuoca à consilio, quasi consilio & ratio-
 ne imposita ad significandum.

Porro convenientia rerum diuersarum essentiali-
 ter, est duplex: vel secundùm proportionem, quia
*Conuenientia
rerum diuersa-
rum essentiali-
ter est duplex.*
 nimirum, habent inter se proportionem, vt tali
 nomine significantur; sic substantia & accidens, vt no-
 mine entis significantur, diuersas quidem habent essen-
 tias; tamen cum proportionem quadam essentialium in-
 ter se: quia sicut substantia suo modo habet essentiam
 existentem; ita & accidens suo modo: sic sub nomi-
 ne principij, fons, cor, sol, dicunt diuersas essentias;

M m m

quia

quia alia ratio principij est in singulis, habet tamen proportionem sub tali nomine.

Vel secundò. Secundùm attributionem ad vnum, quando aliqua dicuntur talia, per hoc quod referuntur ad vnum tale, & sic habent conuenientiam in illo vno, cuius respectu dicuntur talia. Sic omnia sana, dicuntur sana per ordinem ad sanitatem animalis, quam vel efficiunt, vel cibis, vel tuentur, vel medicina, vel significant, vel vrina. Hinc ergo duplicia statuuntur analogia: alia proportionis, alia attributionis.

Porro vtraque analogia esse essentialiter Equiuoca probatur. Primò ex Aristot. 7. Physicor. tex. 31. Vbi ait, quasdam æquiuocationes esse valde distantes, alias autem habentes aliquam similitudinem, quibus verbis analogia intelligit, & ea in secundo genere æquiuocorum ponit.

Secundò, Ratione: quia Ratio propria æquiuoci est, plures essentias vno nomine significare: At analogum est tale. Ergo. Minor patet, quia analogum significat essentiam aliquam & non vnā, (alioqui esset vniuocum) ergo multas. Verbi gratia, Ens significat essentiam, hæc autem essentia nomine entis significata non est vnā, (alioqui ens esset vniuocum,) sed sunt multe diuersæ essentia, vno nomine essentia significata.

Dices. esse vnā essentiam proportionem vel attributionem. Contra. Quia illud vnum proportionem non est vnum essentia: Ergo est multiplex essentia. Confirmatur. Quia ens significat essentiam substantia & accidentis: at hæc essentia sunt diuersæ non vnā: Ergo ens significat diuersas essentias.

Dices,

Dices, Ens non significare essentiam vnā, neque significare essentias multas, sed significare essentiam vnā proportionaliter. Contra. Quia cū ens significat essentiam vnā proportionaliter, duo significat, & essentiam & vnitatem, non essentialē sed proportionalem, Quare essentia illa significata nomine entis non est vna essentialiter, sed diuersa essentialiter, & tantū proportionaliter vna.

Denique idem patet ex impositione nominis analogi. Nomina enim analogia sunt imposita immediate ad significandas res diuersas, in aliquo conuenientes; Nā si quæras, quare fons, v. g. est principium; respondebitur, quia fundit ex se aquam; eor verò, quia procreat, & diffundit spiritus; sol, quia est causa lucis, quæ omnes rationes principij sunt distinctæ; & sic nomen principij est impositum ad distinctas rationes principij significandas.

Quinta difficultas est. Quomodo nomen æquiocum prædicetur de suis significatis. Respondeo. prædicari de diuersis secundum diuersas significationes. V. g. Canis in alia significatione prædicatur de terreo, in alia de marino, in alia de cœlesti: restringitur autem ad talem vel talem significationem à subiecto de quo affirmatur; prædicatum enim talem suppositionem habet, qualem subiectum requirit. quare non est existimandum æquiocum secundum omnem suam significationē de singulis suis significatis prædicari, sed accommodatē de singulis secundum eam significationem, quæ illis conuenit. Ad extremū cū analogia sint etiam æquioca, eundem quoque cū æquiocis modum prædicationis habebunt, ita vt secundum

Æquiocum nomen quatuor ratione prædicatur de suis significatis.

vnam significationem de vno, aliam de alio prædicatur, Ens v. g. aliud significat cùm dicitur de substantia, aliud cùm de accidente.

*Æquivocum
sint vna vox
vel plures?*

Sexta difficultas est. An æquivocum sit vna vox vel plures. Respondeo Æquivocum esse vnam vocem ratione soni, multas ratione significationis: quare nec omninò esse vnam vocem nec omninò plures; vnam materialiter; multas formaliter; sonus enim est quid materiale in voce, significatio verò est formale; est enim significatio veluti forma, anima est essentia vocis, dans illi tale vel tale esse. Vnde vox æquivoca cùm sit multiplex ratione significationis, simpliciter & absolute est vox multiplex, quia à forma præcipuè sumitur essentia & denominatio rei, solùm autem secundum quid erit vna.

QVÆSTIO II.

De Analogia attributionis.

*Analogia attri-
butionis qua
sint.*

A Nalogia attributionis sunt illa, quorum nomen est commune, & secundum nomen ratio substantiæ diuersa, ita tamen, vt per ordinem ad vnum dicatur talia, v. g. dicitur animal sanum, medicina sana, color sanus, cibus sanus; ista omnia dicuntur sana diuersa ratione. Animal enim dicitur sanum, quia habet sanitatem, medicina, quia tuetur sanitatem; color quia indicat sanitatem, cibus, quia efficit sanitatem: Verùm hæc omnia, licet diuersa ratione sint sana, conveniunt tamen in ordine ad vnam sanitatem animalis; quia vt aliqua ratione referuntur ad illam dicuntur sana, & sic in ratione sani, & sub nomine sani, habent attributionem

nem ad sanitatem animalis; Ex quo patet analogia attributionis differre à purè æquivocis, quòd purè æquivoca sunt omninò diuersa, ita vt nec sint vnum, nec referantur ad vnum; analogia autem ita sunt diuersa, vt conueniant in vno, ad quod referuntur omnia secundum idem nomen.

Quæri autem potest Primò. An analogia attributionis dicantur talia intrinsecè, an sola denominatione extrinseca à principali analogato. Quibusdam enim recentioribus videtur esse sola denominatio extrinseca à principali analogato, ita vt omnia, v.g. dicantur sana, à sanitate animalis extrinsecè illa denominante. Nam etsi hi authores, non negent varios respectus intrinsecos analogorum ad principale analogatum; tamen negant illos respectus habere rationem sani, nisi per extrinsecam denominationem à sanitate animalis: tum quia omnia sana, dicuntur sana ab eadem sanitate animalis; ac sanitas animalis non est eadem in illis nisi extrinsecà denominatione: tum quia medicina, non est in se sana, proprià aliquà & intrinseca sanitate, sed est sana à sanitate animalis, quâ remotà nulla sanitas esset in medicina: tum quia respectus ad sanitatem non est sanitas intrinsecè, sed solum extrinsecè: Denique analogia non essent talia ab vno, & ad vnum: quia non ab vna aliqua ratione, nec in ordine ad vnam aliquam rationem denominarentur talia, sed à multis rationibus intrinsecis.

Aliis tamen id non probatur. Volunt enim analogia à suis formis intrinsecis denominari talia, quæ tamen formæ intrinsecæ dicunt ordinem ad principale analogatum ad eum modum, quo relatio intrinsecè denominat subiectum, respectu tamen extrinseci termini.

Analogia attributionis vnde sic appellatur.

v.g. cibus & medicina, dicitur sana per vim suam intrinsecam, quam habet ad efficiendam sanitatem, ita vt denominationis sani sit intrinseca, respectu tamen extrinseci. Et ratio tumi potest tum ex communi conceptione analogorum: Si enim quis quærat cur cibus vel medicina sit sana, respondebit, quia habet in se vim sanitatem promouendi: tum ex definitione analogorum: Analoga enim sub communi nomine habent essentiam rationem diuersam; at si extrinseca denominatione à principali analogato dicerentur talia, non haberent rationem essentiam diuersam, sed vnā, quia ab vna forma extrinseca denominarentur talia: quare non essent analoga sed vniuoca.

Dices: Sanitas non eadem ratione denominatur animal, & medicinam: nam animal denominatur intrinsecè sanum, & extrinsecè medicinam. Contra. Modus intrinsecus & extrinsecus denominandi non mutat essentiam formæ denominantis, quia secundum eandem essentiam denominatur intrinsecè, & extrinsecè, & secundum eandem essentiam forma tribuitur intrinseco & extrinseco subiecto. Quare illa diuersitas modi intrinseci & extrinseci non est in essentia, sed solum in modo essentiam, qui modi non impediunt vniuocationem, sicut neque diuersæ differentię specificę impediunt vniuocationem generis. Ex quibus patet ad argumenta primæ sententię: Analoga enim non ob extrinsecam solam denominationem à principali analogato dicuntur talia; hæc enim ad Analogiam non sufficeret, sed ob intrinsecum ordinem, quem habent ad principale analogatum.

*Analoga distribuuntur
quiritur no.*

Secundò quæri potest. An requiratur ad analogiam attributionis vt id, ad quod attribuuntur analoga, habeat

habeat cum illis nomen commune. Ruuius existimat non requiri: quia in analogia attributionis duplex distinguitur analogia: Vna principalis analogati, cum minus principalibus, quomodo animal, & medicina, sunt analogi in ratione sani, animal enim dicitur sanum in se; medicina autem in ordine ad animal, & dicitur hæc analogia vnius ad alterum: Alia est analogia minus principalium analogorum inter se. Nam sanum non eodẽ modo dicitur de medicina, de colore, de cibo. Nam medicina dicitur sana vt expulsiua infirmitatis, color, vt indicatiuus sanitatis, cibus, vt effectiuius sanitatis; omnia tamen dicuntur sana per attributionem ad vnã sanitatem, & hæc attributio, multorum dicitur ad vnum. Cũ igitur hæc duæ analogiæ sint distinctæ, possunt ab inuicem separari. Possunt igitur aliqua sub communi nomine referri ad tertium, etiam si illud tertium non dicat analogiam cum ipsis, eo quod non significetur vno communi nomine cum ipsis, Sic ait omnia accidentia dici accidentia per attributionem ad substantiam: & tamen substantia non dicit vllam analogiam cum accidentibus in ratione accidentis; quia non significatur communi cum ipsis nomine. Adducit Ruuius pro se authoritatem D. Thomæ. Nam prima parte quæst. 1. 3. ad 1. ait nomen analogum duobus modis significare attributionem, vel vnius ad alterum, vel multorum ad vnum. Vulgigitur vnã attributionem non includi in altera, nec pendere ab altera, & posse separatim concipi sine altera. Et confirmatur: quia accidentia talem planè dicunt attributionem ad substantiam in ratione accidentis, qualem cibus & medicina in ratione sani ad animal, parum verò facit ad hanc attributionem quod animal eodem nomine sani significetur cum cibo & medicina: id

non commune
cum illis aliqua
attribuuntur?

id enim requiritur ad analogiam animalis cum cæteris, non verò ad analogiam cæterorum inter se.

Analogia Attributionis requirit communem naturam

Dicendum tamen est cum communi sententia requiri ad analogiam attributionis ut id, ad quod alia attribuantur, sit etiam tale: Nam licet ad hoc, ut aliqua sint talia per ordinem ad tertium non sit necesse illud tertium esse tale (omnia enim accidentia, sunt accidentia per ordinem ad substantiam, & tamen substantia non est accidens) tamen ad hoc, ut aliqua sint talia, quia tertium ad quod referuntur est tale, requiritur ut illud tertium sit, & dicatur tale, sic autem est in analogis attributionis: Ea enim dicuntur talia per denominationem quandam à principali tali, ita ut quia referuntur ad illam talem rationem principalis analogati, dicantur talia, ut omnia sana, dicantur sana, in quantum referuntur ad sanitatem animalis. Id ita esse patet; tum ex communi omnium cōceptu de analogis; solus enim Ruuius contrarium conceptum habet: tum quia, quæ dicunt ordinem ad vnum non tale, possunt quidem esse analogæ, si diuersos ordines & respectus dicant, sed non erunt analogæ attributionis, sed proportionis: Conueniunt enim in vna ratione & proportionem communi habendi se ad illud vnum, quod ad analogiam proportionis spectat, non erit verò analogia attributionis, quia hæc solum spectatur inter principale analogatum & minus principale; quia nimirum principale est per se tale; alia verò per ordinem ad ipsum talia. Quare negandum est Ruuii duplicem esse analogiam attributionis; est enim tantum vna inter principale tale, & minus principalia talia, communi nomine significata propter ordinem ad ipsum. Nam minus principalia conueniunt quidem inter se in attributione ad tertium, sed ista conuenien-

uenientia est proportionalis, & ad analogiam proportionis, non attributionis formaliter spectans, ad quem etiam modum exponendus est D. Thomas: De ratione enim analogiæ est ut sit nomen idem omnium & secundum idem nomen ratio substantiæ diuersæ. Quare principale analogatum debet habere commune nomen cum aliis.

Quæri tertio potest. An in analogis attributionis ratio essentialis, soli principali analogato conueniat, aliis verò aliis modis non essentialibus, secundum varias habitudines ad rationem essentialem, ut patet in sanitate, quæ secundum rationem suam essentialem conuenit animalibus; aliis verò sub aliis rationibus non essentialibus, sed secundum varias habitudines ad sanitatem, quæ est essentialiter sanitas. Quidam igitur id affirmant ea ratione, quia inquirunt, si ratio essentialis aliis quoque analogatis conueniret, non referrentur illa analogata ad principale analogatum, quia quod est tale essentialiter, non est tale per ordinem ad aliud: Nam & principale analogatum ideo non refertur ad aliud, quia est tale essentialiter. Alii tamen concedunt posse rationem essentialem, analogi conuenire, tam principali analogato, quam reliquis cum dependentia tamen à principali. Nam si ratio essentialis nomine analogo significata esset omnino una, non posset conuenire minus principalibus analogatis, ut bene probat prior sententia, & patet in exemplo sanitatis. Nam si sanitas, quæ est in animali conueniret aliis sanis, illa per se dicerentur sana, sicut & animal per se dicitur sanum, non per attributionem ad aliud sanum: at quia potest esse analogum significans non unam rationem essentialem, sed multiplex, ideo potest præter unam rationem essentialem.

Nam:

quæ:

*In Analogia
attributionis
ratio essentialis
soli est principali
analogato
conueniens.*

quæ est in principali analogato, alia quoque ratio essentialis minùs principalibus conuenire, id quòd explicant hi auctores exemplo entis. Ens enim dicitur de substantia & accidente essentialiter, quia tam substantia, quàm accidens sunt essentialiter entia; Verùm essentia accidentis est dependens ab essentia substantiæ, & per attributionem ad ipsam dicitur talis; accidens enim est entis ens. Ex quo patet essentiam quidem significatam nomine analogo, quatenus conuenit principali analogo, non conuenire minùs principalibus, quia est essentia absoluta; & per se talis non per ordinem ad aliud; at aliæ essentiæ dependentes à substantia significatæ itidem per nomen analogum possunt tribui analogis, minùs principalibus: tunc enim concurrunt duæ analogiæ proportionis, & attributionis, quatenus est analogia proportionis, significantur essentia diuersæ sub vna proportionem, & sub vno nomine, quatenus verò est analogia attributionis significantur multa talia per ordinem ad aliud tale. Et ita sentit D. Thomas in primo distinct. 19. quæst. 5.

*Analogi dicitur
butonem præter
vocem habere
autem aliquam
rationem communem?*

Quæri potest quartò. An analogi attributionis præter vocem habeant aliquam rationem communem. Quidam recentiores affirmant, potest enim nomen analogum concipi & in communi, & in particulari. Si concipiatur in communi & in confuso, sic concipitur sub aliqua ratione communi; nam etiam quæ diuersa sunt, si tamen confuse concipiuntur, concipiuntur sub vna quadam ratione. Et patet: quia audito analogo intellectus non format multos conceptus, nec concipit singula analogata: Verbi gratia, audita voce sani, non format conceptum de

de sanitate animalis, vel medicinæ, sed confusum, quendam conceptum facit de sanitate, abstrahendo à sanitate animalis, & medicinæ. Neque dici potest hunc conceptum esse solius vocis, est enim etiam rei, sed in confuso, concipitur enim res quædam sana, sed indeterminatè, quocunque tandem modo sit sana non descendendo ad rationes particulares talis vel talis sani, sed per modum entis cuiusdam sani quocunque id sit modo. Si verò analogum concipiatur in particulari determinatè, dicunt hi authores non posse analogum concipi vno conceptu, sed pluribus; sano enim formaliter, & sano per attributionem ad sanum formaliter, nihil est commune; analogia enim attributionis non consistit in convenientia in aliquo gradu communi, sed in attributione multorum ad vnum tale. Quidam asserunt aliam eius rationem, quia inquiunt, analogia cum non sint merè æquivoca, conveniunt aliquo modo inter se, quæ autem conveniunt inter se, possunt vno communi conceptu concipi. Verum hæc ratio non concludit. Nam analogia attributionis non conveniunt in vna aliqua ratione communi multis sed in vno termino, ad quem alia referuntur.

Dico igitur primò, in Analogis attributionis ab analogo principali, & minus principalibus nihil commune potest abstrahi. Quia quod non est, abstrahi non potest: æ nulla ratio in re est communis talibus analogis, (v. g. sanitati animalis, & medicinæ) Ergo non potest abstrahi ab illis. Ut enim dictum est, talia dicuntur convenire inter se non in aliquo gradu communi, qui

Non 2

de illis

In Analogia Attributionis ab analogo principali & minus principalibus nihil commune abstrahitur.

de illis dicatur, sed in communi termino ad quem referuntur. Neque dici potest saltem in confuso posse affirmari de illis vnum conceptum & rationem communem, quia talis conceptus nullum est fundamentum in re, cum inter se nullam habeant convenientiam, sed tantum ordinem ad vnum. Quod verò dicitur, audita voce sani, formari à nobis vnum conceptum sani. Respondeo, hunc conceptum non esse vnius rei: quia non concipitur aliqua vna ratio sani nec specifica, nec generica, sed tantum quiddam voce sani significatum, quomodo etiam audita voce æquivoca concipimus quiddam voce æquivoca significatum, nihil aliud de re concipiendo, nisi quod tali voce significetur.

Ab analogis minus principalibus abstrahitur communis ratio, speculans ad analogiam proportionis.

Dico Secundò. Ab analogis minus principalibus, potest abstrahi communis ratio, sed ea spectat ad analogiam proportionis, non attributionis: Omnia enim analogia minus principalia conveniunt in hac communi ratione quod referantur ad principale analogatum; convenient autem in hac ratione proportionaliter, quia licet diversis modis referantur ad principale analogatum; conveniunt tamen in hoc, quod suis modis & cum proportionem quadam referantur ad vnum, quæ convenientia est proportionis. Ex quo patet absolute loquendo ab analogis attributionis, quæ attributionis sunt, nihil posse commune abstrahi, quod analogiam attributionis constituat. Nam illud commune quod ab analogis attributionis abstrahi potest, constituit analogiam proportionis, non attributionis.



QVÆ-

QUESTIO III.

De Analogia proportionis.

DE his Analogis primum illud queri potest. An sola ^{Proportio sola} proportio ^{sufficiens ad} sufficiat ad rationem analogiz consti- ^{rationem ana-} tuendam. ^{logia constituitur.} Videtur enim proportio non in analogis tantum, sed & vniuocis inueniri, quam enim proportionem animal in homine habet ad hominem, eandem habet animal in bruto ad brutum. Porro hæc proportio est vniuoca: quia eadē omnino ratione se habet animal in homine, vt in bruto, ergo sola proportio non sufficit ad constituendam analogiam; alioqui vniuoca essent analogia. Propter hanc rationem quidam recentiores negarunt proportionem sufficere ad analogiam, nisi sit coniuncta cum attributione ad principale analogatum.

Sed hæc sententia & noua est, & non satis firmā ratione nititur. Nam etsi proportio eorum quæ vniuocē in aliqua ratione conueniunt non constituat analogiam, tamen proportio eorum, quæ æquiuocē se habent, & secundum diuersas rationes respectu eiusdem vocis constituit analogiam. Duo enim ad analogiam requiruntur, vt & analogia sint diuersa, & vt aliquo modo inter se conueniant; Quare non omnis proportio, sed solum illa, quæ inuenitur in rebus diuersam sub vno nomine essentiam habentibus, facit analogiam proportionis. Iam quod dicitur ad analogiam proportionis requiri ordinem & attributionem ad principale analogatum, vt cū principium dicitur proportionaliter de fonte, & de corde; de corde tamen dicitur pro-

Nam 3 pter

ter similitudinem fontis, & propter attributionem ad fontem.

*Inter analogia
Proportionis
dari principale
analogatum est
per accidentis.*

Primum respondeo: esto ita res habeat, ut inter analogia proportionis semper inueniatur aliquod principale analogatum, cuius respectu alia dicuntur talia; tamen ad analogiam proportionis hoc per accidentis facit: Nam siue respectu alicuius principalis, siue non, proportio illa conueniat, dummodo omnibus conueniat, erit vera analogia proportionis, cum nihil essenziale desit ad analogiam.

Vnde saltem per rationem posset abstrahi analogia proportionis, ab analogia attributionis, & considerari sine analogia attributionis. Deinde analogia proportionis non solum est inter principale, & minus principale, sed etiam inter minus principalia inter se; verum enim minus principalia, inter se proportionaliter conueniunt, etiam si nullum respectum ad aliquod principale dicerent. Potest enim quis vel ignorare, vel non considerare talem relationem ad principale, & tamen intelliget perfecte rationem proportionis analogicæ, quia intelliget conuenientiam diuersarum rationum sub vno nomine.

Respondeo secundò: Non esse necesse in analogia proportionis semper dari principale analogatum, cuius respectu alia dicuntur talia: Nam est id verum sit in analogis Metaphoricis, quæ metaphoricè dicuntur talia, ob similitudinem quam habent cum propriè tali, sicut risus dicitur de homine, & de prato, sed de homine propriè, de prato per similitudinem cum risu hominis; tamen in aliis potest esse proportio analogica, sine attributione ad aliquod principale. Sic quantitas & qualitas habet proportionem in ratione accidentis, sine

vlla

ulla attributione vel vnus ad alterum vel vtriusque ad
tertium tale. Nam licet tam quantitas, quàm quali-
tas sint accidentia per ordinem ad substantiam; hic ta-
men ordo ad substantiam, non est tanquàm ad princi-
pale analogatum; principale enim analogatum debet
esse tale secundum nomen, qualia sunt minùs princi-
palia, vt paulò antè docuimus, debet etiam dicere ana-
logiam ad minùs principalia analogata, quorum cùm
neutrum sit in substantia, vt substantiæ nomine signifi-
catur, non poterit dici substantia principale analogata;
nullo enim modo est analogatum; quia nullo mo-
do analogiæ rationem habet.

Quæri secundò potest. An analogum proportio-
nis & conceptus eius, significet immediatè multa vel
vnum. Suarez primo tomo Metaph. disput. 2. docet
analogum immediatè significare vnā rationem &
nullo modo multas nec confusè, nec distinctè, illam
tamen rationem vult non eadem ratione conuenire
multis, quia à similibus, quā similia sunt, potest ab-
strahi vnus conceptus communis: at analogia propor-
tionis sunt similia secundum proportionem: ergo ab il-
lis potest abstrahi vnus cōmunis conceptus proportio-
nalis. Porro in hoc conceptu nec actu confuso, nec actu
distincto includuntur plura, quia in vno, quā vnū
est, plura non continentur; repugnat enim vnū esse
plura & plura vnū. Potest autem ille cōceptus analogus
etsi non significet actu multa, multis applicari, non
eadem tamen ratione essentiali, sed tantū eadem
secundum proportionem. Et idcirco dicitur analogus
secundum proportionem. Patet totum id in Ente,
quod nullo modo significat immediatè substantiam &
accidens, sed tantū essentiam in communi, quod
entis

*Analogū pro-
portionis signi-
ficetne imme-
diatè multa an
vnum?*

entis significatum diuersa ratione competit substantiæ & accidenti. Oppositum alij tamen communiter docent, nempe analogum immediatè significare multam essentialiter, sed in confuso & sub vna ratione proportionali. Ita Caiet. Opusc. de Anal. Pererius 2. Physic. cap. 2. Fonseca 4. Metaph. cap. 2. Vasquez prima parte disp. 114. cap. 2. Ruuius hic. Probatur autem: Primò. Quia analogum est essentialiter æquiuocum; At nomē æquiuocum significat immediatè plura diuersæ rationis: Ergo & nomen analogum: solumque in hoc differet ab æquiuoco; quod æquiuocum significat plura diuersæ rationis nullam convenientiam inter se habentia; analogum verò significat illam convenientiam proportionalem.

Secundo: Analogum vel significat vnā rationem essentialē, vel non, si primum erit vniuocum, si non; ergo ratio significata per nomen analogum erit multiplex essentialiter. Dices: significare vnā rationem proportionalem. Contra: illa vna ratio proportionalis, non est vna essentialiter; ergo est multiplex essentialiter: nam ratio illa proportionalis est essentia aliqua proportionaliter se habens in multis: Illa ergo essentia proportionaliter se habens, non est vna essentialiter, ergo est multiplex: quare & analogum significans illam essentiam significabit multas essentias in confuso.

Ut hæc difficultas benè dissoluatur duo sunt explicandæ. Alterum, an & quomodo conceptus analogi proportionis sit præcisus à conceptu analogatorum? Alterum, an vnum vel multa significet?

*Præcisus quid sit
ab alio quid sit.*

Quantum ad primum: Præcisus vnum ab alio est vnum non includere aliud. Quare conceptum analogi præ-

præcindi à conceptu analogatorum: est non includere in se conceptum analogatorum. Porro conceptus Analogi est duplex. Formalis & obiectiuus. Conceptus formalis, est ille, quem format in se intellectus de re aliqua, estque illa representatio rei in mente qualiter intellectus eam rem concipit: conceptus verò obiectiuus est obiectum conceptus formalis, estque res ipsa obiecta intellectui sub ea ratione sub qua representatur per conceptum formalem. Certum est igitur conceptum formalem analogi esse præcisum rei ipsa à conceptu formalis analogatorum: quia conceptus analogi & analogatorum sunt duo conceptus realiter inter se distincti, nec vnus includit alterum. Quis enim negat alium esse conceptum formalem entis, alium substantiæ? Nam conceptus entis non representat substantiam sub ratione expressa substantiæ; conceptus verò substantiæ non representat substantiam sub ratione confusa entis: Ergo sicut sunt representationes diuersæ, ita & conceptus formales diuersi, & quidem realiter: quia separari à se inuicem realiter possunt, ita vt existente vno, aliud non existat.

Sed tota difficultas, est de conceptu obiectiuo. An nimirum conceptus obiectiuus analogi sit præcisus & distinctus à conceptu obiectiuo analogatorum. Cum enim concipio aliquod analogum, v. g. Ens, concipio aliquod obiectum, in hoc autem obiecto nihil concipio de conceptu substantiæ: Ergo videtur in obiectiuo conceptu analogi non includi conceptus obiectiuus analogati, ac ex consequenti conceptus isti videntur esse à se præcisi, & distincti; cum præcisio conceptuum nihil sit aliud quam non inclusio vnus conceptus in altero.

Conceptus obiectiuus analogi præcise distinctus à conceptu obiectiuo analogatorum.

Ooo

Et

Et ita sentit Suarius, Verùm communiter Doctores tenent, non distingui conceptus obiectiuos analogi, & analogati: quia vnus includit alium, & in vtroque conceptu, idem planè obicitur, ita vt nihil obiciatur in vno conceptu, quod non obiciatur in alio. V. g. cùm substantia concipitur in ratione entis, huic conceptui nihil aliud responderi in obiecto, nisi substantia sub ratione substantiæ: nam substantia sub ea ratione, sub qua est substantia, est ens, & per eandem rationem substantiæ constituitur, tam in ratione substantiæ, quàm in ratione entis. Nam si quatenus substantia non esset ens, esset non ens, & nihil: Ergo ratio substantiæ est illa, quæ conceptui entis obicitur; ac proinde conceptus obiectiuus entis includit conceptum obiectiuum substantiæ, idemque est obiectum conceptus tam entis, quàm substantiæ. Neque dici potest sub alia ratione formali esse obiectum conceptus entis, sub alia conceptus substantiæ: Nam illa ratio formalis substantiæ, vel est ens, vel non ens: Si est ens; ergo erit obiectum conceptus entis; & sic non erit aliud obiectum conceptus entis, quàm illud ipsum, quod est obiectum conceptus substantiæ: Si verò illa ratio dicitur non esse ens; sequetur esse non ens & nihil. quare nec erit ratio substantiæ, quia ratio substantiæ non est nihil.

At inquires. Conceptus obiectiuus analogi fundat rationem conuenientiæ, conceptus verò obiectiuus analogati non fundat rationem conuenientiæ, sed differentiæ: ergo conceptus isti obiectiui sunt diuersi formaliter: quia in vno includitur aliqua ratio formalis quæ non includitur in altero. V. g. in ratione entis fundatur conuenientia (non enim substantia in ratione sub-

substantiæ convenit cum accidente) sed potius fundatur differentia ab accidente.

Quidam recentiores respondent idem sub eadem ratione formaliter posse convenire simul, & differre. Quæ enim (inquiunt) conveniunt perfectè, in alia ratione conveniunt, in alia differunt; at quæ conveniunt imperfectè, in eadem ratione conveniunt, & differunt, quia in illa eadem ratione nec plenè differunt, nec plenè conveniunt, sed partim conveniunt, partim differunt. Et sic substantia sub ratione substantiæ & convenit cum accidente in ratione entis, & differt ab accidente in propria ratione substantiæ.

Sed isti non satis cautè loquuntur. Nam concedunt idem secundum idem fundare duo contradictoria, quod est impossibile. Cum primum principium in philosophia sit, ut contradictoria non possint competere eidem secundum idem: neque enim dici potest ista esse contradictoria, imperfectè; Nam contradictoria imperfectè dicuntur illa, quæ non secundum totam suam rationem sunt contradictoria, sed secundum vnum sunt contradictoria, secundum aliud non sunt contradictoria: At hic convenientia, & non convenientia, secundum omnem suam rationem sunt contradictoria; totum enim quod affirmat convenientia, negat non convenientia: Ergo ista sunt perfectè contradictoria, & ex consequenti non possunt eidem secundum idem convenire. Deinde affirmatio, & negatio, perfectè sibi opponuntur contradictoriè: Cum ergo convenientia & non convenientia opponantur, ut affirmatio & negatio; sequitur esse perfectè contradictoria. Nam si dicas istam esse imperfectam affirmationem, quia imperfecta conve-

nientia affirmatur, & idè esse imperfectam oppositionem. Contra: illa imperfecta convenientia perfectè affirmatur, quia secundam totam illam suam rationem imperfectam affirmatur, ita vt nihil sit in illa convenientia imperfecta, quod non affirmetur; tota enim convenientia imperfecta affirmatur: Ergo convenientia illa imperfecta, est affirmatio perfecta, & ex consequenti perfectè opponitur contradictoriè negationi oppositæ.

Deinde vrgeri posset & alio argumento. Nam quæ habent distinctas definitiones, distinguuntur formaliter: Analogum & Analogatum habent distinctas definitiones: Ergo distinguuntur formaliter: Ergo non secundum eandem rationem formalem conueniunt illis conuenire & differre. Maior patet. Quia distinctæ definitiones continet distinctas rationes formales. Minor etiam manifesta est, Definitio enim entis est distincta à definitione substantiæ.

Alij respondent Analogum & analogatum differre distinctis conceptibus formalibus, non obiectiuis, ita vt, verbi gratia, substantia quatenus concipitur conceptu formali entis, distinguatur à seipsa concepta conceptu formali substantiæ. Hæc autem differentia cum sit tota extrinseca (sumitur enim ex ordine ad conceptus formales qui sunt extrinseci obiecto) non tollit identitatem intrinsecam conceptuum obiectiuorum. Potestq; hoc explicari exemplo definitionis, & definiti: certum enim est definitionem & definitum non differre conceptibus obiectiuis, quia idem continetur in definitione & definito; quia tamen differunt conceptibus formalibus, ideo potest vnum negari de altero: de-

finicio

finitio enim formaliter non est definitum, nec definitum formaliter est definitio, licet in re sit vnū & idem. Deinde confusum & distinctum conceptibus obiectiuis non differunt: quia idem secundum idem potest concipi confusè & distinctè; & tamen differunt conceptibus formalibus, ita vt eadem res quatenus substat conceptui confuso, differat à se ipsa vt concepta conceptu distincto & expresso. Sed neque hæc responsio tollit difficultatem. Nam licet verum sit Analogum & analogatum differre conceptibus formalibus; tamen argumentum vrget, non solum formalibus, sed etiam obiectiuis differre. Si enim analogum & analogatum solum differrent, vt confusum & distinctum, non differrent conceptibus obiectiuis sed tantum formalibus, quia, vt dictum est idem secundum idem potest concipi, & confusè, & distinctè, ex solo modo concipiendo diuerso, quod etiam exemplo definitionis, & definiti patet. Definitio enim idem significat distinctè & expressè, quod definitum significat confusè & inexpressè: Ac non hac solum ratione differunt analogum, & analogatum, sed etiam ex parte rei, & obiecti ipsius; nam in re ipsa est proportio & similitudo quædam imperfecta analogatorum inter se in ratione analogâ: Ergo ex natura rei & ex natura obiecti includitur in conceptu obiectiuo analogi, aliqua ratio realis, quæ non includitur in conceptu analogati.

Vera igitur responsio est, quam Caietanus assertu opusc. de Analogia, eamque sequuntur communiter recentiores. Analogum conceptum obiectiuum non esse quidem distinctum, aut præcisum simpliciter à conceptu analogati, esse tamen distinctum & præcisum secundum quid; quia licet idem essentialiter concipiatur

*Conceptus analogus obiecti-
uum non potest
præcise &
distinctus sum-
placiter.*

conceptus analogi & analogati, non tamen eadem ratione. Nam ut concipitur conceptus analogi, concipitur illa res sub ea ratione, quæ fundat convenientiam cum aliis analogatis, in conceptu verò analogati, hæc ratio non continetur. Quod igitur non sit præcisus & distinctus simpliciter patet ex ratione allata. Nam ille dicitur conceptus præcisus & distinctus simpliciter, qui simpliciter non includit alium: at conceptus analogi includit simpliciter rationem primam analogati: ergo non est ab ea præcisus & distinctus simpliciter. Minor patet inductione, quia ens in substantia dicitur immediate ipsam substantiam sub ratione substantiæ, quia sub ratione substantiæ est ens: idem patet in aliis analogis.

Secundò Ratione. Quia si non includeret rationem Analogati, esset uniuocum, non analogum. Nam illa ratio analogica eadem ratione conveniret omnibus analogatis, quis in suo conceptu nihil includeret, ex rationibus analogatorum; Hac enim de causa, uniuocum, est uniuocum; quia in suo conceptu communi nil includit de rationibus suorum inferiorum, & ideo eadem ratione omnibus competit.

Dices illam eandem rationem non eadem ratione convenire, sed prius uni quàm alteri. Respondeo. Si illa ratio communis non sit eadem ex parte sua, non erit una ratio: Si verò sit eadem ex parte sua, & solum ex differentiis per quas contrahitur sit diversa: talis diversitas non tollit univocationem.

Sed tantum secundum quid.

Quod verò conceptus obiectivus Analogi sit præcisus, & distinctus, secundum quid, patet. Quia conceptus analogi est conceptus eiusdem quidem rei, sed sub ea ratione, quæ fundat convenientiam cum al-

tera;

tera; conceptus verò analogati est conceptus eiusdem rei, sub ea ratione quâ fundat non convenientiam, sed differentiam illius rei cum aliis analogatis. Quatenus ergo est eiusdem rei conceptus, sic est vnus conceptus, quatenus verò est conceptus eiusdem rei, sed sub ea ratione quâ fundat convenientiam, est distinctus conceptus, secundum quid, à conceptu eiusdem rei, sub ea ratione, quâ fundat differentiam: quia ratio quâ fundat convenientiam, & ratio, quâ fundat differentiam sunt secundum quid diuersæ. Dico esse secundum quid tantum diuersas, quia fundantur in eadem ratione formali. Nam si fundarètur in distinctis rationibus formalibus, etiam si illæ rationes non re sed tantum per intellectum in re distinguerentur, verè essent conceptus obiectiui harum rationum simpliciter distincti. Sic conceptus convenientiæ & differentiæ in homine fundatur in duabus distinctis rationibus formalibus, nempe in ratione animalis & rationalis, quæ sunt rationes formales ab intellectu in homine distinctæ, ita vt vna vt sic ab intellectu distincta non sit alia, licet in re extra intellectum vna sit alia. Hic verò ratio convenientiæ & disconuenientiæ non fundatur in distinctis rationibus formalibus, sed in eadem ratione formali, quæ vtrumq; habet diuersa ratione; fundat enim & rationem convenientiæ, & differentiæ, & ideo isti duo conceptus obiectiui solum differunt, secundum quid. At instabis. Ergo idem secundum idem fundabit duo contradictoria. Respondeo. Idem secundum idem, sed non sub eadem ratione fundare duo contradictoria, non est absurdum; satis enim est, quod illud idem induit diuersas rationes, vt illi contradictoria possint competere secundum illas diuersas rationes.

Dices.

*Conceptus analogus obiecti-
uum non potest
præcise &
distinctus sim-
pliciter.*

conceptus analogi & analogati, non tamen eadem ratione. Nam ut concipitur conceptu analogi, concipitur illa res sub ea ratione, quæ fundat convenientiam cum aliis analogatis, in conceptu verò analogati, hæc ratio non continetur. Quod igitur non sit præcisus & distinctus simpliciter patet ex ratione allata. Nam ille dicitur conceptus præcisus & distinctus simpliciter, qui simpliciter non includit alium: at conceptus analogi includit simpliciter rationem primam analogati: ergo non est ab ea præcisus & distinctus simpliciter. Minor patet inductione, quia ens in substantia dicitur immediate ipsam substantiam sub ratione substantiæ, quia sub ratione substantiæ est ens: idem patet in aliis analogis.

Secundò Ratione. Quia si non includeret rationem Analogati, esset uniuocum, non analogum. Nam illa ratio analogica eadem ratione conueniret omnibus analogatis, quia in suo conceptu nihil includeret ex rationibus analogatorum; Hac enim de causa, uniuocum, est uniuocum; quia in suo conceptu communi nil includit de rationibus suorum inferiorum, & ideo eadem ratione omnibus competit.

Dices illam eandem rationem non eadem ratione conuenire, sed prius vni quàm alteri. Respondeo. Si illa ratio communis non sit eadem ex parte sua, non erit vna ratio: Si verò sit eadem ex parte sua, & solum ex differentiis per quas contrahitur sit diuersa: talis diuersitas non tollit uniuocationem.

Sed tantum secundum quid.

Quod verò conceptus obiectiuus Analogi sit præcisus, & distinctus, secundum quid, patet. Quia conceptus analogi est conceptus eiusdem quidem rei, sed sub ea ratione, qua fundat convenientiam cum al-

tera;

vera; conceptus verò analogatus est conceptus eiusdem rei, sub ea ratione quâ fundat non convenientiam, sed differentiam illius rei cum aliis analogatis. Quatenus ergo est eiusdem rei conceptus, sic est vnus conceptus, quatenus verò est conceptus eiusdem rei, sed sub ea ratione quâ fundat convenientiam, est distinctus conceptus, secundum quid, à conceptu eiusdem rei, sub ea ratione, quâ fundat differentiam: quia ratio quâ fundat convenientiam, & ratio, quâ fundat differentiam sunt secundum quid diuersæ. Dico esse secundum quid tantum diuersas, quia fundantur in eadem ratione formali. Nam si fundaretur in distinctis rationibus formalibus, etiam si illæ rationes non re sed tantum per intellectum in re distinguerentur, verè essent conceptus obiectiui harum rationum simpliciter distincti. Sic conceptus convenientiæ & differentiæ in homine fundatur in duabus distinctis rationibus formalibus, nempe in ratione animalis & rationalis, quæ sunt rationes formales ab intellectu in homine distinctæ, ita vt vna vt sic ab intellectu distincta non sit alia, licet in re extra intellectum vna sit alia. Hic verò ratio convenientiæ & disconuenientiæ non fundatur in distinctis rationibus formalibus, sed in eadem ratione formali, quæ vtrumq; habet diuersa ratione; fundat enim & rationem convenientiæ, & differentiæ, & ideo isti duo conceptus obiectiui solum differunt secundum quid. At instabis. Ergo idem secundum idem fundabitur duo contradictoria. Respondeo. Idem secundum idem, sed non sub eadem ratione fundare duo contradictoria, non est absurdum; satis enim est, quod illud idem induit diuersas rationes, vt illi contradictoria possint competere secundum illas diuersas rationes.

Dices,

*Rationes for-
males quomo-
do sint diuersæ.*

Dices. Illas diuersas rationes, esse diuersas rationes formales, vt patet ex diuersis earum definitionibus. Respondeo. Esse diuersas rationes formales secundum quid in vna ratione formali; simpliciter fundatas, ita vt illæ duæ rationes includant istam tanquā communem, & ideò esse diuersas rationes formales solum secundum quid, non simpliciter. Nam quia rationes istæ formales, in vna fundatur ipsamq; includunt, sunt vnum simpliciter: quia verò differunt aliquo modo; ideò sunt distinctæ secundum quid; quia stante vnitae simpliciter, aliquo modo differunt. Patet hoc in exemplo. Ens dicit substantiam; substantia etiam dicit substantiam. Quia igitur verumque dicit substantiam, verumque erit idem simpliciter; quia verò ens dicit substantiam sub ea ratione quā conuenit cum accidentibus, seu quatenus proportionem in essendo habet cum accidentibus, substantia verò non sub hac ratione dicit substantiam sed sub alia opposita, ideò differunt solum secundum quid. Quare vniuersè loquendo duæ rationes fundatæ in vna aliqua ratione formali; includentes ipsam; sunt formaliter differentes tantum secundum quid; nam simpliciter sunt vnum; si verò sint fundatæ in distinctis rationibus formalibus, quarum vna non includit alteram, ipsæ quoque sunt differentes; & ita hic accidit.

*Conuenientia
fundata ab a-
nalogo qua sit.*

Quod si quæras quænam sit illa ratio secundum quam analogum fundat conuenientiam cū altero. Respondeo: Conuenientiam illam esse proportionem & similitudinem vnius Analogi cum altero; quare natura vt fundat similitudinem illam & proportionem, fundat conuenientiam; vt verò fundat dissimilitudinem & improportionem, sic fundat differentiam. Potest autem tam conuenientia, quàm differentia fundari in vna ratione

tione formali, quando convenientia est imperfecta & non totalis; alioqui convenientia perfecta, & differentia perfecta requirunt distinctas rationes formales in quibus fundantur ut patet in univocis.

Ex quibus patet conceptum Analogum duplici ratione distingui & præscindi à conceptu analogati. Primo, ut confusum à distincto & expresso, & sic præscindit ab expressa ratione analogati, non verò ab ipso analogato simpliciter. Secundò, ut fundat rationem convenientiæ. Nam conceptus Analogati fundat rationem differentiæ. Prior distinctio est per ordinem ad conceptus formales: Nam res dicitur confusè, vel distinctè concipi, quia conceptus eius formalis est confusus vel distinctus. Posterior distinctio est conceptuum obiectiuorum, quia in ipsis obiectis est similitudo & proportio similiter & differentia. Hæc tamen distinctio conceptuum non est simpliciter; quia unus simpliciter includit alium, sed tantum secundum quid; sicut idem sub una ratione consideratum distinguitur à seipso sub alia ratione. Patet etiam conceptum analogum idem significare, quod significat conceptus analogati, sed sub diversa ratione.

Conceptum analogum dupliciter distinguitur & præscinditur à conceptu analogati.

Ad argumentum Suarii Respondeo. A similibus perfectè, potest præscindi simpliciter & perfectè conceptus illius rationis secundum quam sunt similia, sicut quia homines perfectè conveniunt in ratione animalis potest ab illis præscindi perfectè ratio animalis communis: ac si sint similia imperfectè, & secundum quid, non potest ab illis perfectè præscindi ratio, in qua sunt similia, quia illa imperfecta similitudo est mixta quodam modo cum dissimilitudine, & fundatur in eadem ratione formali, quæ etiam fundat dissimilitu-

Argumentum Suarii soluitur.

P p p

dinem.

dinem. Deinde quando similitudo & dissimilitudo fundatur in distinctis rationibus formalibus, tunc ratio fundandi similitudinem potest præscindi perfectè à ratione fundante dissimilitudinem. at quando fundatur in eadem ratione formali, tunc ratio fundans similitudinem non potest perfectè præscindi à ratione fundante dissimilitudinem; quia est eadem ratio fundans utrumque, & idem à seipso distingui perfectè non potest, sed tantum imperfectè & secundum quid.

*Argumentum
Scoti dissoluitur.*
Ergo.

Ad eundem modum soluitur & illud argumentum Scoti. Conceptus certus distinguitur ab incerto: atqui potest esse conceptus analogi certus, conceptus verò analogati incertus: Ergo hi conceptus sunt ex se distincti: Hoc enim argumentum solum probatur in communi distinctionem aliquam horum conceptuum, non verò distinctionem perfectam aut præcisionem simpliciter. Nam etiam potest quis esse certus de definito, quod sit, de definitione vero incertus, quamnam sit talis definiti definitio: & tamen conceptus obiectivi definitionis & definiti non sunt distincti, cum idem sit obiectum utriusque conceptus.

Quantum ad secundum, hoc est quoad unitatem conceptus analogi: difficultas est. An conceptus analogus vnam aliquam rem significet, an verò multas? Suarius enim consequenter asserit, vnam rem immediate significare, & illa mediante multas, quibus illa vna ratio non eadem ratione applicatur. Quod enim vnam rem significet, patet: quia à similibus abstrahitur per intellectum vnus conceptus obiectivus; similia enim quatenus similia sunt vnum: Analogata

autem

autem in ratione communi analogia sunt similia: Ergo concipiuntur in illa ratione ut vnum; Quia verò illa ratio non eodem modo applicatur multis; idè est analogia respectu illorum, non vniuoca.

Opposita sententia est communis. Analogum immediate non significare aliquid vnum sed multa proportionaliter se habentia in aliqua ratione. Ita Authores paulò antè citati. Et probatur primò ex dictis. Nam si conceptus analogus non est præcisus simpliciter à conceptu analogati, sequitur quod sit idem cum ipso, & idem significet, quod analogatum; aliqui si non idem significet, sed aliud, esset præcisus, & extra illum significaret aliud, quod est contra dicta.

Analogum immediate non significat aliqd vnum sed multa.

Secundò: si analogum significat quid vnum præcisum ab analogatis, & illa non includens, sequitur analogum esse vniuocum. Nam illud vnum sub illa ratione præcisa eadem ratione conueniret multis; Nam etsi diuersificaretur in multis; tamen hæc diuersificatio esset, instar vniuoci per adiunctas differentias. Cùm enim illas essentialiter non includat, erit extra illas, & per illas instar vniuoci contrahetur ad diuersas species: Neque verò quid amplius est in vniuoco. Nam vniuocum significat immediate vnum, & mediante illo vno multa: atqui analogum etiam immediate significaret vnum, & illo mediante multa. Deinde si analogum mediante vno significaret multa, vel illud vnum, esset verè vnum in multis, vel multiplex: Si vnum; ergo analogum si significaret multa instar vniuoci, ut dictum est: Nam etiam vnum mediante vno significat multa: si multiplex; Ergo immediate significaret multa.

Secundò. Quod prædicatur de diuersis, quâ diuersa sunt, non potest dici vnum; rebus enim diuersis quâ diuersæ sunt non conuenit vnitas, sed diuersitas: ac analogum prædicatur de rationibus propriis analogatorum quantumuis diuersis: Ergo analogum non significat quid vnum in analogatis sed ipsa analogata diuersa. Minor probatur inductione. Nam ens dicitur de substantia sub ratione propria substantiæ, & de accidente sub ratione propria accidentis: ac istæ rationes sunt diuersæ: Ergo ens prædicatur de diuersis quæ diuersa sunt: ergo non est quid vnum in illis, sed multipliciter dicitur.

Obiicies Primò. Si analogum significat multa non posset concipi analogum, nisi concipiantur multa: ac potest concipi analogum, cum in communi, nullo concepto analogatorum concepto vno, vel aliquib' analogatis, non autem omnibus: Ergo multa non pertinent ad essentiale significatum analogi.

*Analogum quo
sensu dictum si-
gnificare mul-
ta.*

Respondéo. Analogum in hoc sensu dicitur significare multa, quod non vnâ habet significationem, sed multas. Hoc verò sensu posito, potest concipi analogum secundum vnâ significationem non concepta alia significatione, licet non possit concipi sine vllius analogati significatione: nam etsi possit concipi nullo analogato expressè concepto, debet tamen analogatum includi in conceptu analogi, saltem in confuso & indeterminatè; siquidem vt diximus conceptus analogi est idem cum conceptu analogati. Quare non eo sensu Analogum dicitur significare multa, quòd illa expressè & distinctè significet, vel quòd formaliter significet ipsam multitudinem, aut collectionem multorum.

Obiici-

Obiicitur secundò: Si Analogum significaret multa non posset prædicari de aliquo, nisi prædicarentur illa multa de se ipso, quia id prædicatur, quod aliqua voce, vel conceptu significatur; Si ergo voce analogi significantur multa, prædicantur. Respondeo. Etiam æquivocum significat multa, & tamen non prædicatur multa de eodem, sed multa de multis secundum eam significationem, quæ unicuique competit: Ergo similiter prædicatur Analogum cum sit species æquivoci. Unde cum in argumento dicitur: Id prædicari, quod significatur; verum est, si modus prædicationis respondeat modo significationis: Analogum verò non significat multa in vno, sed multa in multis: Ergo etiam non prædicabit multa de vno, sed multa de multis.

Analogum quæ ratione prædicatur multa de multis.

Obiicitur tertio. Si conceptus analogus multa significat, non erit vnus, sed multiplex, Respondeo. Conceptum analogum esse vnum in multis vnitatem proportionis, non verò vnitatem essentiarum. Non enim significat vnā essentiam in multis, sed aliquod proportionaliter se habens in multis. V. g. Ens significat aliquid suo modo existens; iste autem modus existendi alius est in substantia, alius in accidente, proportio tamen in modo essendi est in utroque. Porro vnitas proportionis est vnitas secundum quid; vnitas verò essentiarum est vnitas simpliciter. Quare conceptus vniuocus, quia est vnus vnitatem essentiarum, erit vnus simpliciter; analogus verò quia est vnus vnitatem solum proportionis, erit vnus tantum secundum quid. Oppositum tamen quidam sentiunt, nempe analogum posse esse vnum essentialiter; si inæqualiter conueniat analogatis, nempe prius vni posterius alteri: quia enim hanc inæqualitatem ex sua essentia poscit, vt prius vni quàm alteri competat; nō

Conceptus analogus quæ ratione est vnus cum significet multa?

competet virique, æqualiter, nec omnino eadem ratione, quod ad vniucationem requiritur. & sic rationem essentialiẽ entis volunt prius competere substantiæ quàm accidenti. Sed contra: Quia de essentia vniuoci solum est, vt eadem ratione essentiali competat vniuocatis: hoc enim solum dicitur in definitione vniuocorum, vt sit ratio substantiæ seu essentiæ eadem. Si igitur ratio essentiæ sit eadem etiam si essentia illa prius sit in vno quàm in altero, erit vniuoca. Nam illud prius & posterius, vel sumitur ex differentiis contrahentibus, & talis inæqualitas non officit vniucationi. Semper enim differentiæ contrahentes genus sunt in æquales imperfectione, & idcirco inæqualiter illud contrahunt. Vnde sicut non desinit essentia esse vniuoca, ex hoc quod perfectius existat in vna specie, quàm in altera, etiam si hanc inæqualitatem exposcat ex natura sua: ita neque desinet esse vniuoca ex hoc quod prius sit in vna quàm in alia, etiam si hanc prioritatem exposcat ex natura sua. Vel secundo prius & posterius sumitur ex ipsa essentia, constituta essentialiter per prius & posterius. Et sic non erit vna essentia, sed duæ diuersæ: quia vna essentialiter continebit hoc quod non contineat alia.

*Vnitatis analogia
si sit essentialis
vel accidentalis.*

Quod si queratur. An vnitatis analogia sit dicenda essentialis, vel accidentalis. Respondeo. Vnitatem essentialẽ fundari in essentia, accidentalem verò in aliquo accidente. Quia igitur vnitatis analogia non in essentia, sed in proportionẽ essentiæ fundatur; idcirco est dicenda accidentalis, non essentialis. Nam & proportio in qua fundatur est accidentalis: proportio enim est similitudo quædam, similitudo autem est relatio accidentalis secundum omnes, cum possit abesse

&

& adesse. Ex quo patet, quod esse, vnum analogia, non est esse vnum essentialiter, sed tantum, vnum proportionem; proportionum enim unitas est analogia.

Quæri etiam potest. An analogum, habeat propriè aliquas differentias per quas contrahitur. Respondeo: Non habere propriè, habere tamen aliquo modo. Nam differentia propriè debet esse extra rationem generis, vt sæpe docet Arist. Differentia autem Analogi non est extra rationem analogi, cum Analogum prædicetur de illa. Quia tamen Analogum aliquo modo præscindit à differentiis inferiorum, duplici illa ratione in præcedenti quæstione explicata; idcirco aliquo modo habet differentias contrahentes. Nam, confusa ratio analogi contrahitur per expressam eiusdem rationem, quæ non involuitur vno conceptu. Similiter ratio quæ conuenit cum aliis, contrahitur per rationem quæ differt, ita tamen vt vtræque ratio fundetur in eadem ratione formali. & idem dicendum est de speciebus analogis, quæ modo explicato constant genere & differentia. agnoscit verò species analogas Aristoteles 4. Metaphys. tex. 2. Vbi entis species & species specierum speculari, ad Metaphysicum spectare asserit.

Analogum habet aliquas propriè differentias per quas contrahitur.

Notanda verò sunt duo. Primum est quod cum dupliciter aliquid possit significare multa, vel secundum illam vnam significationem, quomodo hæc vox populus, significat multos homines, vna significatione; vel secundum diuersas significationes, quomodo æquiuocum secundum aliam & aliam significationem, aliud & aliud significat: Analogum non, primo, sed

Aliquid potest significare multa dupliciter.

sed secundo modo multa significat, ita ut Ens, v. g. secundum vnam significationem significet substantiam, secundum aliam significet accidentem; & ex consequenti secundum aliam significationem prædicatur de substantia, secundum aliam de accidente. Vnde apparet quod ens etsi multa significat, non tamen multa de vno prædicatur, sed multa de multis, vnum de vno.

Analogum significare rem sub ratione & convenientia proportionali, quæ sensus est

Alterum est, quod cum dicitur Analogum significare rem sub ratione & convenientia proportionali, non est sensus analogum esse nomen impositum ad significandam formaliter & expressè illam convenientiam & proportionem; Nam proportio est quid relatiuum, & respectualterius dicitur, analogum verò non est necesse esse nomen relatiuum; Ens enim, v. g. est nomen absolutum non relatiuum. Sensus ergo est Analogum significare rem sub ea ratione, qua ei conuenit proportio cum alia re, licet illa proportio non significetur formaliter nomine analogo.

QVÆSTIO IV.

De Vniuocis.

Vniuocum quid?

Vniuoca definit Aristoteles: quorum & nomen commune est, & secundum nomen ratio substantiæ eadem, quæ definitio patet ex definitione æquiucorum explicata.

Vniuocis ratio qua requiritur.

Ad rationem igitur vniuoci pertinet & vnum nomen, & vna ratio substantiæ. Æquiucum enim est vnum nomen, sed non vnam rationem substantiæ significat. Analogum est vnum nomen, & vnam rationem signi-

significat, sed vnā secundū quid, non simpliciter, hoc est vnā secundū proportionem, vel attributionem: vniuocum verò est vnū nomen, & vnā simpliciter rationem substantiæ significat. Nomine autem substantiæ intelligit Aristoteles, non substantiam, vt opponitur accidenti sed vt significat essentiam, nam & in Græco habetur *εἶδος*, quod significat essentiam. Vnde etiam accidentia in abstracto dicuntur vniuocè de suis inferioribus, & significant rationem substantiæ communem, vt color, cum de albedine, & de nigredine dicitur.

Quod si obiicias. Aristotelem negare passim accidentia dici vniuocè de subiecto, sed tantū denominatiuè, vt album de homine, quia dicuntur non essentialiter, sed accidentaliter, requiritque Aristoteles ad vniucationem vt vniuocum dicat rationem substantiæ ipsius subiecti. Respondeo. Accidentia dupliciter prædicari posse: Primò de suis inferioribus & sic prædicantur in Quid & essentialiter: Secundò de suis subiectis, & sic prædicantur denominatiuè, vt album de homine accidentaliter, non essentialiter. Primo ergo modo non negat Aristoteles accidentia prædicari vniuocè, quia sunt vera genera, & species, respectu suorum inferiorum. Sic color prædicatur de albedine & nigredine, tanquam genus vtriusque. Verū tunc non prædicantur per modum accidentium, sed per modum substantiarum; Secundo vero modo negat prædicari vniuocè; modus enim proprius prædicandi vniuocorum est prædicari essentialiter secundū nomen & rationem substantiæ eandem, vt in definitione dicitur. Quia igitur in prædicatione denominatiua non seruatur nec indicatur hic modus prædicationis essentialis,

Accidentia prædicantur dupliciter.

Qq q sed

sed est tantum modus prædicationis accidentalis, idcirco denominatiua ut denominatiua non prædicantur vniuocè, quia non significant rationem substantiæ eius de quo prædicantur. Ratio enim substantiæ non significatur per quale, sed per quid; At inquit denominatiua eadem ratione dicuntur de subiectis, quis non solum secundum idem nomen sed & secundum eandem rationem. Respondeo. dici secundum eandem rationem sed accidentalem, nõ essentialẽ subiecto, & idcirco non simpliciter esse vniuocam, quia non simpliciter vnam rationem subiecti significant, sed tantum vnam rationem accidentalem; solum ergo secundum quid dici possunt vniuocæ; debet enim vniuocum simpliciter, vnam simpliciter rationem subiecti significare, hoc est vnam rationem essentialẽ non accidentalem. Difficultas autem est. An & quomodo conceptus vniuocus sit vnus.

*Conceptus vniuocum quatuor est vnus?
Ad vniuocationem vnitatis realis essentialis nõ requiritur.*

Et quidem Aristoteles conceptum vniuocum ait esse vnum, quia significat rationem essentialis eiusdem, ut patet ex definitione vniuocorum. Vbi notum Primò. Non requiri ad vniuocationem vnitatem realem essentialis, sed vnam rationem essentialis: & quia ratio essentialis est in mente, idcirco & vnitatis naturalis vniuocæ est in mente. Nam quod ad vnitatem realem essentialis attinet eam esse impossibilem demonstrauimus in disputatione de vniuocantibus; cum essentialis rerum à parte rei ita sint diuise ab inuicem, ut non solum vna non sit alia, sed etiam impossibile sit vnam esse alteram. Est igitur vniuocum vnum vnitatis conceptus tam formalis quàm obiectiui sicut & de vnitatis vniuersalis supra demonstratum est.

Quod

Quod si quæras, quomodo conceptus formalis vniuocus sit vnus. Respondeo. Per representationem ipsam rationis essentialis, vbi aduertendum est: aliam esse vnitatem essentialis, aliam vnitatem proportionis essentialis. Analogum significat solum vnitatem essentialis quoad proportionem, vniuocum verò significat vnitatem in ratione ipsa essentialis absolute; vnitas in essentialis est vnitas simpliciter, vnitas verò secundum proportionem, est vnitas secundum quid. Ex quo patet conceptum vniuocum esse simpliciter vnum, quia est vnus secundum rationem essentialis: conceptum verò analogum esse secundum quid vnum, hoc est secundum proportionem, vel attributionem ad vnum.

Vnitatis essentialis & vnitatis proportionis essentialis differunt.

Noto secundò. Ad hoc, vt sit vna ratio essentialis per vniuocum significata, duo requiri: vnum in ordine ad intellectum, vt nimirum sit vna non solum in conceptu confuso, sed etiam in conceptu distincto. Nam etiam ratio analogica in conceptu confuso est vna; tamen si concipiatur distinctè, & explicitè, non erit vna, sed multiplex, quia apparebunt in ea expressè rationes analogatorum, quæ procul dubio sunt diuersæ non vna. Verbi gratia, Cum concipio ens in confuso, non apparet in tali conceptu ratio propria substantiæ vel accidentis: at cum distinctè & expressè rationem entis concipio in substantia, concipio propriam rationem substantiæ. Nam substantia sub propria ratione substantiæ est ens. Si igitur ratio illa communis sit vna & eadem in multis, nõ solum secundum conceptum confusum, sed etiam secundum conceptum distinctum, erit procul dubio vna vnitatis essentialis, non verò solum vnitatis proportionis.

Ratio essentialis vna per vniuocum significata, duo requiritur.

Alterum requiritur in ordine ad inferiora, nimirum, ut ratio illa communis nullo modo includat rationes inferiorum, nec includatur ab illis. Nam si includat illas, non erit una & eiusdem rationis in illis, sed diuersa in diuersis, quia aliam differentiam includet in uno, aliam in alio: & sicut differentiarum sunt diuersae, ita & ratio illa communis esset diuersa: Si verò includatur in illis, signum est non esse distinctam ab illis; Propter hanc enim causam ratio analoga non est simpliciter una, quia non est praecisa à rationibus inferiorum, nam & includit rationes inferiorum in confuso & includitur ab illis.

Ratio ergo vniuoca debet esse praecisa perfecte à rationibus vniuocatorum, alioqui si non sit praecisa perfecte, erit quoad substantiam eadem cum rationibus inferiorum, ac proinde in diuersis diuersa; quia rationes inferiorum sunt in diuersis diuersae. Dixi debere esse praecisam perfecte. Nam etiam analoga ratio est praecisa imperfecte: quia est praecisa à ratione expressa inferiorum; vniuoca autem debet esse perfecte praecisa, hoc est tam à ratione expressa, quam à ratione confusa suorum inferiorum, ita ut nec expresse nec confusè includat sua inferiora.

*Ratio aliqua
perfectè praecisa
quæ cognoscitur?*

Quod si quæras? Quomodo cognosci potest rationem aliquam esse perfecte praecisam. Respondeo. Ex duobus. Primò, si sit praecisa in conceptu distincto. Nam si concepta distinctè & expresse non inuoluit quidquam ex rationibus inferiorum, est perfecte praecisa ab illis, quia in perfecto suo conceptu illa non includit. Si verò solum sit praecisa in conceptu confuso & imperfecto quomodo analoga sunt praecisa, à suis analogatis, sic non est perfecte praecisa, quia verè illa includit, sed ob

ob imperfectionem conceptus non apparet ista conclusio. Secundò, si non prædicetur in quid de differentiis inferiorum; hoc enim signum est non includi in illis, nec illas in se includere. Nam quod prædicatur de aliquo in quid, est idem cum illo: Ergo si aliqua ratio communis prædicatur de rationibus inferiorum, erit eadem cum illis, nec distinguetur ab illis simpliciter, nisi fortè secundum quid, quomodo idem à seipso sub alia ratione consideratum distinguitur. Et hæc sint duæ regulæ cognoscendi rationes vniocaræ.

Ex quibus intelligitur, quomodo verum sit quod ait Aristoteles, differentiam esse debere extra rationem generis: quia nimirum genus vniocum debet esse perfectè præcisum à suis differentiis, ut nec illas includat, nec includatur in illis.

Differentiam debere esse extra rationem generis, quæ verum?

Sed quæri potest. An possit aliquid esse commune vniocè multis speciebus, & non esse genus, Scotus enim & Sotus affirmât, quos plerique sequuntur; Aiunt enim ad vniocationem sufficere vnam rationem communem præcisam à differentiis, hoc est differentias in suo conceptu formali non inuoluentem. Ad rationem verò generis requiri aiunt, non solum ut ratio illa communis præscindi possit à differentiis, sed etiam ut differentiarum præscindi possint à ratione illa communi: Fundant verò hanc doctrinam in Aristot. qui 3. Metaph. c. 10. negat ens esse genus, vilius rei, quia nullares præscindi potest ab ente; aitque impossibile esse, genus de propriis differentiis prædicari, & alibi passim docet, differentias debere esse extra rationem generis. Hanc ob causam Scotus concedit ens esse vniocum respectu omnium entium non tamen esse genus, quia licet ipsum præscindat à differentiis entium: differentiarum tamen ab

Potest esse aliquid commune vniocè multis speciebus, nec tamen esse genus?

ipso non præscindunt: quia differentiæ entis, sunt entia, cum sint extra nihil. Sotus etiam idem concedit de accidente in communi respectu omnium accidentium.

*Quod prædicatur
vniuocè de
speciebus est
eorum genus
illarum specierum.*

Dicendum tamen est omne quod vniuocè prædicatur de speciebus esse verum genus illarum specierum: Probatur primò, ex definitione generis, in qua nihil aliud ponitur, nisi quod prædicetur de pluribus differentiis specie in quid. Ergo aut hæc definitio erit insufficientis; aut si est sufficiens, sufficiet ad rationem generis communitas vniuoca secundum prædicationem: Secundò: quia omne vniuocum significat rationem communem; Differentia verò rationem propriam. At sicut commune præscindi potest à proprio, ita proprium à communi: quia sicut commune quàm commune, non est proprium; ita proprium quàm proprium nõ est commune. ergo, si ratio communis vniuoca præscinditur perfectè à differentia; etiam differentia præscindetur perfectè ab illa ratione communi. Vnde rectè inferri potest, si aliqua differentia non possit præscindi ab aliqua ratione communi, illam rationem non esse vniuocam, nec præscindi perfectè à differentia, sed solum ex confuso modo concipiendi.

*Diuisio necesse
est ut sit mutua.*

Quod ut clarius intelligatur ostendo impossibile esse aliquid diuidi ab altero, quin alterum quoque diuidatur ab illo; ita ut sit necesse diuisionem esse mutua, & vtrinque patet id primò inductione in omni diuisione: non enim potest dari vlla diuisio in rerum natura quæ non sit vtrinque: Si enim pars ligni diuidatur à reliquo ligno, necesse est alteram quoque ligni partem diuidi ab illa: Si enim non sit diuisa, erit indiuisa & coniuncta. At quomodo potest esse coniuncta, rei à

sc.

se diuise & sibi non coniunctæ? Dices, id esse verum in diuisione reali non rationis. At contra: quod diuisioni, vt diuisio est, conuenit, necesse est conuenire, omni diuisioni; quod enim conuenit generi, conuenit omnibus sub ipso contentis: Atqui diuisioni, vt diuisio est in genere, conuenit, vt sit diuisio vtrunque; nihil enim potest esse diuisum à re, à se indiuisa: Ergo id omni diuisioni conuenit, tam in re quàm in mente. Deinde ratio est duplex. Prima: quia relatiuum non potest esse sine suo correlatiuo, cum relatiua sint simul naturæ: Ergo & relatio diuisionis inter duo diuisa non potest esse nisi vtrunque sit relatio diuisionis: diuisa enim, secundum relationem diuisionis sunt correlatiua, quæ est relatio Equiparantiæ: Secundò: quia implicat contradictionem vt aliquid sit diuisum à re, à se indiuisa, vt dictum est, esset enim simul diuisum & indiuisum, diuisum ex suppositione, indiuisum propter indiuisiōnem illius rei ab ipso.

ma. At obijciunt, animal posse præscindi ab homine, non autem hominem ab animali. Respondeo. Animal non præscindi à tota hominis essentia, cum sit pars essentia, sed ab vna tantum parte; essentia hominis, nempe rationalitate: quare sicut animal præscindi potest ab homine secundum rationalitatem tantum considerato: ita & homo secundum rationalitatem tantum consideratus, præscinditur ab animali: quia vt rationalis est non est animal. Secundum verò priorem essentia partem, nec animal ab homine, nec homo ab animali præscindi potest: quia homo secundum vnâ essentia partem, est animal: Cum etiam aiunt ens præscindi à substantia & accidente non è contra: dicendum est

est istam præcisionem non esse vniuocam, esse tamen mutuum: nam sicut in conceptu entis non includitur expressè conceptus substantiæ, ita in conceptu proprio substantiæ, non includitur expressè ratio entis, licet implicite vtrumque in vtroque includatur. Vnde possum scire aliquid esse ens, nesciens expressè an sit substantia vel accidens: item possum concipere substantiam conceptu proprio nihil expressè cogitando de ente: ita vt conceptus expressus substantiæ non sit expressus conceptus entis & è contra.

Ex quibus patet ad fundamentum primæ sententiæ: de ratione enim vniuoci est, vt sit præcisum vtrunque, ita vt si differentia non præscindat ab illo, illud non sit vniuocum.

Possunt aliquæ esse simul vnum genere & analogia.

Quæri etiam potest, an aliqua possint esse simul vnum genere & analogia, id enim affirmat Aristot. 5. Metaph. 4. 12. quæ sunt, inquit, vnum genere non esse vnum specie, sed posse esse vnum secundum analogiam; & quæ sunt vnū analogia, non omnia genere esse vnum, indicans aliqua esse vnum genere. Quam doctrinam ita declaro. Possunt enim aliqua habere analogiam in specie; conuenire verò vniuocè in genere. v. g. Sanitas animalis & sanitas pomi; in ratione sanitatis sunt analogæ, vt verò sunt qualitates quædam sunt vniuocæ, & sic analogæ in illa ratione in qua sunt analogæ possunt certo respectu esse vniuocæ, quare repugnat quidem analogum quā analogum formaliter esse vniuocum, cum diuersa sit ratio analogi & vniuoci: non repugnat tamen, id quod est vna ratione analogum alia ratione esse vniuocum, & ex consequenti non repugnat esse aliqua simul vnum analogia & genere.

QVÆ-

QVÆSTIO V.

An ens sit uniuocum respectu omnium entium particularium.

HÆc quæstio tractatur hoc loco à nobis, tum propter proximitatem eorum, quæ de uniuocis & analogis docuimus: tum quia in tota Philosophia huius quæstionis doctrina supponitur. Scetus igitur & Nominales in primo, distinctione tertia, consentiens uniuocè convenire omnibus entibus, Deo, & creaturæ, substantiæ, & accidenti. Fundamentum est; Quia omnia entia conveniunt essentialiter in ratione communi entis, differunt in rationibus particularibus & modis entium, nempe quod hoc sit ens dependens, illud independens, hoc per se existens illud in alio existens. Hanc autem convenientiam esse uniuocam patet; quia in ratione entis incommuni nullum est discrimen inter entia, sed solum in rationibus propriis, & specificis entium quod uniuocationi non repugnat. Nam omne uniuocum habet diuersas differencias, per quas contrahitur, solum autem diuersitas in ipsa ratione communi repugnat uniuocationi. Deinde aiunt, conceptum certum distingui ab incerto; ac conceptus entis potest esse certus, incerti vero conceptus particularium entium. Ergo conceptus entis est distinctus & præcisus à conceptibus particularium entium, & per consequens uniuocus: quia non habet unde diuersificetur; Rationes enim particularium entium cum sint ab eo distinctæ, non faciunt eum in se diuersum. Minor probatur: quia possum esse certus de aliqua re quod sit Ens, & incertus, an illa res sit substantia, vel accidens, ut cum de quantitate dubitatur, an

R r r

sit.

sit substantia, vel accidens, nemo autem dubitat an sit ens; Ergo. Ex quo inferunt, omnibus rebus mundi dari vnum communem conceptum vniuocum, qui est communis conceptus entis; Inferunt etiam Deo & creaturis dari quid commune, vniuocum in genere, licet non possit dari quid commune vniuocum in specie, quia Deus in genere conuenit cum aliis entibus, in specie autem cum nulla re conuenit.

Alii tamen communiter dicunt cum Aristotele, Ens nullo modo esse vniuocum respectu entium particularium, nec significare communem essentiam omnibus entibus, sed immediatè significare diuersas essentias, per modum æquivoci, & secundum vnam significationem conuenire substantiæ, secundum aliam accidenti. Ita docet expressè Aristoteles 4. Metaph. tex. 2. & 7. Metaph. tex. 1. vbi ait. Ens multipliciter dici, & non vnum quid significare, nisi per attributionem ad vnum; quædam enim, inquit, dicuntur entia, quia substantiæ; quædam, quia passionibus substantiæ; quædam quia via ad substantiam & aliis modis, idq; declarat exemplo sani, quod non est dubium esse Analogum, non vniuocum. Cum Aristoteles sentiant omnes Peripatetici, & sanctus Thomas in expositione loci citati, & rationem optimam insinuat Aristoteles. Entia enim, non ob eandem, sed ob diuersam rationem dicuntur Entia: Ergo ens non significat vnam rationem vniuocam, sed multas diuersas. Antecedens probatur; Quia aliqua dicuntur entia, quia sunt in se entia, vt substantiæ; aliqua dicuntur entia, quia sunt entis entia, vt accidentia. Neque dici potest per hos diuersos modos entis, res constitui in ratione talis entis, non verò absolutè in ratione entis: Nam substantia, & acci-

dens

cident non habent aliam rationem entis, nisi talis, & qua talia sunt, sunt entia.

Dico igitur primò. Ens non esse uniuocum respectu entium particularium. Probatur Primò, ratione Aristotelis adducta. Secundò. Quia si omnia Entia cōuenirent uniuocè in ratione Entis, omnia Entia essent unius & eiusdem essentia, nec ullum esset discrimen essentialiter in rebus. Nam omnes differentia, quæ assignari possunt, essent Entia: atqui qua Entia sunt eiusdem essentia: Ergo omnes differentia in rebus essent eiusdem essentia, & sic periret discrimen essentialiter rerum. Confirmatur. Quia diuersa quæ diuersa sunt, non sunt idem essentialiter, & uniuocè: atqui Entia in rationibus propriis suæ essentia sunt diuersa: Ergo non sunt idem essentialiter & uniuocè in ratione Entis.

Ens non est uniuocum respectu entium particularium

Dices esse idem essentialiter in ratione communi Entis, non in rationibus particularibus. Contra. Quia etiam rationes particulares sunt Entia (alioqui essent nihil) Ergo si in ratione Entis sunt idem essentialiter, sequitur etiam in rationibus particularibus debere esse idem essentialiter, quod quia absurdum est erit etiam absurdum id ex quo sequitur.

Dices rationes particulares esse Entia identicè non formaliter. Contra: Ergo rationes particulares Entium formaliter acceptæ non essent, Entia, aut certè si in sua ratione formali Ens includunt erunt formaliter Entia. Verum quia hanc rationem non omnes admittunt, ideo probo tertio: Quia omne uniuocum dicitur rationem præcisam à differentiis, ut animal dicitur rationem præcisam à rationalitate, & irrationalitate: nam quod non præscindit à differentiis est multiplex, non

Rrr 2

unum;

vnum, quia in diuersis diuersas differentias includit in suo conceptu formali: at Ens non potest præscindi à suis differentiis, seu rationibus particularibus Entium: Ergo Ens non est vniuocum, respectu Entium particularium. Minor probatur. Quia si Ens præscinderetur à ratione propria substantiæ & accidentis, illa ratio propria substantiæ, & accidentis non esset Ens, ac ex consequenti esset nihil. Præscindit quidem conceptus Entis à substantia & accidente, quoad expressas eorum rationes, simpliciter tamen ab eis non præscindit, quia ea dicit in confuso, licet non expresse: ita vt conceptui Entis in substantia nihil respondeat, nisi ratio propria substantiæ, & in accidente ratio propria accidentis confuse accepta. Quare Aristot. rectè docet 4. Met. tex. 3. quod idem significet homo, & homo Ens: quia nimirum Ens includitur in omnibus rationibus suorum inferiorum. Et 3. Metaph. tex. 10. Ex eo probat, Ens non esse genus, quia de differentiis prædicatur; necesse enim est genus præscindi à differentiis, non prædicari de differentiis.

*Conceptus Ens
in immediatè
non significat
quam tantum
rationem.*

Dico secundò Conceptus Entis immediatè significat diuersas rationes singulorum Entium, quatenus suo modo sunt Entia, ac ex consequenti non significat immediatè vnā tantum rationem, vt vult Suarez. Ratio est: quia Ens aliam rationem entis significat in substantia, aliam in accidente. Nam in substantia significat substantiam, in accidente accidens, siquidem substantia, sub ratione substantiæ, & accidens sub ratione accidentis est ens: Deinde illa vna ratio quam dicitur significare Ens vel est vna communis essentia, vel non: si primum; ratio illa erit vniuoca: si secundum; ratio illa multas

multas essentias non vnā significabit. Porro dicitur Ens significare multa, nō quod vna significatione completatur multa, sed quod habet diuersas significationes, & secundū diuersas significationes, diuersa significet in diuersis.

Dico tertio. Conceptus Entis non est præcisus à propriis rationibus particularium Entium simpliciter, sed tantū secundū quid. Quod non sit præcisus simpliciter, & quoad rem significatam patet: quia res immediatē significata per conceptum Entis non est alia, quā rationes propriæ singulorum Entium. Quod verò secundū quid sit præcisus, patet. Quia conceptus Entis est confusus & fundat rationem conuenientiz: conceptus verò substantiæ est distinctus, & fundat rationem differentiz, quare non differunt hi conceptus simpliciter, quia dicunt idem: differunt autem secundū quid, quia dicunt idem sub diuersa ratione. Deinde conceptus confusus, est præcisus à conceptibus expressis & distinctis: at conceptus entis est confusus respectu particularium Entium: Ergo est præcisus à conceptu particularium Entium. quæ præcisio est tantū diuersitas quoad expressionem non quoad substantiā, quia licet significet immediatē particularia Entia, quoad substantiam: tamen nō significat illa expressē sub propriis rationibus, sed confusē. Ex quo patet, Ens simpliciter non abstrahere ab Entibus particularibus, sed tantū ab expressione illorum, quia quoad substantiam illa includit, quoad expressionem verò non includit. Patet etiam Ens non habere inferiora, nisi secundū quid, hoc est quoad expressionem. Nam Entis inferiora simpliciter includuntur in Ente, non verò sunt sub Ente tanquam species ab eo diuersæ.

Rrr 3

Dico

Eni est analogum respectu entium dicitur. Cuiusmodi.

Dico quartò. Ens est Analogum respectu Entium particularium. Ita Aristoteles locis citatis. Et ratio est, duplex enim Analogia Entibus convenit in ratione Entis: una attributionis, alia proportionis. Analogia attributionis est duplex: alia accidentium ad substantiam, alia entium creatorum ad Deum. Nam & accidentia dicuntur entia, quatenus sunt entis entia, hoc est quatenus subsistantur in substantia, & ab ea habent rationem Entis. Entia creata dicuntur entia, quatenus sunt entia ex Deo & ex participatione primi entis, quod est ens per essentiam. Analogia verò proportionis est inter omnia entia, inter se, quia quodlibet ens habet se proportionaliter in ratione Entis; quodlibet enim est suo modo Ens, & sicut se habet, vnum ad suum esse, ita & aliud ad suum, quæ est proportio in ratione entis.

Dices. Si creaturæ sunt analogicè entia, non erunt essentialiter entia, quia ratio analogæ essentialiter est solum in principali analogato, in aliis verò non est essentialiter, sed tantum est relatio & attributio ad essentialem, ut patet in sanitate, quæ secundum suam essentiam, est tantum in animali, in aliis verò vel effectivè vel significativè. Respondeo. Ratio analogæ essentialis, aliquando est una tantum, & tunc solum convenit principali analogato non aliis; aliquando verò est multiplex, & multas essentias diversas continet, cum dependentia tamen ab essentia principalis analogati, & tunc aliis quoque analogatis convenit. Hoc verò modo ens, significat tam Dei quam creaturarum essentiam; sed Dei essentiam significat, tanquam principalis analogati, quia omnia alia entia in suis essentis dependent ab eo, & dicuntur

Ratio analogæ essentialis cuiusmodi. Cuiusmodi.

dicuntur entia quatenus participant rationem entis à Deo, semper tamen essentia principalis analogati ipsi soli competet.

Ex quibus patet ad fundamentum Scoti: omnia enim entia conueniunt, in ratione entis, sed alia & à alia ratione. Ens enim aliam in vno essentiam significat, aliam in altero, in omnibus tamen eandem, proportionaliter. Porro ens non habet vllas veras differentias, quia illae differentiae non sunt extra rationem entis, sed tantum extra rationem expressam entis, continenturque in ente quoad substantiam, licet non exprimantur.

*Entia omnia
conueniunt sed
alia atque alia
ratione.*

Ad aliam confirmationem respondeo. Solum, probare conceptum certum distingui aliquo modo ab incerto, ad quod sufficit distinctio secundum quid, non verò requiritur distinctio simpliciter; eadem enim res confuse concepta potest esse certa, incerta verò quoad id quod est secundum conceptum distinctum. Sic certus sum de leone, quod sit leo in confuso, quid autem sit leo in conceptu suo definitiuo, qui est conceptus distinctus, sum incertus, neque tamen conceptus definitionis & definiti sunt distincti simpliciter; Porro conceptus vniuocus debet esse distinctus

simpliciter à conceptu vniuocatorum, ita vt

ratio significata nomine vniuoco, nullo

modo includat rationem propriam

vniuocatorum.

•••••



QVÆ

QVÆSTIO VI.

*An eadem ratio possit esse vniuoca
& Analoga..*

Quidam affirmant respectu diuersorum eandem rationem esse Analogam & vniuocam. Ita Fonseca 4. Metaphysic. cap. 1. quæst. 1. Sect. 5. *Quia licet respectu eiusdem nō possit esse simul quid vniuocum & analogum; vniuocum enim significat vnā essentiam analogum diuersas, tamen respectu diuersorum id non repugnat: Id enim etiam in purè æquiuocis videmus. Nam canis respectu animalium domesticorum est vniuocum, respectu verò aliorum canum, cœlestis, & marini est æquiuocum: Similiter ens respectu substantiarum est vniuocum, quia substantiæ sicut vniuocè conueniunt in ratione substantiæ, ita & in ratione entis includa in ratione substantiæ, respectu tamen substantiæ & accidentis est analogum..*

Suarus negat 2. Metaph. disp. 21. sect. 2. *Quia analogum est si diuerso respectu possit esse vniuocum, non tamen secundum eandem rationem & impositionem. Nam alia est impositio ad significandam analogam, alia ad significandam vniuocationem:.*

Vox eadem potest esse vniuoca & analoga secundum diuersam significationem.

Dico primò. Potest esse eadem vox vniuoca, & analoga; sed non secundum eandem significationem. Ratio est. Quia vox vniuoca est imposita ad significandam vnā essentiam in multis: Analoga verò est imposita ad significandas multas diuersas essentias in multis: ergo non secundum eandem significationem erit vniuoca & analoga: quia est vniuoca secundum vnā signi-

significationem; analoga verò secundum multiplicem significationem. Quare eadem vox materialiter potest esse uniuoca, & analogæ, sed non eadem formaliter, quia formalitas vocis attenditur ex significatione, quæ in uniuoco, & analogo cum sit diuersa, erit etiam diuersa formaliter vox uniuoca ab Analogæ; Ex quo etiã patet non ex vi eiusdem impositionis vocem esse uniuocæ & analogam, sed ex diuersarum impositionum, quia ubi sunt diuersæ significationes, ibi sunt diuersæ impositiones.

Dico 2. Conceptus analogus nō potest sub eadem ratione esse analogus & uniuocus etiam respectu diuersorum. Ratio est. Quia conceptus dicitur analogus propter multas diuersas significatas rationes; uniuocus verò dicitur propter vnā rationem significatam; Atqui eadem ratio non potest esse vna essentialiter, & multiplex essentialiter etiam respectu diuersorum: Ergo nō potest conceptus analogus sub eadem ratione esse uniuocus & analogus, quia non potest res esse secundum eandem rationem vna & multiplex. Nam si est vna, habet vnā differentiam essentialē; si est multiplex, habet non vnā, sed multas differentias essentielles; hæc autem cum sint opposita, in eandem essentiam cadere non possunt, etiam respectu diuersorum, essentialia enim conueniunt rei absolute non per respectum ad aliud. Quare parum refert ad hoc respectus ille diuersus; in his enim solum habet locum diuersus respectus, quæ respectu aliorū dicuntur talia, non verò quæ absolute in se sunt talia; Ex quo patet, cum enō dicitur uniuocæ de rebus eiusdem speciei, non esse illud ens, quod est analogum: Nam ens quod est analogum, est quid commune, substantiæ, & accidenti, & secundum suam significa-

Conceptus analogus non potest esse analogus & uniuocus sub eadem ratione etiam respectu diuersorum.

nationem extendens se ad substantiam, & accidens, non
verò dicitur de substantiis eiusdem speciei, contrahitur
ad vnā significationem, & vnā rationem Entis de-
terminatam, secundum quam Ens non est analogum,
sed vniuocum.

*Analogatum
potest esse sub
eadem ratione
analogatum &
vniuocum di-
uerso respectu.*

Dico Tertiò: Analogatum potest esse sub eadem
ratione Analogatum, & vniuocum diuerso respectu.
Pro quo nota. Aliud est, esse Analogum, aliud Anglo-
datum. Nam Analogum dicit multas rationes in con-
fuso & multas significationes. Analogatum autem di-
cit vnā rationem determinatam. V.g. Ens vult Ana-
logum dicit in confuso substantiam, & accidens secun-
dum aliam & aliam significationem; vt verò est analogatū
dicit substantiam tantum vel accidens tantum, Quare
aliud est querere, an analogū sub eadē ratione sit analog-
gū, & vniuocum, aliud verò, an analogatum possit esse
sub eadem ratione Analogatum & vniuocum. Nam ad
primam quæstionē respondetur negativè, cum vniuo-
cum significet vnā essentiam, Analogum multas. Ad
secundam verò Respondetur affirmatiuè; Analogatum
enim vnā essentiam determinate significat sub gene-
re analogo, quæ potest simul esse & vniuoca respectu
suorum inferiorum, & analogicè se habēs respectu alio-
rum analogatorū, quatenus non eadem ratione se habet
sub illo nomine analogo, sicut alia analogata. V.g. Ens
quod dicitur de substantia vniuocè conuenitiis, quibus
vniuocè conuenit ratio substantiæ: at respectu acci-
dētium est ens analogicè, quia alia ratione est ens quàm
accidentia. Et hoc solum probat prima sententia,
nempe posse esse idem analogatum & v-
niuocum diuerso respectu.



DISPUTATIO VII.

De Prædicamentis in communi.

Prædicamentum est series & dispositio generum ac specierum, sub uno summo genere. Quare prædicamentum non significat summum genus, sed multa genera & species coordinatas sub uno genere summo, ipsum verò summum genus non est Prædicamentum, sed genus Prædicamenti. Porro tractatio Prædicamentorum, ut continent res, propriè ad Metaphysicum spectat. Eius enim proprium munus est considerare Ens & omnes divisiones ac species Entis. Una autem divisio Entis est in decem summa genera prædicamentorum. Quoad considerationem verò generum & specierum secundum prædicationem, est tractare Logici. Quanquam rudis etiam & imperfecta prædicamentorum, ut res sunt, tractatio, suo modo

*Prædicamentis
quid est.*

*Prædicamenta
quomodo
spectant ad Logicam,*

Sss 2 ad

ad Logicum etiam pertinet. Dixi suo modo, hoc est, non per se, sed per accidens. Non per se quidem; quia tractatio rerum est extra rationem formalem Logica qua solum de operationibus intellectus agit: per accidens autem; quia ea tractatio conducit ad finem Logica nempe ad meliorem cognitionem & directionem operationum; ad hoc enim rudis & generalis rerum tractatio plurimum conducit.

QVÆSTIO PRIMA.

An diuisio Entis in decem summa Genera sit Prima, bona, & sufficiens Entis diuisio.



Ris quaeratur: An ea diuisio sit prima: Secundò; An bona: Tertiò: An sufficiens. Quantum ad primum. Illa dicitur prima. Entis diuisio quæ aliam priorem non supponit, sed ipsa potius præsupponitur aliis diuisionibus.

Dico igitur Primò. Diuisionem Entis in decem summa Genera non esse primam diuisionem; quia hæc diuisio supponit aliam priorem; nempe diuisionem Entis in Substantiam & Accidens; nam accidens postea diuiditur in nouem genera.

Dico

Dico Secundò. Neq; diuisionem Entis in substantiam & accidens esse primam; quia hæc etiam diuifio supponit aliam priorem nempe in Ens creatum & increatum, dependens & non dependens, Ens à se & Ens ab alio. Nam cum Ens diuidatur Analogicè in sua membra, prior Analogia est Entis creati cum increato, quam accidentis cum substantia; Prior enim dependentia in genere Entis, est Entis creati à Deo, quam Entium Creatorum inter se.

Dico Tertiò, diuisionem Entis, in Ens creatum, & increatum, seu in Ens à se, & ab alio, dependens & independens, esse primam diuisionem Entis; quia hæc nullam aliam præsupponit, eam verò aliter supponunt. Diuifio enim Entis est secundum Analogiam: Analogia autem consistit in dependentia Entium in ratione Entis, à principali Ente. Prima autem dependentia Entium est à Deo, quam deinde sequitur dependentia Entis à substantia.

Quantum ad secundum. Videtur ea diuifio non esse bona; Lex enim diuisionis postulat, vt fiat diuifio in duo membra opposita, quæ deinde subdividuntur. Poterat igitur & debebat Ens diuidi, in substantiam, & accidens; deinde accidens, in absolutum & respectuum: absolutum in intrinsecum, & extrinsecum; intrinsecum in quantum, & quale; extrinsecum, in vbi, quando, sicut habere: respectuum verò, in relatione, actionem, passionem.

Dicendum tamen est. hanc diuisionem esse bonam *Diuisio bona.* ex fine eorum, qui prædicamenta inuenerunt: id enim quod spectarunt primi inuectores prædicamentorum est, vt ad scientias addiscendas oculis obiicerent summa rerum omnium genera, & varios modos afficiendi, &

denominandi primam substantiam. Hoc autem omnium optimè præstiterunt, propositis decem summis rerum generibus ad quæ omnes res reuocantur, & omnes modi efficiendi & denominandi primam substantiam, quæ est primum omnium subiectum de quo omnia enuntiantur. In aliis verò diuisionibus non ita explicite proponuntur rerum diuersa genera, & diuersi modi reales efficiendi & denominandi primam substantiam sed valde in generali & in confuso, ut patet in diuisione Entis in substantiam & accedens. Non enim in hac diuisione explicantur genera accidentium, & modi speciales ipsorum efficiendi & denominandi primam substantiam, sed in confuso solum in accidente includuntur. Quare & si potuerit aliis modis fieri ista diuisio, hic tamè visus est omnium optimus & maximè accommodatus ad dictum finem.

*Diuisio in bi-
membria*

Quod verò dicitur de diuisione bimbri, ea quidem per se loquendo fieri debet per duas differentias oppositas, si res per se spectetur, non verò si aliquis specialis finis intendatur, ad quem magis sit conueniens, & accommodata in plura, quam in duo membra diuisio. Vti hic accidit, Alii etiam huius rei reddunt rationem, quod ea diuisio fieri debuit in genera vniuoca, prima autem genera vniuoca sunt decem: Nam alia quæ de illis affirmantur sunt Analoga, sed hæc ratio supponit id, quod est valde dubium genera prædicamentorum debere esse vniuoca, de quo infra.

*Diuisio suffi-
cienti.*

Quantum ad tertium. Hanc diuisionem esse sufficientem inde patet, quod neque plura dari possunt, summa rerum genera, neque hæc decem ad pauciora reuocari. Pro quo notandum est. Primò. Ens quod diuidi-

diuiditur in decem summa genera, non esse Ens amplif-
simè acceptum, vt est commune Deo, & creaturis, sed
solum vt completitur omnia Entia creata, ita vt Ens
creatum sit illud, quod diuiditur in decem summa ge-
nera. Ratio huius sumitur tum ex natura rei, tum ex
fine & intentione eorum quicam diuisionem fecerunt.
Nam quod ad naturam rei attinet, Ens vt est com-
mune ad creatum, & increatum, non potest diuidi, *Ens creatum
diuiditur in
decem genera.*
in summa decem genera, quæ tam creatum, quàm in-
creatum Ens comprehendant. Nam Ens increatum
non potest contineri sub genere, cum generica illa
determinatio Enti per essentiam repugnet, vt infra
demonstrabimus. Altera etiam ratio sumitur ex fine
eorum, qui prædicamenta inuenerunt. Voluerunt e-
nim in primis distinguere summa rerum genera, ad
quæ res omnes reuocarentur, & in illis ostendere om-
nes modos reales efficiendi & denominandi primam
substantiam. Deinde non de omni substantia agere
voluerunt, sed solum de ea, quæ est subiecta acciden-
tibus; cum enim in rebus viderent varias res coniun-
ctas in vnum, nempe cum substantia coniuncta esse
varia accidentia, voluerunt confusionis vitandæ causâ,
singula in sua genera distribuere, & in vno genere
posuerunt substantiam subiacentem accidentibus, in
aliis verò nouem variâ accidentium genera. Patet
autem hoc manifestè ex definitionibus & proprietat-
ibus substantiæ, quæ non conueniunt nisi substantiæ
accidentibus subiectæ. Nam Aristoteles maximè pro-
prium substantiæ ait esse susceptiuam contrariorum,
quod non nisi substantiæ creatæ, accidentibus subie-
ctæ, competit.

Notan-

Non sunt pauciora Prædicamenta.

Notandum est secundò. Rationem sufficientiæ huius diuisionis ex duobus pendere. Primum est quod summa genera non possunt esse pauciora. Alterum quod non possunt esse plura. Nam si pauciora statuatur non expriment sufficienter (nisi valdè confusè & genericè) diuersos modos Entium, nec diuersos modos afficiendi, & denominandi primam substantiam. Est enim prima substantia, primum subiectum omnis prædicationis, & denominationis; in ea enim omnia insunt, & de ea omnia dicuntur. Aliqua ergo afficiunt, & denominant primam substantiam essentialiter, vt sunt genera, & species substantiarum, quæ continentur sub vno genere substantiæ; alia verò accidentaliter, & sic dantur nouem accidentium genera continentia nouem modos diuersos afficiendi & denominandi primam substantiam, nempe in quantum, quale, ad aliud, vt agentem, vt patientem, vt alicubi, vel aliquando, existentem, vt depositam secundum situm, & habentem. Totidem etiam sunt interrogationes de rebus ad quas omnes responderetur per hæc decem summa genera. Ex quo etiam patet summe genera non debere esse plura, cum ad hæc decem omnia commodè reuocentur quantum ad finem sciæptiarum addiscendarum requiritur. Deinde ad pauciora contrahi non possunt, quia non habent supra se alia genera: plura etiam esse nequeunt, cum omnia sub decem summis generibus contineantur.

Cur non sit vnum Prædicamentum Accidentalium.

Sed obijciens primò. Cum sit vnum prædicamentum substantiæ, cur accidentium sint nouem? Respondeo primò id non esse mirum; magis enim multiplicentur accidentia, quàm essentialia rerum. Nam essentialia existente vna in qualibet re, inueniuntur in ea multa accidentia.

accidentia. Deinde magis in particulari loquendo, hæc ratio potest assignari: Quia in substantia est vnus modus efficiendi & denominandi primam substantiam, nempe in quid; in accidentibus autem est multiplex, & ideo æquum est, vt sit vnum prædicamentum substantiæ, accidentium verò plura.

Quod si dicas: Differentia essentialiter prædicatur de prima substantia, non in Quid, sed in Quale; ergo dantur duo modi distincti denominandi essentialiter primam substantiam, vnus per modum generis, vel speciei, alter per modum differentiam: Respondeo. Differentiam esse partem essentialem speciei, non essentiam completam, & ideo prædicatur essentialiter, tanquam pars speciei, & eius prædicatio includitur in prædicatione speciei. Et licet possit etiam prædicari per se & sine specie: tamen talis prædicatio non constituit diuersum genus prædicamenti: quia prædicamenta non sunt pro partibus essentialium sed pro essentialibus ipsis completis tam substantiarum, quam accidentium. Quare hæc prædicatio reducitur ad idem genus prædicamenti in quo est essentia completa.

At dices Differentia constituitur prædicabile distinctum à genere, & specie: ergo constituitur etiam, distinctum prædicamentum. Respondeo. in prædicabilibus solum spectari distinctos modos prædicandi, & idcirco constitui differentiam distinctum prædicabile à specie; quia, habet modum prædicandi distinctum à specie: At in prædicamentis spectantur essentialia rerum secundum genus distincta: quia igitur differentia non est essentia per se, sed pars essentia; ideo reducitur ad idem genus prædicamenti cum specie.

T t.

Obiici-

Discrimine Prædicabilis & Prædicamenti.

*Substantia in-
creata an spe-
ctet ad Pradi-
camentum.*

Obiicies secundò. Duo esse prædicamenta substan-
tiæ; vnum substantiæ creatæ, aliud increatæ. Respon-
deò. si substantia increata collocanda esset in aliquo ge-
nere prædicamenti, necessariò collocanda esset sub ge-
nere substantiæ in communi, vt comprehendit tam
creatam, quàm increatam: quia vtraq; substantia con-
ueniret in communi ratione substantiæ, & in eodem
modo efficiendi & denominandi essentialiter, & in-
quid primam substantiam. Deinde substantia increa-
ta ipsa per se non est genus, quia non habet sub se spe-
cies, cum non sint plures substantiarum increatarum: Ergo
ipsa per se non potest constituere genus Prædicamenti;
Genus enim Prædicamenti est summum Genus certæ
coordinationis generum & specierum: non potest au-
tem dici genus coordinationis, vbi nulla sunt genera
inferiora & species. neque dici potest summum Genus
nisi respectu generum vel specierum inferiorum. Dico
igitur substantiam increatam nec in communi cum a-
liis Genere conuenire neque in aliquo peculiari: quia
indeterminatio generica repugnat enti per essentiam
vt suo loco ostendemus: ac proinde non posse in villo
Genere Prædicamenti collocari.

Obiicies tertio. Genera accidentium poterant alio
modo distribui, vt vnum esset genus accidentis absolu-
ti, aliud respectiui, & hæc deinde in alia genera subdivi-
derentur. Respondeo. Ex natura rei loquendo po-
terat quidem talis distributio fieri, ac in ea non fuissent
tam bene expressa varia rerum genera, & varii reales
modi efficiendi & denominandi primam substantiam,
vti in his nouem generibus accidentium exprimuntur.

*Entia rationis
an spectent ad
Prædicamentum.*

Obiicies quarto. Entia rationis & fictitia ad nul-
lum ex his decem generibus pertinent. Respondeo.

Decem

Decem ista genera esse rerum non figmentorum; quia tamē quę fingūtur ad modū Entium realium finguntur; ideo suo modo reuocari possunt ad genera Entium realium, propter quandam similitudinem & imitationem Entium realium; nisi quis malit decem alia genera pro Entibus fictitiis constituere.

Obiicies quintò. Essē causam est quid reale, & tamen ad nullum decem generum pertinet. Respondeo. Causa duo dicit, principium causatiuum, & actionem cauſandi: ratione primi pertinet ad qualitatis secundam speciem, nempe naturalem potentiam; ratione secundi ad actionem vel passionem; potest enim esse causalitas tam actiua quam passiua. Quod si dicas in aliis causis posse id locum habere, sed non in fine, quia is neq; ut est principium causatiuum ad qualitatem spectat, cum non prædicetur in Quale, neq; eius causalitas ad actionem vel passionem reducitur; finis enim nihil agit neq; patitur. Respondeo. Finis est causa per denominationem extrinsecam, hoc est, non ex eo quod ab eo aliqua operatio procedat, sed quod alia operantur propter ipsum: quæ denominatio extrinseca conuenit fini, quando non est: cum enim est, cessat habere rationem finis, quia non intenditur amplius, quando actu obtinetur. Cum igitur prædicamenta sint pro rebus existentibus, vel iis quæ existere possunt, finis autem in ratione finis non est existens realiter, nam eo ipso quod existit cessat esse finis, idcirco finis ad nullum prædicamenti genus propriè spectat. Neque refert, quod in prædicamenti ponuntur genera & species, quæ abstrahunt à reali existentia: nam etsi ut abstracta sunt per intellectum, non existant realiter, reuera tamen existunt in indiuiduis, vel existere possunt sub illa

ratione. Idem dicendum est de prædicamento effectus. Nam effectus quoad entitatem est in aliquo prædicamento substantiæ, vel accidentis, cum sit vel substantia vel accidens, prout verò efficitur ad prædicamentum passionis reducitur; effici enim est passivè se quodam modo habere respectu agentis.

Obiicies sextò. Prius, posterius, simul, oppositum, non videtur ad aliquod genus prædicamenti reduci. Respondeo. ista formaliter in quadam relatione consistere & ad prædicamentum relationis pertinere, materialiter autem cum sint vel substantia vel accidentia, ad aliquod prædicamentum, vel substantiæ vel accidentis pertinebunt.

*Artificiatum in
quo prædica-
mento?*

Obiicies septimò. de artificiatis, quæ ad nullum genus prædicamenti pertinent, ut arca, scamnum, navis, vestis, domus. Respondeo. artificiata consistere rebus diversorum prædicamentorum, & idcirco ratione partium componentium, ad diversa prædicamenta pertinere; ratione verò ipsius compositi artificialis ad nullum spectant prædicamentum; sunt enim Entia per accidens non per se quæ ad nullum prædicamentum per se spectant, quia non sunt per se Entia.

*An Ens infini-
tum sit in Prædi-
camento.*

Obiicies octavò. Ens infinitum non pertinet ad prædicamenta, ut si esset substantia, quantitas, qualitas infinita: quia quod est sub aliquo genere, limitatur ad certam speciem, per certam differentiam. Respondet quidam dupliciter aliquid posse esse infinitum. Primò in essentia ut si numerus daretur infinitus, esset (inquiunt) essentialis perfectio numeri infinita, quia numerus maior, est essentialiter perfectior: ergo maior infinitè esset infinitè secundum essentiã perfectior. Secundò nõ in essentia, sed in aliqua ratione accidentaria, ut si quan-
titas

ritas esset infinita, nō esset infinita secundum essentiam quantitatis, quia eiusdem esset essentia cum quantitate finita. maior enim & minor quantitas sunt eiusdem essentia. Solum ergo esset infinita in accidentaria illa extensione ratione plurium partium. Dicunt igitur infinitum in essentia non posse poni in prädicamento; quia omnia prädicamenta habent essentiam finitam & determinatam, ex determinato genere, & determinata differentia constantem: atqui infinitum in essentia non habet determinatam essentiam; idem enim est esse infinitum & indeterminatum: Ergo. Infinitum verò secundo modo, aiunt poni in prädicamento: quia quoad essentiam convenit cum Ente finito, sic quantitas infinita est eiusdem essentia cum quantitate finita; ac proinde ad idem genus prädicamenti pertineret: similiter si esset calor infinitus, vel lumen infinitum poneretur in prädicamento Qualitatis, quia esset eiusdem essentia cum calore & lumine finito. Ita Ruuius in capite de quantitate quæst. decima.

Nobis verò distinguendum videtur. Duplex enim est infinitum in essentia: aliud in certo aliquo genere Entis, ut si daretur qualitas in genere qualitatis secundum essentiam infinita æquivalens infinitis qualitibus specie distinctis, quarum una sit perfectior, altera: aut si daretur aliqua substantia creata infinitis substantiis specie distinctis perfectior: Aliud est infinitum non in aliquo tantum genere, sed in toto genere entis, quod omnem entis perfectionem atque aded infinitarum, specierum perfectionem essentialiter in se continet, qualis est solus Deus. Infinitum igitur in omni genere entis non ponitur in prädicamento, non propter infinitatem præcisè & formaliter, quia infinitas potius in-

*Infinitum in
essentia duplex.*

uat ad hoc ut aliquid sit in prædicamento, quàm impedire sit, quia infinitum in aliquo genere ratione infinitatis habet, ut melius & perfectius participet rationem illius generis infinita quadam perfectione. Quare ex ratione infinitatis præcisè non repugnetur Ens infinitum esse in prædicamento, sed ex peculiari ratione talis infiniti quod est Ens per essentiam de quo infra: Infinitum verò secundum essentiam in certo aliquo genere entis, nec infinitatem, nec ullam aliam eiusmodi causam habet quæ excludatur à prædicamento. Quare & numerus infinitus si ponatur habere essentiam infinitam (de quo nunc non disputo) deberet reponi in eodem prædicamento, in quo numerus finitus, quia solum ad genus numeri pertineret, non ad alia genera aliorum prædicamentorum, nec in sua essentia inuolueret essentias aliorum prædicamentorum, sed solum essentiam unius generis & prædicamenti. Quod verò dicitur infinitum in essentia non habere determinatam differentiam, si intelligatur per determinatam differentiam, certa aliqua & ab aliis distincta differentia, falsum est: sicut enim habet certum & determinatum esse; ita certam & determinatam differentiam, hoc est, differentiam certi ac determinati generis, & distinctam essentialiter à differentiis aliorum tam infinitorum, quàm finitorum Entium. Verbigratis, differentia numeri infiniti esset determinata ad genus numeri, & ad perfectionem essentialem sub genere numeri comprehensam. Si verò dicatur determinata, id est, non omnem perfectionem essentialem illius generis, sed aliquam tantum continens, sic verum est differentiam entis infiniti non esse determinatam, quia non determinatur ad unam perfectionem essentialem illius generis.

neris, sed sine termino omnem perfectionem illius generis continet, & æquivalet infinitis aliis perfectionibus specificis sub illo genere. Sed hoc non obstat quominus essentia simpliciter sit determinata, quia est determinata ad certum genus entis & distincta ab aliis generibus, licet alio respectu sit indeterminata, ut dictum est.

QVÆSTIO II.

An Accidens sit uniuocum respectu omnium accidentium?

Sorus hic affirmat quem aliqui recentiores sequuntur. Ratio est: Quia ratio accidentis est inesse subiecto; accidentis enim esse est inesse; atqui omnia accidentia conueniunt in vna communi ratione essendi in suo subiecto; eadem enim ratione omnia insunt; ergo accidens est quid commune uniuocum respectu omnium accidentium. Porro quidam ex hoc inferunt, omnia nouem genera accidentium poni in vno predicamento accidentis, propter conuenientiam uniuocam in ratione Entis. Alij verò ut Sorus & Iauellus id negant sequi; aiunt enim non omne uniuocum esse genus: nam ad genus requiritur præter uniuocationē ut abstrahat perfectiōē à differentiis & nō contineatur in illis; nec prædicetur, quod accidenti non conuenit; Omnis enim differentia accidentis est accidens, non potest igitur poni genus prædicamenti, sicut neque Ens.

Communis tamen sententia est. Accidens non esse uniuocū respectu omnium accidentiū. Primò. Quia omne uniuocū est extra differentias proprias uniuocatorum, ut animal extra rationale & irrationale; gradus enim communis, & gradus proprius debent esse
ut mi-

ut minimum ratione distincti: at accidens nullas potest habere differentias, extra rationem accidentis; omnes siquidem differentia: quæ assignari possunt in accidente, sunt accidentia, & earum esse est inesse: ergo accidens non est uniuocum. Ex quo patet, non solius generis esse id proprium præscindere à differentiis, & esse extra rationem differentiarum, sed omnis uniuoci: omne enim uniuocum dicit gradum communem, gradus autem communis distinguitur ratione ratiocinata à gradu proprio, commune enim non est proprium, ut etiam præcedenti disputatione contra Sotum docuimus.

Secundo: Quia omne uniuocum significat eandem essentiam in suis inferioribus: atqui accidens non eandem, sed diuersas essentias in diuersis accidentibus significat: ergo non est uniuocum respectu omnium accidentium. Minor probatur. Nam quantitas & qualitas, quæ diuersa sunt, sunt accidentia: ergo accidens diuersam naturam significat in quantitate & qualitate.

Tertio: Aliqui idem confirmant hoc argumento. Nihil potest esse commune uniuocum absoluto & relativo: at accidens est commune absoluto & relativo, verbi gratia, quantitati & relationi; ergo non est uniuocum. Maior probatur. Id enim quod est commune uniuocum absoluto & relativo, abstrahit ab absoluto & relativo; quia genus abstrahit à suis differentiis contrahentibus: at nihil potest abstrahere ab absoluto & relativo; quia eo ipso quod abstrahit à relativo non est relatiuum; Ens autem non relatiuum, est absolutum, hoc enim absolutum dicimus quod est in se non ad aliud, ergo. Rursum concedit dari medium inter absolutum, & relatiuum nempe

An possit concipiens nec absolute nec respectuum.

pe:

per quod ab utroque abstrahit. At reuera illud quod ponitur abstractum ab utroque necessario debet esse absolutum. Nihil enim aliud ad conceptum absoluti requiritur, nisi esse in se, & non ad aliud. Quod si dicas: requiri ut non possit contrahi ad esse ad aliud: Contra: id falsum est. Nam qualitas est quid absolutum & tamen contrahi potest secundum ipsos ad esse relatiuum ut patet in scientia; quæ est qualitas quædam relatiue se habens ad obiectum scibile: Sufficit ergo ad absolutum ut in se essentialiter non sit ad aliud siue per nouam differentiam possit constitui in esse respectiuo, siue non.

Sed obiicitur primo. Ab omnibus substantiis potest abstrahi ratio vniuoca substantiæ; ergo & ab omnibus accidentibus potest abstrahi ratio vniuoca accidentis: sicut enim omnes substantiæ in hoc cōueniunt q̄ per se existant; ita omnia accidentia cōueniūt in hoc q̄ in vno existant. Nec obstat quod ratio accidentis sit diffusa per entitatem accidentis & per omnes gradus eius tam genericos; quàm specificos: nam etiam ratio substantiæ fusa est per omnem entitatem substantiæ; & omnes eius gradus: nam & partes substantiæ, sunt substantiæ: sicut ergo hoc non obstat ratio substantiæ vniuoca potest abstrahi ab omnibus substantiis; ita poterit ratio abstrahi vniuoca accidentis ab omnibus accidentibus.

Respondeo. Disparem esse rationem substantiæ, & accidentis. Nam in substantia duplicem rationem substantiæ distinguimus: vnā communem omnibus partibus & gradibus substantiæ, quæ est in se esse, & non in alio tanquam in subiecto; aliam specialem, quæ consistit in ratione subsistendi independentem.

Vnde ab

*Genus substantiæ
non potest esse
vniuocum non
accidentis.*

ab alio, ita ut ratione eius habeat substantiæ ex se, non ex alio subsistere: talem vim subsistendi in materialibus dicimus esse præcipuè à materia, quæ cum sit subiectum formarum tam substantialium, quàm accidentium ipsa ex se subsistit, et ratione illius aliæ subsistunt. Hæc igitur ratio substantiæ non est fusa per omnes gradus substantiæ; sed est specialis quidam gradus substantiæ. In accidente autem non est alia ratio accidentis, nisi fusa per totam entitatem accidentis: quia quilibet gradus accidentis est accidens. Neque mirum: Nam, per se, & ex se subsistere, cum sit perfectio, non potest conferri à quacunque parte, vel modo substantiali: ac iuhærere subiecto est imperfectio, quæ non requirit specialem aliquem gradum, sed æquè afficit totum accidens, & eius omnes partes. Ex quo patet rationem accidentis non posse esse, nisi analogicam; rationem verò substantiæ posse dari vniuocam.

Accidens completum est quid analogum.

Sed instabit aliquis. Accidens posse accipi dupliciter. Primò latè, ut est quid commune completo & incompleto accidenti: secundo strictè, ut dicit solum accidens completum habens essentiam completam. Priori igitur modo, non est vniuocum, quia prædicatur de differentiis, quæ sunt accidentia incompleta; at posteriori modo non prædicatur de differentiis & idcirco potest esse vniuocum. Sed contra. Accidens completum prædicatur formaliter de differentiis completè & in concreto acceptis. Nam verum est dicere. Tale coloratum quatenus est tale per differentiam specificam est accidens.

Obiicitur secundò. Si accidens non est vniuocum respectu omnium accidentium, erit analogum; et non est analogum, ergo vniuocum. Minor probatur. Quia

in.

in omni analogia debet assignari principale analogatum, per ordinem, ad quod reliqua dicuntur talia: at in genere accidentis nullum assignatur principale accidens per ordinem ad quod dicantur reliqua talia: Ergo. Respondeo. Analogiam esse duplicem. Proportionis & Attributionis. licet igitur accidentia non habent analogiam attributionis in genere accidentis quia non habent principale analogatum per ordinem ad quod dicantur talia, habent tamen analogiam proportionis, quia quodlibet accidens suo modo est accidens, & habet proportionem quandam cum aliis in ratione accidentis.

Ex quibus patet ad fundamentum primæ sententiæ illa enim convenientia in ratione accidentis, est tanquā proportionalis non essentialis cum in singulis accidentibus sint diuersæ rationes accidentis, ut dictum est.

Q V Æ S T I O III.

Angenera prædicamentorum debeant esse vniuoca.

Quidam censent non requiri ad rationem generis prædicamentalis, ut sit vniuocum, sed satis esse ut sit analogum: tum quia in ultimis sex generibus, hæc vniuocatio vix ostendi potest & colligi videtur ex Vassquez prima parte disput. 19 §. c. §. tum quia de ratione generis vniuoci est, ut genus sit extra differentias, & nō prædicetur de differentiis: atqui plurima genera prædicamentorum prædicantur de suis differentiis: ergo non sunt necessario vniuoca. Minor patet: nam dif-

Vuu 2

fero-

ferentia substantiarum sunt substantia; differentia quantitatis, quæ est ratio talis partium, est quantitas, quia includit in se rationem partium in communi; differentia etiam qualitatis sunt qualitates, quia faciunt subiectum formaliter tale. Similiter relationis differentia est esse ad talem speciem terminum: atqui ad talem esse terminum, includit in se esse ad terminum. ergo includit rationem genericam relationis. Idem ostendi potest in ultimis sex generibus.

Communis tamen sententia est genera prædicamentorum debere esse uniuoca, quia nisi sint uniuoca nec erunt verè genera nec summa, quia supra se habent alia genera analogia.

Dico primò de ratione veri generis est, ut sit uniuocum. Est sententia Aristotelis multis in locis in quibus Analoga negat esse Genera. Nam 3. Metaph. c. 10. negat ens esse genus, quia non potest præscindi à suis differentiis. Cum igitur de ratione uniuoci sit præscindi à differentiis uniuocatorum, sequitur id quod præscindi non potest à differentiis, nõ posse esse uniuocum nec verè genus, tale est omne analogum. Et sanè Aristoteles non negauit ens esse genus analogum, eum id passim agnoscat, & ei species, & specierum species tribuat 4. Metaph. c. 2. Solum ergo ex præcisione probat non esse uniuocum & ex consequenti negat genus analogum esse verum genus. Idem Aristot. distinguit unitatem generis ab unitate analogia in 5. Metaph. c. 12. Alia, inquit, numero, alia specie, alia genere, alia analogia, vnum sunt, ubi etiam aliam definitionem dat vnius generis, aliam vnius analogia. Cum ergo alia sit unitas analogia, alia generis, essentia quoque analogia & essentia generica nõ erit eadem: unitas enim est passio entis,

quare

*Analogum non
est verum ge-
nus.*

quare quæ non habent eandem vnitatem, non habent eandem essentiam. Et cum vnitas generis analogi sit analogæ, vnitas veri generis non erit analogæ sed vniuoca.

Idem probatur ratione, quia de ratione veri generis est vt differentia sit extra rationem generis & genus sit extra rationem differentie. At hæc præcisio rationum est solum generis vniuoci. Nam analogum caret hac præcisione. ergo solum genus vniuocum est verè genus. Deinde de ratione generis est vt sit vnum commune multis speciebus, vt patet ex definitione generis. At analogum non est verè vnum sed tantum vniuocum quia vniuocum præcindit à differentiis, quæ diuidunt genus in multa; & ideo est vnum & indiuisum, quia nō habet in se causam diuisionis. Analogum verò includit differentias in confuso; vnde non est verè vnum: quia per differentias est multiplex, & diuisum in multa. & ex consequenti non est verum Genus.

Dico secundò, genera prædicamentorum debere esse vniuoca. Primò, quia non essent verè genera; cum de ratione veri generis sit esse vniuocum. Atqui ab Aristotele & Porphyrio dicuntur absolutè genera: analogæ autem negantur esse absolutè genera, vt de ente probat Arist. 3. Metaph. t. 10.

Genera Prædicamentorum esse vniuoca.

Secundò, nec essent summa genera, quia haberent supra se genus analogum; nempe ens vel accidens. Dico posse vocari summa non absolutè sed in tali modo efficiendi & denominandi primam substantiam nempe per modum qualitatis, quantitatis, &c. Contra, hoc non est esse summa absolutè & simpliciter. Cum tamè absolutè dicantur summa, & inter ea genera quæ rebus

conveniunt esse summa: genera autem quæ rebus conveniunt sunt præcipuè uniuoca, quare in ordine generum uniuocorum sunt summa. Deinde ens & accidens habent superiores modos afficiendi & denominandi primam substantiam, quam qualitas aut quantitas nempe per modum entis & accidentis. ergo neq; in genere modis afficiendi & denominandi essent summa.

Deniq; nisi genera prædicamentorum sint uniuoca, non erunt plura sed vnum, quia vnum est summum genus analogum omnium rerum, nempe ens.

Dices secundum intentionem quidem eorum qui prædicamenta inuenerunt, genera prædicamentorum debere esse uniuoca: et spectata rei natura, minimè: quia videmus in plerisq; genus prædicari de differentiis quod tollit omnem uniuocationem.

Respondéo. Secundum omnes primæ quatuor summa genera esse vera genera & ex consequenti uniuoca, neque de iis rationaliter dubitari potest. Nam quod obiicitur differentiam qualitatis esse qualitatem: Respondendum est, propriè loquendo non esse qualitatem, sed rationem formalem qualitatis & facere tale vel tale subiectum non quia sit qualitas, sed quia est ratio formalis constitutiva qualitatis, sicut & rationalitas non est propriè homo, sed ratio formalis propria hominis seu id quo homo est homo, Quæ distinctio aliis quoq; generibus & differentiis prædicamentorum applicari potest. Falicas enim rei formaliter, non est res: differentia verò generum prædicamentorum sunt talitates quædam generum non igitur formaliter sunt ipsa genera.

Alii respondent, qualitatem posse sumi dupliciter.

*Differentia
Qualitatis non
est Qualitas
sed ratio Qua-
litatis.*

*Alia Respon-
sio.*

ter. Primò. Vniuersalissimè pro eo quod quocunq; modo est qualitas, siue vt pars constitutiva qualitatis siue vt qualitas constituta completè in ratione qualitatis; & sic abstrahit à qualitate completa & incompleta, & prædicatur de vtraq; verum hoc modo qualitas non est summum genus prædicamenti; quia nõ dicit vnã rationem qualitatis, nisi analogicè. Et in hoc sensu qualitas prædicatur de differentiis. Secundò. Sumitur solum pro qualitate completa, quomodo qualitas non prædicatur de differentiis quæ sunt qualitates incompletæ: dicuntur enim qualitates, quia sunt partes constitutivæ qualitatis. Hoc ergo modo, qualitas est genus vniuocum, & summum genus prædicamenti & nõ prædicatur de differentiis.

Quod si dicas etiam ens completè acceptum non prædicatur de differentiis, similiter & accidens, neq; tamen inde sequitur esse genus vniuocum. Respondeo requiri quidem ad genus vniuocum, vt non prædicetur de differentiis, sed hoc solum non sufficere. Nam præterea necesse est vt secundum vnã & eandem rationem conueniat speciebus, quod non est in ente & accidente. Dicitur porro qualitas completa, quæ non est pars qualitatis sed per modum totius qualitatis constituta: ex suis partibus concipitur, siue concipiatur specificè & actu secundum omnes partes ipsam constituentes, siue genericè per modum tamen totius, vt alibi explicatum est.

Iam verò licet de primis quatuor summis generibus, certum sit esse illa vera & vniuoca genera: tamen de vltimis sex multi viri docti dubitant siue qd non sint vniuoca siue quod non sint in rigore genera vera: quia cōtrahuntur per differēcias accidentales nõ essentielles.

*Sex prima
summa genera
aut sunt in rigore
vera genera.*

De

Deratione enim veri generis est ut faciat cum differentia vnam essentiam simpliciter non vnam accidentaliter; ac proinde ut contrahatur per differentias essentialiter aptas ad constituendam vnam essentiam, non verò per accidentales: hæ enim non faciunt vnum per se, sed per accidens. Tales verò differentię videntur esse in ultimis prædicamentis. Nam in Vbi differentię assignantur sursum, deorsum, vel alię quę sumuntur, à differentiis accidentalibus loci, ut esse in foro, in templo; loco enim est accidentale esse forum vel templum. Vbi etiam dicitur solum locum vel esse in loco non verò differentias accidentales loci, vnde sublati talibus differentiis, non aufertur Vbi sed manet idem.

Similiter differentię, Quando, sunt heri: hodie: quę sunt differentię merè accidentales, desumptę à prioritate & posterioritate temporis; quę tempori conveniunt per accidens: quia idem tempus essentialiter, dicitur prius & posterius accidentaliter respectu temporum antecedentium & consequentium. Sicut ergo, accidentale est tēpori hodierno; quod illud antecedent, & sequantur alia tempora; nam licet nulla antecedent, nulla sequerentur, esset idem tempus: ita per accidens est existenti in tempore, existere in priori vel posteriori tempore. Quo argumento Aristoteles in Prædicamentis probavit magnum & paruum non esse differentias essentialēs quantitatis: quia eadem quantitas dicitur diverso respectu magna & parva, & sine talibus respectibus est quantitas.¹

Idem ostenditur de differentiis situs quę sunt esse antorsum, & retrorsum, iacere, stare, sedere quę sunt diuersi respectus partium in loco: respectus autem sunt quid accidentale: Habere etiam est denominatio quędam

dam à rebus habitis, quæ circa corpus sunt, ad circum-
positionem autem per accidens est, quod corpus circū-
positum sit talis, vel talis naturæ aut proprietatis: nam
circumpositio formaliter fit per quantitatem corporis
circumpositi ad quantitatem corporis, cui fit circum-
positio: Ad quantitatem autem circumpositionem per
accidens est quod hæ quantitates sint talis vel talis sub-
iecti: Vnde solum accidentaliter fit alia vel alia circum-
positio ex diuersa qualitate corporum circumposito-
rum.

Ex quibus patere aiunt vltima genera prædicamen-
torum non esse genera essentialia sed accidentalia, quia
cum differentiis non faciunt vnā essentiam per
se, sed tantum vnā per accidens. Quod etiam ad a-
ctionem & passionem extendi volunt: hæ enim di-
cunt effectum cum relatione ad agens vel ad passum,
quæ relationes sunt differentiæ accidentales effectus.
Dicunt tamen hi Auctores illam compositionem ex ge-
nere & differentiæ accidentali sufficere ad rationem præ-
dicamenti; vel quia ista à nobis concipiuntur per mo-
dum generis & differentiæ essentialis & tanquā vnum
quid essentialē: prædicamenta enim sunt instituta pro
rebus vt à nobis communiter concipiuntur: vel quia in
ordine ad scientias, sufficit talis species, quæ ita sit vna
vt funder passionēs demonstrabiles vti apparet in spe-
ciebus numerorum, de quibus Arithmetica; numeri o-
mni vt sunt in re non sunt vnum essentialiter sed tan-
tum vt à nobis sub vna ratione concipiuntur quæ fun-
det passionēs de numeris demonstrabiles. Verum de
hac re quid sit sentiendum patebit ex singulorum præ-
dicamentorum translatione. Ex quibus patet ad argu-
menta primæ sententiæ,

XXX

QVA.

QVÆSTIO IV.

An necesse sit prædicamenta distingui ad inuicem ex natura rei.

Quidam affirmant: quia ita distinguuntur, ut vnum non sit aliud dicunturq; primò diuersa.

Dicendum tamen est cum communiore sententia id minimè esse necessarium, sed satis esse ut distinguantur ratione ratiocinata, etiamsi à parte rei nullo modo differant. Ratio est: Quia ad distinguenda prædicamenta sufficit distinctio rationum formalium: Nam hæc distinctio sufficit, ut vnum dicatur non esse aliud; atqui distinctio rationum formalium potest esse per solum intellectum distinctis conceptibus & rationibus eandem rem concipientem: Ergo non requiritur distinctio ex natura rei confirmatur. Quia prædicamenta distinguuntur per distinctos modos denominandi & afficiendi primam substantiam: atqui distinctæ rationes formales ferunt secum distinctos modos denominandi & afficiendi primam substantiam: Rationes enim formales etiamsi ex natura rei non distinguantur, sed tantum per intellectum habent tamen vim sufficientem ad afficiendam diuersis modis & denominandam primam substantiam: non enim propter solam distinctionem, sed propter naturam rationum formalium afficiunt & denominant. Non negotamen aliqua prædicamenta distingui ex natura rei, sed id provenit non ex ratione communi omnibus prædicamentis, sed ex speciali & propria quorundam. Sic dicimus: Quantitatem à substantia necessariò distingui propter specialem eius rationem, quia nimirum est accidens inharēs subiecto. Quod enim alicui inhareret, necesse est ab ipso distin-

stingui, idem enim, quatenus idem inherere sibi nō potest; Sic ea quę separari à se possunt, dicimus ex natura rei distingui, propter speciales illorū essendi modos, quos ex separabilitate cognoscimus. Vniuersè autem non affirmamus, ex eo solum quod aliqua in diuerso prædicamento ponuntur, esse ex natura rei distincta. Hinc aliqui actionem, & passionē non nisi ratione distinguunt similiter relationem à fundamento.

Ad fundamentum primæ sententiæ Respondeo. Summa genera in nullo vnuocè conueniunt & sunt, primò diuersa tamen ad hoc non requiritur distinctio eorum realis, sed sufficit distinctio rationum formalium per intellectum: Sic rationale & sensitiuum sunt primò diuersa, & tamen non nisi ratione distinguuntur.

Dicitur autem primò aliquid differre, vel diuersum esse, quando non mediatè ratione alicuius in se contenti differt, sed immediatè ratione sui totius. sic homo non primò differt à bruto; sed ratione rationalis, quod primò differt ab irrationali & illius respectu homo. Quę igitur primò differunt, non habent vllam conuenientiam vniuocam inter se, sed vnum totaliter non est aliud.

QVÆSTIO V.

Quanam ponantur in prædicamentis.

Quædam pertinent ad prædicamenta per se, quædam reduciuè, quædam nullo modo. Per se pertinent, quę sunt in recta linea prædicamentali sub summo genere constituta. Hæc autem sunt species tam subalternæ quam infimæ.

Quod si quæras. An indiuidua per se ponantur in

Xxx 2

prædi-

prædicamento, videntur enim & ipsa esse in rectâ lineâ prædicamenti, & genus prædicamenti æquè de illis dicitur in Quid, sicut & de speciebus: ergo æquè ac species poni debent per se in prædicamento.

*Individua non
poni per se in
Prædicamento,
quid censent.*

Quidam tamen oppositum tenent Individua non poni per se in prædicamento; Ea enim quæ ponuntur per se in prædicamento sunt essentia rerum: propter essentias enim rerum distinguendas & ordinandas in lineâ prædicamentali sunt inuenta prædicamenta: atquæ individua non dicunt aliam rationem essentia à specie distinctam, sed tantum dicunt essentiam hanc & individua: ergo non ponuntur per se in Prædicamento. Hinc est quod prædicamentum definitur, esse coordinatio generum & specierum sub aliquo summo genere, Individua igitur solum sunt bases huius coordinationis, non verò ad ipsam coordinationem formaliter pertinent. Nam quod genus prædicamenti de illis dicatur in quid, id illis convenit non ratione sui, sed ratione speciei, quia habent in se essentiam speciei. Deinde Prædicamentum est coordinatio eorum, quæ prædicantur, Individua autem non prædicantur sed subiiciuntur, nō igitur individua pertinent per se ad prædicamentum. Quod si dicas etiam individuum prædicari de vno. Respondeo. Hanc prædicationem non esse prædicamentalem; in prædicamentali enim coordinatione solum spectatur prædictio superioris de inferiore, non eiusdem de seipso, ut patet ex lineâ prædicamentali. Rursum si quæras. An individua saltem ut basis prædicamenti pertineant per se ad prædicamenta. Respondent. Non pertinere per se, quia pertinere ut basim aliorum est pertinere propter aliud: non propter se: per se autem pertinere, est pertinere ratione sui non ratione alterius.

Quod

Quod si inster. Ergo pertinebunt per accidens. Respondeo. Per accidens dupliciter dicitur. Primò, vt significat esse non ratione sui, sed ratione alterius: secundo modo vt significat contingenter & non necessario. Priori ergo modo indiuidua sunt per accidens in prædicamento, posteriori verò per se.

Nobis magis probatur prior sententia, nempe indiuidua per se poni in prædicamento. Est enim prædicamentum ordo prædicabilium & subiicibilium, indiuidua autem sunt maximè subiicibilia.

Reductiue verò ponuntur in prædicamento ea, quæ sunt aliquid, eorum, quæ per se ponuntur in prædicamento, vt sunt gradus generum, & specierum, ex quibus genera & species constant, similiter partes, modi, & similia.

Partes reductiue ponuntur in prædicamento.

Primò igitur. partes substantiæ, ponuntur reductiue in prædicamento substantiæ siue sint partes Physicæ, vt materia, & forma, siue Metaphysicæ vt gradus genericus, & specificus; siue integrantes, vt caput, pes: quia enim partes non subsistunt nisi in toto, ideo non nisi vt sint partes totius in prædicamento ponuntur, vna cum toto, & ratione totius.

Quod si dicas. Genus æquè ac differentiam constituit speciem: ergo æquè vtrumque reductiue ponetur in Prædicamento. Respondeo. disparem esse rationem generis & differentiæ. Nam differentia non, solum est pars essentialis speciei, sed etiam per modum partis significatur. Verbi gratia rationale significat rationalitatem, vt adiacentiam homini per modum qualitatis essentialis: ac genus dicit quidem illum gradum qui est pars essentialis, tamen significat illum non per modum partis, sed per modum totius potentialis qua-

Genus per se ponitur non differentia.

tenus est id totum potentia quod species est actu: quare genus per se ponitur in prædicamento, non verò differentia; ratione enim huius diuersi modi significandi genus subalternum recipit prædicationem, in quid summi generis prædicamentalis, differentia verò non recipit.

At inquires. Etiam differentia materialiter significat suum subiectum, hoc est, speciem, sicut & omne accedens in concreto acceptum; ergo etiam differentia totum significat. Respondeo. Tam differentiam, quàm accedens significare formam per modum formæ & solum connotare & consignificare subiectum, quasi extrinsecè, tanquam subiectum sui significati, non tanquam rem significatam.

*Modi ponuntur
reductiue.*

Secundo ponuntur reductiue modi illi qui pertinent aliquo modo ad constitutionem illius rei. Duplices enim modi considerari possunt, aliqui constituunt rem in illo eodem genere, aliqui in diuerso genere. Verbi gratia modi substantiæ, vt existentia, substantia, constituunt substantiam in esse substantiali; accidentia verò constituunt eam in esse accidentali extrinsecè substantiæ. Vt igitur modus reductiue ponatur in prædicamento, non satis est, vt quacunque ratione constituat rem illius prædicamenti, sed requiritur vt constituat rem in illo eodem genere. Quare soli modi eiusdem generis reductiue ponuntur in eodem prædicamento, quia hi modi participant aliquo modo genus illius prædicamenti, modi verò diuersi generis non ponuntur reductiue, quia non participant genus illius prædicamenti, sed pertinent per se ad alia prædicamenta, alioqui omnia accidentia, cum sint mo-

*Si sint eiusdem
generis.*

di qui.

diquidam substantiæ ponerentur reductiue in genere prædicamenti substantiæ.

Quædam verò sunt, quæ nullo modo ponuntur in prædicamenti, nec per se nec reductiue, Talia sunt in primis, Entia rationis, & fictitia, quia genera prædicamentorum sunt rerum genera, entia autem rationis, & fictitia non sunt res, sed finguntur esse res, & idcirco verè non sunt in prædicamento, sed finguntur esse.

*Entia rationis
no reductiue
quidem ponun-
tur proprio vo-
cande.*

Dices poni. Saltem reductiue? Respondeo. Ne reductiue quidem propriè: quia quod propriè reduci-
tur ad genus aliquod rerum, debet esse propriè res, si
autem est impropriè, res, impropriè quoque reduce-
tur, hoc est, metaphoricè similitudinariè. Et hoc sen-
su supra diximus entia rationis impropriè reduci pos-
se ad prædicamenta.

At inquires similitudo rei reducitur ad rem: hæc
autem entia sunt similia aliquo modo veris & realibus
entibus: ergo. Respondeo. Similitudo rei vera redu-
citur ad rem quia verè participat aliquo modo ratio-
nem illius rei: ac similitudo ficta & impropria non est
vera participatio, quare nullo modo potest reduci ad
prædicamentum rei veræ. Vnde aliqui censent pro en-
tibus rationis constituenda potius esse noua prædica-
menta entium rationis, & quia entia rationis in omni-
bus decem generibus fingi possunt; est enim substan-
tia ficta, & qualitas ficta, quantitas, relatio; ideo decem
fingi possunt prædicamenta pro entibus fictitiis. Verùm
sicut entia ista non sunt verè entia, ita & prædicamenta
talibus entibus constantia non essent verè prædicamen-
ta, sed similitudinaria duntaxat.

*An decem præ-
dicamenta En-
tium rationis,*

Nega-

*Negationes per
accidens ponū-
tur in Prad.*

*Negatio ens
negatum.*

Negationes etiam reales, quidam putant poni posse in prædicamento rei, cuius sunt negationes, quia negatio nihil aliud est, quam ens negatum. Verum dicendum est negationes non reduci per se, sed per accidens, quia sunt aliquid eius quod ponitur per se in prædicamento. Nam illud reducitur per se quod aliquo modo participat rationem illius generis, licet imperfectè: at negatio nullo modo participat rationem generis vllius prædicamenti; genera enim prædicamentorum sunt entium, negatio autem est non ens: ac ex consequenti est quid oppositum generi prædicamenti. Nam quod dicitur negationem esse ens negatum, hoc aliis & magis propriis verbis dicitur, non esse ens; ens enim est ens affirmatum non negatum, & negatum ens, est non ens. Vnde noua etiam ratio sumi potest. Quod enim opponitur alicui non reducitur ad illud: non ens autem opponitur enti contradictoriè: non igitur reducitur ad genus entis; Quod enim opponitur alicui, excludit illud; quod autem reducitur debet esse aliquo modo affine & simile illi ad quod reducitur; propter affinitatem enim illam & similitudinem reducitur. Præterea si negatio reduceretur ad genus prædicamenti, maiore ratione accidentia omnia reducerentur ad substantiam, quia maiorem affinitatem habent accidentia cum substantia, quam non ens cum ente. Si igitur accidentia non reducuntur ad genus substantiæ, quia nullo modo participant rationem genericam substantiæ: multo minus reduci poterunt non entia. Quod si reducuntur, per accidens merè reducuntur, quia sunt quid eorum, quæ pertinent ad prædicamenta: quo etiam modo omnia accidentia possent reduci per accidens ad substantiam, quatenus sunt quid substantiæ, per se autem ad alia præ-

prædicamenta spectant. Neque repugnat idem poni per se in vno prædicamento, reduciue in alio, quando illa reductio est merè per accidens.

¶ Dubitatur etiam de entibus artificiatibus, an poni possint in prædicamento. Et quidem ratione partium ex quibus componuntur, non est dubium posse in diuersis prædicamentis poni; componuntur enim ex rebus diuersorum prædicamentorum, vt scamnum ex ligno, & tali figura; vt verò sunt quædam Tota & artificiatæ compositæ, sic in nullo prædicamento ponuntur. Totum enim artificiatum non est vna aliqua essentia, sed plures essentia, simul coniunctæ, simulque sunt vnum per accidens, in prædicamentis autem non ponuntur entia per accidens, quia singula prædicamenta sunt pro singulis essentis, & distinctæ genere essentia sunt in distinctis generibus prædicamentorum.

Artificiatæ non ponuntur in præd.

¶ Quod si quæras? quomodo possit cognosci aliquod ens per se, & distingui ab ente per accidens? Respondeo. Vt aliqua sint vnum ens per se, duo inter cætera requiruntur. Primò vtambo sint vnus generis: Nam ex rebus diuersorum generum, non fit vnum per se, sed per accidens, vt ex substantia, & accidente, ex qualitate & quantitate.

Quid sit vnum per se.

Secundò. Vt sint duo Entia incompleta; nam ex duobus completis, tam in diuerso, quàm in eodem genere, non efficitur vnum per se, sed per accidens: quia, duo completa perfectè à se distinguuntur essentialiter, & perfectè sunt duo, non vnum; ex duobus autem incompletis & imperfectis potest esse vnum perfectum & completum. Sic ex materia & forma, fit vna completa substantia; ex ligno autem & lapide, neque ex cumulo

Y y

lapi-

QVÆSTIO IV.

An necesse sit prædicamenta distingui ad inuicem ex natura rei.

Quidam affirmant: quia ita distinguuntur, ut vnum non sit aliud dicunturq; primò diuersa.

Dicendum tamen est cum communiori sententia id minimè esse necessarium, sed satis esse ut distinguuntur ratione ratiocinatâ, etiamsi à parte rei nullo modo differant. Ratio est: Quia ad distinguenda prædicamenta sufficit distinctio rationum formalium: Nam hæc distinctio sufficit, ut vnum dicatur non esse aliud; atqui distinctio rationum formalium potest esse per solum intellectum distinctis conceptibus & rationibus eandem rem concipientem: Ergo non requiritur distinctio ex natura rei confirmatur. Quia prædicamenta distinguuntur per distinctos modos denominandi & afficiendi primam substantiam: atqui distinctæ rationes formales ferunt secum distinctos modos denominandi & afficiendi primam substantiam: Rationes enim formales etiamsi ex natura rei non distinguantur, sed tantum per intellectum habent tamen vim sufficientem ad afficiendam diuersis modis & denominandam primam substantiam: non enim propter solam distinctionem, sed propter naturam rationum formalium afficiunt & denominant. Non nego tamen aliquæ prædicamenta distingui ex natura rei, sed id provenit non ex ratione communi omnibus prædicamentis, sed ex speciali & propria quorundam. Sic dicimus: Quantitatem à substantia necessariò distingui propter specialem eius rationem, quia nimirum est accidens inherens subiecto. Quod enim alicui inhaeret, necesse est ab ipso distin-

stingui, idem enim, quatenus idem inherere sibi nō potest; Sic ea quę separari à se possunt, dicimus ex natura rei distingui, propter speciales illorū essendi modos, quos ex separabilitate cognoscimus. Vniuersè autem non affirmamus, ex eo solum quod aliqua in diuerso predicamento ponuntur, esse ex natura rei distincta. Hinc aliqui actionem, & passionē non nisi ratione distinguunt similiter relationem à fundamento.

Ad fundamentum primæ sententiæ Respondeo. Summa genera in nullo vnuocè conueniunt & sunt primò diuersa tamen ad hoc non requiritur distinctio eorum realis, sed sufficit distinctio rationum formalium per intellectum: Sic rationale & sensitiuum sunt primò diuersa, & tamen non nisi ratione distinguuntur.

Dicitur autem primò aliquid differre, vel diuersum esse, quando non mediatè ratione alicuius in se contenti differt, sed immediatè ratione sui totius. sic homo non primò differt à bruto, sed ratione rationalis, quod primò differt ab irrationali & illius respectu homo. Quæ igitur primò differunt, non habent vllam conuenientiam vniuocam inter se, sed vnum totaliter non est aliud.

QVÆSTIO V.

Quanam ponantur in predicamentis.

Quædam pertinent ad predicamenta per se, quædam reduciue, quædam nullo modo. Per se pertinent, quæ sunt in recta linea predicamentali sub summo genere constituta. Hæc autem sunt species tam subalternæ quam infimæ.

Quod si quæras. An individua per se ponantur in
Xxx 2 prædi-

prædicamento, videntur enim & ipsa esse in recta linea prædicamenti, & genus prædicamenti æquè de illis dicitur in Quid, sicut & de speciebus; ergo æquè ac species poni debent per se in prædicamento.

*Individua non
poni per se in
Prædicamento,
quidam censent.*

Quidam tamen oppositum tenent Individua non poni per se in prædicamento; Ea enim quæ ponuntur per se in prædicamento sunt essentia rerum: propter essentias enim rerum distinguendas & ordinandas in linea prædicamentali sunt inuenta prædicamenta: atquæ individua non dicunt aliam rationem essentia à specie distinctam, sed tantum dicunt essentiam hanc & individua: ergo non ponuntur per se in Prædicamento. Hinc est quod prædicamentum definitur, esse coordinatio generum & specierum sub aliquo summo genere, Individua igitur solum sunt bases huius coordinationis, non verò ad ipsam coordinationem formaliter pertinent. Nam quod genus prædicamenti de illis dicatur in quid, id illis convenit non ratione sui, sed ratione speciei, quia habent in se essentiam speciei. Deinde Prædicamentum est coordinatio eorum, quæ prædicantur, Individua autem non prædicantur sed subiiciuntur, nõ igitur individua pertinent per se ad prædicamentum. Quod si dicas etiam individuum prædicari de vno. Respondeo. Hanc prædicationem non esse prædicamentalem; in prædicamentali enim coordinatione solum spectatur prædictio superioris de inferiore, non eiusdem de seipso, ut patet ex linea prædicamentali. Rursum si quæras. An individua saltem ut basis prædicamenti pertineant per se ad prædicamenta. Respondent. Non pertinere per se, quia pertinere ut basim aliorum est pertinere propter aliud: non propter se: per se autem pertinere, est pertinere ratione sui non ratione alterius.

Quod

Quod si inster. Ergo pertinebunt per accidens. Respondeo. Per accidens dupliciter dicitur. Primò, vt significat esse non ratione sui, sed ratione alterius: secundo modo vt significat contingentem & non necessariò. Priori ergo modo indiuidua sunt per accidens in prædicamento, posteriori verò per se.

Nobis magis probatur prior sententia, nempe indiuidua per se poni in prædicamento. Est enim prædicamentum ordo prædicabilium & subiicibilium, indiuidua autem sunt maximè subiicibilia.

Sententia Aristoteli.

Reductiue verò ponuntur in prædicamento ea, quæ sunt aliquid, eorum, quæ per se ponuntur in prædicamento, vt sunt gradus generum, & specierum, ex quibus genera & species constant, similiter partes, modi, & similia.

Partes reductiue ponuntur in prædicamento.

Primò igitur, partes substantiæ, ponuntur reductiue in prædicamento substantiæ siue sint partes Physicæ, vt materia, & forma, siue Metaphysicæ vt gradus genericus, & specificus; siue integrantes, vt caput, pes: quia enim partes non subsistunt nisi in toto, ideo non nisi vt sunt partes totius in prædicamento ponuntur, vna cum toto, & ratione totius.

Quod si dicas. Genus æquè ac differentiam constituit speciem: ergo æquè vtrumque reductiue ponitur in Prædicamento. Respondeo. disparem esse rationem generis & differentiæ. Nam differentia non, solum est pars essentialis speciei, sed etiam per modum partis significatur. Verbi gratia rationale significat rationalitatem, vt adiacentiam homini per modum qualitatæ essentialis: at genus dicit quidem illum gradum qui est pars essentialis, tamen significat illum non per modum partis, sed per modum totius potentialis qua-

Genus per se ponitur non differentia.

tentus est id totum potentia quod species est actu: quare genus per se ponitur in prædicamento, non verò differentia; ratione enim huius diuersi modi significandi, genus subalternum recipit prædicationem, in quid summi generis prædicamentalis, differentia verò non recipit.

At inquires. Etiam differentia materialiter significat suum subiectum, hoc est, speciem, sicut & omne accidens in concreto acceptum: ergo etiam differentia totum significat. Respondéo. Tam differentiam, quam accidens significare formam per modum formæ & solum connotare & consignificare subiectum, quasi extrinsecè, tanquam subiectum sui significati, non tanquam rem significatam.

*Modi ponuntur
reductiue.*

*Si sint eiusdem
generis.*

Secundo ponuntur reductiue modi illi qui pertinent aliquo modo ad constitutionem illius rei. Duplices enim modi considerari possunt, aliqui constituunt rem in illo eodem genere, aliqui in diuerso genere. Verbi gratia modi substantiæ, vt existentia, subsistentia, constituunt substantiam in esse substantiali, accidentia verò constituunt eam in esse accidentali extra genus substantiæ. Vt igitur modus reductiue ponatur in prædicamento, non satis est, vt quacunque ratione constituat rem illius prædicamenti, sed requiritur vt constituat rem in illo eodem genere. Quare soli modi eiusdem generis reductiue ponuntur in eodem prædicamento, quia hi modi participant aliquo modo genus illius prædicamenti, modi verò diuersi generis non ponuntur reductiue, quia non participant genus illius prædicamenti, sed pertineant per se ad alia prædicamenta, alioqui omnia accidentia, cum sint modi qui-

aliquidam substantiæ ponerentur reduciue in genere prædicamenti substantiæ.

Quædam verò sunt, quæ nullo modo ponuntur in prædicamentis, nec per se nec reduciue. Talia sunt in primis, Entia rationis, & fictitia, quia genera prædicamentorum sunt rerum genera, entia autem rationis, & fictitia non sunt res, sed finguntur esse res, & idcirco verè non sunt in prædicamento, sed finguntur esse.

*Entia rationis
na reduciue
quidem ponuntur
proprie
quendo.*

Dices poni. Saltem reduciue? Respondeo. Ne reduciue quidem propriè: quia quod propriè reducitur ad genus aliquod rerum, debet esse propriè res, si autem est impropriè res, impropriè quoque reductor, hoc est, metaphoricè similitudinariè. Et hoc sensu supra diximus entia rationis impropriè reduci posse ad prædicamenta.

At inquit similitudo rei reducitur ad rem: hæc autem entia sunt similia aliquo modo veris & realibus entibus: ergo. Respondeo. Similitudo rei vera reducitur ad rem quia verè participat aliquo modo rationem illius rei: ac similitudo ficta & impropria non est vera participatio, quare nullo modo potest reduci ad prædicamentum rei veræ. Unde aliqui censent pro entibus rationis constituenda potius esse noua prædicamenta entium rationis, & quia entia rationis in omnibus decem generibus fingi possunt; est enim substantia ficta, & qualitas ficta, quantitas, relatio; ideo decem fingi possunt prædicamenta pro entibus fictitiis. Verùm sicut entia ista non sunt verè entia, ita & prædicamenta talibus entibus constantia non essent vera prædicamenta, sed similitudinaria duntaxat.

*An decem prædicamenta
Entium rationis,*

Nega-

*Negationes per
accidens ponū-
tur in Præd.*

*Negatio entis
negatum.*

Negationes etiam reales, quidam putant poni posse in prædicamento rei, cuius sunt negationes, quia negatio nihil aliud est, quam ens negatum. Verum dicendum est negationes non reduci per se, sed per accidens, quia sunt aliquid eius quod ponitur per se in prædicamento. Nam illud reducitur per se quod aliquo modo participat rationem illius generis, licet imperfectè: at negatio nullo modo participat rationem generis vilius prædicamenti; genera enim prædicamentorum sunt entium, negatio autem est non ens: ac ex consequenti est quid oppositum generi prædicamenti. Nam quod dicitur negationem esse ens negatum, hoc aliis & magis propriis verbis dicitur, non esse ens; ens enim est ens affirmatum non negatum, & negatum ens, est non ens. Vade noua etiam ratio sumi potest. Quod enim opponitur alicui non reducitur ad illud: non ens autem opponitur enti contradictoriè: non igitur reducitur ad genus entis; Quod enim opponitur alicui, excludit illud; quod autem reducitur debet esse aliquo modo affine & simile illi ad quod reducitur; propter affinitatem enim illam & similitudinem reducitur. Præterea si negatio reduceretur ad genus prædicamenti, maiore ratione accidentia omnia reducerentur ad substantiam, quia maiorem affinitatem habent accidentia cum substantia, quam non ens cum ente. Si igitur accidentia non reducuntur ad genus substantiæ, quia nullo modo participant rationem genericam substantiæ: multo minus reduci poterunt non entia. Quod si reducuntur, per accidens merè reducuntur, quia sunt quid eorum, quæ pertinent ad prædicamenta: quo etiam modo omnia accidentia possent reduci per accidens ad substantiam, quatenus sunt quid substantiæ, per se autem ad alia præ-

prædicamenta spectant. Neque repugnat idem poni per se in vno prædicamento, reductiue in alio, quando illa reductio est merè per accidens.

20. Dubitatur etiam de entibus artificiatibus, an poni possint in prædicamento. Et quidem ratione partium *Artificiatum non ponitur in præd.* ex quibus componuntur, non est dubium posse in diuersis prædicamentis poni; componuntur enim ex rebus diuersorum prædicamentorum, vt scamnum ex ligno, & tali figura; vt verò sunt quædam Tota & artificiatæ compositæ, sic in nullo prædicamento ponuntur. Totum enim artificiatum non est vna aliqua essentia; sed plures essentia, simul coniunctæ, simulque sunt vnum per accidens, in prædicamentis autem non reponuntur entia per accidens, quia singula prædicamenta sunt pro singulis essentiis, & distinctæ genere essentia sunt in distinctis generibus prædicamentorum.

21. Quod si queras? quomodo possit cognosci aliquod ens per se, & distingui ab ente per accidens? Respondeo. Vt aliqua sint vnum ens per se, duo inter cætera *Quid sit vnum per se.* requiruntur. Primò vtambo sint vnus generis: Nam ex rebus diuersorum generum, non fit vnum per se, sed per accidens, vt ex substantia, & accidente, ex qualitate & quantitate.

Secundò. Vt sint duo Entia incompleta; nam ex duobus completis, tam in diuerso, quàm in eodem genere, non efficitur vnum per se, sed per accidens: quia duo completa perfectè à se distinguuntur essentialiter, & perfectè sunt duo, non vnum; ex duobus autem incompletis & imperfectis potest esse vnum perfectum & completum. Sic ex materia & forma, fit vna completa substantia; ex ligno autem & lapide, neque ex cumulo

Yyy

lapi-

*Artificiata si-
gnificant per
modum sub-
stantia.*

lapidum sic una substantia quia sunt perfecta entia & perfecta à se distincta. Quare & artificciata cum consistant rebus diuersorum prædicamentorum perfectis in suo genere, non sunt entia per se, sed per accidens; ac ex consequenti non ponuntur in prædicamentis. Differunt autem artificciata ab aliis compositis per accidens præsertim à denominatiuis; denominatiuis enim formaliter significant formam materialiter subiectam. Verbi gratia, albū formaliter significat albedinem, materialiter subiectum albedinis; at artificciata utrumque membrum compositionis formaliter significat ad modum substantiæ compositæ ex materia & forma. Cum enim quis dicit, se emisisse vestem, vel nauem, non dicit se emisisse formam tantum vestis & naui, sed utrumque & formam & materiam. Vnde & Aristoteles in Primo Physicorum principia compositi substantialis inuestigat, ex proportionem artificiatorum, quia artificciata significant materiam & formam per modum substantiarum, & concipiuntur, tanquam substantiæ quædam.

At obijcies si fiat verum aurum arte Chimica, erit illud aurum artificiale; quia arte factum; & tamen erit una essentia, quia eiusdem speciei cum auro naturali, & in eodem prædicamento reponetur in quo aurum naturale; ergo aliqua saltem artificciata sunt unum per se, & reponuntur in prædicamento. Respondeo. Aurum Chimicum tam quoad substantiam, quam quoad compositionem omnem substantialem esse naturale, non artificiale. Nam & substantia est eiusdem rationis cum substantia auri naturalis, & principia componentia substantiam sunt naturalia, & compositio ipsa substantialis est naturalis, quia est unio actus & potentie naturalis, solum

solum igitur dicitur aurum artificiale ratione preparationum, & dispositionum antecedentium; modi enim illi preparandi materiam, & inducendi dispositiones ad aurum producendum, sunt ab arte excogitati & distincti à modis naturalibus, quibus aurum produci solet à natura. Quocirca aurum Chemicum quàm naturale, non quàm artificiale ponitur in predicamento.

Dices. etiam in scamno forma illa scamni est accidens naturale & Physicum & Physicè coniungitur ligno; & tamen illa coniunctio dicitur artificialis. Respondeo. Formam scamni naturalem esse quoad entitatem, quoad coniunctionem verò partim esse naturalem, partim artificiatam, coniunctio enim illa est naturalis, cum quoad res coniunctas, tum quoad essentiam ipsam coniunctionis, quæ est quid Physicum & naturale: est verò artificiatæ, quoad principium directivum; ars enim adinuenit talem coniunctionem ligni cum tali forma, & talem formam imposuit ligno. Circa formam verò auri nihil simile facit ars, sed solum circa dispositiones accidentales, quibus positæ naturaliter absque alia arte consequitur forma auri.

Ex dictis etiam patet Entia per accidens non poni in predicamento quia non habent vnā essentiam. Componuntur enim vel ex rebus distinctorum predicamentorum, vt homo albus, vel ex rebus eiusdem predicamenti, sed completis & perfectis & ex consequenti perfecte à se distinctis, vt cumulus lapidum. Sola igitur Entia per se quæ dicunt vnā essentiam siue simplicem

Entia per acci-
dens, non po-
niuntur in Præ-

siue compositam ex duabus incompletis eiusdem

generis (vt ex materia & forma fit vna.

substantia) ponuntur in prædi-

camenti.

YYY r

QVA

QVÆSTIO VI.

An res debeant poni in prædicamentis in concreto vel abstracto.

Supponendum est abstractum & concretum eandem essentiam significare, sed diuerso modo. Nam abstractum significat essentiam per modum formæ vt humanitas; concretum verò per modum habentis formam, vt homo, Homo enim est id quod habet humanitatem.

Sunt autem concreta duplicia: alia substantiæ, vt homo, alia accidentis, vt album. Concreta etiam accidentis sunt duplicia: alia quæ significant accidens existens in subiecto vt album; alia quæ significant accidens existens in se per modum substantiæ, vt albedo quibus duobus generibus concretorum respondent duplicia abstracta. Nam abstractum albi, verbi gratia est albedo: abstractum albedinis, est albedinitas seu ratio albedinis. Quæritur ergo an modo abstracto vel concreto res ponantur in prædicamentis.

Substantia ponuntur in concreto nõ in abstracto.

Dico primò. Substantiæ debent poni in prædicamento in concreto. Primò. Quia in prædicamentis res ponuntur per modum generum & specierum: at genera & species sunt concreta habentque sua abstracta; abstractum enim hominis est humanitas, animalis, animalitas: ergo in substantia res debent poni in concreto significatæ.

Secundò probatur. Quia res debent poni in prædicamento perfecto modo sibi conuenienti: at essentia in concreto habet perfectum modum essendi; significatur enim vt, Quod: in abstracto verò incompletum, quia


quia significatur vt Quo: Ergo debent poni in concreto non in abstracto.

Tertiò. Pars non ponitur per se in prædicamento, sed totum, & ratione totius, pars: at abstractum est pars quædam concreti: ergo non abstracta, sed concreta per se ponuntur in prædicamentis. Minor patet. Quia concretum est habens essentiam abstractum autem dicit solam essentiam, vnde est quasi pars quædam, & veluti forma concreti, humanitas, hominis, concretum verò est quasi quoddam totum, constans essentia & substantia.

Dico secundò. Accidentia ponuntur per se in prædicamento in abstracto non in concreto. Ratio est. Quia res ponuntur in prædicamentis per modum generum, vel specierum: at abstracta accidentium sunt genera & species, non autem concreta: ergo abstracta accidentium non concreta ponuntur per se in prædicamentis. Maior patet. Quia prædicamēta sunt coordinationes generum & specierum sub vno summo genere, ergo sola genera & species ponuntur in prædicamentis. Minor probatur. Quia abstracta accidentium significant quidem formam, sed per modum substantiæ, seu vt in se existentem, vt color, albedo, vnde quamuis non sint concretà ratione subiecti, quia non significant formam cum subiecto, vt album; sunt tamen concreta ratione formæ, quia significant formam existentem in se, & habent suum abstractum sicut genera & species substantiarum, abstractum enim albedinis est ratio albedinis seu albedinitas. Ex quo sequitur concreta accidentium seu accidentia denominatiuè accepta vt album, coloratum, non esse per se in prædicamento. Primò: Quia nō significantur per modum generum & specierum

in se subsistentium, sed per modum adiacentium subiectis: modus enim generis & speciei est modus rei in se existentis, & ratione cuius prædicatur in Quid; non prædicaretur enim in quid nisi significaretur ut quid in se existens. Concretum autem accidentis non significat quid in se existens sed quid adiacens alteri, Unde principaliter & ut Quod, significat subiectum: accidens autem formaliter & ut Quo. Secundo. Quia concreta accidentis sunt entia per accidens composita ex subiecto & accidente, album, verbi gratia, est res affecta albedine: at entia per accidens non ponuntur in prædicamentis: ergo nec concreta accidentium. Quanquam si concreta accidentium sumantur formaliter cum reduplicatione, ut si dicamus album, quatenus album, tunc ratione huius reduplicationis idem significant, quod abstracta, & pro abstractis sumuntur, & sic possunt poni per se in prædicamentis. Cum enim dicimus album, quatenus album, accipimus album præcisè secundum albedinem. Et in hoc sensu dicimus coloratum esse genus respectu albi & nigri, & album & nigrum esse species colorati; sumuntur enim concreta formaliter ut supponunt pro abstractis.

—(o)—



DE-



DISPUTATIO VIII.

De Substantia.

QVÆSTIO PRIMA.

Quid sit Substantia in communi.

Substantia, quæ ab Aristotele *ὀνία*, id est essentia, simpliciter dicitur, definiri potest dupliciter: negatiuè & positiuè. Negatiuè quidem, per negationem accidentis, seu modi existendi accidentalis. Id enim quod est, & non est accidens, *Definitur substantia negatiuè.* necesse est, vt sit substantia, & quod non existit modo accidentis, necesse est vt existat modo substantiæ; inter substantiam enim & accidens in re non datur medium; non potest enim res aliqua esse in mundo, quæ non sit vel substantia vel accidens. Quod si dicas: Ens, Vnum, Verum, Bonum, non dicere determinatè substantiam, aut accidens, cum de vtroq; indifferenter dicantur. Respondeo, ista abstrahere ab vtroq; sed in mente non in re. Deinde cum sint Analoga, & multiplicem significationem habentia, secundum diuersas significationes dicunt nunc substantiam, nunc accidens, in confuso tamen & inexpressè, ita vt propter hunc imperfectum & confusum modum concipiendi, non concipiantur sub determinatâ ratione substantiæ vel accidentis. licet reuera si distinctè conciperetur, necessariò conciperentur sub ratione substantiæ aut accidentis,

Definitur substantia negatiuè.

Inter substantiam & Accidens non datur medium.

tis, vt disp. 6. docuimus. Quare ista abstrahunt solum secundum quid, à ratione substantiæ & accidentis, hoc est ab expressa ratione substantiæ & accidentis, non abstrahunt autem à confusa.

Neq; etiam refert quòd substantia non sit quid negatiuum, & idcirco nō debeat per negationem definiri. Non enim definitur per negationem, tanquam per aliquid essentialē, sed tanquam per id quod indicat eius essentiam; Omnis enim negatio sequitur ex aliqua affirmatione. Quare & negatio accidentis, aut modi accidentalis, sequitur ex essentia substantiæ; id enim quod habet talem essentiam, ratione cuius non est accidens, nec modo accidentali existit, est verè & essentialiter substantia.

Definitur ergo substantia negatiue, esse Ens non existens in alio tanquam in subiecto: Non satis enim est, ad rationem substantiæ, non esse in alio, sed requiritur vt non sit in alio tanquam in subiecto. Nam etiam partes substantiæ, & modi substantiales, sunt in substantia; quia tamen non sunt in substantia tanquam in subiecto, idcirco propter hoc non amittunt rationem substantiæ: Sic etiam humana Christi natura existit in Verbo, non tamen vt in subiecto, ita vt non repugnet substantiæ esse in alio, sed solum repugnet esse in alio, tanquam in subiecto.

*Quid sit esse
in subiecto.*

Quid sit autem esse in subiecto, definit Aristoteles in Antepredicamentis Cap. 2. In subiecto esse dico, quod cum in aliquo sit, non sicut quædam pars, impossibile est esse sine eo in quo est. Tria igitur requiruntur ad hoc, vt aliquid dicatur esse in subiecto. Primum vt sit in alio. Deinde vt non sit pars; id enim quod est in subiecto, est extra substantiam subiecti, & quid extrinse-

insecum illi; si verò sit pars, non erit quid extrinsecum subiecto, neque extra substantiam subiecti, sed potius erit ipsum subiectum; constituet enim subiectum in suo esse substantiali, vel absolute, vel quoad esse completum: pars enim est substantia sui totius. Ex quo patet formam substantialem, partes integrantes, & modos substantiales, ut existentiam & subsistentiam non esse in subiecto: quia constituunt substantiam in esse completo, & sunt partes substantiæ quam constituunt; de ratione autem eius, quod est in subiecto, est, ut non constituat subiectum, per modum partis, sed ut penitus sit extra substantiam subiecti. Quod si dicas, Forma non constituit materiam in esse materiæ, cum sit extra essentiam materiæ: Ergo potest dici esse in materia, ut in subiecto. Respondeo: esse materiæ substantiale est duplex, incompletum, & completum: Forma igitur licet non constituat materiam in esse materiæ incompleto, constituit tamen in esse completo; perficit enim essentiam materiæ imperfectam, & perducit eam ad suum esse substantiale perfectum. Tertiò requiritur, ut impossibile sit esse sine eo in quo est; nam potest esse aliquid in alio, & non ut pars illius, quia tamen potest esse sine illo in quo est, non erit in illo ut in subiecto. Sic corpus est in loco non ut pars, quia tamen potest esse sine loco, idcirco non est in illo tanquam in subiecto: Capilli etiam sunt in homine, non ut pars, quia tamen possibile est esse illos sine homine, idcirco non sunt in homine, tanquam in subiecto.

Forma substantialis non est in subiecto.

Ex quo patet sola accidentia propriè dicta esse in subiecto. Dico propriè dicta, quæ sunt ex natura rei distincta à subiecto, & illi inherent: sola igitur talia.

Sola accidentia sunt in subiecto

Z z z

acci-

accidentia sunt in subiecto; quia sola sunt in substantia, non per modum partis; non constituunt enim substantiam in ratione substantiæ villo modo, cum sint extra genus substantiæ, neq; substantia est formaliter substantia propter accidens: denique ita insunt substantiæ, vt sine substantia esse non possint. Quædam vero sunt accidentia improprie dicta, quæ ex natura rei non distinguuntur à subiecto, sed sola ratione concipiuntur distincta per modum accidentium, quatenus accidens dicitur esse id quod est extra essentiam. Tales sunt proprietates substantiales intrinsecæ substantiis. Hæc igitur sicut non sunt propria accidentia, ita non proprie insunt subiecto, sed concipiuntur inesse per actionem intellectus distinguentis vnum ab altero.

Substantia definitur per proprietates.

Substantia est ens per se existens.

Dupliciter per se existit.

Substantia non repugnat existere in alio.

Secundò definiri potest substantia positiue, per proprietates subsistendi per se, & substandi aliis: per has enim proprietates indicatur essentia substantiæ, quæ est fundamentum, & ratio talium proprietatum. Primò ergo definitur substantia per proprietatem per se existendi: est ens per se existens. Dupliciter autem dicitur aliquid per se existere: vel quia in se non in alio existit, vt in subiecto, hoc est, nulli subiecto nititur: vel quia independentè ab alio existit; dependere enim ab alio, est per aliud non per se existere. Primò modo omnis substantia, tam creata, quam increata, per se existit: quia ita in seipso existit, vt nulli subiecto nitatur; quo etiam sensu partes substantiales, & modi per se existunt. Nam etsi possit substantia existere in alio, tamen non potest esse in alio, vt in subiecto. Nam hic modus essendi tollit ponitur rationem substantialem, quia proprie conuenit ei rei, quæ est extra genus

genus substantiæ; & nullo modo constitutionem substantiæ spectat: At verò alii modi essendi in alio non tollunt rationem essendi substantialem, cum sint modi essendi earum rerum quæ constituunt essentiam per modum partis.

Secundo verò modo. Sola substantia Divina per se existit; quia non solum non dependet ab aliquo subiecto, sed etiam ab omni alio principio; qui est perfectissimus modus substantialiter, id est per se existendi, absq; omni dependentia in esse substantiali.

Divina substantia perfectissima per se existit

Omnes verò substantiæ creatæ in hoc deficiunt à ratione substantiæ, quòd licet non dependant ab illo subiecto (in quo distinguuntur ab accidentibus) dependent tamen in existendo à Deo tanquam à prima causa effectiva: dependent etiam in complemento substantiali, ab alijs partibus essentialibus complementibus, quomodo forma à materia & materia à forma in esse substantiali Completo, à se dependent, ita ut una non sit essentialiter Completa sine alia.

Porro ad rationem substantiæ in communi non requiritur uterq; modus per se existendi: nam substantiæ creatæ sunt essentialiter substantiæ, propter primum solum modum per se existendi; hic enim modus sicut distinguit illas sufficienter ab accidente, ita sufficienter illas constituit in esse substantiæ: quod enim non est accidens, necesse est ut sit substantia.

Secundus verò modus, per se subsistendi, dicit quidem essentialem rationem substantiæ, ea tamen ratio substantiæ non est communis omnibus substantiis, sed peculiaris, & propria substantiæ divinæ. Et verò si independentia à subiecto pertinet ad rationem substantiæ,

tiæ, multo magis independentia ab efficiente, qualis est in Deo. Hæc enim independentia, est multo maior & nobilior quàm illa : cumq; hæ duæ rationes substantiæ sint essentialiter distinctæ, quia distinctas independentias substantiales dicunt, sequitur substantiam creatam & substantiam increatam non convenire Valuocè in ratione substantiæ, vt infra dicemus, sed diuersas essentialiter rationes substantiæ habere.

*Substantia est
qua omnibus
substat.*

Altero verò modo, definitur substantia, per alteram proprietatem, nempe substandi, esse id quod omnibus substat : quomodo primam substantiam Aristoteles dicit esse maximè substantiam quia omnibus substat, omnibus inquam, tam secundis substantiis, quàm accidentibus : nam in prima substantia, tanquam in fundamento subsistunt, & secundæ substantiæ, & accidentia omnia; quia vt ait idem Aristoteles sublatis primis substantiis impossibile est aliorum aliquid esse; si enim indiuiduæ substantiæ tollantur, neq; genera substantiarum erunt, neq; species, neq; accidentia vlla in rerum natura.

*Dari aliquam
substantiam
demonstratur.*

Porro necesse esse dari talem substantiam, quæ omnibus substat, hac rationi conuinci potest. Ea enim quæ in alio existunt, necesse est, vt innitentur alicui, quod per se & non in alio existat. Nam si illud etiam in alio existet, & illud aliud in alio, dabitur processus in infinitum. Cum verò id quod in alio existit, non possit existere, nisi existat id, in quo ipsum existere debet, si illud etiam in alio existit, in infinitum, nunquam peruenietur ad aliquod primum, ratione cuius omnia in alio existentia existant, ac ex consequenti nihil in alio existere poterit; tota enim vniuersitas existet.

istentium in alio per se existere non potest, sed ratione eius in quo existit; ergo si non detur aliquod per se non in alio existens, nihil esse poterit existens in alio. Quocirca necesse est dari aliquid existens per se, quod sit substratum instar fundamenti omnibus iis quæ existunt in alio. Cum verò accidentia sint illa, quæ existunt in alio, necesse est præter accidentia dari substantiam cui tanquam subiecto & fundamento innitantur omnia accidentia. Porro hæc definitio substantiæ per proprietatem substandi, non est definitio omnis substantiæ, sed solum substantiæ creatæ, quæ sola accidentibus subiicitur: nam diuina substantia nullis subiaceret accidentibus.

QVÆSTIO II.

*An ratio substantiæ Deo & creaturis
conueniat vniuocè.*

Affirmant Nominales. Quia ratio subsistendi per se, æquè Deo & creaturis competit, eundem enim conceptum formamus in mente de subsistentia Dei & creaturarum, qui conceptus non magis Deo, quàm creaturis competit. Neque verò refert quòd ratio substantiæ in Deo sit omnino independens, in creaturis dependens. Nam in vtrisque est independens à subiecto, quod sufficit ad rationem substantiæ in communi. Quòd verò Deus habeat aliam maiorem independentiam, id non facit, quominus in priori independentia conueniat vniuocè cum creaturis. Neque enim obstat, quod Diuina substantia, hac ratione æquaretur creaturis. Nam hoc est solum æquari in ratione communi

Zzz 3 gene-

generica, cum alioqui specificam suam rationem diuersissimam habeat, absurdumque est creaturas convenire cum Deo in aliqua ratione specifica, non est autem absurdum convenire in generica.

Communis tamen sententia negat aliquid posse esse commune uniuocum Deo & creaturis. Probatur primo. Quia alia est ratio substantiæ in Deo, alia in creaturis. Nam in Deo omnis gradus substantiæ, qui fingi potest, est ex se independens, cum sit ens per essentiam: in creaturis verò omnis gradus substantiæ est dependens essentialiter à Deo: gradus autem dependens, & independens non sunt unius essentiae & rationis. Nam quòd dicitur utramque substantiam esse independentem à subiecto, id verum quidem est, sed neque in Deo gradus substantiæ independentis ab efficiente, est distinctus à gradu substantiæ independentis ab efficiente, sed est vnus & idem gradus substantiæ, duplicem illam rationem independentiæ fundans, solumque distinguitur secundum quid respectu terminorum, cum tamen utrobique idem gradus substantiæ includatur. Similiter non est cogitandum esse duos quasi substantiæ gradus in substantia creata, alterum qui fundet independentiam à subiecto, alterum qui fundet dependentiam substantiæ creatæ à Deo, sed eundem esse naturæ gradum qui utramque rationem fundat, & sub utraque ratione concipitur. Nam substantia creata per illum naturæ gradum, per quem est independens à subiecto, est dependens à Deo effectiue. Cum igitur substantiæ gradus in creaturis sit essentialiter dependens, in Deo verò sit essentialiter independens, non erunt isti gradus eiusdem rationis uniuocè.

Neque

Neque dici potest dependentiam & independentiam, esse quid superadditum substantiæ; sunt enim ipsa essentia substantiæ, fundans relationem dependentiæ, & negationem dependentiæ; si enim dicas esse accidens, cum omne accidens possit Deus separare à subiecto, posset quoque separare dependentiam, seu rationem dependendi à substantia creata, & sic substantia creata esset independent à Deo, quia non haberet dependentiam, quam subpohimus separatam ab illa. Necessè est igitur dicere, quamlibet rem sua essentia esse dependentem, vel independentem: neque dependentiam aut independentiam esse accidentia, quia non fundantur in aliquo accidente separabili à re, sed in ipsa essentia immediatè. Licet si dependentia sumatur pro relatione, sit accidens essentia. Vt docet. Ferar. 2. Con. Gent. cap. 18.

*Dependentia
& independentia
sunt quod essentiale.*

Potest idem argumentum alio quoque modo formari. Nam cum gradus substantiæ sit ille, qui fundat per se existentiam, in Deo verò gradus substantiæ fundat duplicem per se existentiam (Deus enim ideo per se existit, quia nec in alio, nec ab alio) in creatoris autem solum fundat unam per se existentiam; Creaturæ enim ideo solum per se existunt, quia non in alio, non verò quia non ab alio; hinc fit, ut gradus substantiæ diuersæ rationis sit in Deo & in creaturis, cum diuersam per se existentiam fundet.

Secundò probatur. Quia ubi est analogia, ibi non est uniuocatio: at in ratione substantiæ est analogia inter Deum & creaturam: Ergo in ratione substantiæ non est uniuocatio. Minor probatur.

*Analogia inter
Deum & crea-
turam in ratio-
ne substantiæ.*

Quia

hendo suum influxum effectiuum; hunc autem modum non haberet, si res creata esset effectiuè independens à Deo.

Porro cùm dico effectus à causis secundis non pendere essentialiter, non nego pendere in essentia, *Effectus à causis secundis non dependent essentialiter.* sed solum nego pendere essentialiter, hoc est, ex vi essentia & necessariò. Nam dependentia effectus à causis secundis vt terminatur ad causas secundas, potest suppleri à Deo, dependentia verò à Deo, non potest suppleri ab vlla causa. Ex quo patet ex dependentia substantiarum creaturarum à Deo, in ratione substantia, rectè inferri analogiam in ratione substantia, non verò ex dependentia ipsarum à causis secundis.

Ad fundamentum primæ sententiæ patet ex dictis. Nullus enim gradus substantia, qui est in creaturis, est eiusdem rationis in Deo, quia in creaturis est essentialiter dependens, in Deo independens. Nam ille gradus in creaturis dependens in Deo independens, est formaliter gradus substantia. Vnde conceptus ille communis de substantia Dei & creaturarum, est solum communis analogicè & in confuso: si tamen distinctè, & expressè, explicetur, non respondebit illi quid commune, sed duo diuersi gradus substantiales cum diuersa ratione substantia.

Quòd verò dicitur de communi gradu substantia independentis à subiecto, dicimus hunc gradum in creaturis esse formaliter illum gradum substantia dependentis essentialiter à Deo; substantia enim secundum illum gradum & à subiecto non dependet, & à Deo dependet, talis autem gradus substantia qui sic essentialiter dependens non inuenitur in Deo. Qua-

re necesse est dicere illum gradum substantiæ, non esse communem vniuocè creaturis & Deo. Similiter, gradus substantiæ independentis à subiecto, & gradus substantiæ independentis ab efficiente non sunt in Deo distincti gradus simpliciter, sed vnus & idem gradus, vtramque rationem fundans, ita, vt non in essentia, sed solum in diuersis respectibus, quos fundat distinguatur. Sicut idem in ordine ad diuersa conceptum: Ad vniuocationem autem requiritur præcisio graduum simpliciter, non tantum secundum quid, vt supra disp. 6. docuimus.

QVÆSTIO III.

An ratio substantiæ sit communis Vniuocè omnibus substantiis creatis.

Ratio dubitandi ex; Quia est vna parte, videntur omnes substantiæ creatæ conuenire inter se vniuocè in modo per se existendi, seu in modo existendi independenti à subiecto, cum id non magis vni quàm alteri competat. Ex altera verò parte, videtur ratio substantiæ, in rebus creatis esse susa per omnes gradus genericos & específicos substantiales; omnes enim dicti gradus sunt essentialiter substantia. Vnde duplici ratione sequitur, rationem substantiæ non esse his gradibus vniuocam. Primò. Quia genus vniuocum non prædicatur de differentiis: ac substantia prædicatur de omnibus gradibus substantiali-

tialibus, & de omnibus differentiis illorum: Ergo. Secundò. Quia rebus diuersis quâ diuersæ sunt, nihil potest esse commune vniuocum: ac gradus substantiæ sunt inter se diuersi: Ergo nihil est commune vniuocum. Dices. esse diuersos in vno, conuenientes in alio. Contra. Quia isti gradus quâ diuersi sunt, sunt substantiales: Ergo illis quâ diuersi si sunt, ratio substantiæ competit: ergo non vniuocè; quia diuersis quâ diuersa sunt, nihil est commune vniuocum.

Pro solutione notandum substantiam posse accipi dupliciter. Primò. latè, pro omni eo, quod ^{substantia simpliciter latè & strictè} substantialiter existit quocunque modo existat; substantialiter autem existere est independentè à subiecto existere, seu non dependere in existentia ab illo subiecto, quomodo tam partes substantiales, quam etiam modi dicuntur substantiæ. Secundò. strictè, pro eo quod perfectè per se existit, non solum independentè à subiecto, sed etiam independentè ab omni alio complectè rationem subsistendi, quomodo formæ, & modi substantiales, non sunt substantiæ; quia per se non perfectè existunt, nisi coniungantur cum materia; forma enim substantialis sine materia non potest per se existere, materia verò quia in ratione subsistendi est independentes à forma, habet illam perfectam rationem subsistendi, ratione cuius dicitur substantia strictè; potest enim etiam si non compleatur per formam, per se sufficienter existere, vt docetur. Primo Physicorum.

Dico igitur Primò: Substantia latè sumpta non est communis vniuocè rebus creatis. Probatur primò rationibus allatis in ratione dubitandi. Secundò. Quia vniuocum dicit vnam & eandem rationem in multis: et substantia dicit diuersas rationes substantiæ in diuersis: diuersæ enim substantiæ, quæ diuersæ, sunt substantiæ: Ergo substantia non est quid vniuocum respectu illarum. Tertiò. Alioqui sequeretur omnes substantias esse eiusdem essentia. Nam vniuocum, quæ vniuocum, sunt eiusdem essentia: et substantiæ secundum omnes suos gradus genericos & específicos sunt substantiæ: ergo si ratio substantiæ sic vniuoca, essent secundum suos gradus genericos & específicos eiusdem essentia.

Ratio substantia vniuoca omnibus creatis.

Dico secundò. Probabile est, substantiam strictè acceptam conuenire vniuocè omnibus substantiis creatis, tam spiritualibus, quam corporeis: Quia omnes substantiæ creatæ in hac perfectione substantiali conueniunt, quod per se perfectè existant, sine dependentia, tam ab omni subiecto, quàm ab omni alio complente rationem substantiæ: estque hæc perfectio substantiæ, specialis quidam gradus in substantia, qui non conuenit omnibus gradibus & partibus. Nam non omnes gradus & partes habent hanc perfectionem substantiæ, vt possint sine alio per se existere; forma enim, Verbi gratia, non potest existere sine materia. Porro hic gradus perfectè subsistendi in corporeis, sumitur præcipuè à materia, in spiritalibus à gradu intellectu; gradus enim intellectiuius est ex se sufficiens ad subsistendum

stendum sine omni subiecto, & omni alio complēte, vt patet in anima rationali, quae ratione gradus intellectui per se sufficienter existit, sine omni dependentia tam à subiecto, quam ab omni alio complēte & requisito ad subsistendum.

Quod si obiicias. Iste gradus substantiae Vniuocus, non esset spiritualis nec corporeus, sed abstrahens ab utroq; : hoc autem est absurdum, Cum non possit dari aliqua res, quae non sit essentialiter spiritualis vel corporea. Respondetur, hunc gradum ex sua ratione formali, nec esse spirituales, nec corporeum; tamen in spiritualibus esse spirituales, in corporeis corporeum, non formaliter, sed identice, quia identificatur Entitati spirituali, vel corporeae; sicut animal in homine est rationale identice non formaliter, in bruto, irrationale, ratione differentiarum contrahentium cum quibus identificatur.

Ratio substantia abstrahit à spirituali & corpore.

Obiicias secundò. Gradus iste substantiae, vel est simplex, vel compositus; si simplex, non conuenit rebus materialibus, quae sunt compositae; si compositus, non conuenit rebus spiritualibus, quae sunt simplices. Respondet Fonseca: ex se nec esse simplicem nec compositum, sed indifferentem ad utrumq; sicut qualitas ex se nec est diuisibilis, nec indiuisibilis, sed indifferens ad utrumq; nam in diuisibilibus est diuisibilis, in indiuisibilibus indiuisibilis.

Item à simplicibus & compositis.

Quod si istes, inter compositum & simplex non datur medium: nam eo ipso quòd aliquid non est compositum, est simplex: quia non est Conflatum ex multis. Similiter eo ipso quòd aliquid non est simplex, necessariò est compositum. Et sicut inter vnum & multa

*Inter simplex
& compositum
non datur me-
dium in re non
in mente.*

non datur medium, ita nec inter simplex & compositum, quia simplex est vnum, compositum verò multa. Respondeo, inter ista in re non datur medium: quia à parte rei necesse est rem aut esse simplicem aut compositam: in intellectu tamen datur medium, quia intellectus potest abstrahere ab utroque: datur enim talis ratio quæ æquè saluatur cum simplicitate, sicut cum compositione. Deinde etiam inter contradictoria non datur medium in re, & tamen intellectus potest abstrahere ab utroque; contradictoriorum, ut in Disputat. 3. dictum est. Ad hæc natura in Petro & Paulo est diuisa, & multiplex, & tamen per intellectum abstrahentem fit indiuisa & vna: pari ergo ratione non repugnabit eidem naturæ esse simplicem & compositam.

Oppositum tamen aliqui sentiunt, nempe gradum substantiæ, non conuenire vniuocè spiritualibus & corporeis: nam in corporeis inquirunt, sumitur ratio substantiæ à materia, in spiritualibus à gradu intellectiuo: substantiæ enim spirituales, quia intellectuales sunt, per se subsistunt, & independenter à subiecto: Corpores verò à materia & forma, suam subsistentiam accipiunt. Cum igitur materia, nihil sit commune vniuocum eū esse intellectiuo; consequens est, neq; rationem substantiæ esse communem vniuocè: omnes enim gradus in materia, sunt materiales, in rebus spiritualibus, spirituales. Dicunt igitur omnes quidem substantias materiales conuenire inter se vniuocè in ratione substantiæ, quia conueniunt in materia, à qua præcipuè sumitur ratio per se subsistendi. Substantias etiam spirituales conuenire inter se vniuocè, in ratione substantiæ, quia conueniunt vniuocè in gradu intellectiuo, à quo sumitur ratio per se subsistendi: tamen substantias materia-

les.

les cum spiritualibus negant: convenire vniuersè, eo quod non sit possibile dari aliquam naturam ex se, nec materialem nec immaterialem, nec spiritualement nec corpoream, cum hæc resoluatur in contradictoria. Nam quod dicitur, naturam illam esse materialem, identice non formaliter, id aiunt non sufficere: nam in re ponitur gradus formaliter: ergo eius ratio formalis debet esse intrinsecè, & ex seipsa, vel materialis vel immaterialis, non solum ex identitate cum altero.

Verum ista non conuincunt: nam non repugnat ens materiale & spirituale habere aliquid commune; conueniunt enim in ratione per se subsistendi: Neq; repugnat dari rationem aliquam, quæ ex sua formali ratione nec sit materialis nec immaterialis, sed æquè in utroq; saluetur; licet repugnet à parte rei dari, quin sit vel materialis identice vel spiritualis: Nam simili ratione repugnat dari animal à parte rei, quod nec sit rationale, nec irrationale: & tamen animal ut animal ex sua ratione formali nec est rationale nec irrationale; sed indifferens ad utrumquæ. Neq; necesse est omnes gradus in materia esse materiales formaliter, hoc est, ex ratione sua formali: sed satis est, quod sint materiales identice, hoc est, per identitatem cum differentia propria materia.

*Reincant appo-
sim sententia.*

QVÆSTIO IV.

An Deus sit in predicamento.

DVpliciter possumus de Prædicamentis loqui, vel ut sunt à primis Inuentoribus instituta, vel absolute specta-

spectatâ naturâ rerum. Item dupliciter potest poni aliquid in prædicamento, vel directè, & per se, tanquam species vel individuum illius generis; vel reductivè & per accidens, sicut punctum ponitur in quantitate, tanquam principium quantitatis, non tanquam quantitas. His ergo suppositis.

Dico primò, si loquamur de prædicamentis secundum eam rationem, qua nobis descripta sunt & tradita à primis inventoribus DEUS non ponitur in prædicamento. Nam si poneretur, in substantia poneretur. Ac substantiam definit Aristot. à substantando, præcipuamque eius proprietatem assignat, ut eadem numero manens sit contrariorum susceptiva. Deus autem non est talis substantia, quæ substat accidentibus, & contraria recipiat: Deus igitur non erit in Prædicamento substantiæ descriptæ ab Arist. Nec mirum: nam primi illi Philosophi solum vel præcipuè rerum sensibilibus, scientiam quæsiērunt, & ad res sensibiles cognoscendas & inter se distinguendas summa decem genera adinvenērunt: rerum verò spiritualium vix ullam, vel saltem exiguam notitiam habuerunt. Unde Prædicamenta secundum eam rationem, quam habent in rebus sensibilibus, descripserunt.

Deū nullo modo esse in Prædicamento substantiæ.

Dico secundò, ex natura rei loquendo de Prædicamentis, Deum nullo modo esse in Prædicamento substantiæ. Ita communiter Theologicum S. Thomas in prima parte quæst. 3. art. 5. Ratio à priori sumitur ex natura generis: Ratio enim generica, est ex se indifferens, & indeterminata ad rationes específicas, alioqui si esset ex se determinata ad unam, non posset contrahi per alteram. At talis indeterminatio & indifferentia repugnat Deo: ergo ratio generis repugnat Deo, & ex conse-

Ratio à priori siquidem ratio generis repugnat Deo.

consequenti Deus non potest esse sub genere substantia. Minor probatur: quia cum Deus sit ens per essentiam, seu ex se ens, non ab alio ens: omnis ratio in Deo ex se erit determinata ad omnes alias perfectiones Divinas: ac proinde non erit indeterminata & indifferens. De ratione enim entis per essentiam est; ut sit ex seipso ens, & ex seipso vendicat sibi omnem perfectionem entis: nam si non ex seipso, ergo ab alio, & sic erit ens ab alio, non ens per essentiam. Si etiam ratio aliqua in Deo non sit ex se determinata ad omnes alias perfectiones; deberet ab alio determinari ad illas: quod enim ex se non est determinatum ad aliquid, eget alio determinante: determinari autem ab alio, directe repugnat enti per essentiam.

*Repugnat Deo
omnis ratio ex
se indeterminata.*

*Deum Ens per
essentiam.*

In quo apparet diuersitas, inter perfectiones creatas & increatas: nam perfectiones creatas, etiam si in re identificentur inter se, tamen hanc identificationem non habent ex se, seu ex ratione sua formali. Animal enim, ut animal, non est necesse esse rationale, sed quantum est ex se, æque potest esse rationale, sicut irrationale. Unde si debet esse rationale, ab alio debet effici rationale, & ideo non est ens per essentiam, sed ens ab alio. Non ita est in Deo, quia omnis ratio & perfectio increata ex se non ab alio est, id quod est; ac proinde essentialiter est determinata ad alias omnes rationes & perfectiones, idque habet ex propria ratione entis per essentiam. In hoc enim differt ens per essentiam ab ente per participationem, quod illud sit ex se ens, & ex sua ratione formali entis, determinatum est, ad id totum quod est; hoc verò ex se non habet talem determinationem, sed ab alio determinatur.

*Discrimen inter
perfectiones
creatas & de-
um.*

Ex hoc autem sequitur, non posse in Deo præscindi rationem aliquam ex se indeterminatam, & indifferentem ad alias rationes, cum talis indeterminatio repugnet rationi entis per essentiam; ac proinde repugnat in Deo concipi rationem aliquam verè genericam: si quidem ratio generica non potest esse sine indeterminatione.

*In Deo non est
fundamentum
conceptui inde-
terminati.*

Nam si dicas, hanc indifferentiam oriri ex abstractione intellectus, quæ Deo nihil aufert, sicut neq; confero. Respondeo. Oriri quidem ex abstractione sed cum fundamento in re, quia nimirum in re, natura est talis conditionis, quæ ex ratione sua formali, non est determinata ad vnum, & ideo potest indeterminatè concipi. In Deo verò non est tale fundamentum concipiendi, cum omnis ratio in Deo sit ex se, & essentialiter determinata ad omnes alias perfectiones Diuinas; Vnde non potest cum fundamento in Deo concipi, vt indeterminata & indifferens. Quod etiam confirmatur à simili: quia ex sententia omnium Theologorum, existentia & singularitas, est de essentia naturæ Diuinæ, non verò est de essentia naturæ creatæ, licet illi identificetur. Cuius non alia est ratio, nisi quod natura Diuina est ens per essentiam, ac proinde ex sua ratione essentiali determinata ad omnes perfectiones Diuinas, ita vt quælibet ratio in Deo sit essentialiter omnis, & omnes sint essentialiter quælibet, & vna de essentia omnium, & omnes de essentia vnius, quare & existentia & singularitas, erit de essentia singularium perfectionum Diuinarum. In creatis verò talis determinatio vnius ad aliam non inuenitur, fit enim ea determinatio effectiue ab alio, cum rationes ex se non sint de sua essentia.

*Singularitas
de essentia sin-
gulari Dei.*

Ex hac

Ex hac ratione formari alia possunt & explicari. Nam de ratione generis est, ut sit quid ex se potentiale & perfectibile: At esse quid potentiale & perfectibile Deo repugnat: ergo repugnat & ratio generis. Maior probatur, quia quod est ex se indeterminatum, & indifferens est ex se potentiale: quia potest actuali per id, ad quod est indeterminatum, est etiam ex se perfectibile, quia cum sit indeterminatum perficitur per differentiam determinantem. Dices hanc potentialitatem & perfectibilitatem esse solum in conceptu non in re; nam in re perfectio divina est actualis & perfecta, ut verò præcinditur una ab alia, sit potentialis & perfectibilis. Respondeo esse quidem formaliter in conceptu, sed fundamentaliter in re, ut paulò ante dictum est, & quia repugnat Deo habere in se fundamentum talis conceptus, ideo absolute talis conceptus repugnat Deo.

*Repugnat Deo
omni ratio po-
tentialis &
perfectibilis.*

Ex hac etiam ratione explicari possunt alia, quæ ab Autoribus afferuntur ad probandum Deum non esse in Prædicamento.

*Defenduntur
rationes alio-
rum Autho-
rum.*

Prima est. Quia sequeretur Deum componi ex genere & differentia, quod repugnat simplicitati divinæ. Hanc rationem conatur solvere Gregorius in primo dist. 8. quæst. 3. dicens compositionem realem ex pluribus ex natura rei distinctis, repugnare simplicitati divinæ; non verò compositionem per intellectum. Deum enim simplicem, potest intellectus composse concipere, concipiendo illum inadæquatis ac proinde pluribus conceptibus. licet enim adæquatus Deo conceptus, sit unus, inadæquari tamen sunt plures. Talis autem compositio est ex genere & differentia. Verum hæc solutio non valet.

Prima ratio.

Bbbb 2

Nam

*Compositio ex
Genere & Dis-
ferentia Deo
repugnat.*

Nam licet, compositio per intellectu non tollat simplicitatem Diuinam, tamen compositio ex genere & differentia est talis compositio, quæ habet fundamentum in re, & supponit naturam ex sua ratione formali conceptibilem, tanquam indeterminatam & potentialem ad aliam. Cum igitur Deo repugnet fundare tales conceptus, repugnabit etiam fundare talem compositionem, quæ conficitur ex talibus conceptibus.

Secunda.

*Repugnat Deo
fundare ratio-
nem partium.*

Secunda est. Omne genus est pars speciei: At Deus non habet partes: ergo neq; potest habere genus. Respondet Gregorius, repugnare quidem Deo, habere partes reales, & ex natura rei distinguibiles, non verò, si sint distinctæ per solum conceptum: conceptus enim nostri non mutant Dei simplicitatem. Verum hæc responsio non valet: Nam repugnat Deo fundare rationem partium. de ratione enim partium est, ut vna ex ratione sua formali non includat alteram: At perfectiones Diuinæ ex ratione formali sunt tales, ut vna essentialiter includat alteram, & vna sit de conceptu formali alterius; quod oritur ex ratione entis per essentiam: ergo fundare rationem partium in intellectu repugnat Deo.

Tertia.

*Essentia Diui-
na ab existen-
tia non potest
abstrahi cum
fundamento
in Deo.*

Tertia est. Sequeretur existentiam non esse de essentia Diuinæ naturæ: nam genus & species abstrahunt ab essentia. Respondent, non repugnare per rationem abstrahi essentiam ab existentia, sed hæc responsio non valet. Nam in rebus creatis in quibus essentia est nõ ex se, & ratione sua formali existens, potest essentia abstrahi ab existentia, non tamen in Deo; quia Deus est eas per essentiam, & ex sua essentia existens: quare existentia est de ratione essentia ipsius, neq; fundare potest hanc

hanc abstractionem. nihil enim potest abstrahi à suis essentialibus. At de essentia cuiuscunque perfectionis Divinae est existentia: ergo perfectio Divina non habet in se fundamentum, ut possit concipi sine existentia, nisi per analogiam ad creaturas, & cum fundamento in creaturis, non in Deo, ut docent Theologi.

Quarta est. Ratio generica est indeterminata ad rationes specificas; At ratio substantiae in Deo, non est indeterminata ad finitam & infinitam, cum sit essentialiter infinita, & repugnatale quid in Deo, non esse finitum: Ergo non datur in Deo ratio generica. Respondent. Repugnare quidem dari aliquam rationem in Deo à parte rei, quae non sit infinita per identitatem, cum omnibus perfectionibus divinis, non repugnare autem abstrahi, talem rationem per intellectum, quae nec sit finita nec infinita: quia solum hoc est considerare eam rationem, nec ut finitam nec infinitam. Sed contra: Omnis ratio in Deo est ex se, & essentialiter infinita; ergo non potest abstrahi ab infinitate, cum fundamento in re: quia nihil potest abstrahi à suis essentialibus: Unde talis abstractio esset ficta & sine fundamento in re: neque conveniret perfectioni Divinae.

Perfectio divina non potest (cum fundamento in Deo) abstrahi ab infinitate.

Quinta. Quod est sub aliquo genere, clauditur intra illud genus, ita ut non sit extra illud: Deus autem, nullo genere claudipoteat, cum extendat se ad omnia genera. Verum hæc ratio non videtur concludere. Tum quia Deus reuera ita continetur intra rationem substantiae, ut extra rationem substantiae nullo modo se extendat: nullo. n. modo subiicitur accidentibus: cum accidentia in Deo substantialiter contineantur & eminenter. Tum quia contineri sub tali genere, quod in-

Quinta.

Bbbb 3 finitas

nitās & omnes perfectiones entis complectitur, nullam dicit imperfectionem, quod enim sub tali genere continetur, nihil ei deest ad perfectionem. Dicendum tamen est, hanc rationem esse bonam: Nam si Deus continetur sub aliquo vero genere, illud genus, ex ratione sua formali non esset infinitum, sed indifferens ad finitum & infinitum, id enim postulat natura generis. Unde cum contraheretur ad infinitum, contraheretur ad unam tantum partem perfectionis illi generi debitam, & non haberet omnem perfectionem sibi convenientem; quia non haberet perfectiones finitas, per quas est perfectibile ex ratione propria generis. Et licet in infinitate contingerentur omnes perfectiones finitæ, tamen illud genus esset capax perfectionum finitarum, non solum ut eminenter continentur in alia perfectione; sed etiam ut sunt in seipsis formaliter. Unde verè ratio illa generica si esset in Deo, non esset omnimodè perfectæ, omni ea perfectione qua perfici potest: quod quia absurdum est, idcirco etiam absurdum est admittere in Deo rationem aliquam verè genericam. Nam si hæc ratio esset substantiæ in communi, talis ratio est perfectibilis tam substantialiter quàm accidentaliter. in Deo autem non haberet omnem perfectionem, nec substantialem finitam, nec accidentalem, quæ ex substantiali finita consequitur, & sic Deus, non esset in omni genere perfectus.

Sexta.

Sexta. Infinitum non potest esse sub genere, quia quia infinitum est, comprehendit omnia, ac proinde & ipsum genus; cum ergo de ratione veri generis sit non contineri in differentia, non poterit in-

finito.

finito assignari verum genus. Quid si dicas infinitum in quantitate & qualitate, contineri sub vero genere quantitatis vel qualitatis; ergo & infinitum in genere entis possit contineri sub vero genere substantiæ. Respondeo esse magnum discrimen. Nam infinitum in certo aliquo genere, non comprehendit omnia. Vnde non est necesse genus contineri in eius differentia. At infinitum simpliciter in genere entis, continet omnem rationem entis, ac proinde & rationem illam genericam. Vnde si differentiam haberet infinitam, in ea contineretur genus, quod est contra rationem veri generis. Deinde Deus non est quomocunque infinitus, sed ex se, & per essentiam infinitus. Vnde omnis ratio in Deo esset ex sua essentia infinita, & determinata essentialiter ad infinitatem, ac proinde non posset præciundi cum fundamento ab infinitate; quod requiritur ad rationem genericam. Dices. Infinitatem potius facere, ut Deus infinite perfectius participet rationem substantiæ; ergo propter infinitatem non excluditur à genere substantiæ, sed potius includitur; quia quod perfectius participat rationem alicuius generis, magis pertinet ad illud genus, quam illud quod minus perfecte.

Deus est per essentiam infinitus.

Respondeo. Propter infinitatem non excludi Deum à ratione substantiæ, quia perfectissime & infinite illam habet, sed excludi à generica, & ex ratione sua formali præcisa à rationibus particularibus substantiæ: talis enim præcisio destruit rationem entis per essentiam, ut dictum est.

Septima

*Septima.**Prædicamenta
dicunt rationes
contradistinctas.
Idem.*

Septima ratio afferri solet. Prædicamenta dicuntur rationes contra distinctas, ac proinde limitatas, ita ut vna non includat alteram, verbi gratia, substantia, non includat quantitatem, & qualitatem. At Deus omnium Prædicamentorum perfectiones in se continet: ergo non potest poni in vilo Prædicamento peculiari. Verum hæc ratio non videtur concludere. Nam Prædicamenta dicuntur rationes contradistinctas, si secundum suas rationes formales sumantur: non verò ut eminenter, in aliqua re superiori continentur. Verbi gratia, quantitas, si sumatur formaliter, ut accidens quoddam habens partes extra partes, dicitur perfectionem contradistinctam substantiæ. At si sumatur, ut eminenter continetur in substantia, non distinguitur à substantia: verum sic non constituitur genus Prædicamenti quantitatis, sed solum ut sumitur formaliter. Deus igitur etsi contineat omnem perfectionem aliorum Prædicamentorum eminenter, quia tamen non continet formaliter, sub rationibus accidentalibus ipsorum, ideo relinquit locum aliis Prædicamentis, & suam perfectionem substantialem habet contradistinctam, rationibus accidentalibus aliorum Prædicamentorum: ita ut hæc continentia non impediat, quominus posset Deus esse in peculiari Prædicamento ab aliis distincto, si hoc aliunde non repugnaret. Ut igitur hæc ratio concludat, reducenda est ad quintam rationem.

At obiicitur Primò. Substantia prædicatur de Deo in quid, Ergo Deus est verè sub genere substantiæ. Respondeo rationem illam substantiæ non esse verè genericam, ac proinde non prædicamentalem, cum de essentiali rationis genericæ sit indeterminatio, quæ repugnat substantiæ Diuinæ, quæ est ex se, & essentialiter determinata ad perfectionem Diuinam: nec vilo modo est

do est indeterminata ad ipsam & non ipsam. Quod etiam ex eo patet; quia si animal, Verbi gratia, esset ex se, & ex ratione sua formali, determinatum ad rationale, non posset esse genus ad rationale & irrationale, quia non posset esse nisi rationale. Similiter secundum Divum Thomam natura specifica Angelica, quia est ex se determinata ad hoc numero individuum, non potest esse in pluribus individuis, ac proinde non est verè species & vniuersale, hoc est, cum fundamento in re.

Obiicitur secundò. ratio substantiæ in creaturis est ex se indeterminata ad finitam & infinitam; ac substantia infinita simpliciter, est Diuina: ergo datur ratio substantiæ verè generica, quæ prædicatur de substantia Diuina. Respondeo. Deum non esse substantiam quocunque modo infinitam, sed ex se & per essentiam infinitam. Ratio verò substantiæ quæ est in creaturis indeterminata ad esse finitum & infinitum, non est indeterminata ad esse per essentiam infinitam. Non esset igitur talis substantia Diuina, sed infra Diuinam: quia, solum esset per identitatem cum infinitis perfectionibus infinita, sicut animal per identitatem cum rationali est rationale. Non esset autem ex se & ratione sua formali infinita: quia aliòqui non esset indeterminata ad finitam & infinitam; sed esset essentialiter determinata ad infinitam tantum. Accedit quòd vel est possibile creaturam esse infinitam in genere substantiæ, vel impossibile, si impossibile: ergo indeterminatio ad illam est impossibilis, & non conuenit substantiæ. Si verò sit possibilis, illa substantia non esset diuina, sed creata: quia non esset talis per essentiam, sed ab alio. Ex quo patet, quòd illa ratio substantiæ indeterminata

Aliquid est ex se aliquid ab alio infinitum.

Eccè nata

nata non pertinet ad Deum. Non nego tamen rationem substantiæ esse communem Deo, & creaturis analogicè sicut & ratio entis eodem modo est communis: nego autem vniuocè.

Non esse statuenda noua Prædicamenta pro Deo.

Ex dictis infero. Deum non solum non esse in aliquo Prædicamento communi cum rebus creatis; sed neque in proprio & peculiari, ut quidam viderunt, dicentes: distinguenda quædam Prædicamenta esse constituenda pro Deo, in quibus sit Substantia, Diuina, quantitas, qualitas, relatio, actio. Vbi, Quando Diuinum, cum hæc omnia sint diuersa & longe differentis rationis in Deo, quam in creaturis. Nam rationes nostræ conuincunt Deum non posse esse sub illo vero genere, siue illud statuatur commune cum creaturis, siue non. Deinde implicatur in adiecto, cum dicitur esse genus, & non esse commune cum creaturis: De ratione enim veri generis est, ut sit indeterminatum, & commune ad multa. Si autem soli Deo competat, non erit indeterminatum ad multa, ac proinde non erit verum genus.

Deum non reduci ad prædicamenta.

Dico Tertio. ne reductiue quidem Deum poni in Prædicamento substantiæ, tanquam principium illius. Ita Diuus Thomas supra, cuius ratio est, Id enim solum ponitur reductiue in prædicamento, quod ita ad illud Prædicamentum pertinet, ut extra illud non sit; hanc enim ob causam Transcendentia non ponuntur in certo Prædicamento: quia vagantur per omnia: Punctum verò ponitur reductiue in quantitate,

rate, quia est principium linear, & ad genus tantum quantitatis pertinet. At Deus est principium omnium Prædicamentorum; ergo non potest poni reductiue in vilo Prædicamento. Deinde quòd aliquid reducatur ad aliud, id ex eo prouenit, quòd in illo genere est quid imperfectum: non enim perfecta ad imperfecta reducuntur: sed è contra imperfecta ad perfecta. Verbi gratia, partes ad totum, & modus ad rem cuius est modus. Deus autem non est quid imperfectum in vilo genere: ergo non potest ad vllum genus reduci: sed potius omnia Prædicamenta reducenda sunt ad Deum, tanquam ad suum principale analogatum, in genere entis.

Addi potest & alia ratio Logica ad probandum Deum non posse poni in Prædicamento substantiæ, qua nonnulli Recentiores vsuntur: quis nimirum natura Diuina non est vniuersalis nec per modum generis, nec per modum speciei: Prædicamenta autem sunt coordinationes generum & specierum. Nam quod Deus non sit species, patet quia species est natura communis multis indiuiduis. At natura Diuina est determinata, ad vnum tantum indiuiduum; ergo non potest esse species. Deinde species est natura abstracta ab indiuiduis; at natura Diuina cum sit essentialiter singularis, non potest abstrahi à sua ratione indiuiduali: ergo non potest effici species. Dices vniuersalitatem non esse de ratione naturæ specificæ, neque vt natura est, neque vt prædicabilis est, quia æquè prædicatur de vno indiuiduo sicut de multis.

*Logica ratio, q
Deum non sit in
Prædicamēto.*

Cccc 2 Re-

Respondeo, vniuersalitatē non esse de ratione naturæ, vt natura est, neque de ratione naturæ, vt prædicabilis est; sed esse de ratione naturæ vt species est: quia ex hoc formaliter dicitur species: quia prædicatur de multis numero differentibus in quid, vt patet ex definitione speciei. Dices. Species est prædicabilis & subiicibilis, & sub vtraque ratione dicitur species. ergo natura Diuina saltem vt subiicibilis est generi, & vbi constat genere ac differentia posset dici species. Respondeo. Ad rationem speciei subiicibilis non satis est subiici generi quocunque modo, sed requiritur vt subiiciatur tanquam species: hoc est tanquam natura communis multis. Nam etsi indiuidua subiiciuntur generi: quia tamen subiiciuntur, vt naturæ singulares non vt naturæ communes, ideo non subiiciuntur vt species, neque propter hanc subiectionem habent rationem speciei. Ex quo etiam sequitur naturam Diuinam non habere genus: genus enim non nisi respectu specierum dicitur genus: At natura Diuina non est species, ergo nullum habet verum genus. Sequitur etiam Deum non posse poni in Prædicamento substantiæ tanquam Indiuiduum: quia nec est Indiuiduum genericum nec specificum, qualia solum Indiuidua in Prædicamento ponuntur.

Sed quæres. An saltem diuina attributa sint in eodem genere prædicamenti, cum perfectionibus creatis. Verbi gratia, Sapientia diuina, intellectus, voluntas: ista enim conuenire videntur in ratione communi vniuoca cum sapientia, intellectu, voluntate creatis.

ta. Respondeo. Non esse, propter easdem rationes: nam neq; conueniunt vniuocè in ratione communi, cum rebus creatis, neq; in modo prædicandi. Quòd non sit communis ratio vniuoca probatur. Quia sub-

Substantia & accidentis nihil est commune vniuocum.

stantiæ & accidenti nihil est commune vniuocum; quidquid enim est in substantia, substantia est, & in accidente quidquid est, accidentale est; neq; datur aliquis gradus naturæ, qui nec sit substantia, nec accidens. Cùm igitur attributa diuina sint substantiæ, secundum omnes suos gradus, creata verò attributa, sint accidentia, secundum omnes suos gradus, non datur ratio communis, vniuoca istis attributis. Quod si dicas: Ratio formalis sapientiæ, potest abstrahi à substantia & accidente, cùm possit esse substantia & accidens. Respondeo. Ex tali abstractione non inferri vniuocationem. Nam etiam simili modo ens abstrahit à substantia & accidente, neq; tamen propterea est quid commune vniuocum; solum enim infertur ex abstractione perfecta, ita vt nullo modo vnum includatur in alio: qualis abstractio non inuenitur in ente respectu substantiæ & accidentis, neq; in sapientiæ respectu sapientiæ substantialis & accidentalis.

Quòd verò non conueniant in modo prædicandi, patet: quia vna est prædicatio substantialis, alia accidentalis. Nam cum dico, Deum esse sapientem, prædicatio secundum rem est substantialis; quia in re sapientia Dei est substantia eius. Et licet forma sit denominatiua: tamen ea forma Deo propriè non conuenit, nec enim propriè Deus dici potest denominatiuè sapiens, nisi cum hac adiectione intelligatur, nempe abstractis om-

Diuina attributa non conueniunt vniuocè.

nibus imperfectionibus, ac ex consequenti abstracta imperfectione accidentali.

Quare cum Deus dicitur sapiens, sensus est, est sua sapientia, ita ut solum voce sit ea prædicatio accidentalis; re autem substantialis, in rebus verò creatis, prædicatio sapientiæ est accidentalis; quia sapientia creata est accidens, & modo accidentali conuenit. Ex quo patet sapientiam creatam & incretam, in modo prædicandi non conuenire.

*An Relationes
diuinae ponan-
tur in Prædi-
camento Rela-
tionis.*

Similiter si quis obiiciat, Relationes diuinas poni in prædicamento Relationis; si quidem in ratione generica relationis conueniunt cum relationibus creatis. Respondeo non poni propter easdem rationes: quia, ut dictum est substantiæ & accidenti nihil potest esse commune vniuocum: at diuinæ relationes sunt substantiæ non solum identicè, sed & formaliter, creatæ verò sunt accidentia: ergo non conueniunt vniuocè in ratione communi. Non etiam conueniunt in modo prædicandi; quia creata prædicantur accidentaliter, diuina substantialiter: At quæ non conueniunt in eodem modo afficiendi & denominandi primam substantiam, non ponuntur in eodem prædicamento: Ergo nec relationes Diuinæ. Adhæc relatio diuina est ens per essentiam, enti autem per essentiam repugnat indeterminationi generica, ergo & Relationi diuinæ repugnat esse sub aliquo vero genere. quæ ratio vniuersaliter probat de aliis quoque diuinis attributis & perfectionibus.

*Ratio vniuers.
salutis promissa
bus attributa
diuinis.*

¶(O)¶



QVÆ

QUESTIO V.

An substantia incorruptibiles, ut cali, & Angeli sint in predicamento.

Difficultatem parit textus Aristotelis 10. Metaphysicæ ultimo, ubi ait corruptibile & incorruptibile differre genere: ex quo sequitur, substantias corruptibiles & incorruptibiles, non esse in eodem genere prædicamenti. Nam si sint in eodem prædicamento, non different genere. Angeli etiam secundum Aristotelem sunt actus puri, & expertes potentie 3. Metaph. 16. 9. Metaph. 17. 12. Metaph. 30. Non igitur sunt compositi ex genere & differentia: genus enim est potentia, differentia actus.

Dico primò. Secundum Aristotelem incorruptibiles substantie non sunt in predicamento. Ita Averroes 10. Metaph. ultimo. Gaudenzis, Niphus, & plerique Recentiores. Ratio est. Quia secundum Aristotelem, corruptibile, & incorruptibile differunt genere. Quid sit apud Aristotelem differre genus. Quid sit autem differre genere apud Aristotelem, patet ibidem, ex textu 12. decimi Metaph. ubi definit quid sit differre genere. Generis inquit differunt, quorum non est communis materia, neque mutua generatio, utpote, quorumalis prædicationis figura est: specie autem differunt, quorum idem genus. dicitur autem genus, quo ambo quæ differunt secundum substantiam idem dicuntur hæc Aristoteles. Ex quibus tale conficitur argumentum: Secundum Aristotelem, illæ substantie differunt genere, quæ differunt materia, illa verò quæ materia differunt, differunt & genere prædicamenti: Ergo quæ differunt genere, differunt genere prædicamenti: Minor asseritur ab Aristotele tum textu 10. tum textu 24. decimi Metaph. ubi ait Aristoteles; in eadem coordinatione

tione prædicamenti esse omnia contraria, quæcunq;
non genere differunt, indicans omnia quæ genere
differunt, non esse in eadem coordinatione prædi-
camenti. Genus enim supremum secundum Aristo-
telem sumitur à materia, differentia specifica à forma.
Itaque secundum Aristotelem conveniunt, vel dif-
ferunt genere, quæ conveniunt, vel differunt materia.
Cum igitur substantiæ corruptibiles & incorruptibiles
differant materia, nam vel sunt materiæ prorsus exper-
tes, ut Angeli, vel non habent communem materiam
cum corruptibilibus ut cæli, hinc fit ut differant genere
Prædicamenti. Idem patet ex ratione Aristotelis textu
26. quæ probat corruptibile & incorruptibile differre
genere: quia corruptibile & incorruptibile differunt
substantia: at si essent idem genere, essent idem substā-
tia: ergo non sunt idem genere. Maiorem probat:
quia corruptibilitas & incorruptibilitas, non est acci-
dens aliquod essentia rei, vel ab essentia rei profluens;
non enim per accidens res dicitur corruptibilis, sed ne-
cessariò & essentialiter, hoc est suamet essentia: Qua-
re necesse est corruptibile & incorruptibile diversam
omnino habere essentiam, ac ex consequenti non con-
venire in vna essentia generis.

Ex quibus refelluntur duæ expositiones verborum
Aristotelis. Prima est dicentium, loqui Aristotelem de
genere Physico, id est de materia, non de genere prædi-
camenti; clarum enim est apud Aristotelem illa quæ
differunt genere Physico, differre quoq; genere prædi-
camenti, ut ex duplici textu citato manifestum est.
Cuius rei hæc ratio reddi potest. Quia materia est sum-
mum quid in rebus materialibus in quo convenire pos-
sunt. Nam etiam si in formis differant, tamen in ma-
teria

teria conveniunt: at si nec in materia conveniunt, simpliciter in nullo conveniunt, ac ex consequenti summo genere differunt.

Secunda. Est Toleti, differre genere, idem significare hoc loco quod differre specie; species enim subalterna dicitur quoq; genus.

At contra. Primò ostensum est quid sit apud Aristotelem differre genere: Quia enim materia summum quid est in substantia, ea quæ materia differunt, summo genere differunt. Secundò in fine textus vigesimi sexti ait Aristoteles; quæ genere diversa sunt, plus distare, quàm quæ specie; non ergo pro eodem ista usurpat. Tertiò, in textu vigesimo quarto ait; contraria quæ non genere differunt, esse in eadem coordinatione prædicamenti; ergo vult contraria quæ genere differunt, non esse in eadem coordinatione prædicamenti, ac ex consequenti vult differre non solum specie, sed etiam genere prædicamenti.

Porro propositionem hanc, corruptibile & incorruptibile differre genere, adducit Aristoteles contra Platonem, qui ideam hominis ponebat incorruptibilem, & tamen esse essentialiter idem cum homine corruptibili. Contra quod opponit hoc principium univertale: Corruptibile & incorruptibile differunt genere, unde patet ex subiecta materia, non de omni re corruptibili & incorruptibili, sed solum de substantiis accipiendum esse axioma. At neq; de quibuscunq; substantiis, sed tantum de completis accipi debet: nam solæ substantiæ completæ sunt corruptibiles, propter materiam, ex qua sunt compositi. hæc etiam solæ sunt per se in linea & coordinatione prædicamenti.

Quare si quis obiiciat materiam esse incorruptibile, formam corruptibilem, & tamen sunt in eodem genere

D d d

prædi-

*Didū Aristo-
telis corrupti-
bile & incor-
ruptibile dif-
ferre genere,
exponitur.*

prædicamenti. Respondendum est Aristotelem loqui de substantiis completis, quæ solæ ponuntur per se sub genere prædicamenti, non de incompletis, qualis est materia & forma.

Si etiam obiicias, idem genus ratione diuersarum differentiarum, posse esse corruptibile & incorruptibile: vt patet in anima rationali, in qua sensitium redditur incorruptibile per identitatem cum rationali, cum tamen in anima bruti sit corruptibile.

Respondendum itidem est, Aristotelem loqui de substantiis completis, quæ non possunt esse diuerso respectu corruptibiles & incorruptibiles, sed necessario sunt vel corruptibiles propter materiam, vel incorruptibiles, propter immaterialitatem, seu propter carentiam materiæ, quæ est principium corruptionis, & sic differendo materia, different totis essentis atq; adeo genere prædicamenti.

Dices. Vbi ergo collocabuntur secundum Aristotelem substantiæ incorruptibiles. Respondeo vel non collocari in illo prædicamento, quia prædicamēta sunt pro rebus corruptibilibus & in gratiam rerum corruptibilium cognoscendarum inuenta: vel collocari in alio prædicamento, quod sit pro solis substantiis corruptibilibus, de quo tamen inuentores prædicamentorum non egerunt: Vel deniq; propter similitudinem collocari in eodem prædicamento, sed non in eadem coordinatione prædicamēti, ita vt duæ sint coordinationes prædicamenti substantiæ, quæ in nullo genere vniuoco cōueniant, ad vnum tamen genus prædicamenti referantur, propter communem genere modum afficiendi & denominandi primam substantiam. Quāquam nihil hoc de re determinauit Aristoteles, neq; quid sentiret exposuit.

Dico

Secundum Aristotelem quid dicendum de Prædicamento substantiarum incorruptibilium.

Dico secundò. Secundum veritatem substantiæ incorruptibiles, sunt in prædicamento substantiæ. Ratio est. Quia substantia prædicamentalis est illa quæ substantiæ accidentibus; hanc enim maximè propriam proprietatem substantiæ assignat Aristoteles, quod sit susceptiva contrariorum: atqui substantiæ incorruptibiles substantiæ accidentibus, & suscipiunt contrarium: Ergo sunt substantiæ Prædicamentales. Præterea tam celi, quàm Angeli, verè sunt compositi ex genere & differentia, ex gradu communi & proprio: ergo verè sunt sub genere prædicamenti. Nam compositio ex genere & differentia, cum sit Metaphysica, & per solam rationem cum fundamento in re, non repugnat Physicæ illorù simplicitati. Nam verè à parte rei essent substantiæ simplices, secundum Aristotelem, & solum per intellectum eas concipientem, sub duplici conceptu, essent compositæ.

*Celi & Angeli
sunt in Prædicamento sub-
stantiæ.*

At obiici potest primò. Secundum doctrinam Aristotelis 8. Metaph. quam sequitur S. Thomas 2. contragentes cap. 95. & Ferar. ibidem, genus sumitur à materia, differentia à forma. Cum ergo Angeli cum substantiis materialibus non conveniant in materia, sequitur etiam in genere, non convenire; ac ex consequenti non posse reponi sub eodem prædicamenti genere.

Respondeo. Et si quidam negant Aristotelem docere genus sumi à materia, sed solum habere se ut materiam, respectu eius, cuius est genus, quia sicut materia determinatur per formam, & constituitur in certâ specie, ita genus determinatur per differentiam, aut certam speciem; nihilominus clariora sunt verba Aristotelis, quàm ut hanc expositionem patiantur, cum 10. Metaph. textu 12. definiens quæ sunt illa, quæ differunt genere ait esse illa, quorum materia non est com-

*Genus sumitur
à Materia.*

ms. 1. 2

Dddd 2

munis.

munis, & ne dubitarem loqui de materia transmutationis, addit, & inter quæ non est mutua transmutatio. Et sanè passim pro eodem habet, differre genere, & differre materia. Et ratio sumi potest ex eodem textu 12. Nam ibidem ait genus esse id, quo ambo quæ differunt secundum substantiam, idem dicuntur, seu id in quo conveniunt, species essentialiter distinctæ: atqui res habentes distinctas formas, in materia conveniunt; merito itaq; à materia sic desumi rationem generis. Non quidem quod non possit etiam à forma desumali: quod genus medium; habet enim etiam forma gradus quosdam communes multis speciebus, à quibus desumi potest ratio generica, sed quòd genus summum desumatur à materia; summum enim in quo res conveniunt est à materia: quare & summum genus in quo species conveniunt erit à materia. Verùm cum ait, Aristoteles, genus desumi à materia, neq; de omni genere id intelligit, neq; de omnibus omnino substantiis, sed solum de genere substantiarum materialium; in his enim genus desumitur à materia, ex quo tamen non sequitur, in substantiis immaterialibus, aut non dari genus, aut à materia sumendum esse, sed cum in iis non sit materia, debere desumi summum genus ab eo naturæ gradu, qui sic materiæ quàm simillimus, hoc est maxime indeterminatus & communis.

Obiicies secundò. Saltem, si vera est doctrina Aristotelis quod quæ differunt materia, genere quoq; prædicamenti differunt, sequitur Angelos non convenire cum rebus materialibus in vno genere prædicamenti, eo quòd non conveniunt in materia, simpliciter enim carent materia.

Quidam

Quidam negant doctrinam Aristotelis de genere Logico veram esse, nec eo sensu ab Aristotele intellectam: ac dubitari non potest de mente Aristotelis, cum t. 12. de genere Logico loquatur, quod idem definit esse id, in quo ea quae essentialiter conueniunt; & differant genere, quae differunt praedicationis figura, hoc est, praedicamento. Nam quod quidam verba Aristotelis ita interpretantur, ut voluerit dicere, ea, quae materia differunt, similiter differre, ut ea, quae praedicationis figura differunt, ea interpretatio minimè quadrat illi loco, quia t. 24. clare se explicat Aristoteles, quòd ea quae genere seu materia differunt, non sint in eadem coordinatione praedicamenti: ergo & in tex. 12. hoc idem dicere voluit, nempe ea quae genere seu materia differunt, non habere eandem, sed diuersam praedicationis figuram.

Dicendum igitur est, doctrinam Aristotelis esse, Ea quae materia differunt, genere quoque Logico differre, ita ut materiale & immateriale non conueniant vniuocè in aliquo genere, ut supra ostendimus. Porro cum ea quae vniuocè non conueniunt in aliquo genere, debeant necessariò ad diuersum genus praedicamenti spectare, sequitur secundum Aristotelem plura esse ponenda praedicamenta substantiae, vnum pro materialibus, aliud pro immaterialibus, cum utraq; secundum Arist. in genere vniuoco non conueniant. Ex altera verò parte Aristoteles plura praedicamenta nunquam admittit. Quare vti concedendum est id sequi ex hac doctrina, ita quid Aristoteles ea de re senserit, non constare. Nam quod quidam dicunt satis esse ut substantiae immateriales, reducantur ad genus substantiae materialis,

lis, tanquam principia & causæ ipsarum, id nequaquam satis est: tum quia substantiæ immateriales, non solum ut principia, sed etiam ut species debent reponi in prædicamento: tum quia non minus hæc ad illas, quam illæ ad istas reduci deberent, cum utræque gaudeant suo genere substantiæ, & præterea spirituales substantiæ cum sint magis principales, ut potè à quibus dependent substantiæ materiales potius istæ ad illas reuocari deberent, non illæ ad has. Secundum veritatem tamen, Intelligentiæ cum materialibus, conueniunt utriusque in eodem genere Prædicamenti, ut dictum est.

Obiicies Tertio. Aristotelem sæpè, cum exempla substantiæ prædicamentalis adducit, enumerare inter alia, cælum quoque & intelligentias ut 6. Metaph. t. 5. 8. Met. t. 1. 12. Met. t. 5. 7. Met. t. 4. Ergo ex sententia Aristotelis, cæli & intelligentiæ sunt in prædicamento, & quidem ut species; quia inter alias species prædicamenti substantiæ, istas etiam numerat. Respondeo. Aristot. in exemplis dandis sæpè vulgarem opinionem sequi. Deinde secundum Aristotelem incorruptibiles substantias, ut cælum, & intelligentias esse quidem substantias, sed non in eodem genere substantiæ, cum corruptibilibus substantiis.

QVÆSTIO VI.

Quòdnam sit supremum genus prædicamenti substantiæ.

Huius quæstionis solutio colligenda est ex præcedentibus.

tribus questionibus; neque enim genus prædicamenti potest esse substantia, in ea amplitudine, quæ continet finitam & infinitam. nam substantia infinita non pertinet ad prædicamentum. Neque etiam substantia finita, ut continet completam & incompletam, est genus prædicamenti. Nam substantiæ incompletæ, cum sint partes non ponuntur per se in prædicamento; solum igitur substantia finita completa, ut est genus ad substantias tam corruptibiles quàm incorruptibiles, corporeas & spirituales, est gen⁹ prædicamenti; in linea enim prædicamenti, non ponuntur nisi genera & species completæ. Est autem difficultas, quomodo substantia completa sit genus; substantia enim non completur in essentia, nisi per differentiam specificam. At genus abstrahit à differentiis specificis. ergo & à complemento. Confirmatur, quia substantia non potest dici completa, nisi adsint omnia ipsam complementa in ratione substantiæ alioqui daretur effectus formalis sine forma; at hæc complementa non sunt in genere, sed in specie: ergo substantia in genere non potest dici completa.

Respondeo. Substantiam dici completam, quia significatur per modum totius. neque enim dubium est totum esse quid completum: ergo & quod significatur per modum totius, significatur ut completum, quid. Porro totum substantiale est duplex, aliud actuale quod habet partes essentielles actu. quale totum est species quæ dicit genus & differentiam actu: aliud est potentiale, quod dicit totam essentiam, sed secundum aliquid actu, secundum aliquid potentia. Tale est genus.

Nam.

Genus quomodo sit quid completum.

Nam ex modo significandi, genus significat totam essentiam speciei, sed vnam rationem actu, aliam potentia. Verbi gratia, Animal significat totum id, quod est animal, quare & hominem & brutum, sed in potentia, nam animal est homo & brutum in potentia, vnde significat totum hominem, sed secundum rationem sensitivam actu, secundum rationalitatem verò in potentia. Ex quo paterat rationem dubitandi, substantia enim, non est completa, sine differentia specifica, verum differentiam dicit species actu, genus verò dicit, solum in potentia, vt dictum est.

QVÆSTIO VII.

De diuisione substantiæ, in primam & secundam.

*Cur individua
dicantur prima
substantia.*

Primam substantiam, seu essentiam Aristoteles vult esse Individua; secundum genera & species. Vbi primò occurrit difficultas, cur Individua dicantur primæ substantiæ, potius quam genera & species. Nam si rationem substantiæ essentialem spectemus, ea primò competit speciebus, & ratione specierum individuis, cum tota essentia individuorum, in specie contineatur: Ergo species potius dicenda esset, prima substantia, quàm individua. Si verò spectemus proprietates; hæ etiam cum sequantur essentiam, prius conveniunt speciei, quàm individuis.

Dicendum tamen est, in hac diuisione considerari ab Aristotele substantiam, quoad proprietatem substandi, vt per eam proprietatem tanquam magis notam, essentia substantiæ intelligatur. Quia igitur indi-

diuidua in subſtando ſunt prima; nihil enim ſubſtare po-
teſt, niſi exiſtat, ac proinde niſi ſic indiuiduum & ſin-
gulare, ſpecies verò & genera, non niſi quatenus in in-
diuiduis exiſtunt, ſubſtant, idcirco indiuidua dicuntur
primæ ſubſtantix, in ſubſtando, ſpecies verò & genera,
eo reſpectu ſunt ſecundæ ſubſtantix.

Dices. Accidentia generica primò conueniunt
generi, & ſpecifica ſpeciei, vt eſſe ſenſituum, primò
conuenit animali, eſſe riſibile primò conuenit homini:
Ergo genera & ſpecies ſunt primæ ſubſtantix in ſubſtā-
do, reſpectu ſuorum accidentium. Reſpondeo. Acci-
dentia generica & ſpecifica, eſſi primò conueniant ge-
neri & ſpeciei, quoad eſſentiam, tamen genus & ſpe-
cies non ſubſtant aſtu iſtis accidentibus, niſi quatenus
in indiuiduis exiſtunt; non enim habent rationem ſub-
ſtantiæ reſpectu ſuorum accidentium, niſi exiſtant, non
exiſtunt autem niſi in indiuiduis. Quare indiuidua ſunt
prima in ſubſtando aſtu, nam ipſa per ſe aſtu ſubſtant,
genera verò & ſpecies ſubſtant aſtu ratione indiuiduo-
rum. Nam ſi loquamur non de aſtu ſubſtandi, ſed de
ratione eſſentiali ſubſtandi: ſic ſubſtare primò conue-
nit ſpeciei, tanquam rationi eſſentiali ſubſtandi. Vnde
cū dicimus indiuidua per ſe primò ſubſtare, in indi-
uiduis includimus ſecundas ſubſtantias; ſecundæ enim
ſubſtantix ſunt eſſentix indiuiduorum, & indiuidua,
non niſi per ſuam eſſentiam ſubſtare poſſunt. Dicimus
autem ſecundis ſubſtantiis ſecundariò conuenire pro-
prietatem aſtu ſubſtandi, quia non vt ſunt abſtractæ ab
indiuiduis aſtu ſubſtant, ſed vt in indiuiduis exiſtunt, ita
vt ob exiſtentiam ſuam indiuidualem aſtu ſubſtent;
ob rationem verò ſpecificam, ſubſtare duntaxat poſ-
ſunt.

*An indiuidua
primò ſubſtent.*

Eccc

Sed

Sed obiciēs. Ex eo sequi, rationem substādi conuenire Analogicè primæ & secundæ substātiæ; quia secundæ conuenit, ratione primæ: at hoc dici non potest; quia quando eadem forma conuenit duobus, non conuenit illis analogicè, sed vniuocè, cū eadem essentialiter sit in utroque: at qui idem substare conuenit primæ & secundæ substātiæ; si quidem eodem actu substādi quo substat prima substātia, substat & secunda, quatenus in prima existit: ergo substare non conuenit utrique analogicè.

Substare conuenit vniuocè primæ & secundæ substātia.

Respondeo. Substare primò conuenire primæ substātiæ, secundò secundæ; utrique tamen vniuocè non analogicè. De ratione enim Analogi est, ut conueniat Analogatis, sub diuersa ratione essentiali, sicut de ratione vniuoci est ut conueniat sub eadem ratione essentiali: at qui substare, eadem planè ratione conuenit primæ & secundæ substātiæ: ergo conuenit vniuocè non analogicè; non enim aliud actus substādi est, quo substat secunda substātia, aliud quo prima. Neque verò obstat vniuocationi quod ratio substādi prius competat primæ quam secundæ substātiæ: quia in vniuoco potest esse inæqualitas, in modo aliquo essendi, licet in essentia formæ debeat esse æqualitas: sic animal nobiliori & potiori ratione conuenit homini, quàm bruto, & tamen utrique eadem ratione essentiali competit.

Ex quibus patet ad rationem dubitandi. Et si enim si in essentia substātiæ fiat comparatio, genera & species possint dici primæ substātiæ, indiuidua secundæ; quia ex participatione specierum indiuidua sunt substātiæ; tamen si consideretur actus substādi, indiuidua dicenda sunt primæ substātiæ, genera & species

cies secundæ, quia genera & species non nisi, ut in individuis existunt, substantia, substantia enim supponit existentiam, existentia autem naturam individuatam.

Secundò dubitatur, qualis sit ista diuisio substantiæ in primam & secundam. Cum enim varia sint diuisionum genera, nempe generis in species, Analogi in Analogata, subiecti in Accidentia, accidentis in accidentia, totius in partes, meritò quaeritur ad quod genus diuisionis hæc diuisio pertinere debeat. Varij enim variè de hac re sentiunt & loquuntur.

Qualis sit diuisio in primam & secundam substantiarum.

Dico igitur primò, hæc diuisionem, non esse generis in species. Propter duo. Primò. Quia genus substantiæ, est vnum membrum huius diuisionis; secunda enim substantia continet omnia genera & species, ac ex consequenti ipsum genus generalissimum: Ergo genus substantiæ, non est id quod hic diuiditur, sed id in quod fit diuisio.

Non est diuisio generis in species.

Secundò, Quia si hæc diuisio esset generis in species, individua essent species substantiæ, & summum genus substantiæ esset species substantiæ: quod tamen dici non posse per se manifestum est. Cum nec summum genus habeat supra se aliud genus, cuius sit species, nec individua possint dici species.

Dico secundò. Hanc diuisionem non esse Analogi in Analogata, ut communiter à recentioribus asseritur. Quia hic diuiditur substantia sub ratione subiecti considerata: at substantia vniuocè non analogicè conuenit vniueque substantiæ, ut ostensum est. Ergo.

Neque Analogi in Analogata.

*Neque totius
partes,*

Dico Tertiò, hanc diuisionem non esse totius in partes: Quia totum non prædicatur in quid de partibus; pars enim non est totum: at hic substantia quæ diuiditur, prædicatur in quid de prima & secunda. Ergo:


*Est diuisio sub-
iecti in acci-
dentia,*

Dico quartò. Diuidi in hac diuisione substantiam, quatenus substat in priorem in substando, & posteriorem in substando. Quia igitur prius & posterius substat, sunt accidentia quædam rei substantis; prius enim & posterius dicunt ordinem accidentalem in substando, idcirco hæc diuisio dici potest vel subiecti in accidentia, vel accidentis in accidentia; substat enim proprietas quædam est substantiæ, in qua prius & posterius spectantur, ut accidentales quædam differentię,

*Non est diuisio
in vniuersale
& singularem.*

Ex quo etiam patet diuisionem hanc substantiæ, non esse in vniuersalem & particularem, ut quidam existimant; non enim hic consideratur substantia, ut vniuersalis vel particularis, sed ut est prima in substando, vel secunda in substando: Alioqui hoc modo liceret diuidere, Quantitatem, Qualitatem, relationem in primam & secundam, sicut licet diuidere in vniuersalem & particularem.

Adde quod Aristoteles reddens rationem quare prima substantia sit magis substantia, quam secunda, non meminit vniuersalitatis & particularitatis, sed solum substandi: Ergo illa ratio est impertinens ad hanc denominationem.



QVÆ-

QVÆSTIO VIII.

De proprietatibus Substantie.

SEx proprietates Substantiæ assignat Aristoteles, circa quas aliqua adnotanda sunt. *Prima proprietas.* Prima proprietas est, non esse in subiecto. Omnis enim substantia, vel absolute in alio non existit, vel si existit, non existit tanquam in subiecto. Quod enim est in subiecto, existit, ut quid extrinsecum subiecto, non constituens illud in esse substantiali: pars verò substantialis, ita existit in alia, ut constituat illam in esse substantiæ completæ, quocirca non existit in illa ut in subiecto; sic formæ substantiales, & modi sunt quidem in substantia, sed non tanquam in subiecto; non enim solum de ratione subiecti est, ut sustentet aliud, sed ut sustentet tanquam quid extraneum, ita ut per illud, quod sustentat non constitutur in esse, sic accidentia non constituunt subiectum in esse substantiali, & sunt illi merè extrinseca, dant enim illi esse diversis generis. Forma verò substantialis licet non constituat materiam in esse materiæ, constituit tamen ipsam in esse substantiali completo. Sic etiam natura humana est in Verbo non tanquam in subiecto, quia constituit Verbum in esse substantiali hominis.

Porro addit Aristoteles primas substantias nec esse in subiecto, nec dici de subiecto, secundas verò non esse in subiecto, dici tamen de subiecto. Circa quam doctrinam sunt aliquæ difficultates: Videtur enim si substantia secunda, dicatur de subiecto, esse quoque in subiecto, aut si non est in subiecto, neque dici posse de subiecto. Prius enim est esse, quam dici, & esse in aliquo, quam dici de aliquo; verumque est illud pronunciatum logicè,

Ecce 3

prædi-

prædicari sequitur ad esse, ideoq; aliquid dicitur de alio quia inest illi.

Deinde ex omnium sententia, secundæ substantiæ sunt in primis. Genera enim & species non sunt extra-individua, sed in Individuis, & superiora sunt in inferioribus, Genus in specie, species in individuo. Non solum autem secundas substantias esse in primis, sed esse tanquam in subiecto probatur, quia substantiæ primæ sunt subiecta secundarum, quippe secundæ dicuntur de primis, tanquam de subiecto, inferiora enim subiiciuntur superiorib⁹. ergo secundæ quemadmodum dicuntur de primis tanquam de subiectis, ita sunt in primis tanquam in subiectis.

Tertiò non satis constat, quid sit nomine subiecti intelligendum, cum ait Aristoteles dici aliquid de subiecto. Nam si verum est, quod communiter dicunt, Interpretes, nomine subiecti intelligendam esse naturam inferiorem, sequetur differentias non dici de subiecto. Verbi gratia, rationale de homine, quia homo non est quid inferius rationali, quod tamen affirmat Aristoteles hoc loco: Ait enim bipes, & gressibile de subiecto quidem, quodam homine dici, in subiecto verò, non esse, & vniuersè docet, de quocunq; differentia dicitur, de eo quoq; rationem differentiæ prædicari, ut gressibile de homine, idem patet in Antepædic, cap. 2.

Quarto non rectè videtur definitum dici de subiecto, ut idem sit, quod secundum nomen & rationem, seu essentialiter dici de aliquo: non solum enim quæ essentialiter, sed etiam quæ accidentaliter conveniunt alicui, verè dicuntur de illo: dici enim, sequitur ad esse, at acci-

et accidentia verè sunt in subiecto, ergò verè dicuntur de subiecto. Nam quod Aristoteles ait accidentia dici tantum secundum nomen, non secundum rationem, id videtur falsum: nomina enim accidentium, cum nò sint nomina inania, significant aliquam rationem realem & veram, eamq; dicunt de subiecto. Non igitur, solum nomen accidentis prædicatur, sed & ratio. Id enim, quod nomina accidentium significant, prædicant de subiecto.

Quinto videtur prima substantia dici de subiecto. Prima enim substantia, est substantia indiuidua. Aeterna numero substantia indiuidua dicitur de pluribus personis, vt patet in Deo, ergo prima substantia dicitur de subiecto. Nam dici de subiecto secundum Aristot. est dici secundum nomen & rationem, seu essentialiter. Deus autem de tribus personis dicitur secundum nomē & rationem, atq; adeò essentialiter, ergo dicitur de illis tanquam de subiecto. Neq; obstat quod personæ non sunt quid inferius Deo, nam & differentiæ dicuntur de specie, tanquam de subiecto, & tamen species non est inferior differentiis.

Ad primam difficultatem Respondeo. non est necesse id, quod dicitur de subiecto, esse in subiecto, sed satis est, quod sit id, quod ipsum subiectum: Id autem quod est ipsum subiectum, non est propriè in subiecto; id enim propriè dicitur esse in subiecto, quod est quid distinctum à subiecto, & supponit illud in suo esse constitutum. Talia sunt sola accidentia. Hæc enim sunt extra essentiam, subiecti, illiq; adhærent. Cum verò instatur. Dici sequitur ad esse, id verum est, sed aliud est esse, aliud inesse; essentialia ergo dicuntur de subiecto, quia sunt ipsum subiectum, non quia sunt in subiecto.

Ad

*Dici supponit
esse vel inesse.*

*Prima substantia an sit
subiectum se-
cundarium.*

Ad secundam Genera & species non sunt propriè loquendo in individuis, sed sunt id quod ipsa individua: dicuntur enim in quid de individuis, aliud verò est, esse in aliquo, aliud esse illud. Ex quo patet, quod licet individua & primæ substantiæ sint subiectū secundarum; non tamen sunt subiectum inhaesionis, in quo existant secundæ substantiæ: Sunt enim idem, quod secundæ substantiæ; sed solum sunt subiectum per rationem distinguentem illa inter se & vniuentem. Huius autem subiectionis fundamentum est in re, quia in re est fundamentum ad distinguendam naturam superiorem & inferiorem. Ex quo patet Genera & species non nisi; per intellectum distinguentem illa ab individuis, esse in individuis; in re enim sunt idem quod individua. Quamvis autem individua sint respectu Generum & specierum subiecta: non sunt tamen subiecta inhaesionis sed identitatis essentialis. Quocirca non sunt in individuis tanquam in subiecto. Esse enim in subiecto, propriè & simpliciter, est existere realiter in aliquo tanquam in subiecto inhaesionis.

*Differentia di-
stinguitur de specie
tanquam de
subiecto.*

Ad Tertiam. Communiter Interpretes nomine subiecti intelligunt naturam inferiorem, & verè subiectam: siue hæc subiecto sit in ordine ad naturā superiorem, quomodo individua subiiciuntur speciei, & species generi, siue sit in ordine, ad id quod verè insit naturæ, quomodo species subiicitur differentiæ & totum parti. Neque valet quorundam instantia secundum Aristotelem, differentias solum de individuis speciei dici, tanquam de subiecto, non verò de specie: Nam expressè Aristoteles exemplum dat, non solum individui, sed etiam speciei. Vult enim gressibile dici non solum de quodam homine, sed etiam de homine. Deinde cum secundum Aristote-

Notalem dici de subiecto, fit dici secundum nomen & rationem, ut hic etiam expresse docet Aristoteles, consequens est differentiam etiam de specie dici tanquam de subiecto.

Ad quartam Respondeo, secundum Aristot. id so- *Quid sit dici de subiecto.*
 lum dicitur absolute de subiecto, quod de eo dicitur essentialiter, seu quod ita dicitur, ut significet quid sit subiectum in sua essentia, sicut enim subiectum, simpliciter est id, quod est per suam essentiam, secundum quid autem est per accidentia: ita simpliciter id solum dicitur de subiecto, quod eius essentiam dicit; accidentia verò, quia non dicunt quid sit subiectum secundum essentiam, non dicuntur simpliciter de subiecto. *Accidenti non dicuntur de subiecto.*
 Quod autem ait Aristoteles accidentia secundum nomen, & non secundum rationem dici, id ita accipiendum est, non quod solum nomen accidentium praedicetur sine re, sed quod non praedicetur secundum rationem, hoc est ita, ut dicant ipsam essentiam & rationem subiecti. Quare albedo denominat solum hominem album, sed non dicit, quæ sit ratio hominis, & id eo non dicitur de subiecto, quia non dicit quid sit ipsum subiectum: aliud est enim esse hominis, aliud esse albi. Quare cum in obiectione dicitur, accidens cum verè insit subiecto, verè quoque dici de subiecto, concedendum est secundum quid, non simpliciter; quia secundum nomen, non secundum rationem: id enim simpliciter dicitur de subiecto, quod secundum rationem dicitur de illo, explicando quid sit subiectum. Accidentia verò non simpliciter dicuntur de subiecto ut subiectum est, sed ut est, vel quantum, vel quale, vel alio modo, circa

ffff

circa ea, quæ ipsi adueniunt, se habet, & licet suam rationem prædicant, non tamen ut ratio est.

Ad quintam. Cum natura Individua prædicatur de persona, non prædicatur de aliqua subiecta natura, sed de seipsa, subsistente personaliter. Subsistentia enim non constituit naturam, nec dat illi esse naturæ, sed solum dat illi subsistere: Quocirca ex prædicatione naturæ de persona inferri non potest, individuum prædicari de subiecto. Quod etiã ex eo patet, quia subiecta natura, debet esse distincta natura ab eo, cui subiicitur; nihil enim potest subiici sibi ipsi. Vnde & species quia subiicitur generi est à genere distincta per differentiam specificam, & individuum quia subiicitur speciei est ab illa distinctum per differentiam numericam. Cum igitur natura subsistens personaliter, non sit distincta in ratione naturæ à natura individuali, non potest dici subiecta naturæ individuali. Ac proinde nec persona est verè natura subiecta naturæ individuali, nec individuum de ea prædicatur tanquam de subiecto.

Secunda Proprietas.

Secunda proprietas est. Vniuocè prædicari de primis. Hæc proprietas soli secundæ substantiæ conuenit: hæc enim sola vniuocè, hoc est secundum nomen & rationem de prima prædicatur.

Quod si dicat: etiam accidentia prædicari de prima substantia secundum nomen & rationem. Respondet. prædicari quidem secundum rationem suam, sed non secundum rationem subiecti, quia ratio accidentium, non est ratio subiecti, solum igitur id quod ita prædicatur de subiecto, ut eius ratio sit ratio subiecti,

lecti, prædicatur vniuoçè simpliciter, accidentia verò prædicantur denominatiuè, non absolutè vniuoçè.

Tertia, proprietas est. Hoc aliquid significare, id est significare vnum numero existens: Hac proprietas soli primæ substantiæ competit. Nam secundum videtur significare hoc aliquid quoad vocem, reuera tamen significat id quod est commune multis. Magis autem, significat quale quid, quam hoc aliquid: quia quale dicit determinationem entis, genera autem & species determinant essentiam ad tale esse, & ideo sunt qualitates essentielles substantiæ. Quod si dicas. Si genera & species significant quale quid, ergo prædicantur in quale quid. Respondeo. Licet res quam significant, sit quale quid, seu qualitas essentialis, modus tamen significandi generis & speciei non est per modum qualitatis adiacentis subiecto, sed per modum per se existentis. Nam & ipsæ qualitates si concipiuntur per modum qualitarum in existentium subiectis, prædicantur in quale de subiectis, si verò concipiuntur per modum per se existentium prædicantur in quid, de suis inferioribus, non in quale, ut albedo est color. Tantum valet ad prædicandum modus significandi.

Dices, etiam accidentia significant hoc aliquid, quia significant quid determinatum. Respondeo. Accidentia si sumantur in abstracto, non significant hoc aliquid, quia in abstracto non existunt; si verò sumantur in concreto, formaliter significant quale aliquid, materialiter verò significant hoc aliquid, nempe subiectum quod est hoc aliquid.

Ffff :

Quar-

4.

Quarta proprietas est. Substantiæ nihil esse contrarium. Contraria enim versantur circa idem subiectum, à quo se expellunt: at substantiæ non sunt in subiecto, non igitur sunt contrariæ. Quæ ratio concludit de substantiis completis; hæ enim nullo modo sunt in alio. At inquires, ignis & aqua se mutuò tollunt: ergo sunt contraria. Respondeo, esse contraria ratione qualitatum, non ratione substantiarum. Nam licet ipsæ substantiæ se mutuò perimant, tamen ista peremptio substantiarum, non provenit ex contrarietate ipsarum, sed ex dependentia ab accidentibus, quæ si tollantur, tolli necesse est substantiam. Id ita esse, patet ex eo, quod quædam substantiæ pereunt solum ob destructionem dispositionum necessariorum, nulla existente substantia contraria, ut cum deficiente calore naturali, moritur viuens: quædam verò substantiæ pereunt, actione substantiæ nullo modo aduersæ & contrariæ, sed amicæ potius; ut cum quædam actione solis viuificantis, & conservantis omnia corrumpuntur. Quin etiam cum una substantia succedit in locum alterius (quæ videtur in speciem contrarietas) ut cum ex ligno fit ignis, illa successio non fit per exclusionem, vel oppositionem substantiarum, sed solum per exclusionem accidentium, à quibus prior forma dependebat in conservari, & per inductionem novorum accidentium ex quibus nova forma consequitur. Cuius etiâ rei hoc argumētum est, quod quælibet forma cuilibet formæ potest succedere in eadē materia, dummodò habeat ibi suas necessarias dispositiones; & tamen non quælibet forma cuilibet est contraria; Vnum enim vni est contrarium. Deinde ista successio accidit etiam in formis subordinatis, quæ nullo modo sunt contrariæ, ut in forma seminis & viuentis,

vis, cum ex semine fit viuens, vel ex elementis mixtum. Non igitur ista successio referenda est in oppositionem formarum substantialium, sed in dependentiam earum ab accidentibus & dispositionibus; Destructis enim dispositionibus formæ præcedentis, necesse est illam perire, & inductis dispositionibus nonæ formæ, necesse est nouam formam succedere. Quocirca vt formæ sint contrariæ, non satis est, vt sibi succedant in eodem subiecto, neque vt se ab eodem subiecto excludant per accidens ob defectum dispositionum, sed requiritur vt se excludant per se propter formalem oppositionem substantialē; sicut calor per se excludit frigus propter suam entitatiuam oppositionem.

Sed obiices primò. Aristoteles 1. Physic. statuit principia rerum naturalium contraria. Respondeo. ista principia contraria esse formam & priuationem, quæ non sunt contraria positivè (vti hic de contrariis loquimur) sed priuativè vt non ens enti dicitur contrarium. Quod si de contrariis positivis intelligatur: dicendum est: formas substantiales esse contrarias, ratione dispositionum, qualis contrarietas sufficit ad transmutationem, de qua ibi loquitur Aristoteles.

Obiicies secundò. ex 10. Metaph. Omne genus diuiditur per contrarias differentias, contraria enim sunt, quæ sub eodem genere maximè distant: ergo & sub genere substantiæ differentiæ maximè distantes erunt contrariæ.

Respondeo. Ista contrarietas differentiarum si sit solum negatiua, inuenitur etiam in genere substantiæ, vt cum substantia diuiditur in corruptibilem, & in incorruptibilem, corruptibilis in viuentem & non viuentem, animal in rationale & irrationale: si verò sit possi-

Ffff 3 tius,

tiua, non in omni genere inuenitur propriè sed tantum in genere qualitatis, vt inter calorem & frigus, albedinem & nigredinem. Illa verò quæ inuenitur in omni genere non constituit Physicam, sed tantum Metaphysicam contrarietatem: Nam Physica sumitur respectu eiusdem subiecti, Metaphysica verò respectu generis à quo oppositæ differentiæ eo sensu se excludunt, quia non possunt simul in eodem eadem conuenire.

Obiicies tertio. Ex effectibus colligimus naturam causarum, & ex accidentibus naturam substantiarum: atqui multæ substantiæ habent effectus contrarios, & accidentia contraria: Ergo & naturas contrarias.

Respondeo. Non posse ex effectibus contrariis colligi contrarietatem causarum: quia ab eadem causâ contrarii effectus prouenire possunt, V. G. ab eadem voluntate, actus volendi & nolendi; ab eodem intellectu, actus affirmandi & negandi; ab eadem prima causa omnes effectus contrarii: quamuis enim si causæ sint vniuocæ possint ex contrariis effectibus inferri contrariæ causæ, vt cum calor est causa caloris, frigus frigoris; tamen si causæ sint æquiuocæ; hoc est diuersæ naturæ ab effectibus, non potest id colligi, quia tales causæ non commensurantur suis effectibus, sed illos excedunt: Vnde fit vt quauis effectus, in naturis limitatis sint inter se contrarii, tamen vt virtute continentur in sua causa non sunt contrarii, sed vnum, quia perdunt suam limitationem, sub qua erant contrarii, vt fiant vna perfectio illimitata. Hinc loquen non est contrarium frigori, & si producat effectum frigori contrarium, nempe calorem, qui est causa

causa caloris æquivoca, potestque simul cum frigore lumen in eodem subiecto manere. Simili modo ex contrarietate accidentium, non possumus colligere contrarietatem substantiarum; quia substantiæ sunt causæ æquivocæ accidentium. Quare quod quidam aiunt, substantias esse contrarias virtualiter, si intelligant esse contrarias in effectibus, quos continent virtualiter, verum dicunt; sed hoc nihil aliud est, quam effectus habere contrarios. Si verò velint propter hanc continentiam virtualem contrariorum, esse etiam in se, & in entitate sua contrarias, falsum est: Nam virtualis illa continentia contrariorum, nullam inducit contrarietatem in ipsis causis continentibus, ut patet in lumine & frigore, quæ producant contrarios effectus, ipsa verò in se non sunt contraria.

Quinta proprietas Substantiæ est, non suscipere magis & minus: Patet inductione: Quia unus homo non est magis homo quam alter. Non est autem facile asserre veram causam, propter quam aliqua recipiant magis & minus, aliqua non. Potest tamen sic res tota explicari. Id suscipit magis & minus, quod participat aliquam rationem, vel formam non secundum totam eius perfectionem; sed secundum maiorem, vel minorem, ut aqua cum sit magis calida, recipit calorem secundum maiorem eius perfectionem. Ea verò non recipiunt magis & minus, quæ habent aliquam formam indivisibilem consistentem, & quæ non potest participari divisibiliter secundum maiorem vel minorem perfectionem, sed tota simul. Talis perfectio est substantiæ: dicit

dicat enim substantia essentiam per se existentem: at essentia sub ratione essentiae, non potest nisi indiuisibiliter haberi, & tota simul; Commune enim est axioma Philosophorum, essentias rerum consistere in indiuisibili, esseque sicut numeros, qui omni additione & subtractione unitatis, mutantur essentialiter. Constituitur, n. essentia in ratione essentiae per gen⁹ & differentiam. Si igitur vel genus vel differentiam subtrahas, tollitur essentia, si verò addas novam differentiam ad essentiam, erit alia essentia. Cum igitur substantia significetur per modum essentiae, per se stantis, essentia autem consistit in indiuisibili, hinc fit, ut substantia non recipiat magis & minus. Quod adeò verum est, ut ne accidentia quidem, quae magis vel minus recipere possunt in subiecto, secundum maiorem vel minorem suam perfectionem, si tamen significantur per modum essentiae per se stantis, non recipiant magis vel minus. Nam album, V. G. dicimus magis vel minus album, quia potest subiectum habere maiorem vel minorem perfectionem albedinis: at albedinem non dicimus esse magis vel minus albedinem, quia significatur per modum essentiae, per se stantis; omnis autem essentia consistit in indiuisibili, ita ut ei nihil addi vel detrahi essentialiter possit.

Dices. albedo potest esse maior vel minor: Ergo non consistit in indiuisibili, & potest maior albedo dici magis albedo, minor minus. Respondeo albedinem, secundum essentiam consistere in indiuisibili; quia nihil essentialiter ei addi, vel subtrahi potest. & ideo essentialiter non recipit magis & minus: & quia nomine abstracto significatur essentialiter, ideò ut tali nomine significatur non recipit magis & minus. Quoad partem intensiuam quàm extensiuam, est diuisibilis: neque

tamen

tamen propter has partes dicatur magis albedo: quia, ut significatur nomine albedinis significatur per modum essentiae per se stantis, & esse magis albedinem esse secundum essentiam albedinis esse maiorem, cum tamen non maior sit essentia albedinis, in magis, quam in parva albedine, quia in utraque essentia definitur, genere & differentiâ.

Ex quo patet magis & minus dici solum respectu alicuius subiecti participantis aliquam formam secundum maiorem vel minorem eius perfectionem, ita ut & subiectum dicatur magistale, quia maiorem formae perfectionem participat, & forma dicatur, magis inesse subiecto, quatenus maiori sua perfectione inest, in se autem forma non dicitur magis forma, sed solum respectu subiecti à quo magis vel minus participatur.

Duo autem sunt notanda, aliud esse maius vel minus, aliud magis vel minus. Maius enim & minus spectatur secundum extensionem quandam formae & plures partes, quas habet in diuersis partibus subiecti: Magis autem vel minus sumitur secundum maiorem, vel minorem perfectionem formae, participatam in eodem subiecto, vel in eadem eius parte. Quare forma in seipsa habens plures partes vel pauciores non dicitur magis vel minus forma, sed maior vel minor forma, prout verò illas partes plures, vel pauciores habet in eadem parte subiecti, est ratio subiecto ut dicatur magis vel minus tale: Prout verò illas plures partes habet in distinctis partibus subiecti facit subiectum maius tale, non magis tale. Quare cum homo crescit & augetur, non fit magis homo, sed maior homo, quia

Gggg hoc

hoc incrementum fit per additionem nouarum partium subiecti: aqua verò cùm in eadem parte subiecti creſcit in calore, dicitur magis calida.

Alterum eſt. Subſtantiam quidem quatenus ſubſtantia eſt, hoc eſt, quatenus eſt eſſentia quædam per ſe ſtans, non recipere magis & minus, vt dictum eſt. Verùm ſi conſideretur in ordine ad aliquam proprietatem, quam magis vel minus participat, poteſt dici recipere magis vel minus. Sic Ariſtoteles primam ſubſtantiam ait eſſe magis ſubſtantiam, quàm ſecundam, & inter ſecundas, ſpeciem magis eſſe ſubſtantiam, quàm genus: non quidem in eſſentia ſubſtantiæ, ſed in ſubſtando; Eſt enim magis ſubſtans prima eſſentia quàm ſecunda; nam ſecunda ratione primæ ſubſtat, prima verò per ſe & ratione ſui. Quod ſi dicas, ſpecies abſtractas ſubſtare generi & proprietatibus ſpecificis. Reſpondeo. Hunc actum ſubſtandi non eſſe realem, ſed conceptum ab intellectu, realiter autem ſpecies non ſubſtat generi, niſi exiſtens in indiuiduis.

6. Sexta proprietas, eaque maximè propria ſubſtantiæ eſt, vt vna numero manens ſit contrariorum ſuſceptiua. Vbi duo quæri poſſunt: Primò. An hæc proprietas ſoli primæ ſubſtantiæ competat, vel etiam ſecundæ; ſi enim ſolùm dixiſſet Ariſtoteles. Subſtantiam eſſe ſuſceptiuam contrariorum, facilè id accommodaremus etiam ſecundis ſubſtantiis, quæ ratione primarum dicuntur recipere contraria; quæ enim contraria prædicantur de primis ſubſtantiis, poſſunt etiam prædicari de ſecundis ratione primarum, vt quia Petrus poteſt eſſe calidus vel frigidus, homo quoque

quedicitur calidus vel frigidus. At quia addit Aristoteles; [Cum vna numero sit] id verò facit difficultatem. Videtur enim Aristoteles requirere vnitatem numericam in substantia, ad hoc vt sit susceptiua contrariorum: Vnitas autem numerica, nullo modo conuenit secundis substantiis, sed tantum primis; secundæ enim substantiæ sunt genera & species: genera autem & species constituuntur per abstractionem, à singularibus, & ab vnitate numerica, & habent vnitatem communem multis, quæ est opposita vnitati numericæ: ergo impossibile est vnitatem numericam, transferri vltimo modo ad secundas substantias; secundæ enim substantiæ, eo ipso, quod induunt vnitatem numericam, desinunt esse genera & species. Caietanus agitur, Albertus, Simplicius, aiunt hanc proprietatem accommodari secundis substantiis, ratione primarum; quia quatenus existunt in primis substantiis, recipiunt contraria, vt, autem existunt in primis substantiis sunt vnum numero, quare tunc non considerantur, vt abstracta à singularibus, sed solum secundum quod existunt in singularibus.

Secundò quærì potest: An omnibus primis substantiis id conueniat. Nam de cælis, & Angelis id videtur dubium. Dicendum tamen est etiam cælos suo modo contraria recipere suæ naturæ conuenientia. Nam si cælum constet materia eiusdem rationis, cum materia sublunarium, potest quoque recipere eadem contraria, quæ materia sublunaris recipit: si verò cæli habeant materiam diuersæ rationis à materia sublunari, possunt saltem contraria priuatiua recipere, vt lumen, & priuationem luminis: possunt etiam habere motus contrarios, ab oriente & in oriente. Angeli

Gggg 2 verò.

verò non habent quidem accidentia contraria corruptiua suæ substantiæ; habent tamen actus contrarios volendi & nolendi, & motus locales contrarios, & contraria priuatiua quæ non minus indicant veram rationem substantiæ, quàm contraria positiua.

Tertiò, quæri potest. An soli substantiæ, id competat. Videtur enim etiam accidenti competere: tum quia quantitas recipit ea omnia contraria, quæ materia recipit; mediante enim quantitate omnia accidentia recipiuntur in materia: tum quia oratio est accidens, & tamen eadem numero manens, ex vera fit falsa, mutato obiecto: tum quia potentiæ animæ sunt accidentia, & tamen contraria recipiunt, actus volendi & nolendi, affirmandi & negandi.


Dicendum tamen est. Soli substantiæ conuenire hanc proprietatem. Quia recipere contraria, per modum subiecti, solius est substantiæ; accidentia enim non per modum subiecti recipiunt contraria; sed aliis modis: sic quantitas & potentiæ animæ recipiunt contraria, tanquam media quædam interposita, non autem vt subiectum. Quod verò ad orationem attinet, ea propriè non recipit veritatem & falsitatem; non enim per alicuius rei in se receptionem, sed per solam obiecti extrinseci mutationem, dicitur vera vel falsa. Vnde sine vlla sui mutatione intrinseca fit ex vera falsa, & ex falsa vera.

At dices. Aristotelem absolutè tribuere hanc proprietatem substantiæ, nulla facta mentione subiecti; neque cum soluit obiectionem de oratione suscipiente verum vel falsum, recurrit ad rationem subiecti, sed solum ait, orationem non verè recipere veritatem

&c

& falsitatem, quia absq; vlla sui mutatione. Respon-
deo, non fuisse opus adicere vocem subiecti, cum ea-
satis contineatur in voce suscipiendi, quid enim pro-
priè suscipit formam nisi subiectum? deinde cum de
substantia loquitur, intelligit de ea susceptione quæ
substantiæ competit, modus autem suscipiendi pro-
prius est substantiæ, suscipere per modum subiecti. Non
soluit autem obiectionem de oratione, negando quòd
oratio sit subiectum, sed negando quòd verè aliquid re-
cipiat; voluit enim ostendere, illa etiam alia via, & ex
illo alio capite, dictam proprietatem orationi non con-
uenire. Quanquam cum probat orationem non esse
verè susceptivam, eo ipso probat non esse sub-
iectum, cum subiecti proprium sit
esse susceptivum.





DISPUTATIO IX.

De Quantitate.

*De quantitate hoc loco tractabimus ea solum
qua ad species quantitatis & summum ge-
nus predicamenti cognoscendum pertinet,
reliqua reseruando ad Physicam.*

QVÆSTIO PRIMA.

*An sola quantitas molis sit verè & pro-
priè quantitas.*

*Quantitas molis
qua dicatur.*



Quantitas molis seu magnitudinis, ea dicitur, quæ in corporibus inuenitur, longitudine, latitudine, profunditate constans. hæc enim molem corpoream constituunt: videtur igitur non sola quantitas molis esse verè & propriè quantitas.

Primò. Quia datur etiam quantitas perfectionis, virtutis, intensiõis, valoris, ponderis, & aliarum similium rerum. Dicimus enim & perfectionem magnam, & virtutem magnam, & calorem intensum magnum; item valorem magnum, magnum pondus. Neq; verò aliquid essentialiale deest his quantitatibus ad rationem veræ quantitatis. Nam & ratio essentialis quantitatis, quæ est ratio partium, & omnes quæritatis proprietates, his.

his.

his quantitatibus verè competunt; alioqui si hæ quantitates non convenirent in vna generica ratione quantitatis, cum quantitate molis, essent statuenda duo prædicamenta quantitatis, alterum pro quantitate molis; alterum pro aliis quantitatibus.

Secundò. Dantur quantitates successivæ, qualis est quantitas motus, & temporis, quas esse verè quantitates ex eo patet quòd sint continuæ, & habent partes communi termino copulatas, sicut & in magnitudinibus videmus, eo solum discrimine quòd magnitudo est quantitas continua permanens, hæ verò sunt successivæ.

Tertiò. Quantitas etiam discreta, ut numerus, est vera quantitas. Si enim magnitudo est quantitas, cur non multitudo? & quidem ratio quantitatis in multitudine partium consistens est distincta à ratione quantitatis consistentis in ratione partium continuatarum. Neque enim dubium est, aliam quantitatem esse duarum linearum, aliam verò vnius lineæ continuæ decem diuisis æqualem: unde & diuersæ fiunt interrogationes ac responsiones de quantitate continua, ac discreta. Ut cum dicimus, quanta est linea? & quot sint lineæ? ad primam respondetur per quantitatem continuam, ad secundam per discretam.

Dicendum tamen est. Solam quantitatem molis esse verè & propriè quantitatem. tum quia sola quantitas molis, est accidens peculiare, cuius tota essentia non est alia, quàm essentia quantitatis. Aliæ enim quantitates non distinguuntur realiter à re quanta, sed sunt idem cum essentiis earum rerum quarum dicuntur quantitates. tum quia per ordinem ad quantitatem molis, omnes aliæ quantitates dicuntur quantitates, siue quod similitudinem habeant cum quantitate molis, siue quòd ordi-

Quantitas molis sola est verè & propriè quantitas.

ordinem dicant ad ipsam in ratione quantitatis, & propter talem ordinem participent rationem quantitatis.

Propter similitudinem dicuntur quantitates; quantitas perfectionis, quantitas virtutis, intensiōis, valoris, & similia. In his enim est similitudo quædam quantitatis, quæ in eo est posita, quod sicut quantitas molis dicit extensionem quandam partium extra partes, ita & dictæ quantitates suo modo quandam extensionem partium habent.

Partes sumuntur dupliciter, ut faciunt totum, & ut faciunt totum extensionem.

Quod si dicas has quantitates habere veras partes; ergo & veram rationem quantitatis. Respondeo. Partes dupliciter sumi posse. Primò. ut faciunt totum. Secundò. ut faciunt totum extensum. Primo modo sunt partes in omni toto, etiam non quantitativo. Nam totum substantiale constans materia & forma habet partes, etiam abstractum ab omni quantitate: similiter totum essentialiale ex genere & differentia constitutum, totum intensivum ex gradibus qualitatis constans. At partes secundo modo acceptæ hoc est partes facientes extensionem, propriè inveniuntur in sola quantitate molis, in aliis verò impropiè & metaphoricè. Nam sola quantitas molis habet partes extra partes, ita ut una non penetret alteram, sed sit extra alteram & extra locum alterius: in aliis verò partes, extra partes propriè non inveniuntur nisi secundum quandam proportionem, & similitudinem. Sunt enim simpliciter partes intra partes, ac proinde non est in illis vera extensio nisi secundum similitudinem & comparisonem cum quantitate corporea.

Quantitas successiva quomodo sit quantitas,

Propter ordinem autem ad quantitatem molis dicitur quantitas, Quantitas successiva. Quantitas successiva ut est Motus & Tempus non habet rationem quantitatis

titatis nisi per ordinem & respectum ad quantitatem spatii molis, & coëxistentiam, ac coëxtensionem quandam cū spatio. Hanc enim ob causam Aristoteles motum & tempus dicit esse quanta per accidens. Motus enim est quantus per ordinem ad spatium: nam quatenus mobile habet se diuisibiliter in spatio nunc in hac nunc in illa parte spatii, dicitur motus esse quantus; & maior vel minor, quatenus in maiori vel minori spatio conficitur.

Tempus etiam cum sit duratio, & ipsa quantitas motus, & idem cum motu sumit suam quantitatem, eodem modo quo motus hoc est à successione mobilis in alia & alia parte spatii. ac proinde per ordinem & respectum ad spatium.

At inquires, successiva sunt essentialiter continua. Ergo essentialiter quanta. Respondeo. Sicut sunt quanta per accidens, ex quantitate spatii, ita sunt quanta per accidens ex continuatione spatii.

Dices, hac ratione motus non esset intrinsecè quantus, sed per denominationem extrinsecam à quantitate spatii. Respondeo. Motus cū intrinsecè respiciat spatium, & per ordinem ad spatium, seu ex modo se habendi in spatio habeat suam essentialitatem, mirum non est per ordinem ad spatium habere suam quantitatem: siue quod quantitas spatii extrinsecè denominet motum: siue quod quantitas intrinseca motus dicatur, respectu quantitatis spatii: & partes mobiles ut se habent successivè in alia & alia parte spatii sint motus, de quo suo loco.

Quod attinet ad quantitatem discretam dico. Est tenus esse veram & propriam quantitatem, quatenus continet in se Quantitatem molis. Explico. In quantitate discreta duo considerari possunt. Primò ratio for-

Hhhh

malis

Quantitas discreta an vera quantitas.

malis multitudinis seu numeri: quæ est collectio certa unitatum. Secundo: quod illa multitudo & numerus sit in rebus quantis. Ratione primi. Quantitas discreta non habet veram rationem Quantitatis, tum quia multitudo & numerus secundum rationem suam formalem inuenitur in rebus spiritualibus, in quibus non est vera quantitas, tum quia vera quantitas consistit in ratione partium extra partes. At partes numeri ex sua propria ratione non sunt extra partes. Atque enim numeri ratio saluatur, si unitates quæ sunt partes numeri sint intra se, sicut si sint extra se. v. g. censenarios Angelorum, quæ saluatur si Angeli sint intra idem spacium, sicut si extra. Unde numerus ex ratione sua formali & propria non requirit partes extra partes, nec unitates tales, quarum una sit extraliam, ad proinde ex ratione sua formali non est vera & propria quantitas, neque prædicamentalis sed transcendentalis, ut infra dicitur.

Ratione verò secundi, quantitas discreta est vera quantitas: quia habet partes extra partes. Verum quia id totum prouenit à quantitate molis quæ sunt affectus partes numeri seu quantitatis discretæ, idecirco quantitas discreta non nisi ut continetur in se quantitate molis habet veram rationem Quantitatis. Et quia quantitas molis pertinet ad illam materialiter, idecirco materialiter tantum est vera Quantitas. Id verò quod formaliter dicitur quantitas discreta supra quantitate molis est collectio unitatum quæ ratio est ex se transcendentalis. Conuenit enim atque rebus corporeis & spiritualibus, substantiis & accidentibus: item atque iis quæ verè quantæ sunt; sicut iis quæ non sunt verè quantæ. In Angelis enim verè inuenitur multitudo & numerus, in quibus tamen nemo dixerit esse veram quantitate. Spirituali-

ricualibus enim non inest vera quantitas. Vnde ex ratione sua formali habet quidem quantitas discretam rationem aliquam quantitatis (multitudo enim & numerus dicitur maior vel minor quae proprietates quantitatis) tamen ea quantitas nec est vera quantitas, quia non dicit partes extra partes, nec est praedicamentalis sed transcendentalis, cum inueniatur in omnibus praedicamentorum generibus, ut infra docebitur. Vnde etiam sequitur, quantitatem discretam differre à quantitate continua solum accidentali differentia. Sicut quantitas diuisa à seipsa indiuisa differt. Quantitas enim discreta est diuisa: continua indiuisa. Et ex hac differentia accidentali proueniunt omnis diuersitas, quae est inter quantitatem discretam & continuam. Et hoc verum est ex natura rei loquendo de quantitate discreta. Nam si loquamur de ea ut concipitur à nobis, aliud est dicendum, de quo infra erit peculiaris questio.

QUESTIO II

De quantitate magnitudinis in quonam eius essentia consistat.

IN quantitate magnitudinis multa considerari possunt: ratio partium extra partes, extensio in loco, diuisibilitas, mensurabilitas, impenetrabilitas, continuitas. Queritur igitur in quo potissimum ratio quantitatis consistat; non enim haec omnia ad essentiam quantitatis aequè pertinent. Quidam igitur quantitatis essentiam dicunt esse diuisibilitatem, alii mensurabilitatem, alii extensionem, alii rationem partium extra partes: quae sententia communior est & vera. Essentia enim est id quod est primum in se & causa ceterorum. Talis est in

*Quantitas
essentia est ratio
partium extra
partes.*

Hhh. 2. quantitas

quantitate ratio partium extra partes. Nam alia omnia quæ conueniunt quantitati supponunt rationem partium tanquam fundamentum & causam, ipsa verò ratio partium extra partes; nullam aliam priorem rationem supponit, in qua fundetur & ex qua proueniat: quia enim quantitas habet partes extra partes, ideo in eas diuidi potest, & secundum eas mensurari, & ad alia mensuranda adhiberi, non verò è conuerso, quia diuidi & mensurari potest, ideo habet partes: prius enim est habere partes, quàm in eas diuidi. Impenetrabilitas etiam partium supponit partes extra partes: prius enim sunt partes, quoad substantiam, quàm conueniat penetrari non posse, ita vt penetrabilitas sit proprietas quædam partium extra partes. Continuitas etiam est vnio quædam ac vinculum partium quantitatis. Omnis autem vnio supponit partes; quia vniri debent, quare & continuitas supponit partes extra partes, & solum dicit modum quædam earum seu vnionem. Denique extensio in ordine ad locum non est prima ratio quantitatis: supponit enim quantitatem in se extensam, & habentem in se ipsa partes extra partes. Prius enim est esse in se extensum, quàm coextendi loco; cùm illa ipsa extensio, quæ res in se extensa est, applicetur loco. Quocirca ea quæ nullam in se extensionem habent non sunt etiam extensa in loco: quòd si locum occupant, inextensa occupant. & indiuisibiliter, ita vt sint tota in toto, & tota in singulis loci partibus: quomodo Angelus est in loco & anima rationalis in corpore. Vt ergo aliqua sint extensa in loco, debent esse prius extensa in se per partes extra partes.

*Quantitatem
essentialiter
habere partes
extra partes.*

Verum obijci primò. Cùm dicitur essentiã quantitatis esse partes extra partes, vel intelligunt partes esse extra partes entitatiuè, vt vna nō sit alia, vel quãtitatiuè, vt vna sit extra locum alterius; Si primū, hoc est comune omni Tori.

In

In omni.n. Toto vna pars non est alia alioqui totum nō
 esset cōpositum ex plurib⁹, sed esset vnū quid simplex.
 Cū ergo omne Totū habeat partes extra partes enti-
 tatiuē, sequeretur omne Totū esse quantitatiuum, q. ta-
 mentalisum est in Toto substantiali, & in Toto intensi-
 uo. Si secundum, non potest explicari, quomodo
 in quantitate sint partes extra partes. Nam si dicantur,
 esse extra partes loci, iam ostensum est non eam esse
 primam rationem quantitatis: abstrahendo verò à lo-
 co, vix potest concipi quomodo partes sint extra partes,
 in quantitate. Respondeo. Modus proprius, quo pars
 quantitatis est extra aliam partem, est ita esse extra a-
 liam, vt naturaliter sit extra locum alterius, & non pos-
 sit ab alia penetrari in eodem loco: non quòd extensio
 partium in loco sit essentia quantitatis, sed quod ea ex-
 tensio indicet essentialem extensionem quantitatis.
 Nam vt dictum est extensio in loco supponit extensio-
 nem partium in ipsa quantitate. Per suā enim partes
 in se extensas quantitas debet cōextendi partibus loci.
 Vnde fit si extensio partium in loco separatur à quanti-
 tate (vt de facto separatur à quantitate corporis Christi
 in Eucharistia) quantitas habebit partes extra partes in
 seipsa per quas potest cōextendi partibus loci, etiamsi
 de facto non cōextendatur, eruntque partes illæ quan-
 titatis certo quodam ordine & continuatione inter se
 dispositæ, vt vna pars continetur vni non alteri, caput
 collo, collum pectori, & ratione huius ordinis vna est
 extra aliam.

*Quantitatis
 partem esse en-
 tra aliam par-
 tem quā modum
 sit proprium.*

Obiicitur secundò. Substantia sine quantitate ha-
 bet partes extra partes extensas in loco substantialiter.
 Ergo partes extra partes non sunt essentia quantitatis.
 Essentia enim quantitatis nō potest esse sine quantitate:

at partes extra partes sunt in substantia sine quantitate. Ergo non sunt essentia quantitatis. Probatum minor. Primò. Quia cum substantia affecta quantitate est in loco, non solum partes quantitatis sunt extensæ in loco quantitativè, sed etiam partes substantiæ sunt extensæ substantialiter, ita ut duæ res sint sibi extensæ, & substantia, & quantitas, & una extensio non est altera. nam extensio substantialis est idem cum substantia, extensio verò quantitatis est idem cum quantitate.

Secundò. Si per Dei potentiam auferatur quantitas à materia, manebunt omnes materiæ partes quæ respondent partibus quantitatis, manebunt autem in eodem loco, & eodem modo substantialiter extensæ ut ante, quod ex eo probatur: Quia nullam habent vim, quam moveantur ad alium locum & priorem locum deserant; si enim in instanti abstrahatur quantitas à materia, necesse esset partes materiæ moveri, vel in instanti vel in tempore: si in instanti, hoc est impossibile; quia in vno instanti una pars impleat totum spatium per quod moveretur, & simul esset in toto spatio: si in tempore; ergo aliquo saltem tempore esset illa materia extensa in loco sine quantitate, nempe antequam conflueret ad punctum indivisibile. Ad hæc non esset maior ratio ut ad hoc potius, quam ad aliud punctum moverentur partes materiæ. Nam ex natura rei loquendo æquè in vno ac in alio puncto possunt omnes partes colligi, quare ut ad aliquod punctum determinatum confluerent, opus esset aliqua determinatione extrinseca: nam quod est ex se indifferens ad omnem terminum aut nō movebitur ex se, aut si movebitur ad oēs terminos æquè movebitur, cum non sit maior ratio ut ad unū potius quam ad aliud moveatur. Si igitur ad hunc motum Dei determinatio necessaria esse dicatur, ea determinatio cum liberè à Deo fiat, potest non fieri.

si autem non fiat, partes materiae in tali casu non mouebuntur; neque confluent ad unum punctum, & sic manebunt in eodem loco extensa substantialiter sine quantitate.

Ad hoc argumentum. Respondent quidam recentiores, materiam sine quantitate habere partes extra partes entitativae non quantitativae; partes enim quantitativae naturae suae sunt impenetrabiles, entitativae vero sunt penetrabiles, & sic distinctae essentialiter a partibus quantitativis.

Verum haec responsio non satisfacit. Nam partes materiae secundum istam responsionem, non solum sunt entitativae, sed etiam quantitativae: quia non solum secundum entitatem una non est alia, sed etiam secundum extensionem; unus enim extensio est extra extensionem alterius. Quod vero dicitur istam extensionem non esse quantitativam quia non est impenetrabilis: refellendum est; illa enim extensio est eiusdem planae rationis cum extensione quantitatis, ita ut quantitas una aliam extensionem materiae conferat, nec aliter extensas faciat materiae partes, quam ut ab istis ponuntur extensa sine quantitate; Efficit enim extensa partes materiae tam in toto quam in loco. Quare si impenetrabilitas sequitur ad extensionem quantitatis, procul dubio non aliam, aut alterius cuiuspiam rationis extensionem sequetur, quam ad talē extensionem, qualis ab istis ponitur sine quantitate; illa enim extensio ad quam sequitur impenetrabilitas, in ratione extensionis nullo modo differt ab extensione illa entitativa materiae, unde etiam sequitur si ad extensionem sequitur impenetrabilitas, necesse est ut sequatur etque ad extensionem quantitatis quam ad extensionem illam entitativam materiae, & sic materia sua extensione entitativa deberet esse impenetrabilis.

Deinde ista extensio entitativa materiae, cum sit accidens materiae potest per Dei potentiam auferri a materia sicut & quantitas: si igitur Deus hanc extensionem entitativam auferat a materia in instanti, vel manebunt partes materiae in eodem loco

*Non dari extē-
sionē sine qua-
ntitate.*

ut ante vel non: si manebunt; Ergo sine extensione entitativæ erunt extensæ, quod implicat: si non manebunt, ergo idem dici poterat de quantitate quod ablata quantitate non maneant partes materiæ extensæ.

*Materia absque
quantitate ha-
bet partes enti-
tativas non ex-
tensas.*

Dicendum igitur est. Materiam absque quantitate habere quidē partes entitativas, sed non extensas: quia extensio partium tam in toto quàm in loco est effectus formalis quantitatis; at effectus formalis non potest esse sine forma: ergo nec illa extensio partium potest esse sine quantitate; quantitas enim suam extensionem afficiendo materiam facit illam esse extensam.

Dices. Non omnem extensionem, sed solum impenetrabilem esse effectum quantitatis. Contra quia extensio penetrabilis, quam isti ponunt, & extensio impenetrabilis, sunt eiusdem rationis in ratione extensionis; ergo vel ad utramque sequitur impenetrabilitas, vel ad neutram; ponitur enim impenetrabilitas sequi ut proprietates ad essentiam extensionis.

*Partes materia
ablata quanti-
tate non sunt en-
tensæ.*

Ad obiectionem igitur respondeo. negando partes materiæ ablata quantitate futuras extensas, sed eo ipso futuras inextensas & indivisibiles in ordine ad locum, quod vno ex duobus modis fieri potest secundum diversas hac de re opiniones.

Primo ut eo ipso reddatur materia indivisibilis instar puncti, id quod non fieret per motum localem, ut bene probat obiectio, sed per abstractionem rationis formalis, per quam materia erat extensa & divisibilis, sicut cum anima desinit informare corpus, desinit in momento coexistere toti corpori absque ullo motu, solum per subtractionem rationis formalis, per quam coexistebat corpori; sublata enim ratione formali extensionis, necesse est auferi extensionem, sicut sublata albedine, necesse est auferri album.

Se-

Secundò, vt materia maneat in toto illo loco, sed indiuisibilitèr. & inextensè tota in toto, & tota in qualibet parte, per modum rerum spiritualium. Porò in primo casu, quo materia redigitur ad punctum, pertinebit ad Deum determinare punctum, in qua materia tota consistere debeat. Nam abstrahi quantitas à materia non potest nisi materia maneat inextensa & indiuisibilis: ergo aut quantitas nunquam à materia auferetur, vt ij dicunt, qui negant quãtitatẽ re distingui à substantia; aut si auferatur, eo ipso debet determinari ad aliquod punctum indiuisibile; quia enim ista duo ex natura rei sunt necessariò cõnexa, priuari quantitate, & reddi indiuisibilem, ideo non potest à Deo auferri quãtitas, nisi determinetur punctum, in quo tota materia consistat indiuisibilis, cùm ex se sit indifferens ad omne punctum.

Obiicitur tertio. Quod est totum in qualibet parte non habet partes extra partes: sed essentia quantitatis est tota in qualibet parte: Ergo essentia quantitatis non potest habere partes extra partes: Maior patet exemplo animæ quæ cùm sit indiuisibilis, tota existit in singulis partib' corporis, & Angelus totus existit in singulis partibus loci. Minor probatur. Quia singulis partibus quantitatis conuenit tota essentia & definitio quãticitatis, singulæ enim partes quantitatis sunt quantitas.

Respondeo. Quod est totum in singulis partibus tota sua reali entitate, illud est indiuisibile, & non habet partes, vt patet in anima, & Angelo: at quod est totum, in singulis partibus solùm per conceptum & rationem, illud non est necesse esse indiuisibile realiter. Quantitas igitur non est tota in singulis partibus reali sua entitate, & ideo non est indiuisibilis realiter; alia e-

Totum tãtũ existens in singulis partibus tota sua reali entitate est indiuisibile, nec partes habet.

nim est realitas quantificatis in una parte, alia in alia, solum verò est tota in singulis partibus, secundum conceptum communem essentiae, qui per rationem aequè convenit omnibus & singulis partibus.

Obiicitur quartò. Si habere partes extra partes esset essentia quantificatis, darentur aliquæ partes quæ essent essentielles quantitati: ac nullæ dantur quæ sint essentielles: Ergo habere partes non est de essentia quantitatis. Minor probatur. Quia quæcumque pars assignatur potest auferri à quantitate; ergo erit accidentalis quantitati. Accidens enim est quod potest adesse, & abesse præter subiecti corruptionem. Dices ablata illa parte desinet quantitas esse tanta ut ante, & sic pars illa non potest abesse sine aliqua quantificatis destructione. Contra, Licet in calicafu quantitas non maneat tanta, manet tamen essentialiter quantitas; Ergo pars illa non spectabat ad essentiam quantitatis, sed tantum ad integritatem, & ex consequenti erat solum pars integralis non essentialis.

*Pars ablata
quomodo sit
accidentalis &
essentialis reli-
qua quantitati.*

Respondeo. Partem ablatam esse quidem accidentalem reliquæ quantitati à qua auferitur, esse tamen essentialem ei quantitati quam intrinsecè seipsa constituit: Illa enim quantitas quæ est intrinsecè in illa parte ablata non potest manere destructa illa parte; pars enim illa quantitatis, essentialiter est quantitas, & quantitas in illa parte existens, quantitate illius partis est talis.



QVÆ-

QVÆSTIO III.

An numerus sit ens reale vel rationis.

DE numero qui est quantitas discreta multa quæri possunt, quæ cum alibi non soleant explicari, hic explicanda sunt, ut ita pateat quomodo numerus sit species quantitatis.

Primo igitur quæritur. An numerus sit ens reale vel rationis? Esse realem existimat Soncinnas, 10. Metaphysic. Quæst. 18. Iauellus 8. Metaph. quæst. 9. Heruzus quodlibeto 3. quæst. 9. Ratio est quia numerus est id, quo res sunt tot vel tot. Ad quæstionem enim Quot sunt? respondetur per numerum. Quot sunt planetæ? Septem. Quot oculi? duo. Atqui res sunt tot quot sunt, nullo cogitante intellectu. Ergo numerus totus est à parte rei, nullo modo pendens ab intellectu. Minor patet 1. Quia non ideo sunt res tot à parte rei, quia tot numerantur ab intellectu; sed potius ideo tot numerantur ab intellectu, quia tot sunt à parte rei: inuenit. n. intellectus à parte rei res tot; & ideo non potest numerare nec plures nec pauciores. 2. Quia res esse tot, nihil aliud est quàm esse omnes quæ sunt, nō plures nec pauciores. At à parte rei sunt nec plures nec pauciores: Ergo à parte rei sunt tot: neq; enim intellectus facit illas non esse plures nec pauciores.

Communis tamen sententia cum Aristotele in 4. Phy: *Numerus in-* sic. tex. 131. tenet numerum in sua ratione formali, ac *(sua ratione for-* proinde in esse numeri pendere ab anima: sic enim: si *mali & in esse* impossibile sit numeratum esse, impossibile quoque *numeri pendet* est numerabile aliquid esse: quare neque possibile est *ab anima.* numerum esse: numerus enim est aut numeratum, aut

Liii. 3. ipsum

ipsum numerabile. Ex quibus verbis necessario concluditur, numerum formaliter per numerationem constitui, vel in ordine ad numerationem: numerum quidem numeratum per numerationem actuale, numerum verò numerabilem per numerationem potentialem. Alioqui si non per numerationem constituatur numerus in ratione formali numeri falsa erit ratio Aristotelis. Quod si impossibile sit numeratum esse, impossibile quoque esse ut sit numerus: Sicut enim color, quia in ratione coloris non pendet à visu; esset, etiamsi visus non esset possibilis; in ratione tamen visibilis quia pendet à visu; non dicitur visibilis, nisi in ordine ad visum, & si visus non esset, neque visibile esset: ita & numerus, ut multitudo quædam est, non pendet ab anima numerante; quia multitudo, est multitudo etiamsi non numeretur, nec numerari possit: tamen ut illa multitudo est numerus, pendet ab anima numerante; propter numerationem enim dicitur numerus, & si non esset possibile numerans, non esset etiam possibilis numerus.

Idem probatur Ratione. Numerus enim est multitudo unitatum ordinata secundum rationem primi, secundi, tertij, &c. Atqui multitudo non est hoc modo ordinata à parte rei, sed solum per intellectum, Ergo numerus non est numerus nisi per intellectum. Maior patet: quia multitudo nisi sit illo modo ordinata, non est in vlla specie numeri: omnis enim numerus vel est binarius, vel est ternarius, &c. qui omnes numeri constituuntur in ratione numeri, per secundam, tertiam, vel quamvis aliam ultimam unitatem: At quod non est in vlla specie numeri, neque numerus est: à quo enim remouentur omnes species, remouetur & genus: Ergo multitudo sine ordine unitatum non est numerus.

Quod

*Numerus sine
ordine unitatum
non est numerus.*
100.

Quod verò ordo ille vnitatum non sit à parte rei si-
ne intellectu. Probatur 1. Quia nulla vnitas est magis
prima quàm secunda, vel tertia, sed æquè potest statui
prima sicut vltima. Cùm ergo à parte rei non sint de-
terminatæ vnitates ad talem ordinem, necesse est vt
determinentur ab intellectu numerante: Ex numera-
tione enim hæc statuitur prima, illa vltima ad placitum
numerantis. 2. Quia alioqui darentur infiniti actu
numeri in rerum natura. Nam sumo decem vnitates,
in hoc denario inveniuntur etiam duo quinarii, quicquid
denario faciunt ternarium, ternarius rursus cum duo-
bus quinariis & denario faciunt quaternarium; & sic in
infinitum procedendo, posito vno denario poni neces-
se esset infinitos numeros ex denario actu consequen-
tes, quod absurdum non sequitur, si dicatur numeros
fieri ab intellectu successiue; sic enim possunt plures &
plures in infinitum fieri; nunquam tamen fiunt actu in-
finiti. At si ex natura à parte rei oriuntur, necesse est si-
mul infinitos actu oriri, & quidem specie distinctos.

Tertiò. Sequeretur vnum tantum numerum esse
rerum omnium. Numerus enim per se oritur ex diui-
sione quantitatis; ergo tantus erit numerus, quanta di-
uisio quantitatis, & sic omnium rerum quantarum vnus
erit numerus formaliter, solumq; materialiter effectus
multiplex, quoad res subiectas quantitati, quod est per
accidens numero, qui per se quantitatem respicit.
Quod si numerus fiat ab intellectu ordinante vnitates:
tunc tantus, & talis erit numerus, quantum & qualem
intellectus numerando constituerit, statuendo hanc
primam; illam vltimam vnitatem; & sic alius erit nume-
rus leonum, alijs hominum, item alius hominũ in tem-
plo, alius in foro.

*Ordo vnitatum
non est sine
intellectu.*

1.

2.
*Infiniti actu
numeri.*

3.
*Vnum tantum
numerus esset
in mundo.*

*Numero tria
complectitur.*

Notandum igitur est, in numero tria considerari. 1. multitudinem vnitatum. 2. determinationem vnitatum ad tot, non plures nec pauciores, absq; vlllo ordine in vnitatibus, vt si in foro sint tot homines quot sunt, nullo numero illorum inito. Tertiò ordinationem vnitatum secundùm rationem primi, secundi, tertii. Qui ordo vnitatum specificatur ab vltima vnitata: talis enim species nùmerus dicitur, qualis fuerit vltima vnitata, verbi gratia, à septima vnitata denominatur nùmerus septenarius, à decima denarius.

*Numero secundum quid
pendeat ab anima
& non.*

Numerus igitur quoad multitudinem vnitatum non pendet ab anima, sed oritur realiter ex diuisione quantitatís; Diuisio enim realis terminatur ad multa realiter, idemq; est esse multa, & diuisa.

*Vnitates sunt
tot, quot sunt,
sine intellectu.*

Secundò. Quoad determinationem vnitatum, ad esse tot, quot sunt; nùmerus non pendet ab anima. Esse enim tot vnitates, est esse non plures nec pauciores; atqui à parte rei, vnitates omnes & singulæ sunt in seipsis, nec plures nec pauciores. Ergo à parte rei sunt determinatæ, ad esse tot secundùm multitudinem. Et sicut magnitudo dicitur realiter tanta, vt non sit maior nec minor, idq; seipsa quatenus vltèrius nō extenditur, qui est terminus negatiuus quantitatís; ita & multitudo est tanta realiter, ipsis suis vnitatibus, quatenus non sunt plures nec pauciores; sicut enim sunt tot per negationem vltèrioris extensionis, qui est terminus negatiuus. Quæ quidem negatio vltèrioris extensionis, non cōuenit numero ratione ordinis; quia cōuenit ante omnem ordinem vnitatum, & ante omnem terminum ordinis, qui terminus sumitur ab vltima vnitata in ordine, Imò sine vlllo ordine, tam antecedente quàm consequente, vnitates sunt tot, quot sunt, per negationem plurium, & pauciorum..

Porro.

Porro multitudo determinata ad tot vnitates, non erit formaliter numerus, nisi accedat ordo vnitatum: quia omnis numerus denominatur talis vel talis ab vltima vnitate, verbi gratia, à sexta senarius, à septima septenarius; at vnitas non dicitur sexta nisi quia in ordine est sexta, & respectu aliarum quinque vnitatum, ad quas accedit. Vnde multitudo non ordinata, est solum numerus materialiter, quia est materia tanti, vel tanti numeri, ipsa verò secundum se est tanta negatiuè; quia non est plurium, nec pauciorum vnitatum: non autem est tanta secundum numerum.

Tertiò igitur quoad ordinem vnitatum, in quo consistit vltimata ratio numeri, numerus pendet ab anima numerante, ob rationes dictas.

At inquires. Potest dari à parte rei ordo aliquarum rerum citra omnem operationem intellectus ita, vt ab intellectu mutari non possit, vt cum vnum oritur ex alio, & aliud ex illo quod accidit inter passionem, quarum vna oritur ex alia, vt risibile ex admiratiuo, admiratiuū, ex discursiuo, discursiuū ex rationali oritur certo quodam ordine. Similis ordo est inter causam & effectum: hic enim ordo est realis, cum vnum realiter sit prius altero, nec hunc ordinem mutare potest intellectus; non enim potest facere effectum sua causa priorem, nec causam suo effectui posteriorem; & sic sequetur dari numerum aliquem realem.

Respondeo. Dari quidem aliquem ordinem realem, verum hic ordo per accidens spectat ad numerum: ordo enim numeri oritur ex numeratione, cum videlicet

Ordo potest dari realis, sed qui ad numerum spectat per accidentem.

licet in numerando aliquid primum, aliquid secundum, vel tertium dicitur ad q. impertinense est ordo causalitatis: æquè enim numerus binarius est, si constet causa & effectu, sicut si constet duabus causis, & duobus effectibus. Item æquè binarius est, si causa in numerando sit prima, sicut si sit secunda: Quamvis enim in causalitate deberet esse prior effectu, tamen in ordine ad numerationem, æquè potest esse prima, sicut secunda, cum alia sit primitas numerationis, alia causalitatis, & una potest esse sine alia.

*Numerus potest
ne affingi maior
rebus ab aut.
ma; siquidem
ab ea pendet?*

Obiicies secundò. Si numerus pendet ab anima posset ab anima affingi rebus numerus maior, vel minor ad placitum; essent etiam plures earundem rerum numeri, si à pluribus numerentur: vt si centenarius ouium numeretur à tribus, essent tres cetenarii ouium, & oues triplo plures, quàm sint.

Respondeo. Si numerus tam quoad formale, quàm quoad materiale penderet ab anima, sequerentur ea absurda: At quia quoad materiale, hoc est quoad multitudinem vnitatum non pendet ab anima, sed tantum quoad ordinem, ordo autem non potest esse maior, nisi secundum multitudinem vnitatum; idcirco sicut anima non potest facere plures vnitates quàm sint, ita nec maiorem numerum. Similiter plures numerantes quia non faciunt plures vnitates, ideo non faciunt plures numeros simpliciter. Licet enim numeri numerantes sint plures, numerus tamen numeratus est vnus, & est simile exemplum in artificialibus: hæc enim etsi pendunt ab artifice, quoad formam, non tamen pendunt quoad materiam: & ideo non ex quolibet ligno fit ab artifice Mercurius.

Obiicies

Obiicies Tertiò. Numerus nihil aliud est nisi tot vnitates, vnde quâdo de numero quærimus, quærimus quot sint. At à parte rei sunt tot vnitates: Ergo à parte rei citra operationem animæ, est numerus. Respon- *Vnitates dicuntur dupliciter Tot.*
deo. Dupliciter vnitates dicuntur tot, vel per negationem plurium & pauciorum, & hoc modo sunt tot à parte rei; vel tot secundum ordinem numeri, & hoc modo non sunt tot à parte rei sed ab anima numerante. Vnde rectè distingui potest Tot multitudinis, & Tot numeri: dicuntur autem tot numeri, quæ sunt tot secundum aliquam speciem numeri. Verbi gratia, sex aut decem: ea enim tot dicuntur à sexta, vel decima in ordine vnitatum.

His igitur positis. Dico primo. Numerum in ratione numeri pendere ab anima, vti probatum est. *Numerum in ratione numeri pendet ab anima.*

Dico secundò. Numerum secundum completum esse tantum pendere ab anima. quia multa sunt in numero quæ sunt à parte rei, & non pendet ab anima, vt multitudo, & determinatio vnitatum: solum ergo in complemento quodam numerus pendet ab anima. *Numerum in complemento quodam ab anima pendet.*
Hoc autem complementum potest assignari duplex: vnum est Ordo primæ, secundæ, tertiæ, vnitatis: Aliud est vnitatis numeri; nam cum numerus sit multitudo vnitatum, est vnum per accidens, non vnum per se. Vt ergo efficiatur vnū per se; pendet ab anima, concipiente numerū vnum per modum actus & potentiz, materiz & formæ. Nam sicut res à forma habent suum esse, suam denominationem, & vnitatem; ita numerus ab vltima vnitata tanquam à forma concipitur habere suum esse, denominationem & vnitatem, de quo infra.

Quod si quæras, an numerus in suo esse formali dicendus sit pendere ab anima. Resp. Affirmatiuè, quia *Numerum in suo esse formali pendet ab anima.*
ratio

Kkk

ratio formalis numeri sumitur ex vltima vnitare, sexta v.g. vel decima. At vnitatem esse sextam vel decimam, est ab intellectu numerante: ergo numerus secundum esse formale numeri pendet ab anima. Idem patet ex speciebus numeri, ternario vel denario; Hæ enim ex vltima vnitare sumuntur & denominantur, & vt variez fuerint vnitates vltimæ, ita variez erunt numerorum species.

*Numerus etsi
pendeat ab a-
nima, non sa-
men est ens ra-
tionis.*

Dico tertiò. Numerus etsi pendeat ab anima in suo esse completo, non tamen simpliciter est ens rationis; quia nõ quoad omnia, sed quoad aliquid à ratione pendet, & quamuis habeat aliquid in sua essentia, siue formaliter, siue per modum connotati, quod sit ens rationis; non tamen simpliciter est ens rationis. Nam à simili, natura vniuersalis pendet ab anima in sua essentia. li vnitare, & aptitudine ad multa, non tamen simpliciter dicitur ens rationis; Id enim simpliciter dicitur ens rationis, quòd tam materialiter, quàm formaliter, est ens rationis. quod autem formaliter tantum est ens rationis, idq; secundum aliquid in ratione formali còtentum, dicitur secundum quid ens rationis, multo verò magis si connotet solum non verò dicat in recto illud ens rationis, licet sine ente rationis connotato non existat illa ratio formalis; sicut simitas non est simitas sine connotatione nasi.

*Numerus etsi
pendeat ab ani-
ma esse realem
quidam dicunt.*

Circa hanc conclusionem, quidam recentiores sentiunt numerum etsi formaliter pendeat ab anima, non esse tamen villo modo, nec secundum quid ens rationis; sed omnimodè ens reale. Ratio est: quia numerus constituitur in ratione formali numeri per numerationem, hoc est per denominationem extrinsecam ab actu numerandi. At numeratio est realis: ergo & denomi-

mina-

minatio unitatum à numeratione erit realis, & ex consequenti numerus in esse numeri, erit omnimodè realis.

Verum id facile refellitur: Hoc enim modo omnia *Refellitur.*

entia rationis essent realia, quia concipiuntur reali conceptione. Dupliciter ergo dicitur aliquid realiter concipi, vel quia reali actu concipitur, vel quia sub reali ratione concipitur. Ad hoc igitur ut aliquid sit simpliciter reale, non satis est, quod reali conceptione concipiat, sed opus est ut sub reali ratione concipiat: sicut cum concipio hominè rationabilem, vel risibilem, concipio sub ratione reali, quæ à parte rei existit. Cum verò concipio naturam vniuersalem, concipio sub ea ratione quæ in re non existit, sed tantum in intellectu, & ideo concipio in ea aliquid quod sit ens rationis. Hoc ergo modo numerus concipitur, & numeratur ab intellectu, nempe sub illa ratione ordinis, quæ illi non conuenit nisi per intellectum, & est ens rationis.

Realiter concipitur aliquid dicitur dupliciter.

Numerus concipitur sub relatione rationis.

At obijcies primò. Obiectum Arithmetice quæ est scientia realis, est reale formaliter: at numerus est obiectum Arithmetice; ergo erit secundum suam rationem formalem quid reale, & nullo modo rationis. Nam si dicas posse esse scientiam realem de obiecto non reali, nempe de ente rationis, qualis scientia est Logica. Contra: Scientia denominatur realis ab obiecto: quia est de obiecto sub ratione reali: totum enim suum esse, & specificationem habet ab obiecto. Logica verò quatenus est de ente rationis, est scientia non realis, sed rationalis: quia est circa ea quæ non in re, sed in ratione existunt.

Kkkk 2

Resp.

*Numerum est
obiectum reale
Arithmetica
sub ratione
reale.*

Resp. Numerum esse subiectum reale Arithmetice sub ratione reali quantitatis; Numerus enim ut est multitudo unitatum quantarum, est quantitas realis: Et licet hæc quantitas numeri quoad aliquid pendeat ab intellectu, nempe quoad ordinem, & quoad unitatem quantitatis; quod enim sit vna quantitas hoc habet ab intellectu, cum in re multæ unitates sint multæ quantitates: tamen hæc dependentia ab intellectu non impedit, quominus numerus sit obiectum scientiæ realis. Nam etiam scientiarum realium obiectum est vniuersale (scientia enim est de vniuersalibus,) vniuersale autem tam quo ad suam unitatem, quàm quo ad vniuersalitatem pendet ab intellectu: Naturæ enim à parte rei sunt multæ, & fiunt vna natura per intellectum per quem etiam habet illa natura ordinem ad multa. Satis ergo est obiectum scientiæ esse reale fundamentaliter, & secundum id quod dicit fundametaliter, considerari. Quid si dicas etiam ens rationis esse reale fundamentaliter; neq; tamen esse obiectum scientiæ realis? Resp. Obiectum scientiæ realis est illud ipsum fundamentum entis rationis, & licet compleatur in esse obiectiuo per ens rationis, simpliciter tamen est obiectum reale, ea realitate, quæ ad scientias requiritur: ens verò rationis cum dicitur obiectum, statuitur obiectum solum secundum esse suum formale, & ideo non est obiectum reale.

*Numerum qua
ratione sensu
percipitur.*

Obiicies secundò, id quod sensu percipitur, est ens reale, at numerus sensu percipitur. Est enim sensibile per se ex 2. de anima c. 6. ergo est ens reale non rationis. Nam ens rationis sentiri non potest. R. Numerum sensu percipi ut est multitudo unitatum sensibilium, nõ ut est constituta per ordinem unitatũ quæ est ratio formalis

malis numeri. Quis enim dicat Brutum percipere senarium vel denarium formaliter? solum enim percipit unitates multas & discretas non reducendo illos ad speciem aliquam numeri, neque numerando; hoc enim est proprium hominis.

QVÆSTIO IV.

An numerus sit unum per se, vel unum per aggregationem.

Affirmat S. Thomas prima parte. quæst. 11. artic. 1. *sententia prima.*
 & 2. Capreolus in l. distinct. 24. ubi etiam Argenti-
 na & Scotus (quanquam Scotus dubius est) Socinarus,
 lauellus, Heruasus supra citati. Caietanus, & Sotus in
 Logica. Licet enim in numero sint materialiter mul-
 tæ unitates diuise ab inuicem; formaliter tamen ut ad
 rationem numeri binarij, vel ternarij pertinent, sunt
 vnum per se & vna essentia constituta per ultimam uni-
 tatem tanquam per formam, dantem esse, & denomi-
 nationem toti numero. Probatur primo ex Aristot. qui
 8. Metaph. c. 10. essentias rerum comparat numeris, do-
 cetque essentias esse uti numeros. *I. Essentia vni-
 numeri.* Ut enim numeri omni additione vel deductione unitatis ultimæ mutan-
 tur in essentia numeri; ita & essentiæ, additione vel de-
 tractione differentiarum mutantur essentialiter. Hæc com-
 paratio inepta esset, si numeri non habent veram, & v-
 nam essentiam: quomodo enim aliarum essentiarum
 exemplar esse possent si essentiam vnā non habe-
 rent?

Secundò ratione à priori, Ex materia enim & for-
 Kkkk 3 ma

2.

*Sex non sunt
bis tria.*

ma fit vnum per se: atqui in numero vltima vnitas est forma aliarum vnitatum in ordine ad esse numeri; per eam enim denominatur & constituitur numerus in certa specie, nempe ternarij, senarij, &c. Ergo numerus est vnum per se. Hinc Aristoteles 5. Metaph. t. 19, ait sex non esse bis tria, sed semel sex, ostendens à sexta vnitatem sumi formam & speciem senarij.

Tertiò de ente per accidens non datur scientia. Ac de numero datur scientia Arithmetica, Ergo numerus non est ens per accidens, sed per se habens vnā essentiam.

*Sententia se-
cunda.*

Negant numerum esse vnum per se, sed tantum vnum per collectionem, & ordinem sicut exercitus. Albertus 8. Metaphysic. tex. 1. 6. 8. Gregorius & Ocham in 1. distinct. 24. Fonseca 5. Metaph. cap. 13. quæst. 4. Probant autem primò ex Aristotele. Nam 10. Met. t. 4. numerum aic esse pluralitatem vnitatum, & t. 2. ibidem esse multa vna, & 8. Met. t. 10. Numerus inquit, aut nō est vnus, sicut congeries: aut si est, dicendum erit, quid sit illud, quo numerus est vnus: ac si diceret non potest assignari per quid numerus sit vnus. Denique 1. Met. 40. cur inquit, vnum sit numerus collectus? Ac si diceret non est causa propter quam numerus sit vnus.

Secundò ratione: Nam numerus vel statuitur vna simplex entitas, vel composita ex pluribus. Si primò, peto, in quo subiecto erit hæc simplex entitas. V. G. binarij, an in vtraq; vnitatem, an in altera? nō in vtraq; quia idem numero accidens non potest esse in distinctis numero subiectis: non in altera; quia non est maior ratio quòd sit in vna quàm in altera. Deinde si sit in vna, illa erit manens vna binarius: quia in se habet formā binarij; à qua binarius, dicitur binarius. Si verò numerus dicatur

Vna.

vna entitas composita, ex multis vnitatibus inter se ordinatis: hoc etiam dici non potest. Nam multa entia simpliciter non fiunt vnum per se propter solum ordinem & respectum extrinsecum, sed tantum vnum per accidens. Alioqui exercitus habens vnitatem ordinis, esset vnum per se, & omnes res in mundo, cum sint inter se ordinatae, essent vnum per se, & vna essentia.

Media sententia est, numerum spectata rei natura non esse vnum per se; sed tantum vnum vnitatem ordinis, vt secunda sententia dicebat, vt verò à nobis concipitur, esse vnum per se in intellectu. Hanc sequitur Suarez in Metaph. disp. 41. & Fonseca supra.

Pro quo notandum est vt ex duobus entibus fiat vnum per se seu vna essentia, Requiritur 1. vt illa duo sint vnius generis. Nam ex rebus diuersorum generum non fit vnum per se, vt ex substantia, & ex accidente; Item ex quantitate, & qualitate. 2. vt sint res illae incomplete in essentia sub illo genere. Sic enim ex duabus incomplete essentis, fit vna essentia completa, & ex materia, & forma fit vnum compositum substantiale. Quod si sint entia completa & perfecta, non fiunt vnum per se, cum completè, & perfectè distinguantur; sic duo homines non sunt vnus homo, nec exercitus hominum est vnum per se. 3. Vt illa entia incomplete habeant se vt actus, & potentia: nam propterea ex duabus formis substantialibus incomplete non fit vnus ens per se, quia non habent se ad inuicem vt actus & potentia substantialis: neque sibi substantialiter subordinantur. ex materia verò & forma fit vna substantia, quia habent se vt potentia & actus; ex actu enim & potentia fit vnum per se.

4. Vt sint sibi realiter vnita. Nam si sint à se diuisa, & distantia, non erit ex illis vna res & essentia.

Sententia media.

Ad id. Vt ex duobus entibus sit vnum per se qua requirantur?

1. *Sint res vnius generis.*

2. *Incomplete.*

3. *Sint res actus & potentia.*

4. *Realiter sibi vnita.*

Sic

Sic ex corpore & anima separata non constituitur vnus homo, nec vna res quamuis alia omnia requisita, ad essentiam constituendam non desint. Sic duæ aquæ diuisæ & separatae, non sunt vna aqua, donec in vnum coeant, & ratio est quia vnitas est indiuisio entis: ergo quæ sunt diuisa, quamdiu sunt diuisa non possunt dici vnum.

*Numerus non
est vnum per se
à partibus.*

*Non ex omni
actu & poten-
tia fit vnum
per se.*

*Desunt nume-
ro ad vnitatem
per se.*

- Ex his ergo patet numerum non esse vnum per se: quia constat vnitatibus diuisis secundum quantitatem, & completis in genere quantitatis, neque obstat quodd vnitates primæ ad vltimam habeant se vt potentia ad actum: non enim semper ex potentia & actu fit vnum per se: alioquin ex substantia & accidente fieret vnum per se: sed requiruntur etiam aliæ supra dictæ conditiones præcipuè vt actus & potentia sint vnius generis, & vniti inter se. Quocirca in numero etiam si sit actus & potentia, non tamen fit vnum per se: quia desunt aliæ conditiones vnitatis per se. Nam 1. vnitates in numero sunt actu à se diuisæ, eamq; diuisionem numerus essentialiter requirit, ita vt si desit diuisio, non sit formaliter numerus. 2. Hæc potentia vnitatum ad vltimam vnitatem est tantum potentia ad aliquid accidentale vnitatibus; hoc est, ad ordinē. Ordo autē nō facit res, quarum est ordo, vnas essentialiter, sed tantum accidentaliter, vt patet in exercitu. 3. Ex duob. entibus cōpletis, quantumvis ordinentur ad inuicē, vt potentia & actus, non fit vnū per se, in entibus enim completis est cōpleta distinctio; ac proinde non potest esse vnitas: Porro multa quanta ex quibus constat numerus, sunt entia cōpleta in genere quantitatis: non potest igitur ex illis esse vnum per se in genere quantitatis. 4. Hæc potentia est ad actum per solam rationem existentem; ex ente autem reali & rationis

tionis non fit vnum per se: Ergo neque ex vnitatibus & ordine fiet vnum per se. Maxime cum tam ordo quam vnitates sint species completæ in suo genere, ex duabus autem speciebus non fit vna species vt sæpe inculcat Aristoteles.

Quod si dicas vnitates numeri esse multas in se; inesse tamen numeri formali esse vnum: hoc dici non potest: quia illa vnitas quæ aduenit entibus completis in suo esse, est accidentalis: quod enim enti aduenit in actu est accidens: hæc verò vnitas sumitur ab ea re quæ aduenit enti in actu, nempe ab ordine qui aduenit vnitatibus in actu completo constitutis: Ergo vnitas numeri est accidentalis vnitatibus: alioqui hoc modo, omnia entia per accidens possent dici vnum.

*Quod aduenit
Enti completo
est accidentale.*

Dico igitur. 1. Cum secunda sententia numerum spectata rei natura non esse vnū per se, nec vnā essentiam vt patet ex dictis. Quod si quæras an sit dicendus vnus per aggregationem. R. Esse quidem vnum per accidens; quia est vnum per rationē accidentalem vnitatibus, hoc est, per ordinem: non esse tamen vnum per aggregationem: quia vnum per aggregationem non habet vnitatem specialem à qua dicatur vnum, sed tantum dicit nudam collectionem plurium, vt cumulus lapidum. At in numero est quidem collectio plurium vnitatum, sed habentium specialem ordinem ad ultimam vnitatem, à qua denominatur vnus numerus, unde non sunt vnum merè per aggregationem, sed per ordinem ad vnum maxime cum illud vnum habeat se per modum Formæ.

*Numerus non
est vnum per
se.*

*Numerus sinit
dicendū vnum
per aggregatio-
nem.*

Dico secundò. Numerum vt à nobis concipi potest, & communiter concipitur, esse vnum per se, vt dicebat prima sententia; quia etsi reuera, & à parte rei,

*Numerus &c à
nobis concipitur
est vnum per
se.*

LIII

non

non constet potentia & actu essentiali (hic enim non est nisi inter entia incompleta & sibi unita) tamen à nobis concipi potest (& quidem cū fundamento in re) per modum potentia & actus essentialis; ac proinde utrumque per se & una essentia; dante illi hanc unitatem intellectui. Id quod declarari potest exemplo naturæ vniuersalis, quæ ex natura rei non est una essentia; sed plures & diuise: intellectus tamen abstrahendo illam à differentiis facit esse vnā & indiuisā essentiam, habet enim huius unitatis fundamentum in re. Quod igitur abstractio facit in natura vniuersali, hoc facit in numero consideratio actus & potentia: sicut enim abstractio facit naturam vnā ita actus & potentia facit vnā essentiam.

*Declaratur ex-
emplo.*

Dices hanc unitatem actus & potentia esse entium completorum, & diuisorum, ac proinde non esse unitatem essentialē. R. Materialiter quidem illa entia sunt completa, & diuisa: formaliter tamen & ut in esse numeri, considerantur per modum entium incompletorum, & indiuisorum in genere numeri. Habet verò intellectus huiusmodi conceptus fundamentum in re; quia ratio quantitatis quæ est in unitatibus, est apta natura concipi tanquam vna essentia; cū eadem quantitas quæ est indiuisa fiat diuisa; & rursus ex diuisa, fiat indiuisa. Vnde addita ratione potentia & actus quantitati diuise potest illam concipere ut vnā essentialiter propter rationem potentia & actus, licet quoad terminos quantitativos sit diuisa & multiplex.

Dices. hac ratione omne aggregatum per accidens faceret intellectus vnum essentialiter considerando in illo

illo rationem potentiae & actus. R. Minimè, quia non in omni aggregato ea quæ aggregantur habent fundamentum, vt sint & efficiantur vna essentia, nec fundant rationem potentiae & actus eo modo quo vnitates in numero: duo enim quanta ablatis solum terminis quantitatis, sunt vna quantitas & vna essentia, Vnde in illis maius est fundamentum, vt stante diuisione, possint concipi, vt vna essentia propter rationem potentiae & actus. Ex quibus patet ad argumenta primæ sententiæ. Probant enim numerum à nobis concipi posse vt vnum essentialiter non verò talem esse spectata rei natura.

Ex hac quæstione soluitur alia. An numeri differant ab inuicem specie. Videntur enim differre solum secundum maius & minus: nam ternarius est vna maior vnitatem binario, quaternarius ternario: maius autem & minus sicut in quantitate continua non variant speciem ita & in discretis: & ita sentit Iandunus 2. Metaphysic. quæst. 3. Communis tamen sententia est differre specie: quia differunt vltima vnitatem sextam, verbi gratia, vel septimam, vel nonam, quæ secundum ordinem differunt specie; senarius enim specificatur à sexta vnitatem, septenarius à septima, nouenarius à nona; & licet in ratione vnitatis non differant specie, differunt tamen in ratione sextæ, septimæ, nonæ vnitatis. Denique cum binario additur tertia vnitatem: binarius non fit maior binarius, sed desinit esse binarius, & acquirit nouum esse nempe ternarij. Porro cum aliquid fit maius non amittit priorem quantitatem, sed acquirit tantum nouam partem similem; ac hic binarius addita vnitatem perit, & transit in speciem ternarij. Vnde patet numerum in ratione multitudinis non differre nisi

Numeri differant ab inuicem specie?

secundum maius & minus: quia addita unitate eiusdem rationis cum aliis unitatibus, fit tantum maior multitudo unitatum, ac in ratione numeri differt specie: quia additur unitas specie distincta. Ex quo patet ad fundamentum Ianduni. Ternarius enim non solum maior est binario ob plures unitates, sed etiam specie ab eo distinguitur per tertiam unitatem: quæ ut tertia distinguitur specie ordinis à secunda. An verò hæ species sint accidentales unitatibus vel essentielles, eodem modo distinguendum est, sicut paulò ante distinximus, de numero ex natura rei & ut concipitur à nobis.

QVÆSTIO V.

An numerus sit vera species quantitatis.

*Nō esse veram
speciem proba-
tur.*

- Q**ui negant numerum esse unum per se, negant consequenter esse veram speciem quantitatis: Primò:
1. Quia species quantitatis est quantitas: numerus autem cum sit multitudo quantitatum, non est quantitas, sed quantitates. & sicut cumulus lapidum non est species substantiæ, cum non sit substantia, sed multitudo substantiarum, ita & numerus quantorum.
 2. quantitas formaliter est quid reale: Ergo & species habet reales: generis enim realis species & differentiæ debet esse reales, ac numerorum species constituuntur, & distinguuntur per ordinem qui est ens rationis; ergo
 3. non possunt esse species quantitatis realis.
3. numeri constituuntur in specie numeri per ordinem unitatum.

At

At ordo est quid accidentale rebus quantis; ergo per eum res quantæ non distinguuntur, nisi accidentaliter seu specie accidentali non essentiali; species enim accidentalis fundatur in accidente, essentialis in essentia.

4. Numerus ex ratione sua formali est quid transcendens, & non magis spectans ad quantitatem quàm ad alia prædicamenta, sicut & vnitates ex quibus constituitur sunt quid transcendens; quia non determinantur ad certum prædicamēti genus: At repugnat transcendens speciem esse generis prædicamentalis; species enim prædicamentalis est determinata ad illud prædicamentum. ergo numerus non potest esse species quantitatis.

Alii distinguunt numerum in transcendentalem, *Esse speciem*
& prædicamentalem; illumq; non esse speciem quan- *accidentalem.*
titatis; quia non habet partes quantas, cùm funderetur in quocunq; ente extra quantitatem; (datur enim numerus quantitatũ, qualitatũ, relationum) hunc verò esse speciem quantitatis: quia constat partibus quantis. Verũ aliqui dicunt esse speciem accidentalem, hoc est accidentali differētia distinctam à quantitate continua. numerus enim sola diuisione & ordine partium quantarum differt à quantitate continua. Diuisio autem & ordo est accidens quoddam rerum quantarum, quod potest adesse & abesse, præter subiecti corruptionem.

Alii verò concedunt esse veram, & essentialē spe- *Esse veram &*
ciem quantitatis, siue ex natura rei vt Thomistæ, siue in *essentialē*
intellectu, vt alii. *speciem.*

Porro Aristoteles videtur omnino esse huius sententiæ, nempe quòd numerus sit vera species quantitatis: nam & hic, & in 5. Metaph. diuidit quantitatem in magnitudinem & multitudinem, in continuam & discretam, & alias quidem species, quæ in speciem viden-

tur esse quantitates reiecit eo quod deficient à vera ratione quantitatis; vel quia sunt quanta per accidens; ut est tempus & motus, Numerum verò & discretam quantitatem constanter asserit esse speciem quantitatis. Unde non potest dici in hac re, vulgarem opinionem secutus, cum vulgarem opinionem de motu, & tempore reiciat: de numero verò sequatur, unde communis sententia Peripateticorum est numerum esse veram quantitatis speciem Aristoteli.

Numerus transcendens non est vera species quantitatis.

Dico igitur primo numerum transcendentalem non esse veram speciem quantitatis. Ratio est. Quia de essentia quantitatis est habere partes extra partes: At numerus transcendentalis, non habet partes extra partes: ergo non est vera quantitas. Habet quidem numerus transcendentalis unitates tanquam partes, sed istæ partes, ut ad numerum spectant non sunt partes extra partes. Tum quia æquè constituunt numerum, si sint partes intra partes, sicut si sint extra partes; æquè enim sunt multæ utrouis modo sumantur. Tum quia partes sunt extra partes, formaliter per extensionem; (hic enim est formalis effectus extensionis.) At numerus transcendentalis, ut talis non habet partes extensas, & quantas: ergo.

Numerus cur dicitur esse prædicamentalis vel transcendentalis.

Pro maiori autem explicatione quaeritur primo, cur numerus dicatur prædicamentalis vel transcendentalis: Nam si dicatur prædicamentalis, quia ad prædicamentum quantitatis spectat, ea causa non est sufficiens: quia numerus æquè spectat ad quantitatem sicut ad qualitatem, substantiam, & alia genera: quia in omnibus his ratio formalis numeri inuenitur, ita ut per accidens sit numero esse in quantitate vel qualitate, &c. Deinde si numerus qui est in quantitate spectat ad prædicamentum quantitatis

titatis & ideo dicitur prædicamentalis, pari ratione numerus qualitarum erit prædicamentalis ad prædicamentum qualitatis spectans, & sic omnes numeri erunt prædicamentales, & nullus transcendentalis. sicut enim unitates ex quibus constituitur sunt certorum prædicamentorum, ita & numerus ex ipsis constitutus;

Adhæc si transcendentalis dicatur, qui vagatur per omnia vel pleraq; prædicamenta; Solus numerus in abstracto erit transcendentalis; quia hic vagatur per omnia prædicamenta. v. g. binarius vel ternarius in abstracto. Numerus verò applicatus certæ materiæ particulari. V. g. substantiæ, quantati, qualitati, non poterit dici transcendentalis: quia numerus substantiarum nō vagatur per alia prædicamenta, sed in sola substantia inuenitur, similiter & numerus quantitarum, qualitatum, relationum. Vnde hi omnes numeri erunt æquè prædicamentales non transcendentales. Cur enim numerus quantitativus potius dicatur prædicamentalis, & spectans ad quantitatem & non alii numeri substantiarum & qualitarum, qui etiam spectant ad substantiam, & qualitatem?

Respondeo. Quod sicut quantitas alia est prædicamentalis & vera quantitas; alia transcendentalis, quæ solum similitudinem quandam habet quantitatis, & in omni ente inueniē, qualis est quantitas perfectionis, valoris, durationis, & aliæ similes: ita & numerus, quia ex ratione sua formali dicit quantitatem quandam unitatum secundum multitudinem, maiorem & minorem, distinguitur in prædicamentalem, qui constituitur ex partibus seu unitatibus verè quantis, & transcendentalem, qui non habet in se veram sed tantum similitudinariam quantitatem; Ita ut prædicamentalis dicatur à vera & prædicamentali quantitate; transcendentalis

*Quantitas Prædicamentalis
& Transcendentalis.*

*Numerus Prædicamentalis
& Transcendentalis.*

vero

vero à similitudinaria & transcendentali quantitate. Sicut enim quantitas perfectionis, durationis, intensio-
nis, virtutis, est quantitas transcendentalis & impropria; ita & quantitas multitudinis, ut multitudo est. sola verò multitudo rerum quantarum est verè quanta, propter partes extra partes, & ideo ad genus veræ quantitatis prædicamentalis spectat.

Numerum & numerum dicit quantitatem unitatum.

Non est autem dubium, Numerum ut numerum, seu ut est multitudo unitatum dicere quantitatem quādam unitatum: Ad quæstionem enim Quot sunt? Respondetur per numerum; & maior, vel minor quantitas unitatum, numero definitur. Est etiam omnis numerus diuisibilis, mensurabilis, æqualis, vel inæqualis, quæ omnes proprietates sunt quantitatis. Dices. Ad rationem formalem numeri per accidens se habet quantitas; numerus enim formaliter constituitur per ordinem unitatum, ordo autem in sua ratione formali non dicit quantitatem, sed relationem. Resp. Numerus formaliter non est solus ordo unitatum, sed multitudo ordinata. Licet ergo ratione ordinis non includat quantitatem, includit tamen ratione multitudinis: multitudo enim qua multitudo, est quantitas quædam unitatum, ex quo patet responsio ad rationem dubitandi.

Quantitas numeri transcendentalis distincta essentialiter à quantitate prædicamentali.

Quæritur secundo. An quantitas numeri transcendentalis, sit distincta essentialiter à quantitate prædicamentali. Resp. Distingui sicut similitudinarium & verum. Nam prædicamentalis est vera quantitas cum veris partibus extra partes: transcendentalis autem est similitudinaria quædam quantitas, habens partes non verè sed similitudinariè extra partes, & quæ faciunt maius secundum pluralitatem non secundum veram extensionem. Sunt etiam extra alias entitatiuè potius, quam

quàm quantitatiuè. Effe autem entitatiuè partem extra aliam, est non esse aliam; non esse autem aliam non dicit veram aliquam extensionem. Deinde, quantitas transcendentalis habet partes diuersæ rationis; à partibus quantitatis prædicamentalis: nam hæ sunt extensæ, illæ non; sed sæpe sunt indiuisibiles; vt in numero rerum spiritualium: ex diuersis autem partibus extra partes, diuersa quantitas constituitur.

Quæritur tertio. An numerus transcendentalis sit propriè numerus. negat enim S. Thomas prima parte quæst. 3. artic. 3. & in prima distinct. 24. quæst. 1. Vbi Capreolus & Ægydius, item Soncinas 1. Met. quæst. 3. Iauellus 8. Metaph. quæst. 11. quia Aristoteles docet numerum oriri ex diuisione continui 3. Physic. t. 6. & 7. & pro eodem accipit differre numero & secundum quantitatem differre 3. Metaph. t. 11. & alibi. In secundo etiam de anima c. 6. ait numerum esse sensibile commune. item docet quantitatem & numerum abstrahere à materia solum ratione. Quæ omnia indicant numerum inueniri solum in rebus quantis: Adhæc numerus est quantitas: at quantitas non est propriè extra res materiales: ergo nec numerus.

Affirmant tamen alii in prima distinct. 24. Gabriel, Ochan, Gregorius, Maior, Aureolus, & Marsilius in primo quæst. 27. art. 1. quia cum numerus sit collectio vnitatum: vnitates autem propriè non solum sint in rebus quantis, sed etiam in aliis entibus: necesse est numerum quoq; esse non solum in rebus quantis, extra res quantas in aliis entibus. Neq; obstat quòd numerus sit primò inuentus in rebus quantis. Nam satis est quòd dicat rationem talem quæ propriè tribui possit rebus etiam non quantis, sicut & aliæ perfectiones primò sunt deprehenden-

*Numerus trans-
cendentalis sit
né propriè num-
erus.*

*Numerus pro-
priè inuenitur
in rebus non
quantis.*

M m m m

sa in

sæ in rebus sensibilibus, ut sapientia, bonitas: quia tamẽ dicunt rationem formalem quæ ex se abstrahit à sensibilibus, & insensibilibus, ideo propriè tribuuntur etiam rebus insensibilibus. Aristoteles verò de numero corporum loquens, ait eum oriri ex diuisione continui, & esse sensibile commune, & abstrahere à materia solùm ratione. Quanquam si de quantitate numeri loquamur, solùm prædicamentalis numerus est propriè quantus, transcendentalis impropriè, uterq; tamen est propriè numerus, quatenus numerus dicit collectionem unitatum.

Ex quibus patet numerum dici transcendentalem, tum ratione quantitatis, quia dicit quantitatem transcendentalem, quæ consequitur quodcunq; ens, & ab eo non distinguitur ex natura rei: tum secundùm rationem suam formalem secundùm quam abstrahit à rebus quantis, & non quantis; sic enim nullo certo generi prædicamenti assignari potest.

Numerus prædicamentalis est vera species quantitativæ.

Dico secundò. Numerus prædicamentalis est vera species quantitatis; quia constat ex partibus verè quantis, & ab intellectu potest concipi per modum unius, ut præcedenti quæstione explicatum est.

Sed accidentaliter non essentialiter.

Quod si quæras an sit species distincta essentialiter à quantitate continua; ad id respondendum est secundùm distinctionem in præcedenti quæstione datam: spectata enim rei natura, solùm differt accidentaliter, seu differentia accidentali, nempe diuisione & ordine; Utraq; autem hæc differentia est accidentalis essentialitæ quantitatis; potest enim adesse & abesse non mutata essentialiter quantitate. Nam quòd dicitur numeros differre specie, per ultimam unitatem. Respondeo. Differre specie ordinis, non specie quantitatis. Alia e-

nim

nim est species ordinis alia quantitatis, cum ordo sit relatio, quantitas ens' absolutum; nec ordo adueniens' quantitati facit eam habere diuersas partes extra partes, quam habeat sine illo ordine. Est etiam ordo ille accidens quoddam quantitatis, & quidem completum in sua specie relatiua. Vnde non potest esse differentia essentialis quantitatis'.

Ad hæc, quæcunq; de quantitate numeri dicuntur, bene & sufficienter explicantur per additam differentiam accidentalem, nempe diuisionem & ordinem, nulla alia differentia essentiali intellecta. Nam cum dicitur numerum facere, ut res sint tot vel tot, quæ est distincta quantitas à longitudine, latitudine, & profunditate. Respondetur, propter diuisionem in quantitate, res esse tot vel tot, & prout fuerunt plures vel pauciores diuisiones, eo maior, vel minor erit numerus. Cum etiã dicitur numerum esse diuisibilem, mensurabilem, æqualem vel inæqualem, hæc omnia saluantur per solam diuisionem accidentalem; secundum enim plures vel pauciores diuisiones, numeri erunt æquales, vel inæquales, commensurabiles vel non commensurabiles. Quod si in multitudine cernitur quantitatis ratio distincta à magnitudine, ea est transcendentalis & impropria quippe quæ rebus etiam non quantis competat formaliter. Quoad quantitatem verò propriè dictam non distinguitur, numerus à quantitate prædicamentali nisi accidentaliter; ea enim quantitas numeri in eo consistit quod numerus constat ex partibus verè quantis, quantitate molis, ablatam igitur quantitate molis non erit vlla vera ratio quantitatis. nisi ea quæ ex ratione numeri in communi oritur: quæ est transcendentalis & inuenitur in non quantis.

*Quantitas
finita quasit.*

Pro quo notandum est, essentiam quantitatis esse rationem partium extra partes. Hanc verò rationem partium esse diuersam in quantitate continua & discreta, inde patet quòd partes continuæ sint partes suis extensionibus partialibus in ordine ad vnā extensionem totalem constituendam; nempe vnā magnitudinem, longitudinem, latitudinem, profunditatem; Partes verò discretæ non sunt partes vnius totalis magnitudinis, & considerantur formaliter, non sub ratione extensionum, sed sub ratione vnitatum distinctarū; vt enim sunt multa vna, componunt vnā multitudinem. Id ita esse patet primo ex eo, quòd quantitas multitudinis est etiam ibi, vbi nullæ partes sunt extensæ vt in Angelis & in rebus spiritualibus; ergo per accidens facit extensio partium ad rationem multitudinis. Secundo quòd possunt esse plures partes multitudinis, & pauciores extensionis, ita vt multitudo sit maior, extensio minor & è contra. Nam duo ligna palmaria paucas partes multitudinis habet, nempe duas, & tamē hæ duæ suis partialibus extensionib⁹ faciunt maiorem extensionem quàm decem partes magnitudinis vnius digiti. Quocirca alia est ratio partium & quātitatis in multitudine, alia in magnitudine. Tercio, quia maius & minus nō dicuntur nisi ratione quantitatis: Cū ergo manente eadem quantitate quoad magnitudinem, sit maior quātitas quoad multitudinem, euidens est diuersam rationem quantitatis & partium esse in magnitudine & multitudine. Verū quāuis hæc diuersitas in ratione quātitatis negari nō debeat, ista tamen quātitas diuersa, quæ in numero cernitur, est quantitas numeri transcendētis: quia conuenit numero vt abstrahit à vera quantitate,

titate & conuenit rebus etiam nō quantis, & est propriē quātitas multitudinis in communi. Quatenus verò numerus cōsideratur secundū quantitatem veram & secundū partes verē extra partes, sic non differt nisi accidentaliter à quantitate continua. Partes enim quantæ numeri, non differunt à quantitate continua nisi diuisione sola. Vnde si vniantur, & per vnionem aufertur diuisione, erunt vna quantitas continua.

Iam si spectetur numerus non ex natura rei, sed vt concipitur à nobis, sic est species essentialiter distincta; à quantitate continua, quia concipitur essentialiter cōstituta per vltimam vnitatem tanquam per formam, & actum essentialē aliarum vnitatum. cuius conceptus est fundamentum in ipsa natura partium, quæ talis est vt sit vnibilis in vnam essentiam, siue realiter per vnionem realem, & continuationem partium, siue per considerationem intellectus comparantis vnitates inter se per modum actus & potentiae.

Numerus ut concipitur à nobis est species essentialis quantitatis.

Ex quibus patet ad primum primæ sententiæ, numerus enim vt concipitur à nobis est vna essentia & vna quantitas, vt verò est à parte rei, sunt multæ res quantæ.

Numerus quomodo vna est sentia.

Ad secundum. Respondeo. numerus vt dicit quantitatem, est quid reale, nec constituitur per ens rationis; est enim quantus vt est multitudo vnitatum. Multitudo autem in ratione multitudinis non pendet ab anima. Verū tamen est vt illa multitudo sit vnum, pendet ab anima; sicut & naturæ particulares; vt sint vna natura vniuersalis, dependent ab anima: hoc tamen sicut non tollit realitatem naturæ vniuersalis, ita nec numeri.

Numerus quia ratione est vnum reale.

Ad tertium. In ratione quantitatis numerus non constituitur per ordinem & ens rationis, sed per partes quantas.

Numerus per quid constituitur in ratione quantitatis.

M m m m 3

Ad

Ad quartum. Numerus præter quantitatem transcendentelem, quæ ex ratione formali ipsius oritur ut abstrahit à rebus quantis & non quantis, habet aliam, prædicamentalem, secundum quam est vera species prædicamenti quantitatis quatenus nimirum constat ex partibus vere quantis.

At obijciens. Diuisa qua diuisa non possunt concipi indiuisa; cum igitur de ratione numeri sit habere unitates diuisas (alioqui non essent multæ) sequetur eas non posse concipi indiuisas, nec tanquam vnum essentiale. Resp. Quæ sunt diuisa vno modo, posse concipi ut indiuisa alio modo, non enim vnus modus est diuisionis; quare unitates numeri etsi diuisæ sint secundum terminos quantitatuos, quam diuisionem perdunt per continuationem quantitatiuam, ita ut indiuisio continuationis opponatur formaliter huic diuisioni; tamen per conceptum intellectus fiunt indiuisæ per modum actus & potentia, quatenus vltima unitas intelligatur aliis aduenire & vniri sicut actus potentia, & sic fiunt vnum essentiale, eo modo quo ex forma & materia fit vnum.

*Diuisa possunt
concipi & in-
diuisa*

*Numerum po-
nere per se &
essentialiter &
vnum, quantum
sit necessitas?*

Sed quæres Primò quæ sit necessitas ponendi numerum, per se & essentialiter vnum, cum ad rationem numeri sufficiat diuisio illa accidentaliter unitatum & ordo. Resp. Esse necessitatem duplicem. Primò. Propter authoritatem Aristotelis & Peripateticorum, qui semper loquuntur de numero tanquam de vera & essentiali specie. Regula autem est, loquendum esse cum multis, sentiendum cum paucis. Secundò propter scientiam; Arithmetica enim demonstrat de numero passionem ipsius, de ratione autem obiecti scibilis, est ut sit vnum per se & vna essentia fundans passiones demonstrabiles; non enim potest esse scientia de ente per ac-

ac-

cidens. Denique habet quiddam peculiare numerus, ut possit concipi ab intellectu per modum vnius essentialis, ut dictum est.

Quæres secundò. An numerus tanta perfectione sit vnus essentialiter sicut aliz species entium naturalium.

Resp. Nequaquam, propter duo. Primò: quia aliquæ res habent suas differentias essentialis à parte rei, numerus autem à parte rei habet differentiam accidentalem, quæ per solum intellectum concipitur ad modum differentie essentialis. Secundò in aliis rebus differentia essentialis sumitur à forma incompleta, in numero autem sumitur à forma completa, nempe ab vnitatem vniuersalem quæ est quid completum; Ex quo sequitur species rerum naturalium maiori ratione esse vnum essentialiter, propter vnâ essentialiam à parte rei, quàm numerus cuius essentialia solum per intellectum est vna.

Quæres tertio. An de essentialia numeri sit esse numeratum actu. Resp. Negatiuè, solum enim est de essentialia numeri, ut sit numerabilis; nam per hoc quòd vnitates sunt numerabiles, intelliguntur habere numeri essentialiam, & cum actu numeratur, non fit, sed inuenitur, & cognoscitur numerus; Quod potest explicari à simili, exemplo quantitatis, de cuius ratione est habere partes extra partes, quæ non sint actu, sed potentia, partes, & quæ non sint diuisæ, sed diuisibiles. Similiter & visibile constituitur in ratione visibilis per potentiam non actum. Et Ratio est: quia ante numerationem actuaalem per solam numerabilitatem habent vnitates omnia essentialia numeri, nempe tam diuisionem ab inuicem, quàm ordinem.

Dices hunc ordinem potentialem non esse actu. Resp. Quod sicut visibile est actu visibile per ordinem.

poten-

*Numerus sine
sic vnus essen-
tialiter, sicut a-
lia species entium
naturalium?*

*Sine de essen-
tia numeri esse
numeratum a-
ctu?*

*Ordo potentia-
lis sine actu?*


potentialem ad visum, ita numerus est actu numerus per numerabilitatem potentialem. Nam licet numerabilitas respectu numerationis sit quid potentiale, respectu tamen numeri, quem constituit in suo actu est quid actuale: est enim actus essentialis numeri.

QVÆSTIO VI.

An oratio sit species Quantitatis.

*Oratio sicut
species quanti-
tatis.*

ESSe speciem suadet autoritas Aristotelis, & dissuadet eiusdem autoritas in alio loco. Nam in 5. Metaphys. eam inter species quantitatis non numerat. Dissuadet & ratio manifesta. Nam oratio ut est numerus syllabarum, non distinguitur à numero, ut verò est numerus syllabarum durantium breui vel longo tempore, sic non differt à numero & tempore simul: Denique ut est numerus syllabarum proportionem temporis certam inter se habentium (quæ est germana orationis hoc loco consideratio) ut cum in daſtylo prima syllaba longiori duplo tempore profertur quàm secunda & tertia, sic oratio est aggregatum quid ex numero, tempore, & relatione proportionis. Ex quo patet orationem non esse speciem quantitatis ab aliis distinctam, sed aggregationem quandam ex aliis quantitativis. Aristoteles verò hoc loco orationem posuit inter species quantitatis, vulgarem ea de re opinionem secutus.



QVÆ.

QVÆSTIO VII.

An motus sit species quantitatis.

A Rist. hic motum numerat inter species quantitatis, quia est quantus & diuisibilis. in 5. verò Met. eundem reiicit, quia est quantus per accidens.

Dico primò. Propria motus quantitas est successio. *Motus quantus non est successio.* Probatur, quia quantitas est ratio partium extra partes: at successio formalis, dicit partes extra partes, quia dicit partes post partes: Ergo successio formalis est quantitas. Quia verò motus non est ens permanens, sed successiuum, ideo & eius quantitas non est nisi successiua, & in successione partium consistit.

Dico secundò. Motum non esse veram speciem quantitatis, quia est quantitas per accidens, vt docet Aristoteles 5. Metaph. capite de quantitate, vbi ait tempus & motum esse per accidens; Motus enim non est quantus nisi à quantitate spatij, per quod mobile diuisibiliter percurrit. Quæ res videtur habere difficultatem. *Motus non est vera species quantitatis.* Nam si motus ideo dicitur quantus per accidens, quia est quantus per aliud, hoc non obstat quominus sit verè quantus & ea quantitate, quæ sit vera de prædicamento quantitatis. Nam etiam substantia est hoc modo quantita per accidens quia per aliud. Quantitas enim est aliud quid à substantia, Hoc autem non obstante, substantia, est verè & vera quantitate quantæ, & eius quantitas est in prædicamento quantitatis. Deinde etsi motus sit quantus per ordinem ad quantitatem spatij, tamen alia est quantitas spatij alia est motus; illa enim permanens est, hæc successiua; illa in spatio subiectiue, hæc in mobili, vnde nihil impedit quominus motus ratione

Nonna huius

huius distinctione quantitas quam habet, sic per se quantus: nam quamvis hæc quantitas oriatur ab illa, tamen utraque est vera quantitas spatij quia spacium est vacuum & nihil, & tamen motus ille est quantus.

*Quantitas Ge-
ometrica est re-
spectu quantita-
tis.*

Nihilominus vera est ratio Aristot. Quantitas enim non est quantitas ob respectum ad alterum, sed in se & absolute est quantitas. quod probat Aristot. in Prædicam. capite de quantitate ostendens paruum & magnum non esse quantitates formales, sed ad aliquid quod nihil inquit est per se ipsum magnum & paruum, sed eo quod ad alterum refertur. Nam si per se esset magnum diceretur semper magnum, atqui respectu rationis dicitur paruum, ergo non per se, sed ad aliquid dicitur magnum, quia igitur motus respectu spatij dicitur quantus ideo non per se, sed per accidens dicitur quantus.

Quare ad primam rationem in contrarium. Respondedo. Substantiam esse verè quantam quia est vera quantitate quantæ; at motus non est verè quantus formali quantitate spatij, quantitas enim motus est successiva, & in mobili existens, solumque per ordinem ad quantitatem spatij intelligitur quantitas, ita ut per respectum ad veram quantitatem sit, & dicatur quantitas.

Ad secundum concedo aliam esse quantitatem motus aliam spatij, sed quia hæc quantitas sumitur ex respectu quodam ad spatij quantitatem ideo non est vera, sed analogica quantitas.

Ad tertium. Non esse necesse ad quantitatem motus uniuersè loquendo, ut respiciat aliquid verè quantum

tum, sed satis est ut respiciat aliquid, quod fundet successionem: quare & in alteratione terminus fundat successionem, quia ex natura rei requirit, ut divisibiliter, & successive acquiratur.

Quod verò attinet ad motum Angeli in vacuo: *Motus Angeli in vacuo.* Dico motum in vacuo fieri non posse secundum Aristotelem, quia vacuum nihil est: quocirca nec per motum acquiri potest: Vnde non potest fundare successionem in motu: quia quod nihil est, nihil fundare potest, de quo in Physica.

Sed quæres si motus non est in prædicamento quantitatis in quonam erit prædicamento? Nam cum sit peculiare quoddam genus entis videlicet deberet poni in aliquo prædicamento: non videtur autem ad vllum ex loco pertinere, qui dicit rationem formalem distinctam ab omnibus.

Responderi solet communiter. Motum non poni per se in prædicamento, quod ex sua ratione formalis dicat imperfectam rationem entis. dicit enim viam ad esse: Via autem ad esse est esse imperfectum. Porro prædicamenta sunt instituta pro entibus: quæ dicunt perfectam in suo genere rationem entis. Alia verò est ratio de actione & passione quæ hanc imperfectiorem in sua ratione formali non dicunt. Nam actio solum dicit esse ab alio, quod sine vlla imperfectiorem intelligi potest. Vnde & Deo tribuitur. Personæ enim diuinæ sunt ab alio sine vlla imperfectiorem essendi. Passio etiam dicit solam receptionem formæ ab agente, siue illa receptio sit formæ perfectæ siue imperfectæ.

*Motus sibi ens
imperfectum.*

Verum hæc responsio continet aliquid nimis difficile, motum esse ens imperfectum eo quod res in motu sit imperfecta; id enim videtur falsum. Nam res æquè perfectè habet esse tunc cum sit sicut cum facta est, si ista proportionaliter accipiantur, hoc est, ut vnum responderet alteri. Nam si motus sit instantaneus, ut plerique opinatur, res tam in fieri quàm in facto esse est tota simul, ac proinde totam suam perfectionem habet in eo instanti; nec plus illi perfectionis accedit post illud instans, nec plus aliquid habet in facto esse, quàm in fieri: alioqui cum fieri & factum esse sit in eodem instanti, sequeretur rem esse in eodem instanti perfectâ & imperfectâ quæ sunt contradictoria. Si verò motus sit diuisibilis, & in tempore, eadem quoque erit ratio. Nam prima pars caloris quæ respondet primæ parti motus æquè est perfecta in fieri atque in facto esse: quid enim caloris habet in facto esse, id ipsum habet in fieri. Et calefactio ut vnum tantundem habet de perfectione caloris, quantum calor ut vnum. Ergo si calor ut vnum ponitur per se in prædicamento, ponitur etiam calefactio ut vnum; cum utrumque eandem perfectionem dicat.

Nam si dicas in fieri existere imperfectè, in facto verò esse perfectè. Contra: quia in fieri eandem totam perfectionem & quantitatem caloris habet, quam habet in facto esse: Ergo æquè perfectè existit. Perfectum enim est cui nihil deest; at calori in fieri nihil deest, ad essentiam & quantitatem caloris requisitum, ergo perfectè existit.

Quod si dicas rem cum concipitur in motu, concipi in via ad esse, ac proinde secundum esse nondum habitum. Resp. Pari ratione etiam dici posset actionem & passio.

passionem esse entia imperfecta; quia res cum est sub actione & passione nondum intelligitur esse in termino sed in fieri. Si igitur hoc non obstante actio non est ens imperfectum ex suo genere: neq; motus erit imperfectus, eo sensu quo isti volunt. Deinde dico rem in motu concipi esse in via respectu ulterioris termini v. g. Calefactio unius gradus; est via ad gradus sequentes, non verò respectu immediati termini, quia calefactio ut vñ est simul cum calore ut vñ. Illa etiam prioritas viæ respectu termini immediati, est inducta per rationem abstrahentem motum, à perfectione termini, in re autem motus coniunctus est semper cum termino suo immediato, neq; per absolutam Dei potentiam poni potest absq; illo.

Altera igitur responsio est motum accipi posse dupliciter. 1. in genere ut abstrahit ab actione & passione. 2. in specie ut est actus motui, aut mobilis, actui, aut passiui, quomodo motum definit Aristot. in 3. Phys. t. 33. Primo modo motus in nullo est predicamento, quia est quid transcendens & Analogum: sicut enim accidēs quod est quid transcendens. ac analogum ad genera accidentium, non ponitur in vñlo predicamento; ita & motus; est enim motus quid superius actione & passione, ac proinde quid transcendens genera predicamentorum. Secundo verò modo ponitur in predicamento actionis & passionis. Motus enim ut in agente est actio ut in passione est passio. In communi verò distinguitur quidem ab utroque, sed sicut genus Analogum à suis speciebus, motus enim ut est ab agente est actio, ut in passio est passio. Quare sicut genus Analogum à suis speciebus distinguitur. ita motus ab Actione & Passione. Genera autē Analoga non ponuntur in predicamento.

Motus accipitur dupliciter.

Respondetur ad difficultatem.

Nnn 3

Ac

*Motus habet
ne diuersam
definitionem
ab actione &
passione.*

At inquires. Motus habet diuersam definitionem ab actione & passione. Respondeo. Si sumatur in genere, habet diuersam definitionem, definitur enim motus in genere actus entis in potentia quatenus in potentia: At ens in potentia specificè acceptum, est vel in potentia actiua, vel in potentia passiuā; ergo & motus in specie acceptus non est actus nisi vel passiui vel actiui: quatenus est actus actiui est actio, quatenus est actus passiui est passio. Quare motus in specie non est nisi actio vel passio formaliter. & sic Aristoteles 3. Phys. tex. 33. definiens motum in specie ait esse actum actiui vel passiui, quatenus actiuum vel passiuum est.

QVÆSTIO VIII.

An tempus sit vera species quantitat is.

Tempus est formaliter quantum propter successionem.

Dico primò, tempus esse quantum formaliter propter successionem: quia partes temporis non sunt permanentes, nec simul, sed successiuæ, & propter successionem vna est extra alteram, ad eum modum quo de quantitate motus diximus.

Motus & tempus eadem est quantitas.

Dico secundò. Eandem quantitatem esse motus & temporis, quia vtriusq; quantitas est successio, & eadem successio est motus, & temporis, ergo & eadem quantitas.

Tempus est ipsa quantitas motus.

Dico tertio. Tempus est ipsa quantitas motus. Ratio est: quia successio, est propria quantitas motus; at tempus formaliter est successio partium priorum & posteriorum, vt patet ex ipsius definitione: Ergo tempus est quantitas motus. de quo plura in physica, intellecto enim

enim priori & posteriori in motu, intelligitur tempus, prius autem & posterius in motu est successio partium antecedentium & consequentium.

Dico quartò. Tempus est quantum per accidens, quia est quantum ratione motus seu quatenus est idem cum motu: at motus est quantus per accidens, quia per respectum ad spatium vel terminum: Ergo & tempus.

Tempus est quantum per accidens.

Dico quintò. Tempus non esse veram speciem quantitatis; quia tempus est quantum per accidens v^o dictum est. hoc est non quantitate aliqua absoluta, hoc est quæ sit per se & essentialiter quantitas; sed respectiva, & Analogica, quæ per respectum ad aliud sumitur, vt præcedenti quæstione dictum est.

Tempus non est vera species quantitatis.

QVÆSTIO IX.

An locus sit species quantitatis distincta à superficie.

Locus definitur ab Aristotele esse superficies corporis continentis immobilis, Quare vt superficies habeat rationem loci, duo requiruntur, vt sit continens & immobilis, Videtur igitur locus in ratione quantitatis distingui à superficie simplici; quantitas enim continens est distincta, a non continete, dicit enim ad æquationem quantitatis, & diuisibilitatem secundum diuisionem alterius, qui modus videtur esse distinctus modus quantitatis, & intra rationem quantitatis.

Locus quid,

Dicendum tamen est, locum in ratione quantitatis, non differre à superficie. Nam quidquid locus addit ad superficiem, est accidentale superficiiei, siue sit

Locus in ratione quantitatis non differt à superficie.

conti-

continentia, siue immobilitas: accidens enim est quod potest adesse & abesse, præter subiecti corruptionem: atqui eadē superficies ex continenti, fit non continens, ex immobili mobilis, salua tota sua quantitate. ergo tam continentia, quàm immobilitas sunt accidentia superficiei, neq; ex consequenti illam variant essentialiter in ratione quantitatis. Quod verò de adæquatione dicitur, nihil concluditur. Omnis enim superficies est adæquata alteri superficiei sibi æquali, vt sicut superficies continens est adæquata contentæ, ita & contenta est adæquata continenti. Quare si propter adæquationem locus est distincta species à superficie etiam superficies locati esset distincta species à superficie simplici. Imò cum sine continentia possit esse adæquatio, vt in duobus planis sibi perfectè adæquatis, plures adhuc ponēda essent quātitatis species. Ex quo patet locum nō esse quid vnū, sed aggregatum ex superficie, continentia, & immobilitate. Quare si sumatur vt aggregatum ex his tribus, non potest poni in prædicamento, cum non sit vnum ens sed multa; si verò sumatur vt superficies, tunc ponetur in quantitate, non vt locus, sed vt superficies. Differt autem locus à superficie accidentaliter; additis enim duobus accidētibus continentia & immobilitate superficies fit locus. Ponitur autem locus formaliter acceptus cum illis duabus conditionibus in prædicamento vbi, tanquam id per ordinem ad quod, vbi dicitur vbi; vbi enim est esse in loco.

Loci & superficiei differentia.



QVA.

QVÆSTIO X.

Quot nam sint species quantitatis.

Solutio huius quæstionis colligitur ex præcedentibus; diuiditur enim quætitas in continuam & discretam, in successiuam & permanentem.

Dico igitur primò. Quantitas duas solum habet species, magnitudinem & multitudinem. Illa est continua, hæc discreta. Pater ex dictis & ex Aristotele in 5. Metaph. ubi has duas species tantum numerat.

*Quantitatis
tantum sunt
duæ species.*

Non pono autem species quantitatis continuam & discretam, sed magnitudinem & multitudinem; quia non omnis quantitas continua est per se species quantitatis; tempus enim & motus sunt continua, non tamen sunt species quantitatis; quia sunt quanta per accidens, ut dictum est.

Dico secundò. tres esse species magnitudinis distinctas, longitudinem, latitudinem, profunditatem, propter diuersam rationem partium. Neq; enim hæc diuersitas partium, quæ in his tribus cernitur est accidentalit, neq; sumitur ex aliqua proprietate accidentali, sed est essentialis quia est diuersitas in ipsa ratione partium, quæ est ratio essentialis quantitatis; alia enim est ratio partium in longitudine, nempe partium diuisibilibium, secundum longitudinem, & indiuisibilibium secundum latitudinem & profunditatem; alia in latitudine, nempe partium diuisibilibium secundum latitudinem, indiuisibilibium secundum profunditatem; alia in profunditate, nempe partium diuisibilibium secundum profunditatem. Confirmatur. Quia hæc quætitates ita sunt à se distinctæ, ut vna negetur formaliter de altera; lon-

*Magnitudinis
sunt tres par-
tes distinctæ.*

O o o o

ginitudo

gitudinem quâ longitudo, non est latitudo, nec latitudo, quâ latitudo est longitudo, aut profunditas, neque profunditas quâ profunditas est latitudo, vel longitudo. Et licet hæ quantitates fortè in re sint idem, formaliter tamen una non est altera.

Paruum quomodo negatur de magno, nec differunt specie.

Quod si dicas, etiam paruum negatur de magno, & tamen non differunt specie. Respondeo. Paruum negari de magno propter respectum accidentalem, quem addit quantitati: at longitudo negatur de latitudine secundum se, ut est abstracta ab omnibus differentiis, & modis accidentalibus; quod argumento est negari essentialiter. & sub ratione puræ quantitatis.

Longitudo & latitudo quæ ratione differunt essentialiter.

Obiicitur primò. Eadem quantitas secundum eadem partes est longa, lata, profunda: ergo in ratione formali partium non differunt essentialiter hæ quantitates, sed solum in modo. Respondeo. Longitudo, & latitudo possunt accipi dupliciter. Primò essentialiter, ut dicunt unam tantum dimensionem, vel in longum vel in latum: Secundò comparatiuè cum corpore dicitur extensum in longitudinem vel latitudinem, ut quando latitudo vel profunditas accipitur in longum vel latum. Primo igitur modo differunt essentialiter; aliæ enim partes sunt longitudinis, aliæ latitudinis; secundo verò modo non differunt essentialiter & in ratione partium; Quia eadem partes secundum longitudinem, & latitudinem considerantur diuerso respectu.

Profunditas includitur in

Obiicitur secundò. Una species non includitur in alia formaliter; species enim sub rationibus specificis distinguuntur formaliter non uniuntur: at profunditas includit longitudinem & latitudinem; est enim longa & lata: ergo hæ quantitates non distinguuntur specie. Respondeo. Si quantitates sumantur essentialiter pro
una

vna sola dimensione, sic vna non includitur in altera; *se longitudinē & latitudinē.* si verò sumantur non essentialiter, sed secundum quendam modum & similitudinem alterius dimensionis, sic vna includitur in altera; latitudo enim potest sumi vt porrigitur in longū, & profunditas vt porrigitur in longum & latum; sed illa longitudo & latitudo non est vna dimensio. Nam longitudo vt est vna dimensio est quantitas expers latitudinis & profunditatis; latitudo verò est quantitas expers profunditatis.

Dico Tertiò. Multitudo nisi determinetur ad numerum non habet plures species essentialiter distinctas: *Multitudo quæ ratione nō habet plures species essentialiter distinctas.* quia consistit in collectione vnitarum, quæ collectio est eadem formaliter in quibuscunq; vnitatibus consideratur, & solū differt secundum maius & minus. Cum verò determinatur ad rationem numeri, habet ratione numeri varias species. Vltimæ enim vnitates in numeris constituunt varias numerorum species, vt dictum est.

—(O)—





DISPV TATIO X.

DeRelatione.

QVÆSTIO PRIMA.

An relatio sit ens reale.

REferri, est habere se aliquo modo ad aliud. Ille igitur modus habendi se ad aliud, an sit aliquid reale, meritò dubitatur. Quod si sit reale, an sit quid intrinsecum rei relatæ, vel mera extrinseca denominatio à termino? Quod si sit quid intrinsecum, an sit ex natura rei distinctum à fundamento, an sola ratione? quod si sola ratione, an distinguatur perfectè ut noua essentia nihil includens de essentia fundamenti, an ut eadem essentia alio modo concepta? quæ omnia sunt diligenter examinanda: ex iis enim plena cognitio essentiæ relationis dependet.

Quod igitur ad realitatem relationû attinet, sunt tres sententiæ. Prima sententia asserit, relationem ex se nec esse realem nec rationis, sed abstrahere ab utroq; cum sit ad utrumque indifferens. Ita Caietanus, Capreolus, Soncinas, & nonnulli Thomistæ. Probatur. Quia si relatio ex se esset realis, non posset esse vlla relatio rationis; & è conuerso, si ex se esset rationis, non posset dari vlla relatio realis: ergo cum dentur relationes aliquæ reales, aliquæ rationis, relatio ex sua ratione non magis est realis,

lis, quàm rationis, sed ad utrumque est indifferens; dicit enim relatio solum esse Ad, esse verò Ad, æquè invenitur in relationibus realibus & rationis. Docent autem hi Authores illud esse Ad, fieri reale per esse In, quatenus realiter in aliquo inhaeret, vel est alicui realiter idem.

Sed hæc sententia meritò ab aliis refellitur, Primò: Quia in relatione reali nullus potest cogitari naturæ gradus, qui nō sit realis; omnes enim gradus relationis realis, realiter existunt, & realiter conveniunt subiecto: ergo omnes sunt reales. Nam si datur aliquis ex se non realis, ille neque realiter existet, neque realiter conveniet subiecto; quomodo enim id quod non est reale realiter existit, aut convenit alicui; neque enim realitas est quid superadditum enti, sed est ipsa entis essentia, extra suas causas existendo. Existit autem ens extra suas causas, immediate sua essentia, quare suamet essentia est res. Secundò. Deinde quod dicitur esse Ad fieri reale per esse In, id quoque falsum est: tum quia relatio nō solum realiter convenit subiecto, sed etiam realiter refert subiectum ad terminum, & facit ut subiectum habeat se realiter ad terminum: ergo non solum respectu subiecti est realis, sed etiam respectu termini: tum quia esse Ad, & esse In, non sunt duo distincti gradus, sed duo respectus eiusdem gradus. Nam illa res quæ est ad terminum, est etiam in subiecto, imò ipsum Ad, est etiam In, quia inexistit subiecto, & illud esse In, est etiam Ad, quia subiectum per hoc quod est in ipso, refertur ad aliud, non verò per hoc quod non est in ipso: ergo idem omnino naturæ gradus est & inexistens subiecto, & referens subiectum ad terminum, quod est eundem gradum fundare duos respectus ad subiectum & ad terminum, ita ut

O o o o 3

idem

idem gradus diuerso respectu dicatur Ad & In; respectu termini Ad, respectu subiecti In.

*Relatio non di-
citur vniuoca
de relatione rea-
lis & rationis.*

Ex quo infero. Relationem non esse quid vniuocum ad relationem realem & rationis. Primò: Quia, nullum vniuocū dicitur de differentiis vniuocatorū: at relatio dicitur de differentiis relationis realis & rationis; Ergo non est quid vniuocū. Minor patet: quia specificadifferentia vtriusque relationis est Ad reale, & Ad rationis: at de vtroque esse Ad, dicitur relatio: Ergo. Secundò. Vniuocum est quid præter vniuocata abstrahens à differentiis vniuocatorum: at relatio non abstrahit à reali & rationis. Nam oēs gradus relationis realis sunt reales. Dices non esse reales formaliter, sed identicè. Contra: Reale dicitur quod est extra suas causas: at quilibet gradus seipso formaliter est extra suas causas: ergo seipso est realis formaliter, non solum identicè.

Porro ad rationē oppositæ sententiæ faciliè respondetur. Primò. illud argumentum fieri posse, de quolibet analogo, verbi gratia, quod ens ex se nec sit substantia nec accidens: sicut ergo in aliis analogis non valet, ita nec in relatione quæ dicitur analogicè de reali & rationis. Secundò respondeo. Relationem sicut & omne analogum non significare vnā naturam, sed diuersas secundum aliam & aliam significationem. Quare vt significat secundum vnā significationem relationem realem, relatio ex se est realis; vt verò secundum aliam significationem significat relationem rationis, relatio ex se est rationis, nec vllō modo potest esse realis, sicut neque ea quæ realis est potest esse vllō modo rationis. Solum igitur in conceptu confuso & imperfecto relatio abstrahit à reali & rationis: in conceptu verò distincto & determinato, non datur vlla rela-

Relatio in conceptu tantum confuso abstrahit à reali &

relatio, quæ non sit ex se vel realis vel rationis. Unde verius dicitur relationem, vel relatio est, ex se esse & realem & rationis, secundum diuersas significationes, quàm ex se nec esse realem nec rationis. Nam et si genus vniuersum abstrahat à differentiis, tamen genus analogum non abstrahit, sed illas immediatè includit, secundum diuersas significationes.

*rationis in cōco-
pitu autem di-
stincto, semper
est aut realis.
aut rationis.*

Secunda sententia asserit, Relationem prædica-
mentalem formaliter esse relationem rationis, solum-
que fundamentaliter esse realem. Probatur primò,
si relatio formaliter esset aliquid reale, non posset ad-
uenire rei sine reali mutatione: atqui Aristoteles 5.
Physic. c. 10. ait relationem aduenire rei sine vlla ipsius
mutatione, per aliquius rei extrinsecæ mutationem;
ergo non est quid reale formaliter. Confirmatur.
Quia incredibile est vna formica producta de nouo,
totum mundum mutari nouis realibus accidentibus
acquisitis; omnes enim aliæ res incipiunt habere rela-
tionem ad illam rem productam distantie, similitu-
dinis, &c. Si ergo hæ relationes sunt reales, totus
mundus realiter mutatur ad vnius formicæ produ-
ctionem.

Secundò probatur. Si relatio esset ens reale, data
vna relatione, sequeretur dari infinitas actus: quod
cùm absurdum sit, erit quoque absurdum id ex quo
sequitur. Probatur ergo sequela. Si enim duo alba,
quia conueniunt in vna essentia albedinis, sunt sibi si-
milis duabus similitudinibus realibus; etiam illæ simi-
litudines alborum, quia conueniunt in vna essen-
tia similitudinis, erunt sibi similes duabus similitu-
dinibus similitudinum; & rursum hæ similitudines
simi-

similitudinum, quia pariter conveniunt in vna essentia, erunt sibi similes, & sic in infinitum.

Dices esse infinitas potentiâ. Contra. quia posita prima similitudine, omnes alia ponuntur actu, cum vna necessario sequatur ex alia: ergo si sunt infinitæ sunt actu infinitæ. Quod si dicas: alba esse similia similitudinibus, ipsas verò similitudines esse sibi similes seipsis, non aliis similitudinibus. Contra primò: sicut alba non sunt similia seipsis, sed additis similitudinibus, ita & similitudines non possunt esse sibi similes seipsis, aut si sunt similes seipsis, etiam alba erunt similia seipsis; quia utrobique est eadem causa sufficiens ad causandam distinctam similitudinem, nempe vnitatis & convenientia in natura: Ergo vel utrobique causabitur distincta similitudo, vel in neutro. Secundò. Quia illæ primæ similitudines sunt alborum similitudines, hoc est, in albedine similitudines: similitudines autem posteriores sunt similitudines similitudinum, non alborum; quia non in essentia albedinis, sed in essentia similitudinis sunt similitudines: non igitur potest dici eandem esse similitudinem similitudinum cum similitudine alborum,

Probatur tertio. Quia relatio nihil aliud est, quam comparatio quædam duorum inter se: at hæc comparatio fit formaliter ab intellectu cum fundamento in re: ergo relatio formaliter est ens rationis; posito enim fundamento in re, & intellectu comparante vnam rem cum altera, sufficienter saluatur tota ratio relationis; sicut & ratio numeri simili modo sufficienter saluatur, per actionem intellectus numerantis, cum fundamento in re.

Probatur quarto. Quia in Deo non sunt relationes reales ad creaturam, sed rationis, ut relatio Domini &
Crea-

Creatoris: si igitur sufficienter intelligamus Deum referri ad creaturas per relationem rationis, etiam creaturæ eadem ratione referri sufficienter poterunt.

Tertia sententia est communis, relationem prædicamentalem formaliter esse ens reale. Nam in primis constat aliquas relationes esse reales, ut sunt relationes diuinæ, & relationes quæ dicuntur essentialles, siue quod ad essentiam pertineant, siue quod ab essentia oriantur, ut est relatio scientiæ ad scibile, & relatio potentiarum ad suos actus & objecta. Ex quo colligere licet, quod si in aliquibus ratio formalis relationis est realis, in aliis quoque non repugnare eandem rationem esse formaliter realem: quod tunc accidit quando omnia quæ ad ipsam causandam, requiruntur sunt realia, hoc est, quando & subiectum & fundamentum & terminus erunt realia: Omnis enim effectus qui ex natura sua est realis, positis omnibus causis ad esse eius requisitis erit realis: Atqui relatio est natura sua apta esse realis: ergo positis omnibus causis requisitis, erit verè realis. Secundò. Quod est ante omnem conceptionem intellectus, est reale: atqui relationes rerum sunt ante omnem conceptionem intellectus: ergo sunt verè reales. Minor patet inductione: duo enim alba ante omnem conceptionem sunt similia: quia similitudo alborum, nihil aliud est quàm vnum esse tale quale aliud est. Ad hæc album non ideo est tale, quia concipitur, sed quia verè est tale: imò ideo concipitur tale, quia est tale, non è conuerso, ideo est tale, quia concipitur tale. Deinde si nullus intellectus esset possibilis, adhuc duo alba essent similia; quia vnum esset tale quale aliud.

Relatio Prædicamentalis est ens reale.

Pppp

Dices.

Dices. Illa alba à parte rei sunt similia fundamentaliter tantum, quia habent fundamentum ut concipiuntur ab intellectu similia; sicut multæ unitates in intellectu habent fundamentum, ut numerari possint ab intellectu. Respondeo. Disparem esse rationem relationis & numeri. Nam multæ unitates à parte rei non habent in se sufficientem & determinatam causam, ut constituantur in aliqua determinata specie numeri, cum sint ad omnem numeri speciem indifferentes; unaquæque enim unitas, non magis est prima quàm secunda: Hinc igitur fit, ut relinquatur potestas intellectui determinandi unitates ad hanc vel illam speciem numeri. At verò relatio habet à parte rei causam sui esse determinatam & sufficientem: quare non eget opera intellectus, ad suum esse ut realiter est à suis causis. Quocirca eo planè modo intellectus concipit relationem posito fundamento, quemadmodum concipit quemlibet effectum posita ipsius causa reali; sua enim conceptione non facit effectum illum esse, sed solum concipit esse à causa sua realiter. Probatur tertio. Ens reale est illud quod est extra causas reales: atqui relationis omnes causæ sunt reales, subiectum, fundamentum, terminus: ergo & relatio cum fuerit extra suas causas erit verè realis; causæ enim dictæ, sunt causæ adequatæ relationis, ut per se manifestum est.

Restat ut solvantur argumenta secundæ sententiæ. Ad primum respondeo. Si relatio esset accidens ex natura rei distinctum à fundamento, non posset aduenire rei, sine ipsius mutatione reali; omnis enim forma realis, de nouo adueniens subiecto, mutat subiectum, & facit ex non tali tale: si ergo relatio sit forma

ma

ma realis denouo adueniens subiecto mutabit realiter subiectum. Neque refert quòd hæc forma sit relatiua; nam etiam forma relatiua est res inexistens subiecto, & mutat subiectum de non esse tali relatiuo ad esse tale relatiuum.

Quidam respondent Aristotelem solùm negare, quòd relatio acquiratur per mutationem per se & ratione sui intentam à natura, non verò negare quòd acquiratur per mutationem consequentem ad fundamentum. Sed contra. Primùm qui ita respondent, non satisfaciunt Aristoteli. Is enim dum probat ad relationem non esse motum, non in eo vim facit, quòd relatio per se vel per accidens acquiratur, alioquin hoc expressè dixisset, sed in eo quòd acquiritur relatio altero mutato, ipso verò subiecto nullam mutationem patiente: at si relatio consequenter adueniret subiecto cum eius mutatione, non dixisset nullam mutationem subire subiectum, sed subire aliquam licet non per se, sed per accidens; absurdum enim est dicere, Aristotelem tacuisse id in quo totum pondus argumenti erat positum. Neque etiam satisfaciunt rationi: quia incredibile prorsus est totum mundum nouis realibus accidentibus mutari, producta de nouo vna formica, etiam si illa accidentia ponantur relatiua, & consequentia ad aliud.

Deinde etsi relatio consequatur fundamentum, id non impedit, quominus verè mutationem adferat subiecto, eo prorsus modo, sicut si per se fuisset producta. Nam si per se produceretur, non afferret maiorem mutationem subiecto, quàm nunc affert, cùm consequitur fundamentum. Sicut aqua non minus mutatur, cùm seipsam reducit consecutiue ad pristinum frigus

per emanationem quandam frigoris ab essentia aquæ, quàm si frigus produceretur in aqua ab aliquo agente frigido: frigus enim non ideo mutat aquam, quia hoc vel illo modo producitur, ab hoc aut illo agente, sed quia est noua forma adueniens aquæ; ad hoc autem per accidens se habet, quòd per se aut consecutiue producat.

Quomodo relatio adueniens subiecto, non mutat illud.

Dicendum igitur est ad argumentum: relationem ideo aduenire sine mutatione subiecto, quia non est res distincta à fundamento: eadem enim forma in se non mutata, propter solum diuersum respectum, alio & alio modo denominare potest; si enim albedo sumatur absolute, denominat subiectum album, eadem verò albedo respectu alterius albi denominat simile vel dissimile, sublato verò termino, desinit sine vlla sui mutatione, propter solam mutationem termini, denominare subiectum simile: quæ enim respectu aliterius dicuntur talia, ea sine vlla sui mutatione per solam mutationem alterius dicuntur vel non dicuntur talia: sic idem dicitur magnum vel paruum respectu diuersorum, sine vlla sui mutatione, per solam mutationem alterius.

Hicet relatio sit ens reale, nõ sequitur tamẽ, si data una relatione debeat dari alia infinita.

Ad secundum argumentum difficilior est responsio, & in ea sententia quæ tenet relationes esse res distinctas à fundamento planè impossibilis. Est igitur triplex modus respondendi. Primus est non multiplicari relationes relationum; quia relatio seipsa non per aliam relationem refertur. In omni enim genere, id quo aliquid est tale, seipso non per aliquid aliud est tale: verbigratia, paries quia est albus albedine, albedo ipsa non est alba alia albedine, neque quantitas est quanta alia quantitate à se distincta, neque
adio

actio aut passio est talis per aliam actionem & passionem. Cum igitur relatio sit id, quo alia referuntur, ipsa seipsa non per aliam relationem refertur. Ita Caietanum cum D. Thoma prima parte quaest. 42. art. 2. Ferrariensis. 4. contra gentes, cap. 110. Soncinas 5. Metaph. quaest. 29. Quare secundum hanc sententiam duo alba referuntur ad se per similitudines à se distinctas, ipsae verò similitudines referuntur ad se non per alias similitudines sed seipsis.

Sed hæc sententia refellitur primò. Quia illæ relationes sunt distinctæ, quæ habent distincta fundamenta ac distinctos terminos; non enim aliunde sumitur distinctio relationum, nisi ex distinctis fundamentis, & distinctis terminis: atqui relatio relationum, habet distinctum fundamentum, & distinctum terminum, à relatione absolutorum: ergo est distincta relatio à relatione absolutorum. Minor probatur. Quia in relatione absolutorum, tam fundamentum quàm terminus sunt quid absolutum, in relatione verò relationum, utrumque est quid relatiuum: ergo hæ duæ relationes habent fundamenta & terminos essentialiter distinctos. verbi gratia, similitudo alborum pro fundamento habet albedinem, pro termino aliud album; similitudo verò similitudinum pro fundamēto habet relationem similitudinis, pro termino verò oppositam relationem similitudinis: sicut enim duo alba in essentia albedinis sunt similia, ita duæ similitudines in essentia similitudinis sunt similes.

Secundò. Idem in ordine ad diuersa potest esse & Quo & Quod, quare & relatio absolutorum, licet sit ut quo respectu absolutorum, quia per illam formaliter absoluta referuntur, tamen illa ipsa relatio; ut in ratio-

ne relationis conuenit cum opposita relatione, sic habet se ut quod, & refertur ut quod ad aliam, cum qua conuenit in essentia relatiua: verè enim ita ad se referuntur hæ relationes ad inuicem, sicut referuntur duo alba, quatenus conueniunt in essentia albedinis. Ex quo patet relationem ut habet quo, seu ut est id, quo absoluta referuntur, non referri distincta relatione ad album sed seipsa; neq; enim habet distinctum fundamentum & terminum à fundamēto & termino absoluto: at ut habet rationem quod, sic & fundamētum & terminū relationis habet distinctum; ac ex consequenti non seipsa sed per aliam relationem refertur. verbi gratia, similitudo alborum, seipsa est similitudo alborum, quia seipsa fundatur in albedine, & terminatur ad albedinem, & sub hac ratione est id quo duo alba referuntur ad se: at verò similitudo alborum, non est seipsa similitudo similitudinum: nam similitudo alborum fundatur in albedine, & terminatur ad albedinem; similitudo verò similitudinum fundatur non in albedine sed in similitudine, & terminatur non ad albedinem sed ad similitudinem; vnde similitudo alborum, ut substat similitudini similitudinum, habet se ut quod, non ut quo. Quocirca illa propositio, Id quo aliquid est tale, seipso non per aliud est tale, intelligenda est formaliter, respectu eorum, respectu quorum habet rationem quo. Verbi gratia, similitudo alborum ut est quo alborum, seipsa & non per aliam relationem refertur ad alba; quia est ipsa relatio alborum, cum hoc tamen stat, quòd relatio albi comparata cum alia relatione albi, per aliam distinctam relationem referatur ad oppositam relationem.

Ex quo etiam patet, esse magnum discrimen inter exempla allata & relationem: Nam albedo (verbi gratia) non habet in se fundamentum, ut sit alba alia albedine

dine, nec quantitas vt sit quanta alia quantitate, vnde rectè dicimus albedinem non esse albam per aliam albedinem, nec quantitatem esse quantam per aliam quantitatem, sed seipsa. At similitudo habet in se fundamentum nouæ similitudinis. Nam similitudo quæ erat similitudo solum in albedine fundare potest similitudinem in similitudine; quocirca per aliam similitudinem est similis in similitudine distinctam à similitudine in albedine. Et hæ rationes probant vniuersaliter de omni relatione, nempe quòd omnis relatio relationum sit distincta in genere relationis à relatione absolutorum: quia habent distincta fundamenta & terminos, quod est contra Suarium & Ruuium concedentes id de quibusdam tantum relationibus non de omnibus; omnium enim in hoc est par ratio: omnes enim relationes relationum habent distincta fundamenta & terminos à fundamentis & terminis in relationibus absolutorum.

Relatio relationum differt in genere relationis à relatione absolutorum.

Secundus modus respondendi est, quem etiam probabilem reputat Suar. in sua Metaph. concedendo relationes multiplicari in infinitum in eodem subiecto, ita tamen vt non sint infinitæ actu sed potentia. Nam quòd multiplicentur patet, quia habent distincta fundamenta & terminos. Quòd verò sint infinitæ patet: quia infinita fundamenta & termini illorum assignantur. Quòd verò non sint infinitæ actu probatur: quia non sunt actu à se distinctæ; nulla enim relatio distinguitur ex natura rei à suo fundamento, vt quæstione tertia demonstrabimus: at hic vna relatio fundatur in altera: ergo vna ab altera ex natura rei non distinguitur, ac ex consequenti non existit multitudo relationum actu infinita; non potest enim esse multitudo actu infinita sine actuali distinctione unitatum. Neque verò in

in hoc est vlla maior difficultas, quàm quæ est in continuo, cuius partes etsi sint actu quoad entitatem, sunt tamen potentia infinitæ quoad diuisionem, & eadem argumenta quæ sunt contra vnum, fieri possunt contra alterum. Quòd verò illud non sit absurdum in relationibus concedere, patet à simili in numeris. Nam etiam in numeris simile quid inuenimus; positis enim duobus numeris, necesse est simul poni infinitos numeros: v. g. datis binariis duobus, eo ipso datur ternarius numerorum confectus ex duobus illis binariis, & binario binariorum, & dato dicto ternario, dabitur quaternarius confectus ex tribus binariis, & quarto ternario trium binariorum, & sic in infinitum. Hoc enim argumentum aliter solui non potest, nisi concedendo infinitum in potentia in numeris. Nam licet omnes illi numeri sint actu, quoad entitatem, non sunt tamen distincti actu à primis illis duobus binariis. Hoc igitur idem & de relationibus dici potest & debet.

Quod si obijciatur primò. Ad infinitatem actu non requiritur actualis diuisio. Nam si sit quantitas actu infinita, etiam si habeat partes actu à se non diuisas sed continuas, erit verè actu infinita. Ergo & sic erunt infinitæ relationes actu, etiam si non sint actu à se distinctæ. Respondeo, disparere esse rationem de quantitate continua, & discreta. Nam quæritas continua si est infinita, absq; diuisione partium est infinita, per infinitam continuationem partium, non per diuisionem: quantitas verò discreta, cùm consistat in multitudine & diuisione partium, non potest esse infinita, nisi habeat partes infinitas diuisas. Cùm igitur relationes statuantur infinitæ secundum multitudinem, non poterunt dici infinitæ actu, nisi sint distinctæ actu; non enim ex omnibus illis relationibus

tionibus conficitur vna relatio infinita, sed illa realitas in infinitas secundum multitudinem relationes est diuisibilis.

Obiici etiam potest authoritas Aristotelis, qui in secundo Metaph. probat non dari progressum in infinitum in rebus subordinatis, quarum vna pendet ab altera; Cùm enim vnum pendet ab altero in infinitum, infinitum autem pertransiri non potest, nunquam res illa existeret, quia pendet ab infinitis, quæ pertransiri nō possunt. Sed respōdetur, id verum esse in iis quæ verè sunt sibi subordinata, vt cùm posteriora pendēt à prioribus, & nisi ponantur priora non ponuntur posteriora: at in hoc infinito in potentia nō est talis dependentia & subordinatio, sed potius contrario modo fit. Nam à primo inchoatur & proceditur ad sequentia in infinitum. Et sicut assignata aliqua parte in continuo, ex ea fiunt aliæ & aliæ partes per diuisionem in infinitum, ita & in relationibus, posita prima relatione, ponuntur aliæ in infinitum: contra quod non pugnat ratio Aristotelis.

Verùm neque hic modus respondendi satisfacit. Primò. Propter authoritatem Aristotelis 2. Metaph. cap. 2. vbi ex professo probat non posse dari processum in infinitum in causis, idque demonstrat in omni genere causarum. Ex hoc autem manifestè sequitur non posse dari processum in infinitum in relationibus; quia vna relatio causatur ex altera. Nam posterior fundatur in priore; vnde etiam necesse esset assignare relationem, quæ causaret infinitas actu relationes, & aliam, quæ causaretur & penderet ab infinitis relationibus; siquidem ita sunt inter se dispositæ, vt secunda supponat primam, tertia secundam; si ergo sit processus in infinitum, & omnes illæ relationes sint à parte rei, necesse est dari vnā relationem supponentem omnes, & pen-

Qq q q

dentem

dentem ab omnibus; quod est dari processum in infinitum in causis contra Aristotelem. Idem Aristoteles 3. Metaph. tex. 25. probat Habitum non haberi, in infinitum enim (inquit) procederetur. Ergo talem processum in infinitum, pro absurdo habet Aristoteles.

Secundò. Non satisfacit hic modus propter rationem manifestam: Si enim hæ relationes statuantur infinitæ, vel omnes erunt à parte rei, vel non: Secundum dici non potest; quia argumentū vrget, quòd qua ratione datur prima relatio, eadem ratione debent dari omnes aliæ; cùm ergo omnes sint infinitæ, sequitur infinitas esse relationes à parte rei, eo actu, quo actu datur prima relatio. Si verò dicatur primum, tunc sequitur has relationes non esse infinitas propter duo. Primò, quia omnis multitudo finita versus vnā partem, est etiam finita versus alteram; siquidem tanta est via Thebis Athenas, quanta Athenis Thebas, nec plures continet vnitates, si sumatur versus vnā partem, sicut si sumatur versus alteram; iisdem enim vnitatibus & hic & ibi constat. Cùm ergo in hac multitudine relationum assignemus primam, quā alia nō est prior, sequitur multitudinem relationum ex hac parte non esse infinitam, quia post q̃ fuerit peruētum ad primam, illa erit vltima & dabitur finis multitudinis: At si ex vna parte non est infinita, non erit etiam infinita ex altera parte, cùm sit eadem multitudo, & tanta ex vna parte quanta ex altera: Ergo nullo modo erit infinita. Secundò, quia cùm hæ relationes sint ita dispositæ, vt secunda supponat primam, & tertia secundam, si in iis sit processus in infinitum, & omnes dentur à parte rei, sequitur dari vnā post omnes: hæc autē erit vltima & finem imponet toti illi multitudini, quod repugnat rationi infiniti: non igitur istæ relationes possunt dici infinitæ. Nam quòd dicitur

dicitur de numerorum infinitate, soluitur in hunc modum, negando numeros illos in re esse infinitos. quod ita ostendo. Ad multitudinem realem requiruntur plures vnitates diuisæ: nam si sint indiuisæ, erit vnitas non multitudo; sic partes in continuo quia sunt indiuisæ, sunt vnum continuum non multa. Cùm igitur isti numeri nō sint diuisi ab inuicem; non faciunt realem multitudinem, nec erunt à parte rei multi numeri. Nam etsi primi duo binarii sint à se realiter diuisi, tamen tertius binarius, qui est binarius binariorum, nō est re diuersus ab illis duobus, sed idem re cum illis; siquidem numerus est idem re cū suis vnitatibus: ergo & binarius binariorum erit idem re cum illis duobus binariis, quia ad illos comparatur tanq̃ ad vnitates ex quibus constat. Quocirca ex isto binario & aliis duobus, non erunt à parte rei tres numeri, sed solū per intellectum erunt tres. Et licet nō negemus tertium binarium esse realem binariū, quia habet reales duas vnitates ex quibus constat, negamus tamē illum facere numerū realem cū aliis duobus, quia non est ab illis re distinctus, solumq; primi duo binarii, sunt re diuersi, tertius verò tantū per rationem. ex quo manifestū est nō procedi in infinitū in multitudine reali numerorū. Adde quòd cū numerus in sua ratione formali, seu quoad ordinem vnitatū, pendeat ab anima, nō ponētur numeri actu infiniti, sed solū successiue in infinitum poni possunt ab anima numerante.

Tertiò. Sequeretur infinitum actu posse dari contra Aristotelem, & omnes Peripateticos. Nam licet aliqui per Dei potentiam dari posse concedāt, negant tamen omnes dari naturaliter. Quòd igitur sequeretur dari infinitum actu, sic probo: Nam aut relationes istæ distinguuntur ex natura rei à fundamento, & ex consequenti ab inuicem, aut non distinguuntur nisi ratione.

Q999 2

Si

*Non dantur
numeri actu
infiniti.*

Si primum; erit multitudo relationum actu infinita: prima enim relatione posita, ponuntur reliquæ omnes actu quæ sunt infinitæ. Si secundum; dabitur relatio infinita actu, constans infinitis relationibus. Sicut enim si daretur quantitas continua actu infinita, constaret partibus non actu distinctis sed potentia, & tamen esset infinita actu, quia tantam extensionem haberet quantum partes actu infinitæ & ab inuicem distinctæ: ita et si relationes istæ non essent distinctæ actu à parte rei, quia tamen sunt tot, quot essent si distinguerentur actu, daretur infinitum actu in genere Relationis, & infinita quædam esset relatio identificata infinitis relationibus ad infinitos terminos.

Tertius modus respondendi est. Relationem non habere ullam realitatem à fundamento distinctam; aduenit enim fundamento nulla ei addita re, vel modo, & absq; omni mutatione, ut patebit quæstione 3. Quocirca ex seipsa non habet unde fundet relationem realem. Fundamentum enim reale, debet esse res aliqua: quæ sit immutativa subiecti, & si debeat esse per se fundamentum, debet esse per se ipsum res aliqua. Cum igitur Relatio per seipsam non sit res aliqua à fundamento distincta, sed est fundamentum ipsum respectu termini, seu cum connotatione termini, ideo non est sufficiens ut per seipsam fundet realem relationem ob defectum realitatis propriæ. Quare omnes illæ relationes, quæ concipiuntur fundari in relatione, sunt relationes rationis. concipiendo enim intellectus relationem tanquam rem aliquam per se, fundat in ea alias relationes. Fateor hunc etiam modum esse difficilem. Nam si Relatio habet suum proprium esse relatiuum, idque reale, cur ergo secundum hoc esse non possit fundare realem
relatio-

relationem? Nam sicut ratione huius esse (quale quale sit) refert realiter subiectum ad terminum, ita etiam potest esse reale fundamentum. Dicitur tamen potest. *Realitas relationis est realitas fundamenti.* Relationem habere quidem suum esse proprium relationum, sed realitatem huius esse non esse aliam quàm realitatem fundamenti: eadem enim realitas ut sumitur respectu termini est relatio, ut verò sumitur secundum se est quid absolutum. Cum igitur relatio nullam nouam realitatem superaddat (propter quam causam sine ulla reali mutatione rebus aduenit) ideo non potest esse reale fundamentum, ut relatio est, quia ut relatio est nullam rem nouam ponit in subiecto. Adhæc, fa-
 teor à posteriori euidenter probari, relationem non posse fundare aliam relationem, propter progressum in infinitum: idque confirmari etiam exemplo diuinarum relationum, quæ nullas reales relationes ad se inuicem fundant, qualis esset relatio diuersitatis vel dissimilitudinis, item æqualitatis, & aliarum similes. A priori tamen id demonstrare difficillimum. Nihilominus quamdiu doctiores aliam meliorem rationem non attulerint, illa quam attulimus tolerari & defendi potest. Nam quod quidam adferunt, Fundamentum relationis debere esse vnam quandam rem, ut ei possit identificari relatio in eo fundata: quia verò relatio non est hoc modo vna res, cum constet fundamento & termino, ideo fieri non posse ut relatio sit fundamentum alterius relationis. deberet enim, inquiunt, illa relatio identificari simul duabus rebus distinctis; quod est impossibile. Hæc inquam ratio non concludit. Nam & falsum est relationem esse quid conflatum ex fundamento & termino: & necesse non est ad hoc ut aliquid identificetur relationi identificari eius termino. Fundamen-
 tum

tum enim identificatur suę relationi quam fundat, & tamen nō identificatur termino: tota etiam ratio relationis est intrinsecè in fundamento; cū tamen terminus sit extra fundamentum. Et hæc de secundo argumento secunda sententiæ.

Iam ad tertium argumentum eiusdem sententiæ respondeo. Relationem esse quidem comparisonem quandam duorum inter se, verū hanc comparisonem non fieri necessariò ab intellectu, sed esse ex naturā rei; nam sublato omni intellectu duo alba habent in se vnde sint sibi similia, & duo quanta vnde sint sibi æqualia vel inæqualia; habent enim sufficientem causam, talis comparisonis.

Ad quartum respondent Nominales: si relatio nullam rem nouam ponat in fundamento, nullum absurdum est cōcedere in Deo tales relationes reales ad creaturam, vt etiam Suarez concedit; consequenter dici debere in sententiā Nominalium quia ex tali relatione non sequitur in Deo vlla mutatio aut accidens verum inhærens Deo, cū sine vlla mutatione ei adueniat, nec aliud quidquam connotationem termini addat. de quo Suar. disp. 47. sect. 15. n. 21. vbi etiam ait sententiā Nominalium non esse vlla censura dignam.

*An possit esse
in Deo relatio
realis ad crea-
turam.*

Verū dicendum est, ex tali relatione non sequi quidem compositionem aut mutationem in Deo: sequi tamen aliud absurdum, nempe Deum dependere in aliqua sua perfectione, seu in aliqua sua intrinseca ratione à creatura. Relatio enim est quid intrinsecum & dependens essentialiter in suo esse à termino. Hæc autem dependentia Enti per essentiā repugnat, q̄ ex se est, id q̄ est, non ex creaturæ coexistentia aliqua. Et sicut repugnat Deum aut aliquā eius perfectionem ideo esse quia.

quia creatura est, sed è contra, ideo omnis creatura est, quia Deus est: ita repugnat relationem realem ad creaturam esse in Deo, quia esset ob coëxistentiam termini creati, & ab eo dependeret.

Q V Æ S T I O II.

An Relatio sit quid intrinsecum rei relatæ, an verò sit extrinseca denominatio.

Cùm constet relationem esse ens reale, meritò quaeritur, An hoc ens reale sit intrinsecum rei relatæ vel extrinseca denominatio. de qua re sunt tres sententiæ.

Prima sententia tenet esse meram denominationem extrinsecam à termino: album enim esse simile alteri nihil aliud est, quam habere alterum album tale quale ipsum est. Fundamentum huius sententiæ est: Quia relatio aduenit rei sine vlla ipsius mutatione, ut cum Aristotele in 5. Physic. omnes docent; neque enim album per hoc quod sit alteri albo simile vllò modo mutatur: pariratione cùm cessat esse simile: Ergo signum est relationem nihil intrinsecum ponere in re relatæ; alioqui per receptionem noui entis realis res relatæ mutaretur. Deinde omni alio ablato, & solum posito fundamento & termino, intelligitur relatio. Ergo relatio nihil addit intrinsecum fundamento; positus enim duobus albis, & ablata omni alia re, adhuc illa duo alba erunt similia sibi; quia vnum erit tale quale aliud. si igitur relatio nihil intrinsecum addit fundamento, necesse

necesse est ut per extrinsecam denominationem à termino constitutur; siquidem posito solo termino ponitur relatio in re relata, ablato verò termino tollitur; quod signum est relationem esse denominationem à termino. Porro hæc sententia tribuitur Durando in primo distinct. 30. qui tamen non tenet hanc sententiam, sed secundam, de qua iam etiam sequitur dicendum.

Secunda igitur sententia vult relationem partim esse intrinsecam partim extrinsecam rei relatæ: denominatio enim relatiua non sumitur ab vna re, sed à pluribus sibi coëxistentibus, hoc est, tam à fundamento quàm à termino: album enim, verbi gratia, esse simile, non est solum ipsum esse album, sed & aliud album essetale, quale ipsum; & sic ab utroque albo sumitur denominatio relatiua similitudinis; omnis enim relatio sumitur ex consortio & coëxistentia duarum rerum sub certa ratione acceptarum. Hæc sententia expressè est Durandi loco citato. E ratio est: Quia relatio non minùs denominatur à fundamento, quàm à termino: nam neutrum per se sufficit ad constituendam relationem, & utrumque æquè requiritur: Ergo denominatio relatiua partim est intrinseca rei relatæ ratione fundamenti, partim extrinseca ratione termini. Hinc verò intelliguntur duo: Primum: quomodo relatio adueniat rei relatæ sine vlla mutatione, nimirum quia denominatio relatiua sumitur non à solo fundamento, sed & à termino: Cùm ergo terminus de nouo aduenit rei, non immutat rem; est enim quid extrinsecum rei relatæ, quare & denominatio relatiua, quatenus pendet à termino, sine vlla mutatione aduenit rei relatæ. Secundum: quomodo relatio non fa-

ciat

est compositionem cum re relata; accedit enim rei relatae per denominationem extrinsecam à termino, quod sit sine ulla compositione cum re relata.

Tertia sententia asserit relationem esse quid intrinsecum rei relatae, in ordine tamen ad extrinsecum. quae sententia est communis. Tota enim relatio est in re relata, quia verò refert rem ad terminum extrinsecum, ideo est intrinseca in ordine ad extrinsecum.

Dico igitur Primò. Relationem non esse meram denominationem extrinsecam à termino. Primò. Quia esse, verbi gratia, album simile alteri, non est solum habere aliud tale quale ipsum, sed est ipsum intrinsecè esse tale, quale aliud. Nam habere aliud tale quale ipsum, est habere aliud sibi simile; non verò est ipsum esse alteri simile. Similiter esse patrem non est solum habere filium à se genitum, sed est esse cum à quo filius est genitus; licet enim ista in re coincident, tamen non eadem ratione significantur, & differunt ratione: Non igitur ad relationem constituendam satis est habere terminum, sed requiritur intrinseca habitudo rei relatae ad terminum.

Cur relatio non possit esse mera denominatio extrinseca à termino.

Secundò probatur. quia denominatio extrinseca non est relatiua, sed absoluta, ut patet inductione. Nam esse vestitum vel locatum non sunt relationes, sed absolutae denominationes à veste & loco; propria enim ratio relationis est esse ad aliud, non verò ab alio affici vel denominari. quare si relatio non sit aliud nisi denominatio extrinseca à termino, ruet tota ratio relationis, quia denominatio à forma absoluta non est relatiua, sed absoluta. Neque verò argumenta primae sententiae concludunt relationem non esse quid intrinsecum, sed solum non addere rem nouam intrinsecam distinctam à

Rrrr

fun.

fundamento, quod verissimum est, ut ex sequenti questione patebit.

Dico secundò. Relationem non esse partim intrinsecam partim extrinsecam rei relatæ, sed totam esse intrinsecam. Probatur primò à quibusdam: Quia non esset relatio vnum ens, sed multa, constaretque ex duobus rebus vna intrinseca altera extrinseca, quod est contra communem conceptum de relatione, & contra Aristotelem, qui relationem vnum genus prædicamenti constituit; genera autem prædicamentorum non sunt aggregata ex multis entibus, sed dicunt vnum genus entis. Secundò. Relatio nihil aliud esset nisi duo absoluta Fundamentum & Terminum, si ex his duobus solum constaret ex vno intrinsecè & alio extrinsecè, & sic periret vnum genus prædicamenti: neque relatio esset genus aliquod distinctum ab aliis generibus absolutis simul sumptis.

*Ratio A priori
propter quam
relatio tota de-
beat esse intrin-
seca rei relatæ,
quamvis ter-
minum respiciat
extrinsecum.*

*An relatio ni-
hil sit præter
fundamentum
& terminum.*

Tertiò probatur à priori: Quia ratio relationis est esse ad aliud: at esse ad aliud est intrinsecum rei relatæ: Er go tota ratio formalis relationis est intrinseca rei relatæ; neque enim relatio cõponitur ex termino, sed ex habitudine & ordine ad terminum: quamvis autè terminus sit extrinsecus, habitudo tamen est quid intrinsecum rei relatæ seu rei habentis se ad terminum. Quare cum dicitur relationem nihil esse præter fundamentum & terminum, verum id est si ita intelligatur, quòd relatio nullam rem novam addat ad fundamentum & terminum. Cum hoc tamen stat, quòd relatio non dicat nisi fundamentum ut se habet intrinsecè ad terminum: albedo enim, verbi gratia, dupliciter potest denominare subiectum, primò ut albedo est in seipsa, & sic denominat subiectum album; secundò ut est talis qualis

Italia, & sic denominat subiectum simile alteri: prima denominatio est absoluta, secunda respectiva; utraque verò sumitur ab eadem albedine diuerso modo considerata, nimirum absolutè & respectiue; in se enim est albedo, respectu verò alterius albedinis est albedo similis.

Dico tertio. Relatio est quid intrinsecum rei relatæ, in ordine tamen ad extrinsecum: quia est habitudo intrinseca ad extrinsecum terminum. Hæc Conclusio patet ex præcedentibus. Ex quibus patet an relatio sit ens quoddam simplex vel compositum: triplex enim compositio potest cogitari in relatione. Prima est ex fundamento & termino vt dicebat secunda sententia: sed hæc compositio non datur; relatio enim non componitur ex termino, sed solum constituitur ex habitudine fundamenti ad terminum. Secunda compositio potest cogitari ex fundamento & connotatione termini. Verum neque hæc compositio admitti potest in relatione. Nam connotatio illa termini non est res distincta à fundamento; non enim fundamentum per aliquod adiunctum connotat terminum, sed seipso & sua essentia respectu termini accepta, est quæ connotatio ista, secundum id quod dicitur in fundamento, essentialis fundamento, licet ratione termini connotati sit accidentalis; ipsa enim essentia fundamenti se ipsa est connotans, id verò quod connotatur est terminus extrinsecus. Et simile quid est in omni forma informante subiectum; albedini enim essentialis est facere album, quantum est ex parte principij formalis; quia seipsa & suamet essentia facit album, est enim albedo ratio formalis & essentialis albi; & tamen ex parte subiecti accidentale est albedini facere album, quia accidentale est coniungi albedinem subiecto.

An relatio sit ens simplex vel compositum.

Rrrr 2.

Pari

Pari ergo ratione, fundamēto essentialē est habere se ad terminum, quantū est ex parte principij formalis habitudinis, quia album nō alia, sed suamet essentialia habet se ad aliud album; siquidem suamet essentialia est tale quale aliud: verū quia ad istam habitudinem præter essentialiam albedinis requiritur coëxistentia termini, eaque coëxistentia est accidentalis albo, ideo & habitudo ex parte termini est accidentalis albo, & ex consequenti est simpliciter accidentalis, cū sine coëxistentia termini non sit simpliciter. Tertia compositio in relatione potest cogitari ex partibus quasi integrantibus: Cū enim relatio re non differat à fundamento, necesse est ut si fundamentum sit conflatum ex multis quasi partibus, etiam relatio in illo fundata sit conflata ex multis partibus. Id verò apparet in relationibus numerorum: numeri enim referuntur ad inuicem relatione dupli, tripli, decupli: atqui hæ relationes non sunt res simplices: sunt enim idem cum numero, numerus autem non est res simplex, sed constans multis unitatibus; quare & dictæ relationes erunt idem quod multæ unitates, una proportione se habentes: si enim relatio dupli, verbigratia, dicatur esse res simplex, quæro ubi existat hæ relatio? num in singulis unitatibus tota? num secundum aliquid in una unitate, secundum aliud in altera? Primum dici non potest; quia sic singulæ unitates essent duplæ, propter relationem duplicam haberent: Secundum verò si dicatur, iam relatio nō erit res simplex, sed conflata ex multis quasi partibus, sicut una domus ex multis lignis & lapidibus. Verū hæ relationes numerorum fortè non sunt reales (nisi fundamentaliter) vix enim possunt intelligi istas partes integrantes relatio-

nem.

QVÆ

QVÆSTIO III.

An relatio sit res distincta à fundamento?

Cum constet relationem esse quid inrinsicum rei relatæ, inquirendum est an sit eadem res cum fundamento, vel res à fundamento distincta ex natura rei. Porro distinctionem ex natura rei à posteriori colligimus ex separatione vnius ab altero, quando nimirum vnum potest existere sine altero: si enim vtrumque possit sine altero existere, erit perfecta distinctio realis: sic forma & materia distinguuntur, quia vtrumque sine altero potest per Dei potentiam existere; si verò ex vna parte tantum possit esse separatio non ex altera, ita ut vnum possit existere sine altero, alterum verò non possit sine illo, talis distinctio est quidem ex natura rei, sed non perfecta; quia non mutua: & dicitur communiter distinctio formalis vel modalis, prior verò simpliciter & absolutè dicitur realis. Sic figura dicitur distingui à quantitate: quia quantitas potest esse sine figura, figura verò non potest esse sine quantitate; siquidem figura essentialiter dicit quantitatē tali modo dispositam.

Unde cognoscatur distinctio vnius ab altero ex natura rei.

Prima igitur sententia tenet relationem esse accedens quoddam fundamento superadditum, & ex natura rei à fundamento distinctum siue realiter, siue formaliter vel modaliter. Huius autem accidentis essentia consistit in puro respectu & habitudine ad terminum, qui respectus cum pendeat à fundamento & termino, ponitur posito fundamento & termino, aufertur verò altero horum ablato. Hæc sententia est Caietani prima parte quæst. 28, art. 2. Capreoli in primo distin. 13. q. 1.

Rrrr 3

Ferra-

Ferrariën. 4. cont. gent. cap. 14. Fonse. 5. Metaph. cap. 15. quæst. 2. Rurii hîc quæst. 13. quanquam quidam volunt distingui realiter, aliqui formaliter, ali modaliter. Suadetur autem hæc sententia his præcipuè argumentis.

Primum & præcipuum argumentum sumitur ex separabilitate relationis à fundamento. Nam quando vnum potest existere non existente altero, illa duo necesse est ex natura rei distingui; alioqui sequeretur idem secundum idem esse simul & non esse, quæ sunt contradictoria: atqui existente fundamento non existit relatio: Ergo ista duo ex natura rei distinguuntur. Minor probatur: Nam si existat vnicum tantum album in mundo, non existet similitudo, quia non datur aliud album, cui possit esse simile, productio verò alio albo, statim incipit similitudo in priori albo.

Confirmatur primò. Quia vel in priori albo erat tota essentia relationis, cum omnibus suis gradibus genericis & specificis, vel non erat: si primum: ergo referebat illud album ad terminum; impossibile enim est, relationem esse in aliquo, & non referre; effectus enim formalis relationis est referre. sicut impossibile est albedinem esse in aliquo, quin faciat illud album. Si secundum: ergo relatio est alia quædam res à fundamento distincta, quæ non existat tunc, cum fundamentum existit. Idem ostendi potest de corruptione relationis. Nam destructo termino, vel desinit esse relatio, vel non: Si primum: ergo relatio est res distincta à fundamento; quia relatio quoad totum suum esse reale desinit, fundamentum verò non desinit: Si secundum: ergo relatio illa referet subiectum ad terminum, sicut & anterefererat; impossibile enim est esse relationem in aliquo, & non.

& non referre, cùm hæc sit eius essentia. Quod si dicatur relationem esse quidem, sed non referre, propter defectum termini. Contra: quia deficiente termino, si manet essentia relationis, debet necessario referre: si non manet; ergo aliquid reale intrinsecum decessit rei relatæ, ac ex consequenti illud est res aliqua distincta à fundamento.

Confirmatur secundò. Nam ratio formalis relationis est esse ad aliud, estque hæc ratio intrinseca rei relatæ: vel igitur istud esse ad intrinsecum existit, non existente termino, vel non existit: Si existit; ergo refert: si non existit; ergo aliquid reale intrinsecum desit esse. Deinde cùm relatio accedat & recedat manente eodem fundamento, peto, illud quod accedit & recedit, an sit aliquod accidens, vel substantia? non substantia, ut patet; ergo accidens; ergo aliquid reale accidens accessit vel recessit, ac ex consequenti est accidens distinctum à fundamento.

Secundum argumentum est. Eadem res secundum idem non potest simul intendi & remitti; sunt enim isti duo motus contrarii: atqui cùm intenditur fundamentum, remittitur relatio, & è conuerso: Non sunt igitur eadem res fundamentum & relatio. Minor probatur. Nam si sint duo æquè alba, & in vno intendatur albedo, per talem intensiorem minuitur similitudo ad alterum album; sit enim alteri albo dissimile in gradu.

Tertium argumentum. Si relatio non distinguitur ex natura rei à fundamēto, sequitur relationes in eodem fundamento fundatas, non distingui inter se ex natura rei; quæ enim sunt idem vni tertio, sunt eadem inter se: atqui hoc est falsum: nam in eodem fundamento possunt fundari relationes contrariæ, relationes autem contrariæ non possunt esse idem inter se; idem enim album est & simile albo, & dissimile nigro; & vtræque hæc relatio

latio tam similitudinis, quàm dissimilitudinis, in eodem fundamento fundatur.

Secunda sententia est opposita, relationem à fundamento nullo modo ex natura rei distingui, sed sola ratione. Ita Alensis 5. Metaph. in textum 20. Ægidius in primo distin. 26. quæst. 4. Argentina in 2. distin. 20. quæst. 1. Achillinus de distinctionibus cap. 26. Herueus in primo distin. 13. quæst. 1. art. 1. Iauellus 5. Metaph. quæst. 22. Soncinas 5. Metaph. quæst. 28. Siluester in conflato quæst. 28. & in cap. ad aliquid quæst. 2. Sotus hic quæstio. 2. Rubio in primo dist. 25. Concl. 1. Zumel. in 1. parte quæst. 28. art. 2. dubio 6. Canariensis ibidem disput. 3. quæst. 2. Petrus Niger in clypeo quæst. 34. Albert. hic quæst. 1. Zimara in tabula ver. Relatio. vbi etiam eandem sententiam tribuit Auerroi in pluribus locis. Burleus 8. Physic. in tex. 9. & in cap. ad aliqd. Ariminen. in primo dist. 28. Valentia in 1. par. disput. 2. quæst. 3. pun. 1. Suarez in Metaph. disp. 47. de relatione. & videtur D. Thomæ opusc. 48. cap. 2. vbi ait, similitudinem Sortis nō esse aliquam rem in Sorte aliam ab ipsa albedine, sed solum esse ipsam albedinem, vt se habet ad albedinem Platonis vt terminum. Idem deducūt Sotus, Soncinas, Iauellus ex opusculo dicto & quæst. 7. de potentia art. 8. & 3. Physic. lect. 3. Eadem est sententia D. Anselmi in Monologio, qui ex eo probat Deo posse aduenire relationes ex tempore, quod relatio rebus adueniat sine vlla ipsarum mutatione, vt bene declarat Suarez supra sect. 15.

Fundamentum huius sententiz est duplex. Primum est: quod relatio aduenit fundamento, sine vlla ipsius reali mutatione: Alterum est: quod posito fundamento & termino, & nullare alia addita, sufficienter intelligitur relatio.

Quon-

Quantum ad primum argumētum: id est ipsius Aristotelis 5. *Physic. tex. 1.* vbi probat ad relationem non esse motum; Omnis enim motus fit per mutationem subiecti, relatio verò sine vlla subiecti mutatione acquiritur, per hoc solum quòd aliquid aliud mutatum est; vt si producat^{ur} nouum album in India, ego fierem illi albo similis, sine vlla mei mutatione, & sine vlla rei alius acquisitione: quod euident^{er} est argumentum, relationem non esse rem superadditam fundamento, sed ipsum fundamentum vt se habet ad terminum. Neque verò potest exponi Aristoteles, quòd solum neget relationem acquiri per mutationem per se, non autem negare mutationem per accidens, quæ fit consecutiue ad aliud: nam Aristoteles expressè ait, subiectum acquirere relationem, non per sui, sed per alterius mutationem: nullam ergo mutationem relationi concedit, neq; per se, neq; per accidens, sed totam mutationem ait esse in termino. Neq; in hoc vim sui argumenti ponit, quòd relatio per accidens acquiratur, sed quòd per mutationem extrinseci termini acquiratur, sine vlla subiecti mutatione, solumq; mutationem ostendit in termino, non in ipsa relatione.

Eandem rationem vrget S. Thomas opusculo citato. Si enim similitudo adderet aliquam rem super albedinem, nullo modo posset aliquis fieri alteri similis sine sui mutatione: At si aliquis, inquit, in India modò fieret albus, fierem illi similis nulla facta mei mutatione: Ergo. Deinde absurdum vel saltem incredibile videtur, ad motum vnus muscæ, vel formicæ, totum mundum mutari realiter, nouis realitatibus distantia, vel propinquitatis acquisitis, vel antiquis deperditis. Denique nulla re de nouo addita, nullaue facta reali mutatione

SSSS

in sub-

in subiecto, sufficienter intelligitur relatio subiecti ad terminum: Ergo. Nam album nulla alia re addita, est verè tale album, quale aliud, ac ex consequenti est simile alteri albo, absq; alia mutatione subiecti.

Quidam vrgent idem argumētum ex eo, quòd impossibilis sit modus producendi, & corrumpendi talem relationem, quæ sit res distincta à fundamento: Nam si de productione loquamur; talis relatio vel produceretur à fundamento, vel à termino. Non à termino; quia nullum agens potest agere ex quacunq; distantia; at termino in quacunq; distantia posito, sequitur relatio: non igitur relatio talis à termino producitur. Deinde posito albo extra mundum in vacuo, erit album illud simile aliis albis, & alia ipsi, cùm tamen per vacuum nulla possit esse actio. Non potest etiam produci à fundamento per emanationem & resultantiam quandam: tum quia talis productio esset per se, non per accidens, sicut cùm aqua reducit se ad pristinum frigus, talis reductio etiam fiat per emanationem, est verè productio per se frigoris: tum quia si fundamētum est causa adæquata, & sufficiens ad producendum relationem, produceret relationem etiam termino non existente; causa enim sufficiente applicata subiecto apto, sequitur necessariò actio. Simili ratione ostendunt, non posse assignari causam corruptentem talem relationem: Pereunte enim termino, à quo corrumpitur relatio? Num à seipsa? At nihil seipsum destruit, esset enim simul & nō esset: esset, quia nisi esset, non posset se destruere, cùm à non ente nulla procedere possit actio: non esset, quia destrueret. Num à contrario? At nullum tale apparet. Num à termino? At sicut non producitur à termino, ita nec corrumpitur ob defectum termini. Num à fundamento?

At

At qua actione? num positiua? at nihil positiuum tunc
 producitur à fundamēto, quod corrumpat relationem.
 Num actione negatiua & subtractione influxus? at rela-
 tio semel producta non pendet in conseruari ab agen-
 te: quod si demus pendere in conseruari à fundamēto;
 tamen quæ causa est, quòd fundamentum non subtra-
 hit suum influxum nisi percunte termino? Nam neq;
 ratio pendet in vllò genere causæ à termino, neq; fun-
 damentum scire potest, an & quando pereat terminus,
 in tanta præsertim distantia positus, vt in gratiam eius
 subtrahât influxum.

Verùm hæ rationes ex modo productionis & cor-
 ruptionis ductæ, non videntur omnino concludere:
 dici enim posset relationem nō pendere à termino, tan-
 quam à causa producente, & dante illi existentiam; sed
 pendere essentialiter, quia essentialiter illum respicit;
 & respectu termini dicitur ratio, neq; potest sine illo
 habere suam essentialitatem. Pendet autem ratio essen-
 tialiter à termino, non solum in abstracto accepto, sed
 etiam vt sibi coëxistente; vnde fit vt essentialiter requi-
 rat coëxistentiam termini, & sine ea nec produci nec
 conseruari possit. Simili ratione dici potest, fundamē-
 tum producere relationē per emanationem quandam:
 quod autem hæc emanatio non fiat nisi existente ter-
 mino, id non accidit ex insufficientia fundamenti, sed
 ex dependentia essentiali relationis à termino coëxistē-
 te. Non est autem necesse explorare, an terminus exi-
 stat: nam ad hoc sufficit essentialis illa determinatio re-
 lationis ad terminū, ita vt poni non possit, nisi posito ter-
 mino. Exemplum manifestum est in Magnete, qui na-
 tura determinatus est ad dirigendum ferrum ad polum,
 seu ad stellam polarem, etiam si tanto intervallo distet:

*Quomodo relā-
 tio in sua essen-
 tia pendeat à
 termino &
 fundamento.*

quod si non esset stella polaris, vel transferretur in aliam cæli partem, motus quoq; Magneticus stellam sequeretur sine vlla cognitione, per solum naturæ ductum: quo etiam modo heliotropion sequitur solem. Ex quo etiam patet, quomodo deficiente termino deficiat relatio; nimirum quia deest id, sine quo essentia relationis consistere non potest: sicut enim albedo non potest dare esse album, nisi habeat subiectum quod recipiat albedinem, ita neque potest facere simile, nisi adsit aliud album, cui subiectum debeat esse simile.

Secunda Ratio.

Quantum ad secundum argumentum, illud evidenter concludit. Si enim posito fundamento & termino, & nulla alia re addita, sufficienter intelligitur relatio, necessario sequitur, relationem non esse rem superadditam fundamento, nec ab eo ex natura rei distinctam. Sint enim verbi causa duo alba, procul dubio Deus potest ab illis separare omnem aliam rem ab albedine distinctam, aut nolle concurrere ad rem aliam ab albedine distinctam. Nam illa res cum pendeat à concursu Dei libero, potest Deus illi rei concursum suum denegare, quo sublato, res quoq; illa non existet. In hoc igitur casu, illa duo alba essent æquè sibi similia, sicut ante: ergo nulla re addita albedini, sufficienter album est simile albo, & tali planè modo simile, sicut fingitur simile, addita realitate relationis; quia esset tale album, quale alterum, siue addatur nova realitas relationis, siue nō. Quod verò responderet Ruuius in tali casu illa alba non fore similia formaliter, sed tantum fundamentaliter, id non est probabile: quia in tali casu vnum album esset tale, quale aliud, hoc est talis essentia; ergo esset formaliter simile alteri albo; nihil enim aliud est esse formaliter alteri simile, quàm esse tale, quale aliud.

Addunt

Addunt quidam. Si relatio esset res distincta à fundamento, posset conseruari sine fundamento; res enim distinctae pendent à distinctis concursib. diuinis; distincta autē concursus diuini ita se habent, vt possit vnus subtrahi non subtracto alio. Dato igitur casu, sequeretur hoc absurdum, quod aliquid esset simile albo sine albedine, hoc est, sine fundamento similitudinis. Hoc tamen argumentum non vrget: dici enim posset, propter dependentiam essentialē relationis tam à fundamento, quàm à termino, non posse conseruari relationem absque fundamento & termino: similitudo enim, verbi gratia, dicit conuenientiam alborum in albedine. Simili ratione neque figura potest conseruari sine quantitate, licet censeatur esse ex natura rei à quantitate distincta.

Pro solutione argumentorum notandum est: denominationē esse duplicem: absolutam, & respectiuā; illa sumitur à forma absoluta secundū se, hæc verò sumitur à forma absoluta, nō vt est talis in se, sed vt est talis respectu alterius. Vnde sequitur eandem formam denominare posse absolutè & respectiuè diuersa ratione: quia vt est in se talis denominat absolutè, vt verò est respectu alterius talis denominat respectiuè. Quomodo autē nulla readueniente, eadem forma quæ denominabat absolutè, incipiat denominare respectiuè, facile intelligitur, si quis concipiat formam secundum idem esse, & talem in se, & talem respectu alterius: eadem enim quantitas secundum eandem rationem quantitatis, & in se est tanta, & respectu alterius maior vel minor, sine vllō augmento & diminutione quantitatis. Medij etiam colores in se sunt vna essentia, & tamen respectu diuersorum extremorum, habent rationem albi

*Vna & eadem
forma denomi-
nare potest ab-
solutè & respec-
tiuè.*

& nigri. Nam color viridis respectu albi, habet rationem albi, idque absque vlla re de nouo sibi addita, & secundum eandem rationem coloris viridis. Pari ergo ratione albedo, ut in se est talis essentia denominat rem albam, ut verò est talis, vel talis, respectu alterius, denominat rem similem vel dissimilem. Porro fundatur similitudo in albedine, non absolutè, ut albedo est, sed ut est vna albedo cum altera, ita ut ad relationem requiratur non solum terminus ad quem, sed etiam fundamentum sub certa ratione fundandi acceptum: eadem enim albedo ut diuersa à nigredine, fundat relationem dissimilitudinis, ut verò est vna cum albedine, fundat relationem similitudinis. Quare fundamentum nulla re alia addita, sed solum respectu termini, seu cum connotatione termini acceptum, incipit esse relatum, & sublato termino, nulla re in se deperdita, desinit esse relatum, quia caret termino cuius respectu est & dicitur relatio.

Aut ex non simile possit fieri simile, sine acquisitione alius rei.

Hinc igitur facile explicari possunt variae difficultates. Prima est, quomodo album ex non simili fiat simile, sine vllius rei acquisitione. Nam vel hæc similitudo acquisita, est aliquid noui in albo, vel nihil: si primum, erit quid distinctum ab albo: si secundum, similitudo non erit quid intrinsecum. Ad hoc igitur respondendum est. Similitudinem illam de nouo acquisitam, esse rem nouam non absolutè, sed respectiue, non ex parte fundamenti, sed ex parte termini: non enim aliqua res noua accessit fundamento, sed solum eiusdem fundamenti habitudo noua ad terminum: Quia enim relatio præter fundamentum ad suam essentiam, requirit coëxistentem terminum, idcirco.

ideirco posito termino, ponitur essentia relationis, quæ ante non erat ob solum defectum termini: Posito enim termino incipit fundamentum habere se ad terminum, non per sui mutationem, sed per mutationem termini. Nam non existente termino, non habebat se respectivè ad ipsum, quia non erat; posito verò termino, incipit se habere ad terminum, quia est: nulla re de nouo addita.

Dices. Saltem alio modo se habet fundamentum, cùm respicit terminum, quàm ante, cùm eum non respiceret. Respondeo. Habere se nouo modo respectu termini, sed nulla entitate reali acquisita; antiqua enim entitate habet se ad terminum nouum, ex eo solo, quia is ponitur, & connotatur. Quare propter hanc connotationem noui termini, habet se nouo modo, absque vlla nouæ rei acquisitione. Nam etsi absolutè non potest aliquid aliter se habere sine nouæ rei acquisitione, tamen respectivè potest aliter se habere, sine vlla nouæ rei acquisitione, propter solam mutationem termini, vt explicatum est. At inquires. Similitudo non fuit, & iam est; ergo ante non fuit in realiqua essentia, quæ modo est. Respondeo. Similitudinem fuisse ante quodam omnem rem quam dicit in fundamento, solum verò non fuisse talem respectu termini. Quare etsi non fuerit similitudo sub ratione similitudinis, & sub ratione essentiaæ respectiuæ, & post cœpit esse similitudo; tamen hoc totum fit sine vlla nouæ rei accessione, solum ex eo quòd nunc fundamentum sumitur respectu termini, ante verò sumi non poterat, quia non existerat terminus. Vnde essentia absoluta fit respectiva, eo ipso quòd respectu termini accipitur, & noua ista habitudo aduenit fundamento per solam mutationem, & connotationem

An posito termino, fundamentum aliquo modo mutetur.

Quomodo ex essentia absoluta fiat respectiva.

tionem termini: Non enim idcirco incipit referri, quòd aliquid de nouo recipiat, neque quòd res aliqua ei defuerit requisita ad habitudinem, sed solùm quòd defuerit terminus; non existente enim termino, non poterat ad illum referri, nec illius respectu esse talis: sicut quantitas non potest dici parua, nisi respectu maioris.

*Utrum dum res
amittit relatio-
nem, amittit a-
liquid ex sua
realitate abso-
luta, an verò ta-
lum respectum
amittit terminum.*

Simili ratione explicari potest & illa difficultas, quomodo deperdatur relatio. Non enim deperditur aliqua res, vel modus realis absolutus, sed solùm respectiuus; hoc est, sublato termino, desinit res illa esse talis non absolutè, sed respectu termini, & eadem essentia fit ex respectiua, non respectiua, sine vlla sui mutatione, propter solam mutationem termini, sicut subtracto subiecto, desinit albedo facere illud album, propter subiecti non propter suam mutationem.

*Relatio à fun-
damento non
distinguitur vt
res à re, sed de-
finitione tantùm
& formaliter,
nimirum eo mo-
do, quo eadem
res respectiuè
accepta distim-
guatur à seipsa
absolute acco-
pta.*

Tertiò explicatur: quomodo relatio distinguatur à fundamento; non enim distinguitur vt res à re, sed vt eadem res respectiuè accepta, distinguitur à seipsa absolute accepta. Ex quo sequitur, non distingui realiter à fundamento, sed formaliter tantùm. Nam licet fundamentum existat, non existente relatione, tamen id non propterea accidit, quòd aliqua res intrinseca desit fundamento, vt accidit in absolutis; sed quòd desit terminus extrinsecus, cuius coexistentia ad essentiam relationis requiritur, eoque extrinsecè posito, sufficienter tota essentia relationis ponitur, nulla realia intrinsecè fundamento accedente. Distinguitur igitur relatio à fundamento, solùm formaliter, quia distinguitur definitione; aliquid enim in sua definitione includit relatio, nempe terminum, quem non includit in sua definitione fundamentum.

Quod si quæras. An cum dicimus distingui formaliter

liter à fundamento, intelligamus distingui sola ratione ratiocinata: Nam illa sola ratione distinguuntur., quæ sine ratione distingui non possunt; relatio verò sine omni ratione nullo intellectu cogitante distinguitur à fundamento; quia realiter cessat, & non convenit fundamento, si auferatur terminus. Respondeo. Distingui sola ratione ratiocinatâ. Nam quòd cesset esse relatio cessante termino, id non accidit ob aliquam eius distinctionem realem à fundamento (nihil enim reale per hanc cessationem fundamento decedit) sed ob defectum termini, sine quo relationis essentia intelligi nõ potest.

Dices. Saltem dici poterit ratione termini distingui realiter à fundamento. Respondeo. Id quidem dici posse, verum hoc nihil aliud est, quàm terminum relationis distingui realiter à fundamento: quod mirum non est, cùm etiam ab ipsa relatione distinguatur realiter. At nos non id quarimus, sed an relatio seipsa & ratione sui distinguatur à fundamento, non solum ratione termini; essentia enim relationis est re distincta ab essentia termini; quare distingui ratione termini, non est distingui essentia ipsa relationis; & licet essentia relationis sit ad terminum, non tamen est idem quod terminus, cùm aliud sit esse ad terminum, aliud esse terminum.

Iam respondendum restat ad argumenta prioris sententia. Ad primum respondeo propositionem illam, quando vno existente aliud non existit, ea distingui ex natura rei, esse veram in absolutis non in respectivis. ratio discriminis est. Quia respectiva, cùm sint ad aliud, possunt desinere esse, ex solo defectu alterius, absq; vlla sui diminutione & variatione vt dictum est; quare non

*An in omnib;
vera sit h. p.
Quando vno ex-
istente, aliud
non existit, ea
distinguntur
ex naturae rei.*

T t t

est

est necesse ut ea de causa distinguantur realiter, nisi extrinsecè, ratione termini. At absoluta, si desinunt, ratione sui formaliter desinunt esse; & idcirco necesse est, ut ratione sui distinguantur realiter. Et hac de causa Aristoteles ad relationem negavit esse motum, quia per mutationem alterius, non per mutationem sui desinit, & incipit esse. Manifestum etiam est inductione, omnia quæ per respectum ad aliud dicuntur talia, sine vlla suæ realitatis diminutione, incipere & desinere esse, per solam mutationem alterius: sic paruum, quia respectu maioris dicitur paruum, sine vlla sui mutatione fit parvum posito maiore, & magnum posito minore. Idem de reliquis dici potest. Quod verò obicitur, ex eo sequi, de eodem affirmari simul esse, & non esse; respondendum est, de eodem sub diversa ratione posse affirmari esse, & non esse.

Relatio incipit esse posito termino, nulla aliarum nova superaddita rei velata.

Ad primam confirmationem Respondeo. Essentiam relationis non fuisse antequam esset terminus, posito verò termino incipere esse, non per novæ rei accessionem, sed per eiusdem rei ad novum terminum, habitudinem: ad quod non novæ res in subiecto requiruntur, sed tantum novus terminus, ut eius respectu sit id, quod absque eo non erat.

An esse ad aliud semper sit intrinsecum relationi, siue existente termino siue non existente.

Ad secundam confirmationem. Respondeo. Illud esse Ad esse intrinsecum, sed respectu extrinseci termini; quare non existente termino, existit quidem intrinsecè absolutè, non tamen respectuè. Verbigratia: non existente alio albo, prius album non est tale album, quale aliud; non quòd in se non sit tale, sed quòd respectu alterius albi non sit tale: ad hoc autem sufficit non existentia termini. Quia ad hoc, ut aliquid, quod est respectu alterius tale, non existat, non est necesse ut absolute

Autē non existat, sed ut respectu alterius non existat; ut verò respectu alterius non existat, satis est si terminus non existat; hoc enim solo respectu termini non existentis, non existet, absq; alia vllius rei diminutione. sic paruum, cessat esse paruum, si maius auferatur, non quòd in se sit in magnitudine mutatum, sed quòd non habeat respectu cuius dicatur paruum.

Ad secundum respondeo. Eadem res absolute quidem accepta non potest simul intendi, & remitti, respectiue tamen potest: sicut eadem quantitas, respectu diuerforum est magna, & parua, maior & minor; quare & eadem albedo respectu termini potest intendi, in se verò potest remitti.

Ad tertium respondeo. Relationes in eodem fundamento fundatas, nō esse distinctas ab inuicem intrinsicè & ex natura rei, nec à fundamento, & solū distingu realiter ex parte terminorū, quia sunt ad terminos realiter distinctos: quare similitudo & dissimilitudo in eadem albedine fundata, non distinguuntur ex natura rei: neque ista similitudo & dissimilitudo sunt relationes contrariæ cū sint respectu diuerforum, nempe respectu albi, & nigri.

QVÆSTIO IV.

Quasint fundamenta relationum.

Certum est relationem prædicamentalem egere fundamento, quod sit ratio & quasi causa relationis: Non enim relatio temerè competit subiecto, sed ob aliquā rationē & causam. Porro fundamentū, ut fundat relationē, accipi debet sub certa ratione fundandi: vnum enim & idem fundamentum sub diuersis rationibus fundandi fundat diuersas relationes; albedo verbi g.

Relatio egere fundamento.

Item 2

fun-

*Tria genera
Fundamentorum.*

fundat similitudinem ad aliud album quatenus est unum in albedine cum ipso, dissimilitudinem verò ad nigrum, quatenus est diuersum. Fundamentum igitur est res, vel forma fundans relationem, ratio verò fundandi, est modus & ratio sub qua fundatur relatio. Quocirca Arist. 5. Metaph. 15. distinxit tria genera fundamentorum, in ordine ad triplices rationes fundandi. Quædam enim relationes fundantur in vnitatis & multitudine, quædam in actione & passione, quædam denique in mensurabilitate.

In vnitatis fundantur relationes identitatis, æqualitatis, similitudinis, propinquitatis, coëxistentiæ, &c. si enim fuerit vnitatis duorum in essentia, erit identitas, si in quantitate erit æqualitas, si in qualitate erit similitudo, si in loco erit propinquitas, si in tempore erit coëxistentia. In multitudine verò fundantur relationes diuersitatis, inæqualitatis, dissimilitudinis, distantie, excessus, defectus, & aliæ similes: per has enim relationes idcirco res ad se referuntur, quia non sunt unum, sed multa, secundum aliquam rationem & formam,

Aliæ relationes fundantur in actione & passione: quales sunt omnes relationes inter causam & causatum, quarum relationum fundamentum est potentia actiua & passiva, ratio verò fundandi est actio vel passio. Potest verò causa referri ad causatum; vel in potentia tantum, quia potest causare & aliud potest causari; vel in actu, quia actu causatur: qui actus potest esse vel præteritus, ut cum generans refertur ad id quod genuit; vel præsens, ut cum causa refertur ad id quod actu causat; vel futurus, ut cum causa refertur ad effectum causandum in futuro.

Tertij

Tertii modi relationes sunt, quæ fundantur in esse mensurabili, scibili, intelligibili, & similibus. Quædam enim dicuntur talia, per denominationem à suis correlatiuis, seu vt ait Aristoteles, quia alia referuntur ad ipsa: sic scibile dicitur scibile, quia scientia est de ipso, seu quia scientia ad ipsum refertur.

Circa hæc tria relationum genera quæri potest primò, An omnes eiusmodi relationes sint reales. Pro quo suppono, relationem realem esse illam quæ conuenit rebus absq; operatione intellectus: quod tunc accidit, quando omnia requisita ad relationem sunt realia, nempe subiectum, fundamentum, & terminus. Voco subiectum rem quæ refertur, siue sit subiectum propter inhesionem relationis in ipsa, siue propter identitatem cum ipsa. Fundamentum verò reale est illud quod à parte rei est sufficiens ratio & causa fundandi relationem: Similiter terminum realem voco, qui à parte rei habet rationem sufficientem ad terminandam relationem, sine vlla ope intellectus.

*Relatio realis
quæ?*

Quocirca ex triplici capite potest oriri quòd aliqua relatio non sit realis. Primò. Si subiectum relationis non sit reale: & sic duo panes consecrati in Eucharistia, cessant esse realiter sibi similes in albedine, etiamsi tam fundamētum quàm terminus talis similitudinis sit realis: quia nimirum subiecta ipsa non sunt realia. Secundò. Si fundamentum non sit reale. dicitur autem fundamentum non reale; vel quia realiter non existit, vel quia à parte rei non est sufficiens ad fundandam relationem, sine ope intellectus. Ratione primi, paries per albedinem quam actu non habet, sed tantum in potentia, non potest dici realiter similis alteri parieti actu albo; quia etiamsi subiectum sit reale & terminus realis,

*Relatio non
realis.
Ex defectu sub-
iecti realis.*

*Ex defectu fun-
damenti.*

deest tamen fundamentum reale similitudinis. Ratione secundi, relatio distinctionis inter extrema non distincta à parte rei, non est realis, sed rationis: Verbi gratia, inter attributa diuina, vel inter quascunque rationes formales distinctas per intellectum; quia licet talis distinctionis sit aliquod fundamentum in re, quia res apta est hoc modo ab intellectu concipi & distingui, hoc tamen fundamentum à parte rei sine ope intellectus non est sufficiens ad causandam relationem distinctionis, quia est fundamentum remotum non proximum: posita verò abstractione intellectus, res illa fit fundamentum proximum ad causandam relationem; attributum enim abstractum ab altero dicit relationem distinctionis ab illo. Et vniuersè loquendo omnes relationes rationis quæ dicuntur habere aliquod fundamentum in re, ex hoc capite non sunt reales, quia illud fundamentum non est à parte rei proximum & sufficiens, sed solum concurrente intellectu, & perficiente in illo rationem fundamenti. Ex hoc etiam capite relatio Dei ad creaturam non est realis ratione fundamenti: quia Deus ob suam independentiam à creaturis non potest fundare ordinem realem ad illas.

*Ex defectu
Termini
realis.*

Tertiò: Si terminus non sit realis, vel quia non realiter existit, vel quia non habet à parte rei rationem sufficiens terminandi. Ratione primi, ens actu ad ens in potentia non dicit relationem realem: quia, cum terminus non existit, nihil est in re ad quod terminari debeat realiter relatio, vt infra peculiari quaestione docebitur: quare ignis actu existens, non refertur realiter relatione calefactiui ad lignum in potentia; nec pater refertur realiter ad filium iam mortuum: si-

qui.

quidem hoc esset referri ad nihil, referri autem ad nihil est non referri: Sicut comedere nihil, est non comedere. Dices. Non esse nihil omnino: quia etsi sic nihil, tamen potentia est aliquid.

Contra. Ens in potentia in se ipso, est actu nihil, solum verò est in potentia suarum causarum aliquid, & dicitur ens in potentia, denominatione facta extrinseca à potentia suarum causarum, quæ possunt illud producere: Vnde ut sic est quid reale, sed in suis causis, & realitate non propria sed causarum. Porro relatio terminari debet ad ipsum ens secundum entitatem propriam, quæ quia nihil est in se, ideo nulla est ratio realiter terminandi ullam relationem. Ratione secundi: relatio generis ad species non est realis, non solum ratione fundamenti, sed etiam ratione termini: quia, licet natura specifica ad quam terminatur relatio generis sit realis, non tamen habet à parte rei sufficientem rationem terminandi. Relatio enim generis terminatur ad essentiam specificam ut est abstracta, per intellectum, & sic in ratione terminandi completur per intellectum.

Præter hæc tria, vix aliquid aliud potest requiri ad relationem realem in communi: quia hæc solum tria concurrunt ad relationem, quare hæc eadem si sint vel non sint realia, facient sufficienter relationem realem vel non realem. Quando enim omnia principia alicuius rei sunt realia, necesse est rem illam esse realem, & e contra; quilibet enim effectus sortitur suam realitatem à suis causis. An verò extrema debeant esse non solum realia, sed etiam realiter distincta; dicetur infra.

Ex hac

Ex hac igitur doctrina iudicandum est, quæ sint relationes reales, quæ non. Quodsi dicas, eiusdem ad seipsum non est relatio realis, etiamsi hæc omnia tria sint realia, subiectum, fundamentum, terminus: omnes verò consentiunt, identitatem eiusdem ad seipsum non esse relationem realem, solum ob defectum distinctionis realis. Respondeo. Omnem relationem realem requirere aliquo modo distincta re extrema; quia relatio ut relatio est ad aliud, ut infra dicemus. ubi etiam patebit hunc defectum reduci ad defectum fundamenti & termini. Nisi enim relatio fundetur in re aliquo modo distincta ab extremis, non habet in se fundamentum sufficiens ad relationem realem; & ita est in relatione identitatis ad seipsam.

In potentia activa & passiva sint fundamentum Relationum secundum di modo.

Secundò quæri potest, de relationibus secundi modi, quod sit earum fundamentum: Videntur enim tales relationes non habere in quo fundentur. Paternitas enim verbi gratia, non potest fundari immediatè in substantia patris, quia sicut non immediatè per suam substantiam est pater generans, sed per potètiã generatiuam, ita non immediatè per suam substantiam est pater. Neque etiam potest fundari in potentia generatiua; quia hæc solum facit posse generare, & ex consequenti posse esse patrem. Neque in actione generandi; quia actio nō est in agente, sed in passio, quare paternitas esset in distincto subiecto à suo fundamento, & ex consequenti distingueretur realiter à fundamento: Nam ipsa esset in patre, fundamentum verò esset in filio. Deinde vel paternitas dependet ab actione generandi, vel non: Si dependet; Ergo cessante generatione, cessaret paternitas, & pater non esset amplius pater, postquã genuit filium: Si non dependet; ergo posset poni in aliquo

quo paternitas, qui nunquam genuerit filium. Quod si dicas, paternitatem ab actu generandi pendere in fieri, non in facto esse. Contra: quia relatio in facto esse non minus pendet à fundamento & termino, quàm in fieri: nam sublato fundamento vel termino, perit ipsa relatio in facto esse: Si ergo fundamētum per rationem fundandi constituitur in ratione fundamenti, eò quòd ex se sit indifferens ad varias relationes fundandas, & per rationes fundandi determinetur ad hanc vel illam relationē: sequitur cessante ratione fundandi, cessare fundamentū formaliter, ac per consequens & relationem.

Nominales facile se expediunt ab hac difficultate; dicunt enim paternitatem esse ipsum patrem, cum his conditionibus, nempe quòd habeat potentiam generatiuam, actionem generandi, & existentiam filii à se geniti, ita vt connotando hæc omnia homo ille dicatur pater. Verùm hi relationis essentiam videntur penitus tollere, quæ non consistit in coniunctione rerum absolutarum, sed in habitudine fundamenti ad terminum, vt patet ex dictis.

Aliter ergo dicendum est. Cùm enim relatio secundum di modi consistat in habitudine vnius ad aliud in ratione principii, relatio quoque paternitatis fundabitur in patre, quatenus pater habet rationem principii respectu filii. Constituitur autem in ratione principii per potentiam generatiuam, quocirca in potentia generatiua fundabitur relatio paternitatis, & erit cum ea idem, tanquam cum suo fundamento. Non fundatur autem in potentia generatiua paternitas, nisi quatenus per actionem generandi reducta est ad actum. Ratio est; quia potentia generatiua ex se solum fundat relationē potentis generare, non verò actum generantis: vt igitur

Relativa secundum di modi fundatur in ratione Principij.

V u u u .

funder

fundet relationem a&ugenerantis, debet per a&tionem reduci ad a&ctum.

*Actio an fun-
damentum.*

Verùm difficile est explicare, quomodo a&ctio se habeat ad istam relationem. Quidam enim dicunt, a&tionem esse fundamentum proximum, potentiam verò generatiuam esse remotum; eò quòd sola potentia non habeat in se fundamentum sufficiens a&ctualis, sed tantum potentialis relationis ad effectum. & sic completur in ratione fundamenti per a&tionem, quia illius a&ctualis relationis, vt a&ctualis est, non potest aliud fundamentum assignari, nisi a&ctio.

Sed contra. Nam si a&ctio esset fundamentum, vel sola esset fundamentum, vel vnâ cū potentia. Non primum: quia relatio ista fundatur in ratione principii vt principium est; est enim relatio principii in ratione principii: atqui ratio principii nō conuenit a&ctioni, cū ipsa sit à principio, & ipsius principii, quod refertur, a&ctio; & causatio potius quàm causa. Non secundum: quia tunc essent duo partialia fundamēta relationis: vel ergo essent etiam duæ relationes partiales, ex quibus conflaretur paternitas; vel si esset vna simplex relatio, identificaretur necessariò cum vtroque fundamento, quia vtrumque contineret distinctam partem fundamenti: Vnde quā ratione esset necesse identificari relationem vni parti fundamenti, eadem ratione esset necesse identificari alteri parti fundamenti: Cū igitur impossibile sit eandem relationem identificari rebus realiter distinctis, & in distinctis subiectis existentibus, impossibile quoque erit relationem fundari in vtroque fundamento. Neque etiam dici potest, relationem paternitatis esse compositam ex duabus partialibus relationibus, quia vtraque hæc quæ fingitur partialis relatio, est relatio

relatio principii in ratione principii, & per consequens fundatur in potentia generatiua, per quam generans constituitur formaliter in ratione principii.

Dices. Hanc relationem identificari cum suo fundamento proximo, nempe cum actione, connotando tamen fundamentum remotum, nempe potentiam.

Sed contra. Primò: ostensum est, actionem non posse dici fundamentum proximum paternitatis; quia paternitas proximè fundatur in ratione principii; esse enim patrem, est esse principium à quo est filius: Hanc ergo rationem cum non includat actio sed supponat, ipsa non erit proximum fundamentum, sed supponet proximum fundamentum: Neque enim satis est quòd actu connotet principium: Nam sicut dicitur connotare principium, ita etiam dici debbit connotare fundamentum, ipsa verò non erit fundamentum essentialiter. Secundò. Sequeretur paternitatem esse in filio subiectiuè, in patre verò solùm per denominationem extrinsecam, quæ sunt contra communem sensum omnium. Probatur: quia paternitas est idem cum suo fundamento: si ergo actio sit fundamentum, erit idem cum actione, actio autem subiectiuè non est in agente sed in passio: Ergo & paternitas non esset subiectiuè in patre, sed in filio.

Alii dicunt paternitatem esse idem cum potentia generatiua, quæ est ipsius proximum fundamentum, nonnisi tamen connotando actionem tanquam conditionem sine qua non: sicut enim applicatio agentis ad passum, non est ratio agendi, nec fundamētum actionis, sed conditio sine qua non; ita & actio non est fundamētum relationis agentis ad passum, sed est conditio sine qua agens actu non est agens nec refertur.

Vuuu 2

Dicen-

*Per senten-
tiam.*

Dicendum est Actionem non constituere agens in ratione principii, sed solum in ratione actualis principii: nam in ratione formali principii constituitur per potentiam actiuam, in ratione autem principii actu, constituitur per actionem. verbi gratia, ignis per potentiam calefactiuam constituitur formaliter in ratione principii actiui, tota enim actiuitas ignis in calefaciendo, est adæquatè à calore, per approximationem autem applicatur ad agendum actu, per actionem verò fit formaliter actu agens. Ex quo patet, actionem cum non constituat agens in ratione formali principii, non esse fundamentum relationis agentis, quia talis relatio fundari debet in ratione principii: quia tamen constituit principium in ratione principii actualis, idcirco spectat ad fundamentum, non solum vt conditio, sed vt ratio aliquo modo constitutiva, quæ dicitur ratio fundandi. Nō tamen idcirco relatio identificabitur actioni: quia relatio debet identificari fundamento, non rationi fundandi; fundamentum autem est principium generatiuum, licet non nisi, vt reductum in actum per actionem, fundetur. Idem dici potest de passione, quæ non constituit passum in ratione formali principii passiui seu receptiui, sed tantum in ratione principii actu recipientis: actualis enim receptio formæ ab agente, est passio. Vnde fit, vt passio requiratur ex parte passi, ad fundandam relationem patientis ad agens: passum enim refertur ad agens, quatenus formam ab agente actu recipit, receptio autem actualis formæ est passio: quocirca passio requiritur vt ratio fundandi relationem ad agens. Denique actio & passio constituunt suo modo terminos harum relationum: Etenim pater verbi gratia refertur ad filium, non tanquam ad hominem præcisè, sed

sed tanquam ad hominem à se genitum : Adam enim & Eva fuerunt homines, quia tamen non fuerunt geniti non fuerunt filij. Porro esse genitum dicit generationem passivam: Requiritur ergo generatio passiva ad constituendum passum in ratione formali termini paternitatis. Nam per humanitatem filius constituitur in ratione hominis, per esse genitum autem in ratione filij, esse enim filium est esse hominem genitum. Similiter filius refertur ad patrem non tanquam ad hominem præcisè, sed tanquam ad hominem generantem, nam si non generasset, non esset pater.

Ex quibus patet actionem & passionem non esse ipsa fundamenta, posse tamen dici conditiones sine quibus non, quæ tamen sint rationes fundandi: quia nisi principium actuum & passivum reducatur in actum per actionem & passionem, non fundabunt relationem realem. Et quamvis actio & passio non sint principia, sunt tamen principiationes & actus quidam secundi principiorum.

Quod si obiicias. Ex hac doctrina sequi transacto actu generationis, non esse amplius relationem paternitatis; quia non esset terminus eius formalis, nempe genitum quatenus genitum. Resp. Non esse paternitatem patris actu generantis (quod omnes fateri debent) sed esse paternitatem patris, qui iam ante genuit; non enim tunc dicitur pater quia generat, sed quia genuit. Neque verò transacta generatione, est nova realis relatio, sed permanet eadem, cum maneant omnia essentialia, nempe fundamentum & terminus: nam terminus est genitus, quia est virtute generantis per actionem præcedentem: quod sufficit, nam illa actio manet in suo effectu.

Obiicies secundo. Sequeretur patrem non definire esse patrem, mortuo filio: quia si pater denominatur pater à generatione quam ante habuit, non quam actu habet, hoc ipsum etiam mortuo filio habet, & sic esset pater filio non existente: Hoc autem est contra naturam relationis, quæ non potest esse, desinente termino. R. Mortuo filio non esse actu patrem, non quòd ei desit aliquid ex patre Patris requisitum, sed quia deest filius ad quem referatur.

Obiicies tertio. Si per Dei potentiam auferatur potentia generatiua à patre, manente filio, adhuc ille homo erit verè pater filij, & tamen non habebit relationem ad filium; quia sublato fundamento tollitur relatio: potentia autem generatiua quæ est fundamentum relationis, sublata est. Ergo & relatio. R. Relationem non posse existere sine fundamento, siquidem est idem realiter cum illo: quare nec relatio paternitatis existeret ablata potentia generatiua; nihil enim esset ratio cuius homo ille referretur ad filium: refertur enim pater ad filium tanquam principium generationis illius, cum ergo tunc careret hoc principio, non haberet quo referri posset. Et sicut sublato termino necesse est tolli relationem, quia nihil est ad quod terminetur relatio: ita etiam sublato fundamento, non est ratio sub qua posset esse relatio. Vnde solum dici tunc posset pater materialiter; non formaliter: quia nimirum esset is qui fuit pater, non verò quòd sit actu pater.

Dices. Ablata potentia generatiua quæ est principium generationis proximum, maneret substantia quæ est principium remotum: posset igitur in hac ratione principij fundari relatio paternitatis. Respondeo. Substantia patris sine potentia generatiua, sicut non est principium suffi-

sufficiens generationis, ita neque sufficiens fundamentum paternitatis: paternitas enim fundatur in ratione principij sufficienti ad generationem; à substantia autem, sine potentia generatiua, nullo modo potest esse generatio.

Quod si quæras. An reproducto patre (quod erit die iudicii) reproducetur relatio paternitatis. Respondedo. Relatio cum non sit quid distinctum à fundamento, non eget alia reproductione sui, sed tantum fundamenti & termini; quare pater & filius reproducti, iterum resument suas priores relationes: sicut si duo alba iterum reproducerentur, resumerent suas similitudines.

An verò relatio reproducta, sit eadem numero, cum ea quæ fuit ante, pendet id ex diuersis de relatione opinionibus. Nam qui dicunt relationem esse rem distinctam à fundamento, consequenter dicunt, resultare distinctam numero relationem à præcedenti: quia quod semel corruptum est, naturaliter idem numero redire non potest. Qui verò tenent relationem non esse distinctam rem à fundamento & termino, consequenter dicere debent, eandem numero relationem redire; quia reproducitur idem numero fundamentum & terminus, relatio

verò nullam rem dicit nouam distinctam

à fundamento & termino.



QVÆ!

QVÆSTIO V.

In quo consistat propria ratio relatiuorum tertij modi.

HÆc quæstio determinanda est ex doctrina ipsius Aristotelis 5. Metaph. cap. 15. docet igitur Aristoteles eo loco quædam esse ad aliud quia referuntur ad aliud ex parte sua per propriam habitudinem & relationem, ut sunt relatiua primi, & secundi modi, quædam dicuntur verò esse ad aliquid non quia referuntur ad alia, sed quia alia referuntur ad ipsa; talia sunt mensurabile, scibile, intelligibile, visibile; Mensurabile enim dicitur mensurabile, quia mensuratur, à mensura & propter relationem mensuræ ad ipsum, non propter relationem ipsius ad mensuram, scibile etiam non dicitur scibile quia refertur ad scientiam, sed quia scientia est de ipso, similiter visibile, & intelligibile.

Quid sit ad aliud dici, & referri ad aliud?

Vbi notandum est primò quòd aliud est relatiuè dici, seu ad aliud dici; aliud referri ad aliud. Nam relatiuè aliquid dici potest siue per propriam relationem ad aliud, siue per relationem alterius ad ipsum; referri verò ad aliud non potest nisi per propriam relationem ad aliud. Relatiua igitur tertij modi, ut mensurabile, scibile, dicuntur relatiuè, seu ad aliud, non quòd referantur ad alia, sed quòd alia referantur ad ipsa; Esse enim scibile est respectu scientiæ esse scibile, non quòd sit aliqua relatio scibilis ad scientiam, sed quòd scientiæ relatio sit ad ipsum; si enim definiatur scibile per relationem scientiæ, definietur esse id de quo est scientia. Ex quo patet ad hunc tertium modum

dum relatiuorum spectare obiecta actionum extrinsecarum, quatenus ab illis denominantur, ut sunt obiecta potentiarum scibile, intelligibile, volibile: Item obiecta denominationum extrinsecarum quæ sunt per modum cuiusdam actionis, ut mensurabile, imaginabile, emibile, vendibile. Mensurabile enim dicitur id quod mensuratur mensurâ extrinsecâ; imaginabile quod per imaginem repræsentatur; emibile, vendibile quod pretio emi vel vendi potest: sic & columna dicitur dextra, quia dextrum hominis est ad illam.

Dices. Hinc sequi relatiua huius tertij modi nihil aliud esse quam dominationes extrinsecas. Respon- *Relatiua tertij modi sunt denominationes extrinsecas relati- na.* deo non esse quasunque denominationes extrinsecas, sed tantum relatiuas, quando nimirum aliquid denominatur extrinsecè ab alio tanquam ad ipsum relato, sicut scibile denominatur à scientiâ tanquam relatâ ad scibile. Nam si denominatio extrinseca sit absoluta (ut esse vestitum, armatum,) non pertinet ad relatiua tertij modi. Non enim ideo quis dicitur vestitus, quod vestis referatur ad ipsum, sed absolute quod habeat vestem.

Notandum est secundo: Multos autores relatiua huius tertij modi appellare relatiua secundum mensuram, & mensurabile; ac si omnia relatiua tertij modi in hac ratione conueniant, & sub ratione mensuræ, & mensurabilis spectent ad tertium modum relatiuorum, cum tamen Aristoteles hoc non dixerit, sed inter alia exempla tertij modi posuit mensurabile, scibile, intelligibile; non comprehendendo sub mensurabili scibile, sed æquè vnum ac alterum ad tertium modum relatiuorum reuocando; quia nimi-

Xxxx rum

An omnia relatiua tertij modi conueniant in ratione mensuræ?

rum æquè omnia ista conveniunt in ratione formali
tercij modi, quæ in hoc tota consistit, ut aliqua di-
cantur relativa, quia alia referuntur ad ipsa, quod æ-
què mensurabili, sicut scibili vel intelligibili conve-
nit. Quanquam exponi hi autores possunt ut so-
lum velint eandem proportionem, quæ invenitur
in mensurabili & mensurâ, inveniri quoque in sci-
bili & scientiâ, intelligibili & intellectu, non quod
scibile in suo esse relativo constituatur per esse men-
surabile.

Quanquam cum hi autores, dicunt scibile esse
mensuram, scientiam mensurabilem; scientia, enim,
inquiunt, mensuratur à scibili, quia talis est scien-
tia, qualem requirit scibile. Id si ad mentem Ari-
stotelis se loqui volunt falluntur. Nam Aristoteles
mensurabile, scibile, intelligibile in eodem ordine
ponit eorum quæ dicuntur ad aliquid ex eo quod al-
ia referuntur ad ipsa, eaque opponit mensuræ sci-
entiæ intellectui.

Si ergo scientia esset mensurabilis secundum Ari-
stotelem ideo esset ad aliquid quia scibile referretur
ad ipsam. Nam mensurabile dicitur mensurabile quia
mensuratur à mensura & propter relationem mensu-
ræ ad ipsam: at scientia non dicitur scientia propter
relationem scibilis ad ipsam, sed è contra. Non i-
gitur ponit Aristoteles scientiam in genere mensura-
bilium nec scibile in genere mensuræ.

*Scibile duplici-
ter sumitur.*

Componi tamen possunt hi autores hoc modo,
scibile dupliciter accipi potest; primo formaliter quo-
ad denominationem scibilis, & sic denominatur sci-
bile

bile

bile à scientiâ quæ est de illo; esse enim scibile est esse
 id de quo est scientia, & hoc modo scientia non sumi-
 tur tanquam mensura scibilis. Secundo sub ratione
 mensuræ ut est mensura scientiæ, scientia enim specifi-
 catur à scibili, & dicitur talis quia est de tali scibili;
 Unde sicut scibilia sunt diuersa, ita & scientiæ. Pri-
 mo ergo modo de scientiâ & scibili hoc loco locutus
 est Aristoteles. Secundo modo loquuntur hi auto-
 res. Porro modus loquendi Aristotelis seruit ad pro-
 positum; vult enim mensurabile & scibile esse relati-
 ua tertij modi, hoc est quæ dicantur relative eo quod
 alia referantur ad ipsa, ut mensurabile respectu men-
 suræ: at scientia ut scientia non est huiusmodi rela-
 tiuum, non enim propter relationem scibilis ad ip-
 sam est relatiua, sed propter propriam relationem
 ad scibile: si tamen scientia sumatur non ut scientia,
 sed ut mensuratur à scibili, optimè dicetur esse relati-
 uum tertij modi, ideo enim est talis vel talis quia
 scibile est tale vel tale, seu quia talem habet men-
 suram.

His igitur prænotatis difficulus est an relatiua *Propositur dif-*
 tertij modi sint verè relatiua, cum an realia. *ficultas*
 mum an prædicamentalia. Videntur primo non esse
 verè relatiua. Relatiuum enim est id quod refertur ad
 aliud: at scibile quia scibile non refertur ad scientiam;
 Esse enim scibile non est ad scientiam referri, sed sci-
 entiam referri ad ipsum, seu de ipso esse scientiam;
 Ergo: Neque dici potest scibile referri ad scientiam
 per eandem relationem extrinsecam qua scientia
 refertur ad ipsum, ut sentire videtur Caietanus.

Xxxx 2: ita

ita ut eadem relatio, & scientiam intrinsecè referat ad scibile, & scibile per denominationem extrinsecam, referat ad scientiam; hoc inquam dici non potest quia, istarum relationum sunt distincti & oppositi termini. Nam relationis scibilis terminus ad quem est scientia, relationis vero scientiæ terminus ad quem est scibile: Ergo non potest esse una eadem relatio scibilis ad scientiam, & scientiæ ad scibile; sunt enim hæ relationes & diuersæ & oppositæ ex terminis.

Secundo non videntur hæ relatiua tertij modi esse realia quia communis doctrina est, relatiua tertij modi ex una tantum parte dicere relationem realem, ex altera parte relationem rationis: Verbi gratia, scientia dicit relationem realem ad scibile, scibile vero dicit relationem rationis, quia fingitur, ab intellectu quasi relatum ad scientiam per modum aliarum rerum denominatarum ab actionibus, cum tamen scibile esse, in re non sit referri ad scientiam, sed scientiam referri ad ipsum.

Tertio videntur hæ relatiua tertij modi non spectare ad prædicamentum relationis, scibile enim denominatur scibile à relatione scientiæ transcendentali, quia denominatur ab actu scientiæ; qui dicit relationem essentialem ad scibile; prædicamentales autem relationes sunt accidentales non essentielles.

Ad hanc difficultatem respondendum est distinguendo. Aliud enim est referri ad aliud, aliud esse relatum & denominari relatiuè, ut enim, aliquid sit relatum non est necesse, ut referatur ad aliud, sed facis est, ut sit tale per relationem alterius ad ipsum; scibile enim verè relatiuè dicitur, quia scibile scientiæ scibile est, & tamen hoc esse relatum scibilis

non

non consistit in relatione scibilis ad scientiam, sed in relatione scientiæ ad ipsum. Ex quo patet scibile esse verè relatiuum tertii modi, etiamsi non referatur ad scientiam constituiturque in esse relatiuo per relationem scientiæ ad ipsum, quia per talem relationem verè se habet ad aliud, quia ratione alterius dicitur tale. Dices hoc modo relatiuè se habere, nihil aliud esse quam esse terminum relationis alterius ex quo sequitur omnes terminos relationum esse relatiua tertii modi. Respondeo. Ad relatiua tertii modi non sufficit terminare relationem alterius ad se, sed præterea requiritur denominatio ab illius termini relatione, ita vt per illam denominationem relatiuum constituatur in esse relatiuo. Nam pater verbi gratia est terminus ad quem relationis filii neque tamen denominatur pater à relatione filii, sed à ratione patris: at vero scibile denominatur scibile à relatione scientiæ, vnde scientia denominatur à sua relatione, quasi actiue habens se ad scibile, scibile vero à relatione scientiæ denominatur quasi passiuè seu quasi id de quo est scientia.

Scibile est relatiuum etiamsi non referatur scilicet ex eo quod scientia referatur ad ipsum.

Quid requiritur ad relatiua tertij modi.

At obiciēs. Primò, videtur scibile posse fundare relationem realem ad scientiam non minus quàm calefactibile ad calefacientem; sicut enim lignum, quia est calefactum habet in se causam & fundamentum relationis realis ad calefacientem; ita scibile quia scitur, habet causam vt referatur realiter ad scientiam. Respondet D. Thom. 5. Metaph. cap. 15. esse discrimen inter calefacientem & scientiam: Nam calefactio est actio recepta in ligno, lignum afficiens, & immutans, vnde est causa ligno vt ordinetur realiter ad ignem calefacientem; scientia vero est actio non transiens in rem scibilem, nec rem illam afficit intrinsecè, aut immutat, sed solum

Xxxx 3

deno-

denominat extrinsecè, quod circa non est causa sufficiens; in ipso relationis realis ad scientiam.

*Scientia licet
extrinseca sci-
bili verè afficit
scibile.*

Sed contra. Primo licet scientia sit extrinseca scibili, verè tamen afficit, & denominat scibile; ergo etiam verè potest fundare relationem. Nam etiam denominatio extrinseca potest fundare relationem, si cetera non desint; duo enim agentia sunt similia in actionibus, licet actio sit denominatio extrinseca. Secundo & si denominatio extrinseca non immutet intrinsecè, immutat tamen extrinsecè, quod satis est ad fundandam relationem.

Aliter ergo responderi potest, solam denominationem extrinsecam non esse sufficientem causam, ut aliqua relatio non sit realis ut probat argumentum; verum ex alio capite hic non potest esse relatio realis, quia relatio realis requirit distinctionem fundamenti, & terminat, in hac relatione idem esset fundamentum & terminus: Nam scientia denominans extrinsecè esset fundamentum simul & terminus relationis scibilis; scibile enim quatenus denominatur à scientia referretur ad scientiam, eiusdem autem ad seipsum non potest esse relatio realis. Adhuc denominatio extrinseca non est causa sufficiens ullius relationis realis intrinsecè. De qua hic agitur.

Obiicies secundo, In scibili inueniri fundamentum relationis realis ad scientiam. Nam causa est fundamentum sufficiens relationis ad effectum: at scibile est causa materialis & obiectiua scientiæ; dat enim materiam scientiæ & suo modo specificat scientiam, ergo potest referri ad scientiam. Respondeo obiectum causam esse scientiæ, quia est causa ut scientia sit de ipso, & ut refera-

referatur ad ipsum, non verò suæ relationis ad scientiam
nec ut ipsum referatur ad scientiam. Deinde hoc non
est esse propriæ causam per veram & propriam causali-
tatem, sed est esse rationem & fundamentum propter
quod possit à nobis concipi per modum causæ.

Ex his igitur sequitur. Primo relatiua huius tertii
modi esse verè relatiua non per propriam relationem
sed per relationem aliorum ad ipsa.

*Relatiua tertii
modi sunt verè
relatiua.*

Secundo esse relatiua realia, non per relationem
propriam ad alia, sed per relationem realem aliorum
ad ipsa. Quod verò de relatione rationis dicitur, id
verum est, quia enim scibile non habet unde fundet
relationem realem ad scientiam; Ideo intellectus ap-
prehendit scibile per modum aliarum rerum recipien-
tium actionem suorum agentium, & refert illud ad sci-
entiam, sed hæc est fictio quædam intellectus, & modus
noster imperfectus apprehendendi res.

Realia.

Tertio sequitur relatiua tertii modi esse prædica-
mentalibus si purè relatiue sumantur. nam nullas dari re-
lationes essentielles. infra demonstrabimus. Neque
verò requiritur ut aliquid sit relatiuum, ut dicat ex
parte sua relationem ad aliud, sed satis est
ut denominetur à relatione alte-
rius ad ipsum.

*Prædicamen-
talibus.*

—(o)—



QVÆ.

DISPUTATIO X.
QVÆSTIO VI.

An in omni re possit fundari relatio.

Difficultas est Primò de Substantia, secundò de relatione, tertio de denominationibus extrinsecis an scilicet in hoc triplici rerum genere possit fundari relatio realis.

Quantum ad Primum. Quidam negant posse in substantia immediate fundari relationem realem. Primò. Quia relatio prædicamentalis est accidens: atqui accidens non potest esse idem recum substantia, relatio verò debet esse idem cum suo fundamento: ergo substantia non potest esse fundamentum relationis.

Secundo. Quia si quæ relatio in substantia fundaretur, ea maxime esset identitas substantiarum, atqui relatio identitatis non est realis; ergo. Minor patet, quia relatio quæ æque convenit extremis actu existentibus, sicut nõ existentibus, non est realis: talis autem est relatio identitatis: Nam Petrus & Paulus non existentes, sunt idem in humana natura, & eiusdem naturæ specificæ; certum autem est hanc relationem identitatis inter terminos non existentes non esse realem; ergo & inter terminos existentes cum utrobique sit eadem relatio, & vnitas specifica in qua fundatur hæc relatio identitatis seu vnitas per intellectum.

*Potest relatio
realis fundari
in substantia.*

Dicendum tamen est posse in substantia immediate fundari relationem realem. Ratio est. Quia id neque repugnat ex parte substantiæ neque ex parte relationis. Ex parte substantiæ quidem; quia sicut aliis naturis ita & substantiæ potest convenire aliqua ex rationibus fundandi, & quidem eodem planè modo quo aliis naturis; ergo

ergo si in aliis naturis est sufficiens ratio ad fundandam relationem etiam in substantia erit sufficiens. Verbi gratia, unitas in quantitate fundat relationem æqualitatis, in qualitate relationem similitudinis: Ergo etiam in substantia fundabit relationem identitatis, maximè cum identitas in substantia nihil aliud sit quàm similitudo in substantia. Ex parte verò relationis non repugnat. Nam si quæ esset repugnantia, ex eo proveniret quod relatio sit accidens substantiæ; accidens autem cum sit extra rationem substantiæ non potest identificari substantiæ; Verùm hæc repugnantia nulla est; Non enim est necesse relationem esse accidens Physicum fundamenti, sed satis est, ut sit accidens logicum quod possit abesse & adesse præter fundamenti corruptionem; ad accidens enim Physicum requiritur, ut sit res quædam distincta ab eo, cuius est accidens & ipsi inhæreat, uti cernimus in quantitate, & qualitatibus, quod relationi non convenit, cum non sit res distincta à fundamento, uti quæstione tertia explicatum est.

Quod si dicas, relationes has fundari in substantia, mediante unitate, quæ est accidens. Respondeo. Relationem non esse necessariò idem cum ratione fundandi, sed cum fundamento; quare & relationes in substantia fundatæ, non est necesse ut sint idem cum unitate, sed cum substantia. Quanquam & ipsa unitas substantiæ est idem cum substantia; Formaliter enim & in re dicit substantiam connotatiuè vero in-
 divisionem, ut docetur in Metaphysica.

Yyyy

Ex quo

Identitas sub-
stantiarum
quid?

Ex quo patet ad primam rationem primæ sententiæ. Ad secundum. Respondeo. Identitatem substantiarum, ut est à parte rei, esse similitudinem substantiarum in essentia, quæ similitudo non minus est realis, quàm aliæ similitudines, in qualitate vel quantitate, neque talis relatio convenit realiter nisi substantiis actu existentibus. Nam substantiæ actu non existentes, non sunt à parte rei similes, sed tantum, ut sunt apprehensæ ab intellectu.

Si verò loquamur non de identitate, similitudinis, sed de identitate conceptus, & rationis genericæ, vel specificæ (quæ est propria identitas essentiarum, tam in substantiis quàm in accidentibus) talis identitas non est relatio realis; tum quia non est inter terminos distinctos, quod requiri ad relationes primi modi infra ostendemus: tum quia est inter terminos non in re sed in ratione existentes; natura enim generica, & specifica non existit in re sed in intellectu per abstractionem.

At obiicies. Saltem hæ relationes non erunt prædicamentales, quia fundantur in unitate quæ est quid transcendente; & vagatur per omnia prædicamenta. Respondeo. Rationem quidem fundandi vagari per omnia prædicamenta, sed non relationem fundatam; Non enim est necesse relationem pertinere ad idem prædicamentum, ad quod pertinet ratio fundandi; alioqui paternitas pertineret ad prædicamentum actionis; & filiatio ad prædicamentum passionis, quia ipsorum rationes fundandi sunt & actio & passio.

Obiici-

Obiicies secundo. Relatio fundata in substantia, effect substantia, quia effect idem cum suo fundamento, quod est substantia: at hoc dici non potest, quia relatio est distinctum genus prædicamenti à substantia, & genera prædicamentorum sunt primo diuersa ita vt de se inuicem prædicari non possint.

Respondeo. Non est necesse prædicamenta distinguere ex natura rei, sed satis est distinguere ratione. Quamuis igitur relatio sit idem re cum substantia, tamen considerari potest, & vt substantia & vt relatio; & quia hæ duæ considerationes ferunt secum distinctos modos afficiendi & denominandi primam substantiam, idcirco ad diuersa prædicamenta spectant: neque necesse est relationem esse accidens substantiæ Physicum, sed logicum, quomodo etiam substantiis conuenit habere se modo accidentis, vt alias dictum est.

Prædicamenta non est necesse ex natura rei distinguere.

Quantum ad secundum sunt tres sententiæ. Prima sententia, negat vniuersæ relationem fundari posse in alia relatione. Ita S. Thom. cum suis prima parte q. 42. art. 1. fundamentum est: quia ratio referendi non referatur, sed est id quo alia referuntur, alioqui daretur processus in infinitum; Cum ergo relatio sit ratio referendi, ipsa non referetur per aliam relationem, sed seipsa. Verum hæc ratio non concludit. Nam dici posset ratio referendi, vt est ratio referendi, & vt quo, non referri nisi seipsa: at si consideretur sub aliis rationibus, vt quod, seu vt res quædam habens suam peculiarem rationem fundandi, & suum peculiarem terminum. nihil prohibet quo minus referri possit & ipsa per

An ex eo quod relatio sit ratio referendi non fundet relationem?

Yyyy 2.

aliam

aliam relationem; similitudo enim albi ut est conuenientia duorum alborum in albedine, est ratio referendi album, ad aliud album, & simul ipsa seipsa refertur ut quo ad eundem terminum, nempe ad album: at quatenus consideratur non ut ratio referendi ad album seu ut res & natura quædam habens conuenientiam cum alia relatione, sic potest ad aliam relationem referri non minus quàm vnum album ad aliud album, quia habet in se causam nouæ & distinctæ relationis, iuxta ea quæ dicta sunt à nobis quæstione prima.

Sententia secunda. Vniuersè affirmat in relatione fundari posse aliam relationem. Ita Scotus cum suis in secundo quæst. 1. distinct. 4. Fundamentum est: Sicut enim aliæ res habentes suas rationes fundandi, sunt sufficientes ad alias relationes fundandas ita & relatio; posita enim causa, necesse est poni effectum. Cum ergo causæ relationum sint communes, tam relationi quàm aliis rebus, ipsa quoque relatio erit communis: sed hæc sententia consequenter quidem loquitur: quia si relatio est res distincta à fundamento habet in se propriam realitatem, quia sufficienter fundare potest aliam relationem, verum nullo modo potest solvere illam difficultatem de infinitis actu relationibus supposita earum distinctione ex natura rei uti quæstione prima demonstrauimus.

Respondet Scotus' loco citato, non dari processum in infinitum, quia est status in secunda relatione. Quod ita probat Scotus'. Nam prima relatio distinguitur à fundamento; quia fundamentum potest

potest esse sine illa, siquidē potest esse sine termino talis relationis; secunda verò relatio non distinguitur à prima, quia prima nō potest esse sine illa, quod autem non possit esse sine illa probat ex eo, quia prima relatio non potest esse sine opposita sibi relatione cum sint simul natura, quę quidem duę relationes sunt fundamentum & terminus secundę relationis: Quia ergo prima relatio non potest intelligi sine fundamento, & termino secundę relationis, consequens est non posse intelligi sine secunda relatione, & sic secunda relatio erit de essentia primę, & ex consequenti non erit distincta essentialiter relatio à prima & sic non procedetur in rationibus in infinitum.

Verum Scotus si quid probat solum probat secundam relationem re non distingui à prima eo modo quo prima distinguitur à suo fundamento; nam fundamentum primę potest esse sine illa, illa autem ita fundamentum secundę est, ut non possit esse sine secunda; non probat autem ratione istas relationes non distingui. Nam cum habeant distincta fundamenta & terminos, necesse est ipsas quoque relationes esse ut minimum ratione distinctas. Vnde saltem sequetur infinitas esse relationes non re, sed ratione distinctas.

Dices probare Scotum primam & secundam relationem non solum esse eandem re, sed etiam eandem essentialiter: quia prima sine secunda non potest essentialiter intelligi. Respondeo. Velle quidem hoc probare Scotum, sed non rectè: primo quia illud fundamentum est falsum; Id sine quo res non potest intelligi non distinguitur essentialiter à re. Patet enim sine termino non posse intelligi relationem, & tamen alia

Yyy 3

est

est. essentia termini, alia relationis. Secundo Falsum: etiam est primam relationem non posse intelligi sine secunda: tum quia prima relatio sufficienter intelligitur secundum suam essentiam, intellectu proprio fundamento & termino, quia ab his tantum duobus in sua essentia dependet: tum quia secunda relatio est quid consequens ad primam; fundatur enim in duobus primis quæ tanquam ad illam consequuntur. Ergo. Tercio Falsum etiam est concepto fundamento & termino non posse non concipi relationem. Nam in conceptu fundamenti & termini secundum se accepti continetur conceptus relationis solum virtualiter non formaliter. Nam sicut relatio est quid consequens ad fundamentum & terminum, non verò est ipsa essentia fundamenti & termini simul; ita & conceptus relationis consequenter se habet ad conceptum fundamenti & termini, ita ut per Dei potentiam possit impediri ne sequatur; sicut essentielles proprietates impediuntur à Deo ne sequantur ad suas essentias.

Est enim relatio medium quid inter fundamentum & terminum nempe habitudo fundamenti ad terminum; potestquè fundamentum concipi, secundum se, sine habitudine ad terminum. Fateor, tamen si concipiatur fundamentum non secundum se, sed respectu termini, non posse non concipi relationem.

Quod si quis dicat. Non repugnare, dari relationes infinitas, non actu, sed potentia distinctas, id

id abunde in prima quaestione à nobis refutatum est.

Tertia sententia est media, quasdam relationes referri seipsis & non fundare alias relationes, quasdam verò referri per alias. ita Ruuius hic secutus Suarium. Secundo Metaph. disput. 47. Sect. 10. Relationes enim si sint sibi oppositæ in ratione termini vna seipsa refertur ad alteram cum ex seipsis habeant oppositionem & distinctionem & diuersitatem; si verò non sint sibi oppositæ per modum termini; possunt ad se referri per aliam relationem. Verbi gratia, paternitas ad filiationem refertur seipsa; seipsa est enim ab ea distincta & illi opposita non per aliam relationem distinctionis vel oppositionis, quia hæ relationes includuntur formaliter vel virtualiter in paternitate: at vero paternitas ad aliam paternitatem non oppositam in ratione termini, non potest referri seipsa, quia illam ex sua essentia non respicit vt terminum neque ad illam essentialiter, sed accidentaliter habet se relatiuè: nam paternitas vt paternitas non respicit aliam paternitatem, sed filiationem. quare etsi respectu filiationis ad quam se habet relatiuè exercet seipsa omnes convenientes sibi relationes; tamen respectu paternitatis, ex sua essentia non habet se relatiuè, sed quasi absolutè. Vnde eget relatione superaddita ad hoc, vt possit referri ad ipsam, nempe relatione similitudinis.

Porro hæc sententia bene soluit illud argumentū de infinitis relationibus, quia tandem venit ad oppositas rela-

relationes in quibus statur & non proceditur ulterius. Verbi gratia, duæ paternitates sunt sibi similes per duas relationes similitudinum, ipsæ verò similitudines sunt sibi similes seipsis, quia sunt sibi oppositæ in ratione termini.

Verum hæc doctrina non est usquè adeo solida & vera. Nam ut quæstione prima demonstrauiamus, in communi relationes oppositæ habent in se rationes fundandi alias relationes, non minus quam quæcunque aliz res: Nam sicut res absolutæ propter vnitatem & convenientiâ in naturâ absolutâ fundât relationes similitudinis ad terminum absolutû, ita & duæ relationes oppositæ propter convenientiam in natura relationis, fundare possunt nouam relationem similitudinis ad relationem oppositam. Neque dici potest similitudines alborum esse sibi similes seipsis, non vero similitudine similitudinum; alia est enim similitudo alborum, alia similitudo similitudinum: Nam illa est similitudo in duabus rebus absolutis; hæc vero in duabus rebus relatiuis. Quamuis igitur ut sint similitudines alborum referantur ad alba seipsis, non per alias relationes tamen ut sunt similes in relatione similitudinis non seipsis referuntur; sed per similitudines similitudinum. Vbi enim sunt distincta fundamenta & termini ibi sunt distinctæ relationes, at similitudo similitudinum habet distinctum fundamentum, & terminum à similitudine alborum, cum in illa fundamentum & terminus sint duæ relationes, in hac vero duo absoluta: ergo similitudo similitudinû est relatio, distincta à similitudine alborum, neq; per eandem relationem res refertur ad terminum absolutum, & ad terminum relatiuû iuxta ea quæ diximus in prima quæstione.

Nos

Nosigitur cum prima sententia dicimus non posse fundari relationem in alia relatione : quia relatio cum non sit res distincta à fundamento & termino non habet unde posset fundare relationem realem, uti quæstione prima explicatum est.

Relatio non potest fundare aliam relationem.

Quantum ad tertium quidam censent non posse fundari relationem realem in denominationibus extrinsecis, Primo: Quia relatio realis debet realiter immutare subiectum non quidem ratione sui, sed ratione fundamenti: at denominationes extrinsecæ non mutant subiectum, sed sine vlla eius mutatione ipsi adueniunt, ut esse visum, esse cognitum, esse volitum; ergo in talibus denominationibus non possunt fundari relationes reales. Maior probatur quia nova relatio non potest aduenire subiecto nisi ratione noui Fundamenti maximè si terminus ante præexistat.

Secundo. Quia proprium est relationum rationis, fundari in denominationibus extrinsecis: Nam, relationes rationis sunt illæ, quæ conueniunt rebus, non ut sunt à parte rei, sed ut sunt cognitæ ab intellectu, cognosci autem ab intellectu, est denominatio extrinseca.

Dicendum tamen est, In denominationibus extrinsecis non posse quidem fundari relationes reales intrinsecas, posse tamen extrinsecas rebus denominatis. Ratio primi est, quia cum relatio sit idem cum fundamento, si fundamentum sit extrinsecum, relatio non potest esse intrinseca. Ratio secundi est, quia formæ quæ possunt secundum essentiam suam, denominare aliquod subiectum, possunt etiam se-

In denominationibus extrinsecis fundantur relationes reales extrinsecæ.

Zzzz

cundum

cundum proprietates illam essentiam consequentes: et dantur formæ extrinsecè denominantes subiecta: ergo & relationes ipsarum essentias consequentes: si enim formæ extrinsecæ habeant se relatiuè ad alia, etiam res ab illis denominatæ habebunt se relatiuè secundum illas. Verbigratia, duo agentia denominantur agentia extrinsecè ab actionibus: si ergo illæ actiones fuerint similes, etiam agentia, secundum illas actiones erunt similia similitudinibus extrinsecis fundatis in actionibus; sunt enim hæ relationes idem re cum suis fundamentis. Cum verò fundamenta sint extrinseca rebus denominatis etiam ipsæ denominationes erunt extrinsecæ rebus denominatis. Nam, quod quidam dicunt dari denominationem extrinsecam absolutam non relatiuam, negandum est, quando relatiua oritur ex absoluta, vt accidit in subiecta materia.

Forma extrinseca quomodo immutat subiectum.

Vnde ad primum respondeo. Forma extrinseca eo modo quo denominat subiectum dici etiam potest illud immutare: afficit autem extrinsecè. Ergo & immutat illud extrinsecè, hoc est, in aliquo esse extrinseco non intrinseco.

Relationes rationis fundata in denominationibus extrinsecis ab actu intellectus sunt intrinseca rebus denominatis.

Ad secundum Respondeo. Relationes rationis quæ dicuntur fundari in denominationibus extrinsecis ab actu intellectus, sunt relationes intrinsecæ rebus denominatis, quæ quia à parte rei non conueniunt rebus, sed finguntur ab intellectu, dicuntur relationes rationis. Idcirco autem non possunt conuenire realiter rebus quia omnis relatio est idem re cum fundamento, hic autem fundamentum harum relationum est in re extrinsecum, relatio vero fingitur intrinseca rebus. non potest igitur dici realis. quod

si &c

Est ipsum fundamentum, hoc est, cognitio fingatur esse intrinsicè in re cognita; iam ex alio capite talis relatio non erit realis, quia habet fundamentum suum.

QVÆSTIO VII.

Qua sit relatio prædicamentalis, & quomodo à transcendentali differat.

Quidem volunt relationem prædicamentalem esse Relatio non est
accidens Physi-
cum. accidentalem, transcendente[m] vero esse essentialem. Sed hi si nomine relationis accidentalis intelligant relationem, quæ sit accidens aliquod Physicum inhærens subiecto, falluntur. Nam nulla relatio est res distincta à fundamento: quare ratione sui non inhæret subiecto, sed solum ratione fundamenti; sicut enim non habet entitatem distinctam à fundamento: ita nec inhærentiam distinctam. Si verò intelligant relationem fundatam in aliquo accidente, ita ut ea sola sit prædicamentalis, quæ est fundata in accidente, quæ verò fundatur in substantia non sit prædicamentalis; tunc non possunt sufficientem assignare rationem; quare relatio fundata in accidente sit in prædicamento relationis, non vero relatio fundata in substantia. Nam æquè una ac altera relatio dicitur rationem formalem distinctam à suo fundamento, propter quam ponitur in distincto prædicamentali genere, ab eo; in quo ponitur fundamentum: Conveniunt etiam utraq[ue] hæ relationes in una communiratione relationis. Unde ad unum & idem genus relationis spectare debent.

Zzzz 2

Nam

Nam si dicas. Relationes fundatas in substantia, esse substantiales & ad substantiæ genus pertinere, dicam & ego relationes fundatas in quantitate & qualitate esse quantitativas, & qualitativas, & ad genus qualitatis & quantitatis pertinere, & sic nulla daretur relatio quæ ponatur in prædicamento relationis, sed omnes ponerentur in prædicamento sui fundamenti. Nam aut necesse est relationem poni in prædicamento fundamenti, aut non est necesse. si primum: omnes relationes erunt in prædicamento sui fundamenti, & sic euacuabitur prædicamentum relationis: si secundum, non erit etiam necesse relationem fundatam in substantia, poni in prædicamento substantiæ, sed æquæ ac aliæ relationes fundatæ in aliis generibus prædicamentorum referri poterit ad commune genus prædicamenti ad aliquid.

At oportet inquirunt Relationem esse accidens siquidem est vnum ex nouem generibus accidentium.

Quomodo relatio sit accidens.

Respondeo. Quâ ratione relationes fundatæ in aliis generibus prædicamentorum sunt accidentia, eadem ratione & relatio fundata in substantia est accidens; Si enim loquamur de relatione formaliter; sic relationem non oportet esse accidens Physicum, sed Logicum: quia potest adesse & abesse à fundamento saluâ eius essentiâ. At hoc eodem modo relatio fundata in substantia, est accidens, quia potest adesse & abesse à substantia. Verbi gratiâ similitudo substantiæ cum altera, ita potest abesse à substantia, sicut similitudo in albedine potest abesse ab albedine. Si verò loquamur de relatione materialiter, secundum ea quæ illi conueniunt ratione fundamenti, sic verum quidem est relationem fundatam in

in accidente esse accidens Physicum, & eam quæ fundatur in substantia non esse tale accidens: verum ratio talis accidentis per accidens planè conuenit relationi; quia non ratione sui, sed ratione alterius. Vnde propter huiusmodi rationem per accidens, non debet arceri relatio fundata in substantia, à prædicamento relationis, maximè quia relatio ratione sui præcisè ponitur peculiare genus prædicamenti, hoc est, ut est quid distinctum secundum suam formalem rationem à fundamento. Cum igitur ratione sui non includat rationem accidentis Physici (hoc enim habet ratione fundamenti) sequitur impertinens esse ad rationem prædicamenti relationis, esse accidens Physicum. Non enim ut inhæret subiecto, sed ut refert subiectum ad terminum, est peculiare genus prædicamenti: potest autem referri ad terminum siue subiecto inhæreat siue sit idem cum subiecto. Quare satis est ut relatio sit accidens Logicè non Physicè, cum ratio formalis relationis non postulet aliam rationem accidentis.

Quod si dicar. Vtrumque requiri ad relationem prædicamentalem, & ut sit accidens Physicè, & ut referat ad terminum. Respondeo. Iam est ostensum primam illam rationem, per accidens facere ad relationem; Vnde non potest nisi per accidens requiri. Ratio enim relationis formaliter æquè saluatur si relatio sit accidens Physicum, sicut si non sit accidens; alioqui huius rei nulla ratio iusta afferri ab aduersariis potest.

Iam verò si relationem accidentalem vocent eam quæ nõ est essentialis, sic verum quidè dicunt, omnem relationem prædicamentalem esse accidentalem, sed ex eo sequitur nullam dari relationem non prædicamentalem, si præcisè sumatur, quia nulla datur relatio quæ sit

*Nulla datur
Relatio non
accidentalis.*

essentialis, cum absolutum, & relatiuum toto genere differant, vt mox ostendemus; & sic mala erit diuisio relationis in prædicamentalem & transcendentalem, hoc sensu acceptam, hoc est in accidentalem, & essentialem, quia nulla est essentialis, sed omnis est accidentalis.

Confirmatur.

Deinde vt rectè argumentatur Vasquez. Relatio illa transcendentalis, si est relatio, est pura relatio, & essentialiter relatio (non enim dici potest relatio nisi essentialiter relationis habeat). at quæ est essentialiter relatio, est relatio secundum esse, ac proinde prædicamentalis. Ergo nulla datur relatio non prædicamentalis.

*Vera sententia
de Relatione
Prædicamen-
tali.*

Alii igitur & melius dicunt, relationem prædicamentalem esse illam, quæ est pura relatio, nec aliquid de alio quocunque genere prædicamenti includit, siue essentialiter siue accidentaliter, vt est paternitas, similitudo, æqualitas; hæc enim nomina sunt imposita ad significandos puros respectus, non verò ad significanda absoluta cum respectibus. Non prædicamentalem, verò relationem esse volunt illam, quæ præter relationem dicit aliquid absolutum. Sic pars dicit relationem ad totum, sed non solam; dicit enim etiam entitatem absolutam quæ est pars sui totius, sic caput, dicitur capitati caput, & manus manuci manus (hoc enim modo Aristoteles iubet fingi nomina ad explicandam relationem istorum) sic etiam scientia dicit relationem adscibile sed vnà cum qualitate. Talis igitur Relatio cum includat absolutum, non potest poni in Prædicamento Relationis: & sic erit Relatio non Prædicamentalis. Quocirca & Aristoteles Relatiua secundum Dici, reiecit à Prædicamento Relationis.

*Qua Relatio
non Prædica-
mentalis.*

Forro

Porro quoddam aliqua relatio includat absolutum, potest id contingere vel quia est de essentia ipsius absolutum, ita ut non possit sine illo absoluto essentialiter concipi, nec absolutum sine relatione, & sic plerique sentiunt de relatione materię ad formam, formę ad materiam, item de relatione scientię ad scibile, & omnino potentiarum, habituum, actuum, ad obiecta. Contra quos infra agemus. Vel quia licet relatio illa non sit essentialis absoluto; tamen tali voce significatur, quę est imposita ad significandum absolutum cum relatione.

Relatio includit absolutum non essentialiter; sed ex impositione.

Vnde non potest significatum talis vocis concipi, nisi concipiatur utrumque; & hoc sensu concedi potest relationem esse de essentia talis significati, licet non sit de essentia absoluti. Sic relatio capitis ad corpus, non est de essentia capitis, ut substantia est, quia caput habet essentiam absolutam de genere substantię, eamque retinet etiam quando definit referri ad corpus, ut si præscindatur à corpore, vel corpus sit penitus consumptum, hæc tamen vox caput, non significat solam substantiam capitis, sed substantiam relatam ad corpus per modum partem; caput enim alicuius corporis caput est; unde essentialiale eius significatum est utrumque; tam absolutum, quam respectivum. Hinc ergo patet relationem puram, esse prædicamentalem, quia nihil includit quod non pertineat ad prædicamentum relationis, non puram verò non esse prædicamentalem; quia includit ens aliquod absolutum, quod non pertinet ad prædicamentum relationis.

At inquit. Et si includat præter relationem rem absolutam; tamen illa relatio distingui potest ab illa re absoluta, & sic distincta pertinebit ad prædicamentum relationis, & erit prædicamentalis. Respondeo. Verum quidem id esse absolute loquendo, non tamen prout

Relatio abstracta ab absolute est Prædicamentalis.

tali voce significatur; caput enim, verbi gratiâ, est relatiuum quiddam, sed tale, vt ex sua impositione significet absolutum, & relatiuum simul: quare stante tali impositione, & significatione talis vocis, non est relatiuum prædicamentale, quia non est purè relatiuum, licet si relatio capitis ad corpus aliâ voce significaretur, puram relationem significante; pertineret ea relatio ad prædicamentum relationis.

Quod etiam fateri velint nolint, debent ii, qui tenent relationes aliquas esse de essentia absolutorum. Nam cum scientia, verbi gratiâ, non sit purè respectus ad scibile, dicit aliquam entitatem absolutam præter respectum; nisi enim vtrumq; diceret formaliter; esset vel purè absolutum ens, vel purè respectiuum; at quia est partim absolutum, partim respectiuum, distingui in ea possunt duæ rationes, altera absoluta, altera respectiua; nam absoluta formaliter non est respectiua, neq; respectiua formaliter est absoluta, cum definitionibus & quidem oppositis distinguantur. Quatenus igitur respectiua, pertinere formaliter debet ad prædicamentum relationis, vti & ceteræ relationes formaliter sumptæ: Et ita Aristoteles in cap. de Qualitate in fine docet: relationem scientiæ debere poni in ad aliquid, ipsam verò scientiam in qualitate.

Nam quod dicunt, illud absolutum esse etiam respectiuum, & illud respectiuum esse etiam absolutum, si id intelligant identicè, & materialiter, verè & consequenter loquuntur in sua sententia: Si verò intelligant formaliter, nec verè, nec consequenter loquuntur. Non verè; quia absolutum, qua absolutum, & respectiuum distinguuntur formaliter; quia habent distinctas definitiones, & sic vnum, formaliter non est aliud: non consequenter

quenter; quia sicut rationale in homine est idem cum animali, non tamen est de essentia animalis; quia non constituit animal in ratione formali animalis, sed utrūq; est de essentia hominis, qui ex utroq; constat: ita relatiuum si sic idem cum absoluto, non ideò est de essentia absoluti, sed solùm est de essentia conflati ex absoluto & respectiuo. Non enim relatio constituit absolutum in ratione absoluta, cùm absolutum nō sit absolutum propter relationem formaliter, sed potius propter non relationem; illud enim dicimus absolutum quod non refertur, vel omnino, vel sub aliqua ratione. Quare relatiuum, semper est extra rationem formalem absolutam, & solùm pertinet ad rationalem formalem conflati ex absoluto & respectiuo, vti ex istorum sententia deducitur.

Iam verò si quæras: An omnis relatio non prædicamentalis sit transcendentalis, quidam enim vniuersè ita loquuntur. At multò meliùs alii negant, quos hic sequitur Ruuius & Toletus. Nam transcendens illud dicitur, quod vagatur vel per omnia, vel per aliqua prædicamēta, vt apparet in ente, vno, bono, vero, eodem, diuerso, accidente; at non omnes relationes non prædicamentales vagantur per omnia, vel aliqua prædicamēta: non igitur dici possunt transcendentales. Minor patet. Relatio enim sciētiae ad scibile, inuenitur solùm in qualitate, relatio capitis, in sola substantia, relatio potentiarum, habituum, actuum, ad obiecta, in sola qualitate.

Non omnis Relatio non Prædicamentalis, est transcendentalis.

Nam sunt quædam relationes quæ fundantur in re propria vnius prædicamenti, vt ex quæ sunt nominatæ; sunt verò alia quæ fundantur in re communi multis, vel omnibus prædicamentis, vt relatio inhærentiæ fundatur

A a a a

datur

datur in ratione accidentis, communi omnibus generibus accidentium; similiter relatio dependet à Deo, non fundatur in certo aliquo genere entis, sed in communi in ratione entis creati, siue sit substantia, siue accidens: Relationes igitur primi generis, neque sunt prædicamentales, quia includunt absolutum spectans ad Prædicamentum Absolutum, non ad Prædicamentum Relationis: suntq; Relatiua secundum dici; neque transcendentales, quia non sunt communes multis generibus prædicamentorum.

Relationes essentialis ponitur in Prædicamentis Absolutis, tenet Ruuius.

Quoniam Ruuius hic q. 5. tenet relationes habituum & potentiarum, esse prædicamentales, quia ponuntur in prædicamento qualitatis, cum sint de essentia dictarum qualitatum.

Quocirca secundum hanc sententiam non omnes relationes quæ sunt essentialis absolutis dici debent aut possunt transcendentales.

Relationes verò secundi generis, sunt transcendentales, quia cum includant aliquid præter relationem, non sunt prædicamentales, & quia includunt res diuersorum prædicamentorum, & vagantur per multa prædicamenta, sunt transcendentales; hæc enim duo ad rationem relationis transcendentalis requiruntur.

Dices Relationes transcendentales & si ut dicuntur tam absolutum, quam respectuum non pertineant ad prædicamentum relationis: tamen ut illæ relationes præscinduntur ab absolutis, sic possunt spectare ad prædicamentum relationis; præscindi autem possunt, quia non sunt de essentia absolutorum, ut probabitur. Respondeo: Concedendo totum. Nam relationes transcendentales ideo non spectant ad prædicamentum relatio-

Relatio transcendentalis præscinditur ab absoluto est Prædicamentum.

relationis, quia includunt præter relationes, res diuersorum prædicamentorum, quæ non possunt reponi in prædicamento relationis: Si ergo sumantur præcisè ut abstrahunt à rebus diuersorum prædicamentorum, reponentur in prædicamento relationis. Ratio est: Quia in prædicamento relationis, ex sententia Aristotelis reponuntur omnia relatiua secundum esse, solùmque excluduntur relatiua secundum dici, ut patet ex definitionibus relatiuorum datis ab Aristotele: atqui à relatiuis transcendentalibus præscindi potest pura ratio relatiuorū, non includens vllam rationem absolutam, eritque relatio secundum esse: Ergo talis relatio spectabit per se ad prædicamentum relationis; siquidem omnis pura relatio spectat ad prædicamentum relationis.

Confirmatur primo. Quia si aliqua relatio non diceret rem vllam absolutam, certè nec esset transcendentalis, nec non prædicamentalis: quia relatio quod sit non prædicamentalis, non habet hoc ex essentia sua, sed ex inclusione alterius rei non pertinentis ad prædicamentum relationis. Hac enim de causa Aristoteles exclusit à prædicamento relationis relatiua secundum dici, quod præter relationem includerent aliquid aliud: Ergo si relatio per præcisionem intellectus liberetur ab inclusione alterius entitatis, eo ipso, nullum habebit impedimentum quominus sit in prædicamento relationis.

Confirmatur secundo. Quia relatio per hoc quod est de essentia absoluti, non mutat, nec perdit naturam relationis; alioqui non faceret rem illam referri ad Terminus: Cur igitur illa ratio relatiua integrè præscindi non possit, & effici purè relatiua per intellectum?

Aaaaa 2.

Estque:

Estque hæc sententia certò Aristotelis, qui relatiua prædicamentalia definiuit esse relatiua secundum esse. relatiua autem secundum esse sunt illa, quæ nihil aliud præter relationem dicunt. Vult ergo Aristoteles, omnia illa relatiua esse prædicamentalia, quæ non inuoluunt rem alterius prædicamenti. Si verò idem sit simul relatiuum & absolutum vt scientia: voluit relationem separari ab absoluto & reponi in Prædicamento Adali- quid, vt ex vltimis verbis in Cap. de Qualitate manifesto est.

*An tollida Re-
lationes tran-
scendentales.*

Sed instabis. Hac ratione tolli omnes relationes transcendentales. Nam si potest semper præscindi relatio ab absoluto, talis relatio secundum essentiam erit prædicamentalis. Respondeo. Si relationes transcendentales illæ intelligantur, quæ sunt essentielles absolutis: tales relationes nec antiquitas agnouit, neque nos agnoscimus, vt ex quæstione sequenti patebit. At si relatio transcendentalis sit, idem quod relatio secundum dici, includens aliquod absolutum transcendens, tales relationes non negamus. hoc solo addito, quod non omnis relatio secundum dici, appellari debeat transcendentalis, sed ea solùm quæ vagatur per multa Prædicamenta vt Accidens. Nam aliis, quæ in vno tantum Genere Prædicamenti versantur, nulla ratione conuenit talis appellatio. vt paulo antè ex Toletò & Ruuiò ostendi. quæ enim vno Genere Prædicamenti continentur non transcendentia sed prædicamentalia dici debent. Quare illa solùm Relatio secundum dici, transcendentalis vocari poterit quæ includit absolutum aliquod transcendens, vt est relatio Accidentis, causæ, creaturæ, &c. quæ verò includit absolutum ad vnum tantum Genus Prædicamenti spectans, nullo iure dici potest transcendentalis.

*Qua relatio di-
ci potest tran-
scendentalis.*

dentalis. Si verò præcindatur ab absoluto: talis relatio erit prædicamentalis. vt in fine Capituli de Qualitate docet Aristoteles, & cum eo Toletus, Alexander, & alij interpretes illius loci. Vnde patet Relationem talem non secundum essentiam dici Transcendentalem; cum per se ad Prædicamentum Ad aliquid spectet: sed per accidens ratione Absoluti transcendentalis, quod includit, vt illo nomine significatur. Nam simili ratione Relatio secundum Dici, abstracta ab absoluto, definit esse, secundum Dici, & fit Relatio secundum Esse, & Prædicamentalis.

Notandum verò est Aristotelem duplicia Relatiua statuere. alia secundum dici: alia secundum esse. Illa dicuntur quidem relatiue, tamen essentia illorum non consistit in illa relatione; sed in natura absoluta abstracta relatione. Sic caput dicitur quidem relatiue. Oportet enim caput alicuius esse caput; tamen essentia capitis non est relatio ad aliud, sed substantia, ad quam consequatur relatio partis ad totum. Vnde Aristoteles ait, posse quem cognoscere definitè substantiam capitis, etiam si ignorer definitè, cuius illud caput sit, & ad quod Totum referatur. *Relatiua secundum dici.*

Notandum est secundo. Dupliciter aliquid dici relatiue ad aliud: Primò formaliter, ratione sui, verbi gratia, caput secundum quod caput est, alicuius caput est. Secundò non ratione sui, sed vt substantia alicui rationi, per quam refertur. Sic inquit Aristoteles, bos vt bos, non dicit formaliter esse alicuius, sed solum vt est possessio, dicitur esse alicuius. Possessio enim est alicuius possessio. Esse verò bouem, formaliter non est esse alicuius. Nam si nullus sit possessor, bos erit bos, & tamen non erit alicuius.

*Regula cognō-
scendi rationē
formalem cu-
m libet res.*

Vt verò certò constet, sub qua ratione formaliter aliquid sit relatiuum, dat pulchrā regulam Aristoteles. Id enim quo solo posito, & omnibus aliis ablatis, dicitur res illa relatiuè ad aliud, illud est ratio formalis referendi rem illam ad alterā: similiter id quo solo ablato, & omnibus aliis positis, non est relatio, non est ratio formalis referendi. Id quod verum est tam ex parte rei relatæ, quam ex parte termini ad quem est relatio. Dat exemplum Aristoteles de Domino & seruo. Ablatis enim omnibus accidentibus à Domino, & solùm relicto hoc, quod est Dominus, seruus refertur ad dominum, idcirco seruus refertur ad dominum formaliter vt dominus est; non refertur autem ad hominem formaliter, quia illo solo posito, & ablato quod sit dominus, nō referetur seruus ad ipsum. Sic & ala ad auem non refertur formaliter vt auis est, sed vt alata est. Nam etsi non sit auis, sed animal quadrupes, dummodo alatum sit refertur ad illā ala. Monet igitur Aristoteles, conueniēter assignari debere correlatiua, hoc est, formaliter secundum regulam datam, ita vt si terminus formalis relationis conuenienter assignari non possit, nisi fingatur nomen; & dicatur, ala, alati ala; temo temonati temo; caput capitati caput. Sic enim formaliter & propriè significabuntur termini relationis.

*Relatiua secundum
esse.*

Notandum est tertio. Relatiua secundum esse dici relatiua, quia eorum essentia non est alia, quàm relatio. Sic paternitas nihil aliud dicit præter relationem ad filium. Filiatio relationem ad patrem, similitudo relationē ad aliud simile. Relatiua verò secundū dici dicuntur quidē relatiuè, sed essentia illorū est quid aliud præter relationē: & ideo non sunt relatiua secundum esse.

Quod si dicas Relatiua secundum esse, præter esse
adi

ad, dicere esse in. Nam sunt & in subiecto, & referunt subiectum ad terminum. Respondeo. In nostra sententia, quæ relationes non distinguit re à fundamento, relationem non esse quid inhærens ratione sui, sed ratione fundamenti. Nam cum sit id eum fundamento, non inhæret fundamento. Id enim quod inhæret, necesse est distinguere ab eo cui inhæret; mediante verò fundamento accidentali, inhæret quidem relatio subiecto, sed fundamenti, non sua propria inhærentia. Quare hæc inhærentia est extra rationem formalem relationis. Vnde relationes quæ fundantur in substantia, nullam inhærentiam dicunt nec immediatam, nec mediatam. In sententia verò opposita, quæ distinguit relationem realiter à fundamento, inhærentia convenit relationi ut accidens est; seu ut est relatio accidentalis. Cum igitur, secundum ipsos hæc duæ rationes in relatione constituant formaliter essentiam relationis accidentalis: utraque est de essentia relationis, & ex consequenti ratio propria relationis præscindi non potest in suo conceptu formali, à ratione accidentis.

Alij verò respondent. Relationem prædicamentalem esse purā, non quocumque modo, sed solum respectu termini, quia nimirum respectu termini non exercet aliud officium, nisi referendi; ad differentiam aliarum relationum, quæ respectu termini exercent, præter officium referendi, alia quoque officia, ut scientia non solum dicit relationem ad scibile, sed etiam actum cognitionis circa scibile. Non putant autem obesse relationi puræ, si dicat aliquid aliud præter relationem, sed non ad terminum. Sed isti falluntur. Nam relatiua, secundum dici, respectu termini dicunt puram relationem, quia tamē præter relationem, dicunt etiam aliam rem absolutā, reijciuntur à prædicamento

mento relationis. quia in prædicamento relationis non possunt poni ullæ res absolute; ut cùm caput ad capitatũ refertur, vel ala ad alatum.

Quod si quæras stando in istorum sententia. An relatio ut accidens est, sit in prædicamento relationis, vel solum relatio ut relatio? seu ut dicit esse Ad. Relatio enim ut accidens est, non est formaliter relatio, ac ex consequenti non est formaliter in prædicamento relationis: quod verò nõ est formaliter relatio, non est formaliter in prædicamento relationis.

Relatio ut accidens est, ad quod prædicamentum spectat.

Respondeo. Accidens sub ratione accidentis esse, quid transcendens prædicamentũ, nec pertinere ad prædicamenta, sed esse supra prædicamenta: relatio verò inherentiæ quam dicit Accidens ad subiectum, etsi ut transcendentalis est, & non pura relatio, non pertinebit eodem modo ad Prædicamenta, tamen si præscindatur ab omni alia re absoluta, pertinebit ad prædicamentum relationis, sicut omnis alia relatio transcendentalis præcisa eodem modo pertinet.

Obiici etiam potest. Relatiuum secundum dici esse etiam secundum esse, Dicit enim sequitur ad esse. Respondeo Aristoteles relativa appellat secundum dici tantum, quæ relatiue dicuntur, sed non sunt secundum suam essentiam relatiua; relatiua verò secundum esse, appellat ea, quæ sunt secundum totam suam essentiam relatiua: quare etsi dici sequatur ad esse, non tamen omne dici ad omne esse. Nam quædam dicuntur talia solum accidentaliter, & denominatiue, quædam verò essentialiter. Relatiua ergo secundum dici, cùm non sint essentialiter relatiua, sed absoluta, dicuntur tantum denominatiue relatiua: relatiua verò secundum esse, sunt essentialiter relatiua, quia tota illorum essentia est relatiua.

Dici quomodo sequatur ad esse.

relatiua. & hoc sensu dici & esse opponuntur; sicut dici accidentaliter, & esse essentialiter.

Ex his omnibus concludo primò, Relationem prædicamentalem esse relationem puram, hoc est, nullam rem absolutam includentem. Nam Aristoteles relatiua secundum esse, solum voluit pertinere ad prædicamentum relationis; relatiua autem secundum esse dicunt puram relationem.

Relatio Prædicamentalis est pura Relatio.

Vnde non idcirco relatio est prædicamentalis, quia est accidens, sed quia est pura relatio, neque ullam aliam rem non pertinentem ad prædicamentum relationis inuoluit. Esse verò accidens, per veram inhærentiam, neque conuenit relationi per se, & ratione sui, sed ratione fundamenti, neque in ratione formali relationis includitur.

Concludo secundò. Relationem transcendentalem esse relationem non puram, hoc est, quæ præter relationem includit aliquam rem absolutam transcendentem, & pertinet ad Relationes, secundum dici: Differt verò relatio transcendentalis à prædicamentali, nõ ratione relationis formaliter, sed ratione rei absolute in relatione inclusæ: Nam si præscindatur relatio ab illa re absoluta, per se spectabit ad prædicamentum relationis, & ex transcendentali fit prædicamentalis, vti explicatum est.

Relatio transcendentalis quæ

Differt à Prædicamentali.

At obiicies. Relatio prædicamentalis, est idem cum suo fundamento, & illud includit: Fundamentum autem est quid absolutum: Ergo relatio prædicamentalis includit aliquid absolutum, & ex consequenti erit transcendentalis. Respondeo. Relatio includit quidem suum fundamentum, sed relatiuè tantum, vti

Obiicitur.

Soluitur.

B b b b b

habet

habet ad terminum, non verò absolutè, ut in se est: hoc autem modo includere fundamentum, non est dicere aliquid præter relationem, sed ipsissimam relationem: Nam relatio nihil aliud est, quam fundamentum respectu termini se habens, hoc vel illo modo.

QVÆSTIO VIII.

An dentur aliqua relationes essentialis absolutis.

Est sententia multorum recentiorum cum Caietano de Ente & essentia cap. 7. quæst. 15. dari aliquas relationes essentialis quibusdam rebus absolutis, ut est verbi gratiâ, relatio accidentis ad subiectum, potentia & habitus, & actus ad obiectum, materia ad formam. Volunt igitur isti relationes esse complementum essentialis naturarum absolutarum, ita ut neque naturæ absolutæ sine relatione, sint quid completum in esse absoluto, neque relatio sine absoluto sit quid completum in esse relatiuo, sed utrumque concurrat ad completandam essentialiter vnâ naturâ; alioqui si essent completa ratio absoluti, & ratio relatiui in suo genere, non posset ex illis constitui vna essentia; ex duobus enim entibus completis, non fit vna essentia, quod est primum principium in Philosophia. Hanc sententiam defendunt Suarius in sua Metaphysic. Disputat. de relatione, & Ruuius hic quæstione 5. Fonseca. Combricenses, & alij recentiores.

*Authoritas A.
responso.*

Probant autem hanc sententiam primo authoritate

tate

tate Aristotelis, 2. de anima. text. 33. qui ait essentiam specificam potentiarum sumi ab actibus, & obiectis; quod non potest ita intelligi quasi obiecta sint de essentia potentiarum, (sunt enim re distincta à potentiis) sed quod ordo ad obiecta sit de essentia potentiarum. Similiter Aristoteles 4. Metaphys. text. 2. docet, Accidens ideo esse ens, quia est entis ens, hoc autem est, accidens non aliâ ratione esse ens, nisi per respectum ad substantiam, à qua dependet in ratione entis. ergo respectus ille est de essentia accidentis; accidens enim est ens essentialiter, quare & respectus per quem constituitur in ratione entis, erit ei essentialis.

Secundo ratione. Id sine quo aliquid intelligi non potest, est illi essentialē: atqui multa entia absoluta sine relatione intelligi non possunt: ergo relatio est de illorum essentia. Maior est certa. Sicut enim res se habet ad esse, ita & ad cognosci: si ergo sine aliquo res potest esse, potest & cognosci; quod si non possit cognosci sine aliquo, non potest etiam esse. Nequē potest dari instantia de relatione, quæ non potest esse, & intelligi sine termino, & tamen terminus non est de eius essentia.

Nam relatio propriè loquendo in se ipsa, & in sua intrinseca ratione, est sine termino: quia in sua intrinseca ratione illum non includit, & distinguitur ab illo realiter, & essentialiter, solumque dicitur non esse sine termino; quia non est sine ordine ad terminum, qui ordo ad terminum est ipsa essentia.

B b b b b 2 . . . rela

relationis. id quod alij aliis terminis exponunt; relationem non posse esse, sinè termino in obliquo, quia est ad terminum: posse verò in recto, quia relatio non est terminus. Id igitur sine quo res intelligi non potest, si spectet ad rem illam in obliquo tantum, non est de essentia ipsius, at si spectet in recto, est de essentia. Semper tamen siue ipsum, siue respectus ad ipsum, est de essentia rei, si illa res sinè eo intelligi non potest. In subiecta verò materia, cum absolutum non possit in sua intrinseca ratione & essentia intelligi sinè respectu, simpliciter erit de essentia absoluti; quia respectus ille non potest in obliquo, sed tantum in recto, spectare ad essentiam absoluti; non enim ordo ad respectum, sed ipse respectus secundum se spectabit ad essentiam absoluti. Minor verò argumèti probatur Inductione in supra dictis relationibus. Scientia enim est res absoluta, quia est de prædicamento qualitatis, quod est genus absolutum, nec consistit in puro respectu; nullus enim purus respectus est qualitas: quare si scientia est qualitas, non ratione puri respectus, sed ratione alicuius rei absolutæ erit qualitas; & tamen scientia non potest intelligi nisi cum ordine ad obiectum; si enim est scientia, alicuius scibilis est scientia: ergo de essentia scientiæ est ordo, & respectus ad scibile. Idem dici potest de accidente, cuius relatio ad subiectum saltem aptitudinalis est illi essentialis: quia non potest intelligi accidens, esse accidens, nisi respectu alicuius subiecti; omne enim accidens, alicuius est accidens, accidit enim alicui.

Responderi potest. Cum Scoto, Accidens dupliciter sumi posse: primò pro natura fundante respectum accidentis ad subiectum: Secundò pro natura affecta illo

illo respectu: primo modo, respectum non esse de essentia accidentis: posteriori verò modo, esse de essentia. hoc autem nihil aliud est, quàm respectum esse de essentia conflati ex absoluto & relativo, quomodo omnis relatio est de essentia compositi, conflati ex fundamento, & relatione. Nam de essentia albi similis est & albedo & similitudo, cùm, si vel albedo desit, vel similitudo, non possit intelligi album simile. Sed hæc responsio refellitur: non enim solum secundo, sed etiam primo modo accidens non potest intelligi sine respectu ad subiectum. Nam vel tunc habet aptitudinem, ut insit subiecto, vel non habet: Si habet, habet & respectum, quia aptitudo illa vel est respectus ad subiectum, vel sine respectu intelligi non potest; si non habet, non erit aptum esse in subiecto, & ex consequenti non erit accidens; id enim quod non est aptum esse in subiecto, non est accidens.

Secunda sententia est communis antiquorum Peripateticorum. Nullam relationem esse de essentia absoluti, sed omnes illas relationes quæ putantur essentiales, fundari in essentia absoluti, & esse proprietates ad illam consequentes. Quæ sententia ut explicetur, ostendendum est quid de hac re Aristoteles senserit, quid veteres Philosophi. Tum erit firmis rationibus comprobanda.

*Aristotelem nullas agnovisse relationes
essentiales §. 1.*

Ac in primis hanc sententiam fuisse Aristotelis minime dubitari potest. Is enim cum aliquot in locis can-

B b b b b 3 dem

dem quaestionem proposuisset, semper ita resoluit ut negaret ullam rem absolutam esse essentialiter ad aliquid. Imò si quæ ratio inueniatur in re absoluta, eam non ad illud genus absolutum, sed ad genus ad aliquid referendam esse docuit.

*An Qualitas
secundum Ari-
stotelem sit ad
aliquid.*

*Intentum Ari-
stotelis.*

Nam in primis in capite de Qualitate ultimo loco eam quaestionem mouet. An aliqua qualitas sit ad aliquid. cuius quaestionis, nobis sensus est, an scilicet accidentaliter aliqua qualitas sit ad aliquid; de hac enim re nemo dubitat. Neque Aristoteles negare poterat hoc sensu qualitatem esse ad aliquid: cum alibi expressè doceat in qualitate fundari multas relationes accidentales; imò in hoc ipso loco immediatè ante docuit Proprium qualitatis esse ut secundum eam simile vel dissimile aliquid dicatur. Sensus igitur est, an secundum suam essentiã aliqua qualitas sit essentialiter ad aliquid. Id quod etiam ex ratione dubitandi, quam introducit, patet. Habitus enim (inquit) & dispositiones ad aliquid dicuntur; & in particulari de scientia id dicitur, scientia enim alicuius scibilis scientia dicitur. Hæc exempla sunt ex earum qualitatum genere, quæ essentialiter esse ad aliquid existimantur. Quare non est dubium de talibus relationibus velle inquirere, quæ sint de essentia qualitatum.

*Responsio Ari-
stotelis.*

Respondet igitur ad Quaestionem negative, cum ait non debere nos conturbari, quod inter qualitates, ea quæ sunt ad aliquid, connumerata sint eo quod habitus, qui videntur esse ad aliquid, sint numerati in prima specie qualitatis. Absurdum igitur reputat Aristoteles in qualitate poni, id quod est ad aliquid. At si qualitas essentialiter sit ad aliquid; ut authores primæ sententiæ volunt; non solum id absurdum non esse, sed necessa-

necessarium planè. Si enim habitus secundum suam essentiam in qualitate poni debet, & relatio sit eius essentia: necessario quoq; relatio & ad aliquid, in qualitate ponenda esset, & maxime conturbari nos oporteret. Quod in qualitatibus ea quæ sunt ad aliquid, sunt numerata, permiscendo summa rerum genera. Porro duas affert rationes propter quas dictæ qualitates, non sunt ad aliquid, quæ ostendunt dictas qualitates accidentaliter non essentialiter ad aliquid esse.

*Rationes Art.
Boetius dua.*

Prima est. Quia scientia, inquit, in genere tantum dicitur ad aliquid, in specie autem & in singulari non dicitur esse ad aliquid. Dicimus enim scientiam esse alicuius scibilis scientiam, eam tamen Grammaticam, quæ est species scientiæ; esse alicuius Grammaticam nõ dicimus. Cum igitur scientia in specie & in singulari non sit ad aliquid, signum est, scientiam in genere non essentialiter sed accidentaliter ad aliquid dici: tum quia scientia in specie, est magis scientia quàm in genere; magis enim scimus cum singularum rerum habemus scientiæ quàm cum in genere tantum: Si ergo ea relatio esset essentialis scientiæ magis esset essentialis scientiæ in specie: quod cum non ita se habeat sequitur neq; scientiam in genere id convenire essentialiter. Certum enim est quia quæ essentialiter conveniunt generi, conveniunt quoq; essentialiter speciebus. Porro scientia ideo dicitur accidentaliter ad aliquid, quia hoc nomen scientiæ impositum est ad significandam qualitatem, vna cum relatione ad scibile. Nomen autem Grammaticæ solum est impositum ad significandam purè qualitatem vç est quid absolutum.

Altera ratio est quandocunq; inquit, contingit, idem ipsum, & quale, & ad aliquid esse: nihil inconueniens

1.

2.

Secundum Aristotelem Relatio scientia ad scibile in Prædicamento Ad aliquid pertinetur.

niens est in utrisque hoc generibus enumerare; qualitatem scilicet in genere qualitatis, ad aliquid autem in genere ad aliquid: quare & ea relatio quæ in scientia cernitur secundum doctrinam Aristotelis, non in qualitate (ut isti volunt) sed in ad aliquid erit reponenda. Unde sequitur eam relationem non esse de essentia qualitatis: Nam genera prædicamentorum essentialiter distinguuntur, nec vnum de alio dicitur essentialiter. at si relatio aliqua esset de essentia qualitatis in qualitate poni deberet, in qua ponitur tota illius qualitatis essentia. Imo & qualitas eadem ex causa poni deberet in Prædicamento. Ad aliquid utpote eius essentiam constituens.

Responsio Adversariorum.

Non habent quod respondeant adversarii, nisi Aristotelem non de omni relatione scientiæ esse locutum, sed tantum de accidentali & prædicamentali. Distinguunt enim duplicem relationem in scientia, vnam essentialem, secundum quam scientia speciem suam sumit à scibili: aliam accidentalem secundum quam scientia commensuratur & adæquatur scibili. Hanc autem commensurationem aiunt, non habere scientiam, nisi quando scibile existit, ac proinde accidentaliter.

Refellitur.

Verum satis infirma est hæc evasio. Neque enim Aristoteles quæstionem posuit de aliqua solum relatione sed de omni prorsus quæ habitibus & scientiæ inesse videtur, imò magis de illis relationibus quæ sunt magis intimæ & ad essentiam qualitatum pertinere videntur: magis enim conturbare nos istæ, quam aliæ possent, propter eas enim habitus videntur esse ad aliquid, cum sint illis essentielles. Ac proinde magis ad eas erat dirigenda responsio. Neque etiam Aristoteles rectè respondit ad quæstionem, absolute negando, si solum de aliqua

aliqua & non de omni relatione respondisset; maneret enim insoluta difficultas; & quidem ex maiori parte; si quidem darentur relationes non quaecunque, sed quæ essentialiter essent, & propter quas præcipuè Qualitas videretur esse ad aliquid. Et sanè si aliquid cognovisset Aristoteles de istis relationibus essentialibus, credibile non est quin vllas excepisset, cum id ad solutionem quaestionis esset necessarium, & non ita absolute pronunciasset, Qualitates non esse ad aliquid, potius enim pronuntiandum absolute fuisset, Qualitates quasdam esse ad aliquid, quia essentialiter sunt ad aliquid.

Id ipsum rationes Aristotelis vrgent. Nam ideo docet nos non debere perturbari; quia aliquæ qualitates videntur esse ad aliquid, tum quia solum in genere sunt ad aliquid, non in specie: tum quia qualitates quatenus sunt ad aliquid, non ad genus qualitatis, sed ad genus ad aliquid spectant. Hæ autem rationes supponunt nullam relationem essentialiter esse in istis qualitatibus; alioqui & in specie illis conueniret, & non ad genus ad aliquid, sed ad genus qualitatis spectaret.

Denique Difficultas quam mouet Aristoteles, præcipuè est de illis qualitatibus quæ videntur esse essentialiter ad aliquid vt sunt habitus, & scientiæ quæ videntur non posse intelligi sine respectu ad aliud. Nam de aliis satis constat, quod accidentaliter sint ad aliquid, imò immediate ante dixerat proprium qualitatis esse vt secundum eam dicatur aliquid simile vel dissimile, quæ sunt relationes: cum ergo ad quaestionem responderet negativè, consequens est, de iis relationibus respondere, quæ ad essentiam qualitatum spectare videbantur.

Secundo eandem quaestionem mouit Aristoteles in cap. de ad aliquid. An nimirum substantia aliqua

Substantia non sunt essentialiter ad aliquid.

Ccccc

fit

fit ad aliquid. videntur enim, inquit, quædam secundæ substantiæ esse ad aliquid, vt manus alicuius dicitur manus, & caput alicuius dicitur caput. Nam de primis aut certum esse nec ipsas nec partes ipsarum esse ad aliquid. Ad hanc quætionem responderi Substantias dici ad aliquid non esse ad aliquid, & conuenire illis Definitione Relatiuorum, secundum Dici, non secundum esse. Quod quid aliud est quàm dicere substantiam accidentaliter non essentialiter esse ad aliquid? quia in nulla substantia idem est esse substantiam, quod ad aliquid se habere; quare dicitur solum ad aliquid, non autem esse essentialiter ad aliquid.

Quæ responsio si vera est euertit omnes relationes essentielles. Nam in iis idem est esse substantiam, quod ad aliquid se habere, siquidem de essentia substantiarum est ad aliquid se habere. Atqui Aristoteles negat hoc modo substantias esse ad aliquid, id est secundum esse, ita vt in eis idem sit esse quod ad aliud se habere. Ergo negat substantias essentialiter referri ad aliquid, sed solum ait referri secundum dici non secundum esse; ita vt in iis aliud sit dici relative aliud esse simpliciter, sicut aliud est, esse capitis substantiale, aliud relatio ipsius ad corpus.

Materia quomodo ad aliquid.

At inquires. Aristotelem 2. Phys. tex. 26. dicere materiam esse eorum quæ sunt ad aliquid. Respondeo esse ad aliquid secundum dici, non secundum esse eo modo quo caput eorum quæ sunt ad aliquid; aliud enim est in materia, ipsum esse substantiale, aliud esse ad aliquid.

Quæ relata agnouit Aristoteles.

Tertio Aristoteles nulla relata agnouit, nisi vel secundum dici vel secundum esse; & quidem relata secundum dici, voluit esse illa, quorum esse non est idem quod ad

ad aliquid esse; relata verò secundum esse, quorum esse est idem quod ad aliquid esse. Itaq; relata secundum dici voluit referri accidentaliter, vtpote relatione differente ab ipsorum esse; relata verò secundum esse vult referri essentialiter, vtpote relatione quæ non differat ab ipsorum esse, sed sit idem quod esse. Nam in relatis secundum dici est quidem idem materialiter esse ipsorum, cum ad aliquid esse, formaliter tamen non est idem; sed id proprium est relatorum secundum esse. idem enim est relatum secundum esse, quod relatum secundum essentiam, sicut relatum secundum dici est relatum non secundum essentiam sed tantum secundum denominationem accidentalem.

Iam igitur relata ista transcendentia cum suis relationibus essentialibus peto ad quod genus pertinebunt? Num ad relata secundum dici? at horum natura est ut in illis non sit idem esse & ad aliquid esse; in relatis autè transcendentalibus idem formaliter est esse, quod ad aliquid esse, cum sint essentialiter relata, & de essentia ipsorum sit relatio: non igitur pertinebunt ad relata secundum dici, Num ad relata secundum esse? at hoc dici nō potest, cum quia relata secundum esse sunt prædicamentalia & in prædicamento Ad aliquid; secundum ipsos autem non sunt prædicamentalia nec in prædicamento ad aliquid, sed in eo prædicamento cuius substantiam constituunt: cum quia Aristoteles expresse negat substantiam esse relatum secundum esse; quia esse substantiæ nō est idem quod ad aliud esse: at secundum istos substantiæ cum sint essentialiter relata, deberent statui relata secundum esse, quia in iis idē est esse quod ad aliqd esse. Ergo talia relata non agnovit Aristoteles, deberet igitur statui tertium genus relatorum, quod nec sit secundum

Relata transcendentia, non sunt secundum dici, nec secundum esse.

dici, nec secundum esse, quod est inauditum in schola Peripateticorum.

*Veterum Peripateticorum eandem fuisse
sententiam. §. 2.*

Maximam Philosophorum partem docere nullas relationes esse de essentia absolutorum, sed tantum ad essentiam absolutorum consequi, testis est Fonseca 5. Metaph. c. 15. q. 1. sec. 4. Id ita verum est, ut vix ex antiquis ullus nominari possit, qui expresse docuerit, relationem esse de essentia absoluti: plurimi verò & præcipui contrarium & asseruerunt & argumentis confirmarunt. Proferam præcipuos aliquot quos alii velut antesignanos sequuntur. Auer. 1. Phys. tex. 70. probat relationem potentia (quæ statuitur esse essentialis materiae) non esse de essentia materiae. [Eset enim, inquit, materia in prædicamento ad aliquid non in prædicamento substantia] scilicet id argumentum sumpserat ab Aristotele cap. de ad aliquid: ubi docet substantiam non posse esse ad aliquid, nec in substantia idem est esse substantiam & esse ad aliquid. Quamvis autem Auerroës loquatur de materia tantum, tamen ratio ipsius est vniuersalis, & omnes relationes essentialiter euertit. Quia sicut nulla substantia potest esse essentialiter ad aliquid, alioqui reponeretur essentialiter in Prædicamento ad aliquid: ita & nulla Quantitas aut Qualitas atque adeo nulla res absoluta ad alia Prædicamenta spectans potest esse ad aliquid: quia res vniuersius Prædicamenti, non est essentialiter res alterius Prædicamenti.

Auerroës.

*Materia non
refertur essen-
tialiter ad
Formam quia
esset in Præ-
dicamento Ad
aliquid.*

Dices,

Dices, id non sequi, quod si substantia sit essentialiter relatiua, debeat reponi in Prædicamento ad aliquid; reponi enim debet in Prædicamento substantiæ, quia substantiæ essentiam complet.

At contra: sicut substantiæ essentia secundum istorum sententiam completur per relationem: ita relationis essentia completur per substantiam; neutrum enim sine altero essentialiter est completum, ac proinde vtrumquè per vtrumquè completur essentialiter. Si ergo relatio quia complet essentiam substantiæ in Prædicamento substantiæ collocari debet: pari ratione, quia substantia complet essentiam relationis in Prædicamento relationis collocanda esset. Quare rectè Auerroës vrget argumentum Aristotelis, quo probat substantiam ideo non posse esse essentialiter ad aliquid, quia non potest reponi in Prædicamento ad aliquid.

Instantia refellitur.

Nota.

Dices in Ad aliquid reponi solum eas relationes, quæ præter esse relatiuum nihil aliud absolutum inuoluunt.

Altera instantia refellitur.

Contra: sicut in Prædicamentis absolutis, reponuntur in istorum sententia non solum pura absoluta, sed etiam ea absoluta, quæ inuoluunt essentialiter relationem: cur non simili ratione in Prædicamento relationis reponi debeant, non solum pura relatiua, sed etiam ea quæ essentialiter inuoluunt absolutum? Quare licet fatear in Prædicamento ad aliquid reponi solum purè relatiua quia secundum Aristotelem & veritatem non dantur vllæ relationes essentialiter absolutæ, nec absoluta essentialiter relatiua: tamen supposita istorum sententia de relationibus essentialiter absolutis, sequitur debere eas reponi in Prædicamento

dici, nec secundum esse, quod est inauditum in schola
Peripateticorum.

*Veterum Peripateticorum eandem fuisse
sententiam. §. 2.*

Maximam Philosophorum partem docere nullas
relationes esse de essentia absolutorum, sed tantum ad
essentiam absolutorum consequi, testis est Fonseca §.
Metaph. c. 15. q. 1. sec. 4. Id ita verum est, ut vix ex anti-
quis ullus nominari possit, qui expresse docuerit, rela-
tionem esse de essentia absoluti: plurimi verò & præ-
cipui contrarium & asseruerunt & argumentis confir-
marunt. Proferam præcipuos aliquot quos alii velut
antesignanos sequuntur. Auer. 1. Phys. tex. 70. pro-
bat relationem potentia (quæ statuitur esse essentialis
materie) non esse de essentia materie. [Eset enim,
inquit, materia in prædicamento ad aliquid non in
prædicamento substantiæ] scilicet id argumentum
sumpsit ab Aristotele cap. de ad aliquid: ubi docet
substantiam non posse esse ad aliquid, nec in substantia
idem est esse substantiam & esse ad aliquid. Quamvis
autem Auerroës loquatur de materia tantum, tamen
ratio ipsius est vniuersalis, & omnes relationes essen-
tiales euertit. Quia sicut nulla substantia potest esse
essentialiter ad aliquid, alioqui reponeretur essentiali-
ter in Prædicamento ad aliquid: ita & nulla Quantitas
aut Qualitas atque adeo nulla res absoluta ad alia Præ-
dicamenta spectans potest esse ad aliquid: quia res v-
nius Prædicamenti, non est essentialiter res alterius Præ-
dicamenti.

Auerroës.

*Materia non re-
fertur essen-
tialiter ad
Formam quia
esset in Præ-
dicamento ad
aliquid.*

Dices,

Dices, id non sequi; quod si substantia sit essentialiter relatiua, debeat reponi in Prædicamento ad aliquid; reponi enim debet in Prædicamento substantiæ, quia substantia essentialiter completur.

At contra: sicut substantiæ essentia secundum istorum sententiam completur per relationem: ita relationis essentia completur per substantiam; neutrum enim sine altero essentialiter est completum, ac proinde vtrumquè per vtrumquè completur essentialiter. Si ergo relatio quia complet essentiam substantiæ in Prædicamento substantiæ collocari debet: pari ratione, quia substantia complet essentiam relationis in Prædicamento relationis collocanda esset. Quare rectè Auerroës vrget argumentum Aristotelis, quo probat substantiam ideo non posse esse essentialiter ad aliquid, quia non potest reponi in Prædicamento ad aliquid.

Instantia refellitur.

Nota.

Dices in Ad aliquid reponi solum eas relationes, quæ præter esse relatiuum nihil aliud absolutum inuoluunt.

Altera instantia refellitur.

Contra: sicut in Prædicamentis absolutis, reponuntur in istorum sententia non solum pura absoluta, sed etiam ea absoluta, quæ inuoluunt essentialiter relationem: cur non simili ratione in Prædicamento relationis reponi debeant, non solum pura relatiua, sed etiam ea quæ essentialiter inuoluunt absolutum? Quare licet fatear in Prædicamento ad aliquid reponi solum purè relatiua quia secundum Aristotelem & veritatem non dantur vllæ relationes essentialiter absolutæ, nec absoluta essentialiter relatiua: tamen supposita istorum sententia de relationibus essentialiter absolutis, sequitur debere eas reponi in Prædicamento

Ccccc 3

ad

ad aliquid reponi solum pure relatiua quia secundum Aristotelem & veritatem non dantur vllæ relationes essentialiter absolutæ, nec absoluta essentialiter relatiua: tamen supposita istorum sententia de relationibus essentialiter absolutis, sequitur debere eas reponi in Prædicamento ad aliquid; quia non minus sunt absolutæ essentialiter quàm relatiuæ. Sicut enim in Qualitate reponuntur non solum puræ qualitates, sed etiam essentialiter relatæ: ita & in relatione eadem lege ponendæ essent, non solum puræ relationes, sed etiam ex quæ essentialiter includunt absolutum. Quod quia absurdum est, absurdum quoque erit dari tales relationes.

Cum vero instant, Auerroem alibi docuisse potentiam esse de essentia materiæ, vt in lib. de substantiâ orbis. cap. 1. vbi ait, potentiam esse differentiam essentialem materiæ. Respondendum est, ista minimè pugna-
re secum. Nam potentia quâ relatiua est, secundum Auerroem non est de essentia materiæ, quod solum nunc negamus: quâ verò potentia sumitur pro prima & radicali potentia, quæ nihil aliud est, quam natura potens, cui conuenit aptitudo & ordo ad formam, sic ex Auerroe & omnium sententia, potentia est de essentia materiæ. de quo in Phyl.

*Alexander 2.
sententia de rela-
tionibus.*

Alexander 2. natural. quæstion. quæst. 7. & 9. docet tam materiam quam formam non esse essentialiter relatæ. nam de materia quæst. 7. ait (aptitudinem illam quæ est ad aliquid esse mediam inter materiam & priuationem.) vbi aptitudinem, quia est ad aliquid

quid, distinguit à materiæ essentia, tanquam quid medium inter materiam & priuationem, ac proinde extra essentiam materiæ. Id quod clarius exponit ibidem. quæst. 9. probans animam licet sit actus corporis, non tamen esse essentialiter ad aliquid (quia, inquit, præter ad aliquid, dicie propriam naturam & substantiam, cui accidit, quod sit alterius) ac si diceret, esse ad aliquid est accidens naturæ absolutæ: totamque vim in eo ponit, quod natura absoluta non sit essentialiter relatiua, quia accidit naturæ absolutæ, esse alterius.

Themistius 1. Physic. in text. 61. in Digressionem de materia docet materiam non esse ad aliquid, sed relationem illi accidere, (quia, inquit, materia prius in se est res absoluta, quam referatur & accommodetur ad alia.) & ibidem materiam ad suam essentiam non indigere potestate, nec potestatem ullam in prima ac simplici ratione materiæ includi actus; sed primum inquit res quædam est in se Materia & existit, deinde intelligitur aliorum esse materia, & secundum posteriorem hanc considerationem, rationem potentæ contrahit, ubi ex eo quod materia est res absoluta negat illam in suo primo & essentiali conceptu includere relationem siquidem prius est in se quam ad aliud.

Themistius negat materiam esse essentialiter ad aliquid.

Simplicius 1. Physic. text. 61. ait [Materiæ autem potentia accidit ut societatem possit inire cum formis, quare etiam formarum quas est susceptura priuatio fuerit ei accidens] ubi relationem ad formas vult esse accidens

Simplicium

Ratio Simpliciter.

Burlan.

cidens materiæ. Prius enim, inquit, est per se, quam sit materia alicuius. Burlanus 1. Physic. tex. 70 idem docet quod Auerroes.

*Occurritur
obiectioni.*

Quod si obiicias. Cum isti authores de materiali loquantur, inde non posse colligi vniuersè negari ab illis relationes essentielles. Non enim est necesse ut qui id de materia negat, neget idem de aliis omnibus.

*Vniuersè negatur
Relationes
essenciales.*

Respondet istos authores non quomodocunque id negare de materia, sed ex principiis vniuersalibus, nempe quod res absoluta nō est essentialiter ad aliquid, quod absolutum prius in se quam referatur; quæ rationes ita sunt vniuersales ut omnibus applicari possint. Quocirca quæ ratione relationem negant hi authores esse de essentia materiæ, eadem quoque ratione de quavis relatione absoluta idem negare necesse est.

*D. Thomas nusquam
meminit
Relationū
essentialium.*

Quod ad D. Thomam attinet, certum est eum nullam vnquam mentionem, relationum essentialium fecisse, nec illis ad aliquid saluandum in Theologia aut Philosophia vnquam vsum esse: imo eas quæ vulgo creduntur essentielles, esse accidentales docuisse. Vti est dependentiæ creaturæ à Deo de qua 1. p. q. 44. art. 1. ad 1. cum ex professo quæstionē mouisset an relatio esset de ratione creaturæ cum relatio non possit esse de essentia absoluti: respondit non esse de essentia, sed consequi ad ea quæ sunt de essentia. Dat quæ rationem, quod cum esse causatum non sit de ratione entis simpliciter, potest ratio entis in rebus creatis sine eo intelligi. Vnde quæst. 43. a. 3. ad 3. docet relationem dependentiæ à Deo esse accidentem creaturæ: quod etiam ibi docet Caietan. & Ferar. 2. contragent. cap. 18. ad primum Scoti.

*Sententia S.
Thomæ de
Relationibus con-*

Deinde S. Tho. 1. p. q. 13. a. 7. ad 1. duotantum genera relationum ponit, vnum earum, quæ solas habitudines

endines dicunt, aliud earum quæ dicunt absoluta cum
 habitudinibus: quas vocat secundum dici, sicut illas se- *sequentibus ad*
 cundum esse. Has igitur ait esse consequentes ad ali- *absoluta.*
 quas res absolutas: si consequentes non igitur essentia-
 les. Quo sensu explicat S. Thomam Sotus in cap. de ad
 aliquid quæst. 1. per totum. Neque valet quod quidam
 respondent S. Thomam eo loco non omnia genera-
 relationum esse complexum, sed tantum ea quæ Deo
 conveniunt in ordine ad creaturas. Nam S. Thom. di- *Ment D. Tho-*
 vidit relationem non tantum ut in Deo est, sed univer- *ma.*
 sè: id quod patet tum ex exemplis (inter cætera enim
 ponit caput & capitatum quæ relatio non est in Deo)
 tum quia dividit relationes secundum esse & secundum
 dici, quæ divisio est universalissima. Quare cum re-
 lationes convenientes absolutis, dicat consequi ad res
 absolutas, non agnoscit eas esse essentielles, sed acciden-
 tales.

At inquit alibi D. Thomam agnovisse relationes *Male citatur*
 essentielles ut in 1. par. q. 28. a. 1. in corpore ubi qua- *S. Thomas.*
 dam relationes ait esse in natura rerum, quod isti expli-
 cant quasi sint essentielles. Sed falluntur. Ibi enim S.
 Thomas solum docet relationes quasdam esse reales.
 quæ sunt in naturis rerum, quasdam rationis quæ sunt
 in apprehensione. Aiunt etiam alibi docere S. Tho-
 mam de materia, quod sit essentialiter potentia, ita ut
 potentia non sit accidens eius, sed substantia, ut 1. Phys.
 text. 80. sect. 15. sed utrumque verum est secundum
 D. Thomam & quod potentia prima & radicalis sit *Componitur S.*
 de essentia materiæ, & quod relatio materiæ ad for- *Thomas.*
 mam non sit essentialis illi uti supra pro Averroe dice-
 bamus.

Ex quibus infero quod si neque relatio scientiæ, neque dependentia creaturarum à Deo neque relatio materiæ ad formam formæ ad materiam, neque relatio habituum & potentiarum ad obiecta dici potest secundum hos authores essentialis naturæ absolutæ: non restant vllæ relationes, quæ dici possint essentielles absolutis: tum quia istæ sunt præcipuæ; tum quia quibus rationibus hæ negantur esse essentielles, aliq̃ quoque negari possunt.

Scotus in 4. dist. 12. q. 1. ex professo docet nullam relationem esse de essentia absoluti cum id implicet contradictionem. Scotum sequuntur omnes ipsius discipuli.

Denique Gregorius Arimin. idem 1. distinct. 28. quæst. 2. ad finem, cum negat ex mente commetatoris materiam esse essentialiter ad aliquid, ita vt quatuor præcipuarum in Philosophia familiarum capitula in eam sententiam conspirasse videantur. Auerr. S. Thom. Scotus, Gregorius Ariminensis.

Accedit D. Augustini autoritas qui 7. de Trinitate cap. 1. ostendit absurdum & inopinatissimum esse, essentiam vllius rei dici relatiuè. Primo, quia, inquit, essentia, si diceretur relatiuè non esset essentia, essentia enim est ad seipsam, relatio ad aliud, & per essentiam constituitur res ad seipsam, per relationem verò constituitur in ordine ad aliud.

Si ergo quis relationē dicat essentiam alicuius rei, dicet essentiam non esse essentiam, quia dicet non esse ad seipsam, sed ad aliud. Nam quatenus est ad aliud non est ad seipsam, quatenus autem non est ad seipsam,

D d d d d 2. non

non est essentia, ergo quatenus est ad aliud, non est essentia.

2. ratio.

Prior est essentia relatione.

Secundò quia omnis essentia, quæ relatiuè dicitur, est etiam aliquid excepto relatiuo, ita ut aliud sit per quod sit, aliud per quod relatiuè sit. Quod ipse probat inductione in homine, cùm dicitur Dominus, vel seruus, in equo cum dicitur iumentum, in nummo cum dicitur arra. Homo enim, & equus, & nummus ad se dicuntur, & substantiæ sunt, Dominus verò, & seruus, & iumentum, & arra, ad aliquid relatiuè dicuntur. Si igitur non esset homo, id est, aliqua substantia, non esset qui relatiuè Dominus diceretur, & si non esset equus quædam essentia, non esset quod iumentum relatiuè diceretur, & si nummus non esset aliqua substantia, nec arra posset relatiuè dici.

*Relatione differre non est essentia differre
secundum Aug.*

Idem ratione quoque ostenditur, quia nihil relatiuè dici potest ad aliud, nisi sit aliquid ad seipsum, ac est ad seipsum essentia, ad aliud relatione, ergo essentia est quid excepta relatione. Quæ duæ Sancti Augustini demonstrationes manifestè concludunt relationem non esse essentiam ullius rei; ex eoquè ostendit contra Arrianos, in diuinis, Patrem non differre essentialiter à Filio, quia etsi differat paternitate à filio, & paternitas sit idem cum essentia Patris, tamen paternitas (cum sit relatio) non est de essentia Patris: essentia enim Patris est illa, qua Pater est ad se, paternitas verò non est ad se, sed ad Filium, non igitur differt essentiâ à Filio, licet paternitate differat. Quòd si relatio posset esse de essentia absoluti, nihil valeret ratio Sancti Augustini, sed relatione differre, esset essentiâ differre. at quia hoc ex ratione propria essentia reputat absurdum S. Augustinus, ideo rectè ostendit

ostendit Patrem non differre essentialiter à Filio, quia solâ relatione differt. Quod si dicas relationem esse in se essentiam quandam, id refellitur, non enim est essentia absoluti, quæ faciat rem in se esse aliquid (qui est proprius conceptus essentia) sed quæ facit esse ad aliud, qui est conceptus essentia secundum quid.

Neque dici potest Augustinum loqui solum de relatione Prædicamentali; Nam id quod ex instituto probare vult, est, relationem ad nullius rei essentiam absolutam pertinere, quia essentia constituit rem ad se; relatio ad aliud, quæ ratio excludit relationes etiam transcendentes, eæ enim ad essentiam rerum pertinere dicuntur. Cum igitur per relationes transcendentes rei essentia non constituatur in se sed ad aliud, sequitur non posse dici essentialem. Deinde August. ab essentia diuina quatenus essentia est vult excludere omnem relationem. Ergo tam prædicamentalem quam transcendentalem. Ratio enim ipsius utramque concludit, quia essentia est ad se non ad aliud. Ergo non potest constitui per relationem quæ est ad aliud.

Porro fundamentum Scoti & aliorum est, Quia Scoti Fundamentum. implicat contradictionem relationem esse de essentia absoluti: absolutum enim constituitur in ratione absoluti, per naturam talem, quæ non requirit terminum, hoc enim est esse absolutum, sine alio esse, & intelligi. relatiuum verò constituitur formaliter per ordinem ad terminum. Sicut ergo implicat contradictionem, naturam essentialiter non requirentem terminum, esse essentialiter requirentem terminum; ita implicat naturam absolutam, esse respectiuam. Nam quamuis non implicat contradictionem esse naturam aliquam essentialiter absolutam, & accidentaliter respectiuam; quia

Dddd 3 tunc

tunc secundum aliud esset absoluta, secundum aliud respectiva; tamen quod essentialiter sit & absoluta, & respectiva, implicat contradictionem: quia secundum idem esset absoluta, & respectiva, & secundum idem requireret terminum, & non requireret. Nam si de essentia alicuius naturæ est requirere terminum, non potest esse de essentia illius eiusdem naturæ, non requirere terminum, ac ex consequenti, non potest esse de essentia illius naturæ, esse absolutam, quia esse naturam absolutam, est esse naturam non requirentem terminum.

At inquires Accidens est natura absoluta, & tamen non potest existere sine alio nempe subiecto. Respondetur, nos loqui non de existentia actuali, sed de naturis secundum suam essentiam spectatis, & dicimus naturam absolutam non requirere ad suam essentiam, terminum extrinsecum, aut ordinem ad illum: Naturam verò relationam requirere. Deinde quod ad existentiam actualem attinet, potest natura absoluta requirere terminum, sed consecutiue, non essentialiter; quia potest fundare sua essentia relationem aptitudinis, aut potentia, aut inhaerentia; quæ relatio cum necessario consequatur ad naturam, fit, ut illa natura absoluta non possit actu existere sine termino.

Vera sententia exponitur & defenditur. §. 3.

Dicendum igitur est. Nullam relationem esse de essentia absoluti. hæc conclusio, & si sufficienter probatur autoritate & fundamento secundæ sententiæ; tamen aliis quoque argumentis probari potest.

Primum.

Primum est. Quod est de essentia rei, absolutæ, *Primum argu-*
constituit eam in esse absoluto: at respectus nullo modo *mentum.*
potest constituere naturam absolutam in esse absolu-
to: Ergo nullo modo potest esse de essentia rei ab-
solutæ. Maior est manifesta: quia essentialia sunt illa
quæ constituunt rei essentiam per modum generis, vel
differentiæ, vel partis, aut complementi essentialis, ita
ut quod nullo modo constituit rei essentiam, nec est
pars essentiæ, nullo modo potest dici de essentia rei:
quod etiam sufficienti in ductione constare potest. *Relatio nō con-*
Minor patet. quia est clara contradictio, per respec- *stituit absolu-*
tum constitui absolutum in esse absoluto; respectus *sum in esse*
enim dat esse respectuum, seu esse requirens termin- *absoluto.*
um, & hic est eius effectus formalis; non verò dat
esse absolutum, seu esse non requirens terminum;
sunt enim ista duo esse opposita, & vnum opposi-
tum non dat esse formale alterius oppositi, calor,
verbi gratiâ non dat esse frigidum formaliter, nec al-
bedo dat esse nigrum. Neque sufficit, si dicatur,
respectum identificari rei absolutæ: Nam hæc identi-
ficatio esset solum realis, non formalis: Sicut enim ra-
tionale in homine identificatur realiter animali, neque
tamen ex hac identificatione sequitur esse de essentia
animalis, vel constituere animal in ratione formali ani-
malis; ita etiam si respectus identificatur rei absolutæ,
non tamen ex eo sequeretur esse de essentia rei abso-
lutæ.

Dices saltem sequeretur esse de essentia illius enti-
tatis ex absoluto, & respectivo conflata. Nam & ratio-
nale licet non sit de essentia animalis, vtrumq; tamen est
de essentia hominis, cōpositi, ex rationali & animali, ita
& hic fieret. Verum si hoc concedamus, primum evin-
ca-

ecetur contra aduersarios, relationem non esse de essentia absoluti, sed rei alterius ex absoluto & relativo compositæ, quæ quidem res non magis debet dici absoluta, quàm respectiua, cùm secundùm vnā partem essentialē sit absoluta, secundum aliam respectiua. Deinde neque respectu tertiæ entitatis potest dici de essentia: Nam ex absoluto & respectiuo (vt mox dicemus) non potest constari vna essentia, nec ens vnum per se, sed vnum per accidens. Nam etsi similitudo, verbi gratiā, sit idem cum albedine, tamen ex vtroque non conflatur vna essentia, cum sint res diuersorum prædicamentorum.

*Instantia solui-
tur.*

Responderi potest. Relationem non posse esse de essentia rei purè & perfectè absolutæ, qualis est solus Deus, sed bene potest esse de essentia rei, quæ non est perfectè absoluta, sed partim absoluta partim respectiua, quales sunt omnes naturæ creatæ.

Sed contra. Si res aliqua non est perfectè absoluta, erit partim absoluta, partim respectiua; hæ autem rationes cum sint oppositæ, vna non constituit aliam, neque vna est de essentia alterius, vt exemplo rationalis & animalis in homine patet, Ergo etiam si concedatur natura non perfectè absoluta, tamen in illa natura, respectus non erit de essentia absoluti quā absolutum est, sed ad summum esset de essentia naturæ compositæ ex vtroque, quæ esset partim absoluta partim respectiua. Et tamen aduersarii contendunt relationem esse de essentia rei absolute, verbi gratiā relationem scientiæ, esse de essentia illius qualitatis, quæ est scientia.

Secundum.

Alterum argumentum est. Res diuersorum generum, nec de se possunt prædicari essentialiter, neq; constituere vnā essentiam, nisi per accidens: at ens abso-
lutum

lucum & respectuum diuersorum sunt generum: Ergo nec vnum de altero prædicari potest essentialiter, neque vtrumque constituere vnâ essentiam. Maior est Aristotelis in Antepredicamentis, vbi tradit generalem regulam prædicamentis seruientem;

Diuersorum generum, & non subalternatim possunt diuersæ sunt species, & differentiæ: Ergo quæ ad diuersa genera spectant, non gaudent vnâ communis specie & essentia, sed diuersas habebunt species sub diuersis generibus. Sic ex quantitate & qualitate aut ex substantia & accidente, non fit vna essentia, quia istæ sunt res diuersorum generum, & trahunt secum diuersas species & essentias, solum autem ex rebus eiusdem generis id est sub vno genere contentis, fit vna essentia, vt ex materia, & forma, quæ sunt sub eodem genere substantiæ, & sunt essentialiter substantiæ licet incompletæ, fit vna essentia substantiæ completæ. Similiter ex genere & differentia, si sint eiusdem generis prædicamenti efficitur vna essentia, vt ex animali, & rationali efficitur vna essentia hominis; quia vtrumque est quid substantiale.

Ex rebus di-
uersorum ge-
nerum non fit
vna essentia.

Si verò essent diuersorum generum, hoc est vnum ex genere substantiæ, aliud ex genere accidentis, non posset ex illis constitui vna essentia, nisi per accidens. Ob quam causam ex subiecto & accidente, & omnino ex rebus diuersorum prædicamentorum, nunquam fit ens per se, sed per accidens, vt passim in Metaph. docet Aristoteles.

Eccc:

Respon-

Responder Ruuius, relationem quæ est de essentia rei absolutæ, pertinere ad illius rei absolutæ prædicamentum, tanquam complementum essentialẽ ipsius: Sed hoc dici non potest.

*Relatio non est
complementum
essentiale ab-
soluti.*

1.

Primò: Quia hoc modo euerteretur tota doctrina Aristotelis de rebus diuersorum generum, dicendorem diuersi generis posse pertinere ad essentiam alterius rei, tanquam complementum illius essentialẽ, & sic ex rebus diuersorum generum efficerentur non diuersæ species, sed vna species: hoc est enim quod directè negat Aristoteles, rem diuersi generis posse complere essentialiter essentiam alicuius.

2.

*Relatio non est
sub Genere ab-
soluti.*

Secundò. Non est dubium ens absolutum & relatiuum esse res diuersorum generum, imò ipsa diuersa genera, vt per se manifestum est. Similiter non est dubium, non esse subalternatim posita; relatiuum enim in genere, non est sub genere absoluto, necè contra; non enim magis vnum sub altero quàm alterum sub illo poni deberet. Nam si statueretur relatiuum sub genere absoluto, omnes relationes pertinerent ad genus absolutum, & non deberet statui distinctum genus relationis ab aliis: omnes enim relationes reducuntur ad genus relationis in communi: Si ergo ipsum genus relationis est sub genere absoluto, etiam relationes omnes mediante suo genere, essent sub genere absoluto. In quo enim genere prædicamenti ponitur genus, in eo ponuntur & species illius generis. Quocirca manifestum est ista duo genera esse omnino diuersa, ac proinde non ordinata ad vnam essentiam constituendam.

Terti-

Tertiò. Quia relatio per hoc quod assumitur ad complendam essentialiter rem absolutam, non amittit proprium suum genus relationis; est enim illi essentialis: Si ergo suum genus essentialiter retinebit, non spectabit ad aliud genus nisi per accidens, quare complementum hoc rei absolutæ, non spectabit essentialiter ad genus absoluti, sed ad genus relationis: Ergo non rectè dicitur relationes essentialiter qualitatem complentes spectare ad genus qualitatis, ut eas quæ complent essentiam substantiæ, spectare ad genus substantiæ.

34

Quartò. Relatio non potest complere essentialiter qualitatem in genere qualitatis, cum nec sit de genere qualitatis, nec de esse qualitatis sed relationis; non enim qualitas est qualitas per relationem formaliter.

41

Tertium argumentum. Ex duabus naturis completis non constituitur una essentia, sed ens per accidens: at cum concurrat relatiuum cum absoluto, concurrunt duæ naturæ sub suis generibus completæ: Ergo ex illis non efficitur una essentia. Maior est per se nota: alioqui cumulus lapidum esset una essentia; nihil enim aliud illi obstat, quàm quod lapides sunt entia completa, etiamsi cetera non desint ad unitatem; sunt enim eiusdem naturæ specificæ. Minor verò probatur. Quia relatio illa sub genere relationis habet suum esse relatiuum completum. Nam & genus & differentiam relatiuam habet, quæ duo constituunt speciem rela-

Tertium

Ex duabus completis non fit una essentia.

Et ecce 2. tuam;

tivam, & completè seu perfectè refert rem illam absolutam ad terminum, sicut quævis alia relatio, nec potest assignari quæ pars essentialis requirita ad relationem constituendam illi desit.

Relatio transcendentalis est quid completum in genere Relationis.

Dices habere genus & differentiam relationis incompletæ, eo modo quo materia & forma habet genus, & differentiam substantiæ incompletæ. Contra: Omnis forma cognoscitur ex suo effectu formali; si ergo relatio esset in genere relationis quid incompletum, non faceret completè, & perfectè referri rem illam ad terminum. atqui facit completè referri; Ergo est completa. Minor patet; tum quia nihil illi deest ad esse relacium, nec vlla pars essentialis relationem constituens: tum quia non potest scientia, verbi gratiâ, perfectiùs referri ad scibile, si haberet relationem accidentalem, quàm per istam, quæ fingitur, relationem essentialem: Est igitur relatio ista relatio completa in genere relationis, ac proinde non potest, ex ea & absoluto constitui vna essentia.

Ex incompletis diuersorum generum non fit vna essentia.

Accedit quòd etsi ex duobus incompletis in eodem genere possit fieri vnum completum, non tamen ex incompletis ad diuersa genera pertinentibus. Hic autem diuersa genera sunt absolutum & respectuum: Ergo.

Absolutum non cõpletur essentialiter per Relationem.

Idem probari potest de absoluto. Nam scientia secundum rationem absolutam est sub genere absoluto, & in specie entis absoluti perfectâ per differentiam absolutam, neque minùs est perfecta species qualitatis, quàm vel calor, vel color, aut quævis alia qualitas. Dices. Completi essentialiter per relationem. Contra, primò,

primò, est ita completa ut non possit amplius comple-
ri sub genere absoluto, nec per aliquam partem essen-
tialem absolutam: Ergo est simpliciter completa sub
genere absoluto, & intra latitudinem entis absoluti;
Illud enim vocam' completum in aliquo genere, quod
in illo genere & per rem illius generis compleri ampli-
ùs non potest. Complentur quidem substantiæ per ac-
cidentia, & accidentia vicissim per subiectum; sed ta-
men cum hoc complementum sit in diverso genere,
non in eodem, idcirco non facit substantiam, & acci-
dentia non esse simpliciter entia completa in suo ge-
nere. Confirmatur: Quia alioqui dicendum esset,
scientiam esse semper incompletam in suo genere ab-
soluto: quia nunquam illi aduenit complementum
generis absoluti.

Secundò Relatio non potest complere essentiali-
ter rationem entis absoluti, quia id quod non consti-
tuit rationem entis absoluti, non complet essentiali-
ter rationem entis absoluti; hoc enim complemen-
tum essentialiale non potest fieri, nisi per constitutio-
nem essentialem: atqui demonstratum est implicare
contradictionem, relationem constituere ens abso-
lutum in ratione entis absoluti: Ergo relatio non po-
test esse complementum essentialiale entis absoluti.

Quartum argumentum. Cùm aliqua differunt for-
maliter & definitione, vñ non est de essentia alterius;
distinctæ enim definitiones, distinctas essentias indi-
cant: at absolutum quâ absolutum, & relatiuum quâ
relatiuum, differunt formaliter, & habent distinctas de-
finitiones: ergo vñ non est de essentia alterius. Mi-
nor patet. Absolutum enim est natura essentialiter non

*Quantum?
Qua distinguuntur
sur formaliter,
vñ non est
de essentia ab-
soluti.*

Ecce 3

requi-

requirens terminum; respectuum verò est natura essentialiter requirens terminum.

Relatio præscindendi potest ab absoluto.

Ex quo patet non rectè asserti ab autoribus primæ sententiæ, non posse in subiecta materia respectuum præscindi ab absoluto, nec absolutum à respectivo. Quidam enim præscindi possint ab invicem, quæ sunt diversorum generum, quæque habent definitiones diversas? Nam absolutum formaliter, nunquam est respectuum, neque respectuum formaliter unquam est absolutum, sed aliâ ratione est absolutum, aliâ respectuum; præscindi igitur poterit unum ab altero; neque enim ratio absoluta dat esse respectuum, nec respectiva dat formaliter esse absolutum.

Quintum.

Quintum argumentum. Quod est de essentia alicuius sine illo res illa intelligi non potest; nihil enim potest intelligi sine suis essentialibus: at omne absolutum potest intelligi essentialiter sine relativo: ergo nullum relatiuum est de essentia absoluti. Dixi essentialiter posse intelligi: quia absolutum si sumatur non secundum essentiam præcisè, sed secundum omnia, quæ illi quocunque modo conveniunt, siue essentialiter, siue consecutiue, sic non potest intelligi sine relatione: quia relatio est unum ex illis quæ consequuntur necessario illam essentiam absolutam. Minor probatur, tum quia habent distinctas rationes formales, & distinctas definitiones: tum quia inductione id manifestum est. Duæ enim maximè videntur esse, quæ sine relationibus intelligi non possunt, scientia sine relatione ad subiectum, & accidens sine relatione ad subiectum: at hæc omnino possunt essentialiter concipi sine ullis relationibus, quia possunt concipi, ut suâ essentia absolutâ fundant relationem, non verò ut illas includunt essentialiter.

Quod

Quod ostendo ex eo, quia scientia in Deo, est verè *Scientia in Deo*
& essentialiter scientia, & tamen absque omni relatio- *est absq. omni*
ne essentiali ad obiectum est, & concipitur. Nam de- *relatione essen-*
que ad Deum dicere potest relationem realem, quia- *tiali ad scibile,*
à Deo non distinguitur; idem autem quatenus idem
non refertur realiter ad seipsum: neque ad creaturas;
quia Deus in suo esse non potest dependere essentiali-
ter à creaturis, tanquam à terminis; non enim ideo est
Deus, quia creaturæ sunt aut possunt esse, sed potius è
conuerso: Si ergo in Deo potest concipi perfecta &
essentialis ratio scientiæ, nullo concepto respectu es-
sentiali sed solum concepta re absolutà fundante res-
pectum ad scibile, profectò poterit idem conceptus abso-
lutus formari de omni alia scientia.

De accidente vero sic ostendo. Duplex enim est *Accidenti ordo*
respectus accidentis ad subiectum: alter actualis inhæ- *ad subiectum*
rentiæ, alter aptitudinalis. De respectu actualis inhæ- *non est essen-*
rentiæ clarum est non esse de essentia accidentis; quia- *tialis.*
si netali inhærentia, & respectu, potest esse accidens;
per Dei potentiam; si enim in nullo subiecto existat,
non referetur actuali inhærentia ad subiectum. De re-
spectu verò aptitudinalis inhærentiæ. Probatur. Quia
omnis aptitudo supponit naturam cui conuenit; duo
enim sunt de ratione aptitudinis, ut alicuius rei sit a-
ptitudo, & ad aliquid sit aptitudo: Ergo si aptitudo
supponit rem cuius est aptitudo (saltem in priori na- *Aptitudo sup-*
turæ) non pertinet ad constitutionem essentialem *ponit essentiam*
illius rei; posterius enim non est de essentia prioris; *cuius est apti-*
cùm prius antequam intelligatur esse posterius, ha- *tudo.*
beat totam essentiam, ratione cuius est prius suo po-
steriori.

Eadem

*Creatura non
discit ordinem
essentialem ad
Deum.*

Eadem inductio fieri posset in aliis exemplis, ut cum ens creatum dicitur habere essentialem habitudinem dependentiæ à Deo; Si enim per essentialem dependentiam intelligatur dependentia fundata in essentia entis creati, ut tale est, sic verum est, omne ens creatum dicere dependentiam essentialem à Deo: Nam ab aliis causis res non dependet essentialiter, sed accidentaliter, quia possunt sine illis fieri à Deo. Neque illarum dependentia à causis secundis, fundatur in earum essentia formaliter, & necessario; sed ex accidenti, & non necessario; à solo vero Deo res dependent essentialiter, quia talis dependentia etsi non sit de essentia rei creatæ (alioqui essentia creatæ deberet definiri per Deum, ut rectè infert Scotus) est tamē fundata in essentia creata, & ad illam necessario consequitur. Si verò intelligatur dependentia essentialis, hoc est, quæ sit de essentia rei creatæ, sic creatura non dependet essentialiter à Deo; Dependet enim creatura à Deo, tanquam à causa extrinseca efficiente, non tanquam à causa intrinsecè & essentialiter constituyente: Nam causa efficiens constituit rem extrinsecè existendo extra essentiam rei; Causa vero formalis, vel materialis, constituunt intrinsecè & essentialiter, existendo intra rem ipsam & seipsam dando in partem essentia; vnderes à solis causis intrinsecis dependet essentialiter, non vero ab extrinsecis, ac ex consequenti nulla dependentia à causa extrinseca, est de essentia rei, sed solum essentia suâ fundare potest illam dependentiam.

At dices Relatio dependet essentialiter à termino extrinseco, quia respectus ad terminum est illi essentialis: Ergo similiter & natura absoluta dependebit essentialiter à termino.

Re-

Respondet Scotus esse disparem rationem. Nam relatio non habet aliam essentiam, nisi ordinem ad terminum: non igitur est mirum, quod ordo ad terminum sit illi essentialis: et natura absoluta est quid absolutum, præter ordinem ad terminum: non igitur est par ratio, in hoc ut naturæ absolutæ ordo ad terminum sit essentialis, sicut est essentialis relationi.

Deinde si dicatur dependentia essentialis, hoc est relatio, quæ sit de essentia creaturæ; sic dependentia à Deo nõ est essentialis creaturæ, quia essentia rei creatæ prior est tali dependentiâ, & dependentia est veluti proprietas fluens, & consequens ad essentiam rei creatæ, ipsa verò essentia abstrahit in suo conceptu à dependentiâ & independentia. Et ita sentiunt cum Scoto S. Thomas supra, Caietanus, Ferr. & alij.

Denique Relationem materiæ ad formam, per modum potentia, & formæ ad materiam, per modum actus, non esse essentialem simpliciter, sed fundatam in essentia, patet.

Materia non est de essentia ordo ad formam.

Quia potentia ex ratione potentia, supponit essentiam cuius est potentia; non igitur constituit illam in ratione essentia, sed supponit in priori naturæ. Similiter actus actuans aliud, supponit actum, quo res est in seipsa actus, prius enim est formam esse actum, in seipsa, quam actum respectu alterius; Cum igitur ratio actus actuantis sit posterior formæ, non pertinebit ad essentiam formæ. Concipitur ergo essentialiter materia, ut fundans suâ essentiâ relationem, potentia ad formam, & forma concipitur essentialiter, ut fundans relationem actus actuantis respectu

Formam non refertur essentialiter ad materiam.

Fffff

mate-

materia, & sic absolute possunt concipi in suis essentiis, absque vilo respectu essentiali. Quod si concipimus materiam cum respectu ad formam, id evenit tum ex imperfectione nostri intellectus qui res uti sunt in seipsis non apprehendit, sed ex proprietatibus & respectibus; tum quod materiam non solum essentialiter concipimus, sed etiam quoad ea, quæ essentiam eius necessario consequuntur, qualis est relatio potentia. Et sane aliud est relationem potentia necessario convenire materia ex vi suæ essentia, aliud esse de essentia materia, ut à simili exemplo risibilis & rationalis explicari potest.

Sextum.

*Relatio non est
de essentia fundamēti.*

Sextum argumentum. Relatio non est de essentia sui fundamenti: at res absoluta est fundamentum relationis, quæ dicitur illi essentialis: Ergo relatio illa non potest esse de essentia rei illius absolutæ. Maior est certa. Quia fundamentum est causa suo modo relationis, saltem secundum modum nostrum intelligendi, ac proinde prior est natura relatione: at posterius non est de essentia prioris: Ergo nec relatio est de essentia fundamenti. Minor vero probatur. Quia nulla res refertur ad aliam, nisi propter aliquam rationem; alioqui quodlibet referretur ad quodlibet si ratio certa referendi non requireretur.

*Nulla relatio
potest esse sine
fundamento.*

Neque verò minus ad essentiam relationis requiritur terminus, quàm fundamentum. Nam sicut in termino continetur ratio terminandi; non enim quodlibet potest esse terminus cuiuslibet relationis, sed quod habet sufficientem rationem terminandi, ita
non

non quodlibet subiectum potest habere quamcunque relationem, sed solum quod habet in se rationem referendi, quæ ratio dicitur fundamentum. Cum igitur relationum essentialium nullum aliud possit assignari fundamentum, nisi absolutum, sequitur absolutum esse fundamentum relationis. Accedit quod relatio non est res quædam per se à fundamento distincta, sed est eadem res cum fundamento: Ergo ubi ponitur relatio, necesse est poni fundamentum.

Respondent. Relationes essentialis non fundantur in vilo fundamento, quia sunt essentialis; essentialia enim non conueniunt rei ratione alterius causæ, sed immediatè, hoc est, nulla mediante causa. Quæ enim est causa, ob quam homo sit animal rationale, nisi quia hæc eius est essentialis?

Sed contra ostensum est ex ratione propria relationis; necessarium esse fundamentum ad relationem; si enim desit fundamentum non potest vilo modo esse relatio: nam quod non quælibet relatio, nec cuiuslibet competat, id non potest referri nisi in fundamentum: Ergo cum hoc negari non possit, negandum potius erit relationum vllam dari essentialem.

Nam si daretur aliqua relatio essentialis duo contradictoria sequerentur. Vnum, quod talis relatio haberet fundamentum in essentiali; haberet enim rationem referendi, cum hoc natura relationis postulet; alterum quod non haberet vllum fundamentum, quia essentialia non egent fundamento, sed ipsa sunt fundamentum rei.

Ex relationibus essentialibus sequitur duo contradictoria.

Et sanè, manifestum est etiam inductione dari harum relationum fundamentum. Nam, verbi gratia, scientia prius est in se talis, quam sit talis respectu scibilis. Illa ergo ratio qua scientia est in se talis, fundat relationem ad scibile. Similiter accidens prius est in se tale, quam respectu subiecti, & sic illa ratio, qua est in se tale, est fundamentum sui respectus quem habet ad subiectum.

Septimum.

*Scientia potest
esse sine reali
relatione ad
scibile.*

Septimum argumentum. Illud non est essentialē quod potest à re abesse: atqui relationes quæ dicuntur ab illis essentialē, possunt abesse à re: Ergo non sunt essentialē. Minor probatur. Quia termino non existente non potest existere relatio: at harum relationum termini possunt non existere: Ergo & ipsæ relationes non existent, & sic erunt accidentales non essentialē. Probatur id exemplo scientiæ, quæ refertur ad scibile. Nam potest esse scientia secundum suum esse absolutum, non existente scibili à parte rei, ut scientia de rosa in hyeme: Ergo tunc non existet realiter scientiæ relatio ad rosam, nisi fundamentaliter. Cum enim rosa tunc nihil sit, nihil erit in re, ad quod realiter terminari possit relatio: sicut & in pariete albo, antequam aliud album producat, existit relatio similitudinis fundamentaliter tantum. Quod si dicas, non est possibile esse scientiam de rosa nisi scientia referatur ad rosam.

Respondeo. Rosam esse & in intellectu, & extra intellectum: non est igitur possibile esse scientiam de rosa nisi rosa sit in intellectu, sed tunc scientia

cia

scientia non referetur ad rosam realiter, sed erit ipsa rosa per cognitionem expressa. Potest verò esse scientia de rosa in intellectu, licet illa scientia non referatur realiter ad rosam extra intellectum existentem: Nam relationis actualis debet esse actualis terminus, rei autem non existenti non potest ratio actualis termini convenire, cum non ens nullum actum habeat, quare nec actum terminandi. Et sicut ob fundamentum in potentia existens, nihil potest referri relatione actuali, ita nec ad terminum in potentia tantum existentem: cum æquè fundamentum ad terminus requiratur ad existentiam relationis.

*Terminus non
existens non
terminat actum
Relationem.*

Dices terminum esse per modum causæ finalis, quæ ut causet non debet existere. Sed contra: quia ratio termini, & ratio finis valdè distinguuntur; finis enim, est id propter quid, & gratia cuius fit aliquid, ad quod satis est esse in intentione; terminus autem est id ad quod terminatur actu relatio. Unde debet actu existere, ut actu terminare possit.

*Discrimen in-
ter Finem &
Terminum.*

Respondent. Non omnem relationem requirere existentiam actualem termini, sed tantum eam quæ fundantur in coexistentia terminorum, quales sunt omnes relationes prædicamentales, alias verò quæ fundantur in essentiis terminorum non requirere existentiam eorum, tales sunt pleræque relationes essentielles verbi gratia relatio scientiæ ad scibile non existens; terminatur enim scientia ad scibile sub ratione essentiae, non sub ratione existentiae. Sed contra. Primo; Nulla res potest realiter terminari ad aliquid nisi illud existat; non existenti enim nihil realiter convenit, cum prius sit esse realiter, quàm aliquid ei realiter convenire, siue sub ratione essentiae, siue sub ratione existentiae. Nam si ter-

*Instantia re-
pellitur.*

*Terminus actus
habet actum ra-
tionem termi-
nandi.*

2.

minus non existat, nihil erit ad quod realiter terminari possit relatio; non enim est possibile realiter terminari ad nihilum, neq; ad id quod nullam habet rationem realem terminandi. Dices. habere in potentia. Contra. terminus actus, debet actu habere rationem terminandi; per eam enim constituitur in ratione termini: atqui nō potest habere actu rationē terminandi, nisi actu existat: Ergo non potest esse actu terminus id quod non existit. Deinde, sicut nulla res potest actu & realiter existere in nihilo, neq; potest quis sedere realiter in sede, quæ est tantum in potentia, neq; de ambulare in tabula vel in arca nō existente, neq; dormire in lecto in potentia; ita neq; actus, siue immanens, siue transiens, terminari realiter potest ad rem non existentem. vel in potentia existentem. Idem patet in potentiis, quæ non terminantur ad rem non existentem, visus v. g. ad colorem non-existentem, auditus ad sonum. Quod si potentia internæ tam sensitivæ, quam intellectivæ feruntur in objecta absentia, id non accidit ex eo, quod ad ipsa objecta extra potentias terminentur, sed quod illa objecta in potentiis per suas species existunt, & per actum cognitionis exprimuntur in intellectu, unde nihil est ibi extra potentias ad quod cognitio terminetur, sed ipsum objectū formatur in potentia. Sed de hoc plura alias.

*Quomodo Re-
lationes dici
possunt Essen-
tiales absolu-
te.*

Ex quibus patet quomodo relationes dici possint essentielles absolutis, quia nimirum fundantur in essentiis absolutorum, & ad illas necessario consequuntur, quod est esse essentielles consecutiue non formaliter. Omnis enim relatio natura sua postulat fundari in aliquo, ratione cuius conueniat subiecto, cum non quælibet cuiuslibet conueniat, sed tantum ea quæ habet aliquod in subiecto fundamentum. Quare & has relationes necesse est in absolutis fundari, & ex essentia illorum

tum absolutorum consequitur relatio. v. g. scientiæ fundatur & oritur ex essentia scientiæ; scientia enim præfertim actualis est velut imago obiecti, sicut autem imago prius est talis in se, deinde propter conformitatem cum obiecto, est apta repræsentare obiectum: ita & scientia prius est talis in se absolutè, tum propter conformitatem cum obiecto est apta repræsentare illud, & referri ad illud. Quod si dicas. Imago est imago etiam respectu obiecti, non existentis; ergo & scientia terminatur per modum imaginis ad obiectum non existens. *Imago non refertur realiter ad rem, non existentem.* Respondeo. Imago in se est imago, re ipsa non existente, quia habet in se omnia requisita ad repræsentandum, & est loco rei: ad rem tamè extra nō referretur realiter, nisi res illa existat, quia non habet ad quid referatur.

Respondetur ad argumenta primæ sententiæ. §. 4.

Ad primum primæ sententiæ Respondeo. Aristotelem non asserere in illo loco, potentias sumere suam essentiam ab obiectis, sed tantum obiecta esse priora secundum rationem actibus, & actus priores obiectis. *Aristoteles non dicit actus sumere essentiam ab obiectis.* Ex hoc autem quod obiecta sunt priora secundum rationem actibus, non sequitur actus sumere suam essentiam ab obiectis, sed solum præsupponere obiecta, & ab illis tanquam prioribus dependere. Non enim necesse est omne posterius sumere suam essentiam à priori. Porro hæc prioritas est prioritas finis & mensuræ; *Obiectum prius actu per modum finis & mensuræ.* Actus enim sunt propter obiecta tanquam propter finem, & potentia sunt propter actus, quia ad actus tanquam ad finem ordinantur.

Quamvis .n. potentia in genere causæ efficientis sint priores actibus; tamen Aristoteles locutus est de prioritate

*Ordo ad finem
& mensuram
non est de Es-
sentialia.*

tate in genere finis & mēsuræ. Quomodo finis est prior
iis quæ sunt ad finem. Porro ex eo quod obiecta sunt fi-
nes actuum non est necesse, ut actus dicant ordinem es-
sentialē ad obiecta, quia non est necesse posterius di-
cere ordinem essentialē ad prius: alioqui omnis esse-
ctus diceret ordinem essentialē ad suam causam extrin-
secam; sed satis est, ut in sua essentia fundet ordinem ad
prius. Dependētia enim à fine & mensura non est de
essentia eius quod est ad finem & quod mensuratur.

At inquires, Quidquid est de Aristotele, commune
est dictum Philosophorū. Actus specificari ab obiectis,
Potentias ab actibus, quod esse verum nequit, nisi pro-
pter dependētia essentialē actuum ab obiectis &
potentiarum ab actibus. Dicunt igitur actus & poten-
tiæ ordinem essentialē ad obiecta.

*Quomodo actus
specificetur ab
obiectis.*

Respondeo. Hanc specificationem actus ab obie-
cto esse extrinsecam tanquam à fine vel tanquā à men-
sura. Quidquid enim ordinatur ad aliquem finem, ta-
le est in essentia, quale esse postulat ille finis; debet e-
nim res esse proportionata suo fini: Non sequitur au-
tem id quod est tale propter ordinem ad aliquē finem,
dicere ordinem essentialē ad illum (si ordo essentialis
intelligatur, qui sit de essentia;) alioqui in omnibus re-
bus ordo ad finem esset de essentia; quod est falsum: so-
lum verò dici potest ordo essentialis quia est fundatus in
essentia & consequitur ex essentia.

Dices. Id quod specificatur ab aliquo nec esse, nec
intelligi potest in sua specificatione sine illo, alioqui si
posset intelligi in sua specie sine alio non esset tale pro-
pter illud: Ergo dicit ordinem essentialē ad illud.

*Specificatio du-
plex Intrinsicca
& Extrinsecca.*

Respondeo. Dupliciter aliquid specificari potest
ab alio. Primo intrinsicce tanquam à parte essentiali cō-
stituyente essentiam, & sic non potest intelligi sine illo.

Secun-

Secundo extrinsecè tanquam à mensura vel causa extrinseca siue efficiente siue fine & sic potest intelligi sine illo. Quamuis enim ideo res est talis in specie : quia habet esse à tali efficiente, secundum talem ideam, propter talem finem; tamen quia hæc specificatio est merè extrinseca potest essentia rei illius concipi sine tali specificatione; Potest enim verbi gratia hominis essentia concipi, quod sit animal rationale, etiamsi non concipiatur ordo illius ad causam efficientem & finalem. Quare ordo ille erit quidem necessario consequens essentiam, non tamen est de essentia, neque de conceptu formali illius rei, & ex consequenti erit accidentalis in hoc sensu, quia est extra essentiam, non quia est contingens.

Notat verò Scotus, & bene; hoc esse discrimen inter ens relatiuum, & absolutum, quòd ens relatiuum cum in sola relatione ad terminum extrinsecum consistat: non potest esse aut intelligi sine termino. Ens vero absolutum cum in sua essentia sit absolutum, potest esse & intelligi sine termino, & ex consequenti ordo ad terminum erit extra essentiam illius, & accidentalis ipsi.

Quamuis ergo actus specificentur ab obiectis, quia tamen hæc specificatio est extrinseca, non pertinet ad essentiam: quia nullus ordo ad causam extrinsecam est de essentia rei; sicut nec ordo ad ideam nec ad causam efficientem aut ad finem neque ad mensuram. Ex quo apparet quam parum sit momenti in hæc specificatione ad probandam relationem ad obiectum esse de essentia actuum; quod tamè ab aduersariis maximum statuitur.

Cum verò dicitur accidens secundum Aristotelem, ideo esse ens, quia est entis ens. Respondet Scotus Ari-

Ggggg.

stote-

Accidens quomodo dicatur esse Entis ens.

absolutas ob imperfectum nostrum modum cognoscē-
di non possumus sine respectibus intelligere; cum tamē
ipsæ secundum se sint sine vllō respectu intelligibiles.
Vnde apparet quam infirmum sit hoc argumentum ad
probandas relationes essentielles, quod tamen præcipuū
habetur. Nam ex eo quod non potest à nobis aliquid
intelligi sine respectu non rectè colligitur, secundum se
& ex natura essetale, & dicere respectum essentialem ad
aliud.

Quonquam notandum est. Dependētiā posse
dici essentialē tripliciter. Est enim dependētia relatio;
in relatione autem sunt tria; fundamentum, terminus,
& relatio ipsa; ratione horum igitur trium, potest dici
dependētia essentialis. Primo ratione termini quia
est ad terminum essentialē: & hoc modo dependētia
rei à materia & forma, est essentialis; quia ab illis tanquā
à partibus essentialibus res dependet. Secundo ratio-
ne fundamenti quia essentia in ratione essentiae, est fun-
damentum talis dependētiæ: & hoc modo dicitur de-
pendētia essentialis rerum creatarum à Deo, & accidē-
tis à subiecto & potentiarum ab obiectis. Tertio ratio-
ne ipsius relationis: & hoc modo prior sententia affir-
mat dependētiā esse essentialē rebus absolutis,
nos vero negamus, sed dicimus esse consequentem ad
essentiam, & nonnisi consecutiue essentialē; posse-
que intelligi sine omni respectu naturam absolutam,
quoad omnia essentialia; licet propter modum imper-
fectum cognoscendi oporteat nos per respectum ad ali-
ud, notitiā rei colligere.

Iam verò cum in argumento dicitur: si accidens po-
test concipi sine respectu aptitudinali ad subiectum, in
tali conceptu accidens non dicit aptitudinem. Re-

Gggg 2.

Spon-

Infirmitas Fundamentum.

Dependētia essentialis triplex.

Ratione Termini.

Ratione Fundamenti.

Ratione Relationis.

*Accidēs in sua
essentia nō di-
cit aptitudinē,
nisi consequen-
tiam.*

spondendum est Primò. Non dicere quidem aptitudi-
nem quæ sit de essentia, sed dicere naturam fundantem
aptitudinem, quæ consequitur ad essentiam, quod satis
ad rationem accidentis. Secundo. Respondeo essen-
tiam in ratione essentiae abstrahere ab omnib⁹ suis pro-
prietatibus, inter quas sunt omnes aptitudines & rela-
tiones. Quare in conceptu essentiali natura nec dicit
aptitudinem, nec ineptitudinem nec dependentiam,
nec independentiam, sed abstrahit ab utroque.

Ex quibus patet, posse admitti modum loquendi
primæ sententiæ, has relationes esse essentielles dum mo-
dico sensu dicantur essentielles, quia fundantur in essen-
tia non quia sunt de essentia rei absolutæ.

*Paradoxa ex
Relationibus
essentialibus.*

Patet etiam refutatio illorum paradoxorum prioris
sententiæ, nempe quod absolutum compleatur essen-
tialiter per relatiuum; quod relatio essentialis non ha-
beat vllum fundamentum; quod terminetur ad termi-
num actum non existentem, & similia.

QVÆSTIO IX.

*An terminus relationem terminet ratione
absoluti vel relatiui.*

IN termino relationis sunt duo, fundamentum & re-
latio; illud est absolutum hoc relatiuum. Verbigra-
tia, in albo est albedo & similitudo. Quæritur ergo
an cum album dicitur simile alteri albo, illa simili-
tudo terminetur ad alterum album, quâ album est, an
quâ simile est. De qua re sunt duæ sententiæ, prima
affirmat relationem terminari formaliter ad relatio-
nem oppositam, atque ita terminum terminare
relatio-

relationem formaliter sub ratione relativa materia-
liter autem sub ratione absoluta. Ita Ruuius hic se-
cutus Ferariensem & alios plures. Fundamentum
huius sententiæ est. Quia relativa sunt simul natura,
cognitione, & definitione, vt docet Aristoteles in præ-
dicamento ad aliquid, At nisi relatiuum terminetur ad
suum correlatiuum sub ratione relativa, non erunt re-
lativa simul naturâ cognitione & definitione. Nam si
relatio terminetur ad terminum sub ratione absoluta,
tunc prius intelligetur relatio terminari ad absolutum,
quam intelligatur illi correspondens relatio. Idem
confirmari aiunt ex diuinis relationibus quæ ad seipsas
terminantur, ex eoque inferunt, pari ratione crea-
tas quoque relationes ad seipsas terminari posse & de-
bere.

*Relatiue ter-
minari ad Re-
lationem for-
maliter.*

Secunda sententia tenet relationem terminari for-
maliter ad absolutum non ad oppositam relationem,
Ita Scotus in prima distinctione 30. quæst. 1. Soncinas
5. Met. quæst. 3. Suarius 5. Met. disputatione 47. Sect.
16. quæ sententia nobis quoque vera videtur. Primò.

*Relatiue ter-
minari forma-
liter ad absolu-
tum.*

1. Ratio.
Quia eadem est ratio terminandi & referendi; quæ e-
nim ratio est sufficiens ad causandam relationem ad al-
terum extremum, eadem quoque sufficiens est ad ex-
cipiendam relationem ab alio extremo: Atqui ratio
referendi in termino est fundamentum absolutum: er-
go eadem ratio absoluta erit ratio sufficiens terminan-
di. Nam quemadmodum vt terminus referatur ad al-
liud extremum, opus habet fundamento, quod sit ve-
luti ratio & causa adæquata relationis illius; ita etiam
vt terminet relationem alterius extremi opus habet
fundamento, quod sit veluti ratio & causa adæquata
terminationis: sicut enim non temerè, sed ex causa re-

*Ratio termi-
nandi & refe-
rendi eadem.*

G g g g g 3

fertur

fertur ad aliud, ita etiam non temerè, sed ex causa terminatæ eius adfer relationem.

Neque enim relatio ad quemcunque terminum potest terminari, sed solum ad eum in quo inuenit fundamentum ad talem terminationem necessarium. Porro hæc fundamenta ad terminandum & referendum non esse diuersa patet: quia id ipsum quod est sufficiens causa ad referendum, est etiam sufficiens ad terminandum, ut patet inductione in omnibus tribus modis relatiuorum. Nam in primo modo quia duo alba sunt vnum in albedine, ideo & ad se referri possunt & suas relationes terminare: in secundo verò modo, patet propter generationem & refertur ad filium & respicitur à filio: maximè verò id patet in relatiuis tertij modi in quibus vna tantum est relatio ex vna parte, nulla ex altera: quare alterum extremum non potest terminare sub ratione relatiua, sed tantum sub absoluta.

*Instantur refel-
litur,*

Responderi posset ad hoc argumētum, fundamentum absolutum esse rationem terminandi, sed non nisi mediante relatione; fundando enim relationem in termino, cōstituit eum per illam relationem in ratione formali termini, vnde fundamentum non formaliter, sed causaliter terminat, quia est causa relationis, per quam terminus terminat oppositam relationem.

- I. Sed contra: fundamentum absolutum, sicut est causa seipsa sufficiens ad causandam relationem nullam alia reinterposita; ita etiam est causa sufficiens ad terminandam relationem, nulla alia relatione interposita.
2. Deinde si fingamus animo nullam relationem in termino consequi, adhuc in termino inuenimus sufficientem & adæquatam causam terminandi oppositam

tam

nam relationem; ideo enim paries terminat relationem alterius parietis albi, quia est albus, sicut & ille: hoc ergo signum est relationem illam consequentem, per accidens spectare ad terminationem.

Secundò probatur hæc sententia. Quia relationes tertij modi terminantur ad absolutum cum in termino nulla respondeat relatio realis: ergo pari ratione in aliis relationibus intelligetur sufficiens earum terminatio, si ad absolutum terminentur.

Responderi potest aliam esse rationem de relationibus mutuis, & non mutuis. Termini relationum mutuarum habent duplex esse quo terminare possunt ad absolutum & respectuum: termini verò relationum non mutuarum habent tantum esse absolutum, quo terminari possunt.

Sed contra: hoc ipsum est quod agimus; si enim termini relationum non mutuarum per solam rationem absolutam sufficienter terminare possunt; ergo pari ratione, alij quoque termini, per rationem absolutam, erunt sufficientes, ad terminandum: quod si ratio absoluta est sufficiens & adæquata terminationis, ratio relatiua erit superflua & per accidens, & non pertinebit ad terminationem. Deinde ex eo quod relationes sunt mutue nihil plus sequitur, nisi quod in altero quoque extremo est relatio, non verò quod accedat noua ratio terminandi, Quate cum quærimus, cur paries sit alteri similis rectè & sufficienter respondemus, quia est albus sicut ille, non verò respondemus, quia est similis: quærimus enim causam & similitudinis & terminationis.

Responderi secundò possit relatiua tertij modi, & si ex altera parte non dicant relationem, sunt tamen rela-

Refoluitur.

relatiua denominatione extrinseca, per hoc quod alia referantur ad ipsa, & sic, vt sunt relatiua terminant relationem: sed contra: hoc est impossibile, vt relatio sui ipsius sit terminus, scibile enim, V. G. per relationem scientiæ ad ipsum, constituitur in esse relatiui scibilis: Si ergo ratione huius esse relatiui est terminus; eadem relatio scientiæ erit terminus formalis sui ipsius. quod est impossibile, deberet enim realiter differre à se ipsa.

3. Ratio.

Terriò probatur. Si relatio vel re per Dei potentiam vel mente separetur à termino, adhuc in termino erit integra & sufficiens ratio terminandi; ergo relatio termini habet se per accidens ad terminationem. Antecedens probatur: quia si sint duo parietes albi & in altero non sit relatio similitudinis, quam Deus tollere potest, in ea sententia quæ tenet distingui relationem ex natura rei à fundamento; potest enim illi negare suum influxum, sine quo procul dubio relatio non existet: aut si in re hoc præstari non potest (quod necessario dicendum est in nostra sententia qua negamus relationem distingui ex natura rei à fundamento) saltem mente separetur relatio ab altero albo. Hoc verò posito, isti albo carenti relatione, alter paries erit similis, quia talis in albedine qualis iste: ergo sufficienter sine propria relatione terminabit, relationem alterius.

Deinde si Deus producat ignem planè eo modo quo ignis producitur ab igne, ignis productus referretur realiter ad Deum tanquam ad producentem eo planè modo quo ad alium ignem si ab eo productus fuisset referretur: atqui Deus terminabit hanc relationem sine propria vlla relatione reali, idque perfectissimè.

finè, quia perfectissimè ignis productus ad Deum. refertur per perfectam à Deo dependentiam; ergo & ignis producens, sine vlla relatione terminare potest relationem ignis producti.

Respondet Ruuius, in tali casu relationem terminari solum materialiter non formaliter: quia in tali casu non manet terminus formalis, sed tantum materialis. Contra. relatio à termino formali dependet essentialiter, cum ab ipso speciem & essentiamumat; ergo si in tali casu careret suo termino formali careret & essentia: aut si haberet essentiam ex termino materiali; alter terminus qui fingitur formalis, habebit se per accidens ad terminationem, sicut se habet per accidens ad essentiam relationis terminatæ. Deinde si terminus ille materialis sufficit ad terminandam relationem: alter prorsus ad terminationem non facit.

Ad fundamentum primæ sententiæ: Respondeo. *Relativa sunt natura.* relativa sunt simul natura, quoad existentiam, quia si-
mul sunt, & non sunt; & non prius vnum ponitur. vel tollitur quam aliud. quare nego prius relationem terminari ad absolutum, quam illud absolutum referatur ad ipsum, sed simul est vtrumque, quia posito fundamento & termino, vtraque relatio necessario resultat. Ad hoc autem non requiritur vt terminent inuicem suas relationes, sed siue terminent sine non terminent, erunt simul natura: quia vna posita ponitur altera, & sublata aufertur; vtraque enim æquè se habet ad suum fundamentum, & terminum, vt ex eo resultat.

Ob eandem etiam causam relativa sunt simul co-
gnitione & definitione, quia cognitio vnius habet ne-
Simul cognitio.

H h h h h.

cessa.

cessariam connexionem cum cognitione alterius, cum ex iisdem extremis & fundamentis, utraq; relatio oriatur, & per consequens pari ratione utraque cognoscatur; utriusque enim relationis fundamentum & terminus sunt eadem extrema: Cognitis autem utriusque relationis extremis utraque relatio pari ratione cognoscitur; quia non maior est ratio unam cognoscendi quàm alteram.

Nota.

Ex quo patet non dici relativa simul cognitione, quasi vnum relativum formaliter contineri debeat in cognitione alterius. Sufficienter enim cognoscitur relativum, si cognoscatur ut terminatum ad absolutum, etiam si non cognoscatur opposita termini relatio, sed sunt simul quoad connexionem necessariam cognitionum, quia utraque cognitio naturaliter simul resultat cognito fundamento & termino.

*Simul definitio-
neque.*

Porro relativa eo modo quo sunt simul cognitione, sunt etiam simul definitione: non quod vnum relativum definiatur formaliter per correlativum; definitur enim formaliter per suum terminum formalem qui est quid absolutum; quia tamen terminus ille simul etiam est relativus, idè ex consequenti poni potest terminus in definitione sub ratione relativa. Ex quo patet ex illo principio, quòd relativa simul sint naturà, nihil ad confirmandam primam sententiam colligi posse.

*Relationes di-
vine ad quid
terminantur.*

Quod verò de divinis relationibus ex Theologia adducitur, quasi hæ terminent seipsas relativè. Primum non constat inter omnes an relationibus vel originibus divinæ personæ constituentur. Deinde & si relationibus constituentur, ut communior habet opi-

nio;

bio; tamen relationes eæ sunt simul & origines, quare relatio Patris terminabitur ad Filium vt genitum & sub ratione originis passiuæ: Filij verò relatio terminabitur ad Patrem vt generantem & sub ratione originis actiuæ.

At vrget Ruuius. Inter relationes est oppositio, oppositio autem relatiua, est oppositio relationis & termini; ergo ipsæ relationes sunt termini, Sed respondetur, duplicem oppositionem spectari in relationibus. alteram quæ est inter duas relationes oppositas in ratione relationis, vt inter paternitatem & filiationem, alteram quæ est inter terminum & relationem. Prior oppositio est oppositio distinctarum habitudinum ad oppositos terminos, ita vt vni & eidem rei non possint simul competere, vt paternitas, & filiatio respectu eiusdem non potest vni competere: posterior verò est oppositio relationis ad terminum, sub ratione absolute, & non sub ratione relatiua, quia sub tali ratione terminus terminat relationem. Consistit autem hæc oppositio in hoc, quod id quod refertur, non possit esse vna res cum termino, sed necessario debeat esse distincta ex natura rei à termino.

Q V A E S T I O X.

An relatio sumat suam essentiam à termino.

DVo hic quæri possunt. Primò. An terminus fiat de essentia relationis: Secundò. An ex termino sumatur vnitas, & essentia specifica relationum.

H h h h h 2

Quæstio

De essentia al-
cuius dicitur a-
liquod intrinse-
cè.

Quantum ad primum: dupliciter aliquid dici potest de essentia alicuius; vel intrinsecè tanquam constituens essentiam per modum partis aut gradus essentialis quomodo animal & rationale dicitur de essentia hominis, & gradus generici aut specifici sunt de essentia speciei. Vel extrinsecè, tanquam id cuius respectu aliquid est tale essentialiter; sic nascus est de essentia simitatis; quia simitas respectu nasi dicitur simitas, in se verò est solum curvitas: unde non potest esse vel concipi simitas nisi in naso. Terminus igitur nō est de essentia relationis primo modo, quia nec est genus nec differentia relationis, nec ulla pars essentialis, quod vel ex eo patet quia subiectis distinguuntur à se. Nam relatio cum fundamento sunt in vno subiecto, terminus verò in altero; essentia autem cum sit idem re cum eo cuius est essentia non potest separari à subiecto.

Extrinsecè.

Terminus non
est de essentia
relationis in-
trinsecè.

Sed extrinsecè.

Est igitur terminus de essentia relationis secundo modo, tanquam id cuius respectu relatio est relatio; siquidem relatio nec esse nec intelligi potest sine termino, sed tota eius essentia posita est in eo, ut sit ratio respiciendi terminum. Hoc idem alii dicunt esse de essentia in obliquo non in recto.

An terminus
sit vera causa
relationis.

Quod si quisas. An terminus habeat veram rationem causæ respectu relationis; Videtur enim habere, quia specificat relationem, specificare autem est dare esse; id autem quod dat esse rei, est causa rei. Quod autem specificet relationem probatur. Nam relatio non habet suam essentiam nisi respectu termini; & si fuerint termini specie distincti, relationes quoque erunt specie distinctæ: Ego manifestum est
rela-

relationem sumere suam essentiam, à termino, & ex consequenti terminum conferre essentiam relationi. Quod autem verè & propriè terminus specificet relationem probatur: quia relatio non habet aliam speciem, & essentiam nisi respectu termini. Ergo aut hæc erit vera specificatio, quæ est à termino, aut dicendum erit relationem non habere aliam propriam specificationem.

Ex altera verò parte non videtur vlllo modo dici posse, terminum esse causam relationis. Cur enim? An quia relatio non potest esse sine termino? at ex hoc non sequitur terminum esse causam relationis. Nam pater non potest esse sine filio, & tamen pater non causatur à filio, neq; in ratione absoluta, vt per se patet, neq; in ratione relatiua; quia correlatiua sunt simul natura: at quæ sunt simul natura, non potest esse vnum causa alterius, causa enim est prior natura eo cuius est causa. Quod etiam multo magis patet in diuinis relationibus in quibus non potest admitti, Patrem sub ratione relatiua causari à Filio, Pater enim paternitate constituitur persona: Si ergo secundum paternitatem causatur à Filio vera persona Patris causaretur à Filio.

*Non est Vera
Causa.
I.*

*Paternitas non
causatur à Fi-
liatione.*

Quamuis igitur relatio non possit esse sine termino tamen id non est propter aliquam causalitatem, seu dependentiam à termino in aliquo genere causæ, sed quia essentialiter est talis non nisi respectu termini. Hoc autem fit, sine vlla termini causalitate. Nam cum ponitur terminus incipit esse relatio, sine vlla nouæ rei accessione, ac proinde, sine vlla noua causalitate, vbi enim nulla res noua accedit, ibi non est opus vlla noua causalitate. Nam si dicas fieri nouam relationem, Respondeo nouam relationem fieri, non est fieri rem nouam

H h h h h 3

simpli-

simpliciter, sed respectu termini nouam, sicut puer visus respectu est paruus sine vlla suæ quantitatis immutatione; in se enim eandem quantitatem habens, respectu maioris, fit paruus, respectu minoris magnus.

2.

*Relatio non e-
git noua cau-
salitate.*

An quia relatio habet diuersam essentiam, si referatur ad diuersos specie terminos? At neq; hoc arguit vllam causalitatem à termino. Nam sicut relatio posito termino incipit esse absque vllius rei accessione, & ex consequenti, absque vera causalitate à termino; ita respectu diuersorum specie terminorum, est diuersa speciei; absque vlla nouæ rei accessione, & absque vlla causalitate à termino: sed per hoc solum, quod eadem res respectu distincti specie termini, est alia atq; alia ex seipsa, cum tamen in se sit eadem semper.

*An Relatio sit
Ens improprie
dictum.*

Dices hæc ratione relatio erit ens improductum, cum tamen omne ens nouum quod ante non fuit, & incipit esse, oporteat per productionem incipere esse.

Respondeo. Relationem simpliciter non esse ens improductum, quia est eadem res cum fundamento; Fundamentum autem est ens productum: ergo & relatio. Quod verò dicimus relationem posito fundamento & termino, non egere noua productione, id est quia nulla noua re accedente sed solo fundamento & termino positis, habet suum esse relatio; relatio enim, non est res noua absolute, sed solum respectu termini noua: ut autem sit res noua respectu termini non est necesse ut aliquid noui producat, sed ut fundamentum, quod in se erat tale, etiam respectu termini sit tale, sine alia cuiusuis rei accessione & causalitate; album enim cum sit tale in se, posito alio albo erit tale quale aliud, sine vlla suæ albedinis variatione. Id ergo quod est nouum.

um ens simpliciter, hoc est noua entitate ens, debet per aliquam productionem fieri ens, vt patet in omnibus absolutis; ac quod est nouum ens respectiue tantum; tunc sicut non est nouum ens noua entitate, sed veteri entitate respectu noui termini sumpta; ita non eget noua productione; noua enim productio, ad nouam aliquam entitatem terminari debet; quare vbi nulla est noua entitas, nulla erit noua productio. Et sicut potest esse res aliqua non noua, quæ tamen respectu alicuius, qui eam ante non nouerat, erit noua; neq; tamen propterea res illa est immutata vel per productionem aliquam facta est noua; ita cum fundamentum respectu noui termini habet nouam habitudinem, sine vlla sui mutatione, & sine alicuius nouæ rei productione habet nouam illam habitudinem.

Dicendum igitur est Primò. Terminum nullo modo habere rationem veræ & propriæ causæ, respectu relationis. Primò. Quia licet relatio specificetur à termino, quia est talis vel talis respectu talis vel talis termini; non tamen specificatur per aliquam causalitatem termini, sed per hoc quia relatio est ad terminum, & talis relatio ad talem terminum, quod fit sine vlla causalitate vt ostensum est in ratione dubitandi.

Concluditur terminum non esse rem causam Relationis.

I. Relatio specificatur à Terminum absq; causalitate.

Estq; alia ratio de specificatione actus ab obiecto. Nam obiectum respectu actus, habet suam causalitatem effectiuam, nam per speciem sui à se productam in potentia, est causa effectiua actus. Terminus autem nihil tale producit in fundamento, quod causet relationem: non igitur habet se eodem modo obiectum. Quanquã & obiectum si solum sit terminatum & nō motiuum, non habebit hanc causalitatem respectu actuum, vt si obiectum

Obiectum in se causa actus.

*Obiectum
terminatum
sunt non est
causa.*

obiectum non sit productum aliquarum specierum in potentia, sed per species infusas à Deo, intelligatur. Et de potentiis certum id est, quod obiectum respectu illarum sit terminatum tantum, nullo verò modo causatum, ita ut potentia specificentur ab obiectis sine vlla causalitate obiectorum; per hoc solum, quod potentia, sunt ad obiecta; sunt verò ad obiecta, non relatione aliqua essentiali, sed essentiis suis absolutis, fundantibus relationem ad obiecta.

2.

*Terminus in
nullo genere
causa est causa
relationis.*

Secundò si terminus haberet veram rationem causae, esset causa relationis, per veram causalitatem in aliquo genere causae: at in nullo genere causae potest esse causa. Ergo. Probatur minor. Primò de materia, quia terminus, neque est materia ex qua est relatio, nec materia in qua, ut patet. Dices. Esse materiam circa quam. contra. Materia circa quam non habet vllam veram causalitatem, respectu eius quod est circa ipsam nec effectivam, nec subiectivam, nec vllam aliam. Vnde non est propriè materia sed Metaphoricè, & similitudinariè: quia sicut ex quo aliquid fit, est materia illius; ita obiectum suggerit quodammodo materiam actui, ut ex ea fiat, quod tamen manifestum est propriè non dici, sed similitudine quadam.

*Idea ad causam
efficientem
pertinet.*

Secundò de causa formali, probatur. Quia causa formalis, seipsa est causa, seipsam vniendo subiecto, & seipsa faciendo subiectum tali, Terminus autè est quid extrinsecum relationi, & non vnitum illi realiter. Quod si dicas Ideam reduci ad genus causae formalis, etiam si realiter non vniatur effectui, nam extrinsecè facit effectum talem. Respondeo. Ideam pertinere propriè ad causam efficientem, quia facit effectum talem, non seipsa sed mediante efficiente, cui est ratio produ-

producendi effectum talem in specie. Hoc autem termino non conuenit: nam Idea quia apprehenditur ab agente, potest esse agentis ratio producendi effectum ad similitudinem Ideæ; Terminus verò à nullo apprehenditur: quare nulli est ratio producendi sibi proportionatam relationem.

Sed instabis. Ideam esse formam extrinsecam; ergo reducitur ad genus causæ formalis. Respondeo. Ideam esse quidem formam extrinsecam, sed non causare per modum formæ; sed per modum principii effectiui determinantis efficiens ad agendum; formæ verò causalitas est seipsa informando causare effectum, & facere talem: quare Idea & si sit forma extrinseca, non tamen per modum formæ causat.

*Nō ad causam
formalem.*

De causa efficiente probatur. Quia terminus nihil producit in fundamento; ut est per se notum.

De causa finali nonnullis quidem videtur causalitatem termini esse persimilem causalitati finis, & ad eam pertinere, sicut enim finis non est causa per aliquam causalitatem à se profectam & à se exercitam, sed per hoc quod alia operantur propter ipsum; ita & terminus, etiam si nullam habeat causalitatem à se profectam & exercitam: quia tamen relatio est ad ipsum, habet rationem causæ ad modum causæ finalis: reuera tamen est magnum discrimen inter finem & terminum. Nam finis idè est causa, quia est causa operationis agentis propter ipsum; est autem causa operationis, mediante cognitione, qua se agens excitat ad agendum propter finem. Quod si mediante cognitione non moueret agentem ad agendum, esset quidem finis, sed non causa, quia non esset villo modo causa operationis propter finem.

*Potest esse Finis
non causa.*

mem. Terminus igitur quia nullius operationis est causa, ut fiat; nullo etiam modo habet rationem causæ, quod discrimen est valde notandum.

Dicendum est secundò. Terminum dici posse causam virtuales nō quod actu causet, sed q̄ possit à nobis concipi per modum causæ: sicut & vnum attributum in Deo dicitur causa virtualis alterius, quia fundat conceptum causæ quod est esse causam fundamentaliter & virtualiter.

*An à solo terminus
sumat suam
specificationem
Relationis.*

Quæri etiam potest an vniuersè verum sit relationem sumere omnem suam essentiam & distinctionem specificam à termino; videtur enim ita rem habere: nam totum esse relationis est esse ad terminum: ergo totam rationem essentiae sumit à termino; quia enim est ad talem vel talem terminum ideo est talis vel talis relatio.

Ex altera verò parte id non videtur. Quia potest esse idem specie terminus, & relationes ad illud terminatæ eruat specie distinctæ: ergo tunc non sumunt suam speciem à termino: Antecedens patet. Nam eadem albo & aliud album est simile relatione similitudinis, & nigrum est dissimile relatione dissimilitudinis; quæ duæ relationes sunt specie distinctæ. Quod si quis respondeat idem album sub diuersa specie ratione fundandi, esse terminum specie distinctum; nam terminat relationem similitudinis, quatenus est vnum in albedine cum alio albo, relationem verò dissimilitudinis quatenus est diuersum ab alio albo. Contra, Licet hæ relationes fundandi sint diuersæ; tamen terminus in ratione termini constituitur formaliter per albedinem non per unitatem; albū enim albedine terminat similitudinem

nem alterius albi non vnitate; quia albedine non vnitate est alteri albo simile, & tale quale alterum. Vnitas autem solùm est conditio quædam termini non verò ratio formalis constitutiva termini: ergo verum est ad vnum speciem terminum terminari distinctas relationes.

Dicendum est relationem sumere suam essentiam, *Tam à Termino* & specificationem non solùm à termino, sed etiam à *no quàm à Fundamento sumit speciem Relationis.* fundamento. Quia de ratione relationis est, vt sit relatio alicuius ad aliquid, ita vt si alterum desit non possit intelligi relatio. Verbi gratia, similitudo non potest intelligi nisi intelligatur id in quo res est similis nempe in albedine: & cui sit similis, nempe albo; id verò cuius proximè est relatio dicitur fundamentum, id ad quod est relatio, dicitur terminus; ergo vtrumque concurrat ad essentiam relationis: imò magis videtur concurrere fundamentum quam terminus; quia relatio est idem cum fundamento, vnde magis recipit à fundamento omnem variationem in essentia quàm à termino à quo distinguitur realiter.

Ex quo infero, relationem semper quidem sumere suam essentiam tam à fundamento quàm à termino, vt dictum est, diuersitatem tamen specificam aliquando sumere à fundamento tantùm quando fundaméta sunt distincta specie, termini autem sunt eiusdem speciei. Sic similitudo albi & dissimilitudo nigri respectu eiusdem albi sumunt à distinctis fundamentis suam distinctionem specificam, vt deducitur in ratione dubitandi.

Aliquando à termino tantùm, vt similitudo albi cum albo, & dissimilitudo eiusdem albi cū nigro à solis

terminis specie distinctis sumunt suam diuersitatē specificam : nam fundamentum est idem, aliquando verò ab utroq; cum & fundamenta sunt specie distincta, & termini vt paternitas & filiatio.

*Questio.
An diuersarū
rerum simili-
tudines sunt
specie distin-
cta.*

Quod si quæras. An similitudo alborum & similitudo nigrorum sint relationes eiusdem speciei ; quibusdam enim id videtur cum conueniant in ratione similitudinis ; eodem enim modo sunt vtraque sibi similia. alii verò & melius dicunt conuenire has relationes in genere similitudinis ; non verò in specie ; alia enim est similitudo in albedine , alia in nigredine ; vbi enim fundamentum & terminus sunt diuersæ speciei ; ibi necesse est & relationes distingui specie, cum essentia relationis ab his duobus desumatur ; hic verò accidit ita : Ergo. quod si dicas utrobique esse vnā rationem fundandi, nempe vnitatem & conuenientiam in forma.

Respondeo. Rationem fundandi esse conditionem tantum fundamenti & termini, non verò ipsam rationem formalem fundandi, vt dictum est.

QVÆSTIO XI.

*An relatio realis possit terminari ad
non ens.*

Qui tenent relationes esse de essentia absolutorum, consequenter tenent eas terminari posse ad nō ens, hoc est ad terminum non existentem. Nam scientiam aiunt referri realiter ad scibile non existens in rerum natura ; materia quoque est in potentia ad formam nondum habitam ; ignis est calefactiuus ligni nondum existentis ;

istentis; istis enim omnibus conuenit relatio realiter. etiam si termini relationis non existant; Non enim dici potest has relationes conuenire solum per intellectū; cum circumscripta omni operatione intellectus & nullo cogitante intellectu ista respiciant se. Neque dici potest id esse solum fundamentaliter quia ista non possunt intelligi sine suis terminis ad quos referuntur: ergo illos formaliter respiciunt.

Gabriel in 1. dist. 3. quæst. 5. ponit relationem *Relatio potentialem adstruit.* potentialem mediam inter relationem realem & rationis, ita ut relatio rationis sit ad terminum in ratione existentem, relatio realis ad terminum realiter existentem, relatio verò potentialis ad terminum potentia existentem; talis enim relatio non est rationis, quia nullo intellectu cogitante conuenit rei: non etiam est realis, quia non est ad terminum realiter existentem: est igitur media.

Dicendum tamen est non posse esse relationem *Ad non ens, non potest esse relatio realis.* realem ad non ens seu ad terminum actu non existentem. Quæ sententia est in primis omnium horum qui negant relationes essentielles absolutis. Nam relationes accidentales concedunt omnes non posse terminari ad non ens. Cum ergo omnes relationes in hac sententia sint accidentales: sequitur nullam posse terminari ad non ens. In particulari autem est expressa sententia S. Thom. 2. Contr. Gentes. Cap. 1. 2. in 3. argum- *Sententia S. Thomæ.* to ubi docet in Deo ad creaturam non esse relationes reales quia in Deo sunt relationes non solum respectu eorum quæ sunt actu, sed etiam eorum quæ sunt in potentia. quia & eorum scientiam habet & respectu eorum dicitur primum ens & summum bonum. Cum igitur eius quod est actu ad id quod non est actu, sed

terminis specie distinctis sumunt suam diuersitatē specificam : nam fundamentum est idem : aliquando verò ab utroq; cum & fundamenta sunt specie distincta, & termini vt paternitas & filiatio.

*Quæstio.
An diuersarū
rerum simili-
tudines sunt
specie distin-
ctæ.*

Quod si quæras. An similitudo alborum & similitudo nigrorum sint relationes eiusdem speciei ; quibusdam enim id videtur cum conueniant in ratione similitudinis ; eodem enim modo sunt utraque sibi similia. alii verò & melius dicunt conuenire has relationes in genere similitudinis ; non verò in specie ; alia enim est similitudo in albedine , alia in nigredine ; vbi enim fundamentum & terminus sunt diuersæ speciei ; ibi necesse est & relationes distingui specie, cum essentia relationis ab his duobus desumatur : hic verò accidit ita : Ergo. quod si dicas utrobique esse vnā rationem fundandi, nempe vnitatem & conuenientiam in forma.

Respondeo. Rationem fundandi esse conditionem tantum fundamenti & termini, non verò ipsam rationem formalem fundandi, vt dictum est.

QVÆSTIO XI.

*An relatio realis possit terminari ad
non ens.*

Qui tenent relationes esse de essentia absolutorum, consequenter tenent eas terminari posse ad nō ens, hoc est ad terminum non existentem. Nam scientiam aiunt referri realiter ad scibile non existens in rerum natura ; materia quoque est in potentia ad formam nondum habitam ; ignis est calefactiuus ligni nondum existens ;

istentis; istis enim omnibus conuenit relatio realiter. etiam si termini relationis non existant; Non enim dici potest has relationes conuenire solum per intellectū; cum circumscripta omni operatione intellectus & nullo cogitante intellectu ista respiciant se. Neque dici potest id esse solum fundamentaliter quia ista non possunt intelligi sine suis terminis ad quos referuntur: ergo illos formaliter respiciunt.

Gabriel in 1. dist. 3. quæst. 5. ponit relationem *Relatio potentia-
tialis adstruit.* potentialem mediam inter relationem realem & rationis, ita ut relatio rationis sit ad terminum in ratione existentem, relatio realis ad terminum realiter existentem, relatio verò potentialis ad terminum potentia existentem; talis enim relatio non est rationis, quia nullo intellectu cogitante conuenit rei: non etiam est realis, quia non est ad terminum realiter existentem: est igitur media.

Dicendum tamen est non posse esse relationem *Ad non ens, nō
potest esse rela-
tio realis.* realem ad non ens seu ad terminum actu non existentem. Quæ sententia est in primis omnium horum qui negant relationes essentielles absolutis. Nam relationes accidentales, concedunt omnes non posse terminari ad non ens. Cum ergo omnes relationes in hac sententia sint accidentales: sequitur nullam posse terminari ad non ens. In particulari autem est expressa sententia S. Thom. 2. Contr. Gentes. Cap. 1. 2. in 3. argumen- *Sententia S.
Thomæ.* to ubi docet in Deo ad creaturam non esse relationes reales quia in Deo sunt relationes non solum respectu eorum quæ sunt actu, sed etiam eorum quæ sunt in potentia. quia & eorum scientiam habet & respectu eorum dicitur primum ens & summum bonum. Cum igitur eius quod est actu ad id quod non est actu, sed

potentia, non sint relationes reales: non erunt in Deo relationes ad creaturam reales. Probat autem entis in actu ad ens in potentia non esse relationem realem: quia aliàs inquit sequeretur, quod essent infinitæ relationes actu in eodem: quia binarius diceret relationes reales infinitas actu ad infinitos numeros. se maiores qui cum sint specie distincti relationes ad ipsos terminatæ essent actu infinitæ.

*Ratio Ferrar.
sensu.*

Ferrat. verò ibidem idem probat ex eo, quia nulla forma accidentalis conuenit rebus nisi existentibus; quare & ordo inter terminos relatiuos, cum sit forma quædam accidentalis non potest non existentibus conuenire. Nam & propter aliquam realem formam subiectum habet quod referatur ad terminum. Et terminus quod huiusmodi ordinem terminetur, habet ex aliqua forma inexistente reali. Quia ergo ens in potentia non habet vllam formam realem in existentem, idcirco non potest terminare actu.

*Mens D. Thom.
ma.*

Diuum Thomam defendit Capreol. in 1. distincti. 30. quæst. 1. artic. 1. Vbi ait scientiam non referri relatione reali ad scibile in potentia, sed relatione duntaxat rationis. Neque verò dici potest S. Thom. solum loqui de relationibus accidentalibus & Prædicamentalis; quia mens D. Thom. est auferre à Deo omnes relationes reales ad creaturas siue accidentales siue essentielles fingantur. Nam relatio scientiæ ad scibile in potentia, est vna ex essentialibus rationibus quæ statuuntur: & tamen hanc negat in Deo esse realem & ex consequenti neque essentialem scientiæ quia si esset essentialis esset realis. Negat autem ex illo vniuersali principio: Entis in actu ad ens.

ens in potentia non potest esse relatio realis. Quod principium si esset falsum in relationibus transcendentibus, S. Thom. non rectè probasset relationem scientiæ & Omnipotentiae non esse realem in Deo; quia ista referuntur essentialiter, ac proinde realiter ad ens in potentia.

Probatur igitur ratione conclusio primò. Nulla *Alia ratio est,*
operatio potest realiter exerceri circa nihil, etiam si il- *I.*
lud sit ens in potentia. Patet id inductione. Nulla enim forma potest realiter afficere subiectum in potentia existens: albedo non potest realiter facere album parietem, in potentia existentem; nec paries potest realiter recipere albedinem in potentia existentem; nullum efficiens potest agere in nihil, verbi gratia, ignis non potest agere in lignum potentia existens, nec illud calefacere: neque potest etiam quisquam comedere realiter panem potentia existentem, similiter non potest aliquis realiter sedere in sede in potentia existente; nec habitare realiter in domo nondum existente; neque ambulare in pavimento nondum existente, neque existere in spatio nondum existente.

Horum omnium ratio communis est; quia ad realitatem respectivam requiritur realitas utriusque termini, Et sicut non potest vnum realiter ad aliud referri per operationem, nisi ambo existant, neque per realem inexistentiam, nisi similiter existant, ita neque per realem terminationem, nisi actu existant; realitas enim respectiva poscit utrumque terminum realem existentem.

Secundò

2^{ca}.

Secundò probatur & alia ratione: Quia non ens non habet in se reale fundamentum, quo possit terminare actu relationem. Pro quo noto primò: relationem actualem requirere terminum actu, hoc est, qui sit actu terminus, non potentia tantum. Nam si terminus, sit solum potentia terminus, poterit terminare relationem, non verò actu terminabit; relatio verò debet ad suum terminum terminari actu non potentia; alioqui solum esset potentia relatio, non actu, quis posset terminari ad aliquem terminum, non verò de facto terminaretur.

Terminus debet esse actu terminus.

Dices Ens in potentia, est actu ens in potentia: Ergo actu potest terminare per suam entitatem in potentia. Respondeo primò. Esse actu in potentia, est nullum habere actum essendi: Quod si nullum habet actum essendi, non habebit etiam actum quo possit terminare. Respondeo secundò. Ens dici ens in potentia non ab entitate quam habeat intrinsecè, sed per denominationem extrinsecam à causis. potentibus illud producere: Quare & in seipso intrinsecè est nihil, & in suis causis est aliquid in potentia: Terminata autem relationem ens in potentia, ut per rationem apprehenditur.

Ens in potentia unde dicatur.

Notandum secundò. Ens in potentia, non potest esse terminum actu relationis realis. Nam etsi possit esse terminus actu relationis rationis, quia talis relatio non requirit terminum in re, sed tantum in ratione existentem; tamen non potest esse terminus actu relationis realis, si tantum in potentia existat. Quod ita probabo. Terminus constituitur terminus per suum fundamentum. quod est ratio quædam realis, fundans rationem termini; nisi enim haberet terminus in se fundamentum per quod constitueretur, & qui esset causa terminan-

Ens in potentia non potest esse terminum actu.

minendi, non posset terminare relationem. Nam quod album terminat relationem similitudinis, & non dissimilitudinis alterius albi, id non oritur nisi ex fundamento, quod per suam albedinem, quam habet, constituitur aptum proximè & sufficienter ad terminandam relationem similitudinis non dissimilitudinis; ita ut albedo in termino, sit fundamentum & causa terminationis; Non enim quidlibet, potest terminare quidlibet, sed tantum id quod habet in se fundamentum talis terminationis.

Cum igitur ens in potentia, non habeat actu ullam rationem terminandi, non poterit etià actu terminare, & esse actu terminus; Fundamentum enim & ratio terminandi est entitas ipsius: atqui ens in potentia nullam habet entitatem actu: ergo nullam habet actu rationem terminandi, ac ex consequenti non est terminus actu. Pariet, verbi gratia, actu albus si dicatur esse actu similis parieti potentia existenti, debet paries ille in potentia existens habere aliquod fundamentum actu, per quod terminet actu relationem, alterius parietis. Cum verò ratio terminandi sit albedo, debet hanc rationem terminandi habere actu, si debet esse terminus actu; non enim potest esse terminus actu, nisi per rationem terminandi actu: atqui non potest habere hanc rationem terminandi, hoc est, albedinem actu, nisi albedo actu existat: Ergo non potest esse terminus actu si sit ens in potentia, sed tantum si sit ens actu.

Responderi potest: Terminum esse actu terminum, non actu aliquo intrinseco (sic enim deberet esse ens in actu non potentia) sed actu extrinseco, eo quod aliud actu terminatur ad ipsum, ad eum modum.

Responsio.

Kkkkk

quo.

quo relatiua tertij modi, dicuntur relatiua, ex eo quod alia referantur ad ipsa, vt scibile, dicitur scibile, quia de illo est scientia: Hoc igitur modo terminus erit actu terminus; quia relatio actu terminatur ad ipsum, nō quod in seipso intrinsecē sit actu.

Respondetur.

Sed hæc responsio non tollit difficultatem. Nam terminus constituitur in ratione termini, non sola extrinseca relatione ad ipsum, sed sua intrinseca ratione terminandi, quam diximus esse fundamentum terminationis. Nam sicut ratio referendi, est fundamentum relationis: ita ratio terminandi, est fundamentum terminationis. Nam quod relatio terminetur ad talem terminum & non ad alium, id ex eo provenit, quia in tali termino inuenit rationem terminandi, quam non inuenit in alio; ita vt relatio non terminaretur ad talem terminum, nisi in illo inueniret rationem terminandi sufficientem. Cum igitur non possit habere terminus actu rationem terminandi, nisi existat actu, sequitur non posse esse terminum actu, si solum sit ens in potentia.

Ex quibus infero. Nullam relationem realem, posse terminari ad ens in potentia, sed solum ad ens in actu. Nam quod quidam dicunt, rationem terminandi esse essentiam non existentiam. Respondeo. Essentiam non posse esse rationem terminandi relationem realem nisi actu existat; debet enim ratio terminandi, actu conuenire termino, vt illum constituat in ratione terminia actu.

Obiicitur.

At obiicies primo, scientia potest referri ad terminum fictum & impossibile; imò ad negationem & nihil; hæc enim omnia sunt cognoscibilia, etiamsi non exi-

existant actu neque existere possint, & sicut habent unde cognosci possint, ita habent, unde possint terminare relationem.

Respondeo, neque ad ficta, neque ad impossibilia esse relationem realem scientiæ. Nam ficta & impossibilia, eatenus sciuntur quatenus existunt in intellectu, non verò quod scientia realiter referatur ad ipsa extra intellectum, quia extra intellectum omnino nihil sunt, nec esse possunt. Quare extra intellectum nihil est, ad quod possit, vel debeat terminari relatio realis scientiæ. Cum igitur scientia dicitur esse de rosa non existente; non est sensus, scientiam terminare suam relationem ad rosam non existentem extra intellectum; talis enim rosa nihil est, sed sensus est, de rosa apprehensa per intellectum & in intellectu existente esse scientiam, quæ quidem rosa est loco rosæ realis, sicut signa, & voces, & imagines, sunt loco rerum, quod magis in disputatione decima sexta de scientia explicabitur.

Ad obiecta ficta non est relatio realis.

Obiicies secundò. Materiam referri relatione potentie ad formam nondum habitam, hanc autem esse relationem realem, pater: quia secluso omni intellectu materia est in potentia ad omnem formam: Ergo potest aliquid realiter referri ad non ens.

Respondeo. Materiam esse in potentia reali ad omnes formas etiam absentes, non per aliquam relationem realem terminatam ad formas non existentes; talis enim relatio est impossibilis, sed tum ob fundamentum, ratione cuius ex parte sua est apta referri, existente termino, tum ob non repugnantiam naturalem ad illas habendas, & recipiendas;

Materia non dicitur relationem realem ad formas non existentes.

Kkkkk. 2. Potentia

Potentia enim supra entitatem materię, nihil addit, nisi non repugnantiam realem fundatam in natura, quę non repugnantia est negatio, & conuenit materię realiter, eo modo, quo negationes reales conueniunt rebus; esse enim negatiuum, est non-esse reale rerum negatarum.

Quod si concipimus relationem quandam potentię terminatam ad formas non existentes, talis relatio est concepta, & formaliter est in intellectu, fundamentaliter in re. Et idem dicendum est de aliis relationibus potentialibus, vt cū dicimus ignem posse calefacere lignum non dum existens, talis potentia est realis, non propter aliquam relationem materię ad lignum non existens, sed propter realem & naturalem aptitudinem seu non repugnantiam, ad calefaciendum, quę repugnantia intelligitur sine vlla relatione positiua terminata ad non ens.

Addo, quod si concedatur semel relationes potentiales esse reales, non solum relationes transcendentales, sed etiam prædicamentales, possent realiter terminari ad ens in potentia; quod tamen isti authores non concedunt. Probat. Quia paries albus potest esse similis alteri albo in potentia. Et idem dicitur de aliis relatiuis, quę referuntur ad terminos relatione potentię.

*Opinio Gabrielis
de relatione
potentiali re-
flectitur.*

Quod verò docebat Gabriel relationes potentiales esse quid medium inter relationes reales & rationis, hoc nullo modo potest esse verum: tum quia inter ens reale & ens rationis non datur mediū: quidquid enim est extrarationem, reale est. tum quia relationes potentiales cum non sint reales (nisi fundamenta-

liter)

liter) ad rationem pertinent formaliter, licet non sine fundamento in re: Nam & si res sunt in potentia ad aliquid realiter, id tamen non per positivam relationē realem, sed per nō repugnantiam realem accipi debet. Quod si relatio aliqua intermedia cogitatur, illa est in intellectu formaliter, & solū fundamentaliter à parte rei.

Obiicitur tertio. Secundum Arist. 5. Met. Cap. 20. inter relativa secundi modi ponitur factivum & factibile, calefactivum & calefactibile, quæ relativa terminantur ad ens in potentia. Loquitur autem ibi sine dubio de relationibus realibus. In relativis etiam tertii modi ponit, scientiam quæ refertur ad obiectum non existens: ergo voluit esse relationem realem ad obiectum non existens. Respondeo Aristotelem dicto loco solū explicare varios modos relationum, non verò determinare an omnes sint reales vel rationis: nam & proportionem numerorum ibi recenset inter alias relationes, quæ tamen fundantur in numero, qui non existit, nisi per operationem intellectus.

Greg. in 1. d. 28. q. 3. tenet, tam ens ad non ens, quàm non ens ad ens posse referri realiter, hoc est sine ulla operatione intellectus. Primum probat; hoc est ens ad non ens realiter referri; primò: quia datur à parte rei imago rei non existentis: at imago qua imago, est alicuius imago: vtenim ait August. 7. de Trinitate cap. 1. quid absurdius est quàm imaginem ad se dici? ergo imago refertur realiter ad rem nō existentem. Secundò: quia datur à parte rei memoria rei non existentis & præteritæ: memoria autem dicitur relatiuè ad id cuius est memoria, idq; etiam tunc cum actu non cogitat homo de re, est enim memor eius saltem habitualiter.

*Gregorij opinio
de relatione
inter Ens &
non ens.*

1.

2.

Kkkkk 3

Tertio:

3. Tertiò: quia realiter aliquis dicitur actiuus & passiuus: *et actiuum & passiuum dicitur respectu rei agibilis actu non existentis*: ergo datur relatio ad non ens.

*Non ens ad ens
refertur realiter.*

1.

Secundùm verò probat hoc est non ens ad ens realiter referri. Primò: quia omnia relatiua dicuntur ad conuenientiam, ergo si ens ad non ens refertur realiter, pari ratione non ens ad ens referetur realiter: quocirca sicut productiuum realiter dicitur ad producibile; ita producibile quod est non ens vicissim dicitur realiter ad productiuum; similiter imaginatum non existens ad imaginem & memoratum ad memoriam. Referuntur autem ista realiter; quia siue ista considerantur ab anima, siue non, producibile est producibile à productiuo. Nam sicut non ens habet in se rationem terminandi relationem realem, ita & fundandi.

2.

Secundò. Omnis causa refertur ad causatum: at qui aliquid non existens est causa realis alicuius existentis, ergo aliquid nō existens refertur realiter ad existens. Minor patet. Quia finis non existens est causa alicuius effectus iam facti propter illum finem. Verbi gratia, fructus futuri, sunt finis florum & foliorum; folia enim & flores à natura diriguntur ad fructus tanquā ad finem; natura enim agit propter finem & si non cognoscat finem.

*Refellitur Greg.
genius.*

Verum quod ad primam Greg. conclusionem attinet ea sufficienter est refutata ex dictis, non enti enim nihil reale actu conuenit; (alioqui quoad illud esset ens actu, non in potentia) ergoneque conuenit actu ratio realis terminandi, sine qua non potest actu terminare; si enim nihil habet actu, per quod terminet, non potest actu terminare.

Vnde ad primam rationem Greg. respondeo. Imaginem

ginem nō referri actu ad imaginatum, nisi imaginatum existat: nam si nō existit nihil est ad quod referri possit. *Imago non refertur realiter ad non ens.* Solum ergo fundamentaliter refertur, hoc est fundamentum habet sufficiens ad hoc ut referatur, ita, ut ex parte sua sit sufficiens, ut referatur quando res illa extiterit. Sicut paries albus est similis parieti cras futuro albo, non quia actu exerceat similitudinem, sed quod ex parte sua habet omnia per quæ sit similis, & solum ex defectu termini qui non existit non est actu similis. Ex quo patet rei illi quæ est imago, esse accidentale esse imaginem, & referri realiter ad aliud.

Ad secundam: memoria est rei præteritæ non quod cognitio referatur actu ad aliquid extra intellectum, sed quod illius rei quæ erat realiter extra intellectum formatur in intellectu representatio & similitudo: quæ tamen similitudo non est actu similitudo relata ad illud: sed tantum est actu fundamentum sufficiens & proportionatus talis relationis. Potest tamen per intellectum referri ad rem apprehensam.

Ad tertiam: res dicitur actiua realiter, ratione fundamēti realis, & realiter sufficiens ad agendum actu, nō ob realem relationem terminatam ad agibile. Pro quo noto. Calefactivum dupliciter dici potest potentia calefactivum: primò relatiuè propter relationem potentia- *Calefactivum relatiuè.* litatis terminatam ad terminum potentia existentem: & hanc dico relationem esse rationis, non realem: quia nihil est ad quod realiter terminari possit talis relatio; secundò; absolutè propter naturam fundantem illam *absolutè.* habilitatem & aptitudinem ad calefaciendum: & hoc modo dicitur realiter calefactivum, quia realiter est tale ut ei conveniat posse calefacere: quæ habilitas nature est absoluta in se, & non nisi per additam relationem dicitur relatiuè.

Obii-

Obiicere tamen quis posset ens in potentia habere: unde possit terminare relationem: tum quia plus dicit ens in potentia quàm nihil. quod neq; actu nec in potentia est aliquid: hoc ergo ipso quo ens potentia excedit merum nihil, potest terminare ad se relationem realem; tum quia ens potentia, est actu ens in potentia, non enim est in potentia ad esse in potentia, sed actu in potentia illi conuenit esse in potentia: ergo habet aliquem actum ens potentia, quo possit actu terminare relationem.

*Ens potentia
nullum habet
actum.*

1.

2.

3.

Respondeo. Ens potentia nullum habere actum in se, quo possit terminare relationem. Nam si haberet aliquem actum secundum illum actum esset ens actu in potentia; si ergo aliquid sit purè ens in potentia, implicat contradictionem habere aliquem actum; esset enim actu & potentia secundum idem. Deinde si haberet aliquem actum, esset secundum illum actum extra suas causas, & sic non esset ens in potentia; quod enim actu est extra suas causas, est & extra potentiam causarum suarum. Adhuc si est extra suas causas, erit procul dubio ens productum. quare cum ab æterno fuerit mundus in potentia, ab æterno fuisset productus secundum aliquem actum, quod est falsum.

Ad primam igitur probationem respondeo, ens in potentia superat quidem merum nihil, non aliquo actu presenti, sed futuro aut possibili, secundum quem erit actu aut esse, potest, licet de factu non sit actu. quare cum ad terminationem actualem requiratur aliquid actu quod terminet, ens autem potentia nihil tale habet actu, ex consequenti nihil habet unde terminet actu relationem.

Ad secundam, respondeo; ens potentia esse actu ens in.

in potentia, non est habere aliquem actum positivum existendi, sed est posse existere actu: & hanc possibilitatem ei convenire actu. non intrinseco sed extrinseco, facta denominatione extrinseca à causis actu potētibus illud producere: Vnde nullum actum intrinsecum habet, quod ad rationem termini actu, requiritur.

An ens in potentia sit actus ens in potentia.

Secunda verò conclusio Greg: refellitur primò auctoritate D. August. 2. de Trinitate cap. 1. ubi ait si non esset homo, id est aliqua substantia, non esset qui relatiuè dominus diceretur: & si non esset equus quædam essentia, non esset quod iumentum relatiuè diceretur: ita si nummus nō esset aliqua substantia nec arca posset dici relatiuè. qua propter si & pater non est aliquid ad se ipsum, non est omnino qui relatiuè dicatur ad aliquid. Quibus verbis August: docet nihil posse dici relatiuè ad aliud, nisi sit aliquid essentialiter in se, non ens autē nihil est in se: non potest igitur dici relatiuè. Neque valet responsio Greg: aliquas relationes non posse verificari nisi de rebus quæ existunt, & de iis loquitur August. aliàs verò æquè verificari de existentibus & nō existentibus, vt esse producibile esse cognitum & de his non loquitur August. Contra: ex inductione vniuersali deducit August: relationē Patris non posse convenire Patri nisi pater sit quædam essentia in se, inductionio autem nihil concludit nisi sit vniuersalis: ergo vniuersaliter de omni relatione locutus est August: Deinde loquitur etiam de relatione vt relatio est non verò sub aliqua limitata ratione relationis; nullam enim talem limitationem addit: ergo intendit omnem relationem supponere aliquam essentiam existentem, & per consequens non entis nullam esse posse relationem realem.

Non ens non refertur realiter ad Ens.

I.

D. Augusti.

Mens Augustini.

2.

Secundò. Si non ens potest referri realiter, peto an

*Relatio non potest
convenire
non ens.*

relatione existente actu, an existere potètia: si primum; illa relatio vel erit accidens vel substantia: Si accidens; supponet subiectum existens, quia in existentia dependet à subiecto, eiq; innititur; non ens autem non potest esse vllius rei subiectum; si substantia: impossibile est puram relationem esse per se subsistentem, sed requirit aliquam aliam essentiam à relatione distinctam quæ referatur illa relatione, vt argumentabatur S. August. Est enim de ratione relationis vt sit alicuius ad aliquid relatio; non enim sui ipsius est relatio sed alterius alicuius essentiae ad alterum terminum. Si verò dicatur secundum: sequitur non ens non referri sed tantum posse referri; sicut enim relatio actu existens facit actu referri: ita relatio potentia existens, facit posse referri. Nos autè quærimus an non ens referatur realiter & actu ad ens.

3.

*Fundamentum
relationis debet
esse aliquid a-
ctus existens.*

Tertiò. Ad relationem realem requiritur reale fundamentum actu: si enim nihil sit actu, nihil erit quo actu fundari possit relatio: atqui non ens nihil habet actu: ergo nihil habet quo fundare actu possit relationem. quæ omnia simili modo probantur sicut de actuali terminatione probatum est supra.

Alia rationes.

Quidam addunt aliam probationem. Relativa, inquiunt, definiuntur esse illa, quorum esse est ad aliud se habere: ergo relativa supponunt esse; prius enim est esse quam ad aliud esse.

Sed hæc ratio solum probat formale esse relativum, esse ad aliud se habere, non verò quod supponat aliud esse relationi substratum. Nam quod dicitur, prius est esse quàm ad aliud esse, hoc ipsum in ipsa relatione formaliter accepta intelligitur; relatio enim prius ratione
conci-

concepitur esse in se quam ad aliud esse, quocumq; tandem modo isticonceptus distinguantur.

Secunda probatio est. nihil non potest fundare vllam relationem, ac non ens, est nihil. Ergo non potest fundare vllam relationem. Maior probatur. Quia nihil, cum sit nihil, nihil habet siue quo sit, siue quo fundet relationem, relatioq; in nihilo fundata est non fundata: non fundata autem relatio, non est relatio: cum ad rationem spectet fundamentum & terminus.

Responderi potest nihil actu & potentia non posse fundare vllam relationem, quia nihil omninò habet, quo fundet; ac ens potentia non est nihil omninò, sed tantum est nihil actu, non nihil autem potentia. Sed contra. ad fundandam actu relationem opus est habere aliquid actu in quo fundetur relatio: ac ens potentia, habet quidem aliquid potentia, quo potest fundare relationem, non tamen habet aliquid actu, quo actu fundet relationem.

Ad primum argumentum Greg: respondeo. Omnia quidem relatiua ad conuertentiam dici, si conuenienter assignentur, vt probat hoc loco Aristot: id tamen verum est quoad conuertentiam relationis non quoad conuertentiam realitatis: Nam scientia & scibile quoad relationem conuertuntur: omnis enim scientia alicuius scibilis est scientia, & omne scibile aliqua scientia est scibile; tamen relatio scientiæ est realis, scibilis verò relatio est rationis.

At inquires producibile, est realiter producibile; ac producibile respectu alicuius productiui est producibile; ergo relatione reali est producibile. Respondeo

¶¶¶¶ 2.

produ-

Relatiua ad conuertentiam dicuntur quo sensu

Producibile non refertur reale.

2. Secundò. Si non ens potest referri realiter, peto an

Relatio non potest commensurare non ens.

relatione existente actu, an existere potètia: si primùm; illa relatio vel erit accidens vel substantia: Si accidens; supponet subiectum existens, quia in existentia dependet à subiecto, eiq; innititur; non ens autem non potest esse vllius rei subiectum; si substantia: impossibile est puram relationem esse per se subsistentem, sed requirit aliquam aliam essentiam à relatione distinctam quæ referatur illa relatione, vt argumentabatur S. August. Est enim de ratione relationis vt sit alicuius ad aliquid relatio; non enim sui ipsius est relatio sed alterius alicuius essentia ad alterum terminum. Si verò dicatur secūdum: sequitur non ens non referri sed tantum posse referri; sicut enim relatio actu existens facit actu referri: ita relatio potentia existens, facit posse referri. Nos autè querimus an non ens referatur realiter & actu ad ens.

3. Tertiò. Ad relationem realem requiritur reale

Fundamentum relationis debet esse aliquid actus existens.

fundamentum actu: si enim nihil sit actu, nihil erit quo actu fundari possit relatio: atqui non ens nihil habet actu: ergo nihil habet quo fundare actu possit relationem. quæ omnia simili modo probantur sicut de actuali terminatione probatum est supra.

Aliæ rationes.

Quidam addunt aliam probationem. Relativa, inquiunt, definiuntur esse illa, quorum esse est ad aliud se habere: ergo relativa supponunt esse; prius enim est esse quam ad aliud esse.

Sed hæc ratio solum probat formale esse relativum, esse ad aliud se habere, non verò quod supponat aliud esse relationi substratum. Nam quod dicitur, prius est esse quàm ad aliud esse, hoc ipsum in ipsa relatione formaliter accepta intelligitur; relatio enim prius ratione
conci-

conceipitur esse in se quam ad aliud esse, quocumq; tandem modo isticonceptus distinguantur.

Secunda probatio est. nihil non potest fundare vllam relationem, at non ens, est nihil. Ergo non potest fundare vllam relationem. Maior probatur. Quia nihil, cum sit nihil, nihil habet siue quo sit, siue quo fundet relationem, relatioq; in nihilo fundata est non fundata: non fundata autem relatio, non est relatio: cum ad rationem spectet fundamentum & terminus.

Responderi potest nihil actu & potentia non posse fundare vllam relationem, quia nihil omninò habet quo fundet; at ens potentia non est nihil omninò, sed tantum est nihil actu, non nihil autem potentia. Sed contra. ad fundandam actu relationem opus est habere aliquid actu in quo fundetur relatio: at ens potentia, habet quidem aliquid potentia, quo potest fundare relationem, non tamen habet aliquid actu, quo actu fundet relationem.

Ad primum argumentum Greg: respondeo: Omnia quidem relativa ad conuertentiam dici, si conuenienter assignentur, vt probat hoc loco Aristor: id tamen verum est quoad conuertentiam relationis non quoad conuertentiam realitatis: Nam scientia & scibile quoad relationem conuertuntur: omnis enim scientia alicuius scibilis est scientia, & omne scibile aliqua scientia est scibile; tamen relatio scientiae est realis, scibilis verò relatio est rationis.

At inquires producibile, est realiter producibile; at producibile respectu alicuius productiui est producibile; ergo relatione reali est producibile. Respondeo

¶¶¶¶ 2

produ-

Relativa ad conuertentiam dicuntur quo sensu

Producibile non refertur realiter

producibile cum non existat in se realiter, nullam quorūq; realem rationem fundat; hæc enim relatio esset accidentalis, & non posset existere in subiecto potentia existente: non igitur ab aliqua relatione reali positiua dicitur producibile, sed à potentia ad existendum realiter; id enim dicitur producibile realiter quod cum realiter nō existat; potest tamen realiter produci & existere, potest autem realiter produci denominatione facta à potentia reali potente producere.

*Finis quomodo
causa.*

Ad secundum respondeo. Finis cum sit non ens nō potest esse Causa, nisi quatenus realiter apprehensus; mediante enim apprehensione mouet agens vel ad agendum propter ipsum vel ad determinandum aliud agens ad agendum propter ipsum. primo modo agentia mouentur ex cognitione à fine: posteriori modo agentia naturalia determinata ad suos fines à Deo agente per intellectum & præscribente suos fines cuiq;. Si igitur finis esset merum non ens tam in apprehensione quā in se, nullo modo posset esse causa realis. At dices. Saltem agentia naturalia mouentur in suos fines, qui sunt non entia. Respondeo. Non moueri per aliquā relationem realem ad ipsos non existentes, sed solum quatenus efficiunt aliqua per quæ producitur effectus, per modum finis intentus aut determinatus. Sicut cum producantur flores propter fructus: producere flores est moueri ad finem, quia est producere propter finem apprehensum & cognitum à prima causa, Deo; ita ut seclusa cognitione finis, agentia nō agerent propter finem, sed tantum agerent ea quæ agunt nō referendo ea in finem; nunc autē referunt quæ agunt in finem, quia determinantur à prima causa ad agendum ex cognitione & intentione talis finis: de quo plura in Physica.

*Agentia natu-
ralia ex deter-
minatione a-
gunt propter
finem.*

QVÆ.

QVÆSTIO XII.

An ad Relationem realem requirantur extrema realiter distincta.

Questio est de relatione reali. nam ad relationem rationis sufficit distinctio extremorum per rationem facta: sic intellectus bis concipiendo Petrum, refert ipsum ad seipsum relatione identitatis. Porro extrema possunt esse realiter distincta, primò, materialiter tantum, hoc est, quoad subiecta, cum solum subiecta relationum distinguuntur realiter, non verò fundamenta. Sic Scotus in divinis putat relationem æqualitatis & identitatis personarum esse realem: quia extrema sunt realiter distincta licet idem sit quasi fundamentum huius relationis in tribus personis, nempe essentia divina. Idem etiam accideret si eadem numero albedo esset in duobus subiectis; tunc enim subiecta illa essent similia realiter & realiter distinguerentur licet fundamentum huius similitudinis esset unum & idem in utroque.

*Extrema distincta
guntur realiter
Quoad subiecta.*

Secundo formaliter quoad fundamenta quando fundamenta relationum, in quibus formaliter fundatur relatio, distinguuntur realiter, ut cum duo parietes sunt similes in albedine, habent duas albedines realiter distinctas, fundantes similitudinem. Extrema enim relativa constituuntur in ratione extremorum formaliter per fundamenta.

Quoad fundamenta.

Prima igitur sententia asserit ad relationem realem requiri ut extrema formaliter accepta sint ex natura rei distincta ita Suarius 2. Metaph. disput. 47. Sect. 9. fundamentum est: quia de ratione relationis in com-

1. Opinio

muni est esse ad aliud. ergo & de ratione relationis realis est esse ad aliud reale; ac ubi est aliud & aliud reale, ibi est distinctio realis, ergo. Est etiam hæc sententia. S. Thom. 1. part. quæst. 42. artic. 4. ad 3. ubi propter hanc causam negat æqualitatem inter diuinas personas esse relationem realem. Addit verò Suarez, non requiri vniuersè distinctionem realem suppositorum. si enim Verbum assumeret duas naturas humanas, essent illæ naturæ sibi realiter similes, & Verbum ratione ipsarum.

*Suppositorum
distinctio non
requiritur.*

2. Opinio.

Secundâ sententia est Scoti In. 1. dist. 31. quæst. 1. ad relationem realem non requiri distinctionem extremorum formalem, hoc est, secundum fundamenta, sed sufficere distinctionem materialem, secundum subiecta. Vnde infert æqualitatem & identitatem inter diuinas personas esse relationem realem, quia habet tria requisita ad relationem realem: primò extrema realia, secundò realiter à se distincta, tertio ex natura rei ad se relata; Quamuis. n. eiusdem ad se ipsum neget esse relationem realem, quia nō sunt extrema realiter distincta; tamen si extrema sint realiter distincta, & sint idem in aliqua forma communi habebunt & distinctionem extremorū sufficiens ad relationem, & sufficientem causam ad hoc vt realiter referri possint. Forma enim illa sicut afficit vtrumque; ita est vtrique ratio sufficiens ad hoc vt referatur.

3. Opinio.

Tertiâ sententia est Vasquez. 1. part. distinct. 166. qui dicit aliquas relationes reales requirere distinctionem realem fundamentorum, aliquas non; vult enim relatiua primi modi, necessario postulare distinctionem realem fundamentorum; quia prius referuntur:

tur ad inuicem fundamenta, deinde ratione fundamentorum referuntur subiecta, verbi gratia, prius duæ albedines sunt inter se similes, cum ratione ipsarum duo alba sunt similia: necesse igitur est prius ipsas esse re distinctas, quàm subiecta. In relatiuis verò secundi modi, ait non requiri hanc distinctionem realem fundamentorum: Existimat enim relationes secundi modi fundari non in potentia actiua & passiuâ, sed in ipsamet actione & passione; actio autem & passio non sunt realiter inter se distincta; eadem enim res ut ab agente est actio, ut est in passio est passio. Quare sicut eadem numero res fundat actionem & passionem; ita etiam poterit fundare relationes agentis & patientis.

Dico primò non requiritur ad relationem realem in communi, distinctio realis suppositorum seu subiectorum, ut bene ait prima sententia. Ratio est: quia quod requiritur ad relationem realem in communi, requiritur ad omnem relationem realem: atqui non omnis relatio realis postulat distinctionem realem suppositorum extremorum. Ergo relatio in communi talem distinctionem non requirit.

Minor patet. primum in exemplo Verbi assumendi duas naturas sibi similes: tunc enim idem suppositum secundum diuersas naturas esset sibi simile. Corpus etiam Christi in cœlo dicit relationem distantiae vel propinquitatis ad seipsum in sacramento.

In relatiuis etiam secundi modi est id manifestum. Etenim sicut actio potest esse eiusdem in seipsum; ita & relatio realis consequens actionem erit eiusdem ad seipsum, sine vlla distinctione reali, ut patet in potentiis animæ

animæ cum producit suos actus immanentes in seipſis. Idem enim est agens & patiens, eadem etiam est potentia actiua & receptiua, quæ sunt fundamenta relationis.

*Agens refertur
realiter ad ſi-
pſum.*

1.

2.

3.

Dices poſſe eſſe actionem realem in ſeipſam, non-
verò relationem realem ad ſeipſum. Contra. Quæ
maior relatio poteſt eſſe quàm per actionem? Idem e-
nim verè pendet à ſeipſo, in eo quod recipit à ſeipſo per
actionem. Actio etiam eſt ex illo entium genere quæ
vel ſunt relatiua vel ſine relatione intelligi nō poſſunt;
omne enim agens reſpectu alicuius eſt agens, quia rem
aliquam agit, & omne patiens reſpectu alicuius agentis
eſt patiens. Ad hæc negari non poteſt in actione im-
manenti eſſe relationem realem inter terminum pro-
ductum & producetem. Relatio enim producti ad pro-
ducentē non poteſt eſſe nō realis. Cum igitur huius re-
lationis ſubiectū ſit ipſum agens: ſequitur ipſum agens
referri realiter ad ſeipſum. Relatio enim ſuum ſubie-
ctum, quod afficit, refert. Requiritur ergo ad talem re-
lationem non vt ſint ſuppoſita in ſe diſtincta (hoc enim
tunc ſolū requiritur, cum ipſa ſuppoſita producuntur)
ſed vt producat ſe forma aliqua, realiter ab agente &
patiente diſtincta, efficiens & disponens. Vtrumque ad
mutuam relationem, ſive quod forma producta ſit
fundamentum relationis agentis & patientis vt vulg.
Vaſquez ita vt quemadmodum à forma producta ſu-
mitur denominatio agentis & patientis ita & relatio a-
gentis & patientis; ſive vt communior fert opinio, re-
latio agentis & patientis fundetur in potentia actiua &
paſſiua, vt reducta ad actum per actionē & paſſionem,
quæ eſt realiter diſtincta ab utroque.

*Quæ ſit diſtin-
ctio calis in
talibus caſibus.*

Dico ſecundò. Relationes reales ex propria ſua na-
tura.

propterea requirere aliquam distinctionem realem extremorum. Probatur inductione primò in relationibus primi modi fundatis in vnitatem & multitudinem; Vt enim rectè docent Vasquez cum Caiet. in hoc genere relationum, fundamenta primò ad se referuntur, & deinde ratione fundamentorum ipsa subiecta; prius enim duæ albedines sunt similes inter se, tum faciunt parietes similes; & duæ quantitates prius sunt æquales inter se, quàm faciunt duo ligna æqualia. Cum igitur fundamenta ad se referri non possint, nisi sint realiter distincta; necesse est fundamenta talium relationum esse distincta, & ex consequenti ipsa extrema.

Inductio.

In relationibus primi modi.

Dices. Cur relationum harum fundamenta, non possunt ad se referri nisi sint distincta realiter? Respondeo. Quia eiusdem ad seipsum secundum eandem omnino rationem, non potest esse relatio realis, vt omnes concedunt; fundamenta autem primi modi cum sint eiusdem omnino rationis, nisi distinguantur realiter, non habent alium modum quo in re distinguantur. Necesse ergo est vt distinguatur realiter seipsis. Nam in reatiuis secundi modi actiuum & passiuum non differunt quidem realiter seipsis, differunt tamen per formam per actionem productam & receptam, quæ tam ab agente quàm à patiente realiter distinguuntur; at albedines nisi realiter seipsis distinguantur, non habent vnde distinguantur.

Secundò probatur de relationibus secundi modi. Fundantur enim quædam in tali actione, quæ non potest recipi in agente, sed in distincto, subiecto ab agente, vt sunt omnes actiones transeuntes. Aliæ verò quæ fundantur in actione immanenti non habent quidem subiecta realiter distincta, habent tamen terminum for-

In relationibus secundi modi.

M m m m m malem

malem realiter distinctum tam ab Agente quam à patiente, nempe formam quæ per actionem producitur in potentia. quæ distinctio sufficit ad relationes huius generis.

*In relationibus
tertij modi.*

Tertio idem probatur de relationibus tertij modi, ut est relatio scientiæ ad scibile, quæ nisi sint re ipsa distincta, non possunt ad se realiter referri, Quia quæcunque ad se realiter referuntur, vel ex seipsis realiter referuntur, & ad hoc requiritur ipsorum realis distinctio, cum eiusdem ad seipsum non possit esse realis relatio; vel si non sunt ipsa realiter distincta, habent tamē aliquid tertium realiter ab utroque distinctum, quod est illis ratio ut realiter ad se referantur, ad eum modum quo in actione immanente agens & pater, etiam si realiter sint, idem tamen propter realem actionem & formam productam utrumque efficientem, habent quasi ab extrinseco, ut realiter ad se referantur; Cum alio qui non possent referri ob indistinctionem unius ab altero. Quando igitur scientia & scibile sunt idem, realiter neque ex seipsis possunt ad se referri realiter, neque habent causam extrinsecam ob quam realiter referri possint. Vnde fit ut nullo modo possint referri realiter, nisi distinguantur realiter.

*Scientia & scibile
quædo referantur
ad se
realiter.*

*Non per distinctionem
realem requiritur enim
omnibus relationibus
realem.*

*Idem ad seipsum
quando referuntur
realiter.*

Ex dictis infero primo. Requiri quidem aliquam distinctionem realem inter extrema relationis. non tamen parem in omnibus ut dictum est. Et sic verum est, quod dici solet, omnem relationem esse ad aliud; ita, ut relatio ad seipsum si esse debeat realis, debeat esse ad seipsum tanquam ad aliud, quia catenus est ad seipsum, quatenus aliud, quid à seipso in seipso producitur, quod fit per actionem immanentem. Nam & si idem ad seipsum ex seipso non possit habere relationem realem propter indistinctionem sui à seipso; ta-

men

non potest ex aliqua re sibi adueniente id acquirere, ut referatur ad seipsum; sicut diximus de actione in seipsum; talis enim actio ponit formam productam quæ est causa sufficiens ut agens referatur ad seipsum, etiam si sit cum seipso idem.

Infero secundò contra secundam sententiam, ad relationes primimodi, ut sint reales, non sufficere distinctionem realem subiectorum, sed requiri distinctionem realem fundamentorum quod est extrema distinguendi formaliter ut extrema sunt. Ratio est allata in secunda conclusione. Quocirca neque inter diuinas personas relatio æqualitatis, similitudinis, identitatis, est realis; neque si daretur vna numero albedo in diuersis subiectis, illa subiecta referrentur ad se realiter relatione similitudinis; quia in his relatiuis prius formæ inter se referuntur, tum ratione formarum subiecta. Forma autem si est eadem in utroque non potest ad se ipsam referri realiter, cum eiusdem non possit ad seipsum esse relatio realis. Sic enim albedo non est similis sibi ipsi, nec refertur ad se relatione similitudinis; ita nec est eadem sibi ipsi nisi per rationem bis idem apprehendentem & conferentem cum seipso: in re verò solum albedo est id quod est; neque est eadem sibi ipsi, neque diuersa à seipso: nisi fundamentaliter, quia est fundamentum, ut eadem sibi ipsi concipi possit cum relatione ad seipsam. Quia igitur subiecta dicuntur esse idem in aliquo, ex eo quia forma utrique communis est eadem sibi ipsi; sequitur, cum identitas formæ cum seipsa non sit relatio realis, neque identitatem subiectorum ratione formæ esse realem. Cum identitas subiectorum in aliqua forma, oriatur ex identitate formæ cum se ipsa.

M m m m m 2.

As

Atinquires. Forma producta ab agente in passum, est sufficiens causa ut agens referatur realiter ad passum, etiam si agens sit idem realiter cum passum. Ergo multo magis albedo existens in duobus subiectis realiter distinctis, erit causa ut realiter illa subiecta referantur ad inuicem.

Respondeo disparem esse rationem, ob disparem naturam fundamentorum. Nam fundamenta relationum primi modi habent hanc naturam, ut prius ad se referantur, cum sua relatione faciunt referri subiecta; unde si relatio fundamentorum non fuerit realis, neque relatio subiectorum erit realis. Itaque albedo eadem posita in duobus non est causa sufficiens ad fundandam realem relationem identitatis subiectorum; quia non est sufficiens ad fundandam relationem realem identitatis cum seipsa. At in relationibus secundi modi forma producta, ex natura sua est sufficiens causa, ut propter illam referatur agens ad passum, quia constituit tam agens in ratione agentis quam passum in ratione passi. unde quamvis sit eadem, potest utrique esse ratio relationis realis. Infero tertio. Relationem intellectus ad seipsum à se intellectione esse realem, si seipsum intelligat intellectione realiter à se distincta; si verò intellectionis sit idem cum intellectu, ut in Deo, non erit relatio realis.

*Ratio intellectus
ad seipsum,
an realis.*

Ratio primi est. Quia tunc intellectionis est sufficiens causa duplicis relationis realis tam agentis ad passum ratione formæ productæ, quam intelligentis ad intellectum; ratione intellectionis productæ. Forma enim producta ab agente est sufficiens ratio referendi agens ad passum secundum illam formam: Ergo & intellectionis producta erit sufficiens ratio relationis realis in-

32

6 0 0 0 0 0 0 0

intel

intellectu. Ratio secundi est. Quia tunc inter intellectū & intelligibile nulla est penitus distinctio, neq; aliquid realiter inter ipsa mediat, q; sic causa relationis realis.

Notandum tamen est. quia & si in relatione agentis ad seipsum extrema, id est subiecta, non sint simpliciter distincta realiter: inuenitur tamen distinctio quædam realis, relationis ipsius ab opposito sibi extremo. Nam si relationes agentis & passi fundentur in forma producta, ita ut proximum fundamentum ipsarum sit forma dependens ab agente, & recepta in passio; tunc relationes agentis & passi erunt idem realiter, cum ipsa forma, tanquam cum suo fundamento: Cum verò forma producta sit distincta realiter tam ab agente quàm à passio; etiam relatio agentis distinguetur realiter à passio, & relatio passi distinguetur realiter ab agente, & sic extrema respectu relationum à quibus denominantur, distinguuntur realiter. Si verò relationes habeant pro fundamento ipsam potentiam actiuam & passiuam, tunc relationes erunt idem re cum extremis, quæ quia re non sunt distincta ab inuicem, neq; relationes ipsis identificatæ, erunt re distinctæ nisi ratione connotati. Nam relatio agentis fundatur in potentia actiua ut reducta in actum per actionem, quæ est res distincta à passio, similiter relatio passi fundatur in potentia passiuâ ut reducta in actum per passionem, quæ est res realiter distincta ab agente. Vnde quamuis extrema harum relationum non sunt à se distincta realiter, sunt tamen aliquo modo distincta realiter à relatione quæ est ad ipsa

Relationes distinguuntur ab extremis.

sive simpliciter sive secundum quid, ratione connotati, quod sufficit ad tale genus Relationum.

Mmmmm ;

QVÆ.

QVÆSTIO XIII.

An essentia relationis solum consistat in esse

Ad & non in esse In.

*Omnia Relatio
habet Ad & In.*

Non est questio an à parte rei possit dari relatio quæ solum dicat esse ad terminum & non dicat esse in respectu subiecti vel quasi subiecti. Non enim dubium est omnem relationem alicuius ad aliquid esse relationem. Vnde requiritur tam subiectum cuius sit, quam terminum ad quem sit. V. G. similitudo non satis est, vt sit ad aliud album, sed etiam requiritur vt sit alicuius albi; si enim non fuerit alicuius albi, non erit similitudo, quia similitudo duorum alborum est similitudo. Loquor autem hodie In, non vt dicat physicam inhaerentiam, hæc enim nõ requiritur ad rationem Relationis in cõmuni, vt supra docuimus; sed solum vt indicat id cuius est illa Relatio siue sit in illo per inhaerentiam, siue per identitatem.

Est igitur questio An istud In, sine quo à parte rei nõ potest esse relatio, pertineat ad rationem formalem relationis, ita vt sine ipso essentia relationis concipi non possit; Videtur epim non pertinere, Nam si relatio concipiat ad terminum, concipitur relatiue, si verò concipiat in subiecto non concipitur relatiue. Cum igitur non à subiecto, sed à termino habeat esse relatiuum, poterit absq; ordine ad subiectum concipi relatiue, & ex consequenti esse In, non pertinebit ad rationem formalem relationis.

Et confirmatur id inductione in omnibus relationibus, Non enim paternitas est relatio quia est in patre; sed quia est ad filium. nam esse in subiecto conuenit etiam

acci-

accidentibus absolutis, neque tamen ex eo accidentia absoluta sunt essentialiter relatiua. Nam si dicas, esse in subiecto: est dicere respectum ad subiectum. Respondeo hunc respectum non facere naturam cui conuenit essentialiter relatiuam, sed tantum accidentaliter & denominatiue. Verè enim quantitas & qualitas habent esse in, non tamè propterea sunt essentialiter relationes; quare neque relatio per esse in erit essentialiter relatio, sed ad summum conueniet illi esse in denominatiue & accidentaliter, sicut aliis accidentibus absolutis, Nos autè quærimus an esse in, ita pertineat ad relationem, vt illà constituat in esse relatiui formaliter, & in hac sententia videtur esse D. Thom: 1. p. q. 28. a. 2. vbi ait rationem propriam relationis non sumi per ordinem ad subiectum, sed per ordinem ad terminum. Caiet: & Canariensis ibidem docent rationem formalem relationis abstrahi posse ab esse in.

Dicendum tamè est ad rationem formalem relationis *In pertinet ad* pertinere non solum esse Ad, sed etiam esse in: ita vt nò *essentialiam Relationis.* possit concipi relatio cõpleta secundum rationem suam formalem, nisi concipiatur tam secundum Ad quàm secundum in. Ratio est quia de ratione relationis est, vt *Ratio* sit alicuius ad aliquid relatio; ita vt nisi concipiatur tam id in quo est relatio, quàm id ad quod est relatio, non possit concipi completè ratio formalis relationis. v. g. relatio similitudinis nò concipitur complete per hoc quod est ad aliquod album: nam etiam dissimilitudo potest esse ad album, sed debet concipi albi ad album relatio: ita vt si nò intelligatur albedo supposita pro fundamento similitudinis, non intelligatur formaliter similitudo. Similitudo enim duorum alborum est similitudo; & impossibile est relationem concipere nisi inter duo quorum alterum sit subiectum alterum terminus relationis.

Pro

*Relatio sine
fundamento &
termino intel-
ligi non potest.*

Pro quo notò primò : Relationem pendere essentialiter tam à fundamento quàm à termino, & mutari essentialiter, aliquando ratione fundamenti, aliquando ratione termini, vt quæstione decima docuimus. Nam fundamentum est ratio fundandi talem relationem, terminus est ratio terminandi. Sicut igitur relatio non potest intelligi sine termino, qui est ratio terminandi, ita neq; sine fundamento quod est ratio fundandi.

*Relatio sum-
itur completè,
& incompletè.*

Notò secundò. Rationem formalem relationis posse sumi & completè secundum omnem suam rationem essentialem, & incompletè solùm secundum ultimam rationem suam essentialem, v. g. ratio formalis hominis completè concepta includit non solùm rationalitatem sed etiam animalitatem; vtrumq; enim pertinet ad essentiam hominis constituendam; rationalitas quidem determinatè animalitas autè indeterminatè, quia non ab animali sed à rationali determinatè homo habet esse hominem. Si verò concipiatur incompletè secundum rationem ultimò determinantem ad esse hominis, sic potest concipi absque animalitate sub rationalitate sola.

*In pertinet ad
rationem com-
pletā Relatio-
nis.*

Pari ergo ratione relatio dupliciter concipi potest: primò completè secundum omnia requisita essentialiter ad rationem relationis: & sic necessariò concipi debet tam secundum esse Ad, quàm secundum esse In; quia per Ad ultimò determinatur ad rationem relatiuā, non per In; Sicut autem si solùm concipitur rationale, non concipitur homo, sed quid hominis, seu principium formale & determinatè constitutum hominis, non enim sola rationalitas est homo: ita si concipiatur solùm esse Ad, non concipietur relatio, sed tantum principium formale constitutum relationis. Vnde ad formalem

*Non pertinet
ad incomple-
tam.*

conce-

conceptum relationis completum requiritur vterque conceptus, tam Ad, quàm In. Et si enim præscindi possit Ad ab In, tamen relatio formaliter non potest præscindi, quia relatio non est solum Ad, sed etiam In. Sicut etsi rationale possit præscindi ab animali, ratio tamen formalis hominis non potest præscindi, cum vtrumq; essentialiter includat. Et hoc modo exponendus est S. Thomas citatus, nempe quod loquatur non de completa ratione formali relatiua, sed incompleta ultimo determinatè ad rationem relatiuam, quæ est solum esse Ad. Et licet Ad non constituat relationem simpliciter sine In; constituit tamen secundùm quid, id est, indeterminata ratione relatiua; cum tamen etiam In, constituat eandem rationem relatiuam, sed non determinatè vt Ad.

Ex quo etiam patet ad rationem dubitandi. Nam ex In non sumitur determinata ratio relatiua, sumitur tamen simpliciter, quia ad essentiam relationis pertinet.

Quod si obiicies: Ordo ad subiectum est ordo ad terminum; sed ordo ad terminum est ratio determinans ad esse relatiuum; Ergo & ordo ad subiectum. Respondeo. Nos loqui de eâ relatione, quæ est ad aliquem terminum cui conuenit præter terminum, referri etiam ad subiectum, & dicimus hunc ordinem ad subiectum non esse rationem determinantem illam relationem, ad esse relatiuum: Quia non ex subiecto sed ex termino relatio est Ad. Si tamen sermo sit de relatione quæ est ad ipsum subiectum tanquam ad terminum, tunc proportionaliter esse In & esse Ad in ea distingui debet. Sed quæri potest, An relatio habeat suum proprium In distinctum ab In fundamenti.

N n n n n

Affirmat:

*In Physicum
non habet Re-
lationem distinctam
ab In fundamen-
menti.*

*Quale in de-
essentia Rela-
tionis.*

Affirmat Scotus. Quodlibeto 43. quia relatio sicut habet peculiarem rationem accidentis, distinctam à relatione accidentis, quæ est in fundamento; ita etiam habet distinctum In, ab In fundamenti, cum In, sequatur semper ad rationem accidentis. Dicendum tamen est si loquamur de In Physico quod sequitur ad formam Physicam Physicè in hærentem, sic relatio sicut non est distincta forma Physica à fundamento, ita etiam non dicit In distinctum ab In fundamenti, sed per. 1. fundamenti in hæret Physicè subiecto: Si verò loquamur de In, vt abstrahit ab In per in hærentem & In per identitatem, sic relatio habet peculiare In, ratione cuius conuenit fundamento per identitatem, & hoc In est de essentia relationis, & distinguitur ab In fundamenti. Conuenit verò relationi ex ratione accidentis, quatenus accidens dicitur omne id, quod non est de essentia rei, non verò ex ratione accidentis Physici. Dices, ergo relatio vt relatio non est ex genere accidentis, cum tamen ponatur vnum ex nouem generibus accidentium. Respondeo. Relationem vt relatio est non esse accidens Physicum, nec sub genere accidentis Physici contineri, sed solum esse accidens Logicum; quia non est de essentia rei cuius est relatio.

Ex dictis infero In, si pro Physica in hærentia sumatur non esse de ratione Relationis vt Quæst. 7. docuimus, si verò sumatur vt dicit conuenire alicui siue per In hærentiam siue per Identitatem, sic est de essentia Relationis; vt in præsentī Quæst. docemus.



QVÆ.

QVÆSTIO XIV.

*An una numero Relatio possit terminari ad
distinctos numero terminos.*

Est celebris controuersia inter discipulos D. Thomæ & Scoti. Nam illi cum S. Thoma 3. parte, quæst. 31. art. 5. affirmant vnâ numero relationem terminari ad distinctos numero terminos. V. G. patrem vnâ numero paternitate referri ad primum, secundum & tertium filium, ita vt nato vno filio, eadem paternitas extendatur ad secundum, quæ extensio non fit per nouum augmentum intrinsecum relationis, sed per suppositionem extrinsecam termini: Sicut eadem turris flante vento est in alio atq; alio aëre per suppositionem extrinsecam noui & noui aëris. Probant verò hanc sententiam ex eo, quod duo accidentia solo numero distincta non possunt esse in vno subiecto: ergo nec ad distinctos numero terminos possunt esse in vno distinctæ solo numero relationes sed vna quæ extendatur ad omnes terminos. Antecedens probant inductione in omnibus qualitatibus Physicis; Duo enim calores integri non possunt esse simul in eodem obiecto, nec duæ albedines.

Oppositam sententiam tenent alii cū Scoto, nempe ad distinctos numero terminos, necessariò distinctas numero relationes terminari. Primò. Quia respicere terminum est quid essentialè relationi; quare sicut relationi in communi essentialè est respicere terminum in cōmuni, ita huic relationi essentialè est respicere hunc numero terminum. non igitur ad diuersos numero terminos erit eadem numero relatio. Secundò Relatio-

Nnnnn 2.

nes.

nes ortæ ex diuersis rationibus fundandi & terminandi, sunt diuersæ: atq; relationes ad diuersos terminos oriuntur ex diuersa ratione fundandi & terminandi; ergo sunt diuersæ. Minor probatur. Quia relatio paternitatis ad diuersos filios fundatur in diuersa generatione tam actiua quam passiuâ huius & illius filii, similitudo cum albo fundatur in vnitâte cum hoc albo, similitudo verò cum altero albo, fundatur in alia vnitâte cum alia albedine.

Confirmatur. Fundamentum est ex se indifferens ad varias fundandas relationes, sed determinatur per rationem fundandi talem vel talem ad fundandam talem vel talem relationem: sic album quatenus vnum cum alio albo fundat relationem similitudinis, quatenus diuersum à nigro fundat relationem dissimilitudinis. Cum igitur ad diuersos numero terminos dentur diuersæ rationes fundandi relationem, sequitur relationes ipsas esse diuersas.

3. Tertio sequeretur relationem esse priorem tempore suo termino, & non cessare cessante termino, contra ea quæ hic docet Aristoteles de proprietatibus relationum, quas ait esse simul tempore & cognitione. Nam in patre v. g. prius esset paternitas, quam secundus filius generetur, & mortuo primo filio, adhuc maneret paternitas eadem respectu alterius filii. Nam quod quidam respondent paternitatem, quoad substantiam priorem esse termino, quoad extensionem simul esse cum termino; hoc facile refellitur: tum quia Aristoteles cum docuit relatiua esse simul natura, locutus est de relatione quoad substantiam; tum quia respicere terminum est quid substantiale relationi non accidentale, cum in respiciendo termino tota relationis substantia sit posita; quare

Instantia soluitur,

quare non potest substantialiter poni relationi nisi ponatur terminus, nec potest auferri terminus, nisi substantia relationis auferatur.

Quartò. Aliud est formam respicientem extendi ad alium terminum, aliud verò respectum ad hunc terminum extendi ad alium terminum; prius illud est verum; posterius impossibile; quia respectus est terminatio ad talem terminum. Terminatio autem ad aliquem terminum, non extenditur extra illum terminum, sed si est noua terminatio, erit nouus respectus, quia respectus nihil aliud est quam terminatio.

Ad fundamentum verò primæ sententiæ respondetur non esse absolute verum, duo accidentia, solo numero distincta non posse esse in eodem subiecto. Nam multi tenent duo lumina à diuersis luminosis producta, esse simul in eodē, vt patet ex distinctis vmbribus. Idem ostenditur in distinctis numero speciebus productis in oculo, à distinctis numero hominibus; singuli enim homines per singulas species proprias videntur. Deinde quamuis id verum esset de accidentibus absolutis non tamen de respectiuis: Nam accidentia absoluta non habent aliud munus nisi informandi subiectum, & idcirco superflua essent plura in eodem subiecto, quia ab vno accidente, habet plenè esse subiectum. At relatiua accidentia & si solo numero distincta sint, non otiose manent simul in obiecto, sed habent peculiaris & distincta munera referendi subiectum ad hunc vel illum terminum.

Plura accidentia solo numero distincta possunt esse in eodem.

Notandum est. Impossibile est relationem extendi ad nouum terminum sine noua relatione: Quia ista extensio ad terminum est formaliter relatio; nō enim est quid absolutum, sed ad aliquid; omne autem ad ali-

Extensio relationis impugnatur.

I.

Nnnn 3 quid,

quid, est formaliter relatio. Cum igitur noua ponatur extensio ad nouum terminum, ponitur ex consequenti noua relatio.

2. Deinde relatio formaliter, est terminatio fundamenti ad terminum. Fundamentum verò vt se habet ad terminum, dicit formaliter relationem. At in hac noua extensione ad nouum terminum est noua terminatio; ergo noua relatio.

3. Tertiò. Ista extensio vel est quantitativa, vel formalis: Non primò; quia quantitativa extensio fit per additionem partis ad partem; necesse igitur esset addi nouam relationis partem ad nouum terminum: Non secundum; Quia forma se ipsa extenditur ad diuersa subiecta, quatenus eadem numero manens informat diuersa subiecta, vel diuersas subiecti partes, vt patet in anima rationali extendente se totam ad omnes corporis partes: At si hoc modo relatio dicatur extendi ad plures terminos, non extenditur eadem terminatione, sed diuersa, sicut neque forma extendit se ad nouam partem eadem numero informatione, sed diuersa. Quod si fuerit alia numero terminatio, erit procul dubio alia numero relatio. Sicut igitur impossibile est extensionem hanc fieri sine noua terminatione, ita est impossibile fieri sine noua relatione.

Nam quod dicunt esse nouā extensionem relationis, non nouā relationē. Contra: iā est ostensum, id q. ab istis dicitur, noua extensio, esse nouam relationem, cum ad nouam relationem non requiratur nisi noua terminatio, & oppositum est ludere verbis & dare sine mentis sonum. Quare & exemplum illud de turri quæ fluente vento sine vlla sui mutatione est in alio & in alio aëre, querit planè istorum sententiam. Nam sicut in turri

duo

*Exemplum de
Turri expendi-
tur.*

duo distinguimus, vnum absolutum nempe turrim, aliud relatiuū nempe coniunctionem turris cum aëre; & quidē illud absolutum, est indifferens ad omnes illas coniunctiones, cum hoc & illo aëre successiue: respectuum verò, nempe coniunctio cum hoc aëre, est quid determinatum ad hunc numero aërem, ita vt illa numero coniunctio sit cum isto aëre, alia cum alio; neque coniunctio cum hoc aëre extenditur extra istum aërem. Ita & in relatiuis distinguimus duo, vnum absolutum nempe formam respicientem, seu fundan-tem respectum, & hæc est indifferens ad omnes respectus & terminos; alterum respectuum, nempe ipsum respectum ad terminum, & hunc respectum dicimus esse determinatum ad hunc terminum, nec posse extendi extra illum terminum. Quod verò dicunt sine noua mutatione, solo termino posito, fieri hanc extensionem, respondemus in nostra quoq; sententia sine noua alicuius rei accessione posito solo termino acquiri relationem, & tamen negare non possumus esse nouam relationem: nam esse nouam relationem non est nouam rem produci in mundo, sed rem iam productam respectu alterius aliter se habere, quod fit sine vlla nouæ rei productione.

Q V Æ S T I O XV.

De proprietatibus Relationis.

Primam proprietatem Relatiuorum ponit Aristoteles, quod habeant contrarium; virtus enim vitio contraria est, scientia ignorantia, ex quibus exemplis planè patet Aristotelem loqui de relatiuis secundum

Relatiua secundum Dicitur non secundum Essentiam sunt contraria

dici:

dici: Nam de Relatiuis secundum esse adiungit alia exempla, dupli, tripli, quibus nihil ait esse contrarium, Imò in capite de quantitate ex eo probat magnum & paruum non esse contraria, quia sunt ad aliquid; paruum enim respectu magni dicitur paruum & magnum respectu parui.

Difficultas verò est. An relationes formaliter acceptæ possint dici contrariæ. Ratio dubitandi est; Primò. Quia inter relationes inuenitur tanta oppositio ut nullo modo possint esse simul in eodem subiecto, ut paternitas & filiatio, ita sibi opponuntur, ut non possint esse in eodem: impossibile enim est patrem esse suipsius filium. Porro hanc oppositionem esse veram contrarietatem inde patet; quia verè contraria nihil plus habent nisi quod se excludant ab eodem subiecto.

Secundò similitudo & dissimilitudo non sunt minus contraria, quam albedo & nigredo; pugnant enim secum in eodem subiecto, quod proprium est contrariorum: deinde cum hæ relationes sint oppositæ, & nō sint relatiuè oppositæ, nec priuatiuè, consequens est ut sint oppositæ contrariè.

*Relationes non
sunt contrariæ.*

Dicendum tamen est. Relationes formaliter acceptas nullo modo esse inter se contrarias. Nam si agamus de relationibus oppositis in ratione termini, eæ relationes habent quidem oppositionem in ratione termini; quia in eodem subiecto seipsas terminare non possunt, verum hæc oppositio non est vera contrarietas: nam vera contrarietas est oppositio naturarum secundum definitionem datam ab Aristotele 7. Metaphys. ubi contraria definit esse illa quæ sub eodem genere maximè distant, hoc est, quæ oppositis sub eodem genere differentiis distant, ut albedo & nigredo sub eodem

*In relatiuè
positi non est
vera contra-
rietas.*

dem genere coloris: At in his relationibus non est oppositio naturarum, ergo non est vera contrarietas.

Pater id primò. ex eo quod hæ relationes possunt esse eiusdem speciei. Nam duæ similitudines, duorum alborum oppositæ sibi in ratione termini sunt eiusdem speciei. 1.

Secundò. Quia si aliquando relationes istæ sunt diuersæ speciei vt paternitas & filiatio, potest paternitas, V. G. esse simul in eodem, non quidem cum filiatione opposita, sed cum alia filiatione quæ est eiusdem rationis cum filiatione opposita: Nam pater etsi non possit esse filius sui ipsius, potest tamen esse filius sui patris, quæ duæ filiationes sunt eiusdem speciei. Quocirca sicut paternitas non habet essentialem & specificam oppositionem cum secunda filiatione: ita nec cum prima. Ex quo sequitur filiationis oppositionem illam in ratione termini esse merè accidentalem, quia sine tali oppositione potest esse filiatio in altero subiecto. Fundatur autem hæc oppositio in impossibilitate terminorum, in ordine ad mutuam terminationem. 2.

Oppositio relationis est accidentalis.

Quia enim termini quos respiciunt paternitas & filiatio opposita, non possunt eidem convenire respectu eiusdem: idcirco relationes dicuntur esse oppositæ. Porro hæc oppositio in ratione termini potest spectari tam in ipsis relationibus oppositis vt in paternitate & filiatione, quam in relationibus & terminis earum absolutis: Non solum enim relatio non potest stare cum alia relatione opposita, sed etiam cum ipso termino absoluto ad quem terminatur. Quamquam quia non omnes termini correlativi sunt impossibiles. *Qualis sit hæc oppositio.*

Ooooo.

(po^{te}

(potest enim idem esse agens & patiens actione immanente) idcirco hæc oppositio in ratione termini non est in omni relatione, & verius dicitur impossibilitas quedam quam oppositio, ut ex dictis patet.

*Similitudo &
dissimilitudo
an sint con-
traria.*

Si verò loquamur de relationibus sibi non oppositis in ratione termini ut de similitudine & dissimilitudine, dicendum est etiam istas relationes non esse verè contrarias, sed solum impossibiles. Nam similitudo & dissimilitudo vel sumuntur respectu eiusdem fundamenti, v. g. albedinis, & sic sunt in eo impossibiles: quia non possunt in eadem albedine fundari respectu eiusdè termini; non quod sint contrariæ, sed quod albedo non possit esse materia talium relationum, cum dissimilitudo requirat fundamentum contrarium albedini: Si verò sumantur respectu diversorum fundamentorum, nempe similitudo fundata in albedine, cum dissimilitudine fundata in nigredine; tunc eiusmodi relationes non erunt contrariæ formaliter in ratione relationis, sed tantum fundamentaliter ratione fundamentorum; ita ut si fundamenta relationum per Dei potentiam ponantur simul in eodem subiecto, nulla erit repugnantia relationum inter se: imò erit optima & naturalis convenientia in eodem subiecto. Si enim Deus ponat albedinem & nigredinem in eodem, idem erit simile albo, quia album, & dissimile eidem albo, quia nigrum: esse enim simile & dissimile eidem secundum diversas formas nulla est repugnantia. Itaque solum inter albedinem & nigredinem esset repugnantia; et posita albedine & nigredine in eodem, nulla est inter similitudinem & dissimilitudinem repugnantia, cum in diversis fundamentis sibi non repugnent; solum

solum igitur consecutiue ad fundamenta, sibi repugnant, nō formaliter secundum se, Quia enim sequuntur sua fundamenta, & illis identificantur, fit vt si fundamenta non possint esse in eodem, nec ipsę relationes possint esse.

Ex quibus patet nullas relationes esse formaliter contrarias. id enim in duplici genere relationum maxime cerneretur, vtrumque autem genus à contrarietate iam vindicauimus. Quidam verò ea ratione probant, relationes non esse inter se contrarias quod contraria respiciunt subiectum à quo se excludunt, relationes vero terminum. Sed hac ratione non concludunt. Nam relatio vt relatio & subiectum respicit & terminum, de ratione enim relationis est vt sit alicuius, ad aliquid relatio; quatenus est alicuius, subiectum respicit, quatenus est ad aliquid, respicit terminum. Quare relatio non obstante eo quod respicit terminum, posset simul esse contraria alteri in subiecto, si aliud quid non obstaret.

Secunda proprietas.

Secunda proprietas relatiuorum est quod suscipiant magis & minus; dicimus enim vnum esse magis vel minus simile alteri. circa quam proprietatem quaeri solet primò. An relatiua propriè suscipiant magis & minus.

Quaeritur primò.

Respondeo: quādam propriè, quādam impropriè suscipere: propriè suscipiunt magis & minus quæ per veram intensionem suscipiunt, sicut & in qualitatibus propriè magis & minus est vbi est intensio qualitarum, vt cum dicimus rem magis vel minus calidam; impropriè verò quæ citra intensionem,

Q o o o o 2.

tionem,

sionem aliis rationibus & respectibus dicuntur magis & minus talia. ut cum Aristoteles dicit primam substantiam esse magis substantiam quam secundam, quia est prior in substando.

Quadam relatiua proprie suscipiunt magis & minus.

Quadam improprie.

Porro relatiua quæ intenduntur sunt illa quorum fundamentum est intensibile, & remissibile, vel certe aliqua ratione variabile: sic duo alba per intensiorem dicuntur magis & minus similia; quia per veram intensiorem dicuntur magis & minus alba: quot enim sunt gradus albedinis tot sunt gradus similitudinis. Similiter quæ non habent fundamentum intensibile & remissibile, sed tamen aliqua ratione variabile, dicuntur suscipere magis & minus: ut cum duo corpora dicimus magis vel minus æqualia propter maiorem vel minorem quantitatem, magis vel minus distantia propter maius vel maius spatium interpositum.

Quasi secundum se.

Secundò quæritur an relatiua suscipiant magis vel minus ratione sui, an verò ratione fundamenti.

Relatio ratione sui non fundamenti recipit magis & minus.

Respondeo. Dupliciter dici posse relatiua ratione fundamenti suscipere magis vel minus; Primò casualiter quod fundamentum sit causa ut relatiua in se suscipiant magis vel minus; & hoc verum est: nam fundamentum est causa relationis, sicut quoad essentiam, ita quoad intensiorem. Secundò, formaliter; ita ut in ipsa relatione formaliter non sit magis vel minus, sed solum in fundamento, & per denominationem factam à fundamento relationi conueniat. & hoc dicimus esse falsum.

Primò quia sæpè relatio suscipit magis & minus fundamento non recipiente magis & minus, sed tantum variata aliqua ratione: ut cum duæ quantitates

ritates dicuntur magis & minus æquales propter maiorem vel minorem quantitatem, vbi maius & minus est in quantitate: in relatione verò est maigs & minus.

Secundò. Quia sæpè fundamento suscipiente magis relatio suscipit minus & è contra. Ergo aliud est magis & minus relationis, aliud fundamenti v. g. sint duo alba similia, & vnum augeatur in albedine, diminuetur eo ipso in similitudine, vnde est magis albedinis & minus similitudinis.

Aliud est magis Fundamenti, aliud Relativum.

Tertia proprietas Relationum est, vt ad conuertentiam dicantur, quia vni relationi semper respondet opposita relatio in altero extremo: si tamen conuenienti ratione accipiantur, hoc est sub denominationibus relatiuis, sub quibus se respiciunt. Sic pater dicitur filij pater, & filius patris filius, ala alati ala, & alatum ala alatum: Monet verò Aristoteles vt nomina si fortè nò sint imposita confingantur, vt relationem mutuam terminorum exprimant, vt si dicamus, temonem temonati temonem, & caput capitati caput.

Tertia proprietas.

Quarta proprietas relatiuorum est, quòd sint simul natura. Pro quo notandum est primò; vt aliqua sint simul natura, duo requiruntur; primò vt simul sint & non sint, hoc est, vt posito vno, ponatur aliud, sublato vno tollatur aliud, quod est esse simul subsistendi consequentia; Est enim bona consequentia à subsistentia vnius ad subsistentiam alterius. Secundò, vt vnum non sit causa alterius: Nam vt docet Aristoteles in Postprædicamentis, capite de priori, si aliqua sunt simul subsistendi consequentia, sed vnum sit causa alterius, non erunt talia simul natura; id enim quod est causa alterius, est prius natura alterò; causa enim est prior natura suo effectu, cum effectus præsupponat causam, sic rationale

Quarta proprietas, Si sint simul natura duo requiruntur.

& risibile sunt simul subsistendi consequentia, non tamen sunt simul natura: quia rationale est causa risibilis.

Notandum est secundò. Relativus idè esse simul naturâ, quia sunt simul subsistendi consequentia, & vnum non est causa alterius. Posito enim vno relativo ponitur & aliud; si quidem positus duobus, ex iisdem extremis utraq; relatio necessario oritur; posito enim fundamento & termino fundamentum vnius relationis, est terminus alterius relationis, & terminus vnius relationis est fundamentum alterius, ut patet in duobus albis. Vnde correlativi necesse est esse simul subsistendi consequentia.

Vnum Relativum non est causa alterius quia Relatio non est causa Relativus.

Quod verò vnum relativum non sit causa alterius patet; dupliciter enim relativum sumi potest. Primò, materialiter ratione fundamenti, secundò formaliter, ratione relationis; Licet ergo ratione fundamenti posset esse prius suo correlativo, quia fundamentum suo modo potest esse causa tam relationis quàm termini, nam causa est causa tam suæ relationis ad effectû, quàm termini & ex consequenti relationis consequentis in termino: tamen si sumatur formaliter secundum relationem, non est causa sui correlativi; vna enim relatio non causat alteram oppositam, sed utraq; causatur ex fundamento & termino.

Ex qua doctrina solvi possunt argumenta opposita. Nam cum obiicitur primò: prius & posterius esse relative, quæ tamen non sunt simul natura, cum alterum sit prius alterum posterius. Respondeo. Materialiter quidem posse existere id quod est prius, antequam existat id quod est posterius: at formaliter & relative non existet sub ratione prioris, nisi existat posterius: non existet enim relativè nisi habeat terminum actu ad quem

Relativum materialiter potest esse prius correlativo non formaliter.

referat.

referatur. Similiter respondendum est cum obijciatur patrem esse prius natura filio, & causam suo effectu, quæ tamen sunt correlatiua; materialiter enim ista sunt priora, formaliter verò ut relatiua sunt, sunt simul naturâ.

Obijciatur secundò, scientia refertur ad scibile sensus ad sensibile; & tamen scibile prius est scientia, sensibile sensu. Respondeo cum Aristotele; cum relatiua dicuntur simul natura sumuntur secundum rationes relatiuas, quare ubi non erunt vtrinq; relationes, ibi non requirendum est, ut sint simul naturâ, Id quod accidit in relatiuis tertii modi, in quibus ex vna tantum parte est relatio, ex altera non. Scientia enim dicit relationem ad scibile, scibile verò non dicit relationem realem ad scientiam, sed dicitur scibile, quia scientia est ad ipsum.

Dices saltem si proportionaliter sumantur erunt simul natura ut si sumatur scientia in potentia erit simul cum scibili in potentia, & scientia in actu cum scibili in actu. Respondeo ista non sunt à parte rei sed supplentur ab intellectu concipiente scibile, cum relatione ad scientiam: relatiua verò dicuntur simul natura quoad realem existentiam relatiuam. quomodo relatiua tertii modi non sunt simul naturâ secundum Aristotelem. Et rationem. Quia relatiua tertii modi ideo referuntur ad sua correlatiua, quia alia referuntur ad ipsa. nam ad scientiam refertur scibile, quia scientia est de ipso, quod arguit prius natura scientiam referri ad scibile, quàm scibile ad scientiam.

Quinta proprietas est, relatiua esse simul cognitio- Quinta Proprietas
ne, ut qui definitè nouerit vnum, cognoscat & aliud, prius
quod non ita intelligendum est ut vnum relatiuum sic
do

de conceptu formali alterius, nec possit concipi nisi concepto altero; hoc enim est falsum; cognito enim fundamento & termino, quæ sunt quædam absoluta, cognoscitur sufficienter relatio etiam si opposita relatio vel non sequatur vel non apprehendatur. Sicut enim à solo fundamento & termino habet esse relatio: ita nihil aliud ad sui cognitionem requirit. Intelligendū igitur est concomitanter, quia cognito fundamento & termino, necesse est utramque relationem simul cognosci; non quod vna sit de conceptu alterius; sed quod utraq; æquè ex fundamento & termino innotescat; fundamentum enim vnius est terminus alterius, & terminus vnius est fundamentum alterius.

Sunt simul cognitione concomitantur.

An vnum Relativum definitur per aliud.

Quod si quæras an vnum relativorum definiri debeat per aliud: Respondeo non esse necesse; satis. n. est si definiatur per suum terminū formalem, qui est quidam absolutum. A termino enim habet suam essentiam, & ex consequenti definitionem. Relatio verò opposita, est quid accidentale termino. Verum & si non sit necesse potest tamen vnum relativum poni in definitione alterius; si enim definitio dari potest per effectum vel proprietatem, cur non possit dari per correlativum?

Quomodo definitio notior definito.

At inquires. Definitio debet esse notior definito; per definitionem enim cognoscitur definitū: atqui correlativum non est novius, sed æquè ignotum ac definitū: non igitur poni potest in definitione. Deinde ipsum correlativum quod ponitur in definitione cognoscitur ex altero correlativo, ex quo sequeretur quidam circulus in definitione & vnum definiretur per alterum & ex consequenti per seipsum.

Respondeo. Definitio quidem debet esse notior definito, non tamen quidquid est in definitione debet


esse

esse notius; sed satis est ut sit æquè notum, vel non igno-
rius. Quia enim definitio est explicatio definiti, & quod
in definito cōtinetur confusè; in definitione cōtinetur
distinctè; necesse est definitionem esse notio-rem defi-
nito, ut distinctum confuso; correlatiuum verò non est
tota definitio, sed pars quædam: Satis igitur est ut sit
æquè notum.

Quod si quæras unde tunc petatur cognitio utriusq;
correlativi si utrumq; est æquè ignotum.

Respondeo. Ex cognitione fundamenti & termini;
ex horum enim cognitione æquè innotescit utrumq; *Circulus in des-*
correlatiuum. Neq; verò circulus semper in definitio- *initionibus*
nibus vitiosus est, sed solum tunc, cum ignotum defini- *quando vitio-*
tur per ignotum: quod si definiatur per æquè notum, *mus.*
non erit vitiosus talis circulus: quia tota definitio erit
notior suo definito, eodem modo quo distinctum est notius
confuso, quo etiam modo circulus in demonstrationi-
bus permittitur ut patet ex l. Post. Neq; etiam sequitur,
idem definiri per se ipsum, sed per id quod est
æquè & simul notum cum ipso.

¶ (o) ¶



Ppppp

DI-



DISPUTATIO XI.

De qualitate & sex vltimis prædicamentis.

QVÆSTIO PRIMA.

An qualitas sit speciale genus prædicamenti.



Idetur enim qualitas esse quid transcendens, & vagari per omnia prædicamenta: omnis enim forma tam substantialis quàm accidentalis est qualitas. Qualitas enim est id à quo res dicitur talis vel talis: hoc autem conuenit omni formæ. Nam & differētia essentialis prædicatur in quale, & dicitur qualitas essentialis, & omne accidēs dat subiecto tale vel tale esse, quā ob causam dici potest qualitas subiecti.

Deinde. Esto sit qualitas speciale genus entis: adhuc tamen non potest constituere genus prædicamenti; nam omne genus habet aliquas differentias essentielles, per quas contrahatur: atqui qualitas nullas habet differēcias essentielles: Ergo non est genus prædicamenti. Minor probatur. Nam hæ differentię, vel erunt qualitates vel quid à qualitate distinctum: si sunt qualitates; ergo non sunt differentię, qualitatem contrahentes; quia differentia debet esse extra rationem generis, & genus non debet de differentia prædicari: si verò sunt quid distinctum à qualitate; Ergo qualitates solum secundum ratio-

nem

Rationis distinctum qualitatem non potest constituere genus prædicamenti.

nem genericam erunt qualitates, secundum verò rationem specificam nō erunt qualitates. Quod falsum esse ex eo patet; quia res dicuntur tales magis à ratione specifica, quàm à ratione generica. Dicuntur enim tales propter determinationem, determinatio autem magis prouenit à ratione specifica quàm à generica.

Dicendum tamē est qualitatem esse speciale genus prædicamenti. Speciale quidem; quia etsi qualitas latè accepta significet quancūq; determinationem siue essentialem siue accidentalem; tamē strictè accepta significat solum determinationem accidentalem. Et quamuis omne accidens suo modo determinet subiectum, non tamen omne accidens denominat subiectum simpliciter quale. Nam quantitas propriè loquendo denominat quantum, relatio denominat relatum, seu habens secundum aliud: sola verò qualitas eam denominationem tanquam propriam obtinuit, ut simpliciter & absolute denominet subiectum quale, ita ut ad interrogationem factam per quale respondeatur propriè per solam qualitatem: Quanquā enim cōmuni ratione cætera quoq; accidentia dicantur qualitates; tamē q. aliis præterea modis denominat subiectum, v.g. quantum, vel relatum, non dicuntur simpliciter qualitates, solumq; ea accidentia dicuntur simpliciter qualitates, quæ non aliis modis denominant subiectum, nisi in quale ut calidum, album, circulare.

Quod verò qualitas constituat verū genus prædicamenti patet ex eo q. vniuoce dicatur de suis speciebus: Nam quamuis Simplicius vult diuidi qualitatem ab Aristotele in suas species, ut Analogum in analogata, Scotus verò tanquam in diuersos modos qualitatis: quia nimirum eadē qualitas diuersis modis accepta potest esse in variis speciebus qualitatis, & tamen non erit nisi una qualitas, non multæ qualitates; Idem enim calor est &

Ppppp a passibi-

Qualitas est speciale genus prædicamenti.

Qualitas quia vniuoce dicitur de suis speciebus.

passibilis qualitas, quia passionem infert sensui, & naturalis potentia, quatenus est potentia calefactiva, & habitus, quatenus bene vel malè afficit subiectum; tamen hæc ratio concludit solum has quatuor species esse tales, non verò si qualitas sumatur respectu specierum suarum essentialium, v. g. Respectu caloris, coloris, saporis; sic enim est genus non analogum sed vniuocum: Nam q̄ obicitur omnes species qualitatis nō solum secundum gradum genericum, sed etiam secundum gradum specificum esse qualitates: Ex quo fit, vt ratio qualitatis sit fusa per omnes gradus qualitatis, ac proinde analogicè non vniuocè de illis dicatur; Genus enim vniuocum non dicitur de suis differentiis: Ad id responderetur qualitatem accipi posse dupliciter: Primò, latè, vt dicitur de qualitate completa & incompleta: Secundò, strictè, vt dicit solum qualitatem cōpletam: Igitur qualitas primo modo dicitur analogicè, quia prædicatur etiam de differentiis qualitatum; Secundo verò modo dicitur vniuocè, quia nō dicitur de differentiis, cū differentiæ nō sint qualitates completæ. Porro si sumatur qualitas respectu specierum non essentialiter sed per varios modos distinctarum, sic est vera sententia Scoti, nempe qualitatem diuidi in species accidentales, hoc est, secundum modos varios accidentales consideratos. Tales sunt species quas Aristoteles hic posuit, quas non distinxit per aliquas differentias essentielles qualitatis, sed solum per accidentales. Cuius signum evidens est, quòd vna specie qualitas potest in pluribus speciebus ab Aristotele positis reponi; si enim hæc species essentielles essent, & essentielles in genere qualitatis differrent, non posset vna qualitas in multis speciebus poni; vna enim specie qualitas, non habet nisi vnam essentiam, & vnam ratio,

*Qualitas acci-
pitur duplici-
ter.*

rationem essentialem qualitatis, v. g. calor est, vna simplex qualitas, & vna essentia, & tamen ponitur in prima, & secunda, & tertia specie qualitatis: Si igitur hæc tres species essentiales essent, sequeretur calorem habere non vnâ sed triplicem essentiam, & esse triplicem qualitatem non vnâ.

Dices esse vnâ qualitatem realiter, multas formaliter. Contra. quia calor in specie caloris non habet nisi vnâ essentiam. quæ tamen secundum varios respectus considerari potest, nempe vt benè vel malè efficit subiectum, vt confert subiecto naturalem potentiam ad calefaciendum, vt passionem infert sensui; hæc enim omnia præstat calor per vnicam suam essentiam & differentiam essentialem caloris: Quare sicut non est triplex calor, sed vnus tria faciens, ita non est triplex qualitas, sed vna triplici modo considerata.

Sed obiicies, Habitus & naturalis potentia sunt veræ & essentielles species qualitatis constitutæ per differentiam essentialem in specie qualitatis, per quam etiam essentialiter differunt, vt patet in habitibus intellectus & voluntatis, quia essentialiter differunt à naturali potentia intellectus & voluntatis; ergo non sunt dicendæ species accidentales qualitatis.

Respondeo dictas species qualitatis esse quidem in se, veras & essentielles species qualitatis, sed non sub illis considerationibus, sub quibus ab Aristotele considerantur & distinguuntur. V. G. Calor quatenus est in specie caloris determinatus per differentiam essentialem caloris, est vera & essentialis species qualitatis, quatenus verò est possibilis vel benè aut malè efficiens subiectum, sic est in specie accidentali qualitatis. Nam hæc

P p p p p 3

ratio.

rationes sunt accidentariae qualitati, & consequuntur ad rationem ipsius essentialem, non verò sunt ratio ipsa essentialis; cuius signum est quod eadem specie qualitas potest induere omnes illas rationes & esse simul & habitus & naturalis potètia, & passibilis qualitas. Quocirca cum habitus & naturalis potètia, differunt essentialiter, non differunt præcisè, per rationem habitus, & rationem naturalis potentiae, quia istae duae rationes in unam specie qualitatem cadere possunt, ut patet in calore, qui simul est & habitus & naturalis potentia, sed differunt essentialiter per alias differentias qualitatis, essentielles per quas essentialiter constituuntur in diversis speciebus qualitatis, non iis quidem quas posuit Aristoteles, sed quae assignari possint abstrahendo ab omnibus modis & differentiis accidentalibus qualitatis.

Ad primam rationem dubitandi patet ex dictis, sumitur enim hic qualitas non pro omni forma determinante, sed solum pro forma accidentali, quae simpliciter & absolute denominat subiectum tale.

Ad secundum Respondeo, Differentias Qualitatis non esse Qualitates, sed rationes formales constitutivas Qualitatum. Sicut differentia hominis non est homo, sed ratio formalis constitutiva hominis.

QVÆSTIO II.

De prima specie qualitatis.

*Prima species
qualitatis est
habitus & di-
positio.*

Primam speciem qualitatis ponit Aristoteles habitum & dispositionem, in qua specie collocari vult omnes eas qualitates quae bene vel male afficiunt subiectum, vel per modum habitus, si sint permanentes, & difficile mobiles, vel per modum dispositionis, si sint facile mobiles.

Dico,

Dico igitur Primò, Habitum & dispositionem conuenire in vna ratione communi qualitatis, ratione cuius pertinent ad primam speciem qualitatis. *Habitui & dispositioni conueniunt in vna ratione communi qualitatis.* Ratio est: Quia si non conuenirent in vna ratione communi, non essent vna species, sed duæ, & æquè differret habitus à dispositione, sicut à naturali potentia, quia æquè cum vna aut cum altera conueniret solum in genere generalissimo qualitatis: si igitur vna species constituitur per vnam rationem specificam, etiam in prima specie qualitatis debet assignari vna ratio specifica conueniens habitui & dispositioni, & distinguens primam speciem ab aliis speciebus.

Dico secundò. Hæc vna ratio communis habitui & dispositioni secundum Aristotelem est ratio qualitatis bene vel malè afficientis subiectum: quæ quidem qualitas bene vel malè afficiens subiectum, si sit difficile mobilis, & bene radicata in subiecto, dicitur habitus, si verò sit facilè mobilis, & leuiter inhærens subiecto, dicitur dispositio. *Quæ sit ratio communis habitui & dispositioni.*

Patet id tum ex doctrina & exemplis Aristotelis hoc loco, tum ex 3. Metaphysic. textu 26. Vbi hoc clarè docet: tum ex ratione; quia in habitu hoc propriè spectatur vt bene vel malè afficiat subiectum, idque firmiter, vt patet in habitibus virtutum & scientiarum, & habitu corporis, sanitate, ægritudine. Porro hanc vnam rationem communem vocat Aristoteles hoc loco dispositionem, cum ait, habitum esse dispositionem, non è contra; quia per habitum disponitur bene vel malè subiectum. Sciendum igitur est dispositionem dupliciter accipi: Primò in communi pro qualitate bene vel malè afficiente subiectum, abstrahendo ab hoc *Dispositio dicitur propter accipiendum.* quòd

quodd sit facile vel difficile mobilis, & sic est veluti genus ad habitum & dispositionem; Secundò, pro qualitate benè vel malè afficiente subiectum & leuiter inhaerente subiecto, ita vt facile sit mobilis à subiecto, & sic distinguitur ab habitu intra latitudinem primæ speciei.

An ratio communis habitui & dispositioni sit essentialis.

Quod si quæras an hæc ratio communis habitui & dispositioni sit vtrique essentialis? Respondeo non esse essentialem; quia benè vel malè afficere subiectum est proprietas consequens essentiam qualitatis, non ipsa essentia qualitatis. Patet id manifestè, ex eo quod eadem essentialis qualitas, vnum subiectum bene afficit, aliud male. Nam calor, v. g. ignem subiectum suum cōnaturale bene afficit, lignum destruit. Deinde bonitas non est essentia entis, sed propria passio; ergo & bonitas qualitatis non est essentia qualitatis, sed proprietas. Quare calor, verbi gratia, non per hoc formaliter est calor, & in specie caloris, quod benè vel malè afficit subiectum, sed ideo benè vel malè afficit, quia est talis essentia, cui hæc proprietas conuenit. Ex quo patet rationem propriam primæ speciei qualitatis esse benè vel malè afficere subiectum, eamque esse rationem accidentalem qualitatis, & contrahit qualitatem ad habitum ad dispositionem per differentias accidentales, nempe per esse facile vel difficile mobilem. Nam etsi habitus & dispositio sint essentielles species qualitatis, quia sunt accidentia quædam physica quibus contrahitur ratio habitus & dispositionis, tamen vt his nominibus designantur, sub speciebus accidentalibus continentur.

Habitus à dispositione differunt accidentaliter.

Dico tertio. Habitum à dispositione non differre essentialiter, sed accidentaliter, vt perfectum & imperfectum. Ita multi recentiores cum Aristotele hoc loco, qui ait dispositionem fieri habitum, quando ex facile mobili-

mobili diuturnitate temporis fit immobilis, ut calor febrilis diuturnitate temporis vertitur in calorem medicum, qui difficilè est mobilis. E ratio est. Quia immobilitas habitus non sumitur ab essentia, sed ab aliqua accidentali proprietate, nempe à maiori intensione & radicatione in subiecto, vnde fit ut eadem qualitas diuturnitate temporis vel frequentatione actuum magis confirmata in subiecto, ex dispositione fiat habitus.

Pro quo notandum est habitum hic accipi, non tantum pro habitu operatiuo, ut sunt habitus intellectus & voluntatis, qui sunt promptitudines quædam & facilitates ad agendum exactibus frequentatis acquisita, sed pro omni habitu tam operatiuo quam non operatiuo, qui sit qualitas benè vel malè afficiens subiectum, siue in se siue in ordine ad operationem dummodò sit difficilè mobilis.

Habitus hic accipitur tam pro habitu operatiuo quam non operatiuo.

Notandum est secundò, Habitum operatiuum posse dici difficilè mobilem dupliciter: Primò ex parte obiecti, quatenus innititur alicui rationi formali immobili, quomodo scientia etiam in minimo gradu dicitur difficilè mobilis, quia innititur medio necessario, quod est ratio assentiendi conclusioni: Secundò ex parte subiecti, quod prouenit ex maiori intensione, ratione cuius habitus firmitus inhaeret subiecto; quia plures gradus entitatis habet in subiecto & propterea difficilius tollitur, & non nisi à contrario potentiore: Quidam igitur censent aliquos habitus operatiuos ex sua essentia esse difficilè mobiles, ac proinde essentialiter differre tam à dispositione, quæ est ex sua essentia facilè mobilis quam ab aliis habitibus, qui non ex sua essentia, sed ab aliis causis extrinsecis sunt difficilè mobiles, nempe vel ex intensione maiori, vel ex diuturnitate temporis, vel ex simili-

Habitum operatiuum potest dici difficilè mobilem dupliciter.

Qqqqq. bus;

bus aliis causis. Quare scientiam dicunt esse habitum essentialiter, quia ex sua essentia est difficile mobilis, etiam in minimo gradu; scientia enim etiam in minimo gradu innititur rationi certe & evidenti, quam impossibile sit aliter se habere: Habitus verò erroris quantumvis sit intensus, ex sua essentia est facile mobilis, quia innititur rationi falsæ & mutabili, licet ex accidenti, propter intentionem difficile moueatur.

In habitu scilicet consideratur immobilitas ex parte subiecti.

Nos verò dicimus primò ad rationem habitus parum facere immobilitatem ex parte obiecti, sed solum in habitu considerari immobilitatem ex parte subiecti, vnde cumq; ista immobilitas proveniat siue ex essentia siue ex accidenti, quare si cum immobilitate ex parte obiecti coniugatur etiam immobilitas ex parte subiecti, sic immobilitas ex parte obiecti per accidens facit ad rationem habitus, alioqui per se sola non sufficit. Patet id primò ex doctrina Arist. qui semper immobilitatis ex parte subiecti meminit. Secundò quia actus scientiæ est magis immobilis ex parte obiecti quam habitus, quia habitus solum in potentia actus verò in actu ipso, & tamen actus scientiæ procul dubio est facile mobilis ex parte subiecti ad nutum intellectus, qui facile potest cessare ab actu. Vnde propter hanc immobilitatem ex parte obiecti actus non potest censeri habitus; immobilitas enim ex parte obiecti solum facit ut intellectus non possit dissentire & contrario assentiri, non verò causat immobilem existentiam actus vel habitus in subiecto.

Nullus habitus ex sua essentia est immobilis à subiecto.

Deinde dicimus nullum habitum ex sua essentia esse immobilem à subiecto. Nam si habet contrarium est æquè facile mobilis à contrario, sicut calor & quævis alia qualitas habens contrarium. Quare si habitus erroris ponatur in intellectu tam facile destruet habitum scientiæ sicut quodvis contrarium destruit suum

con-

contrarium, si verò non habeat contrarium ex acci-
denti est immobilis, quia non habet à quo destrua-
tur: si enim adesset contrarium æquè facillè tolle-
tur sicut alia accidentia tolluntur à suis contrariis, sic
potentiæ animæ & accidentia ab essentiis rerum dif-
ficilè auferuntur, sed ex causa extrinseca nempe ex
subiecto quod illa conseruat suo influxu. Quare si ac-
cidentia fluentia ex essentia habeant contrarium, pos-
sunt hoc non obstante facillè auferri à subiecto: sic fri-
gus emanat ab essentia aquæ, & tamen facillè collitur
per calorem contrarium. Ex quo patet quòd licet im-
mobilitas ex parte obiecti posset dici essentialis habi-
tui, quia est proprietas consequens essentiam habi-
tus; Habitus enim sumit essentiam ab obiecto; tamen
hæc immobilitas non constituit rationem formalem
habitus, sed sola immobilitas ex parte subiecti, quæ quia
non oritur ex essentia non potest dici essentialis; ori-
tur enim ex aliis causis extrinsecis. Quocirca habitus
secundùm rationem formalem habitus non differt es-
sentialiter à dispositione; habitus enim est habitus ratio-
ne immobilitatis ex parte subiecti, quæ est differentia
habitus accidentaliter non essentialis.

Sed obiicies. Ex dictis videtur sequi omnes quali-
tates reponi posse in prima specie qualitatis: quia o-
mnes qualitates sunt facillè vel difficilè mobiles, ac pro-
inde sunt vel habitus vel dispositio. Respondeo ad
constituendam primam speciem qualitatis duo conue-
nire. Primò quòd sit qualitas afficiens benè vel malè
subiectum. Secundò quòd sit facillè vel difficilè mobilis.
Vtrumque est de ratione primæ speciei, non quidè in ra-
tione Qualitatis, sed in ratione primæ speciei; in eo. n.
distinguitur à reliquis speciebus. Nam etsi alia species

*Qualitas pri-
ma speciei ad
sui constitutionem
non quæritur.*

Qqqqq. 2.

quo-

quoque possint benè vel malè afficere subiectum, tamen in illis hoc non consideratur quòd benè vel malè efficiant, sed quòd efficiant vel per modum naturalis potentie, vel per modum passibilis qualitatis, vel per modum figuræ. Itaque singulæ species habent singulas rationes proprias secundum quas considerantur & constituunt distinctas species qualitatis. Simili ratione licet quoque aliæ species sint facile vel difficile mobiles, tamen id in eis non spectatur, sed tantum in prima specie. Quocirca non possunt omnes species qualitatis poni in prima specie formaliter loquendo: Tum quia habent rationes formales diversas; tum quia non omnibus convenit ratio primæ speciei. Deinde licet late loquendo omnes qualitates benè vel malè efficiant; tamen propriè & strictè loquendo non omnes; sunt enim quædam qualitates quæ ad hoc speciali ratione ordinantur ut secundum illas dicatur subiectum benè vel malè habere, vel in anima ut per scientiam, & errorem, per virtutes & vitia; vel in corpore, ut per sanitatem & infirmitatem; non nego tamen eandem qualitatem essentialiter reponi posse in variis speciebus, licet sub ea ratione accidentali sub qua ponitur in una non possit poni in altera.

QVÆSTIO III.

De tribus aliis speciebus qualitatis.

*Secunda species
qualitatis natu-
ralis potentia
vel impotentia.*

SECUNDAM speciem Qualitatis ponit Aristoteles in naturali potentia vel impotentia, quæ est qualitas ratione cuius dicimur à natura potètes ad aliquid faciendū vel patiendū vel ad resistendū, ut cum dicim⁹ aliquē cursores, qui habet à natura potentiam ad bene currēdum,

durum, salubrem qui non facile patitur quasvis impressiones aduersas, in salubrem è contra qui facile patitur; similiter dicimus aliquid durum, quod est potens ad resistendum diuisioni, molle quod est impotens, & facile cedit diuisioni. Quidam requirunt etiam vt hæc potentia non sit acquisita sed naturalis: Nam acquisitæ potentia sunt habitus vel dispositiones; Per artes enim acquisitas multa possumus quæ sine artibus non poteramus. Verùm alii dicunt id non requiri; Habitus enim diuerso modo ad primam & ad secundam speciem spectare possunt. Ad primam sub ratione qualitatis bene vel malè efficientis subiectum: Ad secundam sub ratione potentia vel impotentia. Vtrique autem speciei per accidens est, q. sit qualitas naturalis vel acquisita. Nam in prima solum spectatur q. bene vel malè afficiat subiectum, mobilitèr vel immobiliter. Quare habitus si sit à natura insitus, erit verè in prima specie qualitatis. Sic calor est in prima specie, quamuis sit innata qualitas ignis, quia bene afficit subiectum: Sanitas etià innata ad primam speciem spectat. In secunda etià specie spectatur solum potentia vel impotentia ad aliquid faciendum, patiendum, resistendum, siue ea potentia sit acquisita, siue à natura insita: Nam durum & molle pertinet ad secundam speciem etiam si sint acquisita: Similiter robur acquisitum, & salubritas acquisita. Cùm verò secunda species dicitur naturalis potentia, non eo sensu dicitur naturalis vt opponitur acquisitæ, sed vt opponitur præternaturali, ita vt ex natura talis qualitatis oriatur illa potentia, siue ea qualitas sit à natura insita, siue aliunde acquisita, in quo sensu non dicitur in lapide esse naturalis potentia ad ascendendum sursum, quia hanc potentiam habet lapis non à qualitate aliqua naturaliter id præstante, sed ab extrinseco agente mouente illum sursum.

Qq q q q 3

Porro

*Naturalis im-
potentia non ac-
cipitur solum
negatiue.*

Porro cum dicitur naturalis impotentia, non acci-
pitur solum negatiue ut dicit negationem potentie; sic
enim non esset species qualitatibus, cum negatio non con-
stituat ullius rei speciem; sed dicitur impotentia positiua
ad quam sequitur negatio potentie, siue omnis poten-
tie siue perfectae potentie. Sic mobile dicit impoten-
tiam ad resistendum id est imperfectam potentiam; sic
debile, infirmum, fragile, & similia, incorruptibile vero
dicit negationem omnis potentie ad corruptionem.

*Potentia & im-
potentia non
tam ex vocibus
quam ex signi-
ficatione asse-
randa est.*

Notandum etiam est rationem potentie & impo-
tentie non tam ex vocibus quam ex significatione asse-
randa esse: Saep enim dicitur potentia quae verè im-
potentia est, ut in vitro fragilitas quae potest frangi, est
potius impotentia, quia non potest resistere fractioni:
Potentia item peccandi est potius impotentia resiten-
di malo. Saep etiam dicitur impotentia quae verè poten-
tia est, ut impassibilitas, immortalitas, incorruptibilitas,
quae potius potentiae dicendae sunt.

*Potentia natu-
ralis & impo-
tentia diffe-
rantur specie?*

Quod si quaeras, an potentia naturalis & impotentia
differant specie? Quidam aiunt differre solum sicut
perfectum & imperfectum: Naturalis enim impotentia
est imperfecta & debilis potentia. Alii verò distinguunt.
Nam si impotentia excludat omnem potentiam, differre
ab ea specie, quomodo corruptibile & incorruptibile
differunt specie: si verò excludit solum perfectam po-
tentiam, non autem omnem potentiam, sic differunt
ut perfectum & imperfectum.

Dices molle & durum differunt secundum poten-
tiam & impotentiam imperfectam, & tamen differunt
specie. Respondeo. ut demus molliciem differre spe-
cie à duricie; in genere entis, non tamen differt specie
in genere potentie; quia in genere potentie est potentia
imperfecta, quomodo etiam hebetudo & acumen inge-

nii non.

nii non differunt specie; hebetudo enim dicitur potèriam ingenti imperfectam, acumen perfectam.

Tertiam speciem qualitatis ponit Aristot: passionē & passibilem qualitatem. Vocat autem passibilem qualitatem, quæ vel passionem infert sensui, ut sunt obiecta sensuum, vel ex passione & alteratione corporis oriuntur, ut rubedo in verecundia, vel pallor in timore. Et licet colores orientur etiam in rebus non sentientibus & sine ulla passione quæ sentiatur; tamen illa alteratio & permixtio qualitatum ex qua oriuntur colores est apta passionem sensitivam inferre subiecto, si subiectum eius sit capax. Ex quo patet passionem à qua denominatur passibilis qualitas, esse passionem, quæ inferitur sensibus per alterationem materiale in organis, qualis alteratio fit in sensu tactus, gustus, & odoratus; horum. n. sensuum obiecta non solum iniiciunt speciem intentionalem in sensus, sed etiam alterant & immutant materialiter organa horum sensuum, mutando illorum temperiem & complexionem. Et idcirco Aristot: postquam obiecta horum trium, dixit esse passibiles qualitates, eo quod passionē inferant sensibus, ut calor, sapor, odor, negavit hoc de coloribus; non. n. passionem inferunt visui, cum eum non alterent materialiter, nisi aliquando per accidens, si sint coniuncti cum alia qualitate alterante: sic lumen in igne coniunctum calori alterat visum. Quare negat colores eo sensu dici qualitates passibiles, sed alio, quia nimirum ex materiali passione oriuntur. Distinguit autem Aristot: qualitates passibiles: Nam si leuiter inhzreant, & facile transeant, dicuntur passionēs, si verò sint permanentes & diuturnæ dicuntur passibiles qualitates; si quis enim erubescat ex verecundia, non dicitur rubens absolute sed passus ruborē; si quis verò permanentem habet ruborē, absolute dicitur rubeus.

*Tertia species
qualitatis est
passio & passibilis
qualitas.*

Quan-

Quamquam Physicè loquendo rubor ex verecundia, & rubor congenitus, sunt eiusdem speciei, & non nisi accidentaliter differunt, prout ex diuersis causis oriuntur.

Etiā in anima sunt passibiles qualitates.

Non solum autem sunt in corpore passibiles qualitates, sed etiam in anima. Nam etiam in anima oriuntur effectus ex passione & alteratione corporea, ut ira, gaudium, timor, tristitia, amor; Hi enim affectus sensitiui nunquam excitantur in animo, nisi excitata aliqua altera ratione in corpore, cum sint actus animæ à corpore & organo dependentes. Tales etiam sunt affectiones mentis, ut amentia, obliuio, mentis alienatio, quæ ex organi alteratione aliqua proueniunt. Et quidem si leuiter in hæreant, dicitur Aristot. passiones, si verò sint diuturnæ, passibiles qualitates.

Duo in actione considerantur.

Quod si obiicies affectus istos esse actiones mentis, & in prædicamento actionis reponendos. Respondeo in actione duo considerari: Primum actionem, secundum terminum, qui est effectus actionis; ratione primi, affectus spectant ad prædicamentum actionis, ratione secundi spectant ad prædicamentum qualitatis, quia sunt qualitates quædam productæ.

Quarta species qualitatum est, figura & forma.

Quartam speciem qualitatis ponit Aristot. figuram & formam. Porro figura non est terminus quantitatis, sed terminorum quantitatis dispositio. v.g. circularis vel triangularis figura est terminorum quantitatis seu linearum certa dispositio; terminus enim abstrahit à tali vel tali figura, & sicut variè disponitur, ita varias rationes figuræ induit; eadem enim linea rectè disposita fit circularis, triangularis, curua, recta. Dices ista dispositio terminorum cum sit in ordine ad locum non distinguitur à situ. Respondeo non esse dispositionem in ordi-

ne adl

ne ad locum (sic enim ad situm spectaret) sed esse dispositionem terminorum in ipsa quantitate, quo modo dispositio facit figuram.

Forma verò exterior (hæc enim hoc loco intelligitur) differt à figura. Primò in significato materiali; quia figura spectatur in sola quantitate vt quãtitas est abstractendo ab omni materia, forma autem in realiqua vel naturali vel artificiali. Vnde Mathematica non dicitur considerare formas sed figuras, quia considerat solam quantitatem in abstracto cui conuenit figura: Formam autem consideramus in determinata materia. v. g. in homine, in scamno, & similibus: Secundò in formali significato, quia forma præter figuram videtur inducere alia etiam quæ ad externam pulchritudinem faciunt, vt præparationem membrorum, & colorum suauitatem: Sic enim Tullius describit pulchritudinem, vt sit apta membrorum figura, cum coloris quadam suauitate. Hinc est quòd formosos dicimus non à sola figura, sed à proportionem & colorum pulchritudine. Quare sicut figura est qualitas quædam & figura quantitatis, ita forma est qualitas quædam & pulchritudo figuræ in proportionem figuræ & colorum consistens. Ex quo patet formam vt distinguitur à figura nō esse simplicem qualitatem sed aggregatam ex multis. Posuit autem formam Aristoteles inter species qualitatis, vulgarem eade re opinionem securus.

*Forma exterior
differt à figura.*

1.

*In significato
materiali.*

2.

*In significato
formali.*

Q V Æ S T I O I V.

De sex ultimis prædicamentis.

IN hac quæstione explicandum est in quo consistat ratio formalis sex reliquorum prædicamentorum.

Rrrr

de

*Opinio triplex
de ratione for-
malis sex reli-
quorum præ-
dicamentorū.*

de quibus triplex est opinio. Prima Scoti in 4. d. 13. q. r. sex ultima prædicamenta esse relationes extrinsecus aduenientes: Nam relationes intrinsecus aduenientes Scotus eas esse ait quæ posito fundamento & termino necessario consequuntur, scilicet ex natura terminorū absolutè, ut positis duobus albis quantumvis à se distansibus, necessario consequitur inter illa similitudo, easq; relationes ait spectare ad prædicamentum relationis. Relationes verò extrinsecus aduenientes eas vocat, quæ posito fundamento & termino nõ necessario consequuntur, ut posito agente & passio, non statim sequitur relatio agentis & passi, nisi sibi debitè uniantur. Similiter locus non refertur ad locatum nisi ei vnitus, & has relationes ait spectare ad sex ultima prædicamenta, quæ nihil aliud dicunt, quàm nexum quendam duorum extremorum inter se, qui nexus est relatio.

Quod si obiicies utrasque relationes tam intrinsecas quàm extrinsecas pertinere ad vnum genus relationis. Respondent quidam, verum id esse si ex natura rei loquamur. Verum sicut omnia accidentia, etsi sub vno genere accidentis contineantur commodioris tamen doctrinæ causa sunt in novem genera distributa, ita etiam relationes extrinsecæ, etsi sub eodem genere relationis contineantur cum relationibus intrinsecis, tamen commodioris doctrinæ causa sunt in varia genera prædicamentorum distributæ, propter peculiare modos afficiendi & denominandi primam substantiam. Alii respondent has relationes esse diuersæ rationis ab illis, ut patet ex diuersis proprietatibus earum, & idcirco ad diuersum genus Prædicamenti pertinere.

Secun-

Secundò dicunt alii sex vltima prædicamenta esse formas extrinsecè denominantes. v.g. actionem esse denominationem ab effectu vt est ab agente, passionem ab effectu vt inducitur ab agente in passum, Vbi à loco, Quando à tempore, Situm à partibus dispositis secundum locum, Habere à corpore circumposito. Ita Fonseca 5. Metaph. cap. 15. q. 7. cum D. Thoma 3. Physic. lect. 3.

Alii tertio aiunt hæc vltima prædicamenta dicere modos quosdam absolutos & intrinsecos connotando respectus ad extrinsecum, verbi gratia, Vbi dicit intrinsecum modum præsentia connotando relationem ad spatium vel locum. Actio dicit modum quomodo se habet effectus ad agens. Ita Suarius & plerique recentiores. Nos autem prius rationes singulorum istorum sex generum assignabimus; tum quid de illis vniuersè dicendum sit, per se manifestum erit.

Dico primò Actio est effectus quatenus est ab agente & ipsius virtute existit; Ita D. Thomas 3. Physic. lect. 5. Id enim à quo agens denominatur actu agens est actio. atqui ab effectu denominatur agens actu agens: Ergo effectus est actio. Minor pater. Nam agens ideo dicitur agere, quia habet effectum à se procedentem seu virtute sua existentem, quod etiam sic declarari potest. Agens dicitur actu agens, per hoc quod aliquid agitur ab illo: at nihil agitur ab illo nisi effectus: Ergo ab effectu denominatur actu agens.

Verum cum effectus variè considerari possit. Pri- *Effectus considerari potest quadrupliciter.*
mò, secundum suam essentiam, Secundo vt fit, Tertiò vt fit ab agente, Quarto vt fit in passio, agens non denominatur actu agens ab effectu nisi sub tertia ratione, quia sub ea solum refertur ad agens, sub aliis verò, vel

Rrrrr 2

non

non refertur, vel ad alia refertur. Duo igitur requiruntur in effectu vt denominet agens; Primum est vt sumatur in fieri. nam in facto esse, non denominat actu agens, quia tunc cessat actio: Ergo solum in fieri denominat agens actu. Porro fieri est dependere in esse ab agente, seu virtute agentis habere esse, vel primum vt in productione, vel continuatione vt in conseruatione.

Dices in actione productiua requiri vt effectus fiat, non tamē in conseruatiua: quia cōseruatur id quod iam factum est. Respondeo, fieri si strictē sumamus, significat fieri aliquid de nouo cū ante non fuerit, quomodo fieri non conuenit rei quæ conseruatur: at si fieri sumamus latē, pro eo quod quocunque modo est ab agente, siue ante non extiterit, siue extiterit, dummodō virtute agentis existat, sicut extitit cū primō fieret ab agente, sic fieri conuenit etiam rei quæ conseruatur, quia ita virtute agentis conseruatur & accipit esse, sicut accipiebat in primo instanti suæ productionis; solum enim discrimen in eo est, quod ante post non esse accipiebat esse, nunc verò post esse. Alterum quod requiritur, est vt effectus referatur ad agens. Debet autem referri tanquam id à quo existit & à quo dependet.

Est autem controuersia celebris inter Doctores, An hæc dependentia effectus ab agente, in qua consistit ratio formalis actionis, sit res distincta ab effectu, vel an sola ratione distinguatur?

*Opiniones de
ratione forma-
li actionis, an
sit res ab effectu
distincta an
vero solara.
non.*

Quidam enim sentiunt Actionem esse rem vel modum absolutum ex natura rei distinctū ab effectu. Primò; quia separatur actu ab effectu: nam postquam res est producta cessat actio, & tamen non cessat effectus. Sic cessante calefactione non cessat calor, & tamen manens

nente calore non manet calefactio. Secundò: quia nò potest aliquid dependere, cùm ante non dependeret, nisi aliter se habeat: Ergo dependentia addit rem aliquam ad rem dependentem. Et hæc sententia est communior in scholis quam sequitur Suarius, Ruuius, Fonseca.

Alij tamen dicunt dependentiam effectus ab agente non esse aliquem modum absolutum, vel rem superadditam effectui, sed ipsum effectum ut est ab agente, hoc est, quatenus virtute agentis existit, in quo præter effectum & relationem nullus alius modus aut res inuoluitur. Ad hoc enim ut aliquid sit virtute alterius, non est opus in eo ponere rem aliquam mediam, aut modum, ratione cuius res illa dicatur dependere & esse virtute alterius, sed sufficit existentia ex parte effectus, & virtus actiua ex parte agentis, ita tamen ut illa existentia dicatur esse propter illam virtutem. Quod probatur primò inductione. Nam relatio dicitur dependere essentialiter à termino, potentia ab obiecto, scientia à scibili; neque tamen quisquam posuit modum aliquem realem superadditum relationi, ratione cuius relatio pendeat à termino; similiter neque in potentia aut scientia ponitur talis modus, sed relatio seipsa immediatè intelligitur dependere à termino: scientia ab obiecto; Imò & actio quæ sine istis est res distincta ab effectu, est dependens ab agente per alium modum, sed seipsa ab effectis. Vnde sumitur secunda ratio pro hac sententia. Quia si actio est res distincta ab effectu, sequeretur habere distinctam dependentiã à dependentia effectus; Vbi enim sunt distinctæ existentia dependentes, ibi sunt distinctæ dependentia: Nam dependentia vnus existentia, non est dependentia

Rrrr 3 cia

cia alterius existentia: ac si actio habet distinctam dependentiam à dependentia termini, sequitur dari actionem actionis; Actio enim nihil aliud est quàm dependentia rei ab agente: Si ergo actio habet distinctam dependentiam ab agente, habebit distinctam actionem qua fit ab agente. Vnde etiam sequitur dari infinitas actu actiones. Nam sicut primæ actionis datur alia actio, ita & alterius actionis dabitur alia actio in infinitum, & sicerunt infinitæ actiones actu; quia omnes erunt actu, à si distinctæ & ex natura rei. quod est magnum absurdum.

Respondere solent actionem esse id quo effectus agitur & dependet ab agente, nunquam autem id quo aliquid est tale, est per aliud tale, sed seipso: sic albedo quia est id quo res sunt albæ ipsa non est per aliam albedinem alia sed seipsa. Quare & actio non agitur per aliam actionem, nec dependebit per aliam dependentiam, sed seipsa.

Sed contra, illa propositio laborat æquinoctione. Nam id quo aliquid est tale, non est quidem per aliud tale formaliter, est tamen per aliud tale effectivè, ut patet inductione in omnibus. Nam albedo, V. G. non est per aliud talis albedo formaliter, sed seipsa, quia per essentiam albedinis est albedo, est tamen per aliud effectivè talis: Pari ergo ratione, si actio est res distincta ab effectu, erit quidem per seipsam talis formaliter, quia per suam essentiam propria est actio talis effectus; tamen non per se est ipsam talis effectivè, sed per suam causam effectivam, & eius actionem. Quocirca ex hoc quod actio est id, quo effectus agitur, non sequitur ipsam actionem non esse per aliam actionem effectivè, sed tantum non esse per aliam actionem,

tionem, talem formaliter: sic calor in ligno est id quo lignum est calidum, & tamen per alium calorem est calor effectiuè, licet non per alium calorem sit calor formaliter.

Sed dices. Actionem formaliter esse ipsam dependentiam effectiuam ab agente; ergo si actio non est per aliud dependens formaliter, non erit etiam per aliud dependens effectiuè, quia dependentia effectiua est ratio formalis actionis. Sed contra. Non omnis dependentia effectiua est ratio formalis actionis, sed solum, dependentia termini, non verò dependentia actionis, quæ sicut ponitur res distincta à termino, ita & eius dependentia erit distincta à dependentia termini. Quare dependentia effectiua termini non per aliud conuenit actioni, sed formaliter per ipsam actionem; at dependentia effectiua actionis, per aliud conuenit actioni, nempe per aliquod genus, sua actione causans actionem; sicut enim habet distinctam existentiam ab existentia termini, ita eget distincta actione ab ea qua producit terminus. Ex quib. patet actionem non esse quo sui, quo effectus, & respectu effectus, non esse per aliquid aliud tale formaliter, respectu verò sui esse per aliud tale effectiuè, quia suam entitatem æquè habet dependentem ab agente sicut terminus.

Tertiò probatur hæc sententia. Dependencia enim non distinguitur ex natura rei à re dependente: ac actio formaliter est dependentia termini ab agente: Ergo non distinguitur ex natura rei à termino. Maior. Probatur: quia omnia alia re separata, & sola entitate rei dependentis relicta res illa in sua entitate nō erit indpendens, sed dependēs: Ergo dependentia nō est quid distinctū à re dependēte: Quomodo .n. separari potest à crea-

à creaturis dependentia ipsarum à Deo? à relatione dependentia ipsius à termino? à scientia dependentia à scibili?

Confirmatur. Quia res non sunt dependentes per aliud, sed intrinsecè per suam entitatem: quia in sua entitate sunt limitatæ, & ex se non sufficientes ad existendum quod est esse dependens: at si dependentia rerum esset res quædam distincta ab ipsis, sequeretur ipsas in sua entitate non esse dependentes: sicut & paries quia per rem à se distinctam est albus, secundum suam substantiam formaliter non est albus.

Quare ad primum primæ sententiæ. Respondeo. Cessante actione, non cessat res aliqua absoluta, sed sola relatio dependentiæ ab agente seu cessat id quod effectus virtute agentis existat; Ex eo enim quod est positus in esse non eget amplius virtute agentis. Quando enim effectus erat ab agente & existebat virtute agentis, dicebatur & agens agere, & effectus agi; at producto effectui, iam effectus non est ab agente, nec virtute agentis; quare nō denominatur ille effectus actio, licet sit res illa quæ est actio. Porro cum effectus cessat esse ab agente, nihil intrinsecum deperdit, sed tantum quod non sit amplius virtute agentis: sicut autem seipso immediate & sua entitate effectus existebat virtute agentis, non verò re aliqua superaddita sibi, ita cum cessat esse virtute agentis non deperdit aliquam rem à sua entitate distinctam, quia sua entitate, nō aliā superaddita, dependebat ab agente. At inquires saltem cessabit relatio ad agens. Respondeo. Id etsi verum sit, tamen etiam relatio non est res distincta à fundamento, & cessare potest, sine extrinseca sui mutatione, ex sola cessatione termini.

Ad

Ad secundum respondeo. Rem dependere, & esse virtute intrinseca agentis; non est ergo necesse in aliquo intrinseco mutari, sed solum in virtute extrinseca agentis efficientis & perficientis extrinsecè rem illam. Non enim sufficit ad dependentiam, sola indistantia virtutis actiuæ otiosæ (nam si effectus sit iam productus, etsi adsit virtus extrinseca agentis, non dependet effectus ab agente, quia non perficit effectum) debet ergo virtus actiua esse perfectiua effectus, ita ut illi effectus extrinsecè innitatur, quod oritur ex natura effectus & causæ. Quia enim effectus est natura sua indigens ad existendum, aliena virtute, & virtus actiua agentis est natura sua perfectiua alienæ existentiae, idcirco coniuncto viroque sequitur dependentia actualis vnius ab altero, nullo alio addito. Quare si Deus radius solis, qui dependebat à sole, sua propria virtute conseruet, cessante influxu solis, talis radius nulla intrinseca mutatione facta, Dei virtute conseruabitur solum per hoc, quod ab alia virtute alterius agentis dependebit.

His itaque explicatis solui facile possunt quædam quæ sita de actione ad hunc locum spectantia.

Primum est. An actio sit res absoluta vel respectiua. Dico enim constare absoluto & respectu; Actio enim est id quod agitur, hoc autem est effectus ipse qui est quid absolutum, quia tamen hoc absolutum non denominatur agi nisi respectu agentis, idcirco quatenus effectus connotat agens dicitur actio: sicut limitas formaliter est quid absolutum, nempe curuitas connotans nasum: quare actio est quid absolutum sub certo respectu ad agens: neq; maior simplicitas requirenda est in actione. Dices Entia per accidens reici à predicamentis.

SSSS.

Re-

*Actio conste-
absoluto & re-
spectu.*

Respondeo. Si vtrum que Ens æquè primò includatur, tale ens esse verè per accidens, & reici à prædicamento vt paries albus: at si vnum solùm ens includatur in recto, aliud connotetur in obliquo, tale ens licet videatur per accidens, non reicitur à prædicamentis; alioqui relatio non esset genus prædicamenti, quia relatio in obliquo, includit terminum. Et talia Entia per accidens, sunt omnia ferè sex vltima genera prædicamentorum.

*Actio est ali-
quando forma
extrinseca.*

Secundum, An actio sit denominatio seu Forma extrinseca. Respondeo non semper esse extrinsecam, sed aliquando esse intrinsecam. Nam si effectus sit extra agens, actio etiam erit extrinseca agenti, vt accidit in actionibus transeuntibus. Si verò sit effectus in ipso agente, vt in actionibus immanentibus, actio erit intrinseca agenti, & ex consequenti denominatio intrinseca: dici tamen potest extrinseca, quia ex se non requirit vt sit intrinseca.

*Actio est res
distincta ab a-
gente.*

Tertium, An actio sit res distincta ab agente. Respondeo esse, quia actio est idem cum effectus; Effectum autem oportet re distinguere ab agente. At dices actionem formaliter non esse effectum. Respondeo non esse formaliter effectum secundum se acceptum, nec effectum vt factum, sed effectum vt est in fieri. Vnde si quæras an actio fiat, Respondeo cum non sit res distincta ab effectus non fieri distincta actione ab ea qua fit effectus; Distincta enim actio, est distincta dependentia: at actio non habet dependentiam distinctam ab effectus, cum non sit res distincta ab effectus: Ergo neque distinctam actionem: Quare agi actionem est agi effectum.

*Actio debet esse
distincta fieri*

*Actio tam im-
manens quàm
transiens poni-
tur in prædica-
mento actionis.*

Quartum quæsitum, An actiones tam transeuntis quàm immanentes ponantur in prædicamento actionis. Respondeo affirmatiuè. Nam & Aristoteles de v-
trisque

tristiq; actionib. ponit exemplā; meminit enim tristitiæ & delectationis, quæ sunt actiones immanentes. Et ratio idem docet; quia actiones immanentes nihil aliud sunt quàm productiones; qualitatum quarundam in anima manentium, suntq; omninò similes actionibus transeuntibus, quæ sunt productiones qualitatum non immanentium in agente sed extra agens in passio.

Quintum quæsitum. An omni actioni respondeat passio, seu productioni actiua, productio passiva. *Omni actioni respondet suo modo passio.* Respondeo omni actioni respondere suo modo passionem; nam si actio sit productio rei alicuius receptæ in subiecto; V. G. calefactio actiua sic ei respondet verè & propriè passio & receptio passiva, quia calor productus verè recipitur passivè in subiecto: at si terminus per actionem productus sit subsistēs, & in nullo subiecto vel quasi subiecto receptus, tunc actioni non respondet illo modo passio; quia terminus, cum quo actio est idem, in nullo physicè recipitur passivè, recipitur tamē terminativè & obiectivè; sic creationi actiua respondet creatio passiva; nam etsi terminus creationis sit per se existēs, & in nullo subiecto receptus, ramen creatio terminatur ad effectum; Id n. ratione cuius dici res creata passivè, quia est terminus & obiectū creationis actiua.

Qui tamen tenent actionē esse rem distinctā ab effectu, tenent etiā creationem activā esse rem receptā Physicè in substantia rei creatæ, sed isti vel ex hoc ipso convincentur, quòd actio nō sit res distincta ab effectu. Nā sequeretur effectū prius natura existere quàm sit actio: Si enim actio recipitur in substantia effectus, præsupponit substantiā effectum existentē in qua recipiatur; neq; prius existit quàm recipiatur, & sic prius existet effectus quàm actio, & in illo priori intelligitur existere effectus sine actione, quod est absurdum.

De Passione.

*Quid sit passio.**Tria notanda
in passione.*

Dico secundò. Passio est forma, prout ab agente inducitur in passum. Tria igitur in passione considerantur. Primò, quòd sit aliqua forma; Secundò quòd sit ab agente: Tertiò quòd recipiatur in passu; Pati enim est ab aliquo recipere aliquid. Quocirca cessante actione agentis, & forma posita in facto esse retentio illa formæ non est passio, quia non est receptio formæ ab agente. Ex quo patet quòd licet actio possit esse sine passione propriè dicta, vt paulò ante dictum est; passio tamen non potest esse sine actione.

*Receptio est**ratio formalis
passionis.**Opiniones, qd**fit ista receptio.*

Porro quid sit ista receptio, in qua consistit ratio formalis passionis non conuenit inter Doctores. Nam qui modis delectantur, dicunt receptionem esse modum quendam realem vnionis identificatum formæ receptæ, eumq; vna cum forma recipi in subiecto: quia receptio cum sit nouus effectus realis debet procedere ab aliqua re præstante formaliter hunc effectum: atqui receptio non est effectus solius formæ, nec solius subiecti, sed formæ vnitæ subiecto: Ergo datur vnio quæ sit modus quidam realis superadditus formæ. Alij verò qui hos modos iudicant non necessarios & non multiplicandos sine necessitate, censent res seipsis immediatè vniri absque vlla re media interposita. Nam hæc res media non min^{us} quàm ipsa extrema vnione indiget, aut si ipsa potest vniri extremis sine alio medio, etiam extrema possunt vniri inter se, sine alia re media. Deinde cum vtrumque extremum vtrique vnatur, ex vtraque parte deberent esse hi modi vnionis, & per vnū modum, forma ex parte sua vniretur subiecto, per alterum subiectum ex parte sua vniretur formæ. Alius enim est modus vnionis ex parte formæ; alius ex parte subiecti;

sub.

subiectum enim vnitur vt recipiens, forma vt recepta. Addo quòd non solum forma recipitur, sed & ille modus, ita vt duo sint recepta. Cùm igitur modus non recipiatur mediante alio modo, alias esset processus in infinitum, nec formam necesse est recipi mediante modo sed seipsa immediatè.

Responderi potest receptionem, non recipi per aliam receptionem, quia id quo aliquid est tale, ipsum non per aliud est tale, sed per se ipsum. Sed contra sicut in præcedenti conclusionem de actione dicebamus, Id quo aliquid est tale, non esse per aliud tale formaliter, posse tamen esse per aliud tale effectiuè, sicut calor in ligno, non est per alium calorem calor formaliter, sed seipso, & per suam essentiam; est tamè per aliud calorem calor effectiuè. Pari ergo ratione receptio illa formæ in subiecto nõ per aliud formaliter est receptio formæ, sed seipsa: quia est essentia ipsa receptionis; si tamen receptio formæ sit res distincta à forma, potest & debet dari alia receptio receptionis, per quam non forma sed receptio formæ, quæ fingitur esse res distincta à forma, recipiatur. Esse autem has receptiones in re distinctas inde patet. Primò; quia sunt receptiones rerum distinctarum; Nam prior erat receptio formæ, posterior verò rei distinctæ à forma hoc est receptio receptionis. Secundò; Distinctæ Entitates receptæ distinctis receptionibus indigent; neque enim receptio vnius entitatis est formaliter receptio alterius entitatis, & potest cessare vna receptio, non cessante altera, vt in productione rei per se subsistentis actio recipitur, res verò producta non recipitur sed per se subsistit. Tertiò. Quia licet receptio formæ sit respectu formæ, receptio, & vt quo, quia est id quo forma recipitur; tamen non est vt quo, respectu suæ

entitatis, quia aliud est receptio formæ, aliud receptio rei distinctæ à forma, neq; idem est quo recipitur forma, & quo recipitur res distincta à forma: Quocirca receptio formæ, si est res distincta à forma, eget proculdubio distincta receptione à receptione Formæ, aut certè, si se ipsa nõ perdistinguitur receptione recipitur, poterit quæcunq; res se ipsa nõ perdistinguitur à se receptione recipi.

Passio est forma ipsa cum connotatione agentis & passivi.

Ex dictis sequitur Primò passionem non esse rem distinctam à forma recepta, sed esse formam ipsam cum connotatione agentis & passivi. Quare sublatis connotatis, tollitur passio, non quòd tollatur res aliqua aut entitas, sed quòd res illa & entitas quæ ante cum connotatis erat passio, sine connotatis non est passio. Sicut Similitudo sublato naso, desineret esse similitudo quia non connotaret nasum, non tamen desineret esse res eadem quæ antè fuit, quia esset eadem curvitas, quæ antè, sed sine connotatione nasi.

Unio formæ cum materia nõ est res distincta à forma & materia.

Sequitur secundò unionem formæ cum materia non esse rem distinctam à forma & materia: Quia si esset res distincta, non minus ipsa egeret alia unionem infinitum, quàm forma. Neque tamen hinc sequitur unionem esse solam indistantiam formæ & materiæ: nam unio secundum indistantiam est solum unio secundum locum, & per eam fit unum secundum locum, nõ verò unum compositum substantiale vel accidentale. Maior ergo est unio formæ cum materia, quàm unio indistantiæ; est enim unio compositionis. Unio autem compositionis fundatur in ratione potentiæ & actus sumpta ex natura terminorum, quando nimirum unum est ex natura sua potentia ad aliud, aliud verò actus potentiæ perfectius.

Quæ igitur uniuntur per modum potentiæ, & actus seu per modum perfectibilis & perfectiui ea unita faciunt compositum.

Ac

At inquires possunt aliqua duo vniri secundum indistantiam, ita vt vnum sit actus, alterum potentia, & tamen, non erit vera vnio seu receptio formæ in materia, vt si anima Petri poneretur indistans à corpore Pauli, tunc enim anima Petri esset actus, & corpus Pauli esset potentia, & tamen anima Petri non informaret corpus Pauli, quia est præoccupatum anima Pauli, nec potest idem corpus informari simul duabus animabus. Ergo non sufficit Entitas formæ & materiæ ad vnionem, sed aliquid aliud requiritur, nempe modus realis vnionis. Respondeo, non esse id ob defectum modi; nam nec cum modo, nec sine modo anima Petri potest informare corpus Pauli, simul cum anima Pauli. Causa igitur huius est, quod corpus Pauli occupatum ab anima Pauli, non est potentia proxima ad animam Petri, vt possit informari ac perfici ab ipsa, quia est potentia impedita ab alia anima; corpus enim non est in potentia ad duas animas simul, sed ad singulas seorsim.

Et sicut vas repletum aqua, non est proximè capax alterius aquæ simul cum præcedente, sed seorsim est capax singularum aquarum, ita & materia non est capax formarum coniunctarum, sed singularum seorsim. Aio igitur in hac coniunctione animæ cum corpore deesse potentiam proximam & ex consequenti, non sequi vnionem in ratione actus & potentiæ. Porro vnio actus & potentiæ non est solum existentia actus & potentiæ, sed etiam eorum causalitas inter se & dependentia; actus enim perficit potentiam & potentia perficitur ab actu, posito verò actu seipso perficiente potentiam nullus alius modus requiritur ad ista vnienda in ratione actus & potentiæ, sed de hoc plura in Physica.

Sequi-

Passio est denominationis simpliciter intrinseca.

Sequitur Tertiò. passionem esse denominationem simpliciter intrinsecam, quia est denominatio à forma recepta. Quanquam nonnulli aiunt esse quidem hanc denominationem intrinsecam, quatenus est à forma recepta; tamen quia receptio formæ non sufficit ad rationem passionis, nisi illa sit ab agente extrinseco, idcirco secundum quid passio denominatur extrinsecè. Nos autem dicimus etsi essentielle sit passioni ut sit ab agente; non enim passum à seipso sed ab agente patitur, neque dicitur pati ex eo quòd recipit in se aliquid sed ex eo quòd ab agente recipit; tamen non est essentielle passioni ut sit ab agente extrinseco; licet enim hoc verum sit in actione transeunte, tamen in actione immanente idem est agens & patiens, & sic non erit verum vniuersè, passionem esse denominationem extrinsecam, sed est ex se indifferens ad utramque. Et quamuis vniuersè verum esset passionem esse ab agente extrinseco; tamen hoc per accidens esset ad rationem formalem passionis; Passio enim licet non abstrahat ab agente, abstrahit tamen ab hoc quòd illud agens sit extrinsecum, & potest passio concipi integrè secundum suam rationem formalem, non concipiendo quòd sit ab agente extrinseco. Deinde ad hoc ut denominatio dicatur extrinseca, non satis est quòd connotet aliquid extrinsecum; alioqui relatio non denominaret intrinsecè, quia connotat terminum extrinsecum, sed requiritur ut illud extrinsecum denominet rem per modum formæ efficientis extrinsecè, non verò sit solum connotatum in obliquo. Hic autem agens solum connotatur à passione in obliquo: non igitur habet se per modum formæ denominantis extrinsecè.

De

De Quando.

Dico tertio. Quando est denominatio rei durantis à tēpore, vt esse heri, hodie, biennio, triennio, &c. Ratio est; quia per quando interrogamus de tempore & respōdemus per tempus vel in ordine ad tempus. Dices quēstionē quando esse de duratione: at sunt aliæ durationes præter tempus, nempe æuum & æternitas; non igitur necesse est vt ad interrogationem quando respondeatur per tempus, sed siue per tempus, siue per æuum, siue per æternitatem. Respondeo ad quēstionē quando, non posse responderi nisi per durationem diuisibilem; per Quando enim petimus partem durationis; petimus enim in qua parte durationis res fuerit, priori vel posteriori, tanta vel tanta. Nulla autem duratio habet partes nisi tempus; omnes enim aliæ durationes sunt totæ simul & indiuisibiles, & non nisi per coëxistentiam cū tempore habent suam quantitatem & diuisibilitatem. Sicut enim anima in se indiuisibilis & tota simul coëxistit corpori diuisibili; tota in toto & tota in qualibet eius parte existens, & ex hac coëxistentia habet extensionē quandam & diuisibilitatem, non in existendo, sed in coëxistendo, ita vt indiuisibiliter existat ex parte sui, diuisibiliter ex parte corporis: quia corpori secundū aliam, & aliam eius partem coëxistit: ita & duratio indiuisibilis, per coëxistentiam cum tempore habet diuisibilitatem; & extensionem quandam, vt illa dicatur Maior vel Minor, quo maiori vel minori tempore coexistit, cū tamen secundum se tota sit in toto tempore, tota in singulis partibus temporis. Si enim Deus crearet duos Angelos, alterum heri, alterum hodie, hesternus procul dubio maiorem durationem haberet quàm hodiernus, solum ex eo quod coëxisteret maiori tempori.

Quid sit Duratio.

Ad quēstionē
Quando non
potest respon-
deri nisi per
durationem
diuisibilem.

Et tunc

Nam

Nam in se vtriusq; duratio est tota simul & indiuisibilis, nec intrinsecè plus vna habet quàm altera. Ex quo patet non posse responderi ad quæstionem quando, nisi per tempus tanquam per mensuram omnium durationum. Mensura enim dicit quantitatem; nihil enim mensuratur nisi quantum. Cum igitur aliæ durationes non sint quantæ, non possunt mensurari vt coëxistunt tempori quanto. Quocirca si quæram quantum durauerit Angelus, non possum respondere nisi per tempus annorum vel dierum.

Duratio nihil aliud est, quàm existentia permanentis & indeficientis.

Quod si obijcias, hinc sequi durationem indiuisibilem, non habere rationem formalem durationis nisi in ordine ad tempus & per coëxistentiam cū tempore. Resp. durationem nihil aliud esse, quàm existentiam permanentem & indeficientem; Rem enim durare est non deficere ac proinde permanere: verùm quia res in primo instanti habet suam existentiam indeficientem, & tamè in eo instanti, non dicitur durare, nec vlla res durare potest per instans, ideo requiritur ad durationem talis indeficientia, quæ possit mensurari tempore. Ex quo sequitur vnum ex duobus vel quòd de essentia durationis sit successio, siue in se siue in alio, cui res durans coëxistit actu vel potentia, vt sentiunt Nominales, vel vt minimū existentia debet esse ita indeficiens, & ita indiuisibilis, vt possit coëxistere mensuræ durationis diuisibili, hoc est tempori, ad eum modum, quo anima & Angelus ita sunt indiuisibiles vt coëxistere possint corpori diuisibili: Tunc autem duratio indiuisibilis etsi non includat essentialiter ordinem ad tempus, habebit tamen in se fundamentum ad coëxistendum tēpori quatenus est indeficiens tam actu quàm potēcia; sic enim poterit respondere huic vel illi parti temporis. Et quamuis in ratione durationis possit concipi sine ordine ad tempus; tamen

tamen in ratione mensurae durationis nō potest concipi nisi in ordine ad tēpus. Quod etiam ex eo confirmatur: quia vna duratio est maior altera; Ergo propter plures partes durationis; nihil enim dicitur maius, nisi propter quantitatem & partes, cū igitur duratio indiuisibilis in se nō habeat partes, debet vt minimū coēxistere partib⁹; vtratione huius coēxistentiae dicatur maior vel minor. Quare tam æuum quàm æternitas, etsi sint durationes indiuisibiles in se, vt dicunt existentiam indeficientem, illa tamē existentia indeficiens, non potest mensurari in ratione durationis, nisi quatenus coēxistit temporis actui vel potētia; quia ex hac coēxistentia habet partes, ratione quarum dicitur tanta vel tanta, maior vel minor.

Quod si quæras. Durationes an reponendæ sint in prædicamento quando? Respōdeo tempus esse in prædicamento Quando tanquā rationem formalem à qua sumitur denominatio huius prædicamenti, quo etiam modo aliæ durationes indiuisibiles, quatenus coēxistūt temporis & tempore mensurantur, ad hoc prædicamentum pertinere possunt, quia vt sic substant interrogatio ni Quando, & per Quando respondetur ad quæstionem de ipsis factam. Si etiam quæras, an denominatio à tempore sit extrinseca vel intrinseca? Respōdeo tēpus esse duplex; aliud intrinsecum q. sumitur ex motu intrinseco in illa re exiſtēte, quomodo tempus primi mobilis dicitur illi intrinsecum, quia desumitur ab illius intrinseco motu; aliud extrinsecum, quomodo tempus primi mobilis est tempus aliarū rerum quæ sunt in mundo; omnia enim mensurantur tempore primi mobilis hoc est tempore diurno in viginti quatuor horas distributo: Denominatio ergo à tempore intrinseco est intrinseca, ab extrinseco extrinseca.

Tempus est in prædicamento Quando.

Tempus est duplex Intrinsecum & extrinsecum.

De Vbi.

Quid sit Vbi?

Dico quartò, Vbi esse existentiam in loco: quia ad questionem Vbi respondetur per esse in loco. Dices Vbi esse presentiam in quacunque re, siue res illa habeat rationem loci siue non, Respondeo hoc esse contra impositionem huius vocis. Nam Aristoteles idcirco negat vltimum cælum esse alicubi, quia nullibi est tanquam in loco; cùm neq; extrinsecum spatium imaginarium sit locus, quia nihil est; neq; inferius cælum est locus superioris, quantumuis sit illi præsens. Sancti etiam Patres eadem in causa negant, Deum ante mundum conditum fuisse alicubi; quia tunc nullus locus erat in quo esse posset.

Explicatur
quid sit esse
in loco.

Porro explicandum est quid sit esse in loco. Dico igitur esse in loco est esse tanquam in aliquo continente immobiliter quia secundùm Aristot. locus est superficies continens immobiliter. Ex quo sequitur ad hoc vt aliquid dicatur esse in loco, non satis est, vt quocunque modo sit in aliquo, sed requiritur vt sit in illo tanquam exercente rationem loci, siue tanquam in continente immobiliter. Quare requiritur primum vt illud in quo aliquid esse dicitur tanquam in loco, sit verè aliquid non nihil; quomodo in spacio vacuo res non dicuntur esse tanquam in loco, quia vacuum cùm nihil sit, non potest exercere rationem loci. Quare quod in vacuo est nullibi est secundùm Aristot. & secundùm veritatē: quia spacio vacuum nihil est vt in eo aliquid esse possit & esse in nihilo est nullibi esse. Secundò requiritur vt illud aliquid habeat rationem continentis immobiliter: quomodo nec accidentia in subiecto sunt tanquam in loco neque anima in corpore quod informat,

neque

neque Angelus in coelo; Quanquam autem metapho-
ricè ista omnia dici possunt esse in loco; sola tamen
corpora in aliis corporibus propriè dicuntur esse in lo-
co quia sola corpora contineri immobiliter ab aliis cor-
poribus possunt. Non igitur sufficit ad hoc ut aliquid
dicatur esse in loco, quòd sit præsens realiter illi rei, a-
lioqui & accidentia essent in subiecto, tanquam in lo-
co, & Angelus esset in coelo tanquam in loco, quia est il-
li realiter præsens. Deinde ablata continentia non
magis res est præsens loco quàm locus illi, quare non
magis res esset in loco, quàm locus in re. Immobilitas
verò requiritur ad rationem loci, quia esse in loco, est esse
hic & non alibi, ac ex consequenti immobiliter: Nam
si locus moueatur, res non erit hic sed alibi.

*Immobilitas
requiritur ad
rationem rei.*

Secundò explicandum est, quid sit ista existentia in
loco? Quidam enim dicunt Vbi esse rem superaddi-
tam mobili, seu modum intrinsecum realis præsentiæ,
ratione cuius formaliter res est in spatio immobiliter.
ita ut si locus mutatur (ut in turri flante vento) res ta-
men per hunc modum est in eodem spatio, & habet i-
dem vbi, neque mutatur hic modus in re nisi res mutet
spatium. Aiunt etiam hunc modum esse terminum ad
quem motus localis. Nihil enim aliud per motum in
vacuo reale acquiritur præter hunc modum. Verùm
hæc sententia impugnari potest; Primò: quia hic mo-
dus præsentiæ si datur, non est vbi; Vbi enim est esse
in loco; at hic modus abstrahit à loco; quia conuenit
rei æquè existenti in loco, sicut non existenti in loco:
vocare verò vbi id, quod non est esse in loco, est abuti
vocibus, nisi fortè vbi improprium & imaginarium in-
telligatur. Secundò: Quia hæc præsencia in spatio,
non est res distincta à mobili, nec superaddita illi; quia

*Opiniones;
quid sit existē-
tia in loco.*

Tcccc 3

omni

omnia alia re ablata à mobili, & sola existentia mobilis in spatio posita vel intellecta, verè mobile illud erit in spatio. Nam si Deus (vbi potest) conseruet mobile sine omni re ab ipso distincta, si quidem conseruatio est actio libera Dei, quia potest rem vnam conseruare non conseruata alia, tunc mobile sufficienter intelligitur seipso præsens & coëxistens spatio, nulla re noua in ipso intellecta. Tertiò: Quia ratione huiusmodi non magis res est præsens loco, quàm locus illi; quare non magis res diceretur in loco, quàm locus in re: nam etiam locus dicit hanc præsentiam ad locatum. Quartò: Quia non solum subiectum, sed omnia eius accidentia sunt præsentia: Ergo singula haberent nouos modos reales præsentia superadditos & noua vbi. Imò & isti modi præsentia cum sint res quædam præsentia spatio, debent habere alios modos reales per quos essent præsentia: nam si illi sine alia re addita possunt esse præsentia, pari ratione alia quoque sine alia re addita possunt esse præsentia.

Alij ergo dicunt & melius, existentiam seu præsentiam in loco non esse rem superadditam mobili, sed esse existentiam ipsam mobilis applicatam illi loco. Vnde non differt ab existentia mobilis realiter. Nam vbi est existentia mobilis absolute, facit mobile existere in se, vt verò sumitur respectuè, respectu loci vel spatij, actio vel potentia existentis, denominat mobile existens in loco vel in spatio, nullà re noua addita, sed per solam indistantiam mobilis à spatio.

At obijciens, motus localis est actio quædam productiua sui termini: at si sit motus in vacuo nihil aliud reale ibi producit, nisi modus realis præsentia in spatio:

ergo,

ergo hic modus est proprius terminus motus localis, ac consequenter est Vbi. Vbi enim est terminus motus localis.

Respondeo. Si concedamus in vacuo posse fieri motum, (cuius contrarium in Physicis ostendimus) dico, motum illum fore ipsam existentiam mobilis successivam in spatio, per eumque nihil aliud acquiri, nisi existentiam mobilis in alia & alia parte spatij, quæ acquisitio non est productio alicuius rei nõ existentis, sed applicatio rei existentis ad aliam & aliã partẽ spatij actu vel potentia existentẽ. Et quamvis esse in spatio sit nova res; quia nova cõiunctio mobilis cum spatio; hæc tamẽ coniunctio non est res distincta à rebus coniunctis, & est res nova solum respectuẽ, hoc est, respectu novi loci, ad q. non est necesse vllam novã entitatem produci, sed solum cum alia coniungi. Quamvis verò in vacuo nullum sit spatium cui mobile coniungatur, tamen ex parte sua mobile ita existit, vt si crearetur spatium reale, in alia atque alia parte illius spatij existeret, quod satis est ad hoc vt se aliter habeat respectu spatij quantum est ex parte sua.

At inquires motus localis est, mutatio mobilis in spatio, omnis autem mutatio fit per receptionem vel deperditionem alicuius rei. Resp. mutationẽ esse duplicem; aliam quæ fit per receptionẽ vel deperditionẽ alicuius rei, vt cum ex calido fit frigidum; aliam quæ fit per translationem de vno loco ad alium; quod et si fiat sine vllius rei novæ productione fit tamẽ per novam rei in loco existentia. Neq. n. mobile dicitur esse in alio loco per mutationem & translationem loci ad ipsum, vt fit in turri flante vento, sed per mutationem & translationem mobilis ad locum, quia ex parte sua mobile

mutat

Mutatio est duplex.

mutat distantiam, & ex parte sua existit vbi ante nō existebat. Quæ est vera mutatio, quia est mobilis ex nō esse hīc ad esse hīc translatio. Quare nō solum mobile tunc mutatur, quando aliquid in se recipit, sed etiam cū est in alio atque alio spatio, quia fit in illo spatio sua intrinseca entitate, cū ante ibi non esset. Cū enim hæc translatio, non fiat per mutationem loci ad ipsum, necesse est fieri per mutationem mobilis ad locum. Ex quo patet motum localem non esse actionem productiuam, sed adductiuam seu applicatiuam ad locum vel spatium.

Quod si quæras, An Vbi sit denominatio extrinseca à loco? Quidam enim affirmant: quia esse in loco est contineri à loco. Alij verò negant quia licet esse in loco & contineri à loco æquipolliceant, tamen Vbi significat quasi actiue esse in loco implendo locum non passiuè contineri à loco.

*Denominatio
Vbi est formaliter intrinseca
in ordine ad
extrinsecum.*

Quare denominatio Vbi est formaliter intrinseca in ordine ad extrinsecum sumiturque ab existentia mobilis in spatio. Nam mobile contineri à nouo loco potest sine motu locali, vt turris fiante vento, quæ absolute non habet nouum vbi, solum ex eo quod non per sui translationem, sed per loci extrinsecam accessionem est in alio loco.

De Situ.

Quid sit Situs

Dico quintò. Situs est dispositio partium corporis in loco secundum quam aliquis stare, sedere, iacere dicitur.

dicitur. Ex quo quidam existimant situm non differ-
 re ab Vbi, sed esse modum quandam Vbi. Nam Vbi di-
 cit positionem corporis in loco, situs verò modum po-
 sitionis eiusdem corporis; ad idem autem prædica-
 menti genus spectat res & modus rei. Alij tamen &
 verius dicunt, situm ita differre ab Vbi, sicut figura à
 quantitate. Nam sicut figura est dispositio terminor-
 um quantitatis, & ad diuersum genus prædicamenti
 spectat, nempe ad qualitatem; est enim veluti qualitas
 quantitatis, ita situs est dispositio seu figura quædam
 partium in loco existentium, estque veluti figura quæ-
 dam ipsius Vbi. Nam sicut Vbi, dicit corpus posi-
 tum in loco, ita situs dicit figuram quandam posi-
 tionis in loco, & in ordine ad locum. Quare licet si-
 tus ut modus est, possit reduci ad Vbi, tamen quia hic
 modus habet distinctum modum denominandi rem,
 pertinet ad distinctum prædicamentum. Quod si
 quæras an situs sit denominatio intrinseca vel extrin-
 seca? Ii qui dicunt Vbi esse denominationem extrin-
 secam à loco, consequenter idem dicunt & de situ qui
 est modus quidam huius denominationis extrinsecæ:
 Nos verò dicimus & Vbi & situm esse denominationes
 intrinsecas; est enim situs figura quædam corporis
 prout existit in loco, eademque figura, ut respicit
 corpus in seipso, est figura corporis pertinens ad qua-
 litatem, ut verò est figura corporis in ordine ad locum
 seu figura positionis partium corporis in loco, perti-
 net ad prædicamentum situs. Vtroque autem modo
 figura intrinseca est corpori; quia est vna & eadem
 cum diuerso respectu. Et confirmatur: quia in vacuo
 corpus habet realem situm; dicitur enim stare, sedere,
 iacere, & tamen non habet ibi denominationem vllam
 extrin-

*An situm differ-
 rat ab Vbi.*

*Situs & Vbi
 sunt denomi-
 nationes in-
 trinsecæ.*

Vuuu

extrin-

extrinsecam realē, cū nulla talis forma realis extrinsecā detur in vacuo.

*Situm non dicitur
relationem vel
ordinem partium.*

Ex quibus patet Primò, situm non dicere relationem vel ordinem partium licet relatio & ordo conueniat partibus sic coniunctis, sed solum dicere qualitatem & figuram partium in ordine ad locum vel spatium, relatio verò illa spectat ad prædicamentum ad aliquid non ad prædicamentum situs.

*Situm non est
idem ex natura
rei cum Vbi.*

Patet secundò situm non esse idem ex natura rei cum Vbi, nec ab eo sola ratione ratiocinata distingui vt asserit Ruuius. Nam figura partium corporis differt ex natura rei ab Vbi, idque quamuis Vbi statuatur, modus quidam realis superadditus corpori; mutato enim Vbi non mutatur figura nec situs corporis; si enim corpus moueatur, mutabit Vbi, & tamen potest non mutare situm corporis; potest enim retinere eundem situm secundum corpus standi vel iacendi.

De Habitu.

Quid sit habitus?

Dico sextò Habitum esse denominationem corporis à re sibi adiacente, vt esse vestitum, & armatum est denominatio à vestibus & armis adiacentibus, quæ denominatio dicitur Habitus; quia esse vestitum vel armatum est habere vestes vel arma sibi adiacentia. Porro hanc denominationem Ruuius dicit esse intrinsecam; Fingit enim modum quēdam realem & intrinsecum resultare in corpore, ex hoc quod vestitur & armatur, quem modum dicit esse modum coāptationis actualis ad vestes & arma; siquidem homo naturaliter est aptus ad habendas vestes & arma.

*Opinio Ruuij
refellitur, dicitur
tu, denominationem.*

Verum hæc opinio displicet. Primò; Quia hic modus est mera fictio: cum quia dempta omni alia re & so-

la

la veste corpori immediatè apposita, verè corpus est vestitum; tum quia non à modo illo denominatur corpus vestitum, sed à veste: Frustra igitur talis modus ad hoc fingitur ut faciat talem denominationem, neque quisi-
piam in ea denominatione alterius rei quàm vestis rationem habet; alioquin si à modo illo corpus denominaretur vestitum, posset Deus ablata veste modum illum conseruare in corpore, cum sit realiter distinctus à veste, & sic sine veste corpus diceretur vestitum ex illo modo, supposito, quòd modus ille ponitur facere formaliter denominationem vestiti. Dices sine illo modo non esse denominationem extrinsecam à veste. Contra: ad illam denominationem, sufficit circumpositio vestis, ad circumpositionem autem non requiritur productio alicuius modi realis, alioqui nihil posset applicari alteri nisi per productionem modi realis. Deinde ex rei extrinsecæ aduentu nulla alia actione productiua interposita, non resultat vlla res in corpore. Vti hic accidit; quæ enim huius rei causa esset productiua? Denique nulli Philosophorum venit in mentem hic modus, ut vel ex hoc sit de falsitate suspectus, maxime cum sit contra illam regulam Philosophicam: Non sunt multiplicanda etia sine necessitate.

Secundò displicet, quòd has denominationes vestiti & armati ad solum hominem propriè restringit, ad alia verò animalia analogicè, quòd in solo homine sit aptitudo quædã naturalis ad vestes & arma, cum natura nō sit vestitus aut armatus. Verùm si aliqua qualitas sit cōnaturalis vni, alteri nō; nunquid eo ipso differet specie; & illi solum propriè conueniet alteri verò analogicè? Hac enim ratione calor qui naturaliter conuenit igni, & præter naturam aquæ, non esset idem specie in igne & aqua, & aqua non nisi analogicè competeret.

Vuuu 2 Dein-

Deinde videtur restringere prædicamentum habitus ad solum hominem quòd homini soli ex naturali aptitudine conveniat esse vestitum, armatum. Quod videtur gratis dictum; cum idem sit modus efficiendi & denominandi corpus per adiacentiam siue sit corpus humanum siue belluinum. Tam verè enim equus dicitur frenatus, armatus, ephippio aut veste instratus, paries incrustatus, scipio inauratus, tabula depicta coloribus impositis, & similia alia, sicut verè dicitur homo vestitus & armatus. Notandum autem est non omnes habitus rerum extrinsecarum pertinere ad hoc prædicamentum, sed tantum habitus rerum extrinsecarum corpori adiacentium.

Nam si sint res corpori, non adiacètes haberi dicuntur potius moraliter quàm Physicè, id est, non ob Physicū contactum & adiacèciam, sed propter adiacentiam quādam moralem, & ius quoddam ad rem illam, quod ius ab hominum voluntate & arbitrio & constitutione dependet, ut cum quis dicitur habere divitias, agros, oves, boves, & similia.

At obiicit Ruuius denominationem extrinsecam non posse constituere genus prædicamenti; Genus enim est quid intrinsecum rei non extrinsecum.

Respondeo etiam denominationem extrinsecam habere suum genus; potest enim accipi & in genere & in specie. Quod verò ait Aristotelem 2. Met. tex. 10. dicere habitum esse medium inter habentem & id quod habetur, Respondeo ipsum Aristotelem seipsum explicare, quòd hoc medium non intelligat modum aliquè absolutum resultantem, sed actionem habendi seu habitationem activā & passivā, quæ intelligitur esse quid medi-

medium inter habentem & id quod habetur. V. G. habitio vestis est eius adiacentia seu vestis ipsa ut adiacet corpori; Hoc enim sensu haberi dicitur, quia adiacet.

Ex quibus omnibus patet quid sentiendum sit de essentia sex ultimorum prædicamentorum: Neque enim vniuersè sunt denominationes extrinsecæ, neque vniuersè intrinsecæ, sed aliquæ intrinsecæ aliquæ extrinsecæ. Præterea & si sint res absolute à formis absolutis, includunt tamen & connotant relationes.

Singula sex prædicamenta decem formas absolutas connotando relationes.

Non igitur placet sententia Scoti dicentis illa sex genera prædicamentorum esse relationes extrinsecas aduenientes: Nam uti ostensum est, dicunt singula formas absolutas, connotatis relationibus, ita ut ratio formalis illorum per utrumque compleatur, tam per absolutum, quàm per relatiuum, nec vnum sine altero sufficiat. Agere, verbi gratia, non est solum dicere relationem ad passum, sed est formam producere & ab ea tanquam producta denominari. Accedit quod cum relatio intrinsecus & extrinsecus adueniens non distinguantur in genere relationis, sed eundem genere modum referendi subiectum ad terminum habeant, deberent poni sub genere relationis prædicamentalis: Nam etsi diuersitas quædam sit intus relationibus, ea tamen est solum accidentalis & extrinseca, non verò essentialis & intrinseca relationi: Nam relatio dicitur extrinsecus aduenire per ordinem ad suam causam ad quam consequitur non ex natura rei, sed aliquo extrinseco interposito, hic autem ordo ad causam est merè accidentalis relationi; ita ut si relatio illa intrinsecus adueniret, non haberet alium modum referendi, quàm cum extrinsecus aduenit. Et sicut qualitas ex-

Vuuu 3 trins-

trinsecus adueniens subiecto & emanans ex essentia subiecti ad idem genus qualitatis pertinent, ita & relatio.

Quod si dicas, hinc sequi sex ista genera reduci ad alia genera praedicamentorum; ut enim dicunt formas absolutas, ad absoluta reducuntur, ut verò dicunt relationem, ad genus relationis. Respondeo licet si hoc modo distribuuntur in partes, possint reduci, tamen si coniunctae sumantur, significantque absolutum sub relationibus, habent diuersos modos afficiendi & denominandi primam substantiam, idcirco distincta ab aliis praedicamentorum genera constituunt.

¶ (o) ¶



